

12

1

unde: *Spiculum Confessionis contra Inimicum*
De Divina Providentia.

Legatus Math: 4: et Math: 10.

n Nolite possidere aurum: digni
et essentim opusculum cibo Ius: et: 377.

n Item Nonne duo Babesque asse
et veniunt? et unus ex illis n' ca-

Det super terram sine Babes respo-

B: in aliquo alio Evangelio ubi de
capillo mentis fit, quod non carat.

et. i. Petri: 5: n omnem sollicitudi-
nem vestram proijcientes in eam, quo-
niam ipsi cura est de vobis.

item Philipp: 4: nihil solliciti sitis.

item Hebr: 13. sint more, sine ava-
ritia p: 4

item procerb: 11: Aspectus sollicitudinis
n peribit.

item Galn: 42. tenuisti manum dexte-

ram meam
item Luc: 10. Martha sollicita et turbata

Non vides, multa adest
sunt iusticia dei.

item Tobie 4. si ignore benedic Deum, et
pete ab eo, ut vias tuas dirigat, et omnia
conflicta tua in ipso permanebunt.

item Psal: 2. Dominus regit me, nihil
michi deerit. ~~forfan. 79. glori~~
~~heremie. 17.~~

item Psal: 18.

item Psalm: 94. v: 7. 8. 9. c.

item preprinij Psal: 104. princip: 24.

item Psal: 43. et 57.

Syrach: 11. v: 13. 14. 15.

Ioseph i. v. 5. et 9. optime
quadrans.

Plotinus lib: 2. de Providentia,
cap: 5.

2. Thesal: 3. fidelij autem Domini est, qui con-
firmabit vos, et custodiet a malo.



28 libris Amantissimi et Scholae Misenstensis.
Romae. 22. da Julij 1762.

D. VI. 73.

CLYPEVS

PATIENTIÆ,

IN AVXILIVM QVORVMCVNQVE

Afflictorum excusis, ac ingratiâ Conciona-
torum, Confessariorum, & omnium
mœstos consolantium editus.

Donatus M. Mag. Vrb.
A. R. P. F.


IACOBO CORENO,

Ordinis Minorum Regularis
Obſervantiæ,

PROVINCIAE SANCTI LVDOVICI,

Concionatore.

VENETIIS



COMPT.

cl 3 l 3 c x l i i i i.

Superiorum Permissu, & Privilegijs.

V. R. G. M. V.

1870

1871

1872

1873

1874

1875

1876

1877

APPROBATIO

Doctorum.

NOs infrascripti, Fr. PETRVS RVFFVS
Ordinis Minorum Observantium, provin-
ciæ Sancti Ludouici, Guardianus Observantiæ
Massiliensis; & Fr. PETRVS TRESCLERIVS
eiusdem Ordinis, & Diffinitor præfatæ provinciæ,
sacræ Theologiæ Professores: ex mandato Reue-
rendi Patris MATTHÆI PASSARIJ nostri
Ministri Provincialis, examinavimus hunc *Cly-
peum Patientiæ*, fabrefactum à Reuerendo Patre
IACOBO CORENO, eiusdem Provinciæ insi-
gni Theologo, & Concionatore; & in eo nihil or-
thodoxæ fidei repugnans; sed potius sanam do-
ctrinam, & selectas Sanctorum Patrum senten-
tias inuenimus. Quocirca ipsum, vt fortissimum
ac inuictissimum ad retundenda omnia impatien-
tiæ tela, typis mandari vtilissimè posse declara-
mus. In cuius rei fidem præsentem fecimus, eis-
que subscripsimus. Massiliæ in Cænobio Obser-
uantia die 24. Octobris 1622.

Fr. PETRVS TRESCLERIVS
qui supra.

Fr. PETRVS RVFFVS
qui supra.

* 3 FA

FACULTAS R. P. Prouincialis.

FR. MATTHAEVS PASSARIVS,
*Ordinis Minorum Regularis obseruantia, &
Prouincia Sancti Ludouici Minister Prouincia-
lis, Reuerendo P. Fr. IACOBO CORENO
Sacerdoti, Predicatori, ac Confessario, necnon
eiusdem Prouincia Patri, Salutem.*

Rationi consentaneum est, vt est in commu-
nem totius Ecclesiae vtilitatem, ac nostrae Sc-
raphicae Religionis decus indefessè, & strenuè la-
borare comperimus, congruis fauoribus prosequa-
mur. Idcirco, cum nobis fuerit exploratum, te ha-
bere prae manibus aliquem tractatum à te nuper e-
ditum, qui titulo *Clypeus Patientia* prae notatur,
non solum eundem cudendi, ac typis mandandi
licentiam, & facultatem tibi libenter impertimur;
verum etiam, vt hoc praestes praecipimus cum me-
rito salutaris obedientiae, certam cum relationem
habeamus ex Patrum testimonio, quibus illum
examinandum commisimus, omnibus afflictis,
imò, & diuini verbi Praedicatoribus, accurctis fi-
delibus maxime profuturum. In quorum om-
nium, & singulorum fidem has literas nostras pro-
pria manu, & officij maiori sigillo muniuimus.
Datum Massiliae 24. Octobris 1622.

FR. MATTH. PASSARIVS,
Minister Prouinc. qui supra.

AD

AD LECTOREM.

CLYPEO teētus prodire audeo, quo
protegar, & protegam. Depa-
tientia ago, quæ etiam mihi val-
dè erit necessaria ad omnia tela cavillan-
tium, & detrectantium retundenda.
Opus in publicum emitto, ni fallor, maxi-
mè necessarium, atque omnibus afflictis,
& eos consolantibus, imò quibuscunque
personis utilissimum. In duos distribui-
tur libros. In primo, quot capita, tot ferè
sunt generales modi consolandi quoscun-
que afflictos. In secundo verò, singulari-
bus singulares assignantur consolationes,
secundum diuersitatem afflictionum, &
afflictorum. Ideo ad eos præcipuè dirigi-
tur, quos magis consolatione indigere iu-
dicavi. Hoc opus, Lector humanissime,
patienter perlege, & gratanter accipe,
quod maximo cum labore, diuina opitu-
lante gratia, per tres ferè annos edidimus.

* . 4 . Et

*Et cura, vt tempestiuè eo utaris, ne tibi
contingat dicere illud; Ouid. lib. I. Trist.
eleg. 3.*

— *Clypeum post vulnera fumo.*

*Verum tractanti mihi de patientia obit-
tere potes; Vbi est patientia tua? Iob. 4.
Patientiam habe in me, & ego respondebo
tibi. Interdum quis libenter loquitur de
his, quibus caret, & quæ optaret, velu-
ti agrotus de sanitate recuperanda. Idem
mihi impatientia laboranti, & patien-
tiam suspiranti planè contigit: idem &
ipsi Tertulliano, qui ideo sic scribit, lib. de
patien. c. I. Solatium erit disputare su-
per eo, quod frui non datur, vice lan-
guentium, qui cum vacent à sanitate
de bonis eius tacere non norunt. Ita
miserrimus ego semper æger calori-
bus impatientiæ, quam non obtineo,
patientiæ sanitatem, & suspirem, &
inuocem. Hæc ille, hæc & ego, qui non
tam alijs quam mihi scribo. Vale.*


SYLLA

SYLLABVS

CAPITVM.

Capita libri Primi.



Cap. I.		<i>E Clypeo.</i>	pag. 1.
I I.		<i>Quid sit patientia.</i>	7
III.		<i>Quàm sit necessaria patientia.</i>	16
I V.		<i>Patientia in aduersis probatur.</i>	23
V.		<i>Nemo est immunis ab afflictionibus.</i>	33
VI.		<i>Plurimum nobis prosunt aduersa, atque ideo aquanimiter ferenda.</i>	43
VII.		<i>Tribulationibus erudimur.</i>	56
VIII.		<i>Afflictiones proprie iustis, & Christianis immittuntur, suntque signum dilectionis, & electionis diuinæ.</i>	65
I X.		<i>Nobiscum est Deus, cum afflictamur, ideo libenti animo patiamur.</i>	79
X.		<i>Tribulationes sunt patienter subeunda, quia à Deo immittuntur.</i>	88
X I.		<i>Conformanda est nostra voluntas diuinæ voluntati, etiam dum nobis immittit aduersa, ut patienter feramus.</i>	102
XII.		<i>In omni angustia semper ad Deum per ora-</i>	110-

Syllabus Capitulum.

- tionem est recurrendum, ut consolatio-
nem, & leuamen consequamur. 114
- XIII. In omni tribulatione plurimum iuuat inter-
cessio Beatissima Virginis Genitricis Dei
Marię. 123
- XIV. In omnibus angustijs semper est nobis Chri-
stus proponendus, pro quo sunt omnia ad-
uersa a quo animo ferenda. 135
- XV. Spe beatitudinis aeternę omnia aduersa sunt
patienter subeunda. 148
- XVI. Deuotissime prolato, & inuocato sacratissi-
mo nomine IESV, omnis dolor, omniaque
aduersa vel mitigantur, vel a quo animo
feruntur. 157
- XVII. Multum confert conscientia munda ad om-
nia aduersa patienter ferenda. 167
- XVIII. Ad omnes afflictiones, & persecutiones for-
titer subeundas magnopere prodest san-
ctissimum Eucharistię Sacramentum, si
digne sumatur. 177
- XIX. Illi sunt reuocandi in memoriam, qui multa
patienter tolerauerunt, ut illorum exem-
plo similia a quo animo feramus. 187
- XX. Ad patienter ferenda quęque aduersa pluri-
mum prodest pro illis Deo gratias agere. 200
- XXI. Ex his, quę h c inuiti patimur, haurire
etiam utilitatem, imò aeternam salutem
possumus. 209
- XXII. Meru aeternę damnationis, vel considerata
aeterna damnatorum pena, omnes huius
vię labores aq uanimitat tolerantur. 219
- Consi-

Syllabus Capituli.

- XXIII.** *Considerata huius vite breuitate, omniumque temporalium volubilitate, prospera libenter negliguntur; & aduersa, quae etiam sunt paruae durationis, patienter feruntur.* 227
- XXIV.** *Reuocanda sunt aliquando in mentem quae euenire possunt aduersa, ut cum acciderint, aequanimiter ferantur.* 236
- XXV.** *Ad patienter ferenda quaeque aduersa multum prodest recordatio nostrorum delictorum, propter quae saepe Deus nobis immittit tribulationes.* 242
- XXVI.** *Suam sortem, suumque statum quisque patienter ferat.* 252
- XXVII.** *Nihil prodest, imò plurimum obest mœrore confici.* 264
- XXVIII.** *Quibusdam respondetur quaestiunculis, quas obiectare solent, qui nihil aduersi in hoc mundo tolerare vellent.* 271

Capita libri Secundi.

Cap. I. **P**ersecutiones sunt patienter ferendae. pag. 284.

- I I.** *De conuicijs, contumelijs, & detractionibus patienter sustinendis.* 296
- II I.** *Sunt iniuriae condonanda, non vindicandae.* 311.
- I V.** *Adducuntur nonnullae aliae rationes, quarum consideratione poterit quis affectum vindictae comprimere.* 328
- V.** *Aequo animo ferenda sunt hominum temeraria*

Syllabus Capitulum.

	<i>varia iudicia .</i>	342
V I.	<i>Malorum hominum conuersatio, eorumque grauamina patienter subeunda .</i>	350
VII.	<i>Plus sibi nocent inimici iniurias inferendo, quam nobis, idcirco non dolendum, sed illis est condolendum .</i>	357
VIII.	<i>Providentia Dei ad utilitatem nostram prouenit quidquid ab inimicis patimur, ideo aquanimiter tolerandum .</i>	366
I X.	<i>Non debemus malis inuidere, ob illorum huius vite prosperitates .</i>	375
X.	<i>De patientia habenda in iactura, & damno bonorum temporalium .</i>	387
X I.	<i>Adeos, qui litibus, sine processibus exagitari, causa ceciderunt .</i>	401
XII.	<i>Ad Religiosos .</i>	407
XIII.	<i>Ad Moniales inclusas .</i>	441
XIV.	<i>Ad quoscumque pauperes .</i>	457
X V.	<i>Ad Aulicos, vel potius adeos, qui ab Aula & Curia sui Principis inuiti recesserunt .</i>	472.
XVI.	<i>Ad viduas .</i>	484
XVII.	<i>Ad coniugatos, ut mutuos defectus patienter ferant .</i>	496
XVIII.	<i>Ad pupillos, & orphanos, quibus nulla est à parentibus derelicta hereditas .</i>	506
XIX.	<i>Ad amantes, siue adeos, qui cupidineo amore ducuntur, & qui dolent, quòd simili amore non redamentur .</i>	511
XX.	<i>Ad senio confectos .</i>	522
XXI.	<i>Ad podagrosos, siue ad eos, qui articulari morbo laborant .</i>	535
	<i>Ad</i>	

Syllabus Capitum.

XXII.	<i>Ad eos qui calculo, siue lapillis & arenulis in renibus, aut vesica ingeneratis laborant.</i>	
	547	
XXIII.	<i>Ad leprosos.</i>	555
XXIV.	<i>Ad catos.</i>	563
XXV.	<i>Ad quoscumque alios infirmos.</i>	575
XXVI.	<i>Ad gementes, & flentes in hac lacrymarum valle.</i>	589
XXVII.	<i>Ad incarceratos, & ad captiuos.</i>	596
XXVIII.	<i>Ad exilio mulctatos.</i>	607
XXIX.	<i>De patientia habenda in morte filiorum, fratrum parentum, aut amicorum.</i>	618
XXX.	<i>Ad eos, qui Triremibus, aut, ut aiunt, Galera sunt adiudicari.</i>	632
XXXI.	<i>Ad eum, qui est ultimo supplicio afficiendus.</i>	
	640	
XXXII.	<i>Ad desperantes de sua salute.</i>	651

F I N I S.

IN-

INDEX RERVM

PRÆCIPVARVM,

QVÆ IN HOC OPERE

Pertractantur, ordine alphabetico digestus.

Quia vero huiusmodi opus in duos dividitur libros, prior numerus librum denotat, secundus Caput libri: littera verè partem, siue locum Capituli.

A

- A** BIGAIL quomodo Dauidem à vindicta retrahit? *lib. 2. cap. 3. G*
- Absolutionis sententiam verè ligatos soluendo, proferunt Sacerdotes nouæ legis. *2. 23. D*
- Achor quomodo interpretatur? *1. 8. E*
- Aconitum quid? *2. 19. C*
- Adam impatientia peccauit. *1. 2. F*
- Adamo peccante tribulationes sunt in mundum introductæ. *1. 25. A*
- Adagium, *In sua quisque arena*, vnde natum? *2. 22. C*
- Adolescentes quidam grauia fortiter passi sunt tormenta. *1. 19. F*
- Aduersa, quæ euenire possunt, consideranda. *1. 24.*

Index Rerum.

1. 24. A, B, C, seq.
Aduersa, quæ Deus immittit, non excedunt vires nostras. 1. 4. C, D
Aduersa non possunt euitari, sed tolerari. 1. 5. E
Aduersa plurimum profunt. 1. 6. A, B, C, seq.
Aduersa tolerantur, vel mitigantur inuocato nomine IESV. 1. 24. A, B, seq.
Aduersa cur nobis obuenant, etiam peccato per baptismum, vel pœnitentiam ablato. 1. 28. F
Aduersitas quamuis coacta, tamen patienter perpessa prodest. 1. 21. A
Aduersitates sunt veluti alæ, quibus homo à terra subleuatur. 1. 28. H
Adulator cui similis. 2. 15. H
Afflictiones quando inceperunt. 1. 3. E
Ab afflictionib. nullus immunis. 1. 5. A, B, C, seq.
Afflictus qui non est, miser est. ibid. A
Afflictus similis est viti, quæ putatur, quare? 1. 6. B
Affliguntur in hac vita, qui ad hæreditatem æternam seruantur. 1. 8. F
Agnes virgo quanta passa est annos tantum nata tredecim? 1. 19. F
Alma vnde? 2. 13. B
Amicus verus nunquam, fictus verò semper in aduersitate deserit. 2. 9. E
Amicitia signa interdum sunt leues percussiones. 1. 10. D
Amor noster ad Deum tendat. 2. 18. D, E
Amor impurus cessabit, considerata futura conditione rei amatæ. ibid. A
Amor cupidineus quomodo extinguendus? ibid. E, F, G

Amor

Index Rerum.

- Amor impurus ferè semper vertitur in odium. 1.
 ibid. G, H
 Animæ solam lepram conuenit execrari. 2. 23. D
 Animalia venenosa, & pernicioſa cur condita sunt? 1. 28. E, F
 Apes citiùs libidinosos pungunt. 2. 7. E
 Apes inter animalia iracundiſſimæ. ibid.
 Apes aculeo pungentes euiscerantur. ibid.
 Apes oleo madefactæ ferè necantur: reuiuiscunt
 verò, aceto eis superinfuſo. ibid. E
 Arena ſine calce quid à Seneca vocabatur? 2. 22. C
 Aula Principum fugienda. 2. 15. A, ſeq.
 Aula quomodo vocatur à Dauide, & à Beato Pau-
 lo? ibid. B, C
 Aula vnde dicta? ibid. H
 Aulicorum incommoda, & pericula. ibid. G, H
 Ab aula recedat, qui voluerit eſſe ſecurus. ibid. D.
 Aurum nihil æſtimatur apud quaſdam nationes.
 2. 10. C

B

- B** Afilica vnde dicta? 2. 15. F
 Beatitudo æterna ſi conſideretur, multum iu-
 uat ad omnia aduerſa patienter toleranda. 1. 15.
 A, B, C. ſeq.
 Bona temporalia vileſcunt, ſi cogitentur æterna.
 ibid. F
 Bona temporalia quomodo amanda. ibid.
 Bona temporalia fluunt. ibid.
 Bona temporalia exigui ſunt valoris. 2. 10. B
 Benedicendus Dominus, etiam dum afflictamur.
 1. 20. C, F

Cal-

Index Rerum.

C

C Alculorum cruciatus inter morbos sunt as-
perrimi. 2.22.A

Calculorū vsus apud veteres quoruplex fuerit. ibi.

Capillos quinā populi solebant refecare? 2. 13. G, H

Capilli Monialibus refecandi. ibid. H, I

Captiuitas patienter perpeffa prodest. 2. 24. G, H

Carcere omnia in hoc mundo includuntur. Ibid. A

Carcer vnde? ibid. B

Carceribus detineri sæpissimè multū prodest. ibi.

Carceribus detenti quid cogitare , & agere de-
beant. ibid. E

Carcerem multi patienter tulerunt. ibid. D, E, F

Cæcitas patienter ferenda , cur? 2. 21. C

Cæco tantū dictum est à Christo : *Quid tibi vis
faciam?* ibi. D

Cæcitas pars innocentix. ibid. B

Cæcitatem multi æquo animo tolerauerunt . ibid.
F, G, H

Cæcitas mentis quid? ibid. H

Ceruę carnes manè sumptę habent vim expellen-
di febres. 1. 18. E

Ceruus & cerua felle carent. 2. 17. B

Clypeus vnde? 1. 1. D

Clypeum eleuare iubetur Iosue, cur? ibid. B

Clypeum diligenter asseruabant Athenienses. ib. F

Clypeo utebantur Lacones loco cunarum. ibid.

Clypeus Myrtili celebratur. ibid. C

Christum tamquam leprosum reputarunt , & fu-
gerunt Iudei. 2. 23. C

Christus licet fuetit sine peccato , non fuit tamen
sine flagello. 1. 5. A

**

Christus

Index Rerum.

Christus suos tribulationibus sibi similes reddit.
1. 8. G

Christus non respuebat mori, quamvis dixerit ;
Transseat calix. 1. 11. E

Christus orando dum tristaretur, quid nos docue-
rit? 1. 12. B, C

Christus, dum afflictamur, est nobis proponen-
dus. 1. 14. A, B, C, seq.

Christus cui omnia incommoda, quæ homini ac-
cidere possunt, passus sit. ibid. D, E

Christi patientia in sustinendis iniurijs, & tor-
mentis. ibidem.

in Christo habemus unde consolemur. ibid.

Christū induere, secundū Chrysost. quid sit. ibid. F

Christus quosnam conso latur? ibid. G

Christus pro nobis nihil pati recusauit. ibid. H

Christus cur imminente passionis tempore insti-
tuit Sacramentum Eucharistiæ? 1. 18. A

Christus cur pro nobis egenus factus est? 2. 10. G

Christus qua ratione dicatur vir dolorum? 2. 22. C, D

Christus est speculum patiendi, & præmium pa-
tientis. 2. 28. B

Christianus non meritò dicitur, qui tribulationes
non patitur. 1. 8. A

Cælorum regnū venale, quo pretio emitur. 1. 15. E
in Cælum per varios casus tenditur. ibid. G

Cælibatus præminm. 2. 12. E, F, seq.

Cælibes quid præstare debeant? ibid. k

Cæsar quid nauclero pertimescenti dixerit? 1. 9. E

Coniugium est veluti nauigium. 2. 17. A

Coniugij incommoda, & anxietates. 2. 12. F, G

Coniuga-

Index Rerum.

- Coniugatorum miseriæ.** 2.17. A
Cófessione sacraméntali mitigatur tribulatio. 1.17. E
Confessione sacramentali curatur lepra spiritualis.
 2.23. D
Concordia coniugali Christus maximè delectatur.
 2.17. B
Connæ calculus. 2.22. C
Consolationes corporales fugiendæ. 2.12. P, Q
**Consolationes in clauistro quærentes quibus com-
 parentur?** ibid.
**Conscientia munda multum iuuat ad omnia ad-
 uersa ferenda.** 1.17. A, B, seq.
**Conscientia magis torquetur peccato, quam tor-
 mento.** ibid. C
Conscientia pura iuge conuiuium, quomodo? ibi. F
Conscientia bona nihil timet. ibid. F, G
Conscientia malla nullam habet requiem. ibi. B, C
Conscientia vnde dicta? 2.5. C, E
Contumelia vnde? & quomodo ferenda? 2.2. E, F
Cóuincia exéplo Christi pátienter subeūda. ib. A, B
**Corpus Christi quomodo maneat in sumentibus
 illud, & quid efficiat?** 1.18. D

D

- D**Amnati agnoscunt nunc in inferno, & faten-
 tur res huins vitæ citò præterlabi. 1.23: A
Dauid ad omnia flagella paratus. 1.6. H
Dauid in ærumna conuersus. ibid. F
Dauid se iustè à Deo castigari fatetur. 1.7. A
Dauid cur Semei sibi conuicianti pepercit? 2.4. C
**Dauid suadetur à duabus mulieribus, ne vindi-
 ctamumat, quibus vërbis?** 2.3. G, H
**Dauid omnia mala pœnæ iustè à Deo immitti ag-
 nouit;**

Index Rerum.

- nouit:& quomodo intelligantur illa verba: *Ob-*
mutui, & non aperui os meum, quoniam tu fecisti.
 1. 10. E, F, G
- Denarij numeri obseruatio, & cōmēdatio. 1. 16. F
- Dentem rodere dente quid? 2. 2. D
- Desperare nullus debet de sua salute. 2. 19. A, B,
 C, seq.
- Detractiones patienter ferendæ. 2. 2. A, B, C, seq.
- Detractores porcis similes. 2. 7. F
- Deus author patientiæ. 1. 2. F
- Deus quomodo dicatur tentare nos? 1. 4. F
- Deus quomodo dicatur patientia nostra? 1. 4. E
- Deus oībus præbet afflictionū calicē bibēdū. 1. 5. D.
 extra Deum labor, & dolor. ibid. G
- Deus puniendo protoparentes non tam Iudicis
 quàm Medici partes egit. 1. 6. D
- Deus tribus potissimum modis homines ad se at-
 trahit. 1. 6. F
- Deus quos diligit castigat. 1. 7. C
- Deus castigādo ad æternā nos erudit hæred. ibid. E
- Deus se habet erga nos, vt pater erga filios. 1. 8. F
- Deus cur iustos in hoc mundo afflictari, & exer-
 cere permittit? ibid. H
- Deus nobiscum est, cū afflictamur. 1. 9. A, B, C, seq.
- Deum creare, aut facere mala quomodo intelliga-
 tur? 1. 10. E, F, G
- Deus castigando nos se habet ad modum percu-
 tientis ianuam. ibid. H
- Deus vult omnes saluos fieri. 1. 11. C. & quomodo?
 2. 26. B, C
- Deus quomodo dicatur liberare iustos à tribula-
 tionibus. 1. 12. F
- Deus

Index Rerum.

- Deus** idcirco immittit aliquando aduersa, vt illis
cogamur ad eum recurrere. ibid.A
- Deus** nobis sufficiat. 1.26.E
- Deus** neminem vult perire. 2.29.B,C
- Deus** præcipuè curam gerit inclusorum propter
ipsum. 2.13.G
- Deus** cur homini immittit aduersa? & cur huic, si-
cut & alteri, nō impertitur bona tēporalia. 1.28.A,B
- Diabolus** author impatientiæ. 1.2.F
- Diabolus** tentauit impatientia protoparentes. ibi.
- Diabolus** malleus, quo interdum Deus suos per-
cutit electos. 1.4.D
- Diabolus** quomodo ad desperationem inducit?
2.29.A,E
- Diabolo** quid respondendum desperationem sug-
gerenti? ibid.G
- Dies** nulla transit sine tristitia, & quomodo intelli-
gatur locus ille: *Sufficit diei malitia sua.* 1.3.E
- Diues** epulo mundana prosperitate dānatus. 2.9.E
- Diuitiæ** cur spinis comparatæ. 2.10.C
- Diuitias** vomitū fortunæ vocat Diogenes, cur? ib.E
- Diuitiæ** non satiant possidentem. ibid.D
- Diuitiæ** qualiter diligendæ? ibid.F
- Diuitiæ** nimix nocent, veluti sanguis nimius, &
superflus. 2.11.D
- Diuitiarū** iactura est veluti capillorū abrasio. ib.C
- Diuitiæ** non possunt ad alium transferri, nisi alteri
cripantur. ibid.E
- Dolores**, & persecutiones, pretiosos, ac quasi con-
secratos efficiunt. quos afficiunt. 2.22.C
- Dominici** Catalusij singularis erga vxorem amor,
2.17.D

Index Rerum.

E

- E**cclēsia vtero Rebeccæ comparata, cur? 2.6. A
Electi debent exerceri, & probari pressuris :
ac percuti, veluti campana percutitur, antequam
in turrim attollatur. 1.4. D
Electi magistimēt prospera, q̃ aduersa, quare? 1.6. A
Electos Dominus ducit per aspera huius vitæ. 1b. C
Electi Dei pia agunt, & crudelia interdum pa-
tiuntur. 1.8. D
Electi veluti vuz in hoc mundo premuntur. 1b. I
Electionis signa, tribulatio. ibid. C
Elephas mure, vermiculo, ac grunntu porci per-
turbatur. 2.2. F
Elephantia si Iobum laborasse, ex Patribus qui re-
stentur. 2.23. B
Eucharistia dignè sumpta afflictos consolatur. 1.
18. A, B, C, seq.
Eucharistia dabatur olim Martyribus ad fortiter
subeunda tormenta. ibid.
Eucharistia habet vim corroborandi corpus, &
animam. ibid. B
Eucharistiæ nutriēdi vis in multis cōprobata. 1b. C
Eucharistia ingrediente in corpus nostrum, fugā-
tur dæmones ad impatientiam impellētes. 1b. E
Eucharistia idem est, quod gratiarum actio, ex
Chrysostomo; ideo Christus eam instituendo à
gratiarum actione inchoauit. 1.20. D
Exilium multis profuit. 2.25. E
Exilium multi patienter tulerunt. ibid. F. G
Exilium quid? F ibid. G
Foeminis aduocare veritum, præterquam in
causis miserorum. 1.13. A
For-

Index Rerum.

Fortuna quomodo extollat, & deiiciat?	1.10.A
Fortunæ volubilitas.	1.23.D
Beati Francisci insigne dictum.	1.15.H

G

Galli salutabant ventum flantem, qui Circius dicitur, cur? 1.6.C

B.Genouefa multis annis lepra laborauit. 2.23.A

Gratiarum actio multum contulit tribus pueris in camino ignis. 1.20.E

Gratias agere Deo pro tribulationibus maximè iuuat ad illas patienter ferēdas. ibid. A, B, C, seq.

H

Homo multis subiacet calamitatibus. 1.5.B

Homo cur folio comparatur? ibi. F

Homo in sua natiuitate suā præsentiť miseriam. ibi. B

Homini imponitur iugum à die natiuitatis suę. ibidem.

Homo debet suam conformare voluntatem diuinę voluntati. 1.11.A, B, seq.

Homo propriā sequens voluntatem vult tortuosā facere diuinam. ibid.

Homo plus potest mereri mala patiēdo, quam bona faciēdo. 1.21.H

Homines nihil tolerare vellent. 1.28.A

Homini non plus aduersitatis Deus immittit, quā ferre possit. ibid. G

Homo dum viuit, portat Crucem supra se: dum moritur, portatur crux coram se. 1.5.D

Homo tantò magis Angelis, imò ipsi deo assimilatur, quantò paucioribus est contentus. 1.26.F

Honor non læditur, dum inimicis ignoscitur. 2.3.D, E

Index Rerum:

I

- I**ehouah nomen Hebræis ineffabile, cur? 1. 16. B
Iesu nomen nunc omnibus notum, vt ab omnibus nominetur, & inuocetur. 1. 16. A
Iesu inuocato mitigantur aduersa. ibid. A, B, C, seq.
Iesu nomen qua ratione dicitur nouum. ibid. B
Iesu nomen à Paulo repetitum in suis epistolis ducenties decies nouies. ibi. C
Iesu nomen est veluti oleum effusum, quare? ibi. E
Iesu nomen ante incarnationem erat quasi vase inclusum. ibid.
Iesu nomen prolatum maximè mœstos cōfortat. ibi.
Iesu nomen fuisse Iacob releuatum ab eo in extremis vitæ suæ prolatum scribunt aliqui. ibid. D
Iesu nomen tunc cœpit inuocari, quando cœpit reuelari. ibid. F
Iesu nomen sepe, & libenter ab Augustino inuocatur. ibid.
Iesus in omni necessitate inuocandus. 2. 29. G, circa finem.
Ignoscendo impetramus, quod non bene operando perdidimus. 2. 4. D
Ignoscere inimicis non est impossibile, nec valdè difficile. ibid. G
Impatientia, omnium vitiorum origo. 1. 3. B
Impatientię author diabolus. 1. 2. B
Impio nō inuidendum, licèt prosperetur. 2. 9. C, D
Induere Christum quid? 1. 14. F
Infideles grauiam passi pro inani gloria. 1. 15. F, & lib. 2. 6. C
Inferni ignis consideratio iuuat ad labores huius vitæ patienter ferendos, 1. 22. A, & c.
Iniu-

Index Rerum.

- Iniurijs laceffitius quid præstare debeat, ut eas patienter ferat.** 2.2.B,C,D, seq.
- Iniuriæ condonandæ, non vindicandæ.** 2.3.A,B,C, seq.
- Inimicus non attendendus, sed dæmon, qui eum impellit.** 2.3.C
- Inimicis ignoscendo quis plus meretur, quàm multa alia pœnalia opera exercendo.** 2.4.B
- Inimici iniurias inferendo plus sibi nocent, quàm nobis.** 2.7.A,B,C, seq.
- Inimici cur apibus comparentur?** 2.7.E
- Inimicis utitur Deus ad purgandum nos.** 2.8.D
- Inimici non debent gloriari, si illis utatur Deus ad flagellandum nos.** ibid. E
- Inimicis persequentibus, quid cum Augustino Deo dicendum?** ibid.
- Iniustis cur Deus bona tēporalia concedit?** 2.9.G
- Insula Pathmos est figuræ quadrāgularis.** 2.25.D
- Ioannes Baptista multa pertulit incommoda in cremo, & postmodū capite truncatur.** 11.9.F
- Ioannes Baptista carcere includitur.** 2.24.D
- Ioannes Euangelista in exilium relegatus, quid vidit, & egit?** 2.26.D
- Iob fuit percussus veluti campana.** 1.4.D
- Iob qualem percussus edidit sonum?** ibid.
- Iob quot verba protulit, tot iacula in aduersarij pectore intorsit.** 1.1.E
- Iobi sterquilinum multi ut viderent, de longè veniebant.** 1.6.I
- Iob agnouit omnia mala pœnæ à Deo immitti.** 1.10.A
- Iob subleuabatur videns in se adimpleri diuinam**

Index Rerum.

- nam voluntatem. 1.11. G
- Iobum nihil magis consolabatur, quàm pura conscientia. 1.17. G
- Iob proponendus, cùm afflictamur. 1.19. B
- Iob in omnibus suis tribulationibus semper Deo gratias agebat. 1.20. C, D
- Iob plus meruit patienter ferendo bonorum suorum amissionem, quàm si illa pauperibus distribuisset. 1.21. H.
- Iob rebus prosperis non delectabatur, nec aduersis frangebatur, cur? 1.24. B
- Iob cur flagellabatur, cùm iustus esset? 1.28. C
- Iob quærit aliquando, sed nunquam conqueritur. 2.9. D
- Iob lepra exitiali fuit infectus. 2.23. B
- Iob patientia sua recuperavit duplicata. 2.10. H
- Iobi calamitas quamdiu durauit? ibid. H
- Ioseph in cisternam, & in carcerem missus, nō fuit à Deo derelictus. 1.9. A
- Iosephi quamdiu durauit aduersitas, & quamdiu prosperitas? ibid.
- Ioseph incarceratus non tristabatur, quia nullo crimine inquinabatur. 1.17. F
- Ioseph quomodo, & cur fratres suos reddidit memores peccati in eum patrati? 1.25. E
- Ioseph patienter carcerem sustinuit, magisque laudatur incarceratus, quam frumentum distribuens. 2.24. E, F, G
- Iris quomodo formatur, & quid significat? 1.8. E
- Isaias serra dissectus. 1.19. C
- Iudicia temeraria patienter possumus subire, sed non impedire. 2.5. A, seq. Iu-

Index Rerum.

Iudas impatientia sua periit.	1.25.F
Iugum unde dicitur?	1.5.C
Iurgiū & coniugiū non bene conueniunt.	2.17.D
Iusti comparantur vuæ.	1.8.I
Iusti, & iniusti quomodo se habēt in hac vita.	2.6.C
Iustis cur denegantur bona temporalia?	2.9.G

L

L Abores sunt præcipuè Christianorum.	1.8.I
Labores huius vitæ patienter feruntur, considerata damnatorum pœna.	1.22.C,D
Labores & dolores huius vitæ, sunt arcta via, quæ ducit ad vitam beatam.	2.22.D
Lacrymæ vocantur sudor animæ.	2.23.A
Lacrymæ iustis à Deo detergantur.	ibid. A,B
Lacrymæ iustorum reponuntur in conspectu Dei,	ibid. B,C
Lacrymis peccata obliterantur.	ibid. D
Lacrymarum fructus.	ibid.
Lactymæ quam ob causam fundendæ?	ibid. B,E
Lacrymarum vallis hîc mundus.	ibid. F
Lapillis candidis notandi dies faustos consuetudinis origo à Thracibus repetita.	2.22.A
Latronis boni deprecatio citò exaudita propter suam patientiam.	1.3.C
Latro bonus patienter ferens coactam crucem, paradisum lucratur.	1.21.C,D
Latro bonus nunquam petijt à cruce liberari, sicut malus.	ibid. E
Latro bonus an Martyr extitit?	ibid. F
Lazarus mendicus coactâ paupertatē patienter ferens, æternā adeptus est salutem: & vocatur à Chrysoft. cōmunis orbis Doctor.	1.21.A, & 2.9.E

Le-

Index Rerum.

Lepre morbus cur omnium maximus, & miseratione dignissimus habeatur. 2.23. A

Leproso Christus comparatur ob octo analogias. 2.23. C

Linguis nonnulla gens caret. 2.2. A

Linguam hominum nemo coercere valet. ibid. I

Litigiosi qui alias extiterint? 2.11. A

Litibus Christus voluit finem imponere. ibid. A

Lites quantum noceant? ibid. B

Lites vitandę. ibid. B

Lucerna Epicteti Philosophi quanti aestimata? 2.10. C

Lucifer primus suę sortis impatiens. 1.26. A

M

M Achabæi filij tormentorū tolerantia veluti Antistites & consecrati evaserunt. 2.22. C

Mali etiam de Deo malè loquuntur. 2.2. A

Malorum societas bonis pròdesse potest. 2.6. B

Mali in hoc mundo sunt in domo propria. ibid.

inter Malos versari, & bene operari, est eximia laus. ibid. D

Mali cur permittantur vivere in hoc mūdo? ibid. E

Mali habent à seipsis voluntatem nocendi: à Deo autem potestatem. 2.8. A

Mali quomodo serviunt bonis? ibid. A,B,C

Malis non invidendum, licèt prosperentur, 2.9. A,B,C, seq.

Maria Virgo platano, & Lunę cōparatur. 1.13. A

Marię Virginis precibus aqua in vinum conversa.

Interpretantur illa verba: *Quid mihi, & tibi est mulier?* ibid. B

Maria Virgo multum potest apud Deum. ibid.

Ma-

Index Rerum.

- Mariæ meritis, & intercessione damnati citra condignum puniuntur.** ibid. C
- Mariæ precibus nonnulli ex loco damnatorum liberati.** ibid. C, D
- Marię efficacissima intercessio.** ibid. E
- Maria Virgo multa in hoc mundo pertulit incommoda.** ibid. F
- Maria afflictis compatitur; ad illius intercessionem in tribulatione recurrendum.** ibid. F
- Maria in omni necessitate inuocanda.** 2. 29. G
- Maria dum vocabatur, respondebat: *Deo gratias.***
1. 20. B
- Maritos quo amore & reuerentia olim nonnullę prosequutę sint vxores.** 2. 18. E
- Martyres, considerata cęlesti beatitudine, tormentata fortiter tolerabant.** 1. 15. F
- Martyr censetur, qui persecutionem patitur propter iustitiam.** 2. 1. F
- Martyrem facit non pœna, sed causa.** ibid. H
- Matrimonij iugum patienter ferendum.** 2. 18. A
- Maxillam alteram percutienti præbere an teneamur?** 2. 4. E
- Melota quid?** 1. 19. D
- Melotis qui induti?** ibid.
- Mensa Solis quę?** 1. 18. F
- Mensa vnde dicta?** ibid.
- Miltiades Imperator quonam pacto milites ad pugnandum incitabat?** 1. 19. A
- de Misericordia Dei non diffidendum.** 2. 32. D, E
- Moniales debent habere faciem velatam.** 2. 13. C, D
- Moniales sunt veluti altare Dei.** ibid. E
Mo.

Index Rerum.

- Moniales** cogitare debent tantum quæ sunt Dei.
 ibid. F
- Monialium** inclusarum Deus peculiarem gerit curam. ibid. G
- Mors** omnibus certa. 29. 9. A, B
- Mors** est somnus. ibid. D, E
- Mors** peccatorum pessima. ibid. E
- Mors** parentum, vel aliorum non deflenda. 2. 29. A, B, C, D, E, seq.
- Mortē** suorum quinam fortiter tulerunt? ibidem G, H
- Mori** omnibus contingit. ibid, A
- Moriendo** pro delictis potest quis satisfacere pro delictis. 2. 31. E
- Morbi** corporis multum profunt animæ. 2. 25. A, B, C, seq.
- Morbo** lepræ multi graues homines fuerunt olim percussi. 2. 23. A
- Morbos** corporis multi patienter tulerunt. ibid. D, E, F
- Morbis** interdū nos purgat Deus. ibid. H, I, seq.
- Mulierum** clausura. 2. 13. A, B
- Mulieres** olim testudine repræsentabantur. ibid.
- Mulierum** coniugarum incommoda. ibid. E, F, & 2. 16. E
- Mulier** non est digna coniugio, quæ est digna iurgio. 2. 17. E
- Mulier** vniuiro commendatur, & transiens ad secundas nuptias non laudatur. 2. 16. F, G, H
- Muliere** nihil leuius, nihilque amarius. 2. 19. B
- Mundus** scenæ similis. 1. 23. C
- Mundus** est veluti xenodochium. 1. 28. B
- Mun-

Index Rerum.

- Mundus** iste est vallis lacrymarum. . . . 2.23. F
Mundus est communis quidam carcer. . . . 2.27. B
Mundus communis patria. . . . 2.28. A, B
Mundi exul, hæres est paradisi. . . . 2.23. B

N

- N**atura est paucis contenta. . . . 1.26. E
Noe licet inter malos versaretur, non tamen
 inquinabatur. . . . 2.6. E
Nomen Dei Saddai in manibus nostris descriptū
 quomodo, & quid significet? . . . 1.26. E
Nationes nonnullæ leprosos ad ciuitates admit-
 tunt. . . . 2.23. A
Nauigatio quomodo adiumentum leprosis affe-
 rat. . . . 2.23. D
Nuptiæ à cantu incipiunt, in luctum desinunt.
 217. A

O

- O**bedientes soli sunt liberi, quomodo? 2.12. L
Obedire Prælato, est Deo obedire. . . . ibid. M
Obedientiæ singulare exemplum. . . . ibid.
Obediendo Deus est attendendus, propter quem
 obedire debemus. . . . ibid. O
Oculi pupillam tangere, quid? . . . 2.7. C
Oculi pupilla integram hominis effigiem reddit,
 & si non reddat, quodnam augurium? . . . ibid. C
Oculi multorum malorum causa. . . . 2.21. A, B
Oculi vltimò viuunt, & primò moriuntur. . . . ibid. B
Oculus quibus conseruatur. . . . ibid.
Oculos multi sibi effoderunt, cur? . . . ibid. D
Oratio multum prodest præcipuè afflictis, illos-
 que solatur. . . . 1.12. C D
Oratio vocatur animæ Sol : ac naufragorum ta-
 bula,

Index Rerum .

- bula , quare ? ibid. E
Oratio afflictorum citius ad Deum peruenit, qua-
re ? ibid.
ab Oratione non desistendum , licet statim quis nō
exaudiat . ibid. F
Orare est quasi respirare . ibid.
Orphani Deum habent adiutorem. 2.17.A
- P
- P** Arcendo inimicis quis plurimum lucratur .
2.4.B
Passiones huius temporis non sunt condignæ ad
futuram gloriam . 1.15.H
Patientia quid ? 1.2.A,B
Patientia vera quænam sit ? ibid.C
Patientia est virtus valdè necessaria. 1. 3. A, B, C,
seq.
Patientia in aduersis probatur. 1.4. A, B, seq.
Patientia est mater fidei, ex Ambrosio . ibid.F
Patientia similis est gemmæ , quæ Alethora dici-
tur . 1.1.E
Patientia , scutum inexpugnabile, & turris firma .
ibidem .
Patientiæ domesticum exercitium est vir moro-
sus suæ vxori . 2. 17. C
Patientia omnium virtutum comes . 1.2. E
Patientia instrumentum est sustinendi , ex Tertul-
liano . ibid. G
Patientia veluti ossa, quibus corpus fulcitur , ex
Augustino . ibid.
Patientia Deo nos seruat . ibid. G
Patientia omnia vincit aduersa, & quomodo? ibi. G
Patientia possidetur anima . 1.3. C
Pa-

Index Rerum.

Patientia causa omnium bonorum.	ibid. C
Patientia citius Deus placatur.	ibid. D
Patientia, quæ reperitur in malis hominibus, non est propriè patientia, sed duritia.	1. 2. C
sine Patientia nullus Sanctus coronatur.	1. 3. F
Patientia est veluti lapis Chrysolitus.	1. 4. A
Patientia describitur à Tertuliano.	1. 2. D
Patientia vocatur præclarum instrumentum.	1. 3. D
Patientia est veluti terra fructifera, quam tribulatio arat, colit, & exercet	1. 4. E
Patientiæ effectus, ex Cypriano.	1. 3. A
Patientes qui.	1. 2. G
Patientes ligno Setim similes, quod in ignem proiec- tum non comburitur.	1. 4. E
Pati censetur propter iustitiam, qui libenti animo patitur.	2. 1. H
Patiendo pro delictis potest quis satisfacere pro delictis.	ibi E
Passioni Christi an aliquid desit, & quomodo intelligantur illa verba Apostoli: <i>Adimpleo ea, quæ desunt passioni Christi, &c.</i>	2. 3. 1. C
Patriæ cœlestis consideratione aduersa libenter tolerantur.	1. 15. A, B, seq.
Paulus tribulationibus eruditus.	1. 7. A
Paulus in nominando nomine IESV delectabatur: unde caput eius resectum IESVM protulit.	1. 16. C
Paulus tanta pertulit tormenta, ut vix numerari possint.	1. 19. H
Paulus persecutionem patiebatur in suo corpore, tamquam in alieno.	2. 1. B
Paulus persequabatur fideles, & Christus conque- rebatur.	ibi. B

Pauli

Index Rerum.

- Pauli conuersio à cæcitate inchoauit.** 2.24.A
Paulus diebus singulis moriebatur. 2.30.E
Paupertate à quibus diligimur, cognoscimus. 1.
9.E
Paupertati religiosæ quid promittitur. 2. 12. D,E
Paupertate cælum emitur. 2.14.D
Paupertas nos facit beatos. ibid.D
**Pauperes communem habent cum diuitibus sub-
stantiam.** ibid. E,F
Paupertatem coluerunt multi Gentiles. ibid. G
**Peccatum est veluti sanies, quæ tribulatione quasi
ferramento curatur.** 1.6.H
**Propter peccata sepe Deus nobis immittit aduer-
sa.** 1.25.A,B
**Peccatorum recordatio prodest ad tribulationes
patienter ferendas.** ibid.C,D
Peccatoris locus quis? 2.8.B
**Peccatores cur sepe in hoc mundo non puniun-
tur?** 1.28. D
Peccator quomodo Deum irritat. 2.9.F
Pecunia multos perdidit. 2.10.D
**Persecutionis nomine omnes labores intelligun-
tur.** 1.8.B
Persecutionem patientur piè viuere volentes . 2.
1.A
Persecutio vnde dicatur. ibi.
Persecutionem nullus sentiet, si Christo iungatur.
ibid. B
**Persecutionem patiens Deum habet compatiem-
tem, & conquerentem: sed persecutionem fa-
ciens habet demonem impellentem.** ibid.C
Persecutiones sunt veluti torcularia. ibid.C
Per-

Index Rerum.

Persecutionem patientes beati.	ibid.F
Persecutores fidelium malè perierunt.	ibi.E
Persecutiones interdum inueniuntur in claustro, nec propterea mirandum.	2.12.S
Persecutionis nomine quid intelligitur?	1.8.B
Persis cur inuisi essent leprosi.	2.23.A
Petri,& Pauli vincula quanti fecerit Chryso- stomus.	2.27.F,& 2.30.C
Peste grassante quid egerint Athenienses.	1.10.D
Podagra multi sancti & illustrissimi viri laboran- tes, quid egerint?	2.21.A,B
Podagrę remedium quod.	ibid.D,E
Podagrosi quid agere debeant.	ibi.G,H
Potentibus, & possidentibus huius sæculi non in- uidendum.	1.26.D
Predestinationis signa sunt afflictiones patienter propter Deum perpeßæ.	1.8.D,E
Prospera in hoc mundo nõ optanda, quare.	1.6.A
Prosperitas nimia nocet.	ibid.G
Prosperitas impiorum breuis.	2.9.B,C
Prosperitate in infernum nauigatur.	ibid.E
Prouidentia Dei euenit quidquid ab inimicis pa- timur.	2.8.A,B,C,seq.
Proximo nocendum, nec maledicendum, quare?	2.4.A,B
Pruritu implacabili leprosi vexantur.	2.23.C
Pueri apud Lacones à quouis castigari poterant, nec propterea eis conqueri licebat.	1.7.E
Pueri indigent pędagogo.	ibid.F
Pueris castigari nolentibus interdum similes su- mus.	ibid.
Pulchritudo quid.	2.18.D

2

Pu-

Index Rerum.

- Puniri** in hoc mundo , beneficium ; non puniri
supplicium. 1.6. A, & 1.8. E, F
- Pupillam oculi** tangere, quid? 2.7. C
- Pupilla oculi** integram effigiem hominis reddit ,
& si non reddat , quod augurium. ibid. C
- Pupilli** non dereliquuntur, sed proteguntur à Deo
2. 17. A, B, C

R

- R**eligiosis tria promittuntur à Christo. 2. 12.
A, B, C, seq.
- Religiosi** quomodo recipiant centuplum pro his,
quæ reliquerunt? ibid. A, B
- Religiosi** sedebunt cum Christo, iudicantes in vl-
timo iudicio. ibid. C, D
- Religiosis** vitanda mulierum consortia. ibid. H, I
- Religiosi** non debēt in Aula Principū manere. ib. I
- Religiosi** semper vsi sunt hoc salutandi modo :
Deo gratias. 1. 20. B
- Remigantes** Christus intuetur. 2. 27. D
- à Remo ad tribunal**, de quibus dicebatur. ibid. E
- Renes** sunt radices concupiscentiæ. 2. 22. D
- Res** huius vitæ fluxæ sunt, mutæque obnoxia,
cur? 1. 23. E
- Retaliare** quomodo Iudæis permissum? 2. 4. E
- Rex Regum**, & Dominus dominantium, cur Deus
dicatur? 2. 16. B
- Romani** Deum Romæ tutelarem nominare nefas
ducebant, cur? 1. 16. A
- Rubus** in quo Dominus apparuit , Pharaonem, &
Aegyptios populum Dei diuexantes designa-
bat, quomodo? ibid.
- Rubus**, tribulationis hieroglyphicum. ibid.
- Sa-

Index Rerum.

S

Sacerdotes legis antiquæ leprā nō curabant, sed de sanitate leprosi sententiā ferebant. 2.23. D

Sancti veteris Testamenti quāta passi sunt? 1.19. D

Sancti cur gaudebant in medio tormentorum?

1.17. B, C

Sanctis suis cur in specie leprosi sæpe apparere

Christus dignatus est? 2.23. D

Sanitas quomodo ab antiquis vocitata? 2.22. A

Sapiens est contentus se, quomodo intelligatur?

1.26. E

Saphirus habet vim eripiendi à carcere. 2.24. D

Senectutis incommoda. 2.19. A, B C

Senex unde? ibid. B

Senes capulares qui? ibid.

erga Senes quomodo se habebant quædam nationes? ibid. C

Senectus nemini est exprobranda, cur? ibid. D

à Sene senatus, & senator, quare? ibid. D

Senectus optanda, cur? ibid. E

Senectus ut grata sit, quid præstandum? ibid. H

Silentium maximè necessarium ad convicia patienter ferenda. 2.2. B

Socrates quomodo contumelias patienter ferebat? ibid. G

Solitudo multis fuit gratissima. 2.23. B

Sors est sua cuique ferenda. 1.16. A, B, C, seq.

Sanctus Stephanus quid præstitit, dum lapidaretur? 2.4. C

Stephani Monachi insignis patientia. 2.4. D

Symeon senex Christum Dominū benedixit: esse unum de viginti quatuor senioribus de quibus Ioan-

Index Rerum.

Ioannes in Apocalypsi, probabile est. 2.20. F, G
Superbi lepra puniri solebant. 2.23. C

T

- T** Alionis lex quomodo Iudeis permissa? 2.4. E
Terra cur dicitur omnium mater? 1.5. C
Tobias tribulationibus probatur. 1.8. D
Tobiæ patientia. 1.19. B
Tribulationes nō possunt in hac vita euitari. 1.5. D
Tribulatio est veluti ferramentum contra diaboli
tentamentum. 1.6. H
Tribulatio patienter perpeſſa veniam parit pecca-
torum. ibid. G
Tribulatis adest Dominus. 1.6. I
Tribulationibus erudimur. 1.7. A, B, C, seq.
Tribulationibus vitur Deus veluti pædago-
gid. F
Tribulatio aperit mentis oculos. 1.7. B
Tribulationes sunt signum prædestinationis. 1.8.
A, B, C, seq.
Tribulatio est veluti virga aurea Regis Assueri.
ibid. E
Tribulationes à Deo immittuntur. 1.10. A, B, C
Tribulationum alia est, quæ nos inuenit; alia,
quam inuenimus. 1.12. A
Tribulationis tempore ad Deum maxime recur-
rendum. 1.12. A, B, C, seq.
Tribulationis tempore B. Virgo inuocanda. 1.13. F
Tribulationis tempore Christus est proponendus.
1.14. A, B, C, seq.
Tribulationes quando cessabunt? 1.28. H
Triremibus adiudicati quomodo se gerere debeāt?
2.30. A, B, C, seq.

Tri-

Index Rerum.

- T**ristitia duplex. 1.27. A
Tristitia, quæ prodest, & quæ non prodest? ibidē
A, B, C, seq.
ad Tristitiam quænam concurrunt? ibid.
Tristitia cur detur homini? ibid. A
Tristari, vel non tristari, in nostra est potestate,
quomodo? 1.27. B, C.
Tympanum, quod genus tormenti? 1.19. C

V

- V**eniam dare, iucundum. 2.4. C
Verba consolatoria sunt veluti linteamina. 2.26. A
Vidua unde dicta? 2.16. A
Viduorum lacrymæ ascendunt ad cælum. ibid.
Viduorum cur Deus dicatur Iudex? illas protegit,
& solatur. ibid. B, C
Viduitas commendatur, ibid. D
Vinculo matrimonij quanta debeatur reuerentia. 2.17. E
Vincula Pauli quanti æstimata? 2.24. E, & 2.30. C
Vindicta Deo reservatur. 2.3. A
Vindicta citò fiet, licet tardè fieri videatur. ibid. B
Vindicta delectari pusilli animi est. ibid. D
ad Vindictam properat, qui proximum lædit, nisi
satisfaciat. ibid. H, I
de Vindicta nullus curabit, si suos cogiter defe-
ctus, quos tolerari desiderat. 2.4. A
Vindicta non sumenda ob varias rationes. ibid.
A, B, C, seq.
Vindictam multi infideles sumere noluerunt. ibi-
dem F
Vinum, lætitie symbolum. 1.13. C
Vi-

Index Rerum.

- Vinum** propinabatur mœrentibus. ibid.
Vir probus non potest impiorum calumnijs lædi.
2.7. F
Vir qualiter se debeat habere erga vxorem. 2.17. B
Vitę huius breuitatis consideratio magnoperę pro-
dest ad omnia aduersa patienter ferenda. 1. 13.
A, B, C, seq.
Vita præsens torrenti similis, quomodo? 1. 23. F
Vita præsens ob suam breuitatē vocatur dies vnus
vapor, bulla. 1.23. A
ex Vitę præsentis breuitate quid boni colligant,
quid mali? ibid. F
Voluntas Dei semper recta. 1.11. A
Voluntas humana si diuinę voluntati non confor-
metur, semper erit tortuosa. ibid.
Voluntas hominis est potentia cæca. ibid. B
Voluntatis proprię resignationis singulare exem-
plum. ibid. C, D
Voluntas nostra omnibus euentibus accommo-
danda. ibid. F

FINIS INDICIS.

r

CLYPEVS

PATIENTIÆ.



De Clypeo. Cap. I.

A  STENDIT cœlestis sponsus , quænam repa-
riantur arma in suo forta-
litio, siue in Ecclesia, qui-
bus filij huius militantis
Ecclesiæ muniantur : ait
enim in Canticis *Cap. 4.*
Mille clypei pendent ex ea.

omnis armatura fortium . Alludere videtur spon-
sus ad morem quorundam Regum & Principum,
qui, vt refert Rabbi Selemoch *in Cant.* solebant,
olim suspendere ex aliqua eminenti turri scuta ,
clypeos , pharetras, iacula , & alia diuersa bellica
instrumenta, vt terrorem inimicis incuterent .

Notandum est, quod licet milites diuersis armis
se munire soleant, sagittis quibus transfigant, lan-
ceis quibus confodiant, malleis quibus contun-
dant: veruntamen in ista turri Ecclesiæ exhibentur
tantum clypei, & ij sunt omnis armatura fortium,
quia fideles qui sub hoc nomine *fortium* intelli-

A

gun-

guntur, non debent in hac vita, quam Iob militiam vocat, armari sagittis, gladijs aut lanceis, quibus feriant, lacerent, iugulent, confodiant: sed duntaxat clypeis, quibus se protegant: licet eis habere quo se defendant, non quo offendant.

I B Ex mille igitur illis clypeis ex turri, & fortalio Ecclesiæ pendentibus vnum mihi assumendum putaui, clypeum scilicet patientiæ, quem ideo expono, vt opponatur; exhibeo, vt habeatur; erigo, vt videatur; afferro, vt feratur. Iussit olim Dominus Iosue, vt leuaret clypeum, quem habebat præ manibus; *Leua*, inquit, *clypeum, qui in manu tua est*: Iosue 8. vt nimirum ad eius conspectum confidentius & alacrius totus præliaretur exercitus. Hunc locum Iosue explanans Lyranus, ait iuxta mentem Hebræorum, huiusmodi clypeum fuisse positum in hasta aliqua oblonga, vt ab omnibus cerneretur. Sicut igitur necesse fuit hunc eleuare clypeum, vt illo viso fortiter milites dimicarent: sic vt omnes Christiani milites animarentur ad quascunque perferendas aduersitates, ad omnem tolerandam iniuriam, atque ad quoslibet subeundos labores, erigēdus erat iste patientiæ clypeus.

Olim milites illi ignominiosè passim notabantur, qui plus salutis & spei in clypeo, quàm in gladio posuissent: vt testis est Pierius *Lib. 42. hierogl.* qui refert Scipionem cuidam militi qui clypeum elegantius ornauerat, dixisse: Non miror, quod clypeum tanta ornaris cura, in quo plus præsidij statuas, quàm in gladio. Contrà verò nos Christiani maiori laude, ampliorique merito digni erimus, si plus præsidij in hoc patientiæ clypeo, quàm
in

in gladio, hoc est, in vindicta, & in querula mur-
muratione, statuamus. Magni est igitur faciendus
iste clypeus.

C Celebrabatur quondam apud Græcos Myr-
tili clypeus, ex quo Alciatus suum duxit Emblema
cuius hic est titulus; *Auxilium nunquam deficiens.*
Embl. 161. Is autem Myrtilus fuit ingentis animi
miles clypeo pugnare solitus, qui cùm ad mariti-
mam expeditionem nauigasset, submersa naui, suo
innixus clypeo in tutum portum delatus est. Vnde
apud Poetam sic iste Mirtylus: *Leonides.*

Effugi geminum clypeo discrimen in uno,

Cùm premererque solo, cùm premererque salo.

Fuit ergo illi suus clypeus auxilium nunquam de-
ficiens. Sed quis magis auxilians clypeus, quàm
patientia? Hæc enim tum in mari, tum in terra,
in omnibus denique periculis semper nos prote-
git, estque ad omnem dolorem remedium. Vnde
Publius: Cuiusvis doloris remedium est patientia.
Publ. Min.

Hoc clypeo tectus atque munitus Iob non solū
tentamenta queque facile repulit, sed etiam ad pri-
stinum, imò ad opulentiorum statum peruenit.
Vnde de illo Tertullianus: *Lib. de patient. c. 14.*
Ille, inquit, operarius victoriæ Dei reclusis omni-
bus iaculis tentationum, lorica, clypeoque patien-
tiæ & integritatem mox corporis à Deo recupera-
uit, & quæ amiserat reduplicata possedit.

D Clypeum autem plerique volunt, vt notat
Sosi pater, dici a κλέπειν, quod clepat & celet to-
tum corpus: vel secundum Plinium clypeus quasi
γλύπτης dicitur, id est, sculptus, eo quod in clypeis

A 2 scul-

sculpebantur imagines. Scuris, ait ille, qualibus apud Troiam pugnatum est, continebantur imagines, vnde & nomen habuerunt clypeorum. *Lib. 35. c. 3.* In hoc patientiæ clypeo habes ipsum Christum representatum, habes multos sanctos depictos. Illorum igitur exemplo faciliè poteris re omnium tribulationum iaculis opponere; ideo sæpe reuocanda sunt in memoriam eorum gesta, ac potissimum incredibilis illorum patientia in sustinendis quibuscunque calamitatibus; vnde Gregorius: *in quad. hom.* Facta, inquit, præcedentium patrum consideremus, & non erunt graua quæ toleramus.) Teucrum ferunt sub septemplici fratris scuto latuisse, & sic multa pericula euasisse: at qui sub hoc vno patiētiæ clypeo latuerit, maiora euadet.

E Dicunt nonnulli Aprū habere vnum latus ita fortissimū, vt vix possit quacunq; hasta, vel gladio perfodi; quod quidem latus propter huiusmodi duritiem vocatur clypeus Apri. Hoc cum naturali quodam instinctu cognoscat Aper, solet hanc corporis partem cæteris fortiolem venatorum iaculis objicere. Patiētia cū sit fortissima virtus, debet quibuscūq; afflictionib. opponi: nā, teste Poeta, *Lu. l. 9.*

Gaudet patientia duris.

Vnde huiusmodi virtus cuidam gemmæ, quæ Altorā dicitur, ab Alberto magno comparatur, quam si quis secum deferat, inuictus efficitur in certamine. Ita, si qui clypeo patientiæ sunt muniti, nullo modo vinci poterunt, sed ab omnibus hostium telis inuulnerabiles efficientur; ferientur quidem, sed non læduntur; oppugnabuntur, non expugnabuntur; impellentur, sed non labentur.

Idcirco

Idcirco Diuus Chrysostomus *Hom. 33. in 2. ad Cor.* vocat patientiam scutum inexpugnabile, ac turrim firmissimam. (Patientia, inquit, scutum est inexpugnabile, & turris firma omnia mala repellens) Ad hanc turrim se recepit Iob, quamuis in sterquilinio constitueretur, illoque, vt diximus, se munivit scuto: licet enim ibi multæ illum obsiderent calamitates, victor tamen semper euasit, quia prudenter suo proprio ore, veluti bombardæ usus est, aliquas emittente voces tanquam globos existentes quibus inimici, mundus scilicet, & Satan repulsi aufugerunt. Ecce globi; *Dominus dedit, Dominus abstulit, &c. sit nomen Domini benedictum. Iob. 1.* Ideo nõ immeritò Diuus Gregorius *In mor.* voces huius sancti viri iacula appellat. (Beatus Iob, inquit, quot voces patientiæ in laudem Dei percussus reddidit, quasi tot in aduersarij pectore iacula intorsit, & acriora multo q̃ sustinuit, infixit.)

Similis tibi sese offert turris, simileque scutum siue clypeus, similem habes bombardam, emittes, similes globos, similia contorque iacula, & simile reportabis victoriam. Ad hoc nos adhortans idem Gregorius, ait: (Clypeus verò in manu est, & defendit: quia virtus patientiæ, præcedente nos gratia, & in potestate est arbitrij, & à periculo protegit aduersitatis.)

Milites inter Athenienses, vt testis est Plutarchus, diligenter curabant ne clypeum amitterent vel defererent. Itaque illis è prælio reuertentibus, suumque clypeum deferentibus, ense licet amisso, omnes congratulabantur, ac statim eodem clypeo tanquam diademate supra caput imposito,

A 3. ma-

maximo cum iúbilo coronabantur. Ad quam consuetudinem alludere videtur Dauid, *Psal. 5.* dum ait: *Domine vt scuto bona voluntatis tuæ coronasti nos.* Haud dubiè coronaberis & tu patientiæ laurea, ac maxima cum iubilatione ab omnibus cælicolis recipieris, si in huiusce vitæ militia hunc patientiæ clypeum non amittas.

G Olim in Laconia, teste Nonno, *Dion. l. 41.* infantes recenter nati collocabantur in clypeo vice cunarum. Quin & Hercules apud Theocritum, *Eidyll. 24.* positus est in scuto, itidemque Iphiclus ab Alcmena parente.

Cum ambos lauisset, & lacte repleuisset, posuit super scutum aureum.

Ea ceremonia præsignabatur hominem ad bellū, ad labores, & ad huius vitæ discrimina, & tela nasci, eumque ad illa propulsanda clypeo indigere patientiæ.

In ventilabris, vel cribris etiam infantes dormituri apud aliquos deponebantur: ibique agitabantur, vti de Ioue scribit Callimachus in *Iouis hymno*, in auspiciū, vt volunt nonnulli, futuræ opulentiae, vel fortè futuræ purgationis; debent enim homines etiam de nouo venientes in hanc lucem, & in ea commorantes, atque ab ea recedentes, purgari. Vnde Ioannes Baptista Christum describit habere *ventilabrum in manu*, *Matt. 3.* ad permundandam aream suam, & ad congregandum triticū suum in horreum. Vel ideo in ventilabris exposcebantur, ad significandum, hominem ita parum consolationis toto vitæ suæ curriculo exhausturū, sicut aquæ cribro, aut ventilabro, vel ad denotandum,

dum, hominem tot esse calamitatum, & miserationum telis transfigendum, quot sunt in ventilabro & cribro foramina, imò multò pluribus nisi hoc patientiæ clypeo, & scuto muniatur. Et ne quis hæc parum aliena existimet, recordetur Cicero- nem scuta, & cribra aliquando iunxisse, dum sic scribit: Quasi verò quidquam intersit, scuta, an cri- bra mures corroserint.

Quid sit patientia. Cap. II.

AD ESIDERANTI mihi omnes afflictos clypeo patientiæ muniri, quid in primis sit ista patientia, de qua agere intendimus, quærendū est.

Patientia, secundum Cicero- pem 1. *Rhetor.* est virtus, contumeliarum & omnis aduersitatis impe- tus æquaminiter portans, vel secundum eundem, 2. *de Inuent.* Patientia est vtilitatis, siue honestatis causa, rerum arduarum, ac difficilium volun- taria ac diuturna perpassio.

Ex D. uo Augustino *Lib. de patient. cap. 2. tom. 4. tractat. de fide.* Patientia est virtus, qua mala equo animo toleramus.

Secundum D. Hieronymum; Patientia est om- nium iniuriarum & passionum tolerantia, quam si quis habuerit, bona omnia in se continet.

Diuus Thomas 2. 2. *qu. 136. art. 1.* asserit, pa- tientiam esse virtutem, qua bonum rationis con- seruatur contra tristitiam, ne scilicet ratio tristitiæ succumbat.

Iuxta Mantuanum; *Lib. 1. de pat. c. 31.* Patientia est habitus in appetitu irascibili, qui non ad im-

pugnandum ea quæ concupiscibilem offendunt, & sensui nocent, sed æquo animo tolerandum inclinatur. Ipsius namque irascibilis flammam extinguit, rabiem sedat, furorem emollit; fiet autem in nobis hic habitus, si aduersa mitissimè, & sine resistentia frequenter feramus.

Scotus docet fortitudinem esse genus, sub quo duæ species collocantur: vna, qua aduersa repellendo certamus, & vocatur bellicositas: altera, qua æquanimiter ferimus, & patientia dicitur.

Non intendo autem hic loqui de illa patientia, quam antiqui Philosophi pro leui quadam captâ, da hominum gloria, se sectari profitebantur: quia, vt optimè aduertit Cyprianus, *Serm. de patientia*. Tam in illis erat falsa patientia, quàm & falsa sapientia. Vnde enim vel sapiens esse, vel patiens possit, qui nec sapientiam, nec patientiam Dei nouit?

B. Cum igitur non essent veri sapientes, nec erant etiam veri patientes, quia non sapiebant secundum Deum, nec patiebantur secundum Deum, vel pro Deo; idcirco à Deo reprobata est illorum sapientia, testante Propheta; *Perdam sapientiam sapientium, & prudentiam prudentium reprobabo. Isai. 29*. Ita sanè reprobata est illorum patientia: nam, ait idem Doctor, (si sapientia illic vera non est, esse non potest nec & vera patientia.) *Ibidem* Quod probat hoc modo. (Si patiens, inquit, ille est, qui humilis, & mitis est: Philosophos autem nec humiles videmus esse, nec mites, sed sibi multum placentes, apparet non esse illic veram patientiam, vbi sit insolens affectatæ libertatis audacia, & exerti ac seminudi pectoris inuerecunda iactantia.)

stantia.) Hac de causa falsam ac probrosam vocat Tertullianus, *Lib. de patient. cap. 16.* illorum & sibi similium patientiam.

Interdum tamen aliqua illorum infidelium patientiæ exempla passim afferemus, ut inde discamus quid nobis pro Deo immortali, ac gloria æterna æquanimitè ferendum sit, cum tanta, tamque ardua ipsi pro inani gloria, & ut aliquandiu in ore hominum versarentur, patienter perpassi sint.

Nec de illa patientia, quæ etiam in impijs ad aliqua patranda facinora reperitur, tractare cupio; de quibus impijs sic idem Tertullianus, *Ibidem*. (Tanti boni nomen fœdis operationibus occupant: patientes ritualium, diuitum & inuitatorum, impatientes solius Dei viuunt.) Hoc est, in his quæ Dei sunt, impatientes sunt, libenter ea ferendo quæ contra Deum sunt.

Ideo mala vocatur illa patientia, ob quam Apostolus ironica quadam locutione ac sugillatione increpabat Corinthios, *cap. 13.* dicens: *libenter suffertis insipientes*, &c. ac si diceret. Sunt quidam Pseudo Apostoli, vos ad falsa dogmata trahentes, quos omnino explodere satius esset, quam illos, & ea quibus vos afficiunt incommoda patienter ferre. Non est igitur bona, sed mala illa patientia, qua illos sustinetis, & de qua, hæc verba Pauli explanans Bernardus, ait: (Magna est virtus patientiæ, sed interdum impatientem esse probius est.) Etenim laudabile quidem est in iniurijs proprijs patientem esse; at verò iniurias Dei sustinere nimis impium est.

C Talem autem patientiam suos docet diabolus,

lus, vt notat Tertullianus, ibidem. (In hoc , inquit, Domino æmulatur diabolus, docuit, & suos patientiam propriam.) Quæ quidem nullam aliam præter æternam damnationem habebit mercedē; ideo subiungit Doctor: (quam patientia subter ignis expectat.) Id est, manet ignis inferni eos omnes qui non pro Christo, sed potius pro diabolo aliqua patiuntur incommoda; qui ideo à Diuo Augustino martyres diaboli vocitantur.

Non vult etiam idem Augustinus *Lib. de patient. cap. 5.* tolerantiam impiorum in malis patrandis, vel in acquirenda humana gloria, vocari patientiam, sed potius duritiam; sic enim loquitur: (In illis autem, qui mala sustinent, vt mala faciant, nec miranda, nec laudanda patientia, quæ nulla est; sed miranda duritia.) Vnde talem patientiam Gerson. *Super Cant. Mariæ tract. 8.* meritò vocat asinam patientiam: (Cum ergo, inquit idem Aug. *lib. de patient. cap. 6.* videris quemquam patienter aliquid pati, noli continuò laudare patientiam, quam non ostendit, nisi causa patiendi. Quando illa bona est, tunc ista vera est.

Nostra igitur mens est de vera, ac propria loqui patientia. Illa autem est vera patientia, qua propter Deum omnia toleramus aduersa, quæ nobis accidunt, vel pro diuinorum mandatorum obseruatione, vel propter eorundem transgressionem, aut propter aliquam causam Deo notam: id est, ille habet veram patientiam, qui aliquid aduersi patitur, ne aliquod mandatum, ad quod tenetur, transgrediatur; vel si transgressus fuerit, patienter tolerat illam, quæ sibi iniungitur, vel immittitur,

tur, pœnam: aut si nullum commisit peccatum, patienter fert aduersa, quæ permittente Deo, illi, accidunt: vel qui suum corpus propter Deum ieiunijs, & alijs macerationibus afflictar. Vnde Diuus Augustinus *lib. de patient. cap. 5.* (Patientes, inquit, propriè dicuntur, qui malunt mala non committendo ferrè, quàm non ferendo committere.) Et secundum Gregorium: *in moral.* (Ille verè patiens est, qui aduersitatibus atteritur, & tamen à rectitudine non curuatur.)

D Martyrès, verbi gratia, veram habuerunt patientiam, vereque patientes extitere, dum pro fide Christi, quam confiteri tenebantur, multa sustinuerunt tormenta. Bonus latro, quamuis in cruce debitam pro peccatis suis exolueret pœnā, vere fuit patiens, quia & Christum inuocauit, illumque confessus est, suam semper agnoscens culpam, ob quam meritò se pati fatebatur, ut alibi dicemus. Iob nullum patrauerat peccatum, propter quod mereretur tantas perferre ærumnas, nouerat Deus, cur hæc omnia ei euenirèt: sciens igitur iste sanctus illa omnia sibi accidere Deo nihil iniuste permittente, libenter, & æquo animo illa voluit tolerare, atque ita veram habuit patientiam, vereque extitit patiens. Denique sancti Dei Confessores similiter veram obtinuerunt patientiam, quod suam carnem propter Deum abstinentia, aut alijs afflictationibus macerarunt.

Qualis sit autem patientia, aut qualis debeat esse qui ea munitus est, & quo habitu dignoscatur, disertè adnotat Tertullianus, *Lib. de patient. cap. 15.* sic illius describens effigiē: (tam, inquit effigiem,

giem, habitumque patientiæ comprehendamus: Vultus illi tranquillus & placidus, frons pura, nulla mœroris, aut iræ rugositate contracta: remissa æquè in lætissimi modum supercilia, oculis humilitate, non infœlicitate deiectis, os taciturnitatis honore signatum, color qualis securis & innoxijs, motus frequens capitis in diabolum, & minax risus.) Sic se habet, & ita se gerit, qui hac virtute est præmunitus.

E Vis adhuc scire, quid sit patientia? Est Dei alumna, ac comes indiuidua Spiritus sancti, quia illum vbique comitatur. Hoc non à me ipso dico, sed ab eodem Tertulliano, *Ibidem*, disco: (Vbi Deus, ait, *ibidem* & alumna eius, patientia scilicet. Cùm ergo Spiritus Dei descendit, indiuidua patientia comitatur eum.) Iunge te comitanti, vt ei quem comitatur iungaris. Si vis Dei gaudere præsentia, noli carere eius alumna patientia, quæ ita eum comitatur, vt idem Doctor audeat hunc locum Deuteronomij sic explicare; *Vindictam mihi, & ego vindicabo. cap. 32.* Id est, inquit ille, Patientiam mihi, & ego patientiam remunerabo. Hæc ita intelligenda censeo, vt scilicet in omnibus aduersis patientiam propter Deum habeamus, omnia pro ipso libenter sustinendo, & ipse hanc nostram remunerabit patientiam. Ideo regius Propheta sic suam hortabatur animam; *Verumtamen Deo subiecta esto anima mea: quoniam ab ipso patientia mea. Psal. 61.* quasi dicat. Ita volo Deo meo subijci, vt quidquid mihi aduersi acciderit, illud libenter pro ipso patiar, sperans, quòd non solum *ab ipso patientia mea*, sup. proueniet: sed etiam
quod

quod *ab ipso patientia mea*, sup. remunerabitur. Propterea alio in loco vocat Deum patientiā suā: *Tu es, inquit, patientia mea Domine. Psal. 70.* Id est, tu es causa patientiæ meæ. Item tu es causa remunerationis quam acquiro propter patientiam meā, vel tu es remuneratio patientiæ meæ. Vnde Diuus Augustinus: *Lib. de patient.* (Virtus animi, quæ patientia dicitur, tam magnum donum Dei est, vt & ipsius qui eam nobis largitur patientia prædicetur.)

F Vitium autem oppositum patientiæ, est impatientia, quæ est defectus debitæ tolerantiae, propter quam aliquis desistit à meliori bono; & tunc est peccatum mortale, quando propter dolores seu labores, afflictiones & tristitias prorumpit in murmurationes, aut blasphemias, vel in alia vitia, contra charitatem, siue dilectionem Dei, aut proximi, iniuriando, conuiciando, detrahendo, aut aliquid simile faciendo. vel omittendo, quod ad necessitatem salutis pertinet. Audi quomodo quibusdam loquebatur D. Cyprianus, *Traët. 1. contra Demetr.* (Apud vos, inquit, impatientia clamorosa semper & querula est: apud nos fortis & religiosa patientia, quieta semper, & semper in Deum grata est, nec quicquam istinc lætum, aut prosperum sibi vendicat, sed mitis & lenis, & contra omnes fluctuantis mundi turbines stabilis diuinæ pollicitationis tempus expectat.) Non est autem contra rationem patientiæ, cum tormenta inferuntur, voces emittere, plangere & clamare: hæc enim naturalia sunt, sicut lacrymas emittere, dummodo illa immoderatè nō fiant. Porro, sicut Deus
est

est author patiētiae, ita diabolus author impatientiæ. Deum autem esse authorem patientiæ affirmat idem Cyprianus, *Serm. de patientia*. (Origo, ait, & magnitudo patientiæ Deo authore procedit.) Impatientiam verò à Dæmone inchoasse asserit Tertullianus, *lib. de patient. cap. 5.* (Sicut, inquit, patiētia in Deo, ita aduersaria eius in aduersario nostro nata atque comperta est. Igitur natales impatientiæ in ipso diabolo deprehendo.)

Ostendit idem Doctor *Ibidem*. Dæmonem per impatientiam, simul & per malitiam protoparentes tentasse, illosque pariter non tantum per impatientiam peccasse, sed etiam primum illorum peccatum impatientiam exitisse affirmat; ait enim. (Quod crimen ante istud impatientiæ admissum homini imputatur? Innocens erat, & Deo amicus, & paradisi colonus. At ubi semel succidit impatientiæ, Deo desinit sapere, desinit cælestia sustinere posse. Exinde homo terre datus, & ab oculis Dei eiectus facile usurpari ab impatientia cœpit in omne quod Deum offenderet.) Recessit igitur homo à Deo suo per impatientiam, accedat ad eum per patientiam.

Vnde meritò Diuus Ambrosius. *Lib. 1. Epist. 4.* patientiam matrem fidelium appellat. Nam, si famescat puer, recurrit ad suam matrem: si ab aliquo percutiatur, si lædatur, si doleat, statim ad matrem se recipit: in tuto se putat si in gremio matris existat, à qua defenditur, & fouetur. Ita, si aliqua quis tristitia teneatur, aut iniuria afficiatur, vel aliquo morbo laboret, aut fame & paupertate prematur, ad patientiā, tanquam ad communem ma-

matrē recurrat, quæ illū consolabitur, fouebitque.

G Ad illam Iob toto prorsus corpore tabidus & putridus, & à planta pedis, vsque ad verticem capitis sædo vlcere confectus se recepit: & quamuis saniem testa radere cogeretur, sederetque in sterquilinio, ac amicorum, propriæque vxoris conuiijs valde exasperatus esset, nullum tamen impatientiæ signum dedit, quia in sinu matris patientiæ fouebatur, & ab ea protegebatur. Similiter fecerunt Moyses, Tobias, Dauid, alijque quā plurimi, vel dum aliquo affligerentur morbo, vel iniurijs & persecutione afficerentur, aut alia calamitate premerentur. Hæc enim mater est, quæ nos ad ipsam recurrētes, patri nostro Deo reddet, Diuo testante Cypriano, *Lib. de patient.* (Patientia est, inquit, quæ nos Deo & commendat & seruat.)

Vocatur etiam patientia à Tertulliano, *Lib. de patient. cap. 15.* instrumentum sustinendi. (Solutus, inquit, sustinere non poterit carens instrumento sustinendi.) Sicut enim corpus humanum iam grauescente ætate, atque ad senium omnino perductum sustentari ac baculo fulciri necesse est: ita anima humana, ærumnis & calamitatibus pressa, in desperationem, ac ruinam laberetur, nisi instrumento isto patientiæ sustineretur.

Hac de causa etiam Diuus Augustinus. *In Psal. 33.* vocat patientiam, ossa. (Patientia, inquit, quæ est in fide, ossa sunt interiora.) Nam sicut non potest sine ossibus corpus sustentari, ita nec homo sine patientia: imò verò charitas ipsa, quæ, vt Apostolus ait, *omnia suffert, omnia sustinet*, nihil penitus sufferre ac sustinere posset sine patientia, quam
idcir-

Idcirco aliqui vocant charitatis dorsum, cui charitas innixa, omnia libenter suffert. Vnde Cassiod. (Patientia, inquit, omnia vincit aduersa, non coluctando, sed superferendo.) cui competit illud Virgilianum.

Superanda omnis fortuna ferendo est.

Quàm igitur sit ista patientia necessaria, capitulo sequenti demonstrabitur.

Quàm sit necessaria patientia. Cap. III.

A Q Vamuis omnibus omnes sint virtutes necessariae, specialiter tamen & præcipue de patientia ab Apostolo dictum est: *Patientia vobis necessaria est, ut voluntatem Dei facientes reporteris promissionem. Heb. 10.* Hoc est, ut finem ad quem conditi estis, reporteris. & ad vitam perueniatis æternam, maximè vobis est patientia necessaria. Tot enim difficultatibus, & tentationibus vita Christiana referta est, ut nisi clypeo patientiæ homo se muniat, nullo modo possit sibi coronam gloriæ comparare. Ideo optimè Cyprianus *Lib. de bon. pat. Neque accipi potest, ait, dolorum & passionis corona, nisi præcedat in dolore & passione patientia.*

Antisthenes dicere solebat, nulla alia re opus habere, nisi robore Socratico. Socrates autem ad omnium rerum patientiam obduruerat, ut testis est Laertius. *Lib. 6. c. 1.* Ego autem dico, nos opus habere non Socratica, sed Christiana patientia, quia per illam fit homo perfectus. *Patientia opus perfectum habet. Iacob. 1.* ait Apostolus, id est patientia hominem perfectum ostendit: vel, patientia

tia alia bona opera & virtutes perficit . Vnde Ter-
tullianus *Lib. de pat. c. 15.* asserit patientiam omni-
bus hominis actibus & Dei mandatis interuenire
& intermisceri: *Patientia* inquit *fidem munit* , *pacē*
gubernat . *dilectionem adiuuat* . *humilitatem instruit*
pœnitentiam expectat . *exomologesim adsignat* . *carne*
regit . *spiritum seruat* . *linguam framat* . *manum con-*
tinet . *temptationes inculcat* . *scandala pellit* . *martyria*
consummat . *pauperē consolatur* . *diuitem temperat* .
infirmum non extendit . *valentem non consumit* . *fi-*
delem delectat . *Gentilem inuitat* . *seruum Domino* .
Dominum Deo commendat . *foeminam exornat* . *vi-*
rum approbat . *amatur in puero* . *laudatur in iuvene* .
suspicitur in sene . *in omni sexu* . *in omni atate formo-*
sa est . Videas quæso . quàm sit necessaria illa virtus
quæ tanta producit bona .

B Idem Doctor *in l. de pat. c. 11.* etiã docet, nullã
esse perfectã virtutē quæ nõ habeat comitē patiētiã
probatq; in oĩbus beatitudinib. quas Christus apud
Matt. c. 5. enuenerat, patiētiã quoq; intelligendam
esse. Quos, inquit, *foelices Dominus, nisi patiētes nũ-*
cupauit? & explanãs illa verba Pauli, *Charitas pa-*
tiēs est. *1. Cor. 13* ostendit thesaurum charitatis di-
sciplina patientiæ contineri: Cuius, ait, *nisi patiētiæ*
disciplinis charitas eruditur? *Charitas oĩa suffert, oĩa*
sustinet, vtiq; quia patiēs est Hinc Prud. in *psychom.*

Omibus vna comes virtutibus associatur,

Auxiliumque suum fortis patientia miscet :

Virtus nã vidua est quam non patientia format .

Sicut ad humanam vitam sustentandam panis est
necessarius, vt vnã cum cæteris cibis comedatur ,
qui quidem cibi sunt vt plurimum absque pane

B infi-

insipidi: ita ad spiritualem vitam conseruandam necessaria est patientia, quæ cæterarum virtutum socia sit & comes. Sicut enim si comeditis carnes, pisces, fructus, aut similia huiusmodi, adiungitur panis: sic si ieiunatis, si eleemosynam largimini, aut bonum aliquod præstatis, semper adhibenda est patientia, vt omnia rectè & completè fiant.

Sicut autem patientia omnibus ferè miscetur virtutibus, nec vix aliqua sine ipsa reperiri potest; ita nullum est vitium cui non misceatur impatientia. Quare quis in superbiam erigitur? quia non vult pati humiliationem. Quare irascitur? quia non vult sustinere iniurias. Cur furatur, aut auaritiæ incumbit? quia non vult tolerare pauperiem, & inopiam. Cur fit luxuriosus? quia non sustinet tentamenta carnis, ideo finit se citò vinci titillationibus carnalibus. Quare inuidet bonis alterius? quia impatienter fert eius prosperitatem. Quare gulosus? quia non vult pati famem. Quare denique fit quis desidiosus? quia nullum vult ferre laborem. Tolle ergo impatientiam, tolletur, & omne vitium: adsit patientia, aderit omnis virtus. Audi Tertullianum: *Lib. de patient. cap. 6.* *Matrix*, inquit, *impatientia in omne delictum diffundens de suo fonte varias criminum venas. Omne peccatum impatientia adscribendum, malum est impatientia boni: nemo impudicus, non impatiens pudicitia, & improbus probitatis: & impius pietatis: & inquietus quietis, &c.*

CItem, da patientem, & erit homo: da impatientem, & non erit homo, quod ex illis verbis Christi colligitur: *In patientia vestra possidebitis animas*

ve-

vestras. Luc. 21. Vnde sic argumentari licebit. Qui non possidet animam, non est homo: Sed qui non habet patientiam non possidet animam; Ergo qui non habet patientiam non est homo: id est, non viuit vt homo, quia irrationabiliter viuit, multa quæ non sunt rationi consentanea, operando. *Idco, ait Diuus Gregorius, Hom. 15. in Euang. Per patientiam possidemus animas nostras, quia dñ nobis ipsis dominari discimus, hoc ipsum incipimus possidere quod sumus, &c.* Sumus autem rationales: in hoc igitur possidemus nos ipsos, quod secundum rationē gubernamur, gubernaculo scilicet patiētiae.

Itaq; patiens possidet animam, quia secundum rationem mediante patientia degit, & agit. Impatiens verò animā amittit, quia rationē amittit, dum furore ductus, absq. ratione esse videtur, iuxta illud, *Quid perdis animam tuam in furore tuo? Iob 18.* &c. Ad hoc necessaria est hominibus patientia, vt verē & propriē homines sint, & possideant, quod sunt. Dico vno verbo, quod sine virtute patientiæ tu non es tui.

D Chrysostomus *Ho. 33. in 1 ad Cor.* vocat patiētiā, causam omnium bonorum. *Patientia, inquit, est omnium bonorum causa, & vniuersa philosophia raddix* Quod quidem verum esse ipsa experientia docet. Certum est quod sine patientia, bona ipsa temporalia consequi non possumus. Quanti subeundi sunt labores mercatori, vt ex sua mercatura aliquid lucretur? quanti militibus? quantique agricolis, vt ditescant? *Ecce, inquit Apostolus, agricola expectat pretiosum fructum terræ, patienter ferens, donec accipiat temporaneum & sero: inñ. Iac. 5.*

B 2 Tolle

Tolle ab eis tolerantiam, tolle patientiam, nunquā diuitias acquirant. Similiter qui literatus euadere cupit, necesse est legat, vigilet, studeat. Qui bona etiam spiritualia obtinere contendit, oportet ut laboret, oret, meditetur, & alia maximi laboris opera exerceat cū spe futuri præmij suæ patiētiae: quia, inquit Sapiens, *Vsq̃ue ad tempus sustinebit patiens, & postea erit redditio iucunditatis illius. Eccl. 1.*

D Requiritur etiam patientia, quia per eam citò Deus placatur; nostrasque citò exaudit orationes. Vnde Isidorus: *Lib. 1. Sol. c. 4. Qui aduersa patienter tolerat Deum sibi citius placat.* Citò exaudita est deprecatio pij latronis in cruce pendentis, eo quod patienter illa tormenta perferebat, ut alibi dicemus; & sicut Christus exauditus est pro sua reuerentia: ita latro ille exauditus est pro sua patientia. Tertullianus, qui sigillatim bona patientiæ enarrare sumpterat, istud omittere noluit: *Patientia, inquit, preces commendat; hac aures Christi Dei aperit, seueritatem dispergit. clementiam elicit. Lib. de patient. c. 13. &c.* De hac virtute sic Sapiens. *Patientia, inquit, lenietur princeps. Prou. 25.*

Vide igitur quo valeas Deum in te iratum placare, quod cū sit patientia, hanc compara, cōserua, hac utere: patere tu, ut tibi compatiatur Deus. Aequum est etiam, ut ille patienter ferat aliorum in se peccamina, qui sua cupit a Deo exaudiri precamina. Patienter Deus tuas audiet orationes, si tu patienter feras tribulationes.

Valeat etiam plurimū patientia ad regna ipsa cōseruanda; ideo Cœlius vocat illam *præclarum instrumentū ad tutelā regni. Lib. 21. lect. ant. c. 28.*

Pro-

Propterea multos Reges, etiam inter infideles, hæc fuisse præmunitos legimus. Ex illis multis vnum referam Antigonom, qui aliquibus eum non videntibus, & tamen de illo omnia excipiente malè loquentibus comiter & sedatè: Abite, inquit, longius ne obloquentes fortè obaudiat Rex.

E Adeò est ista virtus necessaria, vt sine ipsa nec vnam diem nobis transigere liceat. *Non licet nobis*, inquit Tertullianus *Lib. de pat. cap. 12. vna die sine patientia manere*. Ratio est quia vix præterit vna dies sine aliqua animi, aut corporis molestia, & anxietate. Hoc autem sic se habere, ostendit Christus his verbis; *Sufficit diei malitia sua. Matth. 6.* Per malitiam intelligit tristitiam, aut vexationem, vt exponit Diuus Hieronymus. Cum igitur vnaquæque dies nobis afferat aliquam mœstitiam, ad illam perferendam nobis opus est patientia: & sic, cum singulis diebus nobis aliquid triste accidat, singulis quoq; diebus indigemus patientia. Vnde Cyprianus *Lib. de bono pat. Ad varia carnis incommoda, & crebros corporis durosque cruciatus*, quibus humanum genus quotidie fatigatur, patientia necessaria est. &c. Quando autem inceperunt isti cruciatus & afflictiones in homine? dum incepit ira Dei in hominem. Quando incepit ira Dei in hominem? dum cœpit homo peccare in Deum. Quando cœpit homo peccare in Deum? dum, vt supra diximus, desuit esse patiens. Audi Tertullianum, *Lib. de pat. cap. 5. Hinc prima iudicij, vnde delicti origo: hinc Deus irasci exorsus, vnde offendere homo inductus: inde in Deo prima patientia, vnde indignatio prima, &c.*

B 3 Ita-



Itaque, si nulla in homine fuisset iniquitas, nulla ei nocuisset aduersitas : sed quia propter peccata ei eueniunt aduersa, ideo ut ea tolerare valeat, indiget patientia. Hoc optimè obseruauit Diuus Cyprianus, *Serm. de bono patient. Vi manifestius, inquit, & plenius possit nosci, quàm sit utilis & necessaria patientia, Dei cogitetur sententia, quam Adam præcepti immemor, & data legis transgressor accepit. Tunc sciemus, quàm patientes in isto seculo esse debemus, qui sic nascimur, ut pressuris istis & conflictationibus laboremus.* &c.

Post peccatum sunt nostræ ærumnæ multiplicandæ : quod enim vni, omnibus quoq; à Deo dictum est; *Multiplicabo ærumnas tuas. Gen. 3.* Ad quid igitur recurrendum est in tanta ærumnarum multiplicatione? ad patientiam, ut aliquam suauitatem habeat vita nostra tot calamitatibus plena. Grande enim malū esset si hæc ferre nō possemus. Hoc animaduertit vnus ex septem Sapiētibus, nimirum Bion. qui referente Laertio dicere solebat : Magnum malum est non posse ferre malum, absq; hoc enim nulli potest esse vita suaui. At per patientiam omnia sunt nobis leuia, quæ graui videbantur, nullumque est malum, quod patiendo non feramus. Vnde Euripides apud Ciceronem sic affatur : *Nec fors, nec ira, nec tam inuietum malum, quod non natura hominis patiendū ferat.* Cui congruit quod ab alio Poeta dicitur : *Oul. l. 1. de 1^o amo.*

Posse pati facile est, tibi ni patientia desit.

Vide quàm sit necessaria patientia, cū sine ipsa nullus sanctorum coronatus fuerit. Fuit semper in Ecclesia pressura, ob quam tolerandam requireba-

tur

tur patientia ; vnde Hieronymus, in quadam epist.
Quis inquit, sanctorum sine patientia coronatus ? à cunabulis enim Ecclesia non defuit iniquitas premēs, & iustitia patiens. Et magnus ille Gregorius. *Hō. 7. lib. 1. in Ezechiel. Nemo sanctorum, ait, ad calestem gloriam, nisi patientiam seruando peruenit.* Sicut autem requiritur patientia, vt toleretur aduersitas: ita requiritur aduersitas, vt probetur patientia, vt sequenti capitulo dicetur.

Patientia in aduersis probatur & manifestatur.

Caput IV.]

Sicut stellæ non lucent in die, sed in nocte: & sicut *stellas*, ait Augustinus *In Psal. 93. non extinguit nox*: ita vera patientia non in prosperis, sed apparet in aduersis, à quibus non debet extinguī; vt quod de lucerna dicitur, de tua patientia enuncietur, non extinguetur in nocte aduersitatis patientia: indecorum enim esset illam aduersis obtenebrescere quibus deberet clarescere.

Et patientia veluti lapis Chrysoprasus, quem secundum Isidorum lux celat, & prodit obscuritas, lucet enim & splendet nocte, in medio tenebrarum; diurno verò tempore expallescit & micare cessat. Sic non lucet, nec apparet patientia durante die, vel tempore prosperitatis: in tenebris autem aduersitatis splendet, ac dignoscitur. Vnde Gregorius: *Vera fortitudo non ostenditur tempore pacis, neque etiam tempore prosperitatis patientia.* Prosperitatem autem similem esse luci, & aduersitatem tenebris indicat Diuus Augustinus *in Psal.*

138. his verbis: *In hac mortalitate vita humane habent homines lucem, habent tenebras: lucem prosperitatem, tenebras aduersitatem; sed ubi venerit Christus, & donauerit patientiam, incipit homo fidelis indifferenter in mundo isto nec extolli, quando res prosperè accidunt, nec frangi, quando aduersa sunt, &c.* Tantò plus apparet patientia, quantò maior insurgit aduersitas, ac tantò plus occultatur prosperis, quantò minus homo agitur aduersis. Vis itaque videri? opta vexari. Vis approbari? quære probari. Desideras victoriam? sustine pugnam. Nam teste Chrysostomo, *Hom. 3. ad pop. Nisi tentatio, nec corona: nisi certamina, nec præmia: nisi studia, nec honores: nisi tribulatio, nec remissio, nisi hyems, nec æstas.*

B Non possunt aromata suã expandere fragrantiam, nisi conterantur, vel in ignem cõijciantur, ita nõ potest quis dare odorẽ patientiæ, nisi angustietur, incommodisque afficiatur. Hæc similitudo est Sancti Gregorij, *Lib. 1. mor. Sicut, inquit, aromata non nisi cum incenduntur fragrantia expandunt: ita sancti viri omne quod virtutibus redolet in tribulationibus innotescunt, &c.* Idem Doctor asserit electos aduersitate proficere, pressurisque crescere, ac flatu persecutionum roborari; ait enim: *Electorum desideria, dum premuntur aduersitate, proficiunt. Sicut ignis flatu premitur, vt crescat, & unde quasi extingui cernitur, inde roboratur, &c.*

Demetrius apud Senecam *Ep. 86.* vitam securã sine vllis fortunæ incursionibus mare mortuum vocabat. Non potest nautarum solertia apparere, nisi aduersis flâtibz vêtis, intumescente mari, ac
peri-

periclitante naui. Et nisi præcedat pugna, non potest esse victoria: ita, non potest quis suæ patientiæ periculum facere, nisi accedant aduersa. Audi Cyprianum, *Lib. de mortalitate*. Gubernator, inquit, in tempestate dignoscitur: in acie miles probatur; delicata iactatio est cum periculum non est, conflictatio in aduersis probatio est virtutis: arbor quæ alta radice fundata est. ventis incumbens non mouetur, & naus quæ forti compage solida est. pulsatur fluctibus, sed non foratur: & quando arbor fruges terit, ventos grana fortia conieciunt & manent: palea autem flatu portante rapiuntur, &c.

Noli tu impatientia tua fieri arundo, aut palea: omni vento afflictionis agitata; nā arūdo parue & brevis est durationis: ex palea aut fimus. aut fumus quia vel putredine, vel cōbustione consumitur: sed esto veluti arbor firmissimè radicata, nullis cedens tempestatibus: non tua aduersitatibus debilitetur patientia, sed manifestetur. Est item veluti granum purū excussa palea in horreum Christi congregandū. Dictum est enim: *Triticū autem congregate in horreum meum. Matth. 13*. Vis ergo fieri vnus ex electis? esto vnū ex isto tritico granū: nam, inquit August. *In Ps. 47. Non cadet vnum granum tritici in acerum palea comburendum, nec vna arista palea transiet ad messem in horreo recondendam, &c.*

C Recordare quanta opus est, vt granum frumenti patiat, priusquam panis efficiatur. Audi vnum ex istis granis, Beatum scilicet Ignatiū: *Fruementum Christi sum, dentibus bestiarum molar, vt panis mundus inueniar*. Vt igitur frumentum illud Christi probaretur, necesse fuit, vt bestiarum den-

dentibus contereretur . Non poteris tu similiter probari, nisi tribulationibus conteraris Vnde Cyprianus *Tract. 1. contra Demetrianum*. Per ipsa, inquit, quæ nos cruciant, & fatigant, probari & corroborari nos scimus, & confidimus, &c.

Refert Gregorius Nazianzenus finxisse antiquos aliquam arborem, quæ excisa magis germinabat, & contra ferrum decertabat. *Arbor quædam*, inquit, (*Orat. cum reuerteretur ex agro.*) est fabulosa, quæ excisa magis germinat; & contra ferrum decertat, & si quid mirabilius in re mirabiliori dicere oportet, morie vivit, & abscissa pullulat, nec non consumpta augetur. Quis nisi patientia munitus huic arbori meritò comparatur? Afflictatur morbo, expoliatur bonis, iniurijs afficitur, persecutionibus agitur, videtur mortuus propter quotidiana flagella & ærumnas; veruntamen, quia fortiter hæc omnia tolerat, Deus illum conseruat illæsum ac vegetum; talis erat, qui clamabat: *Quasi morientes, & ecce vivimus. 1. Cor 6.*

Turpe exitum ait Seneca. *lib. de consolatione ca. 6.* si gubernator naus cedat fluctibus maris, aut vela propter ventorum impetum demittat, vel clauum ingruente tempestate deserat *Turpis est*, inquit, *nauigij rector*, cui gubernacula fluctus eripuit, qui fluctantia vela deseruit, permisit tempeitati nauem: at ille vel in naufragio laudandus, quem obruit mare clauum tenentem & obnixum, &c. Potest tamē aliquando contingere, vt tanta insurgat tempestas, vt cogat etiam pericissimū nauclerum omnia illa desecere: verū nulla vnquā nobis eueniunt aduersa quæ Dei gratia tolerare non possimus, cum, teste

Apo-

Apostolo, 1. Cor. 10. *Fidelis sit Deus, qui non patietur nos tentari supra id quod possumus, sed faciet etiā cum tentatione prouentum, ut possimus sustinere.*

D Pulchra similitudine iumentorum, & vasorum figuli hanc Apostoli sententiam declarat S. Ephrē. *Trac. de pat. Si enim, inquit, homines suis iumentis non plus oneris imponunt, quā ferre queant, multò minùs hominibus plus tentationum aut afflictionum imponet Deus, quā ferre possint.* Rursum; Si figulus vasa sua igne excoquit eousque, dum itē coquantur, nec antē ea eximit, ne minùs cocta & solida sint, nec rursus vlteriùs ea finit in igne, ne adurantur, fiantque inutilia. Multò magis idem faciet Deus, ut igne tentationum eousque nos coquat, dum percoquat, & perficiat; vlteriùs verò tentatione aduri & consumi nos non sinet. Vult quidem ut aduersitatibus probemur, sed non obruamur: vult ut nostra patientia appareat, sed non pereat.

Tempore Diui Cypriani, magna contra ciuitatem Carthaginensem, cuius ipse erat Episcopus, infidelium persecutio insurrexerat, absens cum esset iste Sanctus, hæc ad clerum & ad plebē illius ciuitatis scripsit: *Persecutio ista, inquit, examinatio est atque exploratio pectoris nostri, excuti nos Deus vult & probari sicut semper suos probauit, nec tameneius auxilium in tentationibus defuit, &c, Ep 8.* Nonne satius est, ut probemur, quā reprobemur?

Videtur Deus se habere in hoc mundo, sicut ille artifex, qui campanam confecit, quam cum perfecerit, priusquam illam in excelsum, ac in turrin attollat, solet eam malleo ferreo pulsare,

ut

vt hoc pacto probet an sana & integra sit, vel si bonum sonum edat. Ita antequam Dominus eleuet in cœlum aliquem electum, consuevit eum laboribus & afflictionibus percutere, vt probet firma sit eius patientia, & qualem edat sonum, aut qualem emittat vocem. Pulsauit olim Iob, vt ipsemet testatur: *Manus Domini tetigit me. Iob. 19.* Et quo malleo? Diabolo, qui à Ieremia vocatur *malleus vniuersæ terræ Ierem. 5c.* Sed audi sonum istius campanæ: *Dominus dedit, Dominus abstulit, &c. sit nomen Domini benedictum.* Benedicenda est hæc campana, quæ tam benedictum edit sonum. Percipiebatur iste sonus, de quo sic Apostolus: *Sufferentiam Iob audistis. Iac. 5.* Et nō audiretur nisi Iob percuteretur, nec vnquam eleuaretur in cœlum, nisi talem edidisset sonum. Quid de sono huius sancti viri dicat Augustinus, in *Psal 97.* audiamus. *Quomodo sonuit, quàm suauem sonum dedit? Adhuc tunditur datus in potestatem diaboli, vt & caro eius percuteretur. Percussit eum à capite vsque ad pedes graui vulnere, & putrescens vermibus sedebat in stercore. Audiuimus quemadmodū tunsus est, audiamus quomodo sonet. Si bona suscepimus de manu Domini, mala non sustinebimus? O sonum fortem! o sonum dulcem! o quem non dormientem excitet sonus iste!*

E In vniuersitatibus literarijs, priusquàm aliquis ad gradum aliquem, verbi gratia, Baccalaureatus, promoueatur, necesse est probetur & examinetur. Quod si omnibus quæ ei proponuntur difficultatibus satisfecerit, omniaq; soluerit argumenta, tunc admittitur & approbatur. Sic antequam quis ad aliquem gradum beatitudinis æternæ perueniat,

ueniat, oportet vexationibus, multisque probetur afflictionibus. Sic fuit probatus idem Iob, qui de se ipso loquens ait: *Probauit me Deus, quasi aurum quod per ignem transiit. Iob. 23.* Sic Tobias, cap. 3. cuius filij vxor ita Deum alloquebatur: *hoc pro certo habet omnis, qui te colit, quod vita eius, si in probatione fuerit coronabitur.* Vt igitur quis laureā illam cœlestis doctoratus adipiscatur, decet illū laboribus, & angustijs probari: & vt more Academico loquar, oportet respondeat *pro tentatiua*; necesse est, inquam, tentetur, vt coronetur; probetur, vt approbetur; pressuris afficiatur, vt gaudijs reficiatur. De iustis sic Sapiens: *Deus, inquit, tentauit eos, & inuenit eos dignos se. Sap. 3.* Vtinam sic probetur nostra patientia, vt gaudeat diuina præsentia.

Sed dices; cū Deus sciat, quid sit in homine, & abscondita cordis agnoscat, quid est opus, vt probet, antequā approbet? Non probat Deus, vt sciat & cognoscat, sed vt scire & cognoscere faciat. Sciebat Abrahæ obedientiam antequam illū tentaret: sciebat Iobi & Tobiae patientiam antequam vexarentur; sed ideo tentati ac probati fuere, vt nobis constaret illorum obedientia & patientia, & sciamus, quod optimo iure aliquos recipit & alios reijcit: dictum est ab Angelo Tobiae cap. 12. *Quia acceptus eras Deo, necesse fuit vt tentatio probaret te.* Quasi diceret, debuit tua patientia in aduersis tentari & probari, & sic manifestari, vt omnes cognoscerent Deum ob id te acceptasse. Non enim hominibus manifestaretur, nisi tentationibus probaretur. Hinc Poeta, *Ouid. libro quarto Trist.*

Qua

vt hoc pacto probet an sana & integra sit, vel si bonum sonum edat. Ita antequam Dominus eleuet in cœlum aliquem electum, consuevit eum laboribus & afflictionibus percutere, vt probet firma sit eius patientia, & qualem edat sonum, aut qualem emittat vocem. Pulsauit olim Iob, vt ipsemet testatur: *Manus Domini tetigit me. Iob. 19.* Et quo malleo? Diabolo. qui à Ieremia vocatur *malleus vniuersæ terre Ierem. 50.* Sed audi sonum istius campanæ: *Dominus dedit, Dominus abstulit, &c. sit nomen Domini benedictum.* Benedicenda est hæc campana, quæ tam benedictum edit sonum. Percipiebatur iste sonus, de quo sic Apostolus: *Sufferentiam Iob audistis. Iac. 5.* Et nō audiretur nisi Iob percuteretur, nec vnquam eleuaretur in cœlum, nisi talem edidisset sonum. Quid de sono huius sancti viri dicat Augustinus, in *Psal 97.* audiamus. *Quomodo sonuit, quàm suauem sonum dedit? Adhuc iunditur datus in potestatem diaboli, vt & caro eius percuteretur. Percussit eum à capite vsque ad pedes graui vulnere, & putrescens vermibus sedebat in stercore. Audiuimus quemadmodū tunsus est, audiamus quomodo sonet. Si bona suscepimus de manu Domini, mala non sustinebimus? O sonum fortem! o sonum dulcem! o quem non dormientem excitet sonus iste!*

E In vniuersitatibus literarijs, priusquàm aliquis ad gradum aliquem, verbi gratia, Baccalaureatus, promoueatur, necesse est probetur & examinetur. Quod si omnibus quæ ei proponuntur difficultatibus satisfecerit, omniaq; soluerit argumenta, tunc admittitur & approbatur. Sic antequam quis ad aliquem gradum beatitudinis æternæ perueniat,

ueniat, oportet vexationibus, multisque probetur afflictionibus. Sic fuit probatus idem Iob, qui de se ipso loquens ait: *Probaui me Deus, quasi aurum quod per ignem transit. Iob. 23.* Sic Tobias, cap. 3. cuius filij vxor ita Deum alloquebatur: *hoc pro certo habet omnis, qui te colit, quod vita eius, si in probatione fuerit coronabitur.* Vt igitur quis laureā illam cœlestis doctoratus adipiscatur, decet illū laboribus, & angustijs probari: & vt more Academico loquar, oportet respondeat *pro tentatiua*; necesse est, inquam, tentetur, vt coronetur; probetur, vt approbetur; pressuris afficiatur, vt gaudijs reficiatur. De iustis sic Sapiens: *Deus, inquit, tentauit eos, & inuenit eos dignos se. Sap. 3.* Vtinam sic probetur nostra patientia, vt gaudeat diuina præsentia.

Sed dices; cum Deus sciat, quid sit in homine, & abscondita cordis agnoscat, quid est opus, vt probet, antequā approbet? Non probat Deus, vt sciat & cognoscat, sed vt scire & cognoscere faciat. Sciebat Abrahæ obedientiam antequam illū tentaret: sciebat Iobi & Tobiae patientiam antequam vexarentur; sed ideo tentati ac probati fuere, vt nobis constaret illorum obedientia & patientia, & sciamus, quod optimo iure aliquos recipit & alios reijcit: dictum est ab Angelo Tobiae cap. 12. *Quia acceptus eras Deo, necesse fuit vt tentatio probaret te.* Quasi diceret, debuit tua patientia in aduersis tentari & probari, & sic manifestari, vt omnes cognoscerent Deum ob id te acceptasse. Non enim hominibus manifestaretur, nisi tentationibus probaretur. Hinc Poeta, *Ouid. libro quarto Trist.*

Quæ

*Qua latet inque bonis cessat non cognita rebus;
 Apparet virtus, arguiturque malis:
 Scilicet aduersis probitas exercita rebus,
 Tristi materiam tempore laudis habet.*

Hugo Cardinalis explanans verba illa Pauli; *Tribulatio patientiam operatur*; Rom. 5. asserit Apostolum hic innuere patientiam esse veluti terram fructiferam, quam tribulatio operatur, id est, arat, colit & exercet, ut fructum ferat meritorum, eo sensu, quo Adam dicitur positus in paradiso, ut operaretur & custodiret illum. Gen. 2. Sicut igitur non potest aliqua terra bonum fructum producere, nisi sarculo, aratro, aliove instrumento excolatur; ita non poterit patientia, siue vir patiens ferre aliquem fructum meritorium, nisi aduersitatibus & tribulationibus proberetur. Tunc autem illi conuenire potest illud Christi: *Fructum affert in patientia.* Luc 8. Quia, ut notat Chrysostomus. *Hom. 3 ad pop.* *Necessaria est pluuia glacies, ut vernans exurgat spica*: sic necessaria sunt aduersa, ut appareat patientia.

Dolebat Iulius Cæsar mortuo Pompeio, eius aduersario, atque suspirantem hæc dixisse fertur: Doleo, quod non habeo de cetero cum quo belligerẽ. Optabat etiam noua bella: clausas potius quærebat portas, quàm patentes: non ut ciuis, sed ut bellator incedere volebat; ideo gratior sibi erat recusata, quàm concessa via; vnde de eo Lucanius, lib. 11.

— *Non tam portas intrare patentes*

*Quàm fecisse iuuat, nec tam patiente colono
 Arua premi, quàm si ferro populetur & igni,
 Concessu pudet ire via, cinemque videri.*

Hoc

G Hoc desiderabat, ut eius animi dexteritas probaretur, corporisq; fortitudo manifestaretur, atque ita breuissima quadam humana laude afficeretur. Noli tu optare, ut tibi ad votum omnia succedant, sed illud desidera, quo tua exerceatur, ac tandem coronetur patientia. Illud autem est aduersitas, hanc, si non aduenerit, cupias: si superuenerit, sustineas. Aut Senecam, *Lib. de provident.* (Auida est, inquit, periculi virtus, & quotendit, non quid passura sit cogitat. Militares viri gloriantur vulneribus. Calamitas virtutis occasio est. Ignis autem probat, miseria viros fortes, &c.) Quod autem requiratur aduersitas ut probeatur patientia affirmat Greg. *Pensate quæso ubi erit patientia, si deest quod toleretur. Ex Registro li. 9. indictione 4.*

De ligno Sethim, ex quo fieri altare iussit Dominus Moyse, *Exod. 27.* ait Dionysius Carthusianus talis esse naturæ, ut in ignem proiectum non comburatur, unde quamuis super illud ignis apponeretur ad offerenda sacrificia, nullo inde afficiebatur detrimento *Vicino*, inquit, *igne illius altaris lignum Sethim non cremabatur. In Exod. 27* Nec est illud difficile creditu, cum Diuus Hieronimus asserat dari lignum, Anthitum nuncupatum, quod non solum igne non consumitur, sed magis ab eo purificatur, si quid habeat in se purificandum. Idem refert Plinius, de alio ligno, quod vocatur Laix, ex quo quidem ligno Cælius Rhodiginus *Lib. 6. lect. ant.* turrim constructam se vidisse affirmat, quam Iulius Cæsar destruere volens iussit ignem ei applicari, sed nullum detrimentum ei intulit. Viri patientes sunt veluti huiusmodi ligna: licet enim

enim accedat ignis persecutionis, aut afflictionis, non propterea tædio vel tristitia consumuntur, imò potius fortiores ac puriores inde redduntur. Talis fuit Iob, Tobias, & alij quamplurimi, qui illustriores aduersitatibus euaserunt.

H Rubus ille, in quo visus est Deus Moyfi igne inflammatus, in cinerem minime redigebatur, quin potius illustrabatur. *Exod. 3* Eundem in modum, viri iusti mundi infestationibus velut igne incendiuntur, sed non absumuntur, quin potius summa gloria illuminantur. Quid de illo dicat Philo, *Lib. 1. de vita Moysis*, audiamus: *Rubus frutex est debilis, & senticosus, ut vel solo contactu vulneret; nec tamen absumitur ignis voraci natura, imò conseruatur etiam, qualis antea fuit permanens, adeò nihil amittens, ut niteretur etiam: hæc designabant exhortationem quandam clamantem pressis calamitate nolite succumbere, hæc vestra infirmitas est potètia.*

Si quis habeat vas vitreum, velitque probare, an sanum & integrum sit, extremitate digiti illud paululum pulsabit; si verò argenteum, vel aureum sit, lapide, aut malleo ferreo utetur ad illud probandum, quia fortius est. Ita Deus, qui, teste Apostolo, non patitur nos tentari supra id quod possumus, quos infirmiores & debiliores esse cognoscit, leuius, quos verò valdiore, fortius vexari permittit. Non est igitur, quod conqueramur; illud enim possumus ferre, quod Deus vult inferre, nouit quid possimus. superest vt velimus.

Tandem, quod aduersitatibus nostra debeat probari patientia, innuit Seneca, *Lib. de prouid Dei*, his verbis: *Vnde possum scire, quantum aduersus*
pau-

paupertatem tibi animi sit. si diuitijs diffuis? unde possum scire, quantum aduersus ignominiam, infamiam, odiumque populare constantie habeas, si inter plausus senescis, si te inexpugnabilis, & inclinatione quadam mentium pronus fauor sequitur? unde scio, quam a quo animo laturus sis orbitatem, si quoscunq; sustulisti, vides? Calamitas, virtutis occasio est. Illos meritò quis dixerit miseros, qui nimia felicitate torpescunt, quos velut in marilento, tranquillitas itineris detinet. Quidquid illis inciderit, nouum veniet: magis urgens seu a inexpertos. Graue est non assuetis ferre ceruicibus iugum. Ad suspicionem vulneris tyro pallefcit, audacter veteranus cruorem suum spectat, qui scit se saepe vicisse post sanguinem.

Nemo in hoc mundo immunis est ab afflictionibus; ideo illud est patienter ferendum, quod omnibus commune est. Caput V.

A PLurimi facit Tullius *In Tusc.* 3. carmen illud Euripideum,

Mortalis nemo est, quem non attingat dolor.

Quod ita verum est, vt quidam ex antiquis iudicauerint non solum illum esse miserum, qui reuera miser est, sed etiam, qui miser non est, aut cui nihil aduersi accidit. Celebratissima & frequentissima fuit illa apud Senecam Demetrii vox: Nihil mihi videtur infelicius eo, cui nihil vnquam euenit aduersi: *Lib. de prouid. c. 3. & 4.* Vnde ait idem Seneca: Miserum te iudico, quod nunquam fuisti miser. *Lib. de remed. fort.*

C

Nam

Nam si quis mortalium immunis omnino ab afflictionibus reperiretur, nimium miser esset, quod omni miseria indignus haberetur: atque ita non esset sine afflictione, quæ plenus esset tali indignatione: illum enim Deus iudicaret indignum qui affligeretur quod non minima esset miseria, cum sine afflictione ad illum perueniri non possit. *Considera*, inquit Augustinus, & *videbis in tantum te esse miserum, in quantum non appropinquas ei quod summum est. Delibero arbitrio.* At non appropinquat quem Deus non flagellat, cum teste Scriptura, *flagellet Deus omnem filium quem recipit. Hebr. 12.* Vnde optime quærit idem Augustinus: *In Psal. 31. Itane omnem? ubi te volebas abscondere? omnem, & nullus exceptus & nullus sine flagello erit? Quid est omnem? vis audire quem omnem? etiam unicus sine peccato, non tamen sine flagello.* Si ergo ipse unigenitus Dei filius, qui peccatum non fecit, nec inuentus est dolus in ore eius, multa passus est incommoda: quo pacto speraste sine flagello futurum? Qui proprio filio suo non pepercit, tibi, aut alijs peccatoribus parceret?

B Vbi primum homo in peccatum lapsus est, multis cœpit miserijs & calamitatibus subiaceri, quæ tot ac tantæ sunt, ut, teste Demetrio, ipsæ ei dominantur. Calamitates, inquit, hominibus imperant, & non homines calamitatibus. Non enim sinunt illum lætari, nec comedere: sed iubent flere, iacere, ac similia tristitia exercere. Sic imperatur, qui ante lapsum omnibus imperabat: sic subiaceret, cui omnia subiacebant: qui prius immortalitate donabatur, modò *breui vivit tempore: Job. 14.* & qui

qui ante multis fruebatur delicijs, nunc multis repletur miserijs. Vnde Bernardus, *de 12. grad. humil.* Multis repletur miserijs, multis & multiplicibus, inquã, miserijs corporis, miserijs cordis, miserijs dum dormit, & miserijs dum vigilat, miserijs quocũque se vertit, &c. Consideram tibi quid sis; occurret tibi homo nudus & pauper, & miser & miserabilis homo, dolens quod homo sit: erubescens quod nudus sit: plorans quod natus sit: murmurans quod ad laborẽ natus sit.

Sed quando incipiunt istæ miseriæ, & isti labores homini accidere? à die natiuitatis suæ. Audi Sapientem, *Eccl. 40.* Iugum graue, inquit, super filios Adam à die exitus de ventre matris eorum, usque in diem sepulturae in matrem omnium. Vnde sic exclamat quidã: Dura omnino conditio, quantoquidem non est nobis excutere à ceruicibus graue iugum, donec ingrediamur sepulchrum, nec euadere uitæ huius laborem, nisi per mortis horrorem. *Galfridus*

Præsentit homo nascendo quantæ iugum istud sit grauedinis, atque hoc satis superque innuit, & testatur vagitu & lacrymis, quas in ipso suo exitu emittit, quibus etiã naturaliter prædicere videtur se ad laborẽ & tribulationẽ nasci. Audi Cyprianũ, *Ser. de patien.* Vnusquisque nostrũ cum nascitur, & hospitio mundi huius excipitur, initium sumit à lacrymis, & quamuis adhuc omnium nescius, & ignarus nihil aliud nouit in ipsa prima natiuitate, quàm flere: providentia naturali lamentatur uitæ mortalis anxietates, & labores & procellas mundi, quas ingreditur in exordio statim suo ploratu & gemitu rudis anima protestatur. Diuus quoque Augustinus *Serm. 24 de verb. Apost.* asserit pueros in hac lucem pro-

deuntes prius prædicere, quàm dicere, siue prius prophetare, quàm loqui, ac si interrogentur ploratu, non verbis responsuros: sic enim scribit. *Istos pueros, qui nascuntur interrogemus, quare à ploratu incipiunt, qui nec ridere possunt. Nascitur puer, & statim plorat, post nescio quot dies, ridet. Quando plorabat nascens, propheta sue calamitatis erat; lacrymæ enim testes sunt miseriæ. Nondû loquitur, & iam prophetat. Quid prophetat? in labore se futurû, vel timore. Et si bene vixerit & iustus fuerit, certè in medijs tentationibus positus, semper timebit.*

C Porro iugum hoc super omnes filios Adam dicitur, nullus excipitur, non persona hominis, sed nec temporis hora: super quos? Super pauperes tantû? Super ignobiles, super sæculi contemptores, aut ab eo contemptos? parum est; *Super omnes, inquit, filios Adam.* Quicumque nascitur istud iugû ferre cogitur; propterea Ambrosius, *Lib. de morte Satyr.* *Quid in hac vita, inquit, nõ experimur aduersi? quas nõ procellas, tẽpestatesq; perpetimur? quibus non exagitamur incommotis? cuius parcitur meritis?*

Ista autem aduersa & incommoda nõ improprie nomine iugi, siue iugo à Sapiẽte exprimuntur: quia iugum à iugando, vel a iungendo dicitur; nam per iugum diuersa animalia inuicem iunguntur ad laborandum. Homini igitur nascenti iugum imponi dicitur, quia statim labori & molestijs huius vitæ iungitur, quibus ita adhæret, vt ab eis non valeat separari; nec mirum cùm ad eas videatur alligati, in cuius rei indicium dum nascitur, ligatur fascioliis, quod cæteris animalibus non contingit, idque admiratur Pli. *Lib. 7. hist. nat.* Ne quidem feras, inquit,

quit, inter nos genitas vincula excipiunt, & omnium membrorum nexus: at homo infeliciter natus iaceret manibus pedibusque deuinctis.

Huiusmodi iugum portabit homo, idest, omnibus aduersitatibus subiicietur *usque in diem sepultura in matrem omnium. Eccl. 40.* Exclamet iterum supradictus Galfridus, dicatque: *O qualis mater! qualis ille vterus terra, tumulus sepultura! & iam paritura est ipsa, quos concipit redditura.* Dicitur terra omnium mater, quæ omnes morientes recipit in vtero, non vt eos perpetuò retineat, sed vt in nouissimo die enitatur: ideo cum sepelitur homo, quasi semen vtero matris reconditur, vt illum in illo ultimo die pariat. Dico itaque; sicut hæc mater omnes excipit morientes, siue Reges, Principes, diuites, nobiles, siue pauperes, ignobiles sint: ita tribulatio omnes tangit nascentes cuiuscumque sint conditionis. *Nec Rex,* inquit Chrysostomus, *Hom. 66. ad pop. procul à curis & cruce vitam agit, sed vitam viuunt plenam multis tribulationibus.* Et quemadmodum mori omnibus contingit, ita & pari, ait Euripides: & sicut moriendo vnusquisque suam habet sepulturam, sic viuendo habet omnis homo suam crucem: quando moritur, portatur crux ante ipsum, sed quando nascitur, imponitur crux supra ipsum: nam *iugum graue super filios Adam à die exitus de ventre matris.* Cum fletu nascimur, cum labore viuimus, & cum dolore morimur, & nullus potest ista effugere. Ridet Seneca eos qui dicunt, fugiamus dolorem, quid? quod ille sequitur fugientes? *Lib. de remed. fort.*

D Fingunt Poetæ Iouem duo habuisse dolia, vnū

mellis, alterum fellis: & de illo quidem guttatim distillare in terras, de hoc verò largè & vbertim effundere. Sed omnibus omissis fictitijs, dicimus Deum optimum maximum habere calicem præ manibus, & inclinare ex hoc in hoc, ac de illo bibere omnes peccatores terræ. Hoc attestatur Regius psaltes; *Calix in manu Domini vini meri plenus mixto. Et inclinavit ex hoc in hoc: veruntamen fax eius non est exinanita, bibent omnes peccatores terræ. Ps. 74.* Omnes, ait, peccatores bibent. Fortè tu peccator non es? Si hoc diceres, mentireris, quia *qui dicit se peccatū non habere, mendax est. 1. Ioan. 1* & quamvis nullo peccato inquinaretis, non tamen omnino è tribulationibus existeretis: nam Christus ipse qui nec peccare poterat, calicem sibi à Patre oblatum bibit. *Calicem quem dedit mihi Pater, non vis ut bibam? Io. 18. 11.* Audi quid tibi per Prophetam dicat Pater ille Cœlestis. *Ecce quibus non erat iudicium, ut biberent calicem, bibentes bibent; & tu quasi innocens relinqueris? non eris innocēs relinqueris? nō eris innocēs sed bibēs bibes. Ier. 49*

Nec existimemus eos qui nos præcesserunt, & dormiunt in somno pacis, feliciorem hic vitam transegisse, & meliores quàm nos dies habuisse: nam Diuus Augustinus explanans illa verba psalmistæ: *Quis est homo, qui vult vitam, diligit dies videre bonos? Ps. 33* ostendit, non esse in hoc mundo quæredos dies illos bonos, nec Patres nostros imò nec ipsum Christum vnquam eos habuisse. Quid dicat audiamus. *Quotidie, inquit, murmuratis, & hoc dicitis. Quandiu ista patimur, & quotidie peiora? apud parentes nostros fuerunt dies letiores, dies meliores.*

liores. O si interrogares ipsos, similiter tibi de parentibus murmurarent: fuerunt beati patres nostri, nos miseri sumus, malos dies habemus. O Deus! ostēde nobis dies bonos. Bonos dies quaris, simul eos quaramus, nolite hic; sed illos habuerunt patres nostri. fallimini; omnes enim laborauerunt. Legite scripturas: ideo voluit Deus ut scriberentur, ut nos consolaremur. Tēporibus Halia fuit fames, passi sunt eā patres nostri. Semper dies mali in saculo, sed semper dies boni in Deo. Habuit dies bonos Abraham, sed intus in corde: habuit dies malos, quando à fame mutauit regionē, & quarebat cibū. Sic oēs quasierūt. Dies malos habuit Paulus, qui dicit, in fame, in siti, in frigore, in nuditate. Nō irascātur serui: ipse Dominus nō habuit dies bonos in hoc saculo, contumelias, iniurias, & crucem, & tanta mala pariebatur. Non ergo Christianus murmuret, videat cuius vestigia sequatur. Sic Diuus Augustinus.

Idem Doctor In Ps. 40. non vult, ut aliquis sibi promittat in hac vita, quod nec Euangelium ipsum promissit, nempe omnia prospera, imò potius vult, ut hic speremus aduersa. Nemo, inquit, sibi promittat, quod Euangelium non promittit. Fratres mei, obsecro vos, attēdite scripturas nostras, si aliquid fefellerunt, & si aliquid dixerunt, & aliter accidit, quā dixerunt. Non nobis promittunt scripturae nostrae in hoc saculo, nisi tribulationes, pressuras, angustias, tormenta, dolores, abundantiam tentationū. Ad ista nos praecipue paremus, ne imparati deficiamus. Quod autē nec promittat scriptura, patet legētib; illas. Dicat igitur vnusquisq; mortaliū illud Dauidicum: Posuisti tribulationes in dorso nostro. Ps. 65.

Pulchra quadam similitudine Diuus Chrysoſtōmus, *Hom. 35. in 1. ad Cor.* ostendit non posse quidem euitari aduersa; sed posse tolerari, atq; in his nobis valde laborandum esse. *Qui, inquit, domum strui, non hæc spectat, vt non pluuia super ipsam descendat, neue radius incūbat, quia istud nulla opemaueri potest; sed studet quomodo hæc omnia domus sustinere possit. Et qui nauē fabricat, non hoc agit, vt ne fluctus obturber, neue vnda extollantur, cum illi impossibile sit; sed vt nauis compages & latera ad omnia idonea sint: & corporis curam habens, non hoc agit, ne inæqualis aeris vis oboriatur; sed quomodo corpus oīa tolerare possit. Hoc ipsum in moribus fieri oportet.*

Sicut ergo non possumus impedire pluuiam ne cadat super tecta: fluctus ne feriant nauem: aut morbos ne corpus afficiant; sed nobis curandum est, vt tecta pluuiæ, naues verò fluctibus resistant, morbisq; remedium afferatur: ita cum non sit in nostra potestate prohibere ne afflictiones & tribulationes eueniant, nobis tantum incumbendum est vt patientia præmuniri, illas æquo animo feramus. Vnde Plutarchus, *de anima*. Non est, inquit, omnino dicere; viuis hoc non patiar, ne sit sanè. At est dicere; viuis hoc non faciam: non mentiar: non versutia vtar: non insidiosè captabo. Quasi dicat: possumus quidem mala non agere, sed non possumus mala non pati.

F Præclarā sententiā Homerum protulisse affirmat Simonides: scilicet, *quod hominū generatio talis sit, qualis est foliorū*. Folia enim producuntur, & licet aliquandiu vireſcant, non minus tamen omnivento mouentur, tandem cadunt, exsiccantur, & putre-

refcunt: & sicut nullū est folium, cui hæc omnia non contingant, sic nullus est homo, qui postquam in lucē editus est, licet inuentute floreat, tribulationis vento non agitetur; qui tandē morte non cadat, & cuius corpus non putrescat; hæc omnia omnibus hominibus communia sunt. Meritò igitur homo folio comparatur. quod ad instar folij vento rapiatur, de quo sic Iob c. 13. ad Dominum, *Contra folium*, inquit, *quod ventorapitur ostendis potentiā tuam?* In quem locum ostendit Gregorius, *Li. 11. mor. cap. 22.* ista propter peccatum homini accidisse, illumque de arbore tanquam folium cecidisse, imò ex arbore folium deuenisse. *Quid est homo*, inquit, *nisi folium, qui videlicet in paradiso ab arbore cecidit? Qui enim arbor fuit in conditione, folium à semetipso factus est in tentatione.* Quòd autē homo, *Gen. 3.* per peccatum, tanquā folium deuenierit, indicant illa foliorum tegumenta quibus turpidinē suam protoparentes nostri velarunt: folijs non indiguissent, si à fructu abstinuissent. Currāt igitur ad folia, illisque se cōtegant, qui veluti folia minimo flatu tentationis exciderunt.

Quamuis autem nulla sit aduersitas quæ vnici- que nostrum accidere non possit; veruntamen nō eadem omnibus eueniunt aduersa, sed quædā vni, alia verò alteri: atque ita nullus est, qui ab omnibus omnino eximatur, & qui aliquam afflictionē aut corporis, aut animi non experiatur, licet aliàs aliqua prosperitate gaudere videatur. Audi Boetii, *Lib. 2. de consol. pro. 4.* *Huic sensus exuberat, sed est pudori degener sanguis. Hunc nobilitas notum facit, sed angustia rei familiaris inclusus mallet esse*
igno-

ignotus; ille verò vniueꝛſe circumfluus, vitam cœlibem deflet: ille nuptijs felix, orbus liberis, alieno censum mittit hæredi: alius prole letatus, filij, aut filij delictis mœſtus illacrymet. Ineſt enim ſingulis, quod inexperius ignoret, & experius exhorreat.

G Hinc Philomeæſ dicere ſolebat, nullum eſſe vſquam mortaliū, cui non aliquid triſte accidat, aut acciderit: hunc verò ſapere, qui illud minimi facit: certum eſt enim, quòd, teſte Seneca, *Lib. de conſol. cap. 55*, nulla domus in toto orbe terrarum, aut eſt, aut fuit ſine comploratione. Quia, iuxta eundem, neminem illæſum fata tranſmittūt. *Lib. de remed. fort.* Non immeritò igitur Solon, legum Atticarum conditor dicebat, vrbes, atque oppida nihil aliud eſſe, quàm humanarum ærumnarum domicilia, quibus luctus, mœrores, triſtitia mortaliū, quaſi ſeptis includuntur. Qporteret ſane illis exire, qui tot mœſtitias nollet experiri.

Interrogatus Socrates, quonam modo minimè doleremus, hoc fieri dixit nullatenus poſſe: non eſt enim quiſpiam, qui ciuitates aut domos inhabitet, aut cum hominibus cōuerſentur, qui aliqua triſtitia non afficiatur. *Ouid lib. 2. de reme amor.*

Et quis non cauſas mille doloris habet?

Cū igitur omnes ſint calamitatibus obnoxij, nulluſque ſit, qui non vel magnas, vel modicas experiatuꝛ aduerſitates; cur æquo animo non ſuſtinebimus, quod omnibus commune eſt, & quod euitari nequit? Propterea ſic nos hortatur Publius: *Feras, non culpes, quod mutari non poteſt.*

Cæterum bone nobis conſultum eſt, dum nos affli-

afflictionibus subijci statutum est: quia nisi hoc ita se haberet, fortè Deum ipsum obliuisceremur. Si inquit Augustinus, in *Psal. 93. cessaret Deus. & non misceret amaritudines felicitatibus saculi, obliuisceremur eum.* Affert & aliam rationem Rupertus, *Lib. 3. de oper. Trini. Dum,* inquit, *viuit homo illum in laboribus pane suo Deus vesci voluit, ut videlicet antequam veniret dies iudicij, quo cum peccatore antiquo damnandi sunt omnes iniqui, resipiscant aliqui laboribus & doloribus, &c.* Porro illorum qui nec tantis paternę discipline verberibus afflicti resipiscunt, damnatio iusta est; quia culpa inexcusabilis est. *Quid enim ultra faciet Deus, ut eos à malis coerceat?* Recurramus igitur ad Deum in quo est sūma requies, & in quo nullus est dolor, nullaque tristitia, quia quocunq. pergās, sēper tecū deteres quod patiat, & inuenies quod patiaris. Eundē Augustinum cum Domino colloquentem audiamus, *Lib. 4. Confess. c. 10. Quaquauersum se uertit anima hominis, ad dolores fugit alibi, pręterquā in te.* Et infra, *Lib. 6 Conf. cap. vltim. Versa & reuersa in tergum, & in latus & in venterem, & dura sunt omnia, & tu solus requies.* Tandem, sic mihi pindarizando liceat concludere. *Pind. hym. 5. Laborum autem exors nullus est, nec erit.*

Plurimum nobis hic profunt aduersa, atque ideo æquo animo ferenda. Cap. VI.

Semper consueuerunt viri sancti dolere de prosperis, gaudere verò de aduersis: verébantur enim, ne Deus velit aliqua prosperitate, bona

na

na quæ faciunt cōpensare. Hinc Diuus Greg. *Lib. 12. mor. Sancti viri*, inquit, cum sibi suppetere prospera huius mundi conspiciunt pauca suspitione turbantur: timet enim, ne hic laborū suorū fructus percipiant.

Siue bonus, siue malus sis, tibi potius aduersa, quàm prospera sunt peroptanda: si enim bonus es, & tibi prospera succedant, fortè illa tua bonitas remuneratur in hoc sæculo. Audi eundem Gregorium, *Hom. de diuit. & Lazaro. Cauendum nobis est*, ne si fortè aliquid nobis agimus in presenti sæculo, remunerationem accipiamus, nè forte dicatur nobis, receperunt mercedem suam.

Si autem malus sis, & nihil tibi accidat aduersi, tibi sanè pertimescendum est. Nam, inquit Augustinus, *Serm. de puero Centur. nihil est infelicius felicitate peccantium*. Quod si Deus tibi vitioso aliqua immitteret aduersa, fortè tuum in præsentī puniretur vitium, aut saltem in futuro tuum minueretur supplicium. Vides igitur, quocunque in statu simus in hoc sæculo, magis conducere aduersa, quàm prospera. Vnde Boetius, *de consolat. Philo. cap. 2. prof. 8. Plus reor*, inquit, *hominibus aduersam, quàm prosperam prodesse fortunam*.

Ideo sapienter Diuus Aug. *Serm. 4 de ver. Dom.* aliquem de tribulationibus submurmurantem sic consolabatur; *Nonne melius est, ut Deus flagellet te & recipiat te, quàm parcat tibi & deserat te?*

Vitis quæ non putatur, syluescit & luxuriatur, nullūq; aut saltē acerbum fructū affert. Hoc aduertens Hier. *In c. 10 Ose. e. ait; Vites quæ putatæ non fuerint à vititore, in flagella frondesq; luxuriant, & humorē quē debuerant in vinam mutare, vana frōdit*

○

& foliorū ambitione disperdunt. Sic quotidiano experimento cognouimus, hominē bonis temporalibus, honoribus, & prosperis affluentē, vitiosum ac deprauatū esse, multisque affectū vitijs: sed si labore aliquo, aduersisque rebus vexetur, ad se redit, & flagitiosa vita relicta, piā & Christianā sectatur.

B. Cū putatur vitis quasi flere, lacrymasque fundere videtur: at cū autumnī tempore suauissimis vuis abundat, certē si rationis parriceps esset, putatori gratias ageret, vehementerque lætaretur, cō quōd ab eo putata, & lacrymas effundere coacta sit. Ita etiam nos labores & res aduersas à Deo optimo illatas, læto, atque grato animo debemus excipere, cū ea in nostrum commodum, vtilitatemque cedant. Minabatur olim Dominus populo suo per Isaiam, cap. 5. atque de eo sic loquebatur; *Dimittam vineam meam, & non putabitur, nec fodietur.* In quem locum Diuus Basilus ostendit quantum conducant aduersa. *Quemadmodum*, inquit, *qui vineam putant astringunt eius vires, ut maiori cum temperamento procedat ad proferendos viles fructus. Ad eundem modum contingit animæ assiduitate afflictionum propendenti & incuruata, quodam modo in se contrahitur, seque vtiliter demittit atque humiliat, & ad sui diligentiorē custodiam retrahitur.* Dum Israelitæ diuitijs, voluptatibus, oblectationibus, alijsque huiusmodi bonis abundarent in terra promissionis, inquam ex Aegypto tanquam vinea fuerant translati, pluribus cœperunt flagitijs ac delicijs operam dare; quando autem luto, & lateritio operi addicti erant, Deum assidue inuocabant, &

ani-

animum à vitijs omnino auocabant. Vnde colligimus plurimum prodesse aduersa, obesse verò prospera.

Si quis auem aliquam magni pretij habeat, alas eius præscindit, aut illam in cauea includit, ne volando aufugiat. Sic Deus sæpe alas, hoc est, diuitias, honores, salutem, filios, & similia, soler amicis suis abscindere, & in aliqua graui calamitate includere, ne ab eius præsentia & amore discedant. *Nam,* inquit Augustinus. *In Ps. 19. si auis pennas derrahas, quasi onus tollis, & quo magis onus abstulisti, eo magis in terra remanebit, iacet, non volat, quia tulisti onus.* Quoties auis quæ euasit libera in ramo occiditur, quæ incauta pascebatur? Felix ergo captiuitas, qua obtinetur libertas.

Aqua illa, quæ per præcipitia decurrit, melior est ea, quæ diu immota manet, iuxta Diui Ioannis sententiã, *Ap. 17. Aquæ multæ & populi multi.* Vt igitur purior euadas, tibi per multas tribulationes transitundum est, non autem in delicijs commorandum.

C Si videat mater filium gladium præ manibus tenentem, ab eo etiam inuito, imo lacrymans illum amouebit & arripiet, quia per ipsum fortè aut se necaret, aut vulneraret: nemo tamen debet sortem illius pueri gladium suum lamentantis, dolere. Nouit Dominus diuitias tuas, honores tuos, sanitatem tuam, filios tuos tibi plurimum obesse, illis, vt plurimum vteris in perniciem tuam idcirco vult vt illis careas & priueris, tunc ad modum pueri fles, doles: verum si scires Dei intentum, gauderes, illique gratias ageres.

Si contingat aliquam domum comburi, eius pos-

possessor magnum sibi exhiberi beneficium putat, si afferatur aqua & super ignem infundatur, vt sic extinguatur. Ita quoties ignis peccati in cordibus nostris accenditur, misericorditer nobiscum agit diuina bonitas, si tribulationis aquas superinfundat.

Præterea quod est equo calcar, & boui stimulus, homini est aduersitas. Nobis vt plurimum accidit, quod & iumentis, quæ cum in via cibum reperiunt voluptate plecta trahere aut incedere desinunt, & pastui tandiu inhærent, quandiu bubulci stigma non sentiunt; tum demum accelerant dum verberantur: tum se viæ accingunt, tum itineri student, cum nihil, quod delectet occurrit. Nam dum non nisi in termino quietem expectant, gressu citatiore defudant: at qui sæpius in via, quod tardat, offendit, ad finem viæ seriùs pergit. Vnde optimè Gregorius, *Lb. 29. moral. Electis suis*, inquit, *ad se pergentibus Dominus huius mundi iter asperum facit, ne dum quisque viæ presentis requie quasi amœnitate viæ pascitur, magis eum diu pergere, quàm citò peruenire delectet: ne dum oblectatur in via, obliuiscatur, quod desiderabat in patria.*

Authore Seneca, *Lib. de natur. quest. 5.* flantem ventum, qui Circius dicitur, Galli salutare consueuerant, quod illius flatu purgaretur aer. Sic quia tribulationibus purgamur, salutandæ, aut saltem cum eueniunt, sunt æquo animo excipiendæ. Diuus Augustinus. *In Ps. 102.* sic de tribulatione loquitur; *purgatio est, non damnatio.*

Quod autem aduersitates sæpe nobis dentur per modum medicinæ, & purgationis, patet per illam,

illam, quam Deus protoparentibus nostris immit-
 sit pœnam: tanto enim ab eis perperrato delicto,
 tantoque Deo offenso merebantur illi audire, ac
 subito mortis æternæ subire sententiam: sed cle-
 mentissimus Deus volēs potiùs curare quàm dam-
 nare, venit ad hominem, illique non male dictio-
 nem inflixit, sed curationem præscripsit; nam, in
 primis assignantur ei herbæ tum ad esum, tum ad
 purgationem; *Comedes herbas terra. Gen. 3.* Dein-
 de sudor ei iniungitur, cùm ei dicitur; *In sudore*
vultus tui vesceris pane tuo. Tum demum mutatio
 aeris, aut saltem ad propriam patriam regressus
 tanquam ei salutaris prædicitur, *in puluerem reuer-*
teris. Ipsa mortis sententia non est damnatio, sed
 aeris aut status mutatio: Deus igitur nos hic pu-
 niendo, non tam iudicis, quàm medici partes ge-
 rit, cùm tales punitiones aut afflictiones censendæ
 sint curationes. Vnde idem Augustinus, *ibidem.*
O fili quid plangis? medicina est, non pœna.

Est & alia aduersitatis utilitas, quam obseruauit
 Baptista Mantuanus, *Lib. 2. de patient. cap. 19.* nam
 liberat nos mortis metu, quo incommodo maximè
 laboramus, cuius memoria sic amarescit, ut si cun-
 cta possideas, si vescaris semper ambrosia, quicquid
 gustatu, reddat amarum: & sicut, cùm quis cal-
 ceo nimium premitur, etsi perbelle, ac perquam
 venustè pedem vestiatur, discalciari optat; sic nimi-
 rum, cùm quis hanc vitam experitur aduersam, &
 sine spe salutis affligitur, pro singulari remedio
 mortem expectat. *Mart. lib. 2. Epigr.*

Rebus in aduersis facile est contemnere vitam.

Fortiter ille facit qui miser esse potest.

Vnde

Vnde & ipse Iob patientiæ exemplar, quem carnis infirmitas premebat, sic clamabat; *Cunctis diebus, quibus nunc milito, expecto donec veniat immutatio mea.* Felix afflictio, qua dulcis fit ex hac vita migratio; & qua quod, teste Aristotele, est omnium terribilissimum, redditur omnium gratissimum. Audi Apostolum præ tristitia, & propter ærumnas exclamantem; *Infelix ego homo, quis me liberabit de corpore mortis huius? Rom. 7.* Ac si dicat: miser & ærumnosus, hoc enim sonat Græcavox *ταλαιπώρος*. Quis me liberabit a corpore moribundo, calamitatibus & corruptioni obnoxio? Hoc erat ardens Apostoli ex hoc misero & mortali corpore ad beatam & cœlestem vitam anhelantis suspirium.

E Diuum quoque Augustinum, aut, si Trithemio credimus, Hugonem Victorinum pari modo suspirantem audiamus: *Audi, inquit, o anima qualis sis: onerata es peccatis irreiua vitiis, capta illecebris, affixa membris, confixa curis, distenta negotiis, contracta timoribus afflicta doloribus, erroribus vaga, suspicionibus inquieta, sollicitudinibus anxiosa, advena in terra inimicorum, coinquinata cum mortuis, &c. Quando veniam, & apparebo ante faciem Domini, ad videndum eum in bonitate electorum suorum, &c. Lib. de spir. & anima c. 6. qui ex- rat T. o. 3. op. Aug.* Hæ sunt præ voces afflictorum, quas fortè non ederent, si quietè viuerent, nec dissolui cuperent, si voluptatibus dissoluerentur. Tertullianus *Lib. de test. anim.* probat non esse timendam mortem, quod nos ab omni quod timeri potest eripiat: *Non est, inquit, timendum quod liberat ab omni timendo.* Vix gustabit mortem, qui aduersa gu-

stauerit; qui autem delicias huius mundi gustat, illud inueniet amarum, cuius & ipsa memoria amara est. *O mors*, inquit Sapiens *Eccl. 41. quàm amara est memoria tua!* Sed cui? *Homini pacem habenti in substantiis suis viro quieto*. Non autem homini qui ob afflictiones iam amaro est animo.

Naues ventis secundis impelluntur, & ad op-
ratum portum ducuntur: contra verò euenit in na-
uigatione spirituali: non enim bene nauigatur vē-
ris qui secundi aut prosperi vocantur, & videntur,
quales sunt diuitiæ, honores, salus corporis, & cæ-
tera huiusmodi, quæ valdè sunt pertimescenda;
quippe quæ sæpissimè corpora nostra ad illecebras
pertrahunt, & animas nostras à portu salutis retra-
hant. Illa autem sunt desideranda, quæ nos ad vl-
timum finem, qui est Deus, impellunt, qualia sunt
moibi, persecutiones, paupertates, & similia. Nam,
teste Gregorio, *Mala, quæ nos hic premunt, ad
Deum ire compellunt*. Compellit inquam, tribu-
latio viros iustos vitam istam ex animo despice-
re, & ad aliam longè feliciorē ardentissimis vo-
tis aspirare.

Castianus *Col. 3. c. 4.* tres ait esse modos, quibus
homines vocari solent ad Deum. Horum primus
ex Deo est, secundus per hominem, tertius ex ne-
cessitate, & aduersitate. Ex Deo est, quorū in-
spicatio quædam immissa in cor nostrum nos ad ob-
seruationem diuinorum mandatorum, & ad desi-
derium æternæ vitæ ac salutis exsuscitat.

Alter vocationis modus est, quē fieri per hominē
diximus, cū vel exemplis quorundā sanctorum vel
monitis instigati, ad desiderium salutis accēdimur.

Ter.

F Tertius est, qui ex necessitate descendit. Hic autem modus vocationis, licet inferior duobus prioribus dignitate sit, est tamen multò frequentissimus: plurimi namque per hanc viam ad salutem æternam perducuntur; ideo illud usurpare possunt, perijssimus, nisi perissemus. Sūt enim plerique divitijs mundi huius, vel voluptatibus obligati, qui si vel morbo afflicterentur, aut bonorum amissione ac proscriptione percutiantur, aut charorum morte compungantur, aut alia afflictione premantur, statim ad Deum, quem sequi in rerum prosperitate contempserant, saltem inuiti properare compelluntur.

Hunc vocationis modum idem Cassianus illustrat exemplo Abbatis Moyſis, qui metu mortis, quæ ei propter homicidij crimen intentabatur, impulsus, ad monasterium decurrit: qui necessitatem conuersionis sic arripuit, ut eam in voluntatem promptæ animi virtute conuertens, ad summa perfectionis vestigia peruenerit. Felix ergo necessitas, quæ nos Deum vocantem audire facit.

Dauid ipse conuersum se fuisse in ærumna, dum ei configeretur spina, liberè confitetur; *Psal. 31.* vnde apposite Diuus Bernardus de tribulatione sub nomine spinæ sic loquitur, *Ser. 48. in Cantic.* Spina, inquit, pœna est; spina falsus frater; spina vicinus est malus. Bene autem confixus est, qui conuersus exinde est: bene pungeris, si compungeris: mulri cum sentiunt spinam, corrigunt culpam, & talis dicere potest; conuersus sum in ærumna mea dum configitur spina. Vtilissima ergo punctio, quam sequitur conpunctio: multi enim non conuer-

terentur nisi pungerentur.

Præterea, calamitatibus, quasi quibusdam iniectis frans, seruatorum suorum lasciuientem carnem domat & coercet Dominus, ne in varia peccata præcípites ferantur. *Bonum mihi, quia humiliasti me*, ait Rex David. *Psal. 118. 2. Cor. 12.* Paulo quoque datus fuit stimulus carnis & angelus Sathanæ, ne magnitudine reuelationum extolleretur.

G Inter complures alios salutes tribulationis effectus atque fructus, ille præcipuus est, quod aperit, & illuminat oculos animi, facitque multa tunc homines reminisci, & aduertere, & intelligere, que rebus prosperis, vel obliuioni tradita erant, vel nõ aduerteabantur, vel pro nihilo ducebantur. Enim verò prosperitas est sicut nimia pinguedo hebetans atque obscurans visum; vel est vt nimius lucis splendor præstringens aciem oculorum. Est etiam veluti nimia vbertas segetem sternens; aut vt copia fructuum frangens arborum ramos. Vnde optimè Seneca, *Epist. 39.* Segetem, inquit, sternit nimia vbertas, rami onere franguntur; ad maturitatem non peruenit nimia tæcunditas: idem quoque animis euenit quos immoderata prosperitas rumpit, qua non tantum in aliorum iniuriam, verum etiam in suam vtuntur.

Ex aduerso autem, *Vexatio*, ait Isaias *Cap. 28. dat intellectum*; & vt idem ait; *Quem docebit scientiam? & quem intelligere faciet auditum? ablactatum à lacte, auulsos ab ubribus.*

Est tribulatio quasi lignum illud ab Elisæo projectum in aquas Iordanis, ferrum in profundo aqua;

aquarum demersum sursum natare faciens, id est, ex profundo peccatorum hominem extrahens ad aspectum lucis; hoc est, cognitionem Dei, & sui. Est tanquam lutum Illud, quo Dominus vinxit oculos cæci, ut videret. *Ioan 9.* Nam, ait Gregorius. *Oculos quos culpa claudit, pœna aperit.* Et secundum Diuum Augustinum; *Tribulatio excitat torpentem, humiliat superbientem, purgat pœnitentem, illuminat cecutientem, coronat innocentem.*

Alterum etiam sumimus ex tribulatione emolumentum: si enim patienter toleretur, pœna peccato debita tollitur. Hoc apertè indicat scriptura, quæ ait; *Pius & misericors est Deus, & remittet in digressionis peccata.* *Ecl 2.* Et apud Tobiam cap. 3. sic Sara ad Dominum; *in tempore inquit, tribulationis peccata dimittis his, qui inuocant te.* Hoc autem fit dum afflictione purgamus quod delectatione commisimus. Vnde Gregorius, *Lib. 9. mor. c. 35. Quicquid in nobis polluerunt opera, diluēt lamenta, & si quid adhuc culpa delectationis inquinat, pœna mœroris tergat.*

H Sciendum est autem secundū Chrysostomum *Hom. 6. ad pop.* peccatum esse veluti saniem: pœnā verò aut tribulationem sicut ferrum medicinale. Habentē igitur saniem secari necesse est: ita peccatū habenti tribulari & affligi vtile est, tum ad purgationē, tum ad ruicionē. Nā teste Augustino; *In Ps. 50. vtile quiddā est tribulatio; vtile medici ferramēnū contra diaboli, et amēnū.* Hoc aduertēs Dauid, ad omnia flagella subeūda se paratū dicebat: *Ego, inquit, ad flagella paratus sum: Psal. 37. vel ut alij*

vertunt, *paratus sum dilaniari & dilacerari: aut secundum Chaldæum, paratus sum ad contractionem*. Quasi dicat: scio me deliquisse, paratus sum pœnam portare: veniant itaque flagella, veniant dilacerationes, aut contractiones, ad omnia illa paratus sum, quoniam mihi vtilia sunt. *Nam, ait Gregorius Lib. 7. mor. c. 8. quia viri sancti mentis suæ corruptionis vulnus sine putredine non esse considerant, libenter se sub manu medici ad sectiones parant. Et secundum eundem: Deus tantò ad salutem certiores nos exhibet, quantò flagella duriùs secant.*

Si quis hostis coronatos aut gemmas in dorsum tuum conjiceret, non doleres, sed gauderes, & colligeres eas: talibus lapidibus Beatus quidam lapidari cupiebat Parisijs Aureliam vsque. *B. Iunip.* Hæ gemmæ, hi lapides pretiosi sunt tribulationes, quæ cum sint tanti pretij, tantæque utilitatis, toto animo optare deberemus, vt illis per totam vitam ad mortem vsque impeteremur.

Ne vnquam recedat a memoria tua quod a duobus Apostolis dictum est; *Per multas tribulationes oportet nos intrare in Regnum Dei. Act. 14.* Cum tribulationes sint via qua tenditur ad Cœlum, si fuerint extrare, eris tu extra viam; nunquam ergo peruenies ad patriam. Meritò qui in hac vita voluptatibus induiget, comparatur viro, qui ad carcerem, vel ad suspendium per amœnissimum ducitur agrum. Audi Gregorium; *Quasi per amœna prata ad curcerem peruenit, qui per præsentis vitæ prospera ad interitum tendit.* Sunt igitur tribulationes necessariae, prosperitates verò nociuæ.

Conducunt etiam aduersitates ad beatitudinem
capel.

capessendam, sacra testâre Scriptura: sic enim scribit Beatus Petrus 1. *Petr. 3. Si quid patemini propter iustitiam, beati: si exprobamini in nomine Christi, beati eritis.* Et D. Iacobus, *Iac. 1. Beatus vir, inquit, qui suffert tentationem.* Neque hoc latuit Iob, qui ait; *Beatus homo, qui corripitur à Deo.* Cap. 5.

I Nemo ignorat in quantam gloriam huic Beato Iob cesserit inuicta illa patientia in doloribus, ut non dubitet scribere Diuus Chrysostomus *Hom. 5. ad Pop.* etiam finum ac sterquilinum, in quo sedebat Iob, magnæ esse venerationis. *Mulri, inquit, nunc longam trasmarinam peregrinationem à terra finibus suscipientes in Arabiam abeunt, ut finum illum cernant, & conspiciat terram deosculentur, quæ illius victoris certamina & cruorem omni auro pretiosiore excepit.*

Atq; hac de causa Gregorius Nazianzenus *Epi. 64. ad Philagrium.* Stoicos præ Peripateticis collaudat, quod res externas nullum ad beatitudinem impedimentum afferre dicant; sed virum bonum beatum esse, etiam si in Phalaridis tauro concremeretur.

Datur aliud non contemnendum aduersitatis emolumentum, facit enim Deum nobis esse præsentem, qui licet ubiq; præsens sit, tamen peculiari modo afflictis adesse significat; teste enim psalmista, *Iuxta est Dominus his qui tribulati sunt corde. Psal. 33.* Et de afflictis, sic per eundem Prophetam idem Dominus: *Cum ipso sum in tribulatione. Ps. 90.* Noluit Deus Moyse apparere in lauro, vel in cedro, aut simili arbore, sed in rubo spinis referto, ut inueneret nobis, non in prosperis, sed in aduersis inueniri, atque adesse dum afflictamur. *Noli time-*

re, inquit Augustinus *In Ps. 90. quando tribularis, ne quasi non sit tecum Deus, nec putes te deseri, quia non quando vis, eripit.*

Insuper, sicut non nocet, sed prodest racemis conculcatio, oliui contusio, & frumento tritura: sic nobis plurimum confert tribulatio. Audi Gregorium Nissenum *Hom. 15. de quadrag. innuentem*, quantum sit sic pati causa Dei. *Vna*, inquit, *calcibus tunditur. & in vini sapore liquatur: sic olina contusionibus expressa amurcam suam deserit, & in olei liquorem pinguescit. Sic per trituram arca a paleis grana separantur, & ad horreum purgata veniunt. Ita quisquis hic flagellatur, securus ad Deum venit, quippe cuius rubiginem ignes tribulationum purgavit. Idem epist. 27. sic de aduersitate loquitur: Sicut semina messium gelu cooperta fertilius germinant: & ignis flatu premitur, ut crescat: sic aduersitas magis auget desiderium in Deum.*

Non sunt igitur reiiciendæ, sed libenter ferendæ aduersitates, cum ex his tot nobis comparentur utilitates, & cum, teste Poeta, *miseros meliora sequantur. Virg. Aeneid. lib. 12.*

Tribulationibus erudimur, atque ideo grate acceptanda & toleranda.

Caput VII.

A **R**efert Laertius Diogenem Cynicum profectum Athenas, ad Antisthenem, ut ab eo doceretur, se contulisse, cumque ab eo saepe repelleretur, non destitisse tamen ei inhaerere: adeo ut cum aliquando ei baculum intentaret Antisthenes,

ultrò

*Beatus vir quem tu eris
in iomina, si si...*

ultrò baculo caput subiecerit, dicens : Cæde si vis, at nullum inuenies baculum tam durum, quo me abs te abigas, dum aliquid docueris.

Vnusquisque Christianus, vt verus sit Christi discipulus, debet se humiliter baculo cuiuscunque tribulationis submittere, illam libenter ferendo, & Deum propterea non deferendo, qui sæpe tribulatione tanquam pædagogus vtitur ad castigandum, erudiendum & corrigendum nos. *Nam, inquit Chrysostomus, Hom. 62. ad pop. pædagogus noster tribulatio est*

Egregius fuit Paulus Christi discipulus, quem nihil potuit à schola, & charitate sui magistri abigere, ait enim: *Quis nos separabit à charitate Christi? tribulatio, an angustia, an fames, an persecutio? Hebr. i.* Quasi dicat: nihil horum poterit nos, si noluerimus, à Christo separare; non enim propter præceptorem aut pædagogum debet filius fugere à paterna domo, & patrem relinquere, cuius sperat hæreditatem. Ideò hortabatur Hebræos idem Apostolus his verbis: *In disciplina perseuerate. Ibidem.* Per disciplinam intelligit labores, & aduersitates, quæ ideo disciplina vocantur, quia displicent: nam disciplina à *displiceo* dicitur: tamen, per illas amici Dei patientiam & alias virtutes addiscunt: vnde Dauid, *Psal. 17. Disciplina tua ipsa me docebit.* Deus non solum verbis, vel inspirationibus, sed etiam suos interdum erudit tribulationibus, quas immittit his, qui verbis, monitis, lectionibus, exhortationibus, aut inspirationibus nolunt peccata deferere, & se ad Deum conuertere, vt quasi coactè præstet qd sponte noluerunt. Audi

Augu-

Augustinum, *Tract. in Ioan. Quod te Dominus permisit pati flagellum, corrigentis est, non pœna damnatis.* David sic de se ipso loquebatur; *castigans castigauit me Dominus, & morti non tradidit me. Ps. 117.* Sed ut morti æternæ non tradaris, flagella libenter patiaris. Elephas non domesticatur, nisi verberibus afficiatur: sic sunt nonnulli, qui si aduersitatibus & flagellis non percutiuntur, domestici Dei non efficiuntur: illos nouit Dominus; fortè tu de illis es, ideo ab afflictionibus immunis non es.

B Nemo, teste Sapiente, sine tentatione & vexatione aliquid scit. *Qui non est tentatus, quid scit? Eccles. 3.* Nam, iuxta Prophetam, *Vexatio dat intellectum. Isai. 28.* Fratres Ioseph non antè cognouerunt sceleris sui in ipsum patrati atrocitatem, quàm cum in afflictione constituti, dicerent; *Merito hoc patimur, quia peccauimus in fratrem nostrum. Genes. 42.* Vides quomodo tribulatione sunt eruditi, & ad agnitionem suorum delictorū, ac pœnæ sibi debitæ, deuenerunt; quæ omnia, antequam affligerentur, ignorabant.

Rex Nabuchodonosor beneficio tribulationū obtinuit, ut verum Deum & Regē in cœlis agnosceret, quem prius ignorabat; atque post multas quas tulit calamitates, sic affatus est: *Ego Nabuchodonosor oculos meos ad cælum leuaui, & sensus meus redditus est mihi, & altissimo benedixi, & uiuentem in sempiternum laudaui & glorificaui. Dan. 4.* In qua schola hæc omnia didicit? in agris sub dio manens, à confortio hominum eiectus, atque ad instar bouis scœnum comedens, cadente super eum rore cœli. In ea quidem schola ita profecit, ut,
teste

teste Augustino, intra septennium ad gradum sanctitatis peruenierit, ac doctus in cognitione veri Dei euaserit. Quid filium prodigum fecit exclamare & dicere: *Pater, peccavi in celum & coram te. Luc. 15.* nisi fames, atque aliae quibus premebatur aeruminae? Dicamus igitur cum Diuo Augustino *in Psal. 93 flagellat nos Deus. Ad quam rem flagellat? unque ad Regnum celorum.*

Rectè à Ieremia dictum est; *Castigasti me Domine, & eruditus sum. cap. 31.* Ac si diceret: non erudirer nisi castigares: non castigares nisi diligeres: quia quos amas, castigas. Ideo Domine mi, propter tuum diligere, propter tuum erudire, ac propter tuum castigare, debeo tibi gratias agere, atque gaudere *Gratulari*, inquit Tertullianus, *Li. de pat. cap. 11.* & gaudere nos decet dignatione diuina castigationis. *O seruum illum beatum, cuius emendationi Dominus instat! cui dignatur irasci, quem admonendi dissimulatione non decipit.*

C Audi optimum Sapientis consilium; *Disciplinam Domine ne abijcias, ne deficias cum ab eo corripieris: quem enim diligit Dominus, corripit, & quasi pater in filio complacet sibi. Prouer. 3.* Nota, sicut pater flagellat filium, non ut cruciet, eiusque cruciatu se pascit, sed ut erudiat, & lasciuos mores ipsius castiget & emendet: ita pariter flagellat Deus filios suos, ut castiget eorum vitia, eosque ad omnem virtutem instruat, non autem quod eorum castigatione & plagis delectetur.

Et præcipuè castigat illum *in quo sibi complacet, siue quem vnice diligit, & cui optimè vult.* Diuus Paulus, Septuaginta Interpretes sequutus, citat hunc

hunc locum his verbis: *Quem diligit Dominus castigat, flagellat autem omnem filium quem recipit. Hebr. 12.* Diuus Augustin. *In Psalm. 31.* maximè perpendit illud omnem, & ait: *Vis audire quem omnem? etiam unicus sine peccato, non tamen sine flagello.* Hinc collige, Deū patrē nullum ex suis filiis excipere à flagello: nam unicus erat ei filius consubstantialis, & in omnibus æqualis, qui ut talis minimè pati poterat, sed carne est indutus, ad hoc ut flagellaretur. Itaque flagellatus est ille filius sine peccato, & tu non flagellaberis cum peccato? Audi quid tibi dicat idem Augustin. *Lib. de past. Tu forè exceptus eris? Si exceptus es à passione flagellorum, exceptus es à numero filiorum.*

Quod probatur verbis eiusdē Apostoli ad eodem Hebræos scribentis: *Tanquam filijs vobis offert se Deus. Quis enim filius, quem non corripit pater? Quod si extra disciplinam estis, cuius participes facti sunt omnes; ergo adulteri, & non filij estis. Ibidem.* Ac si aperit dicat: per hanc disciplinam, & castigationem & persecutionem Deus se vobis exhibet tanquam Patrem: suscipite ergo hanc disciplinam grato & hilari animo, æstimate vos beatos hac tribulatione, eaque gloriamini: quia ipsa signū est vos esse filios Dei & quasi filios a Deo regi, & tractari. Id ipsum cognouit Seneca, *Lib. de provid.* Deus, inquit, bonos ut seueri patres durius educat, vultq. eos doloribus, ac dānis colligere robur; &c. Dicant ergo ipsi; digni vīsi sumus Deo, in quibus experiretur, quāvis humana natura posset pati.

D *Quod si extra disciplinam, id est, absque tribulatione, estis; cuius participes facti sunt omnes*
genui.

genuini, & dilecti filij: ergo adulteri, & non filij estis. Quasi dicat: si semper voluptuamini, & ex libidine traducitis vitam in delicijs, expertes paternæ castigationis Dei, ergo non estis germani Dei filij, sed veluti spurij, & supposititij. Castigatio enim & disciplina promptè, humiliterque suscepta, germanos Dei filios probat, eosque à spurijs secernit: perinde enim atque Aquila pullos Soli exponendo, vt illum aduersis & irretortis oculis intueantur, genuinos probat, & à spurijs, quos ad Solem conuiuentes vngue demittens præcipitat, distinguit, & separat: ita Deus suos afflictioni exponendo, explorat & secernit, atque ita illos celesti priuat hæreditate: ergo noli, inquit Augustin. *In Psal. 120. depellere flagellū, si non vis repelli ab hæreditate, nec attendas quam pœnā subeas in flagello, sed quem locum teneas in testamento.* Idē. *Trac. in Ioan.* alibi conqueritur, dicens: *Ad hæreditatē sempiternam erudimur, & flagellari dedignamur?*

Vt commodè vtaris equis vel iumentis tuis, necesse est domentur: domantur autem minis & flagellis: ita homines rebelles, & ad illicita defluentes, necesse est vt aduersitatibus & pressuris coerceantur atque domentur. Tanquam leo siue equus indomitus fuit aliàs Rex Nabuchodonosor, *Dan. 4.* qui vt domaretur, per septennium tanquam bos paleas & scenum in agro comedebat, vt iam diximus. Leones etiam indomiti fuerunt Ahab & Manasses, *3. Reg. 21.* qui tandem angustijs sunt humiliati. Alius fuit leo indomitus superbus ille Antiochus, qui flagellis cæsus ad tantam deuenit mansuetudinem, vt de illo dicat Scri-

ptu-

ptura: *Diuina admonitus plaga, dixit: Iustum est, subditum esse Deo, & mortalem non paria Deo sentire. 2. Mach.*

E Et sicut nullum animal potest domare seipsum, sed oportet quærat^{ur} homo ad illud domandum: ita nullus potest hominē domare nisi Deus; qui postquam aduersitate hominem domuerit, facit illum filium suum Audi Diuum August. *Serm. 4. de verb. Dom. Equus non se domat, camelus non se domat, leo nō se domat, sed vt dometur equus, bos, camelus, elephas, quæritur homo. Ergo quærat^{ur} Deus, vt dometur homo; & plerumque profert dormitor noster etiam flagella. Si enim tu ad domanda iumenta tua profers virgam, profers flagella; ita Deus profert ad domanda iumenta sua, quæ sumus nos, qui de iumentis suis facit filios suos.*

Dat rationē idem Doctor cur dometur & erudiat^{ur} homo, dum ait, *Ibidem. Deus autem tuus, redemptor tuus, & dominator tuus, pater tuus, castigator tuus erudit te; quō? vt accipias hereditatem, vbi nō offendas Patrē sed & hereditariē hab eas & ipsum Patrē. Ad hanc spē erudiris. & submurmuras?*

Oportet vt hic à Patre erudiaris, antequam Patre in cœlo fruaris: non habebis Deum remuneratorem in cœlis, quē noluisti habere dormitorem in terris. Indignum se præbet filius hereditate patris, qui respuit disciplinam patris. Dilectionis paternæ probatio, est frequens in filium animaduersio. *Et quis est filius, inquit ille, cui non det disciplinam pater eius? Quodcum facit Deus, ad hereditatem sempiternam nos erudit. In Psal. 93.*

Apud Lacones, si puer à quodam castigatus, que-

querelam ad patrem detulisset, turpe erat patri, si hoc audito non iterum filium emendasset. Eam enim ex institutione maiorum de se mutuò fiduciam habebant, ut crederent neminem esse, qui cuiusquam liberis, quos quisque pro suis habebat, quicquam imperaret inhonestum, Itaque omnium seniorum eadem erat in pueros auctoritas, quæ patrum. Non licebat pueris apud illum populum conqueri de castigatione, aut disciplina à quouis senè exhibita, cum ad illos erudiendos infligeretur: & nos eò impudentiæ deueniemus, ut conqueramur & submurmuremus de flagellatione, aut tribulatione, quæ nobis à Deo Patre ad maiorem utilitatem nostrā hoc est, ad hæreditatem cælestem, immittitur, vel permittitur? *Non timeas flagellari, sed exheredari*, inquit August. *In Psal.*

E Interdum similes sumus illis pueris sub pædago constitutis, de quibus loquitur Basilus, *Hom. 8. in diuit. auar.* qui castigatione irati scindunt libellos: patri verò consulenti, ac cibum prohibenti vestem cōcerpunt, vel matris ora vnguibus petunt. Tunc illis similes efficimur, dum flagellari indignamur, vel de afflictatione murmuramus in Deum aut proximum, nos ipsos excruciantes, vel dum insurgimus in affligentes nos, illisque paria reddere contendimus. Pudeat nos, quod grandæuam ætatem iactemus, & tamen pueros imitemur: volumus viri haberi, & nolumus viriliter, sed pueriliter agere. Sumus ætate viri, & moribus pueri. Idcirco tribulatione, tanquam pædago indigemus.

Sicut enim pueri præsentē pædago non audent

dent illicita perpetrare, sed coercentur, manentque sub ferula; illo autem absente ludunt. la sciunt ac inepte se gerunt: ita premente nos aliqua calamitate, de nulla cogitamus voluptate, cessat risus, à ludo, ab illecebris abstinemus, ipsa autem cessante, de Deo minimè cogitamus, voluptatibus indulgemus, ac pro libito viuimus. Ideo valde nobis necessaria est aduersitas ad nostram lasciuia edomandam, & ad nostros illicitos motus refræandos: nam, teste Augustino, *In Psal. flagellum interius, & exterius glorificat creatorem, compellit nolentem erudit ignorantem, excitat torpentem humiliat superbientem, purgat poenitentem, coronat innocentem.* Ne igitur recuses, quod omnibus prodest: sustine flagellari, qui speras coronari.

Vis autem scire quinam sint, pædagogi tui, vel flagella tua? Interdum vicinus tuus, frater tuus, dominus tuus, superior, aut subditus tuus, rixosa vxor, morosus maritus, domestici tui; nam *inimici hominis domestici eius*. Illis aliquando Deus utitur ad domandum nos, permittens ut vel flagello linguæ suæ nos percutiant, conuicijs laceessant, alijs iniurijs nos afficiant. Abelis pædagogus, aut potius flagellum fuit Cain: pædagogi Iosephi fuerunt fratres eius: pædagogi Regis Pharaonis fuerunt miscalæ, ranæ & cyniphes, quibus flagellabatur, & tamen non conuertebatur: Saul, Semei, & alij quamplurimi fuerunt Dauidi veluti pædagogi, qui illum verbis & factis crudeliter diuexarunt. Habent etiam Reges suos pædagogos, suaque flagella, & tu nullum vis habere? Scito infirmitatem tuam, inopiam tuam, & aliquando filium tuum esse

esse flagellum tuum: Deus namque varijs pædagogis, varijsque flagellis vitur pro varietate morum in nobis corrigendorum, vel pro nostro augendo merito. *Misericors Deus fieri hac omnia permittit, ut per omnia famulos suos clariores efficiat*, ait Chrysostomus. *Super c. 39. Gen.*

Afflictiones propriè iustis & Christianis immittuntur, suntque signum dilectionis, & electionis divina; idcirco patienter ferendæ.

Caput VIII.

O Stendit regius psaltes, quibus præcipue contingant afflictiones, dum ait; *Multas tribulationes iustorum. Ps. 33.* Iusti sunt qui multas, iniusti qui paucas, aut nullas patiuntur aduersitates. Ideo hunc locum explanans D. Augustinus sic scribit: *Iniusti pauciores habent tribulationes; iusti verò multas habent. Sed post paucas tribulationes, aut nullas, illi venient ad tribulationem sempiternam, unde nunquam eruentur; iusti autem post multas tribulationes venient ad pacem sempiternam.*

Ad hoc vocatur homo ad Christianismum, ut scilicet patiatur pro Christo: unde Diuus Petrus; *In hoc, inquit, vocati estis. 1. Pet. 2.* id est, ad patientium, ut exponit Caietanus. Itaque ille non est verè Christianus, qui patienter persecutiones & afflictiones non sustinet. Et Diuus Hieronymus illum errare iudicat, qui sine persecutionibus se Christianum putat. *Erras, inquit, si putas vnquam Christianum persecutionem non pati. Epist. 1.*

E

Imò

dent illicita perpetrare, sed coercentur, manentque sub ferula; illo autem absente ludunt. lasciuunt ac inepte se gerunt: ita premente nos aliqua calamitate, de nulla cogitamus voluptate, cessat risus, à ludo, ab illecebris abstinemus, ipsa autem cessante, de Deo minimè cogitamus, voluptatibus indulgemus, ac pro libito viuimus. Ideo valde nobis necessaria est aduersitas ad nostram lasciuia edomandam, & ad nostros illicitos motus refræandos: nam, teste Augustino, *In Psal. flagellum interius, & exterius glorificat creatorem, compellit nolentem erudit ignorantem, excitat torpentem humiliat superbientem, purgat pœnitentem, coronat innocentem.* Ne igitur recuses, quod omnibus prodest: sustine flagellari, qui speras coronari.

Vis autem scire quinam sint, pædagogi tui, vel flagella tua? Interdum vicinus tuus, frater tuus, dominus tuus, superior, aut subditus tuus, rixosa vxor, morosus maritus, domestici tui; nam *inimici hominis domestici eius*. Illis aliquando Deus virtutis ad domandum nos, permittens vt vel flagello linguæ suæ nos percutiant, conuicijs laceessant, alijs iniurijs nos afficiant. Abelis pædagogus, aut potius flagellum fuit Cain: pædagogi Ioseph fuerunt fratres eius: pædagogi Regis Pharaonis fuerunt intiscæ, ranæ & cyniphes, quibus flagellabatur, & tamen non conuertebatur: Saul, Semei, & alij quamplurimi fuerunt Dauidi veluti pædagogi, qui illum verbis & factis crudeliter diuexarunt. Habent etiam Reges suos pædagogos, suaque flagella, & tu nullum vis habere? Scito infirmitatem tuam, inopiam tuam, & aliquando filium tuum esse

esse

esse flagellum tuum: Deus namque varijs pædagogis, varijsque flagellis vitur pro varietate morum in nobis corrigendorum, vel pro nostro augendo merito. *Misericors Deus fieri hac omnia permittit, ut per omnia famulos suos clariores efficiat*, ait Chrysostomus. *Super c. 39. Gen.*

Afflictiones propriè iustis & Christianis immittuntur, suntque signum dilectionis, & electionis divinæ; idcirco patienter ferendæ.

Caput VIII.

A **O** Stendit regius psaltes, quibus præcipue contingant afflictiones, dum ait; *Multa tribulationes iustorum. Ps. 33.* Iusti sunt qui multas, iniusti qui paucas, aut nullas patiuntur aduersitates. Ideo hunc locum explanans D. Augustinus sic scribit: *Iniusti pauciores habent tribulationes; iusti verò multas habent. Sed post paucas tribulationes, aut nullas, illi venient ad tribulationem sempiternam, unde nunquam eruentur; iusti autem post multas tribulationes venient ad pacem sempiternam.*

Ad hoc vocatur homo ad Christianismum, ut scilicet patiat pro Christo: unde Diuus Petrus; *In hoc, inquit, vocati estis. 1. Pet. 2.* id est, ad patientiam, ut exponit Caietanus. Itaque ille non est verè Christianus, qui patienter persecutiones & afflictiones non sustinet. Et Diuus Hieronymus illum errare iudicat, qui sine persecutionibus se Christianum putat. *Erras, inquit, si putas vnquam Christianum persecutionum non pati. Epist. 1.*

E

Imò

Imò Diuus Augustinus *In Ps. 55.* censet illum nondum cœpisse esse Christianum, qui nondum cœpit tribulationes pati, aut saltem eum nondum piè viuere in Christo, qui nondum persecutionem patitur pro Christo. *Si putas, ait, te nonaum habere tribulationes, nondum cœpisti esse Christianus. Et ubi est vox Apostoli; Omnes qui volunt in Christo piè viuere persecutionem patientur? Si ergo non pateris pro Christo ullam tribulationem, vide ne nondum cœperis in Christo piè viuere.*

Qui non est de numero Christianorum, non est de numero filiorum. Ille autem non est de numero filiorum, qui non est de numero afflictorum. Nam, teste eodem Doctore, *Lib. de past. flagellat Deus omnem filium quem recipit, & tu fortè exceptus eris? si exceptus es à passione flagellorum, exceptus es à numero filiorum.*

B Quæres, quomodo vniuersaliter vera sit illa Apostoli sententia, *Omnes qui piè volunt viuere in Christo Iesu, persecutionem patientur. 2. Tim. 3.* Multi enim pij inter Christianos piè viuunt, & quietè sine persecutione. Respondet Chrysostomus, per persecutionem hic intelligi omnes difficultates, labores, dolores & angores, quos patiuntur ij, qui student pietati; dum concupiscentias frænare, continentia, humilitati, temperantia stude, pijs laboribus insiltere conantur.

Vel, per persecutiones intelligimus tentationes diaboli, de quo sic Hieronymus: *Persequitur me hostis, cui nomina mille, mille nocendi artes. Epist. 1. ad Heliod.* Et Diuus Augustinus, *In Psal. 124. Non, inquit, quia diabolus modò per reges non sauit, ideo*

ideo non Christiani persecutionem patiuntur. Si mortuus est diabolus mortuae sunt persecutiones. Si autem ille aduersarius noster uiuit, unde non tentationes suggerit? unde non sauit? unde non minas & scandala procurat? Nimirum sciat Christianus se non vocari ad otium, delicias, & ad gaudia, sed semper sibi ob oculos proponat illud Sapientis: *Fili, accede ad seruitutem Dei. sta in iustitia & timore, & prepara animam tuam ad tentationem.* Eccles. 2.

Qui bellum diabolo indixere, illos diabolus tentare, & perturbare, siue per se, siue per alios non desinit; quos autem quieto iure se possidere sentit, tentare negligit. Sed quia proprium Christianorum est insurgere in daemone & vitia, ideo praecipue proprium erit & Christianorum agitari, affligi, impeti vel à daemone, vel a sequacibus suis: non est cum illis pax ineunda, aliud est tempus pacis & quietis. Recordemur igitur nos esse athletas & pugiles, quos non decet otio, & delicijs vacare. Audi Chrysostomum, *In Epist. 2. ad Tim. 3. Impossibile est inquit, ut qui malis bellum indixerit, pressuris careat; nefas est pugilem Dei vacare delicijs, non licet epulari luctantem; luctamen enim sunt praesentia omnia, certamen, bellum, pressura, angustia, stadium. Aliud est quietis tempus, hoc arumnis deputatum est, atque sudoribus, nullus ubi ad certamen se exiit, vnctusque est, requiem quarit. Si enim requiem quaris, cur te exuisti? cur libidinibus & natura bellum indixisti?*

Præterea, dicimus pios persecutionem pati, dum de mala vita impiorum, a quibus odio habentur, dolent & cruciantur, ut cum Dauide dicant; *Vidi*

prauaricantes, & tabescebam .Ps. 118. Pessima Sodomitarum vita valde Loth cruciabatur, de quibus sic Apostolus: Iustam animam iniquis operationibus cruciabant. 2. Pet. 2. Vnde Diuus Augustinus: Loth, inquit, persecutionem patiebatur, non vapulando, sed malos videndo. Nam, teste Prospero in sententia, magnus bonorum labor est mores tolerare contrarios.

C Itaq; siue in extinguendis vitijs, & incumbendo virtuti, siue à dæmone, aut ab impijs impetentibus, siue ab iniqua malorum vita, aut quouis alio modo, semper iusti & Christiani in hac vita afflictabuntur, & laboribus atque angustijs premuntur. Hoc asserit Chrysost. *Hom. 67. ad pop. A Christiana vita, inquit, insolubile vinculum est tribulatio.*

Gloriabantur olim Romani, teste Liuius, quòd fortia agerent, fortiaque paterentur, atque in hoc potissimum agnosci Romanum asseuerabant. Ideo hæc euentilare solebant; fortia agere & pati Romanum est. Sed veriùs hoc de Christianis dicatur; cum bona agere, & mala pati Christianū sit, alioqui non merebitur ille Christianus vocari, qui Christi vestigia noluerit sectari. Itaque non est illi murmurandum, si aliquid graue sibi sit tolerandum. Vnde Augustinus *In Ps. 33. Non murmuret Christianus, videat, cuius vestigia sequatur.* Et alibi ad Lippium scribens ostendit non esse mirandum, si membra caput suum sequantur, cum Christus nostrum sit caput, nosque membra eius, consentaneū est vt illum sequamur. *Noli, inquit, mirari si postquam Christianus effectus es, mille te undique tribulationes vexent, quoniam Christus nostra Religionis caput est, nosque membra eius sumus: debemus ergo non*

non solum eum, sed & vitam eius cumulatissimè sequi; vita enim Christi respersa fuit angustijs plurimis, &c. Epist. ad Lippium.

Verum aliquid adiungit idem Doctor, *Ibidem.* quod non parum nobis affert consolationis, cum ex tribulationibus quæ nobis à Deo immittuntur, si patienter ferantur, coniectare possimus nos esse de numero electorum. *Coniectura est* inquit, *cum te Deus immensis persecutionibus corripit, te in electorum suorum numerum destinasse.* Propterea alibi nos hortatur ne depellamus flagellum, si ab hereditate nolumus repelli. Sic enim ait: *Noli depellere flagellum si non vis repelli ab hereditate; nec attendas quam pœnam subeas in flagello, sed quem locum teneas in testamento.* In Psal. 112.

D Qui eligitur à Deo, diligitur ab eo; qui autem diligitur, ut plurimum donis & muneribus cumulatur. Vis scire quænam sint dona quæ Deus iustis elargitur? Audi quid quibusdam dicat Apostolus, *Philip. 1. Vobis donatum est pro Christo, non solum ut in eum credatis, sed ut etiam pro illo patiamini.* Vbi expendendum est, quanti fecerit, quantumque commendauerit Apostolus laborum tolerantiam, cum illam cum fide copulauerit. Magnū sanè & illustre Dei in nobis donum ac beneficium exitit, cum nobis Christi fidem, sine qua salui esse non possumus, donauit, sed magnum etiam existimauit Paulus nobis datum esse, ut pro Christo patiamur. Vnde Augustinus, *In lib. de præd. Sanct. Virumque,* ait, *ad gratiam pertinet, & fides credentiū & tolerantia patientium quia virumq; dixit esse donatū.* Quid autē inde colligēdū sit, ostēdit Greg.

Lib. 9. mor. c. 35. dum ait : *Electos Deicernimus, & pia agere, & crudelia multa tolerare.* Hinc ergo colligitur, quanta districtus Iudex illic feriat districtione quos reprobat, sibi sic cruciat quos amat.

Volens Christus ostendere hunc Apostolum Paulum fuisse ab eo electum, ait Ananiæ : *Vas electionis est mihi,* statimque subiunxit : *Ego ostendam illi quā: a oporteat eū pro nomine meo pati.* *Ac. 9.* Id est ex eo quod illum multis laboribus afficiam, cognoscetis, quanti ego illum faciam. Cum videris illum multa incommoda, multasque pro me subire calamitates, inde iudicare poteris eum a me fuisse electum.

Cum Angelus Tobiae explicaret causam cæcitatibus eius ait illi: *Quia acceptus eras Deo, necesse fuit ut tentatio probaret te.* *Tob. 12.* Quasi dicat: qui acceptatur à Deo, flagellatur ab eo; gratis, & acceptis dona conferuntur. Erit igitur tribulatio, acceptationis manifestatio. Videas, quæso sculptorem in officina sua plures arborum truncos habentem, hunc dimittere intactum: illum verò eligere, ut ex illo imaginem aliquam, verbi gratia, Beati Francisci, elaboret, quem varijs ferramentis secat, expolit tot ictibus, ut lignum illud si sensum, linguamque haberet, de ipso artifice valde conqueri posset, quod alio ligno intacto se ita cruciat. Posset autem sculptor respondere, illud igni referuare quia nodos habet, aut aliquas alias maculas quæ ipsum omnino ineptum reddunt ad talem ex eo conficiendam imaginem: alio verò utri ligno, quia est aptum ad tale opus. Sic supremus ille artifex Deus sanctos suos excudit: sic Beatum Franciscum plagis suis
infi-

insignitum elaborauit : sic Martyres variis cruciatibus affici permisit , quia apti erant vt sancti efficerentur . Cæteri autem in quibus insunt vitiorum nodi, igni referuantur tartareo .

E Cùm immortalis Deus sanxit fœdus cū Noe , nunquam deinde aquarum eluuiōe terram dissipandi, dixit: *Arcum meum ponam in nubibus*, & *erit signum fœderis inter me, & inter terram. Gen. 9.* Mirum profectò signum: Iris enim procelloso tēpore, magnisque imbris pleno apparere solet . Atque idcirco Aristoteles *Lib. 3. Mete. c. 4.* censet Iridem fieri ex nube iam torida, nondum tamen in pluuiam effusa ; & ibidē subiungit Philosophus; Iris perfectissimè repræsentatur in nigerrima nube. Quod cū ita se habeat , Iris procellam potius & diluuium, quàm pacem & serenitatem significat . Qua ergo ratione in signum pacis & fœderis constituitur? Et quidem, cū præpotens Deus pacis, & belli, turbinis ac serenitatis Dominus sit, illud signum pacis & serenitatis statuere potest, quod natura sua dissensiones, tempestatesq; portendebat . Eodem igitur modo, labores quibus iusta Deo premuntur, odium sanè & maleuolentiam videbantur significare ; sunt tamen certissima diuini amoris, beneuolentiæ & electionis argumenta .

De peccatoribus sic olim loquebatur Deus per Prophetam: *Dabo eis vallum Achor ad aperendum spem. Osæ 2.* Quid quæso spei & valli Achor? Achor vallis est, vbi Achan suffuratus nonnulla ex anathemate Hiericho, turbauit populum Israhælem . Achan autem secundum Lyranum signifi-

cat idem quod tribulatio. Vallis igitur illa tribulationem importat, quia in ea tribulatus est populus propter furtum Achan. Hæc autem vallis datur ad aperiendam spem, quia tribulatio spem aperit nobis diuinæ misericordiæ, ideo enim Deus non hic tribulationibus quatit, vt in æternum parcat.

Est tribulatio velut aurea virga Regis Assueri, in cuius palatium si quis non vocatus ingrediebatur, sine cunctatione interficiebatur, nisi, ait Scriptura, *Rex auream virgam ad eum retenderit pro signo clementiæ. Esther 5.* Idcirco Regina Esther ingredi non audebat. *Quomodo, inquit, ad regem intrare potero?* Nondum enim senserat huiusmodi virgam. Tandem extendit Rex contra eam virgam auream, quam tenebat manu. Et quia huiusmodi virgæ extensio, erat regij amoris ostensio; ideo Esther accedens osculata est summitatē virgæ. c. 6. Fili mi, habes vnde læteris, si dignus sis qui virga afflictionis tangaris. Exosculandæ igitur sunt tribulationes, tanquam argumenta & iudicia diuinæ dilectionis; quos enim Deus amat, castigat. Vide quid in Apocalypsi, Apoc. 3. dicat. *Ego quos amo, arguo & castigo.* In quem locum sic Rupertus: *Non est mos sapientiæ, vt quem diligit, quasi filium, permittat iuueniliter extolli, & evanescere; sed amat, & ideo castigat, & lasciuientem coercet, & quem infantem lactauit, eum nimis verbum atq; inconsultum verberat & virga percutit.*

F Solet Deus, testē Haymone, electos tractare more plij & prudentis patris duos filios habentis, quorum vnum, quem diligit, & suorum bonorum hære-

hæredem relinquere statuit, durè tractat, & in
seuera continet disciplina. delinquentem grauitè
increpat, nullumque peccatum eius dissimulat &
impunitum dimittit, cibi & potus, & vestitus,
aliorumque commodorum & bonorum parcissi-
mum ei concedit vsum. . . Alterum verò filium,
quem sibi hæredem non destinat, suæ ipsum vo-
luntati permittit, comedendi & bibendi licentiã
tribuit, ad ambulandum quodocunque & vbi-
cunque voluerit, libertatem concedit. Similiter
Deus iustos multis & varijs tribulationibus affli-
git, non finit eos ad votum viuere. Audi Gregor.
*Lib. 21. mor. cap. 4. Transitorio hic verberè affligun-
tur electi, vt à prauitate flagella corripiant, quos
paterna pietas ad hæreditatem seruat, &c.* Dignus
quoque Augustinus, *sup. Psal.* ad hoc propositum,
quid timendum sit, ostendit: *Non timeas, inquit,
flagellari, sed exhæredari.* Sed non exhæredabitur,
qui flagellabitur, & patienter flagella patietur.
Præcipua igitur hominis commendatio apud Deũ
est, ab ipso corripì & castigari.

Habet se Deus ad modum medici, qui dum vi-
det infirmo nullam inesse spem recuperandæ va-
letudinis, omnia illi permittit, & concedit, vt ad
libitum comedat & bibat: ei autem quem sanan-
dum credit, multa denegat, potiones amaras præ-
scribit, nec finit illum viuere ad votum. Ita Deus
reprobos, quos propter sua scelera æterna ma-
nent supplicia, in suis delicijs volutari, atque
voluptatibus & oblectamentis gaudere sæpe per-
mittit: quia vitulus, qui occisioni præparatur,
liberius pascuis saginari permittitur; de ipsis sic

Do-

Dominus: *Dimisi eos secundum desideria cordis eorum. Psal 80.* Iusti autem, qui nunc temporalibus atteruntur flagellis, ab æterno sunt liberandi supplicio, & ad æterna gaudia transferendi. Audi eundem Greg. Lib. 11. *Inustus ad debitam mortem currens, effranatis voluntatibus vititur, quia & vituli qui mactandi sunt, in liberis pascuis relinquuntur. At contra inustus à delectationis transuorigine iudicate restringitur, quia & vitulus ad laboris usum deputatus, subiugo tenetur. Negantur electis hic bona terrena, quia agris quibus spes viuendi est, nequaquam cuncta quæ desiderant à medico conceduntur. Dantur reprobis bona quæ petunt: quia desperatis agris omne quod desiderant, non negatur.*

G Si Rex vellet quempiam eodem panno indui, iisdemque cibis vesci, quibus ipse vititur, nonne hoc esset maximæ benevolentiae signum? Percunctare, precor, quo panno fuit Christus Rex noster in hac vita indutus, & quo cibo nutritus, id est, quomodo circa illum se gesserint homines, & audies quod secundum Prophetam, *saturatus est opprobrijs. Thren. 3.* non cibis delicatissimis, sed opprobrijs, cõtumelijs & flagellis erat saturandus, per quem famelici saturantur. Pauperem vitam degit: viuebat ex mendicatis, vel ex oblati; iniurijs afficiebatur: multa denique aduersa pro nobis sustinuit. Si velit igitur, vt pauper sis, sicut & ille, inopia premaris, laboribus & flagellis atteraris, & similia, quæ ipse pertulit, patiaris, cur doles? cur conquereris, cum hæc sint diuinæ amicitiae argumenta? Nonne discipulos suos Christus amauit, qui eos ad passionem & tormenta misit? Vis vide-

re signum huius amicitiae? Audi Gregor. *Hom. 26. in Euang. Electos*, inquit, *Apostolos Dominus non ad mundi gaudia. sed sicut ipse missus est ad passiones, in mundum mittit. Quia ergo & filius amatur à Patre. & tamen ad passionem mittitur: ita & discipuli à Domino amantur, qui tamen ad passionem mittuntur in mundum. Itaque recte dicitur: Sicut misit me Pater, & ego mitto vos; id est, ea charitate vos diligo, cum inter scandala persecutorum mitto, qua me charitate Pater diligit, quem venire ad tolerandas passiones fecit. Eodem, aut simili modo fuerunt omnes tractati, qui à Deo sunt attracti. Sic affliguntur, qui à Deo eliguntur. Eos mundus persequitur, quos Deus amore prosequitur. Has patiuntur. sortes, qui aeternae gloriae futuri sunt consortes.*

-Existimat Diuus Chrysostom. *Hom. 29. in Epist. ad Hebr.* illum non esse iustum, qui tribulationis est expers. *Non potest dicere*, inquit, *quia iustus est aliquis, qui expers tribulationis existat.* Tribulatione igitur dignoscitur iustus, quia tribulationes potissimum iustorum sunt. Vide quid de Diuo Ioanne Baptista dicat Gregorius, & quid inde colligendum sit. *Quid est*, ait, *quod Dei voce Ioannes laudatur: verumtamen caput eius truncatur: agrestibus cibis vescitur, & ab hominibus despicitur? Hinc ergo unusquisque colligat, quid illic sint passuri quos reprobat, si sic hic cruciatur quos amat.*

H Sed cur Deus iustos & electos sic affligi, ac calamitatibus exerceri permittit? Idem Chrysostomus, *Hom. 1 ad pop.* has assignat rationes. Prima est, ne propter meritum magnitudinem, & miraculorum donum extollantur.

Sed

Secunda, ne cæteri maiorem habeant de ipsis opinionem, quàm humana patitur natura, & plus quàm homines illos arbitrentur.

Tertia, ut illorum patientia in sustinendis aduersitatibus manifesta fiat, & constet, non propter mercedem temporalem, sed purè & sincerè illos diligere Deum, eique inseruire.

Quarta, ut de resurrectione cogitemus. Cum enim iustos hic premi intelligimus, oportet ex hoc omnino aliquid de illo iudicio cogitemus, ubi remunerabuntur illorum labores.

Quinta, ne dum inuitamur ad eorum virtutes amplectendas, torpeamus ad imitationem, existimantes, ipsos propter gestorum excessum alterius naturæ fuisse participes.

Sexta, ut qui grania patiuntur, sufficientem habeant consolationem & mitigationem, respicientes in illorum afflictionem. *Hom. 6. ad pop.*

Septima, ut animus noster ab amore temporalium bonorum auocaretur ad amanda æterna. Si enim, cum sint tot tristitia, tot pericula, & curæ, tam libenter præsentis immoramur vitæ; si nihil horum esset, omnisque ærumnæ expers esset vita nostra, nunquam futura desideraremus. Ideo secundum Gregorium, *super Ezech.* Deus solet felicitatibus huius sæculi quasdam miscere amaritudines, ut hæc caduca amarescant, & insipida reddantur, atque ita ad cœlestis patrie desiderium prouocemur. *Deus, inquit, donis suis flagella permiscet, ut omne quod nos in sæculo delectat, amare scat, & illud incendium surgat in animo, quod nos semper ad cœleste desiderium excitet.*

Aliam

Aliam quoque rationem affert idem doctor; *Lib. 23. moral.* ob quam Deus permittit suos in hac vita vexari, nimirum, ne via pro patria, aut terra pro cœlo diligatur. *Præsens vita*, inquit, *via est qua ad patriam tendimus, & idcirco hic occulto Dei iudicio frequenti perturbatione conterimur, ne viam pro patria diligamus.*

Veruntamen quidnam præsentibus licet amaris ita alliciuntur, ut Diuus Augustinus, *Ser. 3. de Temp. & 149.* sic exclamare cogatur: *O infelicitas generis humani! amarus est mundus, & diligitur. Putas si dulcis esset, qualiter amaretur? Turbatur mūdus, & amatur, quid si trāquillus esset? flores eius quomodo colligeres qui à spinis non reuocas manum?*

I Meritò iusti comparantur viti, quæ non producitur, ut duntaxat in vite pendeat, sed ut ex illa vinum profluat; ideo necesse est prematur & conculcetur, nec propterea fit ei iniuria, imò nisi talis iniuria accederet, sterilis remaneret. Sic necesse est, ut electi tribulationibus premantur, ne steriles relinquantur: hoc enim acto grati Deo efficiuntur. Hæc similitudo est eiusdem Augustini, *In Psal. 55. Vna*, inquit, *in vite pressuram non sentit, integra videtur, sed nihil inde manat: mittitur in torculari calcatur, premitur, iniuria videtur fieri vitæ, sed ista iniuria sterilis non est; imò si nulla iniuria accederet, sterilis remaneret.* Eadem similitudine utitur alibi idem doctor, *In Psal. 83. Vna*, inquit, *pendet in vitibus, & oliua in arboribus: his enim duobus solent torcularia preparari, & quandiu pendet in frutetis suis libero aere perfruuntur, & nec vna vinū est, nec oliua oleum ante pressuram.* Sic sunt homi-

*homines, quos predestinat Deus ante sæcula, contri-
bulabuntur, conterentur, comprimantur, non ut in hoc
sæculo pereant, sed ut defluant in apothecas Dei. Gau-
deas igitur, si in hac vita calamitate premaris, &
fac ut libenti animo patiaris, ut hoc pacto filius
regni efficiaris.*

Vis autem scire quàm grati sint Christianorum labores? Certè istud est valdè observandum. In veteri lege temporalia bona, quæ naturaliter homines expetunt, promittebantur, ut patet apud Isaiam, *cap. 1 Si volueritis, & audieritis me, bona terra comedetis.* Et apud Exodum, *cap. 15* sic etià Deus ad populum suum, *Si audieris, inquit, vocem Domini Dei tui, &c. cunctum languorem, quem posui in Aegypto, non inducam super te.* Sed quamvis ista promitterentur, pauci tamen ex Gentibus cõuertebantur. At verò in lege Evangelica promissit Christus labores & persecutiones, & tamen, quamplurimi illum secuti sunt, suamque legem sunt amplexati. Cur ita? Quia sciebant Christianorum esse crucem baiulare dicente Domino: *Qui non baiulat crucem suam, & venit post me, non potest meus esse discipulus. Luc. 14.* Ille baiulat crucem suam, qui sibi occurrentes labores, & cruciatus patienter pro Christo fert. Ille verò crucem rejicit, qui molestias sibi oblatas pro Christo ferre non vult, vel impatienter tolerat. Sciebat etiam aduersa patienter ferentibus vitam promitti æternam, quæ in veteri lege non ita promittebatur; ideo tam liberè, sicut modò, tribulatio, aut persecutio nõ ferebatur. Itaque non te pœniteat esse de numero afflictorũ, cùm sis de nume-

ro Christianorum, vel iustorum, & cum societatem speres beatorum. Lapidés in sublimi conspicique ædificij loco statuendi, pluribus quam alij percussionibus dolantur: sic in sublimiori throno cœli collocandi homines, pluribus quàm cæteri cruciatibus expoliuntur.

Nobiscum est Deus cum affligamur, ideo libenti animo patiamur.

Cap. IX.

A QVamvis Deus sua immensitate ubiq; sit: peculiari tamen modo, sine auxilio, in tribulatione constituto se adesse testatur: *Cum ipso sum in tribulatione. Psal. 90.* Proponamus nobis Ioseph, *Gen. 37.* quem missum à fratribus in cisternam veterem Deus non dereliquit, sed, ut ait Sapiens, *descendit cum illo in foveam. Sap. 10.* quæ quidem cisterna, ut tradit Rabbi Solomon, plena erat serpentum & scorpionum, à quibus illum defendebat, qui cum illo descendebat: de qua tandem fecit ut extraheretur, & sicut proiectum nō reliquerat, extractum non deseruit; imò cum illo Ismaelitis vendito in Aegyptum iuit, ubi denuò venditum, falsò accusatum, & in carcerem coniectum nunquam dereliquit; de ipso sic Scriptura, *Dominus erat cum illo.* Vnde Ambrosius, *Li. de Ioseph cap. 5. Inaudita causa & inexplorata fide veri, tanquam reus criminis in carcerem Ioseph mittitur, sed eum Dominus nec in carcere deserebat. Non turbentur innocentes, cum falsis criminibus appetuntur. & oppressa iustitia detruduntur in carcerem:*

cerem; visitat Deus & in carcere suos; & ideo ibi est plus auxilij, ubi est plus periculi. Quò non penetrat diuina misericordia? Vide quomodo Deus illum comitabatur, qui pro Deo hæc aduersa libenter patiebatur; ideo per continuos quatuordecim annos variè vexatum, tandem in altissimum honoris, & principatus fastigium euexit, atque ita labores quatuordecim annorum ab eo patienter tolerati, prosperitate & tranquillitate octoginta annorum fuerunt compensati; nam triginta annorum erat Ioseph, quando stetit in conspectu Pharaonis. Gen. 41. & 50. Et mortuus est anno centesimo decimo vitæ suæ, & post mortem requiem obtinuit sempiternam. Ecce quomodo præmiatur ac compensetur patientia ab omnipotenti Deo, qui à patientibus non recedit.

Non deseruit Dominus populum Israeliticum in afflictione constitutum, & captiuitate Aegyptiaca pressum, & ut innueret se esse in medio illius, voluit in medio rubi Moyse apparere. *Apparuit ei Dominus in flamma ignis de medio rubi, & videbat, quod rubus arderet, & non combureretur. Exod. 3* Ibi testatur se vidisse afflictionem populi sui. *Vidi afflictionem populi mei.* Apparens autem Dominus in rubo igne non consumpto, ostendit verè adesse afflictis in ipsum sperantibus. Sicut enim rubus qui ardebat, non comburebatur; sic afflictione pressus, ea non consumitur, quia adest Dominus. *Hoc rubo,* inquit Theodoretus, *Quæst. 6. significatur Israelem ab Aegyptijs inimicis non consumendum.* Philo quoque in vita Moyse scribit huiusmodi rubum ardentem, & incombustum nos quod-

quodammodo adhortari, ne dum affligimur, animo cadamus, & ne succumbamus. *Rubus*, inquit, *Iob. 1. frutex est debilis & senicosus, ut vel solo tactu vulneret, nec tamen absumitur ignis voraci natura; imò conseruatur etiam qualis antea fuit permanens; adeò nihil amittens, ut nitesceret etiam: hac designabant exhortationem quandam clamantem pressis calamitate: Nolite succumbere.*

B Præterea rubus Pharaonem, & Ægyptios populum Dei diuexantes designabat. Rubus enim pungit, & cruentat, & quem semel detinet, non dimittit quin laceret. Sic Pharaon nolebat populum dimittere, licet multoties dixerit ei Dominus per Moysen: *Dimitte populum meum. Exod 5.* At ille respondebat; *Israel non dimittam.* Tandem ipse varijs plagis percussus, dimittere cogitur, quos multis laboribus vexauerat. Habet quoque rubus quandam cum Aegypto similitudinem: est enim rubus colubris, serpentibus, alijsque venenatis reptilibus amicus, & ideo a rubo dicitur rubeta quædam rana venenosa, quæ rubos inhabitat. Vnde iuxta rubos dormire non est tutum propter huiusmodi venenata. Aegyptus etiam, præcipuè in superiori parte, abundat basiliscis, tigribus, aspidibus, serpentibus, & similibus venenatis animalibus. In inferiori verò hippopotamis, & crocodillis. Rubum etiam in quo apparuit Dominus, Aegyptum specialiter significare dicimus: quia sicut iste rubus ardebat, & non comburebatur: sic Aegyptus ardere dicitur propter penuriam imbrium, & pluuiarum aerem refrigerantium. Vnde, secundum Pierium,

F

Lib.

Lib. 34. hierog. antiqui corde in ardenti ara posito Aegyptum representare consueuerant : non tamen propterea comburuntur fruges , nec habitatores illius terræ. Apparet igitur Dominus in rubo senticoso , serpentibus amico , vt innuat afflictis adesse , etiam si inter spinas , & serpentes versentur. Voluit Dominus spinis circundari , cuius populus circundabatur afflictionibus ; scriptum est enim : *Iuxta est Dominus his qui tribulato sũt corde. Ps. 33*

Est & rubus tribulationis hieroglyphicum , vt notat Hesychius. Nam sicut rubus suis aculeis defendit & protegit , quod cingit ; ita tribulatio , quem premit. Vnde Augustinus , *Super Ps. flagellum interius , & exterius custodit viriutem , protegit infirmantem* . Præterea , sicut rubus corpus nostrum pungit & torpet ; sic tribulatio animam nostram vellicat & lacerat , sed vtiliter , si feratur patienter , & conuertatur qui pungitur . Audi Bernardum : *Spina pœna est . spina falsus frater . spina vicinus malus . Bene pungeris , si compungeris ; multi cum sentiũt pœnam , corrigunt culpam , & talis dicere potest ; Conuersus sum in arumna mea , dum configitur spina* . Non cauet , neque horret spinas qui apparet inter spinas , quando sui sentiunt ærumnas , melius est igitur esse cum illo inter spinas , quàm sine illo inter rosas . *Serm. 48. in Cant.*

C Existentibus tribus pueris in fornace Babylo- nica visus est vnus , cuius species similis erat filio Dei , *Dan. 3.* illum Tertullianus *lib. 4. contra Mar. c. 1.* affirmat fuisse Christum humana figura appa- rentem. Vides quomodo Deus afflictos atque vexatos sequatur. Si spinis vexentur , in spinis appa-

re ;

ret; si in catinum injiciantur, in camino videtur, ut illis adesse demonstret. Narrat Petrus de Natalibus *Lib. 9. c. 41.* Dionysium quendam, missum in clibanum dixisse; *Et eris hic mecum bone Iesu?* Quasi diceret; malo esse tecum in clybano, quàm sine te extra clybanum; imò melius est esse in camino cum ipso, quàm in cœlo sine ipso. Si itaque tibi contingat in aliquam cadere aduersitatem, dic; *Esto mecum Domine Iesu.* Ipse enim est, qui ut afflictum soletur, ait: *Ne timeas, quia ego tecum sum.* *Isai. 41.* Diuo Antonio & Catharinæ Senensi, post diras vexationes dæmonum & tentationes de Christo sciscitantibus, *Vbi tunc erat;* respondit ipse, ibidem fuisse se non spectatorem tantum, sed & adiutorem. Audiamus Diuum Augustinum; *In Ps. 90. Nolite timere, inquit, quando tribularis, ne quasi non sit Deus tecum: fides sit tecum, & Deus est tecum in tribulatione.* Beatus quoque Bernardus *ser. 17.* sciens Deum tribulato adesse, nihil aliud requirebat præter tribulationem; *Cum ipso sum in tribulatione, ait Deus: & ego interim aliud requiram, quàm tribulationem?* Descendit Deus, ut propè sit his qui tribulato sunt corde; sed quando differt auxiliari, videtur stare post parietem, respicere per fenestras, prospicere per cancellos. *Can. 2.*

Observat is, quem vocant Hieronymum in Psalmos, *Ps. 66.* antequam tentaretur Iob, ei nunquam loquutum Deum, venisse autem postquam tentatus est, ac familiariter egisse, quasi cum amico amicum. *Respondit Deus Iob de turbine, Iob 38.* quasi latens, sed præsens in tribulatione, *Et quia, inquit Gregorius Lib. 28. mor. c. 2. flagellato*

loquitur, de turbine locutus fuisse describitur. Illum irridebat vxor, illum deseruerant amici, omni humano destituebatur auxilio, solus Deus, quamuis latens, aderat, cuius recreabatur præsentia. Dicat igitur ille author: Veniant plagæ, & omnia pœnarum genera, dummodo post plagas Christus adueniat.

Ex his quæ Christus in finali iudicio bonis dicturus est, liquidò constat nobiscum esse in tribulatione. Dicit enim; *Esuriui, & dedistis mihi manducare. Sitiui, & dedistis mihi bibere. Hospes eram, & collegistis me. Nudus, & operuistis me. Matth. 25.* Propter quæ remunerabuntur iusti, nō quòd eajpsi Christo impenderint, sed aliis in quibus Christus pati dicitur, & cum quibus erat, cum talia paterentur. Si enim Paulus 2. *Cor. 11.* infirmabatur cum infirmantibus, flebat cum flentibus; quantò magis Christus, qui nos plusquam Paulus diligit?

¶ Qui igitur fuit cum Ioseph in carcere; cum Iob in sterquilinio; cum tribus pueris in fornace; cum Daniele in lacu leonum, cum Iona in ventre ceti; cum Dauide, grandinante super eum tempestate, & persequente eum Saule; cum populo Israelitico, ipsum vexante Pharaone; cum Paulo in profundo maris; & qui, testante psalmista *Pf. 90.* est cū homine in tribulatione, quique iuxta est his qui tribulato sunt corde; & qui denique dicturus est se fuisse cum famelicis, cum nudis, & egentibus, cum infirmis, cum incarceratis; tibi non aderit? Vel Deus tecum est, vel tu in tribulatione non es. Audi Bernardum quærentem & respondentem:

Serm.

Serm. 16. in Cant. Vnde scimus, inquit, quod nobiscum sit Dominus in tribulatione? Ex eo utique, quod in ipsa tribulatione nos sumus. Quis enim sustineret, quis subsisteret, quis persisteret sine eo?

Loquens Dauid de auxilio quod Deus solet homini cadenti præbere, sic ait. *Cum ceciderit, non collidetur, quia Dominus supponit manum suam. Ps. 36.* Secundum Augustinum: cum scilicet ceciderit in aliquam tribulationem, contumeliam, afflictionem, damna, aut in alia incommoda quæ solent hominibus euenire, in his non collidetur, quia Dominus tanquam præsens, videns, & auxilians supponit manum suam. Videas quendam sursum vitrum projicientem, ut peritè cum cadit, manu colligat: qui vitrum cadens intuetur, & peritiam projicientis ignorat, existimabit vitrum in mille frustra fractum iri: at qui projicit, cum iam prope terram vitrum accedere videt, brachium admouet, & supponit manum suam, & vitrum excipit incolume. Sic Deus hominem sæpe à se projicere videtur, dum illum in aduersa cadere sinit: qui hominem in aduersis positum intuetur, existimat actum esse de illo, & in frustra frangendum; verum Dominus supponit manum suam, ut cum ceciderit non collidatur. Cadere videbatur Susanna, cum falsò accusata ducebatur ad supplicium; sed Dominus supposuit manum suam, dum Danielem suscitauit, qui eam liberauit. Petrus in mari videbatur mergi, sed Dominus supposuit manum, & illum erexit. Sic multi cade-

re & cecidisse videbantur, sed Domino manum suam supponente mirabiliter euaserunt.

E Dicat itaque Domino Deo vnusquisque nostrum illud Dauidicum, *Psal. 22. Si ambulauero in medio umbræ mortis, non timebo mala, quoniam tu mecum es.* Nauclerus quidam, vt narrat Plutarchus *In vit. Cæs.* Cæsarem vehebat, qui tēpestate exorta, eaque perterritus, retrò scaphæ cursum vertere statuebat. At Cæsar, Ne extimescas quicquam, dixit, Cæsarem vehis. Equidem multò meliori iure quisque in medijs tempestatibus, & in omni tribulatione, hac se voce confirmare potest: Ne extimescas, tecum habes Deum. Est enim adiutor in opportunitatibus, in tribulatione. Vnde Bernardus, *Psal. 9. Serm. 16. in Cant. Felix, Domine, qui te consolatore, & adiutorem habet.* Dum autem habebis auxiliantem, si credas præsentem. Nam qui diffidit, vel qui credit Deum non esse secum in tribulatione, iniuriam Deo facit, quia illum amico similem credit, qui est amicus secundum tempus suum duntaxat, id est, secundum vtilitatem propriam, & non permanet in die tribulationis: quod, teste Poeta, omnino turpe est: *Ouid. 2. de Ponto.*

*Turpe sequi casum & fortuna cedere, amicum
Et, nisi sit felix, esse negare suum.*

Commendat Seneca *Lib. de paup.* paupertatem, & in ea omnes alias aduersitates, quod per eas a quibus verè, vel fictè diligamur, cognoscimus. (Ad hoc vnum, *inquit*, amanda est paupertas, quod à quibus amaris, ostendat.) Sunt aliqui veluti argentum viuum, quod alij Mercurium vocant, quod

quæ-

quærit semper auro vniri ; veruntamen, si aurum
vt probetur, in ignem mittatur , statim huiusmodi
argentum relicto auro in fumum conuertitur. .
Sic ficti amici quos vident diuitijs & potentia af-
fluere, sequuntur: verùm si in ignem afflictionis,
aut in fornacem tribulationis incidant, statim eos
deserunt, de quibus Sapiēs. *Socij mensa, non perma-
nētes in die necessitatis. Ec. 6.* Ita autē de Domino sē-
tire nimis impium esset, cū ipse sit, *verus amicus
qui omni tempore diligit: Prou. 17.* & qui ideo per-
mittit nos cadere in tribulationē, vt sit nobiscum
in tribulatione. Nonne audiuius illum mansisse
in fornace cum tribus pueris, imò apparuisse,
quandiu in illa manserunt? Non deseruit Laurenti-
um dum in craticula superpositus vreretur; nec
alios Martyres dum cruciarentur. Non etiam de-
seret te aduersa patientem. Audi quid dicat; *Cum
transieris per aquas, tecum ero: cū ambulaueris in
igne, non combureris, & flamma non ardebit in te.
Noli timere, quia ego tecum sum. Isai. 43.* Deum
etiam nobiscum esse affirmat Seneca *Epi 41.* dum
sic inculcat; (Propè est a te, tecum est, intus est.)

F Dices; si Deus adsit afflictis, cur eos statim ab
afflictione non liberat? Respondet Diuus Augu-
stinus *In Ps. 144.* pulchra quadam similitudine;
*Propè Deus est, inquit, ibi est: nondum dedit quod vis;
ibi tamen est, Quomodo medicus, si fortè aliquid im-
ponat, vel oculo, vel vsceribus, quod vrendo sanet; si
roget ager vt tollatur illi, medicus spectat tempus, nō
facit quod rogat ager, non tamen recedit; & propè est,
& non facit; & ideo magis non facit, quia propè est,
curando enim imposuit, quod imposuit, & curando nō*

F 4 facit

facit quod rogitur. Non te exaudit ad præsentẽ volũtatem, exaudiendo ad futuram sanitatem, & hoc utriusque ad voluntatem. Nam utriusque sanus esse non vult, qui uri non vult. Ostendit ille doctor Deum non recedere ab afflicto, licet ab eius recedat voluntate: optaret enim afflicto citò liberari; sed Deus qui præsens est, non tollit afflictionem, quando ille petit, sed quando ei expedit.

Cæterum, non tantum Deus tecum est cum afflictaris, tribularis, cruciaris: sed & cum epularis, fornicaris, deliciaris. Putas inquit Ambrosius, Ser. 1. in Psal. 118. te solum esse cum fornicaris, & non recordaris quia oculi Domini vident orbem terrarum? Putas quod in lupanari Christus te non videat, quem videt lupanar ingredientem? Putas quod in adulterio te non deprehendet, quem videt adulterium cogitantem? Est igitur nobis Deus semper proponendus, ut illo spectante & feramus aduersa, & fugiamus illicita; qui enim videt & reficit laborantes, videt etiam & punit peccantes. Propterea sume hoc Senecæ Epist. 10. salutare consilium: Sic viuere cum hominibus, tanquam Deus videat: sic loquere cum Deo, tanquam homines videant. Dicam & ego. Sic sustine cum hominibus, tanquam Deus videat: sic patere pro Deo, ac si homines videant.

Tribulationes sunt patienter ferendæ, quia à Deo mittuntur. Caput X.

ANonnulli eò dementiæ deuenerunt, ut omnia tam prospera, quàm aduersa casu, & non diuina prouidentia accidere autument. Unde

de meritò conquerebatur Hieremias, *Thren. 3.* Quis est iste, qui dixit, *ut fieret Domino non iubente?* ex ore altissimi non egrediuntur, nec mala, nec bona? Quid murmuravit homo vivens, vir pro peccatis suis? vel ut alii legunt: *Quis est iste, qui dixit, quod aliquid factum est Domino non iubente?* Nam, testante alio Propheta, *non est malum in civitate, quod non fecerit Dominus. Amos 3.* Quod de malo pœnæ intelligitur, uti sunt morbi, paupertas, & similia mala, quæ cum à Deo emanent, non simpliciter mala, sed mala bona vocari possunt. Quemadmodum, quæ medicus aegrotò infert mala meritò bona dicuntur, cum in bonum finem, & ad recuperandam sanitatem conferantur. Hinc Magnus Basilius, *Hom. quòd Deus non est author mali.* Vnum, inquit, hoc habere in mentibus nostris prescriptum oportet, quòd cum simus boni Dei opificium, & ab illo constemus, omnia circa nos, tam modica quàm magna dispensante, nihil nobis malum sit, aut tale, ut melius illo excogitare possimus.

Libenter bona accipimus de manu Domini, gratanter etiam aduersa accipiamus, dicamusq; Deo quod olim fortunæ Demetrius: (Tu me extulisti, tu rursus deiecis.) Hoc, teste Seneca, *Lib. 3. natu. quest.* ab Aeschilo didicerat: nos autem à Iob discamus bonorum oblationem, eorumque ablationem, ac cætera aduersa à Deo emanare: sic enim ait: *Dominus dedit, Dominus abstulit, &c.* Si bona suscepimus de manu Dei, mala quare non sustineamus? *Iob. 1. & 2.* Observant duo grauíssimi Doctores, Iob nò dixisse diabolum, aut Chaldaeos bona sua abstulisse, sed Dominum, qui diabolo talè potestatem

con-

contulerat. *Non dixit, ait Augustinus, In Psal. 31. Dominus dedit, diabolus abstulit; ne dicatis, hæc mihi diabolus fecit. Prorsus ad Deum tuum refer flagellum tuum; quia nec diabolus tibi aliquid fecit, nisi ille qui desuper habet potestatem, permittat, aut ad pœnam, aut ad disciplinam; ad pœnam impijs: ad disciplinam pijs.*

Idem adnotavit Gregorius, *Lib. 2. mor. cap. 12.* qui inde non esse dolendum colligit. *Sanctus vir, inquit, tentante aduersario cuncta perdidit, sed sciens, quia contra se Satban tentandi vires, nisi permittente Domino non habebat, non ait, Dominus dedit, diabolus abstulit, sed, Dominus dedit, Dominus abstulit; forsasse enim fuerat dolendum si quod Dominus dedit, hostis abstulisset. At postquam non abstulit, nisi ipse qui dedit, sua recepit, non nostra abstulit. Si enim nos ab illo accipimus, quibus in hac vita utimur, cur doleamus, quod ipso indicante exigimur, quod largiente fœneramur.*

Idem Doctor ostendit quonam pacto sint accipienda illa Dei verba apud Isaïam; *Ego Dominus creans mala. cap. 45.* Nam per illa mala non intelligimus peccatum, quod, cum nihil sit, non creatur à Deo, sine quo factum est nihil: & quia, teste Diuo Thoma, *Part. 1. quæst. 49. art. 2.* peccatum nullam habet substantiam, sed dicit defectum, non potest à Deo emanare, qui dum permittit mala culpæ, concurret tantum ad substantiam actus, & non ad deformitatem delicti, ut dicetur inferius. Quid dicat Gregorius, videamus. *Neque mala, inquit, quæ nulla sua natura subsistunt, à Domino creantur; sed creare se mala*

*quamvis Deus optimus ac iustissimus = Do-
mus permittat fieri malum, tamen
inquam relinquit illud inordi =*

Dominus indicat, cum res bene conditas nobis male agentibus in flagellum format: ut ea ipsa & per dolorem quo feriunt, delinquentibus mala sint, & per naturam qua existunt, bona. Vnde & venenum mors quidem est homini; sed vita serpenti. Lib. 3. mor. c. 7.

C Quod autem ea quibus castigamur & affligimur, nobis diuinitus obtingant, patet in verme hederam Ionæ corrode, de quo sic Scriptura; *Parauit Dominus vermem. Ion. 4.* vel ut alij legūt; *Precepit Dominus vermi matutino.* Non aliunde euenit, sed à Domino paratus, & iussus est, ut scilicet illi arbusculæ hærens dentes infingeret, sicque arefceret, & Ionas æstuarer: Deus enim est, qui etiã vermiculos mittit, illisque vtitur ad castigandos peccatores. Sic olim legis suæ contéptoribus minabatur; *Vineam plantabis, & fodies, & vinũ ex ea non bibes, quoniã vastabitur vermibus. Deut. 28.*

Vermibus etiam veluti iudiciorum suorum satellitibus ac ministris superbissimos & crudelissimos tyrannos Antiochum, & Herodem corrode-dos tradidit: nec propterea fit Deus inferior in creandis illis vermiculis, quod piè attendens Diu. Augustinus, *Sol. c. 9.* sic Deum alloquitur: *Omnipotens manus tua, Domine, semper vna & eadem creauit in celo Angelos, & in terra vermiculos, non superior in illis, non inferior in istis. Sicut enim nulla alia manus Angelum, ita nulla alia potest creare vermiculum.* Itaque sicut Angeli non nisi iussu diuino veniunt ad nos ad protegendum nos: ita illi vermiculi, & alia id genus quæ nos infestant, non nobis immittuntur, nisi iubente vel permittente Domino ad castigandum nos.

= natum, si ordinat illud malum
= et bonum. Con-

Confidera interim, quot satellites Deus habeat, cum pœnas de refractarijs sibi hominibus sumere voluerit. Nam Ionæ peccatum castigaturus præsto habet Solis radios, ardores, ventorum spiramina, & vermes terræ. Et quid non? *Multa flagella peccatoris, &c. Psal 31. Armata omnem creaturam ad ultionem inimicorum. Sap. 5.* Contra primum parentem Adamum parauit spinas & tribulos, sudores & labores: contra Pharaonem armavit ranas, cyniphes & muscas: contra Absalonem ramos arborum, imò proprios capillos: contra Herodem pediculos, &c. Ecquis ergo manum eius effugere poterit? Contra nos interdum parat grâdines, aquarum eluiones, sterilitatem, & similia, quæ nos terræ fructibus priuant, vt vel sic fame premamur: parat etiam aliquando infirmitatem quæ corpus nostrum afficiat: mittit etiam aliquos qui nos litibus & processibus exagitent, ita vt cogamur omnia litigando consumere: parat qui nos persequantur, iniurijs laceessant. Itaque Deus, qui in mundi fine armabit omnem creaturam ad ultionem inimicorum, & supremum cum eis conferet bellum, nunc armat tantùm aliquas creaturas ad ultionem aliquam sumendam, & leues pugnas excitat, quæ vulgò dicuntur *Escarrouches*, sicut D. Clemens à D. Petro Apostolo se audisse testatur *Lib. 5. Recognitionum. In Act. Apost.*

D Refert Oecumen. in Ciuitate Atheniensi pestem maximam grassatam fuisse, quæ eam miserè vastabat. Ciues vero in discrimine positi ad Iouis simulachrum accedentes plura obtulere sacrificia, vota, ac orationes, vt eos à peste eriperet, sed

sed non id Iupiter potuit. Postea ad Saturnum, Neptunum, & Mercurium, aliosque Deos confugerunt, nec tamen eis opem tulerunt, sed in dies pestis crescebat: cumque huiusmodi res versaretur, ac in Curia tractaretur, quidam inter ipsos sapiens dixit. Sine dubio hi Dij à nobis cogniti non immittunt pestem hanc, quia rogati illam auferre non possunt: est alius Deus nobis ignotus, qui eam immittit, quique eam tollere potest, ipse est igitur obsecrandus, eique ara est erigenda: statim huius sapientis consilio erecta est ara ignoto sibi Deo, cui sacrificia & orationes offerentes, à peste fuerunt liberati. Transactis autem pluribus annis, hanc aram cum hac epigraphe, **IGNOTO DEO**, ostendit Paulus, *Act. 17.* prædicans Athenis, & dixit: verus Deus, qui vobis ignotus est, & cui hæc ara consecrata est, & quem vobis annuncio, ipse est qui pestem, & alia flagella immittit, quique ea tollere potest, nec est alius, qui talé habeat potestatem. Ad illum igitur est recurrédum, solus est agnoscendus, adorandus, ipsique duntaxat sunt sacrificia offerenda. Itaque omnia adversa, & incommoda huius vitæ ipso volente nobis euenire: ideo illa patienter feramus, & ad ipsum humiliter recurramus.

Si quispiam ex tuis amicis paruulos aliquos lapides in te proijceret, vel baculo, quamuis leuiter, te percuteret, statim excandesceres, minas intentares, optaresque vindictam sumere, ignorás unde ista eueniant: verùm, vbi primùm tibi exploratum esset huiusmodi esse amicum tuum, aut sanè aliquem magnæ authoritatis virum, nec odio,

odio, sed potiùs amore id præstitisse, desineres irasci & conqueri, veniamque ab illo postulares, atque asseuerares, quod nullo modo ægrè tulisses, si sciuiesses illa ab eo emanasse, nec non protestareris te gratanter ea velle acceptare, tanquam maximè beneuolentiæ & familiaritatis argumenta.

E Si paupertate, morbo, bello, aut morte carorum, vel alia calamitate premaris, aut iniuria afficiaris, processibus exagiteris, vel aliquod malum pœnæ patiaris, scito hæc omnia tibi Deo clementissimo, atque amantissimo immittère, vel permittere accidere: nam, ut suprà diximus, *non est malum in Ciuitate, quod non fecerit Dominus. Amos. 3.* Hoc agnoscens Dauid, sic ait; *Virga tua, & baculus tuus ipsa me consolata sunt. Psal. 22.* Quasi dicat: fauori, ac proinde consolationi mihi est, quòd digneris baculo afflictionis percutere me. Idcirco sciens huiusmodi percussiones, & alia similia à Deo, tanquam saltem permittente emanare, lapidibus à Semei appetitus, ac iniuriis affectus obmutuit, assignatque rationem, quòd videlicet hæc omnia à Domino efficerentur. *Obmutui, inquit, & non aperui os meum, quoniam tu fecisti. Psal. 38.* Nolo vices rependere, non irascar, nec vindictam sumam, *quoniam tu fecisti.* Si solus & suo Marte, te non permittente, aut volente hoc faceret homo, fortè indignaret & excandescerè, *sed quoniam tu fecisti,* patienter feram, ubique gratias referā, cum sint tui erga me amoris signa.

Quando autem Dauid dixit Deum fecisse, imò præcepisse, ut scilicet Semei illum offenderet & malediceret, *Dominus enim præcepit ei, ut maledice-*

ret David: 2. Reg. 16. non propterea censendus est author illius peccati quod Semei commisit in Dauidem. Deus enim non præcepit ei, ut malediceret David præcepto eiusmodi, ubi laudaretur eius obedientia: sed dicitur Deum præcepisse Semei, ut malediceret David, quoniam videns malā voluntatē Semei, usus est illa mala voluntate, quā non fecerat, ad humiliandum & corripiendū Davidem. Hinc Aug. *Quomodo, inquit, dixerit Dominus Semei maledicere David, quis sapiēs, & intelliget: nō iubēdo dixit, ubi obedientia laudaretur. Nam si iubenti obtemperasset, laudandus potius, quā puniendus esset, sicut ex hoc postea nouimus esse punitum. Propterea hæc verba, Tu fecisti, & similia, sic intelligenda sunt.*

Primò, *Tu fecisti*, non propriè, & impellendo voluntatem Semei, nec eā physicè, vel immediatè mouēdo: nec moraliter, id est, verè, & propriè imperando ei, sed tantum permittendo, ut ipse mala vteretur sua voluntate persequendo me.

Secundò, *Tu fecisti*, deferendo me, vel auxiliū tuum à me subtrahendo: videntes autem Semei & alij inimici mei me iuste propter peccata mea à te derelictum, sunt me persecuti, dicentes; *Deus dereliquit eum, persequimini eum.*

Tertio, *Tu fecisti*, nō tanquā causa particularis, sed tanquā vniuersalis: etenim ut talis concurrens ad omnes effectus: peccauit igitur Semei quia illo generali cōcursu abutebatur ad nocendū Davidi.

Quartò, *Tu fecisti*, id est, tu positiuo voluntatis actu permittere voluisti: quia secundum Catechanum, voluntas Dei per se in peccata ipsa non se ha-

habet positivè per velle, & nolle, sed negativè per non velle; non vult positivè, quia bonus: non habet nolle positivum, quia cum fiant, non esset omnipotens; sed invito ipso fierent: fieret autem aliquid ipso invito, si fieret aliquid quod ipse fieri noller. Non igitur erga peccata habet velle, aut nolle; sed non velle. Propterea ipsemet David non dixit, *Nolens iniquitatem tu es*; sed ait, *Non Deus volens iniquitatem tu es*. Psalm. 5. At verò licet non habeat Deus velle fieri malum, habet tamen velle permittere malum, ex quo novit elicere bonum. Vnde Divus Augustinus, *In Enchir. cap. 100. Magna opera Domini exquisita in omnes voluntates eius, ut miro & ineffabili modo non fiat præter eius voluntatem, quod contra eius sit voluntatem: quia non fieret, si non sineret: sed volens non sineret bonus fieri mala, nisi omnipotens de malo facere posset bene.*

Quintò, *Tu fecisti*, id est, voluisti ut hoc fieret, non quatenus est culpa, sed quatenus est pœna Davidis: nam quamvis malum esset Semei peccare, quod Deus non volebat, sed prohibebat; bonum tamen & iustum erat puniri Davidem, quod voluit, & fecit Deus: fecit autem non incitando Semei ad malum, neque enim suadendo, vel imperando, sed permittendo, cum faciliè impedire posset. Noluit autem impedire, quia sic Davidem volebat punire: intendebat igitur pœnam illius, non culpam Semei.

Sextò, *Tu fecisti*, auertendo voluntatem Semei ad multa scelera inclinatham, & cohibendo ab alijs, & ad has iniurias viam aperiendo, id est,
finen-

finendo illum ruere in me, & non finendo ruere in alium: immittendo videlicet cogitationem aliquam bonam, ex qua Semei ob suum vitium sumpsit occasionem iudicandi melius esse Dauidi nocere, quàm alteri. Et hæc est sententia Diui Thomæ *In cap. 9. ad Rom.* qui sic ait: *Deus non solum inclinatur voluntates malas ad unum potius, quàm ad aliud, permittendo, ut ferantur in unum; & non permittendo, ut ferantur ad aliud, sed etiam positivè inclinando in unum, & auertendo ab alio, non quidem per se & physicè mouendo voluntatem ad unum, & remouendo ab alio; sed occasionaliter & moraliter; immittendo videlicet cogitationem aliquam bonam, ex qua malus ob suum vitium occasionemumat iudicandi melius esse huic nocere, quàm alteri, siue huic potius iniquitati seruire, quàm illi.*

G Septimò, propterea, & præterea, *Tu fecisti*, præsidendo voluntati Semei, eamque regendo in bonum meum. Nam licet Deus non faciat malas voluntates, eis tamen præsidet, & regit, atque ordinat in bonum electorum suorum; quemadmodum (ut docet Diuus Basiliius, *In orat. quòd Deus non sit author mal.*) *Lib. 11. de Cin. Dei c. 11.* medici vtuntur viperæ veneno, quod ipsi non fecerunt, ad corpora curanda. Vnde Diuus Augustinus: *Sicut Deus, ait, naturarum bonarum optimus creator est, ita malarum voluntatum iustissimus ordinator est.* Et hæc doctrina est valdè notanda, quæ etiam ab Hugone de Sancto Victore *Li. 1. de Sac. par. 5. c. 29.* luculentissimè & doctissimè explicatur his verbis. *De illo modo, inquit, diuinae moderationis, quo malas etiam voluntates præsidens occulta & inuisibili operatione*

ne ad suum arbitrium temperat & inclinat; hoc sentiendum, ut credatur Deus malis voluntatibus non dare corruptionem, sed ordinem. Voluntati ergo mala vitium est ex ipsa quo mala est; ordo autem ex Deo est, quo per velle siue ad hoc, siue ad illud est. In voluntate ergo vitium est. & ipsum malum est, & ex ipso voluntas mala est: in velle autem & vitium est, in quantum velle ex voluntate mala est: & ordo est, in quantum ad hoc, vel ad illud ex disponente est. Et cum ipsum velle ad hoc aliquid est, malum est quod ad hoc est, quia ex mala voluntate est. Quod autem potius ad hoc, quàm ad illud est, bonum est; quia ordo est, & ex bene disponente est. Potest ergo voluntas mala in se corrumpi & resolui per proprium vitium, quod ei aliunde non datur; sed non potest per velle extra se precipitari, nisi quatenus ei via aperiatur; & qui precipiti, quatenus vult ad ruinam viam aperit, quodammodo ipsam inclinat non impellendo, sed permittendo, & non tenendo: nec auctor ille est ruendi, sed incedendi ordinator. Hæc Hugo; quibus constat malas impiorum voluntates non quidem fieri a Deo, sed sic ab eis deprauatas, & ad nocendum determinatas, ab illo regi, & ordinari; ut in nos potius quàm in alios ruant & se determinent, vel ad castigandum nos, vel ad augendum meritum, & ad nostram exercendam patientiam. Et quia huiusmodi ordo, & dispositio a Deo est, idcirco dicimus omnes, etiam iniurias, & alia incommoda, quibus impij nos afficiunt, à Deo sic disponente immitti; ideo hæc sunt a nobis patienter ferenda, tanquam in bonum nostrum redundantia.

Cate-

Cæterum, sciendum est Deum sæpissimè se habere ad modum percutientis ianuam alicuius domus, cui, vel domesticis notus est, qui interroganti & quærenti quisnam ille sit qui pulsat, hæc duntaxat respondere solet: Ego sum, *c'est moy*, & illicò illi aperitur: si verò percutiens non agnoscatur, non satis est dicere; Ego sum: sed necesse est etiam exprimere nomen suum, ac indicare, quisnam ille sit, ac notum se præbere, ut ei aperiatur.

H Sic Deus dum fideles & amicos suos tribulationibus percutit, sat ei est dicere; ego sum, sup. qui percutio: ait enim, *percutiã, & ego sanabo. Deut. 32.* Loquens olim amico suo Moyfi, qui illum agnoscebat, hoc solum dixit: *Ego sum, qui sum.* At volēs multis plagis percutere Pharaonē a quo non agnoscebatur, qui dicebat, *Nescio Dominũ. Exod. 5.* non sat erat dicere, *Ego sum*, sed varijs signis & prodigijs necesse fuit palàm ostendere se esse omnium Dominum, qui iustè illum percutiebat.

Quadam vice existente naui ubi erant discipuli Christi, in medio mari, flanteque vento contrario, ambulavit Iesus supra mare, existimantibus illis phantasma esse, atque exclamantibus, & conturbatis, ait Christus; *Confidite, ego sum.* Ego inquam sum, qui hanc tempestatem, quæ me iubente vobis orta est, sedare possum: hoc solo verbo discipuli illum tanquam sibi familiarem agnoscentes non timuerunt virgentem tempestatem, quæ fortè à Christo immittebatur ad probandum illorum animum & patientiam.

Saulum nondum Dominum agnoscentem, & fideles acriter persequentem, cæcitare percussit

Dominus, ac ei quis esset percontanti respondit : *Ego sum Iesus, quem tu persequeris . Act. 9.* Non satis fuit dixisse, *Ego sum*, sed quia ignorantia ipsi loquebatur, oportuit, ut nomen suum adderet, & exprimeret . Illico Saulus sciens hanc cecitatem, ac cætera quæ postmodum illi acciderunt, aduersa, a Domino immitti, acquieuit, & aperuit, id est, illa libenti animo tolerauit, ut ipsemet fateatur dum ait : *Spiritus sanctus per omnes ciuitates mihi protestatur dicens, quoniam vincula & tribulationes Hierosolymis memanent, sed nihil horum vereor. Act. 20.* Quibus verbis ostendit illa vincula & tribulationes sibi parata esse a Spiritu Sancto; ideo libenter eò se conferebat ad illa subeunda . Deus igitur sicut omnium rerum causa est, ita in omnibus operatur : & sicut per illas nobis bona elargitur tanquam prima & præcipua causa: ita per illas etiam nos flagellat, ut ipsemet testatur per Amos Prophetam c. 4. dum de illa quam immiserat siccitate loquitur : *Ego quoque prohibui à vobis imbrem, &c. & plui super vnā ciuitatem, & super alterā ciuitatem non plui, pars vna compluta est, & pars super quam non pluit, aruit.* Et per Isaiam c. 5. sic mirabatur : *Nubibus meis mandabo, ne pluant super eum imbrem.* Ex quo patet, quod illa siccitas ab illo imbrem prohibente promanabat, sicut & cætera quæ nos hic vexant .

I Apud Ioannem legimus, Diuum Petrum voluisse gladio impedire, ne Christus caperetur in horto, flagellaretur in ciuitate, & moreretur in Cruce. At Christus, *Calicem, ait, quem delit mihi Pater, non bibam illum? Ioan. 18.* Non dixit Iudas,

daos,

daos, aut Phariseos hunc sibi propinasse calicem; sed Patrem, a quo per manus Iudæorum accepit. Si aliquando mundus, aut Sathan te ob aliquam animi, aut corporis ægritudinem & afflictionem, ad impatientiam inducat, dic ei; Calicem, id est, infirmitates, animi molestias, tribulationes, infestationes, quas dedit mihi Deus per manus persecutorum, & odientium me, non patiar? Cum igitur pro comperto habeas, omnes tuos dolores, morbos, paupertatem, persecutiones, & cætera te vexantia à Deo obuenire: illa patienti animo tolerare debes. *Quicquid*, ait Seneca, *Epist. 77. viro bono acciderit, a quo animo sustinebit; sciet enim id accidisse lege diuina, qua vniuersa procedunt*. Habes saltem unde consolers, quia Deus qui te percutit, & affligit, ipsemet te sanabit. Audi Iob. *Iob 3. Ipse vulnerat, & medetur; percutit, & manus eius sanabunt*. Ergo ab eo expectes medelam, a quo recepisti plagam. Scit ille sanare, qui nouit vulnerare. Habet quando te cupiat eripere, qui habuit, quando te voluit percutere. Ab eo patienter spera tempus liberationis, à quo iuste recepisti modum vexationis. Scit enim quando sis curandus, qui nouerat quando fuisti castigandus.

Diua Catharina Senensis in extremo spiritu, spiritualibus filiis hoc memorabile documentum reliquit. *Dictum S. Cath. Sen.* Oportet Christianum magnâ fiduciâ habere de prouidentia Dei, scientem omnia quæ sibi, vel aliis eueniunt, ex diuina prouidentia prouenire, non ex odio ipsius, sed dilectione eximia ad creaturam. His consentiunt hæc verba Diui Augustini, *Tom. 1. in fine lib. 1.*

Solil. Constanter, inquit, Deo crede, eique te totum committe, quantum potes. Noli esse velle quasi proprius, & in tua potestate, sed eius clementissimi Domini te seruum proficere. Ita enim te ad se subleuare non desinet, nihilque tibi euenire permittet, nisi quod tibi profit, etiamsi nescias.

Conformanda est nostra voluntas voluntati diuina, etiam dum nobis immittit aduersa, ut patienter illa tolerare valeamus.

Caput XI.

A**Q**uamuis sit homo libero arbitrio præditus, non tamen licet ei pro libito viuere, sed debet omnino voluntati sui creatoris subiici, qui ideo iubet, ut iuuat, imperat, ut remuneret. *Quid tam superbum, inquit Hieronymus, Epist. ad Colontiam. quid tam ingratum, quam aduersus eius viuere voluntatem, qui ideo aliquid imperat, ut occasionem habeat remunerandi? neque enim obsequij nostri Deus indiget, sed nos illius indigemus imperio. Noli igitur renuere, quod tibi opus est.*

Ideo data est nobis voluntas, ut velimus quod Deus vult, si aliud velis, tortuosa est tua voluntas, atque corrupta, regulanda & corrigenda est, conformando illam voluntati diuinæ, quæ est vera regula. Notum est illud Senecæ dictærum. *Epist. 21. Nisi ad regulam praua non corriges.* Illa regula, nempe diuina voluntas, semper est recta & integra, nunquam tortuosa, si illam sequaris, recta, & non tortuosa ambulabis via. Quando non vis sequi Dei voluntatem, sed potius vis ut ipse sequatur tuam, tunc tortuosam vis facere illius voluntatem, quod

ma-

maximè cauendum est . Audi Augustinum *In Psalm. 93. Quid volunt homines? parum est, quia voluntatem suam tortuosam habent; etiam volunt Dei voluntatem tortuosam facere secundum cor suum, ut hoc faciat Deus quod ipsi volunt, cum ipsi hoc debeant facere quod Deus vult, &c.*

Sic contingat aliquando, ut velit homo voluntatem Dei conformari suæ voluntati, non propterea curuabitur voluntas diuina, sed maximè torquebitur voluntas humana, quia multa ei euenient iniucunda. Quædam sunt huius rei exempla proponenda. Existentibus filiis Israel in deserto, misit Dominus manna, illoque solo cibo eos tunc pascere volebat: illi autem, non hoc cibo contenti, voluerunt adhuc carnes, quas cum lacrymis postulauerunt: ideo Moyses ait ad Dominum; *Flent coram me dicentes; da nobis carnes, ut comedamus. Num. 11.* Ipsi etiam ubique clamabant; *Quis dabit nobis ad vescendum carnes?* Ad quos Dominus; *Ego, inquit, audiui vos dicere: Quis dabit nobis escas carniū?* Contulit igitur Deus illis quod volebant, & in tanta abundantia, ut dicat Dauid; *Pf. 77. Et pluit super eos sicut puluerem carnes, & sicut arenam maris volatilia pennata, &c. Manducauerunt, & saturati sunt nimis.*

B Voluerunt ipsi carnes, Deus autem noluiſſet dare carnes: tandem importunis eiulatibus illas obtinuerunt; sed non remansit impunita illorum propria voluntas. Nam, ait sacer textus, *Ibidem. Adhuc carnes erant in dentibus eorum, & ecce furor Domini concitatus in populum, percussit eum*

plaga magna nimis : vocatusque est ille locus, sepulchra concupiscentiæ: ibi enim sepelierunt populum qui desiderauerat carnes. Noli igitur petere, vt Deus tuam sequatur voluntatem.

Nolebat olim Deus dare filios Racheli, ipsa autem rogabat sibi dari filios: dicebat enim; *Da mihi filios, alioquin moriar. Gen. 30.* Datus est illi filius; Deus conformauit voluntatem suam voluntati istius mulieris, cui hoc malè cessit: nam mortua est patiendi huiusmodi filium. Voluntas nostra, secundum Philosophum, est potentia cæca: si illam sequaris, cæcum sequeris; hoc tibi non consultit Plutarchus, qui ait. *Neque cæcum ducem, neque amentem consultorem adhibeas.* Si enim cæcus cæcum ducat, ait Christus, nonne ambo in foueam cadunt? Noli igitur tuam sequi voluntatem, nisi voluntati Dei, qui omnia videt, vniatur. Optimè videt ductor, qua sit cæco transeundum; ideo non debet cæcus quærere, vt ductor eum sequatur.

Sapientissimus est Deus, atque optimus: vt sapiens nouit, quid nobis magis expediat: vt bonus, vult nobis dare non nociua, sed quæ nobis necessaria sunt. Magis te diligit Deus, quàm pater filium; malus pater non vult mala dare filio suo; *Vos, inquit Christus, cum sitis mali, nōtis bona data dare filiis vestris. Matth. 7.* Ergo Deus qui optimus Pater est, non dabit nobis nisi optima, quamuis aliquando nobis non arideant; non enim placent morbi, contumeliæ, afflictiones: non autem attendit Deus Pater, an illa nobis placeant, sed an magis conueniant.

Vis

Vis autem scire quid Deus velit omnibus hominibus? Salutem. nam. teste Apostolo, 1. *Tim. 2. omnes homines vult saluos fieri.* Si illius voluntatē sequaris, salutem assequeris, ad quam omnes qui peruenierunt, per ærumnas, & afflictiones transierunt. Audi Aug. *Epist. ad Lippium. Sine laboribus nequaquam ad Deum peruenire possumus. Necesse est ut omnes dicant: Per multas tribulationes oportet nos intrare in regnum cœlorum, &c.*

C At verò non satis est, ut Deus velit te saluū fieri, necesse est etiam ut velis & tu. Qui te fecit nescientem, non saluabit nolentem. Vnde Hieronymus, *In Epist. ad Ephes. 1. Vult Deus saluari omnes: sed quia nullus absque propria voluntate saluatur (liberi enim arbitrij sumus) vult nos bonū vel- le, ut cum voluerimus, velit in nobis & ipse suum implere consilium, &c.* Itaque, ut illa voluntas Dei fiat completa & efficax, id est, ut efficaciter sortia- tur effectum, scilicet salutem ab ipso volitam, debet accedere conditio à Deo requisita ex parte hominis, nimirum, ut homo cooperetur, ac medijs ad salutem præscriptis utatur, nec deferat viam, licet asperam, per quam vult illum Deus ducere ad patriam.

Vtinam omnes, qui Christianum nomen profitentur, ita diuinæ voluntati subiaceant, ut dicere cum Demetrio valeant. *Seneca de diuin. pron. Quid vis à me Deus immortalis? vis aliquam corporis mei partem? Sume, non magnam rem promitto: cito relinquam totum. Vis spiritum? Quidni? nullā moram faciā, quominus recipias quod dedisti, à volente feres quidquid petieris, maluissimè offerre quam*

quam tradere; Quid opus fuit auferre? accipere potuisti. Sed nec nunc quidem auferes, quia nihil eripitur, nisi renitenti: nihil cogor, nihil patior inuolens, non seruo, sed assentio Deo.) Quid quæso melius & Christianius dici potest? Pudeat nos, qui nondum ad talem diuinæ voluntatis conformitatem deuenimus.

Si autem hanc tuæ propriæ voluntatis resignationem ab Ethnico discere erubescas, à pio saltem & Catholico viro se omnino diuinæ voluntati conformante, discas. Refert igitur D. Taule-
rus; *In Collo Theologi, & mendici. pag. 685.* fuisse olim insignem quendam Theologum, qui annis octo precibus continuis à Domino cupiebat ob-
tinere, vt ipsi hominem quendam ostenderet, qui eum viam veritatis edoceret: cumque vice qua-
dam vehementissimo huius rei flagraret deside-
rio, vox quædam cœlitus lapsa ita ipsum alloqua-
ta est. Exi foras ad limina templi, & offendes illic hominem, qui te viam veritatis edoceat. Exi-
ens igitur inuenit mendicū quendam disruptis, sordidis, lu-
tosissimis pedibus, cuius vestes in vniuersū vix tribus obolis supputares, quem salutans ita affatus est.

D. Det tibi Dominus prosperum mane. Respō-
dit mendicus: non memini me vnquam aduersum
mane habuisse. Et Magister: Eia, inquit, vt for-
tunatum te faciat Deus. Quid ita loqueris? Respō-
dit mendicus: Sed nec infortunatus aliquando fui.
Rursus itaque Magister: Saluet, inquit, te Deus,
iam nunc apertius loquere: neque enim capio
quod dicis. Tunc pauper respondit: Id faciam li-
benter. Optabas mihi, Magister, prosperum ma-
ne,

ne, & ego me nunquam aduersum mane habuisse respondi. Quando enim fame premor, Deum laudo; si frigus patior; si grando, si nix, si pluuia cadit; si aura serena est, vel turbulenta, Deum laudo: & ideo nunquam triste mihi mane contigit. Optabas me etiam fortunatum fieri, & ego nunquam me infortunatum fuisse respondi. Noui enim cum Deo viuere, certusque sum quicquid ille facit, non posse non esse optimum. Vnde, quicquid ipse vel dabat, vel euenire mihi permittebat, siue gratum id esset, siue contrarium, dulce, vel amarum, lætus id tanquam optimum ab ipso suscepi, ideò nunquam infortunatus fui. Dicebas præterea, vt felicem me faceret Deus; ad quod ego similiter, nunquam me infœlicem fuisse subiunxi: soli namque diuinæ voluntati inhærere statui, in quem sic integrè omnem meam transfudi voluntatem, vt quicquid ille vult, & ego velim, & meam ipsi voluntatem ex integro resignauerim.

Hæc autem cum mendicus ille retulisset, ita eum rursus Magister affatus est. Quid obsecro dicturus esses, si te Dominus Maiestatis in abyssum demergere vellet? Et ille, in abyssum me demergeret? Et reuera, si id faceret, duo mihi brachia sunt, in quibus eum amplexarer: vnum est vera humilitas; & hoc illi suppono, atque per ipsum sacratissimæ humanitati ipsius vnitus sum: alterum, idemque dextrum est amor, qui diuinitati ipsius vnitus est; atque per hunc ipsum circumplector, ita vt mecum ad infernum descendere cogeretur. Optatius autem mihi foret in-

infer-

inferno cum Deo esse, quàm vel in cœlis sine illo. Ex his igitur Magister ille didicit, veram resignationem cum humilitate profunda compendiosissimam ad Deum semitam esse.

Ita tua voluntas cum diuina conformanda est, ut in neutram partem semper inclines, nec in prospera, nec in aduersa. Deus enim non solum scit, quid nobis magis ad salutem expediat: sed nulla alia de causa immittit nobis afflictiones, quàm qua largitur consolationes. Hoc antidoto munitus erat Abraham, cum iussus esset vnigenitum suum immolare, firmissimè credens, non posse sibi aliquid à Deo imperari, quod non in maiorem suam, filijque cederet incolumitatem. *Genes. 22.* Vade legimus quendam sanctorum Patrum in afflictione constitutum sic orare consueuisse: *Fili Dei, Fili Dei, sicut scis, & sicut vis, misere mei. In Vit. Pat.* Cum enim tribulamur, non debemus tempus, nec modum Domino præscribere: sed magis cuncta arbitrio eius relinquere.

E Idipsum nobis omnibus exemplo suo Christus imitandum relinquit, qui cum ex impendentis passionis acerbitate tanto mœrore obrueretur, ut sanguinem sudaret, peteretque tam durum calicem à Patre cœlesti transferri à se: tamen semper addidit, *Non sicut ego volo, sed sicut tu vis. Matth. 26.*

Cum in hæc verba Christi inciderimus, querendum est, an Christus aliquam habuerit voluntatem discrepantem à Patris voluntate, cum dixerit: *Pater, si possibile est, transeat à me calix iste.* Volebat enim pater illum mori: ipse

au-

autem videbatur nolle mori: Ergo alia erat Christi voluntas à Patris voluntate. Respondetur breuiter, illam Christi voluntatem, quæ mortem renuebat, fuisse conditionalem: non enim dicebat apud se, nolo mori, sed nollem mori, si fieri posset: ideo subiungit, *si possibile est*: quod teste Augustino, *Lib. 3. de conf. Euangel. c. 4.* idem valet quod, *si vis*.

Obijcies: cum Christus sciret esse Deo possibile transferre huiusmodi calicem, vt ipse apud Marcum, *capit. 14.* fateretur, *omnia tibi possibilia sunt*: & cum perspecta fuisset ei voluntas Patris, cur addidit, *si possibile est*, vel, *si vis*: cum hæc sint verba ignorantis, aut dubitantis, & non omnia cognoscentis? Respondeo, Christum in hac oratione ita locutum fuisse, vt si prorsus fuisset homo, cui neque diuina voluntas cognita esset, neque satis esset ei fortitudinis ad mortem superandam. Relinquebatur natura humana partes suas agere, quemadmodum egisset, si neque cum diuinitate coniuncta fuisset, nec de diuino decreto quicquam sciisset. Vnde Athanasius, *de cruce, & pass. Dom. Christus in occulto habuit suam diuinitatem*: atque ideo sub tempus mortis anxius esse, & mæerere cœpit, & obsecrabat calicem transire. Propterea non est mirandum, si per modum dubitantis, & ignorantis locutus fuerit, licet Patris potestatem & voluntatem agnosceret.

F Quæres præterea: vel illa voluntas Christi, qua mortem respuebat, erat bona, vel non: si bona, quare non fiebat? si non bona, quomodo erat

erat Christi? Hanc quæstionem mouet D. Bernardus, *Serm. 3. de Resurr.* illamque deuotissime soluit. *O Domine*, inquit, *voluntas, de qua dixisti, ut non fieret, si bona non erat, quomodo tua? Si bona erat, quare derelicta est? Et bona erat, & eius erat, neque tamen minus relinquenda, ob hoc uidelicet, ut fierent meliora: neque enim oportebat propria præiudicare communibus.* Ierat ergo voluntas Christi, & bona erat, qua dicebat; Pater, si fieri potest, transeat à me calix iste: sed ea de qua dicebat, fiat voluntas tua, melior erat quia communis non solum Patris, sed & Christi, & nostra. Hæc voluntas Patris erat, ut uidelicet haberet, quos adoptaret in filios: Christi erat, ut sit ipse primogenitus in multis fratribus: nostra erat, quia pro nobis faciebat ut redimeremur. Hæc de Christi voluntate, quibus docemur, quomodo tandem diuina voluntas præferenda, illique nostra in omnibus conformanda sit. Christum imitabatur Sanctus ille, de quo legitur, quod positus in oratione Alphabeti literas referebat, & à Domino postulabat, ut eas coniungeret, sicut vellet, & id concederet, & non aliud, siue illud esset aduersum, siue prosperum.

Existimabat olim Seneca, *lib. 3. nat. quæst.* sic nos aduersa tolerare debere, quasi voluerimus ea nobis accidere. *Nam*, inquit, *debuisses velle, si sciuisses ex decreto Dei fieri.* Nos autem certi sumus ex decreto diuino nobis euenire aduersa, quatenus ordinantur vel ad pœnam, vel ad augenda merita. Cum igitur velit te pati quod pateris, debes velle quod ipse vult. Est etiam iuxta Stobæum, voluntas nostra euentibus accommodanda. Idcirco

Dio-

Diogenes Cynicus rogatus, quid ex Philosophia lucratus fuisset, respondit; *Et si nihil aliud, vel hoc ipsum, quod ad omnem fortunam paratus sum.* Laert. lib. 6. in Diogene. Utinam tu ex Philosophia Christiana discas esse paratum ad omnem euentum, & ad omnia infortunia, quæ volente, vel permitte Deo tibi obuenient.

G Qui infirmantur, impatientes sunt, ac minimo ictu læduntur. Si propriam voluntatē sequaris, scito te infirmari; non mirum igitur si impatiēter feras quidquid tibi contingit aduersi. Vis autem ab illa infirmitate liberari? noli à Dei voluntate separari. Nam, inquit Gregorius Nyssenus, *Orat. 2. in orat. Dom. sanitas animæ est diuine voluntatis prosper successus; sicut è contrario excidisse ab ea, morbus est in mortē desinens.* Itaque, ut curari valeas, & sic omnia patienter feras, dic, *fiat voluntas tua.* Quandoquidem, teste eodem doctore, *verba hæc morbi animo inherētis curatio sunt.* ibid.

Saulus voce, tanquam fulgure, è cœlo delapsa petcussus, atque in terram deiectus, surgere non potuisset, nisi hæc verba protulisset: *Domine, quid me vis facere?* Act. 9. Quidquid iusseris præstabo, quidquid immiseris, subibo: imposterum tuum velle meum erit: si vis patiar animo, quid mihi ferendum sit, ostende. Ideò Christus Ananiæ: *Ego,* inquit, *ostendam illi quantā oporteat eum pro nomine meo pati.*

Dolebat Dauid, quod aruerit cor suum: aruit autem, quia oblitus erat comedere panem suum: ait enim; *Aruit cor meum, quia oblitus sum comedere panem meum.* Psalm. 101. Cibus hominis est
exc-

executio diuinæ voluntatis. Vnde Christus; *Meus cibus est, ut faciam voluntatem Patris mei. Ioan. 4.* Anima quæ hanc voluntatem non perficit, panem suum non comedit, atque ita arescit, flaccescit, ac minimo statu persecutionis, aut alicuius aduersitatis corrui.

Gaudebat Iob. quòd in persona propria & filiorum, ac in sua substantia voluntas diuina adimpleretur: idcirco statim vt audiebat sibi aliquod aduenisse infortunium, dicebat, & bene dicebat; *Sicut Domino placuit, ita factum est, sit nomen Domini benedictum. Iob. 1.* Hic pacto subleuabatur. videns sibi euenire, quæ Deo erant placita. Pudeat te, quòd tibi displiceant, quæ Domino placet. Crede mihi omnis tibi placebit aduersitas, si propria tibi displiceat voluntas. Nam teste Ambrosio, *De vita beata, & Iob. 15. q. 1. can. non est. nō est quod cuiquam nostrum ascribamus erumnam, nisi nostræ voluntati.* Idem sentit Augustinus, *Serm. 28. de verb. Apost.* qui ait; *Sola voluntate miser quisque efficitur.*

Hic Conquerebatur olim Deus de Pharaone, cui dicebat; *Vsquequò non vis subijci mihi? Exod. 10.* Caue ne etiam conqueratur de te. Ille enim Deo non vult subijci, qui patienter aduersa pati non vult, quæ Deus vult. Vis autem scire, quid sit Deo subijci? est velle voluntatem eius perfici. Vis adhuc scire, quid hoc sit? est similem Deo effici. Audi Bernardum, *Ad fratres de monte Dei. Velle quod Deus vult, hoc est iam similem Deo esse.* Nonne peroptas patria illa Paradisi tandem perfrui, in qua beati volunt, quod Deus vult, nec possunt.

sunt

sunt velle, quod Deus non vult? Incipe iam exequi in via, quod completurus, & perfecturus es in patria. Hoc incipias operari, sine quo non poteris beari.

Ostendebat olim Epitectus Philosophus, qua in re omnia nobis prosperè succederent, dum ait; *Ne velis quæ fiunt, fieri ut velis: sed velis quæ fiunt, fieri ut fiunt, & prosper eris*. Velis, inquam, quæ fiunt, fieri ut fiunt, scilicet à Deo, vel ut ita fiant permittitur à Deo. Hoc sanè velle debemus, quia tunc aduersa nobis vertentur in prospera. Itaque, adueniente tibi aliqua aduersitate, dic humiliter cum beato illo Machabæo; *Sicut fuerit voluntas in cælo, sic fiat*. 1. Mach.

Diuus Augustinus In Ps. 36. vocat illos recticordes, qui sequuntur in hac vita voluntatem Dei: *Quod, inquit, saepe diximus, illi sunt recticordes, qui sequuntur in hac vita voluntatem Dei. Voluntas Dei est aliquando, ut sanus sis; aliquando ut agrotas. Si quando sanus es, dulcis est voluntas Dei, & quando agrotas, amara est voluntas Dei, non recto corde es. Quare? Quia non vis voluntatem tuam dirigere ad voluntatem Dei, sed Dei virtutem curuare ad tuam. Illa recta est, sed tu es curuus. Voluntas tua corrigenda est ad illam, non illa curuanda est ad te, & rectum habebis cor tuum*. Si simus recto corde, erimus etiam læto corde; erimus autem recto corde, si rectam Dei sequamur voluntatem, non nostram curuam.

In omni angustia semper ad Deum per orationem recurrendum; ut consolationem & leuamen consequamur. Caput XII.

A Regius Psalter sic de Deo nostro loquebatur; *Deus noster refugium & virtus, adiutor in tribulationibus, quæ inuenerunt nos nimis. Ps. 45.* Sunt quædam tribulationes quæ inueniunt nos: est & alia tribulatio, quam nos inuenimus de qua sic idem Psalmista; *Tribulationem, & dolorem inueni. Ps. 14.* Dum à tribulationibus inuenimur, aut dum illas inuenimus, quid nobis agendum sit, docet Augustinus *In Ps. 45.* *In utraque tribulatione, inquit, siue quæ te inuenit, siue quam tu inuenis, ut utramque depellat, ille rogandus est, qui est adiutor in tribulationibus.*

Interdum insurgente aliqua aduersitate confugit homo ad potentes huius sæculi, vel ad parentes, aut amicos, & non attendit dicentem; *Nolite considerare in principibus, nec in filiis hominum, in quibus non est salus. Ps. 145.* In illis, inquam, non est salus, quia Dominus est salus. Quando ad illos recurris, tunc confugis ad fugientes te, quæris deferentes te, accedis ad recedentes à te. Sunt enim aliqui, quibus merito dici potest. *Petron. in fragmen.*

Cum fortuna manet, vultum seruatis amici.

Cum cecidit, turpi vertitis ora fuga.

Deus autem non deserit hominem in tribulatione, ait enim; *Cum ipso sum in tribulatione, eripiam eum, &c. Psal. 90.* Ipse est, qui vult inuocari in tribulatione. *Inuoca me in die tribulationis, etiam*

eruat te, &c. Quis Rex, aut diues ad conuiuium inuitaret te, & non reficeret te? Ad hoc inuitat, vt pascat: non inuitaret, si reficere non optaret. Cum igitur Dominus te inuitet, promittatque te liberandum, cur orare renues? Pauci sunt inter homines, qui velint postulari, vel quæri ab his qui in aduersa sunt fortuna; at verò Deus noster ab ipsis præcipue vult inuocari.

B Exempla docent, quid in angustiis, atque salutis nostræ discriminibus nobis sit agendum, nimirum, cum pio Rege Iosaphat, totos nos ad rogandam Dominum conferre debemus, dicendo; *Cum ignoremus quid agere debeamus, hoc solum habemus residui, vt oculos nostros erigamus ad te.* 2. Par. 20. Ita & multi alij dum vexarentur, oratione se munierunt; de quibusdam sic Augustinus. *Ser. 22. ad frat. in Eremito. Per orationem, inquit, Ezechias sanatur, & salutem anime & corporis adipiscitur: per orationem Hieremias confortatur in carcere: Daniel inter Leones exultat: Iob in seruilinio nudus triumphat: Susanna inter senes defenditur: Paradisum de cruce latro inuenit: Stephanus de torrente in cælum suspicitur.* Ipsi orando consolationem sunt assequuti, consequeris & tu, si oraueris vt illi. Ideò fortè permittit Deus, vt in hoc mundo aduersitatibus premamur, quibus ad illum ire compellamur; nam teste Gregorio, *mala quæ nos premunt, ad Deum ire compellunt.*

De nobis potest Deus conqueri, sicut olim de populo suo per Oseam, *Cap. 7. Non clamauerunt ad me in toto corde suo, sed ululabant in cubilibus suis, super triticum & vinum ruminabant, recesserunt*

H 2 à me.

Amc. Sunt nonnulli, qui dum aliquid perdiderunt, aut aliqua afficiuntur iniuria, vel dum eis aliqua accidunt aduersa, nimium anguntur, omnino se excruciant muliebriter flentes, ac discindunt corda sua, ruminantes & attentè considerantes illam quam fecerunt iacturam, aut illam quam acceperunt iniuriam, aut aliam quam patiuntur aduersitatem, quando potiùs ad illum deberent accedere, qui talia eis permisit accidere. Nihil prodest flagella considerare, & multùm prodest in flagellis Deum exorare; planctus, & eiulatus non verè liberant hominem, nec auferunt tribulationem, sed potiùs augent miseriam. Irasci autem, vel blasphemare, aut maledicere Deo, vel creaturis eius, impium est, augetque iram cœlestem: desperare verò totum hominem hic, & in æternum perdit, sicut patet in Caini, Saulis, Achitofelis, Iudæ, & aliorum plurimorum exemplis.

Christus ipse suo exemplo docuit nos ad orationem tanquam ad sacram anchoram maximè tempore tribulationis confugiendum esse: vnde doctissimus Iansenius *Lib. de vitta coccinea*, asserit, Christum Dominum non solum in horto, & in Cruce inchoasse & perfecisse passionem suam, orando: verùm etiam, quories aliquid graue patiretur, vel notabili iniuria afficeretur, ad Patrem orasse, præueniendo scilicet oratione dolorem, vel contumeliam talem.

C. Quod autem Christus Passionem suam oratione inchoauerit, affirmant Euangelistæ: quod in Cruce orando animam efflauerit, testatur Diuus Hieronymus, dicens Christum in Cruce

Cruce decem recitasse Psalmos, incipiendo à Psalmo vigesimo primo, cuius initium est. *Deus meus, respice in me, quare me dereliquisti?* &c. Psal. 21. vsque ad Psalmum, *In te Domine speravi*, &c. inclusiuè: ac spiritum emisisse recitando vltimum illius Psalmi versiculum; *In manus tuas commendo spiritum meum.* Psalm. 30. Hoc attendens, pius ille Cæsarius Arelatensis, *Homil. 29.* increpat nos, quod in afflictione constituti, Christi exemplo non recurramus ad orationem; sic enim scribit. *Quid indigebat Christus, ut taliter supplicaret? Non ille quidquam indigebat, sed nobis suo exemplo orationis remedia preparabat: orat misericordia, & non orat miseria: orat charitas, & non humiliatur iniquitas: prostratus in terra orat medicus, & non inclinatur egrotus: orat innocentia, & non orat nequitia: orat qui peccatum non fecit, & non se prostermit multis peccatis obnoxius: orat Iudex, & desiderat parcere, & non orat reus, ut indulgentiam mereatur accipere.*

Opportunum itaque, & commodum tempus orandi est, cum Dominus nos durius, & grauius affligit: quandoquidem nos ad se præsertim tunc inuitat, quando ad extrema discrimina redigit, vel aduersa immittit; eam ob rem David de se scribit: *In tribulatione mea inuocaui Dominum.* Psal. 17. Qui potuit, & voluit flagellare; poterit curare: non curabit, si illum orare non cures: illi fundas orationem, qui potest conferre curationem; nec differas deprecari, qui optas cito liberari, sit tibi refugium, a quo speras subsidium. Refert

Diuus Ambrosius piscem esse in mari, qui oborta tempestate, ne ab ea rapiatur, sese rupi adiungit, & adhæret, quousque cesset tempestas. Magnis quatiuntur tempestatibus homines, procellisque agitantur, quibus facili negotio resistere poterunt, si Domino adhæreant, atque ad eum per orationem recurrant. Sic faciebat, qui dicebat; *Mihi adhærere Deo bonum est, ponere in Domino spem meam. Psal. 72.*

D Qui ita Deo adhæserit, non habebit quod timeat. Audi Augustinum Deum alloquentem, *Li. 10. conf. c. 28. Cum inhaesero tibi ex omni me, nusquam erit mihi dolor, & labor, & viua erit vita mea plena te.* Ipsemet Iob cap. 17. optabat poni iuxta Dominum, ibique nullius manum formidabat; *Pone me Domine iuxta te, & cuiusvis manus pugniet contra me. Ps. 22.* Veniant quæque aduersa, insurgant aduersarij, non timebo mala, quoniam tu mecum es. Illi autem sunt iuxta Dominum, iuxta quos est Dominus. Vis autem scire iuxta quos sit Dominus? Audi dicentem; *Iuxta est Dominus his, qui tribulato sunt corde. Psal. 33.* Si igitur Dominus iuxta sit tribulatis; & secundum eundem Psalmistam, *Prope est Dominus inuocantibus eum;* necessaria, imò beata erit tribulatio, cui iungitur oratio, qua acquiritur Dei approximatio: tunc cum Apostolo Rom. 13. dicere possumus: *Propior est nostra salus, quam cum credidimus.* Non credas te longè esse à salute, cum sit prope te conferens salutem. Inuoca ergo & ora illum, qui iuxta te, prope te, & intra te est.

Porro, qui in afflictione sunt, videntur quodammodo

dammodo extincti, & suffocati: sed orent, ut respirent; nam teste Chrysostomo *Hom. 18. in Matt.* orare est respirare. Ionas in ventre piscis non poterat naturaliter aerem trahere, verum illum respirasse dicimus, quia illum orasse legimus, atque ita fuit ab illa angustia liberatus. *Ionas. 2.* Sicut igitur semper est nobis necessaria respiratio, ut viuiamus: ita semper est nobis necessaria deprecatio, ut ab angustis eripiamur. Audi respirantem: *Ad Dominum, cum tribularer, clamaui, & exaudiuit me. Ps. 119.*

E Merito Diuus Chrysostomus *Lib. 1. de orando Deum*, vocat orationem, *animæ Solem*: quia ut Sol mundum, sic oratio mentem illuminat; & Beatus Paulinus *nafragorum tabulam. Epist. 3.* quæ inter fluctus tribulationum nos ad portum deducit. Sit itaque in aduersis tua tabula oratio Dominica: ibi enim Deum appellas Patrem, qui nouit conferre filiis non sæpe quæ illi cupiunt, sed semper quæ eis expediunt. Ibi insuper oras, ut fiat eius voluntas: quod si velit te aliquo morbo, aut penuria, vel graui alia aduersitate affligi, debes velle & tu: quia hoc pacto incipies more Angelorum viuere, quorum teste Bernardo *Serm. 6. quad.* præcipua felicitas in hoc consistit, quod Dei voluntas iam omnino facta sit ipsorum voluntas. Opta igitur, ut sicut ipsi in cælo parati sunt, agere quod Deus vult, & præcipit; ita in terra paratus sis pati quod voluerit & permiserit: tibi sit iucundum pati, sicut illis agere, quod Deus vult, & ipse liberabit te à malo, à quo te nouerit liberandum: aliquando enim illud malum à quo liberari postulas, tibi potius bonum est, quàm malum. Ideo, ait Augustinus

In Ioan. serm. 29. non fit quod vis, sed fit quod tibi expedit.

Si dicas te non bene posse orare dum angustiaris, aut dum premit tribulatio. Respondebo, tēto feruentius Deum debere deprecari, quanto vehementius te videris affligi: nam tribulatio ad feruorem orationis plurimum conducit. Quod Diuus Chrysostomus *Hom. 5. de incomp. Dei nat.* probat hac similitudine: Sicut, inquit, aqua dum per plana & ampla spatia fertur, non in altum confurgit, sed tenuem sese late quaquaversus expandit; cum autem coarctatur in angustum, sese in excelsum iaculatur, petitque supernam regionem: sic mens humana, dum otiosa & liberior degit, diffunditur, & late diffluit: cum autem a superiori rerum euentu, casuque aduerso coercente sollicitatur, iam agilius se extrudit, & dilucidas orationes mittit in excelsum. Dum otio & deliciis fruebaris, otiose orabas; ideo necessaria fuit tibi tribulatio, ut frequentior, & feruentior tua fieret oratio, quæ eò citius exaudietur, quò feruentius emitteretur.

F Si autem statim post orationem tuam non exaudiaris, & a tribulatione tua non eripiaris; noli propterea animo deficere, sed expecta Dominum, qui nouit, quando sis ab afflictione tua liberandus. Audi Hieronymum, *Super Abac. Dominus noster sciens clementia sua pondera, atque mensuras, interdum non exaudit clamantem, ut eum probet, & magis prouocet ad rogandum, & quasi in igne excoctum iustiores & puriores faciat.*

G Si membrum aliquod habeas putridum, nouit

hōuit medicus, quid vel quantum sit præscindendum; & licet clames, illumque roges, non debet te exaudire, multum enim tibi noceret. Vnde Augustinus, *In Psalm. 33. Crudelis est medicus, inquit, qui exaudit hominem, & parcat vulneri, & putredini. Matres quomodo fricant in balneis ad salutem filios? nonne paruuli clamant inter manus earum? Illa ergo crudeles sunt, ut non parcant, non exaudiant lachrymas? Nonne sunt plena pietate? & tamen clamant pueri, & non eis parcitur. Sic & Deus noster plenus est charitate; sed ideo videtur non exaudire, ut sanet, & parcat in sempiternum.*

Cæterum cum David dicat Dominum iustos à tribulationibus liberaturum, *Multa tribulationes iustorum, & de omnibus his liberauit eos Dominus: Psal. 33.* quæritur an omnes iusti fuerint à suis tribulationibus liberati. Respondeo, quod liberatur quis dupliciter à tribulatione, scilicet corporaliter & spiritualiter. Corporaliter, quando ipso durante eius tribulatio terminatur; sic enim liberatus fuit Petrus corporaliter de tribulatione carceris: Paulus de naufragio. Spiritualiter autem, quando quis tribulatus non succumbit per impatientiam tribulationis; sed ipsam superat, patienter illam ferendo; & hoc modo fuerunt liberati iidem Petrus crucifixus, & Paulus capite truncatus, & Laurentius dum in craticula vreretur, & alij quamplurimi, qui nusquam supplicijs, sed potius ipsamet supplicia illis cesserunt, & quorum, secundum Cyprianum, *Lib. 2. Epistol. 6. pulsata, ac laniata corpora, pulsantes*

ac lamiantes ungulas picerunt. Et sic iustos de omnibus tribulationibus liberat Deus, quia ipsos triumphare facit in pœnis: licet enim succumbant corpore; mente tamen superant.

G Hunc Davidis versiculum explanans Augustinus, *Psal.* 33. eadem utitur distinctione, cum ait; *Nolite timere, tantum fac quod Deus iubet: si te non eruat corporaliter, eruat spiritualiter. Ille enim qui tulit de flamma tres pueros; nunquid tulit de flamma Machabæos? Nonne illi in ignibus hymnizabant; hi in ignibus expirabant? Deus trium puorum, nonne ipse est & Machabæorum? Illos eruit, & hos non eruit: imò virosque eruit. Sed tres pueros sic eruit, ut & carnales confunderentur: Machabæos autem ideo non sic eruit, ut illi qui persequuntur, in pœnas maiores irent, cum putabant se oppressisse Mariyres Dei. Eruit Petrum, quando venit ad illam Angelus, cum esset in vinculis, & ait illi; Surge, & exi. Nunquid Petrus perdidit iustitiam, quando non illum eruit de Cruce? Non eruit nunc, & eruit tunc: an ideo diu vixit, ut iniustus fieret? Fortè plus eum exaudivit postea, quàm prius, quando illum verè de omnibus pressuris eruit. Nam quando primum illum eruit, quanta ille per tulit postea? Illuc enim misit postea; ubi nihil mali pati potuisset.*

Itaque in tribulatione ne cesses orare, quia vno aut altero modo liberaberis: aut enim Deus postulata concedet, aut quæ tibi magis conveniunt: oratione saltem obtinere poteris, quo fortiter tribulationem feras. Audi Bernardum vnumquæque nostrum a dhortantem: *Nemo nostrum*, inquit,

quit, parui pendat orationem suam; dico enim vobis, quod ipse ad quem oramus, non parui pendit eam. Postquam egressa est ab ore nostro, ipse scribit eam in libro suo. & unum ex duobus indubitanter sperare possumus, quoniam aut dabit quod petimus, aut quod nonit utilius.

In omni tribulatione plurimum iuvat intercessio Beatissima Virginis Genitricis Dei Maria, ideo ad eam recurrendum.

Caput XIII.

A Scribit Plutarchus, *Traetat. de mag. moris* fuisse apud Romanos, singularem aliquam personam piam à Senatu designari certis statis stipendijs, ut in pauperum causis aduocaret, eisque patrocineretur. Scio quidem in iure civili, *l. femina. ff. de reg. iur.* cautum esse, ne sceminae admittantur ad officium aduocandi, tam in causis civilibus, quam in criminalibus. Verum tamen in causis pupillorum & orphanorum, similibusque aliorum pauperum, & miserorum, sceminis aduocare & suffragari concessum est. Voluit diuina bonitas, ut in cœlesti Curia inter tot suffragantes, & intercessores præcipuum locum teneret Beatissima Virgo Maria, quæ in omnibus causis, peccatoribus & in miseria constitutis suffragaretur, ac pro eis ad Dominum incessanter intercederet.

Hanc autem protectionem, vel intercessionem non obscure indicant verba illa, quibus Sapiens in persona Virginis utitur, *sicut platanus exalta sum. Eccl. 24.* Nam, teste Aeliano, *lib. 1. de natura*

zur. anim. folia platani noctuas arcendi vim habent. Affricanus etiam in his quæ de agricultura conscripsit, vespertilionem eo non ingredi tradit, vbi platani folia suspensa conspexerit. Per huiusmodi animalia nocturna, lucisque inimica intelligi possunt dæmones, qui intercessione istius gloriosissimæ Virginis à nobis arcentur & expelluntur. Obseruat Hugo Cardinalis platani folia speciem & figuram habere clypeorum, ita vt tot quasi clypeis platanus cingatur, quot folijs ornatur, in typum quidem Genitricis Dei, quæ ideo merito platano comparatur, non quod sibi, sed quod nobis plurimos clypeos, id est, protegendæ rationes administret: est enim clypeus protectionis symbolum: vnde in Canticis de illa mysticè sponsus; *Mille*, inquit, *clypei pendent ex ea*, *Cantic. 4.* Quæ verba sic interpretatur Diuus Thomas; *Opusc. 4.* mille clypei, id est, mille remedia ex Beata Virgine contra pericula pendent. Quare si telis tentationum grauaris, voca Mariam.

Præterea, illa est notissima platani commendatio, quod æstate ab infestatione radiorum solarium homines protegit: hyeme illos admittit. Habet namque folia ita inter se connexa, & intexta, vt sub vmbra illius quiescentes tempore æstatis, radij solares minimè offendere queant: hyeme tamen accedente, folia illa inter se connexa sic adinuicem explicantur, & separantur, vt radijs solaribus facilis pateat aditus ad fecundandas suo calore radices eius. Hæc duplex plarani proprietas, duplex sapientissimæ Virginis offi-

officium, quo erga nos vtitur, egregiè adumbrat. Ipsa enim tempore æstatis, diuinæ iracundiæ velut platanus se interponit, ne scilicet radij diuinæ vindictæ peccatores attingant. Tempore etiam hyemis, cum videlicet dura peccatorum corda frigescent, ipsa viâ parat, & iter pandit, quo radij diuinæ misericordiæ, velut ceram, rebelles eorum voluntates emolliant, ut dignos pœnitentiæ fructus faciant. D. Germanus, *De Zon. Dom.* sic sacratissimâ Virginem alloquitur: *Nemo est, qui liberetur à malis, nisi per te o Virgo purissima.*

Indicat etiam eandem Virginis protectionem communis illa Lunæ appellatio, qua Beata Virgo, *pulchra ut Luna, Cant. 6.* cohonestari solet. Dicunt astrologi, & Albumazar, quod si Luna nocte omnino non radiaret, vapores ascendentes de terra, adeò condensarentur, ut animalia respirantia suffocarentur. Non dissimiliter Maria, quasi Luna conseruat hominibus vitam spiritualem: tempore enim noctis, id est, aduersitatis surgunt continuo ex melancholia vapores tristitiæ, quibus homo quodammodo suffocabitur, nisi interueniat, intercedatque Virgo illa sanctissima. Hinc Ansel. *in orat. de laud. Virg.* Sicut, o Beatissima Virgo, *omnis à te auersus, & à te despectus, necesse est ut intereat: ita omnis ad te conuersus, & à te respectus, impossibile est ut pereat.*

B. Sciendum est autem in omni mediatore, & intercessore duo requiri, ut eius fauor aliquem consequatur effectum. Primum, ut velit: alterum, ut possit. Vtrumque reperitur in Virgine; & ut alia omittam, patet ex verbis quæ in nuptijs,

ptijs, deficiente vino, Virgo habuit ad filium, & ex responso filij ad matrem. Ait itaque mater; *Vinum non habent. Ioan. 2.* Quibus verbis manifestè constat Virginem voluisse orare, nam etiam non rogata rogabat. Quid si rogaretur? Vnde Bernardus, *Super missus est. Quid mirum*, inquit, *si innocata adest, quæ etiam non vocata præsto est?* Præterea id colligere licet ex amore Virginis in Deum, qui optat & vult omnes homines saluos fieri; & præcipuè ex amore eiusdem erga filium: nam cùm ipsa præ oculis viderit illum pro nobis natū, passum, & mortuum; sciatque ad eius gloriam & honorem pertinere, non perire eos, quos pretioso sanguine suo redemit, quid non hac ratione præstabit? quo non orabit ardore, vt passio filij sui optatum assequatur intentum, & ne tantus labor sit cassus, nec tantum pretium irritum fiat? Non est igitur de eius voluntate dubitandum.

Quod verò plurimū possit erga filium, constat ex responsione ipsius filij ad illam, & ex miraculo ab eo petitione matris patrato: sic enim respondit filius. *Quid mihi, & tibi est mulier?* Quæ verba, licet repulsam præ se ferre videantur, tamen non sunt verba recusantis; nec indignantis, aut increpantis; sed, vt notat Diuus Iustinus, *qu. 136.* (cuius libenter sequar huius loci expositionem) verba sunt monentis, & concedere volentis. Monet enim Christus his verbis, nihil sibi, & matri esse, vel nihil inter se, & matrem reperi, quod prohibere, & impedire possit, quin ab ea postulatum concedat; quod miraculum statim subsequutum comprobauit. Nam volens Domi-
nus

nus ostendere matrem à petendo non repulisse ,
 protinus miraculum edidit . Si enim ei molesta
 petitio fuisset : si matrem postulantem reiecisset ,
 sanè non statim post eius petitionem , vinū , quod
 ipsa perebat , conuiuiis largiter suppeditasset .
Non, inquit Iustinus , *Ibidem*, obiurganda matris
 causa à Salvatore dictum est ; *Quid mihi, & tibi rei*
est mulier ? *Non enim Christus matrem verbo ob-*
iurgauit , quam re honorauit . Quapropter intelli-
 gens Virgo filij loquentis tam verba , quàm ani-
 mum quo illa proferebat , sciensque filium con-
 cessurum , quod ipsa postulauerat , dixit ministris :
Quodcunque dixerit vobis , facite . Ioan. 2 . Cum
 igitur Deipara velit pro nobis rogare , & possit à
 Deo nobis impetrare , miror quòd tardent afflicti
 illam inuocare . Audiamus Bernardum , *Serm. 2 .*
in Dom. 1 . Epiph. de illa loquentem : Si piè nobis
pulsata fuerit & inuocata , compatietur nobis , nec
deerit necessitati nostræ : siquidem nec facultas desse
poterit , nec voluntas ; quoniã regina celorum est , &
mater misericordiæ . Quasi dicat : quia regina cœlo-
 rum , potest : quia mater misericordiæ , vult .

C Quod autem vinum pia mater à filio petie-
 rit , non caret mysterio . Est enim vinum lætitiæ
 symbolum , iuxta illud : *Vinum letificat cor homi-*
nis . Psal. 103 . Hinc fortè dicterium istud à Pierio
 relatum , *Lib. 53 . Nulla adest hilaritas ei qui aquã*
bibit . Propterea tristi & perturbato homini Plau-
 tus vinum propinandum monet . Cui concordat ,
 quod à Sapiente iniungitur : *Da merentibus vi-*
num , & eis qui in amaritudine sunt . Proverb. 31 .
 Si quis cordis deliquium patiatur , statim vino
 hausto

hausto corroboratur ; quibus patet vinum esse lætitiæ & consolationis symbolum . Cùm igitur Dei Genitrix postulauerit vinum suppeditari , quod solet cor hominis lætificare , mœrentesque consolari , clarè ostendebatur illam futuram esse aduocatam mœrentium , ac omni consolationis vino destitutorum . Itaque deficiente vino, id est, deficiente gratia , quæ lætificat animam , aut sanitate , vel deficientibus bonis temporalibus , & premente aliquo morbo , aut paupertate , vel urgente persecutione , aut aliqua alia calamitate , rogabit pro te Beatissima Virgo , vt tibi vinum consolationis , aut aliquod solamen à Domino concedatur . Maximam igitur senties consolationem, si ad illius recurras intercessionem: magnum in te experieris effectum, si erga illam magnum habeas affectum . Si enim non rogata rogauit adhuc existens in terris, quantò magis inuocata nunc regnans in cœli sinuocabit ? Audi Bonauenturam, *In speculo Virg. cap. 8. Magna fuit erga miseros misericordia Mariæ adhuc exulantis in mundo ; sed multò maior erga miseros est misericordia eius iam regnantis in cœlo . Maiorem per beneficia innumerabilia nunc ostendit hominibus misericordiam , quia magis nunc videt innumerabilem hominum miseriam . Quis est super quem Sol non luceat ? Quis est super quem misericordia Mariæ non resplendeat ?*

Vides Seraphicum illum Doctorem Virginis misericordiam, & intercessionem Soli comparare . Est enim hæc virgo *electa vt Sol, Cant. 6.* quia sicut Sol non tantum hunc mundum illuminat ,
sed

sed & in ipsa terræ visceribus vires suas exercet; ibi enim aurum & gemmas producit, ac multa, veluti flores, herbas, & similia foras emittit & erumpere facit: ita huius sanctissimæ Virginis clementia & miseratio tam longè, latèque se diffundit, ut non solum pro his qui in terris vitam degunt, sed & pro illis qui in inferis pœnas luunt, intercedere legamus. Quod quomodo debeat intelligi, attende. Certum est, iuxta sententiam Diui Thomæ, *1. part. quæst. 21. art. 4.* omniumque Theologorum, damnatos puniri in inferno citra condignū; aliqui autem docent huiusmodi beneficium punitionis citra condignum intercessioni Beatissimæ Virginis Mariæ ascribi debere, inter quos Rutilius Benzonius Episcopus Lauretanus, qui sic scribit, *In Ps 86. c. 3. 2. Quantitas pœna damnatorum ex Dei misericordia, & intercessionibus Beata Maria Virginis citra condignum taxatur* Simpsi damnati, qui hanc Virginem non rogant, sunt eius intercessionis participes, quantò magis nobis adhuc viatoribus aderit, præcipuè si in nostris necessitatibus illam humiliter inuocemus?

D Legimus etiam nonnullos fuisse ex inferno, ex ipso statu damnationis, efficacissima ac potentissima Deiparæ intercessione reuocatos: ut de quadam muliere in territorio Lionicensi, siue Lingonensi, narrat idem Rutilius, *Libr. 2. de Anno Iubilæi capit. 45.* quæ licèt alias religiosè viueret, in eo tamen defecerit, quòd facinus quoddam in iuuentute commissum nunquam in specie, sed tantum in communi, ac generaliter confessori

aperuisset, ac proinde postquam è vita discessit, a
 dæmonibus ad flammam inferni raperetur; illicò
 Beata Virgo Iesum filium exorauit, vt ab eiusmodi
 pœnis inferni eam liberaret, eo quòd dum vi-
 ueret, quotidie coram eius imagine illam piè exo-
 rasset, ne ob tale peccatum damnationi addiceretur
 æternæ. Annuit filius Dei, & mulier vitæ re-
 stituta occultum, ac tam diu non propalatum pec-
 catum integrè cum aliis confessa est, Virginisque
 precibus iterum moriens in Cœli gloriam recepta
 est. Habetur etiam hoc exemplum in speculo exē-
 plorum, *distinct. 3. exempl. 46.* Nec mirum: nam
 si Apostolis ex priuilegio concessum fuit, vt non-
 nullos Ethnicos qui ad infernum iam descende-
 rant, resuscitarent; qui sic ad vitam reuocati, pera-
 cta pœnitentia, iterum mortui, salui fierent, vt
 scribit Egesippus, *Lib. 3. cap. 2.* & Beatæ Agneti,
 vt filium Præfecti, quem diabolus occiderat ob
 stuprum in Virgine[m] tentatum, resuscitaret, vt
 narrat Diuus Ambrosius, *Serm. 90.* cur matri Dei
 negandum erit, potuisse ex summo filij priuile-
 gio portas inferni infringere, & quos voluisset ad
 vitam mortalem iterum reuocare, vt peracta de-
 bita pœnitentia salui fierent?

Dices; quomodo hoc fieri potuit, cum, vt canit
 Ecclesia, *In Inferno nulla sit redemptio*: & iuxta
 Diuum Augustinum *Lib. 2. de Ciuit. Dei cap. 24.*
nimis presumptuosum sit dicere cuiquam eorum
supplicium æternum non futurum, quos Deus un-
ros ad supplicium dixit æternum? Respondeo,
 huiusmodi animas precibus Beatissimæ Virginis,
 aut aliorum Sanctorum ad vitam reuocatas, &

tan-

tandem peracta legitima poenitentia, ad gaudia
cœlestia translatas; licet ex occultis Dei iudiciis
in mortifero peccato decesserint, ac proinde in in-
ferno secundum præsentem earum iniustitiam
cruciatæ fuerint; tamen suspensio finali iudicio
nondum fuisse ad huiusmodi locum damnato-
rum finaliter deputatas, sed absolutè prædestinatas
fuisse ad salutem æternam per medium illud pro-
digiosum ex immensa Dei benignitate, & Virgi-
nis intercessionem, qui habent, licet diuersimodè,
claves mortis, & inferni, vt docet Diuus Thomas,
Quæst. 6. de veritate art. 6. ad 4.

E Si igitur tam singulare beneficium quibus-
dam per intercessionem Virginis à Deo collatum
est, vt ab æternis miserijs eriperentur; quomodo
non liberabimur à præsentibus tribulationibus, si,
vt deget, sub illius confugiamus præsidium? Si au-
tem postquam illam rogauerimus, non eripiamur,
signum erit huiusmodi miserijs, & afflictiones
nobis maximè expedire; quia fortè ab æternis
non eriperemur; nisi præsentibus cruciaremur:
hoc saltem illius intercessionem obtinere poterimus,
vt nimirum miseria æterna præsentem nobis com-
mutetur; ideo semper est obsecranda, quia sem-
per illius interuentu nobis aliquid à Deo concedi-
tur, quod in utilitatem nostram semper vertitur.
Nullus ergo est qui ab hac Virgine vacuus, rece-
dat; quæ, ait Bernardus, *Serm. de verbis Apo. omni-
bus suavis est, omnibus misericordia sinum aperit, vt
de plenitudine eius accipiant vniuersi, captiuus re-
demptionem, agentur attonem, tristis consolationem,
peccator veniam.* Si quid igitur a Deo obtine-

re desideras, roga Mariam, quia, teste eodem Sancto, nihil nos Deus habere voluit, quod per manus Mariæ non transiret. *Serm. in Vigil. Natiuit. Dom.*

Vnum adhuc adjiciam, quod paradoxum videbitur, in quo tamen apparebit, quanti sit meriti hæc Virgo apud Deum. Nondum erat, & Deus propter ipsam populo Israelitico non deerat: ipsa non rogabat, & Deus propter ipsam erogabat: nondum existerat, & multis, ut ita dicam, adstibat. Nam secundum Diuum Bernardum, *Serm. 61. de Virg.* ac secundum illum Rabbinum qui dicitur Acchados, Deus propter istam nobilem creaturam saluauit protoparētes nostros de prima eorum transgressione, Noe de diluuio inundante; Abrahā de Hur Chaldæorum; Isaac de Ismaele; Iacob de Esau; Israeliticū populum de Ægypto, & de impia Pharaonis manu, de mari rubro, de captiuitate Babylonica, & Assyriorum; Dauidem de Leone & vrsis, de Goliath, & de Saule infestissimo eius hoste. Omnia denique beneficia a Domino Deo collata sunt propter huiusmodi benedictæ Virginis reuerentiam, & amorem, quibus eam Deus in æterna sua prædestinatione honorandam cunctis operibus suis ab æterno præordinauit. Imò verò, teste Beato Fulgentio, *Libr. 4. Mythol. Cælum & terra iam dudum ruiſſent, si Mariæ precibus non sustinuerat.* Si Deus populum suum a multis eripuit calamitatibus Mariam tantum præuidendo; quid nobis nunc denegabit illā & videndo simul & audiendo? Insuper, si cœli & terra stare non possunt sine Mariæ precibus, quomodo

modo poterimus subsistere sine eius interuentione? *Merito*, inquit Bernardus *Serm. 2. in die Pent. in te, Maria, respiciunt oculi totius creature, quia in te. & per te, & de te benigna manus omnipotentis quicquid creauerat, recreauit.*

F. Optarem maximè, ut dum aliqua necessitate premeris, aut afflictione afficeris, veniant tibi in mentem incommoda quæ Beatissima Virgo passa est in hoc mundo. Nam magnam afflictionem subiit, quando Ioseph mysterij ignarus, *voluit occultè dimittere eam. Matth. 1.* Maiorem, quando cum filio in Aegyptum fugere cogitur. Maximam quando Christus crucifigitur. Certè non doluit Virgo quando Christus ex ea natus est, sed quando coram ea passus est. Tunc enim adimpletum est illud Simeonis: *Tuam ipsius animam pertransibit gladius.* Qui quidem gladius non illam trucidauit, sed vehementer transfuerberauit; adeo fuit intensus huius gladij dolor, ut alios quoscunque homines occidisset. Audi Diuum Bernardinum, *Tom. 1. ser. 61. art. 3. cap. 2. Tanti fuit dolor Virginis, quòd si in omnes creaturas quæ pati possunt, diuideretur, omnes subito interirent.* Si diuisus occideret, quid si integer? Ipsa tamen non interiit, quia peculiari auxilio Dei vires ei suppeditantis adiuta, omnia aduersa patienti animo pertulit.

Itaque libenter compatietur afflictis, quæ aliàs fuit afflictà: compatietur virginibus, quæ semper fuit Virgo: compatietur coniugatis, quæ aliquando mansit coniugata: compatietur viduis, quæ fuit vidua: compatietur pauperibus, quæ pauperem vitam duxit: compatietur denique miseris,

obsc.

I 3 quæ

quæ veriùs quàm Dido apud Virgilium *Aeneid.* 1. dicere potest.

Non ignaramali, miseris succurrere nosco.

& cui miserorum demandata est cura. Dicamus igitur cum Augustino & Ecclesia; *Serm. 18. de Sanctis. Sancta Maria succurre miseris, iuva pusillanimes, refoue debiles, &c.* Et ut compassio miseriæ nostræ semper sit apud eam, congratulemur ei, quòd ab istis miseriis ad gaudia transferit Paradisi; hoc, teste Bonaventura, *In speculo B. Virg. cap. 9.* consulit Diuus Anselmus: *Affiduè roganda est Maria, & congratulatio beatitudinis eius sit semper apud nos, ut compassio miseriæ nostræ sit semper apud eam.*

Tandem, quia, iuxta Diuum Thomam, *Opu. 4.* conuenit Beatæ Virgini nomen Maria, quæ interpretatur stella maris, ac nauigamus in huius mundi periculoso pelago; ne ventis tentationum, vel procellis afflictionum obruamur, sed ad portum salutis dirigamur, illam sepe salutemus, dicamusq; cum Ecclesia; *Aue maris stella, &c.* aut cum Damasceno, *Orat. 2. de dormit. Virg. Aue unicum molestiarum solamen. Aue omnium cordis dolorum medicamentum.* Ad hoc nos hortatur Bernardus, *Hom. 2. super missus est. Si insurgant venti tentationum, si incurras scopulos tribulationum, respice stellam, voca Mariam. In periculis, in angustiis, in rebus dubiis Mariam cogita, Mariam inuoca, non ab ore, non discedat a corde.* Et cum summo Pontifice Innocentio III huius beatissimæ Virginis auxilium in nostris miseriis sic imploremus.

Angelorum Imperatrix,

Peccatorum

*Peccatorum consolatrix,
Consolare me lugentem,
In peccatis iam fœtentem.*

In omnibus angustiis semper est nobis Christus proponendus, pro quo sunt omnia aduersa æquanimiter toleranda. Caput XIV.

A **N**ON incongruè a Seneca dictum est; *Vita sine proposito vaga est.* Sicut nauigantibus ad aliquod sydus dirigendus est cursus: ita necesse est, vt nobis proponamus aliquod exemplar, ad quod nitamur, & quod imitemur.

Assignat Diuus Paulus ad quem respicere debeamus, dum ait; *Per patientiam curramus ad propositum nobis certamen, aspicientes in authorem fidei, & consummatore Iesū. Heb. 12.* Quasi dicat; pergamus patienter, & fortiter perseueremus: currendū enim nobis est per exilia, per bonorum rapinam, per medios hostes; ita fiet, vt cœleste præmium ritè currentibus propositum assequamur. Induamus ergo patientiam; hæc nobis erit thorax impenetrabilis, quo omnium hostium tela elidamus: hac armati alacres, & inuiolabiles in media persecutionum certamina irruemus.

Præterea, alludit Apostolus ad pictores, qui vt ex prototypo paragogum, vel imaginem exprimant, necesse est sepe prototypum ipsum, siue exemplar intueantur, & respiciant; vel ad illos, qui vt aliquas literas, aut characteres optimè efformare valeant, debent frequenter exemplaria, quæ præ oculis habent, respicere. Sic, inquit Paulus, propono vobis exemplar patientiæ, scilicet Christum.

crucifixum, ut in illud assidue inuentes, eius patientiâ, & constantiâ in vobis exprimere, & imitari studeatis. Ad hoc propositû Diuum audiamus Augustinum, *In Ps. 34. Causa*, inquit, *patriendi capiti fuit, ut corpori praberet exemplum: Dominus enim voluntate passus est, nos necessitate: ille miseratione, nos condicione. Proinde illius voluntaria passio, nostra est necessaria consolatio, ut quando talia forte perpetimur, inueamur caput nostrum, ut eius exemplo commoniti, dicamus: si ille, quid nos? Si inquam, ille, qui peccatum non fecit, nec inuentus est dolo in ore eius, tot ludibria, tot alapas, tot flagella, mortem denique pertulit: quid nos, qui tot peccata commisimus, tolerare debemus? Quando igitur aliquid patieris, hoc tibi semper versetur in ore, vel mente: si ille, quid ego? si iniuria afficiaris: si paupertate premaris: si te inimici persequantur: si falso accuseris, continuò dic: si ille, quid ego? Nâ, teste Diuo Petro, hæc est, vna ex causis cur Christus passus sit, ut videlicet esset nobis in exemplar, vel exemplum; Christus, inquit, passus est, vobis relinquens exemplum, ut sequamini vestigia eius. 1. Pe. 2.*

B Beatae Brigittæ in reuel. reuelatum fuit, quòd dum Christus visibiliter versaretur in terris, familiaris hic erat sermo Hebræis in cœstitia affectis; *Eamus ad intuendum filium Maria, ut hilares reddamur.* Fortè quia speciosus erat præ filiis hominû, vel quia, teste August. facies decoris eius erat laudabilis. Non tantum ob id, sed etiam quia patiens fuit præ cæteris hominum, quamuis pulchrior ac purior extiterit omnibus hominibus, in qua quidē puritate præcipue fulgebat eius pulchritudo. Audi

Cassio.

Cassiodorum, in Psal. 44. *Non quia forma eius de core lactei coloris, eluxit, aut flauo crine lampauit, aut insigni statura praeuicuit, sed veraciter humano genere pulchrior fuit, quia peccatum non habuit.* Tantus itaque fuit Christi aspectus, ut conspicientes exhilararet. Quē modo oculis corporeis intueri non possumus saltem mente respiciamus, & quae pro nobis pertulerit attendamus, ut vel sic pro illo patienter omnia feramus.

Ideo Apostolus, *Hebr. 12.* qui paulo antè hortabatur nos ut essemus *aspicientes*, modò ait; *Recogitate eum, qui talem sustinuit a peccatoribus aduersus semetipsum contradictionem, ut non fatigemini animis vestris deficientes, nondum enim usque ad mortem restistis.* Quem in hac vita videre non potestis, illum recogitate, id est, seriò, saepe cogitate. Ait Paulus Christum sustinuisse contradictionem. Hoc praedixerat senex ille Simeon; *Hic positus est in signum cui contradicetur. Luc. 2.* Huic contradixit Lucifer, cū eius incarnationē impedire tentauerit. Huic contradixit Herodes, cū illū recēter natū de medio tollere voluerit. Ei cōtraxerunt Iudei, quando in eum blasphemantes, eius miracula negabant, multaque improperebant, & dum eum usque ad mortem persecuti sunt.

Sicut igitur Christus positus est in signum illarum contradictionum, noli mirari, nec tristiari, si tibi interdum contradicatur. Ut autem valeas quascunque contradictiones patienter, ferre, sit tibi Christus in signum, illum expendito, ad hoc te hortatur Diuus Basilii, *Hom. de Ira.* Si, inquit, *pauper es, memor sis Domini nostri Iesu Christi,*
qui

qui cum dives esset, nostri gratia egere voluit. Si vero stultus & indoctus appelleris, reminiscere eorum, quæ à Iudæis iactata sunt in veram sapientiam. Alapa seu pugillo cæsus es? expuit aliquis in faciem? eadem & Dominus est passus: non enim ab expuentibus, & cadentibus faciem auerit. Calumniam patieris? & Dominus. Tua laceratur vestis? & à Domino quoque vestis per vim extracta est, & super eam misse sunt sortes. Nondum condemnatus es: nondum Cruci affixus es: multa tibi toleranda sunt, ut ad eius imitationem peruenias. Hæc ille.

C. Tantos autem labores Christus sustinuit, ut postquam illos Divus Cyprianus, *Lib. de bono patient.* fusè prosequutus est, tandem concludat, *Talis est Christi, ac tanta patientia, quem si tanta, ac talis esset, Paulum quoque Apostolum Ecclesia non haberet.* Ac si dicat. Nedum Christus sustinuit persecutiones, sed & persecutores, inter quos fuit Paulus, qui cum esset sua malitia vas indignationis, factus est Christi patientia vas electionis: & qui Christum in fidelibus persequebatur, multa postea pro Christo ab infidelibus patiebatur: & qui prius Christi membra non agnoscebat, membris eius Christus post non ignoscebat: in corpore suo aspera sustinere non recusavit, qui multa caput suum Christum sustinuisse cogitavit: quia, teste Greg. nihil est adeò graue, quod non equanimiter tolleretur, si Christi passio ad memoriam reuocetur.

Et secundum alium Gregorium Naz. in *sententijs retractsch.* passionis & laborum Christi consideratio fiet nostrarum passionum & mœstitiarum extinctio. Si quando, inquit, animus tuus acceptè
inin-

iniurię dolore exarscrit, fac tibi Christus, Christique vulnera in memoriam veniant, quantulaque pars hec sint eorum, quę Dominus tuus perpessus est; hac ratione animi dolorem velut aspersa aqua extinxeris. Et, vt cum Diuo Augustino loquar, *to to nobis figatur in corde, qui pro nobis fixus est in Cruce.*

Lib. de sancta virginitate. Titus Liuius, Lib. 2. de cad. 1. hæc de milite dicere solebat: Denotus miles non sentit sua, cum benigni ducis intnetur vulnera. Attentę igitur Christi vulnera consideremus, vt nostra patienter toleremus.

Vult Diuus Petrus, vt Christum passum sæpe cogitemus; ait enim, *Christo igitur passo in carne, & vos eadem cogitatione armamini.* 1. *Petr. 4.* Vocat Apostolus hanc cogitationem passionis Christi, armaturam, qua facili negotio poterimus quibuscunque tentamentis ad impatientiam impellentibus, resistere. Experimento didicit idē Apostolus, quantum prodest semper oculos & affectum ad Christum dirigere. Legimus enim apud Matthæum, *cap. 14.* ambulantiem illum supra mare, videntem ventum validum, timuisse, ac cepisse mergi; quia fortē oculos à Christo abduxerat, illosque ad huiusmodi ventum, procellamque coniecerat. Qui itaque Christo mentis oculos abducit, eosque ad tempestates, atque ad aduersa quę illi accidunt, conuertit, illic demergitur, id est, aduersis frangitur, irascitur, in verba blasphemię prorumpit.

Tanta fuit Christi in sustinendis iniurijs patientia, vt propter ipsam voluerit Tertullianus, *Lib. de patient. cap. 3.* Phariseos Christū agnoscere de-

debuisset. *Hinc, ait, vel maximè Pharisei Dominum agnoscere debuistis, patientiam huiusmodi nemo hominum perpetraret. Sicut in patientia cognoscebatur Christus, sic in patientia cognoscatur Christianus. Ab illis etiam debebat agnosci, à quibus patiebatur se crucifigi. Quia si illum pro ipsis talia patientem agnouissent, similia ipsi pro illo patienter sustinuissent. Nam, ait Apollinaris, Lib. 4. Epistol. si quantamlibet nobis anxietatem vitæ presentis propinet afflictio, parua toleramus, si recordemur, quid biberit ad patibulum, qui inuitat ad cælum, &c.*

Itaque, vis pati pro Christo? quid passus sit, asidue cogitato. Vis autem scire, quid sit pati pro Christo? Diuum Chrysostomum audito: *Hom. 4. in Epist. ad Philip. Pro Christo pati, inquit, munus est maioris admirationis, quàm sit reuera mortuos excitare, & signa miranda patrare: nam illic quidem debitor sum, hic verò Christum habeo debitore. Debet tibi Christus, si pro ipso patiaris, & tu debes Christo, cum per ipsam miracula operaris. Inter beneficia discipulis collata, istud annumerat Scriptura, quòd, videlicet, digni habiti sint pro nomine Iesu contumeliam pati. Act. 5. Optanda potius est ista dignatio, quàm miraculorù operatio. Nò ideo Sancti Deo grati sunt, quòd miracula patrauerint, sed quòd multa pro ipso grauissima sustinuerint.*

Sciendum denique est, Christum ad omnium nostrum maiorem cōsolationem omnia sustinuisset incommoda, quæ in hominem cadere possunt: omnia, inquam, pertulit, quæ solent esse hominibus dolori & mœstitiæ, peccato & ignorantia, dem-

demptis. Ideo non immerito Propheta vocat illū, *virum dolorū: Isa. 53.* quia verè languores nostros tulit, & ægrotationes nostras ipse portauit.

E Nam si molestum sit homini fuisse in vili loco natum, nullum habere domicilium, pauperem vitam ducere, persecutionibus agitari, injurijs affici, a lapis percuti, flagellis cædi, falso accusari, a cunctis despici, ab omnibus derelinqui, morti adiudicati, ac denique patibulo suspendi; hæc ideo omnia Christus pro nobis passus est, ut si quædam ex his nobis contingant, statim illius recorderemur, atque in eo consolemur, dicamusque semper, ut suprâ, cum Augustino; *si ille, quid ego?* prius ille, postea ego: ille innocens, & ego peccator: ille tunc pro me, & ego nunc pro illo: ille iniuste patiebatur, & ego iuste: ille tristabatur, & ego gaudebo? Pauper erat, & ego ditabor? Afficiebatur injurijs, & ego laudibus? Non habebat, ubi caput reclinaret, & ego habeo, ubi totum corpus reclinem? Esuriuit, & ego satiabor?

Quod Christus præcepit, hoc ipsum perfecit: quod alijs iniungebat, sibi adungebat. Vnde optimè Augustinus, *Lib. de catech. rudibus. Omnia bona terrena contempsit homo Deus, ut contemnenda monstraret, & omnia terrena mala sustinuit, que sustinenda præcipiebat, ut neque in illis quereretur felicitas, neque in ipsis timeretur infelicitas.* D. Ambrosius, in quodam serm. probat Christum sufficientissimum esse ad consolandum nos in quacunque aduersitate constitutos. *Omnia, inquit, habemus in Christo, & omnia in nobis Christus. Si à vulnere curari desideras, medicus est.*

est: si febris astuas, fons est: si grauis iniquitate, iustitia est: si indiges auxilio, virtus est: si mortem times, vita est: si tenebras fugis, lux est: si cælum desideras, via est: si cibum queris, alimentum est. Quomodo autem Christus nos consoletur, ostendit alibi idem doctor, dum ait, *Super Lucam lib. 4. Factus est Christus pauper pauperibus, flens flentibus, esurientibus esuriens, sitiens sitientibus, est in carcere cum paupere, cum Maria fleo, cum Samaritana sinit.* Verè de homine dicit: *Cum ipso sum in tribulatione.* Sed ut tecum sit in tribulatione, noli illum tibi auferre in tribulatione: *Nemo, inquit idem, tibi Christum potest auferre, nisi te illi auferas.* Auferes autem, si illum offendas, vel si patienter propter ipsum tribulationem non feras.

Dicit Hieronymus, *In Psal.* nulla timebat incommoda, dum modo post illa Christus adueniret: *Veniant, inquit, plaga, veniant omnia malorum genera, dum modo post plagas Christus adueniat.* Si autem vis, ut Dominus tibi adueniat, opta ut aduersa tibi adueniant; & cum aduenerint, patienter ferto, quod ut præstes, veniat tibi in mentem Christus, illum tibi semper proponas.

F Ostendit disertissimus Leo, *Ser. 16. de passion.* quamvis via ad Christum tendere possimes, dum ait: *Per Christum ad Christum tendit, qui per semitam patientiæ & humilitatis incedit, in quo plane itinere, nec astus deest laboris, nec nubes tristitiæ, nec procella formidinis: ibi sunt insidiæ iniquorum, persecutiones infidelium, minæ potentium, contumeliæ superborum; quæ Dominus Rex gloriæ ideo omnia percurrit, ut inter presentis vitæ pericula, non tam optan-*

optandum sit nobis declinando ista effugere, quam tolerando superare.

Senecam illum notissimum Philosophum ad subeundos difficiles, durosque labores Sextij cuiusdam liber adeò incendebat, ut casus omnes ad congressum prouocaret. Quid autem de se scribat audiamus, *Epist. 65. In quacunque positione mentis sum, cum lego Sextium, libet omnes casus prouocare, libet exclamare; quid cessas fortuna? congregere: paratum vides: illius animum induo, qui quærit ubi se experiatur, ubi suam virtutem ostendat: libet aliquid habere quod vincam, cuius patientia exercear.* Si vir Ethnicus sibi alium proponebat Ethnicum ad omnia incommoda toleranda: quid Christianus præstare debet? Christum sibi proponat, maiora namque sumer à Christo, viro dolorum, incitamenta, quam Seneca à Sextio. Dicat igitur: cum Christum opprobria, flagella, mortem denique ferentem intueor, libet omnia pro illo aduersa tolerare, quid moraris aduersitas? accede, paratum inuenies.

Sed ut illud præstare valeamus, nobis Christus tanquam vestis induendus est: ad hoc nos hortatur Apostolus, *Rom. 13. Induimini Dominum Iesum Christum*, Si ille Seneca animum Sextij induere fatebatur, itaque ut alter Sextius appareret: induat fidelis Christum Dominum. Quid autem sit induere Christum, indicat D. Chrysostomus, *in Epist. ad Roman. Induere, ait, Christum, est undique in nobis per sanctimoniam & mansuetudinem Christum conspicuū esse. Homo enim indutus, id esse videtur, quod indutus est:*
appa-

appareat itaque in nobis Christus . Vel secundum
Diuum Thomam, *In eundem locum .* Christum
induit, qui Christum imitatur, quia sicut homo
continetur vestimento, & sub eius colore videtur:
ita in eo qui Christum imitatur, solus Christus,
eiusque indumenti color, id est, sanctitas appa-
ret .

G Vt igitur illum, vel illo induaris, oportet
vt illum intuearis, & quem debes contemplari,
neceffe est imitari: nec poteris cum illo in cœlis
regnare, nisi valeas pro illo in terris aduersa tole-
rare. Nam, teste Apostolo, *Rom. 8.* qui non com-
patitur, non conglorificabitur. Et Diuus August.
Serm. 44. de Sanctis, existimat illum recusare esse
in corpore, qui tribulationem non vult sustinere,
cum capite, nec mereri congauere in patria, qui
recusat condolere in via. Non enim erunt in cœlo
membra glorificata sub coronato capite, quæ hic
sub spinoso extiterunt delicata: nec Christum vi-
debit regnantem, qui recusat imitari patientem.
Vnde Hieronym. *in quad. Epist. Si vis habere par-
tem cum Christo, tibi viuendum est Christi exēplo .*

Cæterum quosnam consolentur Christi actio-
nes, & passionēs, ostendit Bernardus his verbis.
*Non consolatur Christi infantia garrulos: non con-
solantur lacrymæ cachinnantes: non consolantur pan-
ni eius ambulantes in stolis: non consolantur stabu-
lum & præsepe amantes primas cathedras in syna-
gogis .* Vis igitur, vt Christus te consoletur? fac
vt vita tua illum imitetur: consolatur enim humi-
les, consolatur pauperes, consolatur mites, &
eos qui persecutionem patiuntur propter iusti-
tiam:

tiam : non consolatur Christi paupertas diuites, nec pauperes optantes esse diuites: nec eius humilitas inflatos: nec obedientia rebelles: nec impatientes patientia eius.

Valde sunt considerata Verba Apostoli sic ad Romanos scribentis ; *Christus non sibi placuit Rom. 15.* In quæ verba ostendit Diuus Chrysostomus *Hom. 27.* Apostolum semper nobis Christum proponere in exemplum. Quid dicat iste doctor audiamus. Semper, inquit, nobis Christum in exemplum Apostolus proponit : nam & cum de eleemosyna loqueretur ipsum adducebat, dicens ; Cognoscite gratiam Domini, quoniam cum dives esset, propter vos egenus factus est : & cum ad dilectionem adhortaretur dixit : sicut & Christus dilexit nos : de ferenda etiam confusione, & periculis consulens ad eundem confugit, dicens : *Qui pro gaudio sibi proposito Crucem sustinuit, confusione contempta.* Postmodum iste doctor explicans supradicta verba Apostoli, sic ait ; *Quid est, non placuit sibi ipsi ? poterat nulla ferre opprobria, poterat quæ passus est, non pati, si quæ sua sunt spectare voluisset ; verum noluit, sed quod nostrum erat respiciens, quod suum erat neglexit.*

¶ Itaque ille sibi placet, cui pati pro Christo non placet ; sed sicut Christus tormenta pro nobis sustinendo sibi placere recusauit ; ita consentaneum est, ut pro ipso patienter omnia aduersa ferendo nobis ipsis displicere studeamus. Naturaliter tibi displicent labores, dolores, morbi, paupertas, & similia, quæ si recuses, aut impatienter feras, tibi placebis, sed non Deo, quia non vis, quæ tibi non sunt placita ; si verò æquo animo susti-

K neas,

neas, tibi exemplo Christi displicebis, sed Deo placebis. Audi Bernardum, *Ser. I. in cap. ieiunij.* Quid nunc caput suum membra sequantur? si bona suscepimus ab hoc capite, id est, Christo, mala autem quare non sustineamus? An respondere tristitia volumus. & communicare incundis? Si ita est, indignos nos capitis huius participatione probamus. Omne enim quod ille patitur, pro nobis est. Quod si in opere salutis nostræ ei collaborare piget, in quo deinceps coadiutores nos exhibebimus illi? Non est magnum si compatitur, membrum capiti, cum quo & glorificandum est. Felix membrum, quod huic adhaeserit per omnia capiti, & sequetur illud quocunque ierit. Ducem Catonem sic Poëta inducit loquentem. *Lucanus lib. 8.*

————— Primus arenas

*Ingrediar, primusque gradus in pulvere ponam:
Me calor æthereus feriat, mihi plena veneno
Occurrat serpens, fatoque pericula vestra
Præsentate meo.* —————

Sic Christus Dux, & Deus optimus maximus per huius mundi tribulationes suos ducens milites, primus in pulvere gradus posuit, vestigiaque reliquit impressa, quibus insitamus. Nam primum impiorum oppugnauit inuidia, primum labores affluxere, primum truculenti vulnerauere Leones, primus torrentem mortis transfretauit, videamus illum, & sequamur: eius exemplo omnia subeamus aduersa. Olim Hebræorum exercitum per Arabiæ deserta loca præcedebat columna; nos autem non columna nubis, & ignis, sed Deus ipse in nube, hoc est, in humanitate, præcedit. Sequebantur illi

illi nubem, nos sequamur Christum, iuxta illud Ambrosij, *Lib. 2. de Abraham c. 7. Exercitata mens non aquilarum præfert imagines, nec dracones, sed in Cruce Christi, & in Iesu nomine progreditur ad prælium.*

Nullum certè ad omnem patientiam efficacius remedium dari potest, quàm Christi Redemptoris vel exemplum, vel gratia, vel doctrina. Sanctus Alzarius Comes, *Apud Sur rom. 5. in vita eius c. 23.* cum vxor eius nimiam eius, vt videbatur, patientiam miraretur, quòd in tam ampla familia, & tam multis negotiis toties offensus nullum offensionis signum daret. Ecquid verò, inquit, prodest irasci? Nihil profectò. Attamen explicabo tibi arcanum pectoris mei. *Noueris me interdum sentire aliquam in animo aduersus infestantes me indignationem. Sed illicò me conuerto ad cogitandas iniurias Christo illatas, dicoque mihi ipsi eum imitari cupiens: Etiam si famuli tui barbam tuam conuellerent, & colaphos tibi impingerent, nihil hoc totum esset præ illis quæ Dominus tuus, & plura, & maiora perpeffus est; certoque habeas, coniux mea, me nunquam cessare à commemorandis iniurijs Saluatoris mei, donec animus planè sit tranquillus.* Hæc ille, qui sæpe offendebatur, sed nunquam irascebatur: quia Christum meditabatur. Magis attendebat dolores, quos pro nobis Christus perferebat, quàm iniurias, quas domestici ei inferebant.

Spe beatitudinis æternæ omnia aduersa sunt æquanimiter toleranda . Caput XV.

ASolent hi, qui minùs acri sunt oculorū acie, eos auocare ab intuitu rerum nociuarum; defigere verò in flores & viridantia, vt refocillentur. Ita anima auertere debet a rebus molestis, & mœrore plenis, quas patitur: obuerrere verò ad eorum contemplationem quæ bona, & iucunda sunt, vtpote Paradisi gaudia. Idcirco Diuus Basilus; *Hem. de grat. aët. Afficit te, inquit, aliquis ignominia? Quin tu ad eam suspice gloriam, quæ reposita in cœlis est. Iacturam rerum tuarum adiisti? Imò oculos imprime fixius illis cœlestibus diuitijs, & thesauro incomparabili. Patrione solo exclusus es? At patriam habes cœlestem illam Hierusalem. Perit tibi filius? Sed Angelos habes cum quibus in circuitu diuini illius throni tripudies letitia sempiterna exhilarandus, &c.*

Potest igitur homo in omni angustia & aduersitate mētē suā erigere spe, & fiducia promissæ felicitatis æternæ, si patienter sustinuerit. Hoc vnum etiam Ioannes Cassianus *Lib. 9. Inst. cap. 13.* procuranda omni tristitia, quæ concipitur ex rebus aduersis, antidotum proponebat. *Hanc ergo, inquit, perniciosissimam passionem ita de nobis expellere poterimus, vt mentem nostram spiritali meditatione iugiter occupatam futura spe, & contemplatione repromissæ beatitudinis erigamus. Hoc enim modo vniuersa tristitiarum genera, siue quæ ex præcedenti ira descendunt, siue quæ amissione lucri, vel*
de-

detrimenti illatione nobis adveniunt, siue de irrogata generantur iniuria, siue qua de irrationabili mentis confusione procedunt, seu qua lethalem nobis desperationem inducunt, valebimus superare, &c.

B Indignum existimat Diuus Cyprianus, si Christiani ad Paradisum inuitati, dolore afficiantur ob aliqua aduersa, de quibus nihil omnino curare debent, cum copia regni Cœlestis eos expectet. *Vinea fallat, inquit, & olea decipiat, & herbis siccitate morientibus aestuans campus areseat, quid hoc ad Christianos? Quid ad Dei seruos, quos Paradisus inuitat, quos gratia omnis & copia regni cœlestis expectat? exultant semper in Domino, & latantur, & gaudent in Deo suo, & mala atque aduersa mundi fortiter tolerant, dum bona & prospera futura prospectant, &c.* Verissimum enim est illud Publij Mimi; *Ex pramij spe, solatium fit laboris.* Loquens Diuus Paulus de Moyse renuente delicias aulæ Pharaonicæ, ait, hoc ideo præstitisse, quia, *aspiciebat in remunerationem.* Hebr. 11. Ac si diceret: ideo Moyse opes Aegypti posthabuit gentis suæ miseriis, quia sic secum ratiocinabatur. Si ego Aegyptiis deliciis & honoribus me dedam, his tantum fruor ad viginti, vel triginta annos, & mox ab irato Deo damnabor ad æterna inferorum tormenta; sin autem, his abdicatis, populo Dei afflicto me iungam, cum eo premar latere, & luto, affligar tantum ad viginti, vel triginta annos, & mox à Deo remuneratore liberalissimo donabor æternis gaudiis. Satiùs est autem hic modica miseria emere æternam felicitatem,

quàm modica felicitate , & voluptate præsentem
 cinere æternam miseriam . Atque hæc conclusio,
 & spes Moysen ad omnia dura, & ardua fortiter
 subeunda impulit . Nec mirum, cùm dicat Divus
 Augustinus , *In Psalm. 68. Quis non contemnat*
dulcedinem sæculi inhians dulcedini vitæ æternæ? Si-
militer tu, si aliqua afficiaris iniuria, si premaris pe-
nuria, si morbo detinearis, aut aliquam aliam affi-
ctionem patiaris, aspice in remunerationem, & inue-
nies consolationem . Nam, teste Gregorio, consi-
deratio præmij minuit vim laboris .

C Baiuli seu onerarii homines, dum onera ge-
 stant, gemunt quidem & sudant , sed pretij consi-
 deratione pergunt, feruntque patienter onus , imò
 sæpe latantur, & finito labore alia quærent onera
 vehenda, nec pristino labore deterriti cessant one-
 ra indagare : & quidem , si nos præmij cœlestis
 magnitudinem attentè contemplaremur , non so-
 lùm virtutis, & sanctitatis onera, omniâque aduer-
 sa non detrectaremus , sed & vehementer optare-
 mus . Si enim baiuli onera illa adeò amant, quia
 ex illis vitæ suæ ratio pendet; cur nos onera Chri-
 sti, pondus Crucis, nimirum afflictionum, portare
 renuemus, cùm sine illis sempiternũ, & cœlestẽ
 præmium nancisci non possimus? *Non cogites ar-
 nam,* ait Chrysostomus *Hom. 22. ad Pop. sed liber-*
tatem, non flagella, sed honores . Sanctus Stephanus
 non lapides, sed superna brauia considerabat, ideo
lapidum ictus, veluti suauem quemdam rorem exci-
piebat, inquit Nyssenus, *Lib. de beatitud.* Ratio est,
 quia, teste Scriptura, *erat intendens in Cœlum .*

Proposita tēporali vita, nullos recusas labores;
 curris,

curris, huc illud vagaris, infudas, operaris, mari; terræque das; cur ita? Ut viuam, inquis. Quanto tempore? Per viginti, vel triginta, aut fortè sexaginta annos. Ergo tibi grata est vita sexaginta annorum, ad quam traducendam tanta subis incommoda. Cur potius tibi gratior non est vita, non centum annorum, sed æterna? Cum cupias hic aliquandiu viuere, cura in Cœlo in æternum viuere: cogitato aliquo temporali lucro, multa sustines; proposito verò sempiterno præmio, non omnia subibis aduersa? Cogita, (inquit Seneca, *Epiſt.* 19.) *quàm multa temerè pro pecunia, quàm multa laboriosè pro honore tentaueris: aliquid, & pro otio audiendum est.* Sed dictu; aliquid pro Deo, pro vita æterna audendum & subeundum est. Quid non moluntur homines, quid non patiuntur pro tuenda, aut recuperanda valetudine? Vnde Poeta; *Ouid lib de rem. amor.*

Ut corpus redimas, ferrum patieris & ignem,

Arida nec sitiens ora lauabis aqua.

Ut valeas animo, quicquam tolerare negabis?

D Quid non patiuntur auari? Quas vigilias, nauigationes, labores non tolerant, ut aurum cumulent? Et tamen terrena bona nullo conatu, nulloque labore sunt digna: pro æternis bonis sunt labores subeundi. *Tanti vitreum,* inquit Tertullianus *In Lib. ad Mar. yres,* *quanti verum margaritum?* Bona huius sæculi sunt veluti vitreum, margaritum, & nullius pretij: cœli bona veræ sũt gemmæ. Si vitreum margaritum, id est, sæculi caduca bona auari tanto emunt pretio, & labore; verum margaritum, id est, cœlestia bona quantis

K 4 labori-

laboribus nos comparare debemus? Ideo addit idem doctor, *Ibidem*. *Quis non libentissimè tantum pro vero margarito habeat erogare, quantum alij pro falso?* Vnde & Hieronymus, *Epist. 2. ad Nepotian.* *Quantis, inquit, sudoribus hereditas cassa expetitur? minori labore margaritum Christi empererat, &c.* Diuus quoque Chrysostomus sic à minori ad maius argumētatur: *Si nautis, inquit, Hom. 24. in Matth. minaces illi pelagi fluctus, si tempestates, atque hyemes agricolis, si vulnera, cadesque militibus, si grauiissimi illi iētus, plageque pugilibus leues videntur, atque tolerabiles propter spem temporalium ac pereunium commodorum, multo magis cum cœlum proponatur in pramio, & ineffabilia illa bona, atque perpetua, nihil ex presentibus his aduersitatibus sentietur.*

E Certè æterna beatitudo labore æterno esset emenda, sed dignatione, & miseratione Diuina, temporali comparatur labore. Vnde de ea sic August. *In Ps. 93.* *Digna est quidem emil labore perpetuo, sed necesse est, ut labore temporali ematur.* Certè tantus debuit esse, id est, sempiternus labor pro requie sempiterna, &c. Audi precor quid idem doctor, *Ibidem* Deo loquēti dicat. *Venale habeo. Quid Domine? Regnum cœlorum. Quo emitur? paupertate regnum, dolore gaudium, labore requies, vilitate gloria, morte vita.*

Magna esset Christianorum confusio, si patientiam in aduersis non haberent expectatione æternæ gloriæ, quam multi Gentiles habuerunt ostensione virtutis, & acquisitione laudis humanæ. De Theodoro Cyrenæo refert Valerius, *Val. lib. 6.*

quod

quòd cùm Symmachus Rex illum iussisset crucifigi, libera voce, & paruipendens huiusmodi tormentum, respondit: (Mea quidem nihil interest, an humi, aut in sublimi putrescam.) Laudat idem Valerius, *lib. 4.* patientiam Zenonis, qui dum in equuleo torqueretur, non supplicem emisit vocem, nec ejulatum, sed ita fortiter illud tormentum sustinuit, vt Tyrannus, qui eum damnauerat, à populo lapidibus obrutus fuerit. Plurimam commendat Seneca, *Lib. de Provid.* paupertatem Fabricij, exilium Vitellij, tormenta Reguli, venenum Socratis, mortem Catonis, quia viri illi libenti animo pro inani quadam gloria omnia illa pertulerunt: quam quidem transeuntem gloriam sic magnificiebat idem Seneca, *Lib. 2. de Ia.* vt de illa diceret: (Nos non aduocabimus patientiam, quos tantum primum expectat?) Hoc de pereunte gloria dixit Ethnicus: nos verò Christiani maiori ratione de perenni dicere possumus: non habebimus patientiam, qui cœlestem speramus gloriam?

F Attamen sunt nonnulli, qui tanto amore prosequuntur istud sæculum, vt maiores subeant labores pro terrenis & perituris rebus, quam pro sempiternis & cœlestibus, de quibus meritò conuenitur Diuus Gregorius. *Et habetur dist. 1. cap. omnes.* Omnes, inquit, huius sæculi dilectores in terrenis rebus fortes sunt; in cœlestibus autem debiles: nam pro temporali gloria desudare vsque ad mortem appetunt, & pro perpetua nec parum quidem in labore subsistunt. Pro terrenis lucris quaslibet tolerant iniurias, & pro cœlesti mercede, vel tenuissimi verbi

contu-

conumelias ferre recusant. Terreno Iudici toto etiā die assistere fortes sunt, in oratione verò coram Domino, vel unus horæ momento lassantur. Sape nudicitatem, deiectionem, famemque pro acquirendis diuitijs, atque honoribus tolerant: superna autem laboriosa tantò magis querere dissimulant, quantò ea tribui tardius putant; &c.

Dilectores autem cœlestis patriæ tantò magis de illa cogitant, quantò minùs de terrenis curant, quia, teste eodem Gregorio; *vilescunt temporalia, dum cogitantur æterna*. Terrena ad tempus negligunt possidere, vt valeant cœlestibus sine fine gaudere: non curant hic omnibus tormentis affici, vt possint ibi diuina visione refici. Omnia patienter tolerant, quia cœlum impatienter desiderant, dicuntque cum D. Augustino, *Ep. st. 32. ad Paulinum. Desideramus Hierusa em cœlestem, & quanto impatientius desideramus ipsam, tantò patientius sustinemus omnia propter ipsam*.

Pudeat nos, qui pro tanta gloria nihil in hoc mundo sustinere volumus. Cruciabantur Martyres omni tormentorum genere. Aliqui enim in frustra discerpti extremum exhalabant spiritum: aliorum corpora vnguibus dilacerata, aceto & sale perfundebantur. His bestijs dilaniandi tradebantur, illorum carnes candentibus forcipibus identidem carpebantur. Quæ omnia æternis consideratis præmijs fortiter perferebant; sciebant enim ad magna præmia non posse perueniri, nisi per magnos labores. Igitur, ait Gregorius, *Homi. 37. in Euang. delectet mentem magnitudo præmiorum, sed non deterreat certamen laborum*. &c.

Lau-

G Laudat Diuus Paulus Hebræos, quòd cognita meliori in cœlo substantia, cum gaudio rapinam bonorum suorum ferebant. *Rapinam*, inquit, *bonorum vestrorum cum gaudio suscepistis, cognoscentes vos habere meliorem & manentem substantiam. Hebr. 10.* Sciebant Hebræi qui Christo nomen dederant, huius sæculi opes esse inania, quædam parui momenti accidentia: cœlestes verò diuitias esse substantiam solidam ac sempiternam. Ideoque cum gaudio rapinam ferebant accidentium, ut substantiam perpetuam compararent. Iucunda enim est iactura plumbi, qua comparatur aurum. Cur nobis eadem cognoscentibus, eademque sperantibus, idem non contingit gaudium? Quia idem nobis non inest desiderium. Nam, ait Augustinus *In Ps. 52. temporalibus gaudent, qui bona eterna non norunt desiderare, &c.* Ac verò, teste Isidoro, *qui future vitæ premia diligenter excogitat, presentis vitæ mala equanimiter portat.* Denique, omnibus mihi liceat dicere, quod suis socijs Aeneas; *Virg. 1. Aeneid.*

Per varios casus, per tot discrimina rerum

Tendimus in cœlum —

Cùm post huius vitæ incommoda cœlestibus bonis fruemur, poterimus gratias agentes Deo, hæc Israelitarum verba usurpare; *Latati sumus pro diebus, quibus nos humiliasti, annis quibus vidimus mala, Psal. 79.* In quæ verba luculenter loquitur Diuus Bernardus, *Ser. 68 super Cant.* in hunc modum. *Opportunè post tristitiam gaudium subiit: post laborem quies, post naufragium portus: placet cunctis securitas, sed ei magis qui timuit: iucunda*

om-

omnibus lux, sed euadenti de potestate tenebrarum incundior: transiſſe de morte ad uitam duplicat uite gratiam.

H Beatiffimus Pater noſter Franciſcus dū affligeretur, dicere ſolitus erat: *Tanta eſt gloria, quam expecto, ut omnis me pœna delectet, omnis morbus, humiliatio omnis, perſecutio omnis, mortificatio omnis.* Pudeat nos nullis velle cruciari moleſtijs, qui optamus æternis gaudere delicijs.

Tanta eſt gloria illa cœleſtis, ut pro illa comparanda, omnia ſint nobis tormentorum atque tribulationum genera perferenda. Hinc Auguſtin. *Ser. 2. de feſt. omn. Sanct.* Si quotidie, ait, oporteret nos tormenta perferre, ſi gehennam ipſam paruo tempore tolerare, ut Chriſtum videre digni eſſemus venientem in gloria, & Sanctorum eius numero ſociari; nōne erat dignum pati omne, quod triſte eſt, ut tamen boni, tantęque gloria participes haberemur?

Et reuera, ſi ritè cœleſtem dulcedinem guſtarem, huius vitæ amaritudines non reſpueremus. Hinc Gregorius. *Lib. 7. mor. cap. 6.* Cum quis æternę patrię quanta ſit dulcedo conſiderat, pro ea præſentis vitæ amaritudines ardentè amat. Et hanc modo Apoſtolicam rationem afferamus: quia non ſunt condignę paſſiones huius temporis ad futuram gloriam, quę reuelabitur in nobis. *Rom. 8.* In quem locum obſeruat Diuus Thomas, Apoſtolum non dixiſſe actiones, ſed paſſiones, quia, inquit, paſſio maior eſt actione, ut innueret, quòd ad comparandam æternam beatitudinem, illud eſt dandū quod maximū eſt inter ea quę ab homine dari poſſunt: ſcilicet paſſiones. Homo igitur patiatur, ut tali glo-

gloria potiatur: ferat, vt ad illam se conferat: subeat tormenta, vt transeat ad oblectamenta. Vnde Aug. in *Psal.* 79. ad vnumquemque nostrum: *Tolera*, inquit. *quod non vis, vt assequaris quod vis.* Idem super illud *Psal.* In die tribulationis mea cl. assignat rationem, cur in hoc mundo tribulemur, cum ait: *Tota die tribulatio, quando in patria non est delectatio.* Id est, si patriæ cœlestis consideratione, & expectatione delectaremur, nullo modo huius vitæ molestias sentiremus.

Deuotissimè prolato, & inuocato sacratissimo nomine Iesu. omnis dolor, omniaque aduersa vel mitigantur, vel e quo animo feruntur. Caput XVI.

NON solum persona Christi Iesu, sed & ipsius nominis inuocatio, seu prolatio est maximæ virtutis. Romani, teste Plutarcho, *Lib. problemat.* Deum Romæ tutelarem nominare nefas ducebant: vnde Valerium Soranum malè perijsse dicitur, quòd numinis nomen efferre ausus esset. Huius autem occultationis rationem assignant Plinius, & Macrobius. *Lib. 28. cap. 2. Lib. 3. Satur. cap. 9.* Solebant enim Romani, dum hostiū urbem obsiderent, euocare Deum tutelarem illius vrbs, illique eundem, aut ampliorem locum, & cultum promittere: quia aliter urbem capi posse non credebant. Ideo ipsi Romani Deum in cuius tutela vrbs Roma erat, ignotum esse voluerunt, ne modo nominari, ac inuocari posset ab hostibus, atque ita non caperetur vrbs.

Occul-

Occultabant ergo Romani Dei tutelaris nomē: at Deus omnipotens , non tutelaris solū , sed omnium deorum , quibus seruiebant , nomina iam obruit : nomen verò Iesu toti orbi patefecit , vt illud possit quisque nominare , laudare , & inuocare ; ideo Angelus ad Virginem antequam Christus conciperetur ; *Vocabis, inquit, nomē eius Iesum. Luc 1.* Idem dictum est Iosepho , postquā conceptus est . Quando est circumcissus, palam *uocatum est nomen eius Iesus. cap. 2.* Et dum crucifixus est , concelebratum est nomen eius Iesus, imposita à Pilato supra caput eius hac insigni inscriptione : *Iesus Nazarenus Rex Iudeorum. Ioan. 19.*

Excogitabant impij sacrum istud nomen perdere, & de medio tollere , vt David *Psal. 4.* in persona Christi prædixit : *Inimici mei dixerunt mala mihi, quando morietur, & peribit nomen eius?* Ieremias *cap. 11.* quoque nomine eorum inquit ; *Eradamus eum de terra viventium, & nomen eius non memoretur amplius.* Non tamen Deus illorum vota impleri permisit : imò nomen Iesu filij sui ad omnem propagauit æternitatem . Quod vt perageret, trophæum Crucis erexit, vbi nomen illud manerēt inscriptum, nulla vnquam obliuione delendum : & sicut quæ sunt sublimi loco posita ab omnibus cernuntur, sic nomen Iesu non in porphyreticis columnis, non in Aegyptiorū obeliscis, aut æneis statuis, vel altis pyramidibus, sed in culmine, ac throno Crucis locauit, vt sic omnibus manifestaretur, & ab omnibus honoraretur, ac inuocaretur. Debit enim illud nomen ab omnibus

nibus

nibus videri, quod ab omnibus debet proferri; ac in altū eleuari, quod à cūctis debet inuocari; & omnibus esse conspicuum, quod omnibus est proficiū.

B Olim nomen *Iehouach* erat Hebræis ineffabile; vel quia, ait Eusebius, *Lib. 11. de prepar. Euang. capit. 8.* non constabat, quomodo proferendum esset: vel secundum Galatinum, *Lib. 2. cap. 10.* quia Deus trinus & vnus, qui omnino ineffabilis est, per illud nomen significabatur. Eam ob rem antiqui Iudæorum à Moyse edocti, ad designandam hāc diuinæ Trinitatis & vnitatis ineffabilitatem, statuerunt hoc nomen minime proferri: sed vbicunque inueniretur, loco eius nomē *Adonai* pronunciari debere. At nomen Iesu non vult Pater æternus, vt sit nobis ignotum & ineffabile, sed notum & effabile, atque ita pronunciari, efferri, ac inuocari possit ab omnibus. Hoc prædixerat Isaias, *cap. 61. Vocabitur tibi nomen nouum, quod os Domini nominauit.*

Tria dicit Propheta sanctus. 1. *Vocabitur tibi*, id est, à te; quia omnis homo potest nomen Iesu vocare, & inuocare. 2. *Nomen nouum*. Querit D. Thomas, 3, *part. quæst. 37. art. 2.* an hoc nomen Iesu nouum debeat appellari, cū in veteri Testamento pluribus fuisse impositum legatur. Sed respondet idem doctor, quod his qui fuerunt ante aduentum Christi, potuit nomen Iesu, quod Saluatorem significat, conuenire secundum aliquam particularem, & temporalem salutem, quā illi hominibus attulerunt: at verò secundum rationem spiritualis, & vniuersalis omnium hominum salutis, nomen Iesu est proprium Christi:

sti ; & hac ratione prædictum est, ipsum esse habiturum nomen nouum : & vocatur nouum , quia ei cōuenit, quatenus homo ex tempore factus est ; vel quod ex nouo incarnationis , & redemptionis opere accepit nominatum, & in libro vitæ tanquā omnium saluandorum caput conscriptum : Vnde Diuus Bernardinus , *Tom. 2. ser. 4. . Nomen Iesus*, inquit , *primò fuit à Patre prænominatum , imò à tota Trinitate in principio libri vitæ æternaliter fuit scriptum* . Illud igitur Pater nominauit , in capite libri vitæ descripsit , ac nobis reuelauit , vt etiam nos illud nominaremus, scriberemus, & in omnibus actionibus, & angustijs nostris inuocaremus, cū huiusmodi inuocatio & nominatio adeò sit grata & utilis, vt dicat Bernardus, *Serm. 5. in Cant. Si scribis , non sapit mihi, nisi legam ibi Iesum : si disputes, aut conferas, non sapit mihi nisi sonuerit Iesus*. Diuus Aug. *Lib. 3. Conf. cap. 4.* etiam ante suam conuersionem hoc nomen semper sibi in ueneratione, & delicijs fuisse testatur, cū ait: *Hoc nomen Saluatoris me filij tui in ipso adhuc lacte matris, tenerum cor meum piè biberat, & aliè retinebat: & quicquid sine hoc nomine fuisset, quamuis literarum, & expolium, & veridicum, non me totum rapiebat* Illa autem nominatio ac huius nominis ueneratio plurimū ei profuit ad conuersionem.

¶ C In nominando sacratissimo nomine Iesu, ita delectabatur Diuus Paulus, vt in quatuordecim suis Epistolis illud repetat ducenties decies nouies . Maiores erant consolationes, quas in illo inueniebat, quā afflictiones, quas pro illo tolerabat: Iesum, inquam, sæpe proferebat, pro quo liben-

Genter omnia perferebat, sic enim prædictum erat à Domino : *Ego ostendam illi, quanta oporteat eum pro nomine meo pati.* Act. 9. Patiebatur pro Iesu, & deliciabatur in Iesu : nominabat Iesum, & vapulabat pro Iesu ; ait enim, *ter virgis cæsus sum* : 2. Cor. 11. portabat Iesum, & ligabatur pro Iesu : scribebat Iesum, & necabatur pro Iesu. Audi illū clamantem ; *Non solum alligari sed & mori paratus sum propter nomen Domini Iesu.* Act. 21.

Et non tantum dulce illud nomen Iesu viuendo protulit, sed & moriendo. Nam resectum eius caput Iesum protulisse referunt Historici. Quia sicut vas, vnguento odorifero imbutum, licet frangatur, semper odorem seruabit, iuxta illud ; *Horat.*

*Quo semel est imbuta recens, seruabit odorem
Testa diu.* —

Ita Paulus Act. 9 de quo Christus, *Vas electionis est mihi iste, ut portet nomen meum coram Gentibus, & Regibus, & filiis Israel.* Vas, inquam, rota tertij cœli elaboratum, vas quidein terreum, & fragile, coctum tamen in fornace tribulationum, tantam in illo nomine recepit fortitudinem, & constantiam, ut quamuis Tyranni in ipsum defæuientes huc caput, & illuc corpus proiecerint, nunquam nomen Iesu, pro quo moriebatur, dimiserit ; imò tanquam vas quod suauissimum diu continuerat liquorem, licet confractum, bonum eius odorem retinens, suauitatem exhalabat.

Nec minus mirabile prodigium fuit, ter saliente Pauli capite, postquam fuerat abscissum, tres in eodem loco fontes aquarum erupisse, im-

L. pleto

pleto non solum in spiritu, sed & re ipsa, quod prædixerat Isaias, *Cap. 12. Haurietis aquas de fontibus Saluatoris.* Est autem Iesus ille Saluator, cuius non solum persona, sed & nominis ipsius inuocatio, & prolatio est tantæ virtutis, ut Moyſis virga in operatione miraculosum longè sit eo infirmior, & impotentior: illa enim fontem vnum; nomen autem Iesu à Paulo repetitum tres fecit scaturire, qui adhuc extant, & de quorum aqua ego ipse bibi. Celeberrimus est hic Romæ locus trium fontium, qui omnium peregrinorum concursu visitur. Itaque, illud nomen quod fecit emanare è terra fontes aquarum, faciet etiam emanare è Cælo aquas consolationum, si deuotè proferatur & inuocetur, & non tantum nobis afferet præsentem consolationem, sed æternam saluationem. *Non enim aliud nomen est sub cælo datum hominibus, in quo oporteat nos saluos fieri, Act. 4.* præterquam sacratissimum nomen Iesu.

D Inter nomina, quibus Deus Incarnatus vocari voluit, præcipuum locum tenet nomen Iesu, quod magno pretio sibi comparauit, scilicet proprio sanguine, ac propria morte: cætera autem nomina nullo pretio, nulloque labore acquisiuit. Itaque quando illud venerabile nomen Iesu nominamus, & inuocamus, tunc passionem eius commemoramus. Est enim Iesus veluti signum illa omnia in memoriam reuocans, quæ, ut homines saluaret, admirabilia fecit Deus. Docet hoc Diuus Bernardinus *Tom. 4. serm. 48. Nomen Iesu,* inquit, *est signum representans tibi omnia quacunque Deus undique fecit propter salutem humanæ naturæ.*

natura. Cum itaque Iesum nominas, liberatorem, & saluatorem dicis; *Ipse enim saluum faciet populum suum à peccatis eorum.* *Matth. 1.* Ergo, vt salueris, & ab omni malo, & angustia libereris, illud est sepius nomen proferendū, & iuuocandū, quod saluatorem & liberatorem importat. Audi Bernardum *Serm. 15. in Cant. Cum nomino Iesum, hominem mihi propono miem humilem corde, benignum, spbrium, castum, misericordem, & omni sanctitate conspicuum; eundemq; ipsum Deum omnipotentem qui suo me exemplo sanat, & roboret adiutorio. Hæc omnia simul mihi sonant, cum insonuerit Iesus; sumo mihi exempla de homine, & auxilium à potente.*

Aliqui existimant hoc nomen Iesu fuisse Patriarchæ Iacob reuelatum, & ab eo in extremis diebus vitæ suæ egrotante inuocatum, quando scilicet inter benedicendum filios suos, dixit; *Salutare tuum expectabo, Domine: Gen. 49.* vt alij cum Procopio *Inc. 49. Gen.* transferunt, *Iesum tuum expectabo, Domine.* Quæ verba exponens Oleaster, ait, quòd quemadmodum solent senes & ægroti inter verba suspiria emittere; ita Iacob iam fessus, nimirum senio confectus, morboque detentus hanc vocem emisit ad Deum: *Salutem tuam expectabo, Domine.* Iesum infirmus inuocabat sub nomine Saluatoris, vel salutis, docens filios suos, ac posteros sperandum esse in Iesum, illumque in omni angustia, & in omni euentu inuocandum. Vnde Gregorius, *Ho. 8. super Ezech. Beati Iacobi,* inquit, *mens ostenditur, quomodo Iesu desiderio ardebat, qui moriens expectare se perhibebat.*

Notat Diuus Ambrosius, *Lib. de Spiritu Sancto* c.7. nomen Iesu ante incarnationem fuisse quasi in vase inclusum, postea verò effusum per totum orbem : vnde sponsa sic sponso suo hoc nomine insignito loquebatur; *Oleum effusum nomen tuum. Cant. 1* Teste Plinio *Lib.2.cap.109.* si mare intumescat, tranquillum efficitur iniectione olei: si cor nostrum affligatur, & laborum, tribulationumque fluctibus, tanquam mare æstuans conturbetur, illicò recreabitur, & requiescet, si hoc oleum infundamus, id est, si deuotè proferamus. & inuocemus nomen Iesu. Vnde Bernardus, *Ser. 15. in Cant. Tristatur aliquis vestrum? veniat in cor Iesus, & inde saliat in os, & ecce ad exortum nominis lumen, nubilum omne diffugit, redit serenum. Labitur quis in crimen? Currit insuper ad laqueum mortis desperando? Nonne, si inuocet nomen vite, confestim respirabit ad vitam? Cui in periculis palpitanti, & trepidanti, inuocatum virtutis nomen non statim fiduciam prestitit, depulit metum? Cui quæso in dubijs æstuanti, & fluctuanti, non subito ad inuocationem clari nominis emicuit certitudo? Cui in aduersis diffidenti, iam iamque deficienti, si nomen adiutorij sonuit, defuit fortitudo?*

Audiendus est etiam Beatus ille Laurentius Iustinianus Patriarcha, *Serm. de Circumcisione.* qui, vt in tentationibus, doloribus, periculis, miseræque huius vitæ tempestatibus Iesum inuocemus, sic adhortatur. *Sitentaris à Diabolo, si ab hominibus opprimeris, si configeris aegritudine, si doloribus fatigaris, si desperationis agitaris spiritum, si concuteris formidine, si dubietate pulsaris, Iesu*

Iesu nomen edicito. In arduis, in periculis, in terroribus, in domo, in via, in solitudine, in fluctibus, ubicunque extiteris, Saluatoris profer nomen. Adest enim Iesus piè illum inuocantibus, & sanctum nomen suum reuerenter proferentibus. Idcirco quoties tibi aliquid occurreret aduersi, dic; Adesto mihi Iesu. Iob audita morte filiorum, omnique sua deperdita substantia, ac toto suo vlcerrato corpore, & in sterquilinum proiecto, totam spem suam in nomine Domini collocauit, dicens; *Sit nomen Domini benedictum. Iob. 1.* Quibus verbis confortabatur, & ad omnia aduersa fortiter subeunda roborabatur, imò beatificabatur. Nam *beatus vir, cuius est nomen Domini spes eius. Ps. 39.*

Infundendum est igitur hoc oleum in tumefcentes fluctus: est, inquam, proferendum, & inuocandum sacratissimum nomen Iesu, cuius inuocatione insurgentes aduersitates, vel auferentur, vel patienter ferentur. Obseruat Beda *de tabern. Salomonis*, nomen Iesu apud Hebræos à littera *Iod*, & apud Græcos à *Iota* incipi, quæ vtraque in sua gente denarij numeri est nota; quem quidem numerum tanti faciunt prisci scriptores, vt, teste Alexandro, *Lib. 6. Gen. dier. c. 22.* illud decumanum, seu decimum vocitent, quod ingens, & amplissimū est; & præcipuè inter fluctus maris, decimum obseruarunt esse maximum, quod astruit Ouidius, & his verbis: *Lib. 1. de Trist.*

Qui venit hinc fluctus fluctus supereminet omnes:

Posterior nono est, undecimoque prior.

& alibi sic scribit:

Vastius insurgens decima ruit impetus vnda.

L 3 Hinc

Hinc Gregorius Nazianzenus *Lib. 10. Mor. in distichis*: ait, *Doctus Gubernator decimas undas cauet*; propterea quòd cæteris maiores & ampliores sint; quod & ipsemet Beda adnotauit, qui de mari æstuante sic loquitur. *Dein & dein fluctus ordinantur, quorum decimus est maximus*. Existente itaq; maiore ac periculosiore decimo fluctu, eoque insurgente, appositè tunc infunditur oleum, vt conquiescat. Sic, quò maior fuerit tribulatio, eò crebrior debet esse inuocatio huius nominis à numero denario inchoantis, ac oleo infuso assimilati.

Familiares fuit patribus antiquis, in suis calamitatibus petere auxilium à Deo propter nomen illius. Vnde David sic precabatur. *Adiuua nos Deus salutaris noster, & propter gloriam nominis tui Domine libera nos, & propitius esto peccatis nostris propter nomen tuum*. *Psal. 78.* Libenter nomen Iesu nominasset, si illud Dominus ei reuelasset; tunc enim cæpit inuocari, quādo cæpit reuelari: & tunc auxiliatur, quando ritè inuocatur. Multū confidebat August. in nomine Iesu; præstat illū audire deprecantem personam Iesu, propter nomen eius Iesu. *Iesu*, inquit, *De contr. cordis c. 5.* propter nomen tuum dulce, fac mihi secundum nomen tuum. *Iesu*, respice pie miserum, te inuocantem: *Iesu* nomen delectabile, nomen confortans peccatorem, & nomen beata spei. *Quid est enim Iesus? Esto mihi Saluator benignus: noli Domine, noli attendere sic malum meum, vt obliuiscaris bonum tuum: ò bone Domine Iesu, et si ego admisi, unde me damnare possis; tu non amisisti, unde saluare soles*. Sic ille; docens nos quomodo sit Iesus inuocandus & exorandus. Quod si illo

si illo inuocato nondum cesset quassatio, & tribulatio; non propterea debet cessare huius nominis inuocatio, quia nunquam nobis deerit, vel in præsenti, aut in futuro auxiliatio. Igitur sic cum Bernardo *Serm. 15. in Cant.* concludam: *Semper tibi in sinu sit Iesus, semper in manu, quò tui omnes in Iesum, & sensus dirigantur & actus.*

Plurimum confert conscientia munda ad omnia aduersa patienter ferenda.

Caput XVII.

A Duertens Diuus Gregorius, *Hom. 9. super Ezech.* quid possit conscientia, ait; *Nihil poterit obesse, si sola conscientia defendat.* Sed non defender te, si accuset te, accusabit te, si peccatum sit in te. Sicut enim in externo iudicio reperiuntur accusatores qui accusant, satellites qui ligant reum, Iudex qui sententiam fert, sententia quæ poena addicit, cruciatus qui torquet; ita si culpa sit in te, habebis intus apud te, quod accusabit, ligabit, condemnabit & castigabit te; *Nam*, inquit idem Gregorius *Lib. 25. Mor. c. 5. conscientia accusat, timor ligat, ratio iudicat, dolor excruciat, &c.*

Ipsi Ethnici agnouerunt hominem tum à bona conscientia subleuari, & defendi, tum etiam à mala vexari. Vnde Tullius, *pro Milone. Magna*, inquit, *vis est conscientia in utramq; partem, ut neque timeant, qui nihil commiserint, & poenam semper ante oculos versari putent, qui peccauerint.* Plutarchus *Lib. de tranquil. anim.* quoque con-

Scientiam mundam ab omni labe maximum esse adnuncium affirmat: sed (vice versa, ait, facinorosa conscientia instar ulceris in corpore poenitentiam relinquit in anima lancinantem iugiter, impetentem, atque excarnificantem.) Arbitrabatur insuper idem Plutarchus flagitiosos ac facinorosos homines non indigere Deo, aut homine ultore; sed perniciosam ipsorum vitam omni prauitate, impietate, ac scelere corruptam, refertam, & contaminatam, satis superque ad seipsam plectendam, ac torquendam sufficere, iuxta illud Tullianum; *Cic. pro Roscio.* (Sua quemque fraus, & suus error maximè vexat, suum quemque scelus agit.)

Hæc malæ conscientia tormenta ex antiquis nonnulli, teste Macrobio, *Lib. 1. c. 10. de somn. Scip.* rectè vulturis imagine significari dixerunt, iecur Tityi perpetuò dilanantis. (Vulturem, ait ille, iecur immortale tondentem, nihil aliud intelligi voluerunt, quàm tormenta malæ conscientia obnoxia flagitio, viscera interiora rimantis, & ipsa vitalia, indefessa admissi sceleris admonitione laniantis.) Dicere igitur potest quisque peccator, quod Poeta de seipso. *Ouid. lib. 1. de Ponto.*

— *Facto torquor ipse meo.*

Nam teste Isidoro, *nulla pœna grauior est pœna conscientia.* Seneca quoque quid timendum sit, ostendit, *Lib. 3. de summo bono. Lib. de moribus.* (Nul- lum, inquit, conscium peccatorum tuorum magis timueris, quàm temetipsum: alium enim potes ef- fugere, te autem nunquam; nequitia enim ipsa est sui pœna.)

Coh.

B Considerabat Diuus Chrysoftomus, *Epist. 7.* quid filij Iacob dixerint, dum accusarentur, quod aureum poculum essent suffurati; Merito, inquiunt, *hæc patimur, quia peccauimus in fratrem nostrum*, &c. *Genes. 41.* Quid illos torquebat? non furtum? non enim surripuerant huiusmodi poculum: & quamuis ab eis crimen illud exigeretur, atque ob id in iudicium traherentur, non propterea discruciabantur, quia illius criminis non erant conscij. Merito tamen se pati fatebantur, quia in fratrem peccauerant; quod quidem peccatum nemo eis obijciebat; nemo ab eis de illo pœnas exigebat: sed solum eos perstringebat, accusabatque cōscientia. Vnde, inquit ille doctor, *Hom. 26. in Genes. misericors Deus conscientiam eiusmodi accusatorem assistere voluit, ut nunquam soli relinquamur, sed illa nobis indefinenter congregiatur, clamet, & pœnam exigat delictorum*, &c.

Si igitur nulla in te dominabitur iniquitas, nulla tibi nocebit aduersitas, licet tibi obueniat. Vis scire, cur Sancti gaudebant in medio tormentorum? Quia nulla erat in eis culpa, propter quam talia paterentur, ideo illa omnia tormenta æqua & læto animo ferebant, non enim illis nocebant, sed conducebant. Ideo optimè consulit Isidorus, *Lib. 3. de summo bono. Vis, inquit, nunquam esse tristis? bene viue. Secura mens tristitiam leniter sustinet.* Audita Diuus Cyprianus Valeriani Imperatoris contra se sententia respondit: *Deo gratias*; quia sciebat se omni culpa carere.

C Vide quid de animabus iustorū dicat Sapiens, *capit. 3. Iustorum anime in manu Dei sunt*, &
non

non tanget illos tormentum mortis. Quodnam est hoc mortis tormentum, quo non sunt iusti tangendi? nunquid iusti sicut ceteri doloribus corporis, infirmitatumque acerbitate in morte non vexantur? Imò sæpe acerbius. Tormentum igitur mortis, quo iusti non plectuntur, non est corporis, sed cordis, non est carnis, sed spiritus: tormentum, inquam, conscientiae non tanget illos, cū nullo sint obstricti crimine. Illud autem malae conscientiae tormentum solet tunc magis torquere, quam quarumcunque corporearum poenarū acerbitas, ac ipsa animæ à corpore separatio. Audi Diuum Augustinum, *In Psal. 45.* Inter omnes, inquit, *anima humana tribulationes nulla maior est, quam conscientia delictorum.* Si enim ibi vulnus non fuerit, ubicunque alibi passus fuerit homo tribulationes, illuc confugiet, & ibi Deum inueniet: quòd si non fuerit ibi requies propter abundantiam iniquitatis, quid factururus est? quò confugiet, cū tribulationes cœperit pari? fugiet ab agro in ciuitatem, à publico in domum, à domo in cubiculum; à cubiculo iam quò fugiet? non habet, nisi interius ad cor suum. Quod si ibi tumultum est, si fumus iniquitatis, si sceleris flamma, illuc confugere non potest; pellitur enim inde: & cū inde pellitur, à se ipso pellitur, quò fugiturus est? quocūque enim fugerit, se trahit post se, & quocūque traxerit se, cruciat se. Arēta igitur ista & vehementes omnino tribulationes sunt, &c.

Idem affirmat Gregorius, *In explan. 7. Ps. poenit.* Si mala conscientie tribulationem perferens, in arcano cordis Deum non inuenit, quoniam forte recessit

ab

ab hospitio cordis pro abundantia iniquitatis; quid factururus est homo? ubi consolationem inueniet? ubi requiem perquiret? Grandis tribulatio, ubi nullus euadendi aditus, ubi nulla libertatis spes, ubi nulla ereptionis fiducia. Si ad exteriora recurrit, si in transitorijs consolationem quaesierit, ibi animi afflictio urgebit. Quæ enim in temporalibus consolatio? quale in diuitijs gaudium? nunquid nobiscum permansura sunt?

D Videntur isti doctores censere, nullum superesse homini refugium, si læsa sit conscientia. Ego autem dicerem adhuc illi superesse pœnitentiam, ad quam tanquam ad securdam post naufragium tabulam confugere poterit, quam nullo pacto relinquere debet, donec mundetur. *Naufragus, ait Gregorius, Ibidem. cupiens vitam in undis seruare, semel adeptã tabulã non ante dimittit, quàm vehiculi præsidio adiutus optatũ litus attingat, &c.*

Si igitur intra te sit fumus iniquitatis, aperiendæ sunt fenestræ, ut exeat fumus; aperiendum, inquam, est os tuum per confessionem, ut exeant peccata: si flamma sceleris consurgat, proijcienda est aqua, ut extinguatur, effundendæ sunt lacrymæ. Nã *lacrymæ veniam non postulant, sed merentur*, inquit Ambrosius in *Lucam*. Danda est etiam eleemosyna, qua extinguuntur peccata, sacra testante Scriptura; *Ignem ardentem extinguit aqua, & eleemosyna resistit peccatis, Eccl. 3.* Atque ita tua mundabitur conscientia, quæ nihil aliud est, quã scientia & testimonium animæ, quo anima bene sibi conscia est, sibi que attestatur se pure & sanctè iuxta Dei legem viuere.

Cum

Cum igitur magis cruciet culpa, quam pœna, purganda est sæpe anima per confessionem sacramentalem, & alia bona opera, ut ad illam sic mundam recurrat homo in aduersitate constitutus: quia plus lætabitur ex bona conscientia inter aduersa, quam ex mala inter prospera. Vnde Augustinus, *De Catechumen. Tu*, inquit, *qui veram requiem, quæ post hanc vitam Christianis promittitur queris, eam inter amarissimas huius vitæ molestias degustabis, incundiusque ex bona conscientia inter erumnas lætaberis, quam ex mala inter delicias, &c.* Quid enim melius, quam: *Horat. lib. 1. Epist. 1.*

Nil conscire sibi, nulla pallescere culpa?

E Itaque præcedat confessio, ut sequatur consolatio. Exeat quod te intus torquet, ut cesset quod foris tibi nocet. Quia teste Gregor. *In Job. 11. vulnera clausa plus cruciant: nam cum putredo, quæ interiorius feruet, deijcitur, ad salutem dolor aperitur.* Ut sit Deus consolator tuus, esto tu accusator tui: ubi enim est culpa animam maculans, ibi non est Deus animam consolans. Igitur, ut ingrediatur in te Deus totius consolationis, egrediatur à te peccatum sacramento confessionis. *Nam*, ait Augustin. *Psal. 84. antequam confitearis peccata, intercluseras ad te viam Dei, non erat qua ad te veniret: confitere vitam, & aperi viam, & veniet Christus* Neque hoc latuit Poetam, cum dicat: *Ouid. lib. 10. Met.*

Numen confessis aliquod patet. —

Ad pœnitentiam tanquam ad consolationis portum confugiebant olim Israelitæ in afflictione existētes, ut liquet in historia Iudith, Machabeorum, & alibi, *Iudith 4. 1. Mach. 2. Ioan. 3. Si gens illa,*

illa, inquit Deus, pœnitentiam egerit à malo suo, quod locutus sum aduersus eam agam & ego pœnitentiam super malo quod cogitavi, ut facerem ei. Ier. 18.

Hoc antidotum Gregorius Nezianzenus, *Orat. in plag. grand.* commendauit populo suo, cum fruges iam maturæ grandine percussæ fuissent. *Cum Deus, inquit, non nisi coactus nostris peccatis percutiat, quid afferri potest, quin natura sua bonitate utens, indulgentem se nobis præbiturus sit, modò nosmetipsi nostri misereamur, iustisque patris visceribus viam patefaciamus, ac proinde in lacrymis seminemus, ut in exultatione metamus, peccato medeamur, ne cum peccato conficiamur?*

F Quid præterea præstet bona, vel mala conscientia, videre licet in ipso Ioseph, & duobus illis Pharaonis Eunuchis cū ipso incarceratis. Nul- lum Ioseph patrauerat crimen, idcirco nulla tristitia, nulloque mortis metu afficiebatur, quamuis carceribus mancipatus fuisset: at verò Eunuchi, quia malè sibi erant conscij, timebant, ac tristabatur. Vnde ad illos aliquando Ioseph; *Cur tristior est hodie solito facies vestra? Genes. 40.* Si fuissent innoxij, nullo modo timuissent, nec consolatione indiguissent: nullus consolabatur Ioseph nisi propria conscientia, quæ culpa carebat. Interrogatus Bias, quidnam in vita metu vacaret, respondit: *Bona conscientia.*

Quis Petrum inter catenas, & suos carceris custodes tam securè dormientem non demiretur? *Act. 12.* Iam contra eum lata erat mortis sententia, in crastinū erat iugulandus, gladius paratur, locus martyrij iam cōstructus, & tamen tā profundo som-

Somno sopitus erat, ut ad illum excitandum necesse fuerit latus eius ab Angelo percuti; dormiebat somno confidentiæ, sciebat enim nullum se commisisse crimen: ideo non ægrè ferebat carcerem, qui etiam patienter tolerasset mortem: non dolebat, inquam, de carcere qui tam securè dormiebat in carcere. *O quantum securitatis habent, qui sibi bene sunt conscij* inquit D. Prosper. *Lib. 2. de vita contempt. cap. 18.*

Bona conscientia est veluti perpetuum conuiuium, iuxta illud Sapientis: *Secura mens quasi iuge conuiuium. Prov. 15.* In conuiuium nihil triste auditur, omnia sunt læta, quandiu quis conuiuatur, tandiu lætatur. Quod si fortè aliquid triste annūcietur, adsunt illicò ex amicis conuiuantibus qui consolantur, quia ut plurimum solent amici vocari ad conuiuium. Si bona fruaris conscientia, iungi etiam frueris conuiuium, ad quod vocabitur patientia, quia, teste Augustino, *Lib. de pat. cap. 5. patientia amica est bona conscientie*. Si igitur tibi aliquid aduersi contingat, aderit statim amica patientia consolans te. Audi D. Bernardum, *Lib. de cons. Bona conscientia*, inquit, *quotidie virescit, laboribus non affligitur: afficit gaudio videntem, consolatur morientem, &c.*

Conscientia munda non tantum consolatur, sed etiam non patitur hominem pati, quia, teste eodem Bernardo, nihil aduersi formidat. *Quid dulcius*, ait, *aut quietius bona conscientia, necque damna, nec verborum contumelias, nec quicquam aliud formidat?*

Vnde sancti viri nulla afflictionum, aut tormē-

torum genera timuerunt: habebant enim consci-
 riā placidā & pacatam, nulliusque peccati sibi con-
 sciā. Ideo non solū equanimiter illa ferebant, ve-
 rum & parui pendebant: inter quos D. Tiburtius
 martyr, qui, vt habent eius acta, ad Torquatū Iu-
 dicem insultans & quasi triūphans dicebat: *Appli-
 ca equuleos, suspende Christianos, damna, percutie in-
 cende, uniuersa denique supplicia adhibe, decerne
 quicquidlibet, omnis nobis vilis est pœna, ubi pura co-
 mes est conscientia.* Tertullianus Scapulam Cartha-
 ginis Præsidentem in Christianos sequentem sic allo-
 quebatur: *Cū omni sequitia vestra concertamus, etiā
 ultrō erumpentes, magisque damnati, quā absolui
 gaudemus.* lib. ad Scap. c. 1. Vnde tanta liberras, nisi
 ex recta eorū conscientia? Meritō igitur interroga-
 tus Periander, quid esset libertas, respōdit, (Recta
 conscientia.) Libere enim possunt loqui, qui recte
 sunt conscientie. Hinc Plautus, in *Amph.*

*Qui non deliquit, decet audacem esse, & confi-
 denter loqui.*

G Cæterū tempore prosperitatis bene ope-
 rare, vt si fortē in aduersitatem incidas, tibi sit cō-
 solatio bonorū operum recordatio: sed non pote-
 ris recordari, si neglexeris bene operari. *Felix
 conscientia,* inquit Hieronymus, *In Isai. lib. 11. quæ
 afflictionis tempore bonorum operum recordatur, &c.*
 Recordare præcipuē tuam mundare conscientia,
 vt valeas in te veram seruare patientiam: imō
 & murum seruare æneum: sic enim à Poeta voca-
 tur. recta conscientia, *Hor. lib. 1. Epist. 1.*

— *Hic murus æheneus esto.*

Omnia subibis, nihil tibi nocumento esse pote-
 rit,

rit, si hoc muro protegaris, qui quidem murus, si culpa destruat, pœnitentia erigatur. Si enim tibi sit munda conscientia, habebis quod consoletur te, si praua, quod cruciet te.

Nihil magis consolabatur Iob in afflictione constitutum, quàm pura conscientia, quam quidē peccatorum suorum confessione purgauerat; quod patet his verbis; *Si abscondi quasi homo peccatum meum, & celavi in sinu meo iniquitatem meā Iob. 31.* Quod exponens D. Gregor. ait; *Mirentur in eo qui volunt castitatis continentiam, mirentur integritatem iustitię, mirentur viscera pietatis: ego in eo nō minus, admiror confessionem humillimam peccatorum, quàm tot sublimia gesta virtutum, &c.*

Quod autem bona conscientia nihil paueat, nihilque timeat, docet Bernardus, de consid. Quid, inquit, securius bona conscientia? damna rerum non metuit, nec verborum contumelias, non corporis cruciatus, quę & ipsa morte magis erigitur, quàm deprimitur. Huic consentit Tullius, lib. 6. *Epist. fam. ad Torquatum* scribens. (Conscientia, ait, rectę voluntatis maxima consolatio est rerum incommodarum.) Iuuat & Diuum Chrysostomum audire ad hoc propositum loquentem, & in quo cōsistat tristitia, & in quo consolatio, differentem. Nihil, inquit, aliud est triste, nisi Deum offendere: quod cum aberit, non poterunt tribulationes sapientem animam contristare: sed quemadmodum, si exiguam scintillam in profundum lacum deieceris, statim extinxeris: itidem & omnis tristitię superabundantia in bonam missa conscientiam, extinguitur. *Hom. 25. ad pop.*

Ad

Ad omnes afflictiones, & persecutiones fortiter subeundas plurimum prodest sanctissimum Eucharistia Sacramentum dignè sumptum. Cap. XVIII.

AD Igna Dominici corpus receptio vehementer accendit in amorem Dei, & ad ardua quæque pro Christo perferenda, magnasque vires subministrat in afflictione, vel persecutione existentibus, tum quia typus est Dominicæ passionis ratione sacrificij incruenti, in quo Eucharistia cõficitur, tum quia Christus mandavit illud in memoriam suæ passionis offerri & sumi. Poterat quidem Dominus hoc venerabile Sacramentum alio tempore instituere: verum tempus suæ passionis expectavit: qua imminente illud instituit, eoque suos muniuit discipulos; & quid dico discipulos? Imò seipsum seipso, si sic fari liceat, roboravit, ut ostenderet eo etiam nos esse muniendos urgente aliqua afflictione, aut persecutione. Idcirco, cum olim à Tyrannis fideles ad tormenta, & cædem, propter Christiani nominis confessionem vulgò raperentur, ne illi fortè dolorum acerbitate victi in salutari certamine succumberent, vetus in Ecclesia Catholica mos fuit, ut his Sacramentum Dominici corporis præberetur. Vnde Cyprianus, *Lib. 1. Epist. 2. Cum ad hoc*, inquit, *fiat Eucharistia, ut possit accipientibus esse tutela, quos tutos esse contra aduersarium volumus, munimento Dominica saturitatis armemus.* Et alibi sic

M

scri-

scribit; *Idoneus esse non potest ad martyrium, qui ab Ecclesia non armatur ad prælium: & mens deficit, quam non recepta Eucharistia erigit, & accendit.* Ep. 54. ad Corn. Pap. Quod igitur vires suppe- ditat ad fortiter, & alacriter ferendū martyriū, conferet etiam ad quasunque tolerandas tribulationes.

B Quod iste panis Eucharisticus habeat vim corroborandi, indicant diuersæ versiones istius versiculi: *Et erit firmamentum in terra in summis montium.* Ps. 71. ubi alia translatio habet secundum Chaldæum; *Erit substantificus panis in terra.* Alij sic legunt; *Erit fulciens, seu, confortans panis in terra.* Quidam verò sic vertunt; *Erit panis robustorum in terra.* Unde alibi vocatur panis fortium, ut notat Diuus Hieronymus, qui etiam hæc verba Daudis; *Panem Angelorum manducauit homo* Ps. 77. sic vertit ex Hebræo; *Panem fortium manducauit homo.* Et vocatur panis fortium ab effectu, quia fortes illum dignè sumentes efficit ad omnia aduersa subeunda. Hinc Diuus Thomas 3. par. q. 74. ar. 3. asserit, ideo Christum Dominum istud Sacramentum instituisse in pane triticeo potius quàm in hordeaceo, quia frumentum magis hominem confortat, ad denotandum hunc huius Sacramenti effectum.

Secundum eundem Doctorem Angelicum 3. p. q. 79. art. 2. præfigurabatur olim huiusmodi effectus sub cinericio pane, quo Elias ex persecutione impiæ Iezabelis de via fessus ministerio Angelorum passus est, sic ut quadraginta dierum in ediam sustinuerit. Quid enim aliud designat panis sub cinericius, nisi corpus Domini sub cineribus specierum

cierum panis delitescens? Si sola figura tunc Prophetam roborauit, quid modò veritas? Hoc etiam patet in alio huius Sacramenti typo, scilicet manna, quod vires integras, & sanitatem sumentium conseruabat, fortesque reddebat, ac erat facillimæ decoctionis. Nam, vt notat Genebrardus *In Psal.* 77. post Abulensem, totum sine excrementis in membrorum vertebatur substantiam. Quales vires dignè sumentibus non præbebit ipsamet veritas, istud, inquam, Sacramentum? de illo sic Laurentius Iustinianus, *De discipl. & perfect. Monast.* Hoc Sacramentum est tanquam cellarium quoddam omnium aromatatum in se continens pretiosissima: em, & virtutem: in ipsum qui ingrediuntur, refocillamur ab omni fatigatione, nec deficiunt, donec presentis vite terminus finiatur.

C Multa occurrunt exempla, quibus vis, & efficacia nutriendi, & corroborandi huius Diuini Sacramenti comprobatur. Narrat Sophronius, *In Prato spir. c.* 100. Petrum Ponticum sumpta Eucharistia in monte Sina, vsque Alexandriam longo, & locorum, & temporis interuallo emenso, absque villo cibo, potuque perrexisse. In agro Tullensi puella quædam, teste Fulgoso, *Lib.* 1. duodecim annos nata, sumpta tantum sacra Hostia sine alio cibo, & potu triennium vixit. Idem scribit sua tempestate compertum, vt Perusij Paulumba mulier Interamnenensis, annos nata viginti, ipsa Eucharistia, nullo alio sumpto cibo, septem annos vixerit: *ibid.* quod Innocentius Octauus Pontifex re diligenter quæsitâ inspexit. Heremita quidam valde pius Suitensis nomine Nicolaus, sola

Eucharistia apud Helueticos prope Vnderualdem singulis mensibus sumpta, annos quindecim, nullo prorsus alio sumpto cibo, vixisse traditur circa annum Domini 1465. *Vuernerius in fasciculo*. Beata Catharina Senensis, sola Eucharistia sumpta diu vixit, ut Pius Secundus suis litteris in eius canonizatione testatus est. Ita fit, ut is qui alijs cibis vini alendi contulit, ipse longè excellentior sit homini cibus nutriendus, roborans, & diu seruans, maximè quando sic expedire cognoscit.

Placet hic referre, quod ab Eusebio *Lib. 9. hist. cap. 5.* refertur de sancto Luciano præbytero, & martyre, qui cum in carcere esset supinus, substratis acutis testulis, & pedibus in cippum iniectis, atque distractis, sine cibo, & potu, sacram Eucharistiam ardentè desiderabat, & suspensis discipulis quomodo altare illuc inferrent, ait: Mensa erit vobis hoc pectus meum; templum verò sanctum vos mihi eritis, me omni parte circundantes. Impositis igitur suo pectori signis diuini sacrificij, sublato in Cælum obtutu, & sacro ritu precibus peractis, & ipse fuit particeps Sacramentorum, & alij distribuit, quibus maximè confortatus, tandem in hac voce, *Christianus sum*, emisit spiritum. Felix, in cuius pectus intrauit hostia, quæ supra idem pectus fuerat consecrata; & quæ illum interius roborauit, qui eam exterius portauit; diuinus ille cibus suam reficiebat mensam.

D Valdè expendenda sunt hæc Christi verba; *Qui manducat meam carnem, & bibit meum sanguinem, in me manet, & ego in eo.* Ioan. 6. Quidam sic interpretantur, *in me manet*, quasi gutta aquæ
cùm

cum intrat in mare: & ego in eo, sicut virga ferrea fortis in arundine. Gutta aquæ, si seorsum & in se sola existat, tenui vento, aut modico calore siccatur, & consumitur: at verò, si in mare iniiciatur, diu conseruabitur. Sic quamuis homo per se fragilis sit, potest tamen sumpto hoc Sacramento in Christo existere, ac proinde quibuscunque tentationibus resistere. Et sicut arundo, licet debilis sit, omnique vento agitur, tamen, si intra illam virga ferrea includatur, facile poterit quoscunq; ventorum imperus repellere: sic homo per susceptionem huius Sacramenti habens in se Christum, fortior efficitur ad omnes subeundos labores. Vnde Beda lib. 5. in Luc. Si tentatio pulsauerit, inbareamus stabili corde Sacramento nostræ redemptionis.

Vis adhuc scire quid Christus efficiat dum manet in nobis? Audi Cyrillum; *Sedat sanientium membrorum nostrorum legem, pietatem corroborat, & perturbationem animæ extinguat*. Itaque si aliqua animi mœstitia afficiaris; aut aliqua calamitate premaris, sume hoc Sacramentum, & inuenies medicamentum: nam secundum Ignatium. *Eucharistia est pharmacum immortalitatis, mortis antidotum, medicamentum purgans vitia, & omnia pellens mala*. Pergat æger ad medicum, pauper ad diuitem, afflictus ad fontem totius consolationis, & dicat assumpto, postquam digne sumpserit; *Non timebo mala, quoniam tu mecum es. Ps. 22.*

E Asterit Plinius l. 8. c. 32. carnes ceruorum manẽ sumptas habere vim expellendi febres, corpusque corroborandi, aitque suo tempore sceminas

quasdam à febribus præservatas, quòd ceruorum carnem degustare solita essent quotidie. *Quasdam* (inquit) *fœminas scimus omnibus diebus matutinis carnem ceruorum degustare solitas, longo ævo caruisse febribus.* Nonne Christus cerua matutina dicitur, iuxta versionem Diui Hieronymi in titulo Psalmi vigesimi primi? Nam quemadmodum mitis cerua a venaticis exagitur canibus; sic Christus matutino tempore à rabidis vexatus hominibus, domum Pilati adductus, verberibus laniatus, ad Crucem perlatus est. Vox mitissimæ huius ceruæ hæc est. *Circumdederunt me canes multi. Ps. 1.* Heu quot illa canes circumdederunt! quam sæuos diuino illi corpori dentes infixerunt! nec verò ab ea insectanda destitit, quousque vitam eripuerunt: huius autem ceruæ carne qui pascitur, à diris peccati febribus præservatur, ac consequenter agilis fortisque efficitur: scribit enim idem auctor ceruos febriū non sentire morbos. *Ibidem.* Hinc Bernardus, *Serm. 1. in Cæna Domini*: Si quis, inquit, *vestrum non tam sape modo, non tam acerbos sentit iracundiae motus, inuidiae, aut cæterorum huiusmodi, gratias agat corpori, & sanguini Domini, quoniam virtus Domini operatur in eo.*

Affirmat Diuus Chrysostomus, *Homil. 45. in Ioan.* quòd ingrediente in nos corpore Christi, statim in fugam dæmones vertuntur, qui solent tentare nos, & ad impatientiæ motus impellere, qui præsentiam Christi verentur: Angeli verò concurrunt tanquam Dominum suum comitantes. Pulsis igitur malignis spiritibus, & præsentem Domino cum Angelis suis, cur times? cur doles?

doles? Non timebat Iob iuxta Dominum positus; *Pone me iuxta te, & cuiusvis manus pugnet contra me. Iob 7.* Quasi dicat; insurgant aduersitates, vrgeant dæmones, sæuiant homines, omnis denique in me irruat dolor, horum nihil ego verebor, dummodo, Domine, sin iuxta te. Sume hoc Sacramentum, & eris non tantum iuxta Dominum, sed intra Dominum, qui proteget, consolabitur, & roborabit te. Nam qui viuit propter Christum, libenter patitur propter Christum; ille autem viuit propter Christum; qui manducat Christum. Audi dicentem: *Qui manducat me, & ipse viuet propter me. Io. 6.* Quia sumendo hoc Sacramentum non mutatur Christus in nos, sed nos in Christum, iuxta illud Augustini, *Lib. 7. conf. c. 10.* inducentis Christum loquentem sibi; *Non tu me in te mutabis, sicut cibum carnis tue, sed tu mutaberis in me.* O felicem mutationem! mutatur homo in Christum, id est, fit Christo similis. Fuit autem Christus patiens, libenter omnia opprobria, a lapas, flagella, ac mortem sustinuit: similiter fiet patiens, libenterque sustinebit, qui illum digne manducabit.

F Cuiusdam mensæ Solis meminit Diuus Hieronymus, *In Epist. ad Paulinum*, dum ait. *Apolonius perrexerat Aethiopiam, ut Gymnosophistas, & famosissimam Solis mensam videret in Sabulo.* In ea noctu à diuitibus apponebantur cibi: deinde Sole lucescente, licitum erat omnibus indigenis ad illam accedere, cibosque capere, ac illis vesci & refocillari. De illa sic Herodotus, *lib. 3.* Solis inquit, *mensa talis esse memoratur.*

*Est in suburbanis pratum omnium quadrupedum
assa refectum carne, quam per noctem singuli civium
magistratus properant ponere, ad eamque, ubi illuxit,
cuilibet epulatum licet accedere. Hac autem à ter-
ra reddi assidue indigena aiunt. Vnde Cælius Lib.
29. lect. Antiq. ait. diuitum domos, omni rerum
copia affluentes, expositasque inopum necessitati-
bus, atque alimentis, rectè dici mensam Solis. Sed
multò rectius famosissima mensa Solis, maximi
Solis, id est, Christi, mensa appellari potest, quam
ipsemet noctu, hoc est, in qua nocte tradebatur, 1.
Cor. 11. nobis parauit; vt postea ipso lucescente,
id est, resurgente ad illam accederemus, non car-
nes assas, sed ipsummet Christum manducaturi:
de qua mensa sic Psalmista; *Parasti in conspectu
meo mensam aduersus eos qui tribulant me.* Ps.
22.*

Non timebant antiqui ad mensam accumben-
tes, quia Deos suos mensæ adesse credebant: ait
enim Plautus, *Menach. sc. 1. Act. 1.*

Mos erat & mensa credere adesse Deos.
Nihil nobis timendum occurret, si ad hanc men-
sam accedamus; in ea enim Christus adest. man-
ducatur, & consolatur, fumitur & non consumi-
tur. Mensa secundum Varronem, quasi mesa,
id est, media, dicitur, quia inter duos statuitur: me-
diante hac mensa, id est, mediante huius Sacra-
menti susceptione fortes, & generosi efficimur ad
omnia aduersa subeunda. *Medius vestrum stetit.*
Ioan. 1. Non accedet ad te malum, nullæque tibi
nocebunt aduersitates, si inter te, & illas hæc men-
sa, vel Christus medius steterit. Dico etiam quod
me-

mediante hac mensa, Christus nobis vnitur, vel potius nos Christo: nam secundum Chrysostom. *Hom. 24. in 1. ad Cor. hac mensa est fiducia vinculum, neruis mentis.*

Inualuit quondam vsus, vt milites fortes, & praelijs explorati ad liberum conuiuium, & mensam reciperentur: vnde narrant historici, Rodericum de Biuar habuisse mensam rotundam à maioribus nostris valde celebratam, ad quam accumbere solum dicebat ducibus, ac militibus animo & rebus gestis præstantibus. Verum aliam Christus in Ecclesia mensam erigit longe pretiosorem: nam illa, de qua diximus, non faciebat conuiuias ex ignauis fortes, vel ex imbecillis firmos: sed illos iam strenuos ac præstantes tantum ad mittebat. At Christi mensa, in qua caro eius sumenda proponitur, ideo parata est, vt fortes & generosi Christiani efficerentur, atque aduersus visibiles & inuisibiles hostes armarentur. Vnde Chrysostomus, *Hom. 61. ad pop. sic Christum loquentem inducit; Ego carnibus meis vos alo, & me ipsum vobis adpono, vos omnes generosos esse volens.* Cui non afferet robur tam eximij roboris cibus? Quæ non faciet fortem panis fortium? Quem non reddet generosum, animoque forti excelsum, & caducarum rerum contemptorem, adeo generosa mensa? à qua, teste eodem doctore, *tanquam leones ignem spirantes recedimus facti diabolo terribiles. Ibidem.*

id G Hinc est, quòd in primitiua Ecclesia fideles sumpto hoc diuino Sacramento tanta erant fortitudine præditi, vt nulla vi, nullis cruciatibus,

nulla

ulla Regum, & Imperatorum potentia superari potuerint. Mulieres ipsæ, ac teneræ virgines, pueri, & impuberes maxima cum animi alacritate ad vincula, ad tormenta, ad mortem tanquam ad cōuiuia properabant. Propterea, si aliqua aduersitate premaris, præmissa integra omnium peccatorum tuorum confessione, accede humiliter ad hanc mensam, & sume hoc venerabile Sacramentum, & teste eodem Chrysostomo, *tribulationes efficiuntur consolationes*; præcipuè, si cogitaueris te illud recipere corpus, quod pro te flagellatum est, spinis coronatum, & cruci affixum: & quod, sicut prius voluit accipi & manducari, quàm pati, ita illud accipias, priusquàm patiaris, vel dum pateris: vt ipsa passio tua sit consolatio; quia ideo Christus tibi seipsum præbuit, vt illius passionis recorderis: *Quotiescunque enim manducabitis panem hunc, & calicem bibetis, mortem Domini annuntiabitis: 1. Cor. 11.* Sicut igitur instituto hoc Sacramento, & discipulis exhibito, libenter Christus pro nobis quæque tormenta passus est; ita sum pro eodem Sacramento, patienter pro eo omnia aduersa feramus. Vis autem scire, qua de re tantùm dolere debeas? Audi eundem doctorem; *Vnus sit nobis dolor, vna mæstitia, si hoc alimento spiritali priuemur. Hom. 60. ad pop.* Quia tunc robore & animi viribus ad subeundas quascunque tribulationes, priuaremur.

Illi sunt reuocandi in memoriam, qui multa patienter tolerauerunt incommoda, ut illorum exemplo, similia equo animo feramus. Caput XIX.

IVXTA Senecæ dictærium, *Epist. 25.* prodest sine dubio habere quos respicias : & præcipuè, si eadem, quæ nos ipsi patiantur, vel passi sint. *Nam,* ait Chrysostomus, *Hom. 1. ad pop. molestiarum communicatio quandam affert lapsis consolationem.* Volantia animalia se vicissim alis suis feriunt : atque hoc pacto ad volandum excitantur : ille te ala sua percutit, qui verbi gratia, exemplo suæ patientiæ te ad similia ferenda accendit.

Olim Miltiades Imperator Atheniensium, ut scribit Philo, *in lib. cui titulus ; Quod omnis probus est liber.* quando Rex Persarum tam multa millia traiecit in Europam, quasi ad primum clamorem oppressurus Græciam, conuocatis socijs pugnantibus gallos gallinaceos ostendit, ratus hoc spectaculum maiorem vim habiturum ad permouendos animos Græcorum, quàm orationem, nec eum fefellit sua opinio, spectata in brutis patientia, pertinacique contentione, vsque ad necem pugnantibus, inuicto pectore, correptis armis eam expeditionem susceperunt contemptis mortibus, & vulneribus. Sic Philo. Huiusmodi milites ad pugnam animabantur propositis gallis illis pugnantibus. At nobis non galli gallinacei, nec alia bruta animalia, sed homines exhibentur dimicantes, tormenta, ludibria, conuicia, filiorum mortem, bonorum iactu-

iaſturam, ac ſimilia mala, imò mortem ipſam fortiter & æquo animo ferentes, vt illorum exemplo, ſimilia ſimili animo ipſi feramus.

Referunt historiographi nonnullos etiam inter Gentiles forti animo ad ſupplicia corpora ſua tradidiſſe: nam Mutius dexteram ſuam comburendam libens in ara reliquit; Empedocles totum ſe Catanaenſium Aetnæis incendijs donauit.

Regulus, ne vnus pro multis hoſtibus viueret, toto corpore cruceſ patiebatur; ideo illum in captiuitate victorē appellat Tertullianus. *Apoc. c. 50.*

Anaxarchus Philoſophus, teſte Laërtio, dum à Nicocreonte quaſi in mortario piſa contundere-tur, ſic exprobrando Tyranno loquebatur. Tunde, tunde Tyranne follem, Anaxarchum enim nō tundis: follem vocans corpus ſuum, Anaxarchū verò animam, vel potiùs animos, quos gerebat excelfos.

Quid Atticam meretricem memorem, quæ car-nifice iam fatigato linguam ſuam poſtremò in Tyranni ſæuentis faciem expuit, vt expueret & vocem, ne coniuratos confiteri cogeretur?

Laudatur & animi fortitudo Zenonis Eleatis, qui à Dionyſio interrogatus, quidnam Philoſophia præſtaret, cum reſpondiſſet, contemptū mortis, impaſſibilis flagellis obiectus, ſententiam ſuā ad mortem uſque ſignabat.

Quales non pertulit ærumnas celeberrimus ille Socrates, cuius exemplo, ait Apuleius, *De Deo Socratis*. Et commemoratione in nos ipſos erigimur? Talia illi pro ſe ipſis ad inanem quandam laudem comparandam, patiebantur: fortem igitur

illo.

illorum animum, non inane eorum intentum, imitemur.

B Nonnullos etiam nobis proponamus ex tot Sanctis, qui pro Deo, & perenni ac cœlesti gloria tam multa in omni modo sunt perpeffi; nam, teste Chryfostomo, *Hom. 1. ad pop. ideo Deus Sanctos tribulari permittit, ut reliqui in graui incidentes, sufficientem mitigationem, & consolationem habeant in eos respicientes*. Veniant imprimis Abel ante oculos, qui & occisus à fratre scribitur, & non legitur reluctatus: Iacob ad memoriam reducatur, qui iam multos perpeffus labores, iram etiam fratris sui potius eligebat mitigare, quam fratrē superare: Ioseph ad mentem redeat, qui à fratribus venditus, à sua domina falsò accusatus, & in carcerem coniectus, semper fuit patienti animo, atque ita membra sua nouerat regere, ut regenti quoque Aegyptum præfuerit: *Num. 20.* Moysen & Aaronem ante oculos deducamus, qui persecutionem populi passi sunt, ad tabernaculum cucurrerunt pro ipso populo exorantes, quem fugiebant. Sancta autem eorum mens & tumorem superbientium perrulit, & tamen contra eos ad odium non erupit, *Nam, ait Gregorius, Libr. 1. in Ezech. patientia vera est, que & ipsum amat quem perit: nam tolerare, sed edisse non est virtus mansuetudinis, Sed velamentum furoris*. Samuelem cogitemus, qui de principatu deiectus à populo, cum idem populus periisset, ut pro eo ad Dominum preces funderet, respondit: *Absit à me hoc peccatum, ut cessem orare pro vobis. 3. Reg. 8.* Iudicabat enim peccare pro

pro inimicis non orare. Dauid ad memoriam deducatur, qui persequentem Regem cum posset occidere, bonum elegit, quod ipse facere debebatur, non malum, quod ille pari merebatur, dicens: *Absit à me ut mittam manum meam in Christum Domini*: atque eum, quem persecutorem dum viveret pertulit, fleuit occisum.

Porrò, si filius, frater, aut aliquis ex parentibus, vel amicis tuis repentina, aut turpi morte sublatuſ est, aut soror tua fornicata fuerit, veniat tibi illicò in mentem idem Dauid, cuius filius Amnon propriam sororem Thamar violauit, propter quod & ipse iussu fratris sui Absalon interfectus est, ac tandem ipse Absalon proprijs capillis suspensus, lanceis fuit confossus, & sic misere periit: quæ omnia Dauid patienti animo tulit, 2. Reg. 13.

Si ignis domum tuam absumpsit, vel latrones substantiam tuam deprædati sunt, aut si aliquod aliud tibi infortunium obuenerit propone tibi Iob in sterquilinio iacentem, graui vicere percussus, omni medicamine, imo & linteamine carentem, testa saniem radentem per putredinem defluentem; liberis & omni substantia orbatum, ab amicis derelictum, præterquàm duris & importunis, eum potius ad desperationem inducentibus, quàm consolantibus: omni opere, & auxilio humano destitutum, à propria vxore derisum. Ille erat, qui, vt obseruat Gregor. *Lib. 3. Mor. cap. 5.* à Domino laudabatur, & tamen plagis vsque ad sterquilinium sternebatur. Et, vt cum August. in *Psal. 30.* loquar; *Humiliatus videbatur Iob*

Iob perdita substantia sua, perditis filiis suis, perditis quæ seruabat, perditis quibus seruabat, remansit sine hereditate, & quòd tristius est, sine herede: remansit ad solam uxorem, non suam consolatricem, sed diaboli potiùs adiutricem. Hæc autem omnia patienti animo tulit. Si captiuitate, paupertate, aut cæcitate premaris, veniat tibi in mentem Tobias, cap. 2. similia passus, & cui, teste Scriptura, ideo hæc acciderunt, ut posteris patientiæ præberet exemplum. Hanc autem tentationem ideo permisit Dominus euenire illi, ut posteris daretur exemplum patientiæ eius, sicut & sancti.

C Propterea Origenes sic de sanctis viris loquitur: *Incedant primi armati: ipsos enim nobis proponimus, & videntes fortia eorum facta, ad prælium spirituale armamur, & dimicamus.* Præcedant igitur illi, quos Apostolus, *Heb. 12.* tam grauiâ sustinuisse commemorat, quorum alij *distenti sunt*, &c. *Alij verò ludibria & verbera experti, insuper & vincula, & carceres, lapidati sunt, secti sunt, ieiunati sunt, in occisione gladij mortui sunt, circueuerunt in melois, in pellibus caprinis, egentes, angustati, afflicti, quibus dignus non erat mundus, in solitudinibus errantes in montibus, & speluncis, in cauernis terræ.*

Loquitur hic Apostolus de multis sanctis viris veteris Testamenti, quorum aliqui *distenti sunt*, vel secundum Græcum, *tympanizati sunt*: vbi nota tympanum fuisse genus tormenti, quo homines fortiter & rigide distēdebantur quasi in equuleo, & pulsabantur vti pelles distentæ in tympano. De illorum numero fuit Eleazarus, qui *voluntariè præibat ad supplicium, 2 Mach. 6.* Græcè,

cē, ὅτι τὸ τύμπανον, id est *ad tympanū*. & septē fratres Machabēi, c. 7. quos Antiochus Epiphanes dirē cruciavit: *flagris & laureis*, id est, nervis & loris taurorum: in tympano enim & flagris, lotisque cædebantur, & fustibus pulsabantur, & baculis, faxis, malleisque tundebantur, & quasi tympanum omnium verberibus cruciatibusque obijciabantur.

Alij verò ludibria & verbera experti, insuper & vincula, & carceres. Talis fuit Ieremias, qui cū rebellibus Iudæis minaretur excidium Hierosolymæ, ab eis durissima est passus, scilicet probra, alapas, verbera, famem, carcerem, sæpe à toto populo reus mortis est proclamatus, ac tandem lapidibus obrutus martyr occubuit. Itaque Ieremias Christi à Iudæis afflictī expressissimus typus extitit, ac meritò ab Isidoro Pelusiota, *Lib. 1. Epist.* calamitosissimus nuncupatur. Talis quoque fuit Michæas, qui quòd cladem prædiceret Achab Regi, ab eo in vincula coniectus, & à pseudopropheta irrisus & verberatus est. *3. Reg. ca. ult.* Dicat igitur Chymac. *Parit talia certamina superna peregrinatio: magnorum. n. reuera est pati à suis ludibria.*

Lapidati sunt, vt Naboth procurante Iezabele, & Zacharias filius Ioiadæ Pontificis, alijsque multi. *3. Reg. 21. 2. par. 24.* De Zaccharia sic Tertullianus, *Scorpiac. 8. Zacharias*, inquit, *inter adem & altare occiditur perennes cruoris sui maculas filicibus assignans.*

Secuti sunt. Talis fuit Isaias, quem tradunt Hæbræi ferra dissectum esse à Manasse, quod eius, & Principum vitia acrius, & sapius obiurgasset.

Idem.

Idem tradit Epiphanius, *In vita Isai.* & Sanctus Thomas; dicunt autem ferram illam fuisse ligneam; nimirum ut Isaias, qui nomine suo, Iesu Saluatoris nomen, & aduentum figurabat, morte quoque sua materiam, & formam crucis in lignea ferra figuraret; unde carmen:

*Quem populus sectum ligno sine labe repertum,
Immeritum demens, crudeli morte peremit.*

D *Tentati sunt*, scilicet alij graubus, & diuturnis calamitatibus, ut Iob: alij persecutionibus, exilijs, fame, & penuria, uti Prophetæ sub Iezabel: alij per arduam obedientiam, ut Abraham: alij omni pœnarum genere tentati sunt, ut præfati Machabæi; sed fide, & spe cœlestis gloriæ has omnes tentationes vicerunt.

In occisione gladij mortui sunt. Tales fuerunt Israëliti illi in persecutione Antiochi, de quibus dicitur, *2. Mach 2. Fiebant ergo cades iuuenum, & seniorum, & mulierum, & natorum exterminia, virginumque, & paruulorum neces; erant autem toto triduo octoginta quinque millia interfecti.*

Circuierunt in melotis, &c. Melota dicitur ouina pellis, aut potius exuium, hoc est pellis corpori ouis detracta vnâ cum lana. Nam *μῆλον* Græcè vocatur ouis. Adde melotem per carachresim cuiusvis quadrupedis pellem significare. Hoc vili, & aspero amictu utebantur olim Elias, Elifæus, multique alij Prophetæ, tum quia Achab, Antiochus, & alij ad extremam paupertatem eos adigebant, ut homines & hominum solatia fugere, atque in montibus, & speluncis instar ferarum oberrare, & latere cogerentur: tum quia hoc suo

N

vili

vili habitu volebant docere homines, luxum vestitum esse spernendum.

Vide hic quanta sint passi sancti veteris Testamenti, qui nondum viderant Christum passum, quid si vidissent? Vis videre quanti Christiani in primitiva Ecclesia pro fide Christi passi sint? Audi Tertullianum ad Scapulam Præsidem, *Lib. ad Scap. Præs. c. 5. Quid facies de tantis millibus hominum, tot viris ac foeminis, omnis sexus omnis ætatis, omnis dignitatis, offerentibus se tibi? quantis ignibus, quantis gladijs opus erit? Indigebat potius Tyrannus instrumentis torquentibus, quàm Christianis illa subire volentibus: plures erant martyres, quàm martyria; & ut cum Ambrosio loquar, Lib. 1. offic. cap. 41. defecerunt supplicia, cesserunt tortores, non defecerunt martyres.*

Audiamus Diuum Cyprianum de martyribus sui temporis sic scribentem, *Epist. ad Martyr. & confessores. Sæciterunt tortorquentibus fortiores, & pulsantes ac laniantes ungulas pulsa ac laniata membra vicerunt. Inexpugnabilem fidem superare non potuit diu repetita plaga; quamvis rupta compage viscerum torquerentur in seruis Dei iam non membra, sed vulnera; fluebat sanguis, qui incendium persecutionis extingueret, qui flammam & ignes gehennæ glorioso cruore sopiret.*

E Dico itaque, si senex sis, & aliquid triste patiaris, vel aliquid tibi præter, aut contra voluntatem obueniat, proponet tibi Elcazarum illum, virum ætate prouectum, & vultu decorum, qui mortem fortiter maluit subire, quàm turpiter patris legibus contraire; quique, teste Scriptura,

in-

intuens quemadmodum oporteret accedere, patienter sustinens, destinavit non admittere illicita propter vitæ amorem. 2. Mach. 6. Deficientibus autem, propter nimiam ætatem corporis viribus, noli animo deficere, cuius tantò virtus est validior, quantò corporis debilior.

Si iuventutis flore gaudeas, considera, quid in illa florescente ætate subierint septem illi fratres Machabæi, qui, ait Gregorius Nazianzenus, *Cap. 7. orat. 20. de Machab. tormenta quasi thesauros præripientes, pro magistræ lege pericula subeuntes, quæ non magis illata formidabant, quam relicta requirerant.* Illis enim fuit lingua amputata, & cutis capitis abstracta, postmodum præcisæ manibus, & pedibus sartagine torreri iussi sunt; quæ omnia pro Deo obseruandæ legis gratia libenti animo subierunt.

Si mulier existas, reuoca in mentem, quid mater illorum septem filiorum præstitit, quidque tam in se, quàm in filiis pertulerit. *Quæ, ait Ambrosius, Lib. 1. off. c. 41. spectabat læta filiorum quot funera, tot trophæa; & morientium vocibus, tantquam psallentium cantibus delectabatur, pulcherri-
mam ventris sui citharam in filiis cernens, & pietatis harmoniam omni lyra numero dulciorem.* O virilem animum in muliebri corpore! Nam, sacra testante historia, singulos illorum hortabatur voce patria fortiter, repleta sapientia, & fæminea cogitationi masculinum animum inserens, &c. nouissimè ipsa post filios consumpta est.

F Si adhuc puerasas, vel adolescas, ferto patienter eas quæ tibi euenient aduersitates, & scito mul-

tos tuæ ætatis non tantum mundi illecebras spre-
uisse, sed & multa tormenta subiisse. De Diuo Pá-
cratio legitur, quod nobili genere natus annorum
duntaxat quatuordecim Romam se contulit, vbi
suscepto baptismo, postea virili fortitudine pro
Christo ceruices præbuit, vt illustrem martyrij co-
ronã consequeretur. Recordare etiam illius adole-
scentis quẽ D. Hieronymus laudibus celebrat, qui
seruandæ pudicitia gratia, linguam expuit in faciẽ
blandientis mulierculæ illum tentate satagentis.

Si puella sis, vna tibi veniat in mentem, Virgo
scilicet Agnes, quæ vix tredecim annos nata; non
habuit inquit Ambrosius, *Lib. 1. de Virg. in suo cor-
pusculo quo ferrum reciperet, habuit quo ferrum vin-
ceret. Hæc inter cruentas carnificum impauida ma-
nus, hæc stridentium grauibus immobilis tractibus
catenarum, nunc furentis mucroni militis totum of-
ferre corpus, mori adhuc nescia, sed parata; vel si ad
aras inuita raperetur, tendere, Christo inter ignes
manus, atque in ipsis sacrilegis focis trophæum Do-
mini signare victoris, nunc ferratis colla manusque
ambas inferere nexibus: sed nullus tam tenuia mem-
bra poterat nexus includere.* Corpus autem suum
volebat perire, quod amari poterat oculis, quibus
ipsa nolebat. Tandem stetit, orauit, ceruicem in-
flexit, virgo permansit, & martyrium obtinuit.
Hæc potuit & voluisse puella subire in illa tenera
ætate; quare non tu in eadem, vel in maturiori to-
lerabis ea quæ tibi aduenient aduersa? Audi Au-
gustinum *In Ps. 119. tuam socordiam arguentem.*
Tu non potes? quare ille potest? quare alter potuit?
nunquid tu infirmiores illo, aut illo in valetudine?

nun-

nunquid tu infirmior es fœminis? fœmina potuerunt, viri non possunt?

G Si cogaris manere sub dio, extra ciuitates, opida, omniaque ædificia, vino carere, cibisque priuari delicatis, ac mollibus vestimentis, quibus alij abundant, atque vtuntur, mentis oculos in Ioannem reducito in eremo commorantem, rigida veste indutum pauperem vitam degentem, ab omni lautitia abstinentem, à deliciis segregatum, ac tandem capite truncatum. Illum miratur Diuus Gregorius *Lib. 3. Mor. c. 5.* miremur, & nos, & imitemur. *Non sine grauissima admiratione*, inquit ille doctor, *perpendo, quod ille prophetia spiritu inera matris uterum impletus, atq; ut ita dixerim, priusquàm nasceretur, renatus, ille amicus sponsi, ille quo inter natos mulierum maior nemo surrexit, ab iniquis in carcerem mittitur, & pro puella saltatim capite truncatur, & vir tanta seueritatis pro risu turpius moritur. Nunquidnam credimus aliquid fuisse, quod in eius vita, illa sic despecta mors tergeret? Sed quando ille vel in cibo peccauit, qui locustas solummodo, & mel siluestre edidit? Quid Deo vel de qualitate sui tegminis deliquit, qui camelorum pilis corpus operuit? Quid de conuersatione sua offendere potuit, qui de eremo non recessit? Quid illum loquacitatis reatus polluit, qui disiunctus longè ab hominibus fuit? Ita Gregorius. Vbi vides Ioannem ne leui quidem fame vitam maculasse; & tamen multa aspera tolerasse: in nullo, inquam, offendisse, & in multis passum fuisse. Quanta tibi post tot commissa peccata sunt perferenda?*

Porro quærens idem doctor, cur Deus quos si-
bi charos in æternum conspiciat, tam vehementer,
quasi despiciens affligat, sic prosequitur. *Quid est*,
inquit, *Ibid.* quod Deus omnipotens sic vehementer
in hoc saculo despiciat, quos sic sublimiter ante sacula
elegit; nisi hoc quod pietati fidelium patet, quoniam
idcirco sic eos premit in infimis, quia videt quomodo
remuneret in summis, & foras usque ad despecta
dejicit, quia intus usque ad incomprehensibilia perdu-
cit? Hinc ergo unusquisque colligat, quid illic sint
passuri quos reprobat; si hic sic cruciat quos amat: aut
quomodo ferientur, qui in iudicio arguendi sunt, si sic
eorum vita premitur, qui ipso iudice teste laudantur.
Quid dicis ad hæc? vides probos cruciari, & tu
peccator vis deliciari? Optes igitur flagellari, si
cupias beari. Nam *melius est*, inquit Augustinus.
*Serm. 4. de verb. Dom. ut Deus flagellet te, & reci-
piat te, quam parcat tibi, & deserat te.*

H Præterea, si assiduus angaris sollicitudinibus,
ac præter huiusmodi innumeris agiteris incoin-
modis, variisque afficiaris iniuriis; recordare Apo-
stoli Pauli, qui tot tantaque pertulit, ut teste Chry-
sostomo, *Hom.* quod nemo leditur nisi à se ipso
omnia enumerare difficile sit. *Vide Paulum*, inquit,
quantum passus est, quæ etiam enumerare difficile est,
carceres, vincula, verbera, supplicia. A Iudeis la-
pidatur, virgis caditur, precipitatur, latrones incur-
rit; ab inimicis, & à falsis fratribus insidias perfert:
intus timores, foris pugnas patitur, famem, nudita-
tem, calumnias, tribulationes, bestias tolerat, & quid
opus est multa dicere? quotidie moritur, & tamen in
his omnibus non solum nihil blasphemum ex ore suo
profert,

profert, sed & gaudet, gloriatur, atque exultans dicit: Gaudeo autem in passionibus meis. Si ergo hic tanta patiens gaudebat, & gloriabatur; quæ erit venia, quæ excusatio his, qui pro parvis iniurijs, aut qualibuscunque tribulationibus, quæ utique illis longè inferiores sunt, blasphemant? Ita Chrysostomus.

Tu nondum sicut Paulus fuisti incarceratus: quòd si fueris, nondum flagella subiisti: quòd si fortè subieris, non tot quot ipse: nec adhuc fuisti catenis vinctus, nec lapidatus; aut semimortuus relictus; nec fuisti sicut ipse in profundo maris, nec tot terras sicut ille propter Christum peragrasti. Quare ergo de minimis illis quæ pateris, conquereris, qui tibi cœlestem beatitudinem promittere non vereris.

Sic itaque cum Diuo Augustino Serm. 16. de tēpore. exclamet vnusquisque nostrum. Cum tot viri, tot mulieres, & tanta ac tam delicate puella, flammæ, ignes, & bestias equanimiter pertrulerint; nescio, quâ fronte, vel qua conscientia cum omnibus Sanctis partem in æterna beatitudine habere desideramus quorum exempla sequi non acquiescimus. Excitemus nos ipsos ad sectanda illorum vestigia, ac sæpe sæpius nobis dicamus, quod eidem Augustino aliquando torpenti dictum est; Tu non poteris quod isti, & istæ? Lib. 8. conf. c. 11. Non est quod dicamus illas, vel illas alterius aut præstantioris fuisse naturæ; sed ingenuè fateamur maioris quàm nos fuisse patientiæ, ac purioris conscientiæ: nos verò maximæ esse mollitiei. Ideo meritò sic nos increpando inuitat Ambrosius, Lib. de Ioseph. Imitemur Sanctorum patientiam, & cognoscamus illos

non nature præstantioris fuisse, sed observantia maioris, nec vitia nescisse, sed emendasse.

Cæterum, sentis tuam afflictionem, non sentis alienam: graviora semper nobis videntur quæ experimur in nobis, quàm quæ videmus in alijs. Interim alios vides sua incommoda patienter tolerare: quare tu non tua? dic; *Tu non poteris quod isti? Et ista?* Et si quos vidisti impatienter tulisse, quæro, an sua impatientia illis aliquod remedium cõtulit? Scito etiam quòd si te excrucies, nihil omnino proficies. Seipsum consolabatur D. Chrysostomus *Epist. ad Cyriac. Epist. 3. tom. 5.* propositis sibi his, qui ante ipsum passi fuerant, dum ab Eudoxia in exilium pelleretur. *Ego, inquit, cum è civitate fugarer, nihil horum curabam, sed dicebam intra meipsum. Si Regina vult exulem, agat in exilium, Domini est terra. Et si vult secare, secet, idem passus est Isaias. Si vult in pelagus mittere, Iona recordabor. Si me lapidare vult, Stephanum habeo socium. Si caput tollere vult, tollat, habeo socium Ioannem. Si substantiam auferre, auferat, nudus exiui de utero matris meæ, nudus revertar illuc. Et tu fac similiter.*

Ad patienter ferenda quacunque aduersa, magnopere prodest pro illis gratias Deo agere.

Caput XX.

AD Iuvs Paulus scribens ad Thessalonicenses, sic eos hortabatur. *Semper gaudete, sine intermissione orate, in omnibus gratias agite. 1. Thes. 5.* Tria hic commendat Apostolus, scilicet, gaudere.

dere, orare, & gratias agere. Quasi dicat: vt gaudeatis, necesse est oretis, & gratias agatis: qui enim orat, & gratias agit, cum Deo versatur, ac Deo loquitur: hæc autem sunt homini lætandi occasio. Vnde Theophylactus in hæc verba: *Iter*, ait, *monstrat Apostolus, quo fiat vt semper gaudeamus, orationem nimirum quæ non cesset, atque gratiarum actionem, qui enim assuevit cum Deo versari, eique gratias agere in omnibus rebus, tanquam utiliter contingentibus, planum est, quod perpetuum sit gaudium habiturus.*

Et reuera vix in Scriptura reperitur gaudium & lætitia sine gratiarum actione. Apud Esdram, *cap. 12. In dedicatione muri Hierusalem requisierunt Levitas de omnibus locis, vt facerent dedicationem, & lætitiâ in actione gratiarum, & cantico, & in cymbalis.* Prædixit quoque Isaias; *cap. 51. lætitiâ quandam, quæ huic terrestri Hierusalem accidere debebat, sed non sine gratiarum actione: Gaudium, inquit, & lætitia inuenietur in ea gratiarum actio, & vox laudis.* Et, teste Ioanne, *Apoc. 7.* inter acclamationes eorum qui in cœlesti Hierusalem stabant in conspectu Throni, semper audiebatur *Gratiarum actio.* Si igitur aliqua tristitia afficiaris, non parum tibi eueniet gaudij, si Deo gratias agas.

B Antiqui Religiosi maximè lætabantur audito hoc verbo, *Deo gratias*: idcirco illud frequenter habebant in ore, eoque cū inuicem fierent obuij, se mutuò salutabant, vti etiamnum multi faciunt. Hunc morem laudat D. Augustinus, in *Psalms. 132.* quem carpebant Circumcelliones;

sed

sed defendit ille doctor, dicens *Qui dicit Deo gratias, gratias agit Deo. Vide si non debet frater Deo gratias agere, quando videt fratrem suum. Nū enim non est locus gratulationis, quando se inuicem vident, qui habitant in Christo?* Hoc ipsum verbum magni facit idem doctor, illudq; plurimum commendat, in Ps. 77. dum ait. *Quid melius & animo geramus, & ore promamus, & calamo exprimamus, quā Deo gratias? Hoc ne dici breuius, nec audiri latius, nec intelligi grandius, nec agi fructuosius potest Deo gratias, qui se tam fidei pectori ditauit.*

Prima autem quæ hoc verbo, *Deo gratias*, vsa est, extitit Beatissima Virgo Deipara, ut dicunt aliqui; dum enim salutabatur, aut vocabatur, responderebat: *Deo gratias.* Barrad. 10m. 1. lib. 7. c. 13. Quid de illa dicat D. Bonauentura, audiamus: *Ne forte in salutatione sua Virgo à Dei laudibus tolleretur, si quis eam salutabat, illa pro salutatione sua, respondebat, Deo gratias.* Diuus quoque Antoninus 4. par. sum. Theol. iii. 6. sic de illa scribit. *Virgo, cum vocabatur, respondere solita erat, Deo gratias, ut illud modicum verbum non esset sine laude Dei.* Et meritò illa exultabat, *Deo gratias*, quæ erat gratia plena: & tam in prosperis, quàm in aduersis non cessabat à gratiarum actione, quæ propriè ad fideles, & Christianos pertinet, ut testis est Hieronymus, In Epist. ad Ephes. 5. qui ait: *Christianorum propria virtus est, etiam in ijs quæ aduersa putant, referre gratias Creatori. Qui sibi sanctiores videntur, solent Deo referre gratias, quòd de periculis, vel miserijs liberati sunt: sed, iuxta Apostolum, hac virtus est maxima, ut in ipsis periculis,*

lis, & miseris gratia Deo referantur, & semper dicamus: *Benedictus Deus: minora me scio sustinere, quàm mereor: hac ad mea peccata parua sunt: nihil mihi dignum redditur. Hic animus Christiani est, hic crucem suam tollens sequitur Salvatorem, quem nec orbitas, nec damna debilitant, quem, ut flaccus ait, si fractus illabatur orbis, impavidum ferient ruina.*

C Sciens igitur Apostolus, quantum conducat gratias Deo referre, sic hortatur: *In omnibus gratias agite. 1. Thess. 5.* Et alibi vult, ut simus *gratias agentes semper pro omnibus. Ephes. 5.* Pro omnibus, inquam, & in omnibus gratia agendæ sunt Deo, putà tam in morbo, quàm in sanitate: tam in inopia, quàm in copia: tam in desolatione, quàm in consolatione: tam in bello, quàm in pace: tam in humiliatione, quàm in exaltatione: tam in aduersitate, quàm in prosperitate: tam in iactura, quàm in lucro. Quia non minus, inò sæpe maius donum & beneficium Dei est morbus, inopia, desolatio, bellum, humilitas, aduersitas, iactura, & similia, quàm sanitas, copia, consolatio, pax, exaltatio, prosperitas, &c. Atque hæc est, uti iucundissima, ita & sanctissima via, qua per ærumnas huius vitæ læti, & quasi ludibundi imus in cælum, si nimirum in quavis re cum psalte canamus; *Benedicam Domino in omni tempore. Psalm. 33.* In quæ verba iuvat audire Augustinum, in *Psalm. 33.* *Diis: quando benedicam Dominum? aut tibi aliquis, quando tibi benefacit, quando abundant secularia, quando multum abundat frumenti, olei, vini, auri, ar-*
gen-

genti, mancipiorum, pecorum, salusque ista mortalis inuulnerata, & incorrupta persistit, nihil immatura morte subtrahitur, felicitas tota abundat in domo, circumfluunt omnia, tunc benedices Dominum: non, sed in omni tempore; & quando ista dat, benedic, & quando ista tollit, benedic: quia ille dat, ille tollit, sed seipsum à benedicente se non tollit.

Nota hæc postrema verba: *Deus seipsum à benedicente se non tollit*. Tollantur à nobis omnia, dummodo Deus non tollatur: derelinquant nos omnia, dummodo non derelinquat nos Deus noster: non autem derelinquet, si illum etiam in aduersis non derelinquamus, sed illum benedicamus. Illum Iob non derelinquebat, qui semper illum benedicebat, atque plus meruit in aduersitate Deum benedicendo, quàm in prosperitate domum suam egenis aperiendo: illumque non tam admiramur facultates suas amittentem, quàm ob id Deo suo gratias agentem. Audi Chrysost. *Hom. 2. in 2. ad Cor.* Non perinde miror Iob domum suam egenis aperiens, ut suspicio, & celebro, quòd facultates amiserit gratias agens. Neque tu perinde magnū fructum tuleris, si diuitias erogaueris in egenos, & tuas facultates esurientibus dissipēs, quantum per hoc verbum, Deo gratias, lucraberis.

D Existimat idem doctor, diabolum ideo petijisse, ut eidem Iob mala infligeret, quia sperabat se aliqua verba blasphemiae ab eo auditurum: idēque optaret à nobis dum afflictamur. Propterea, inquit, *Hom. 20. in Epist. ad Hebr.* damna nobis diabolus facit, non solum ut pecunias nobis aufe-

rat.

rat, sed ut per hoc nos cogat dicere aliquod blasphemum: sic in causa Iob, non hoc egit ut tantum illum faceret pauperem, sed ut blasphemiam aliquam proferret.

Verum non blasphemiam, sed gratiarum actionem promebat, dicens: *Sit nomen Domini benedictum*, Iob 1. & sic percussus percutientem percutiebat, superbumque hostem vulnerantem vulneratus vulnerabat. Nam, ait Greg. Lib. 2. Mor. cap. 12. quot voces patientie in Deum laudem beatus Iob percussus reddidit, quasi tot in aduersarij pectore iacula intorsit.

Diuus etiam Chrysostomus, Hom. 1. ad popul. gratiarum actione Iob Satanæ vulnus intulisse scribit. *Hoc vulnus infer diabolus*, inquit, *ex hoc coronabatur beatus Iob, & predicabatur*, quod cum tentationes illatæ essent innumerabiles, & uxor quoque eum supplantare vellet, non aduersus est, sed Deo de omnibus perpetuo gratias egit: non solum quando fuit diues, sed etiam quando erat pauper: non solum quando erat sanus, sed etiam quando caro scatebat ulceribus. Hoc enim est in primis grati animi, in rebus aduersis Deo semper habere & agere gratias.

Exemplo etiã Christi docemur, in aduersitatibus gratias agere, qui imminente sua passione Deo patri gratias egit, instituens tunc nobilissimũ Ecclesię nostræ Sacramentum & sacrificiũ cum gratiarũ actione, Eucharistiæ scilicet, quæ idẽ est ac gratiarũ actio, ut docet idẽ Chrysost. Hom. 26. in Matt. dum ait: *Reuerenda ac salutaria illa mysteria, quæ in omni certẽ Ecclesię congregatione celebramus, Eucharistia, id est, gratiarum actio nuncupatur.*

De

De huiusmodi gratiarum actione, & quid per eam Christus nobis innuere voluerit, hæc adnotat Gregorius, lib. 2. *Mor.* Christus, inquit, cum appropinquaret passioni, accepto pane, gratias egit, & benedixit. Gratias itaque egit, & benedixit, qui flagella aliene iniquitatis suscepit: & qui nihil dignum percussione habuit, humiliter percussus benedixit, ut hinc scilicet ostendat, quid unusquisque nostrum in flagello propriæ culpæ facere debeat, si ipse aquanimiter flagella portat aliene culpæ: & quid in correctione faciat subditus, si in flagello positus patrem benedicit, & patri gratias filius agit equalis.

E Diuus Ambrosius exponens illa verba Psalmistæ; *Memor fui nocte nominis tui*, ostendit perit esse in prosperis tantum, & non in aduersis Domino gratias agere. *Non magnum est*, inquit, *Serm. 7* si tunc Domino gratias agas, quando in prosperis & secundis es: sed si tunc adhareas Christo, quando te persecutio exagitat, quando aliqua procella perturbat. *Amisisti filium, memento Domini Dei tui*, ne in tua preuariceris arumna: *pulsus in exilium, memento Domini Dei tui*: alicuius diuitis oppressus potentia, *amisisti proprias facultates, memento Domini Dei tui*, ne te nox egestatis abducat à deuotionis affectu. Tunc memor eris nocte Domini Dei tui, quando illi gratias ages in aduersis. Esto Philomelæ similis, quæ ita in caliginosæ noctis tenebris, ac in ipso auroræ, aut meridiei tempore cantat.

Dices; quam utilitatem haurire potero ex illa gratiarum actione? Certè magnum thesaurum, ma.

magnasque diuitias, inconsumptum bonum, imò armaturam fortem lucraberis, sic enim vocat Chrysostomus gratiarum actionem; quia gratias agendo lucratur quis animam suam, quam blasphemando amittit. *Magnus thesaurus*, inquit, *Hom. 1. ad popul. magnæ diuitiæ, inconsumptum bonum, armatura fortis. Perdidisti pecunias; si gratias quidem egeris, animam lucratus es, & maiores nactus es diuitias, quia Dei beneuolentiam habuisti amplius: si verò blasphemaueris, insuper & salutem tuam amisisti, & quam habuisti animam, occidisti.*

Ex gratiarum actione, tanquam ex magno thesauro Iob cuncta quæ amiserat, in duplo recuperavit: tres pueros in camino flamma non terruit, nec tantillum læsit, quia gratiarum actione, veluti forti armatura erant induti, illamque cæteras creaturas assumere suadebant: dum ad diuinas laudes & benedicendum Dominum illas inuitabant. Vnde exclamât idem Chrysost. *Ibidem. O rem admirabilem! victos soluit flamma. & ipsa de reliquo à victis est victa: compedes dirumpit, & talos non attingit. Erit igitur in tribulatione remissio, si semper in ea Deo gratias agamus.* Illos inuicem accusarunt, ligauerunt, in fornacem miserunt, & tamen nunquam blasphemauerunt aut maledixerunt; & ita laudantes & benedicentes Dominum, ignis illius camini non consumpsit. Sic nec te ignis tribulationis consumeret, si in illa Dominum benedixeris, illique gratias egeris.

F Quacunque igitur calamitate premaris, aut tristitia afficiaris; vel si tibi aliquid aduersi contin-

tingat, statim dic: *Sit nomen Domini benedictum: Job 1.* vel, *Benedic anima mea Dominum: Ps. 102.* aut, *Benedictus Deus:* vel, *Deo gratias:* aut similia verba in Dei laudem, & gratiarum actionem. Sive in donis eius, aut Augustinus, *In Psalm. 144. sive in flagellis, laudandum: quia laus flagellantis, medicina est vulneris.* Hoc visum fuit in Job, cuius vulneribus nulla fuit adhibita curatio, nisi gratiarum actio. Nec tu poteris in aduersis, aut ab aduersis subleuari, vel saltem aliquid mereri, nisi in illis Deum benedicendo, & gratias agendo. Audi Chrysostomum, *Super c. 45. Gen. In aduersitate gratias afferamus Domino, ut visa gratitudine nostra, largiorem suam erga nos declaret providentiam.* Ideo alibi sic monet idem doctor, *In tract. de Sym. Admoneo vos, inquit, ut Dominum semper benedicatis. Si venerint mala, benedicite, & dissolventur mala: si prospera venerint, benedicite, & perseuerabunt bona.* Et licet mala non cessarent, & bona non perseuerarent, non minus est à nobis Deus benedicendus, ac illi gratiæ agendæ; ut illum iam incipiamus laudare in terris, quem desideramus laudare in cœlis. Procul igitur sint à nobis maledictiones, aut verba blasphemiarum: cum enim per multas tribulationes oporteat nos intrare in regnum cœlorum, *Act. 14.* gratias agamus Deo, qui nobis iam illud immittit, per quod sumus ad regnum ingressuri: iamque nobis accidit, sine quo non possumus ad cœlum accedere.

Othilia virgo, referente Marulo, *Lib. 5. cap. 3.* apud Bauariam cæca nata fuerat, ac propter huiusmodi corporis vitium multa incommoda perpeffa est à patre, qui eò processerat infantiæ, ut ei

ne-

necem intentaret . Illa verò in omnibus quas patiebatur angustiis , Deo gratias agens , meruit tandem , & visum recipere , & in gratiam patris redire , & quod his præstabilius , beatiusque est , in sanctarum virginum numero computari .

Vis tandem videre , quid conferat in aduersis , & propter aduersa gratias Deo agere ? Audi Chrysostomum *Hom. 8. in Epist. ad Coloss. Nihil hac lingua sanctius , quæ in aduersis Deo gratias agit . Certè non inferior est lingua martyrum , utraque pariter coronatur . Nam & aduersus istam instat lictor Deum per maledicentiam negare cogens , instat diabolus argutis cogitationum quæstionibus lacerans , & animi angustiis obtenebrans . Si ergo dolores pertulerit , & gratias egerit , martyrum coronam sortitur . Martyres in tormentis si in Deum blasphemassent , nunquam martyrij coronam meruissent ; sed illam sunt adepti Deum benedicendo , illicque gratias agendo . Eandem tu consequeris , si in aduersitatibus gratias agas .*

Ex his , quæ hic inuiti patimur , haurire etiam utilitatem ; imò æternam salutem possumus .

Caput XXI.

A **R** Ecce a Seneca dictum est , *Epist. 68. Patientia suadet , quod effugere non possis , quàm fortissimè ferre .* Et hic est vnus ex effectibus patientiæ , vt scilicet æquo animo feramus omnia aduersa quæ euitare non possumus , cùm ex his nõ mediocrem vtilitatem haurire valeamus . Pro-

O

pterea

pter eà Dignus Chryſoſtomus vult, vt ex neceſſitate voluntariam faciamus virtutem; aut quod eſt neceſſitatis, fiat per patientiam noſtræ voluntatis. *Cogita*, inquit, *Hom. 64. ad popul.* quòd ſiue velis, ſiue nolis calamitatem patieris. Quòd ſi gratè, maximalucraberis; ſi verò agrè, & impatienter feras, neque illam in a minorem facies, ſed maiorem reddes procillam. Cogitantes ergo, quod neceſſitatis eſt, hoc noſtra voluntaris eſſe faciamus: verbi gratia, proprium quis amiſit filium. alter verò ſubſtantiam, ſi noueris, quod ſemel peractum eſt ſolui non poſſe, licebit ex illa inſanabili calamitate aliquid utilitatis comparare, ſi magno & virili animo aduerſos tuleris caſus, & pro maledictione Deo referas laudem: hoc pacto, quæ præter ſpem obuenerint mala, in voluntatis officium commutabis.

Aliquos tibi præ oculis afferre deſidero, quibus coacta aduerſitas, patienter tamèn perpeſſa æternam attulit ſalutem. Mendicum primò attende Lazarum: pauper erat, ſed non voluntarius: premebatur fame, ſed præter voluntatem: vulneribus, quæ noluiſſet, erat plenus: iacebat humi, & ad ianuam, qui libenter intra domum iacuiſſet in lecto: micis carebat, qui de illis ſaturari cupiebat: potiùs optaſſet famulos paſcentes quàm canes lingentes: à quopiam poſcebat, quod nemo illi dabat. *Luc. 16.* Veruntamen, quia in his omnibus quæ inuitus patiebatur, fuit ſemper patientia munitus, nunquam blaſphemaiſſe, nemini detraxiſſe legitur, ab Angelis in ſinum Abrahæ portari meruit. Vnde de illo Theophylactus: *Num in tantis malis Lazarus blaſphemabat? num conuiciabatur? num incef-*

incessabat luxum diuitis? num inhumanitatem, condemnauit? num prouidentiam Dei reprehendebat? Nihil horum, sed fortis erat, & magna philosophia.

B Idcirco meritò Chrysostomus *Hom. I. de Lazaro & diuine*, communem orbis doctorem illum appellat. *Communis*, ait, *orbis doctor Lazarus propositus est rem quamcunque molestam patientibus.* Sed quid nos docet iste doctor? Deum in tribulationibus non incusare: diuitibus non inuidere: deneganti nobis auxilium non obtrectare, atq; libenter tolerare quæ non possumus euitare.

Nulla alia bonâ opera illum fecisse legimus. Hoc solum nobis constat, quòd omnia mala sibi aduenientia, æquo animo tolerabat, sicque partem cum Abraham habere meruit. Vnde optimè de illo idem Chrysostomus, *Tom. 5. Ep. 3. ad Olympiadem.* Solummodo, inquit, patiebatur, & viriliter portabat. cum non esset, qui curaret: tolerabat enim dolorem venientem à vulneribus, à fame, ab aspectu diuitis, & crudelitatis eius. Interim nosti quantas adipisci meruit postea coronas; & quidem nullum, eius præclarum facinus inuenimus; non quòd pauperibus sit miserius, non quòd oppressis affuerit, non, quòd aliud quid effecerit boni, sed quòd ianua diuitis permiserit exclusionem, & debilitatem, & canum, linguas, & despectum diuitis contra se; quæ omnia laboriosa esse constabat. Magnificum autem nihil fecerat: verum, quia tantummodo malorum istorum tristitiam fortiter perulit, Patriarcha, quem plurimas fecisse virtutes scimus, finem habere promeruit. Fortè dices, Lazarus saltem nullum patrauerat cri-

men: non mirum igitur si patienter aduersa ferendo, æternam adeptus est salutem.

C Volo vobis alium exhibere, bonum scilicet latronem, qui ob multa patrata scelera cruci affixus est. Quomodo autem se in illa gesserit, & ex ea ad Paradisum cum Christo euolauerit, attentè cōsiderandum est: nam credidit, sperauit, confessus est. Quid credidit? Christum innocentem: ait enim; *Hic verò nihil mali gessit*. Quid amplius? Christum Dominum, Christum Regem, Christū Saluatorem, ac bonorum remuneratorem, hæc omnia continebat illa quam obrulit deprecatio, *Luc. 23. Domine, memento mei dum veneris in regnum tuum*. Vnde optimè de illo magnus Leo, *Serm. 2. de pass.* *Quæ, inquit, istam fidem exhortatio persuasit? Quæ doctrina imbuunt? Quis predicator accendit? Non viderat prius acta miracula, cessauerat tūc languentium curatio, cecorum illuminatio, viuificatio mortuorum, ea ipsa quæ mox erant gerenda, non aderam, & tamen Dominum confitetur, & Regem quem vidit supplicij sui consortem.*

Nec in illo supplicio perdidit spem: quando enim alij diffidentes clamabant; *Seipsum non potest saluum facere, Marc. 15.* ipse firma quadam in Christum confidentia gratiam, & gloriam ab eo postulabat, nec dubitabat ab eo petere veniam, qui tantam pro nobis sustinebat ignominiam: ac tunc confugiebat in eum, quando omnes fugiebant ab eo: optabat esse in illius memoria, cuius Iudæi volebant perdere memoriam: illum sperabat regnaturum, quem Iudæi amplius negabant venturum: hunc agnoscebat redimere, quem Iudæi

dæi volebant interimere : illum affirmabat resur-
recturum, quem ipsi nullo modo crede- bant v. ctu-
rum. Ideo ab eo meruit exaudiri, pro quo libenter
sustinuisset crucifigi. Vnde merito exclamat Au-
gustinus, *Ser. de feria 3. in pass. Vim fecisti, credidi-
sti, rapuisti, hodie mecum eris in Paradiso.*

Confessus est igitur Christum, vt diximus, inno-
centem, Regem, & Saluatorem, de qua quidem
confessione sic Ambrosius, *Ser. 45. Confiteor La-
tro, quem discipulus abnegauit: Latro honorificat
parentem, quem Iudas prodidit osculantem.* Vide-
bat enim vulneratum, nudum, contemptum &
opprobriis affectum, Regem tamen esse profiteba-
tur. *Isai. 53* Confiteor illum primum, quem Pro-
pheta appellat nouissimum virorum. Propterea
miratur Diuus Augustinus *In Ps. 39. Alij, inquit,
non cognouerunt miracula facientem; agnouit ille in
Cruce pendentem.*

D Quid præterea confessus est? Culpam. Ita
de eo Chrysostomus, *hom. de bono Latrone Electus
peccatum agnouit, & confessus est publicè.* Item &
D. Augustinus, *In Ps. 68 Exclufit, inquit, iniquita-
tem suam, accusauit eam, & caruit ea.* Si quæ habuit
membra libera, his vsus est ad salutem suâ. Nam, ait
Gregorius l. 28. *Mor. c. 23. in cruce clauis manus La-
tronis. pedesq; ligauerant, nihilq; in eo a pœnis liberũ,
nisi cor, & lingua remanserat. Inspirante Deo totum
illi obtulit. quod in se liberum inuenit, vt corde crede-
ret ad iustitiam, ore autem confiteretur ad salutem.*
Fac & tu similiter. Quibuscunq; premariis afflictio-
nibus, offer omnia Deo quæ tibi erunt libera. Si
non præpediatur lingua illum lauda; peccata tua

confitere. Si solum tibi relinquatur cor liberum, corde crede, corde ora, corde benedic, corde diligas, & semper sicut iste Latro patientiam habeas. Si quæras causam tantæ patientiæ istius Latronis in suppliciis sibi debitis, dixerim ego fuisse Christi patientiam in tormentis sibi non debitis. Vidit enim Christum tam libenti animo tot ludibria, opprobria, ac crucis mortem subire, atque pro crucifigentibus orare; & ut ait Ambrosius *Serm. 45. inzellexit Latro, quod pro alienis peccatis has plagas Christus suscipere*. Voluit, inquam, ipse exemplo Christi patienter sua ferre tormenta quæ quidem se meruisse confessus est; *Nos, inquit, digna factis recipimus. Luc. 23.*

Vis itaque tu, sicut & ille, à doloribus, tormentis & angustis tibi ob peccata tua debitis, ad eandem petuenire gloriam? Patienter, sicut ipse, omnes animi, & corporis angustias ferte: fatere te illa mereri tormenta: blasphemantes Christum in tribulationibus increpa: ingentes Christi dolores, quos iniuste pro te sustinuit, meditare: ab illo auxilium postula: illum lauda: in illum spera, eique gratias age: atq; ita non parum ex tuis tribulationibus hauries emolumenti.

Notandum est autem, hunc Latronem in Cruce existentem nunquam petiisse, ut ex ea liberaretur, sed ut sui Christus tantum recordaretur; *Memento mei, Luc. 23.* inquit. Non erat quidem in eius potestate euitare crucem, sed erat in eius voluntate patienter subire crucem. Libenter pati voluit, quod euitare non potuit, nec poterat suggerere illud ad quod damnatus erat supplicium, sed ex illo

illo potuit sibi comparare meritum. Non potuisset impetrare a iudicibus, ne ad tempus pateretur, sed à Christo impetrauit, ne in æternum damnetur.

Contra verò impius Latro, quia coactè, & impatienter patiebatur, postulabat ab illis tormentis eripi, dicebat enim: *Saluum fac te ipsum, & nos.* Malorum est huiusce vitæ misérias respuere, indignanter tolerare, vel tolerando blasphemare. Bonorum verò gratanter accipere, patienter ferre, atque in his semper Deum benedicere.

Sed quid huic impio sua profuit impatientia? Quid sua in Christum iactata conuicia? Quid sua sibi contulit blasphemia? Nihil penitus. Imò verò de cruce ad crucem, de tormentis ad tormenta conuolauit, quia impatienter pœnam illam sibi debitam perferebat, a qua ore blasphemus liberari postulabat. Sic nec tibi quicquam prodest tua in tormentis, & aduersitatibus impatientia, nihil tuæ blasphemantes voces, nihil tua in Deum obmurmuratio. Vnde, teste Diuo Augustino, *Lib. 1. de Cuit. Dei.* sicut sub vno igne aurum rutilat, palea fumat: ita sub pari pœna boni proficiunt, & mali deficiunt.

F Quæritur autem, an plus Latro martyr extiterit in sustinendis patienter pœnis sibi debitis. Diuus Augustinus *Lib. 1. de anim.* refert, Beatum Cyprianum, *Orig. tom. 7.* illum affirmare martyrem. *Latro ille, ait, non ante crucem Domini sectator, sed in cruce confessor à Cypriano Sancto inter Martyres computatur.* Hæc autem sunt verba Cypriani, *Serm. de Passione Domini.*

Latro factus est particeps regni, factus collega martyris. Certum est iuxta eundem Augustinum, *Lib. 3. contra Crescon. c. 4.* non pœnam, sed causam martyrem facere. Veruntamen tanta fuit fides istius Latronis, tam magna illius confessio, ac tanta in cruce perferenda patientia, ut cum eodem Augustino dicamus, inuentam fuisse in eo mensuram martyris, quamuis propriè martyr non fuerit, quia pro Christo & fide eius non est mortuus. *Apud Deum,* inquit, *tantum valuit quòd confessus est Dominus crucifixum, quantum si fuisset pro Domino crucifixus.* Atque ita inuenta est in eo mensura martyris, qui tunc in Christum credidit, quando defecerunt, qui futuri erant martyres. Ita August.

Alij volunt illum fuisse martyrem desiderio, & sic intelligendum esse Diuum Cyprianum. Optasset enim nullum commisisse crimen, ob quod crucifigeretur, sed tantùm credidisse in Christum, ob quod cum ipso in cruce moreretur.

Aliqui autem re ipsa martyrem esse contendunt, quia, quando milites fregerunt Latronis crura, id non solum effecerunt, quia ita moris erat crucifixos hoc supplicij genere, antequam morerentur, afficere; sed simul etiam ex odio in Christum, eo quòd viderant hunc Latronem eum coluisse, & tanquam Regem Cœli, & terræ confessum fuisse. *Cart. lib. 1. hom. 3. de conuers. Latron.* Cùm igitur hæc illata tormenta patienter sustinuerit propter egregiam, quàm de Christo protulerat cōfessionē, non dubitarem illum martyrem vocitare. Præterea magnam aduertimus in illo Latrone fortitudinem; nam & fortiter pro suo peccato suppliciū, &
cruci,

crurifragium pertulit, & fortiter de Christo testi-
monium protulit. Secundum autem D. Thom. 2. 2.,
precipuus actus fortitudinis, est martirium. Vi-
deas, quæſo, quomodo quis patientia, etiam in to-
lerandis tormentis ſibi debitis, fit propè martyr.

Quicquid ſit, ſiue vt martyr, ſiue vt confeſſor,
à ctuce ad lucem, à Caluario ad cœlum, à pœna
ad gloriam, culpam ſuam agnoſcens, Chriſtum
confitendo, ac illi tormenta patienter pro ſuis de-
meritis perferendo, euolauit. Inuenit in illis tor-
mentis Paradifum. Caue, ne tu impatientia tua
cum altero Latrone in tuis afflictionibus inuenias
infernum. Propterea patienter aduerſa ſuſtine,
illis culpam tuam agnoſce, Deum ſemper lauda:
hec in ore tuo verſentur: *Digna factis recipio,*
&c. *Domine, momento mei,* &c. *Sit nomen Domi-*
ni benedictum. Ac Dominum deprecare, vt om-
nia quæ pateris aduerſa, ab ipſo acceptentur pro
pœnis peccatis tuis iuſtè debitis, atque ita illud
erit tibi adiumentum, quod tibi priùs fuerat tor-
mentum, ibique inuenies conſolationem, vbi
antea patiebaris afflictionem. Interim *deprece-*
mur, inquit Chryſoſtomus, *Conci. 1. de Lazaro.*
Dominum, vt Latronem & iſtum Lazarum
pauperem imitari poſſimus. Si perſecutio venerit,
imitemur Latronē; ſi pax fuerit, imitemur Lazarū.

Dico itaque, omnes fideles poſſe in hoc mun-
do aliquod meritum ſibi comparare ex illis ad-
uerſitatibus, & afflictionibus, in quas Deus illos
etiam inuitos cadere permittit: id ipſum ſimiliter
poſſe eos, qui ob ſua ſcelera ſunt aliquibus ſup-
plicijs adiudicati, dummodo omnes patienter illa
aduer-

aduersa ferant: verbi gratia, illi qui sunt ad trirē-
 mes damnati, vel carceribus mancipati: aut qui
 graui & insanabili morbo laborant, si illa omnia
 incommoda patienti animo sustineant, applican-
 do ea pœnis peccatis suis debitis; Deumque sem-
 per glorificent, & ipsum inuocent, vt bonus La-
 tro, sine dubio de trirēnibus ad portum salutis;
 de carcere ad regnum; de miseria ad gloriam cō-
 uolabunt. Idem est iudicium de alijs, qui vel vlti-
 mo supplicio afficiuntur, aut alia calamitate pre-
 muntur. Vnde Diuus Chrysost. *Epist. 3. ad Olymp.*
tom 5. Vi discas, inquit, *quantum luctu affertur pas-*
siones, etiam si non propter Deum eas quis patitur
(neque id me hyperbolicè quis dicere credat) dummo-
 do patienter & mansuetè ferat, & Deum in omni-
 bus glorificet: vide Iob, qui nesciebat se propter Dēū
 pati, quæ patiebatur, & tamen pro his coronabatur,
 quòd cum causam nesciret, patienter ferebat.

H Plus enim potest homo mereri mala patien-
 do, quàm bona faciendo. Probat Gerson, ipsum
 Iob plus patientia sua meruisse bona sua perdendo,
 quàm si illa pauperibus distribuisset. Non inuoca-
 bat, nec incitabat diabolum ad sibi auferenda illa
 bona, & ad corpus suum flagellandum: neque etiam
 Tobias seipsum excæcauit, *Tob. 2.* Ioseph seipsum
 non vendidit Ismaelitæ, nec voluntarie ingressus
 est carcerem, *Genes. 37.* Dauid 1. *Reg. 16.* non quæ-
 rebat, nec optabat, vt ipsū Saul persequeretur, nec
 vt ei Semei malediceret: sed quæ libenter euitas-
 sent, patienter illi ferebant, quando ipsis accidebāt,
 ac volebant quæ noluisissent: volebant, inquā, æquo
 animo ferre, quæ noluisissent sibi accidere.

Tri-

Tribus tantum in locis dolores reperiuntur: in tartaro, in purgatorio, in hoc sæculo. Magnum tamen inter huiusmodi dolores discrimen est. Etenim tartari dolores æterni sunt, nullumque meritum, ac nullam pœne delictæ peccatis solutionem afferunt. Purgatorii dolores temporarii sunt, peccatisque satisfaciunt: at tamen novum meritum gratiæ, aut gloriæ minimè pariunt. Dolores vero huius sæculi pretiosissimi sunt, brevi tempore cruciant, peccatis debitam pœnam solvunt, nova nobis gratiæ, gloriæque comparant merita. Quis igitur nolit hic potius dolores, vel tormenta, quàm in tartaro, aut in Purgatorio tolerare? Quis nolit hic potius, quàm illo igneo Purgatorio expurgari?

Metu æternæ damnationis, vel considerata æterna damnatorum pœna, omnes huius vitæ labores æquanimiter tolerantur. & voluptates spernuntur. Caput XXII.

AN Querat Divus Chrysostomus, *Hom. 31. in Epist. ad Rom.* quàm utilis esset æternæ gehennæ consideratio, tum ad abstinendum ab omnibus illecebris, tum ad quoscunque perfrendos labores: ideo de illa semper & ubique colloquendum ac disputandum esse iudicabat: *Utinã,* inquit, *in prandijs, & cœnis, & balneis, imò & ubique de gehenna disputaretur. Nec enim morore affecti essemus in vitæ huius malis, neque in bonis illius deliciati, & lætati. Quid enim mihi potes obij-*
cere

cere incommodi, paupertatem, morbos, captiuitatem, corporis cecitatem? omnia hæc comparatione futuri iudicii ridicula sunt. Continuos itaque sermones de gehenna versemus, non enim sinet in gehennam incidere gehenna recordatio. Vbi triplex inferni considerationis commodum obserua; scilicet huius mundi prospera contemnere; aduersa faciliè tolerare; & bona opera præstare, quibus à gehenna liberemur.

Et certè hæc pœnarum æternitas cogitanda est, vt voluptatem turpem dulcedinem hoc felle amarissimo repellamus. Nam, vt ait Diuus Prosper, *Lib. 3. de vita contemp. cap. 12. hæc terribilia mala, fidelium mentes salubri terrore concutiunt, & ab omnibus vitiosis delectationibus abducunt. Hæc cogitare nihil est aliud, quàm vitijs omnibus repudium dare, & omnia blandimenta carnalia refrænare. Quis ad eò insanus est, vt pro voluptate vnius diei, igneos centum annorum cruciatus ferre velit? o insaniam hominum impiorum! pro modica voluptate in tormenta se præcipitant sempiterna. Quis vestrum, inquit Isidorus Clarius. Orat. 11. vno die ignem ferre eliget accepto mille nummorum aureorum pretio? & pro longè minori re non veremini perferendi ignis periculo vosmet exponere? Vnde & alibi adiicit, Orat. 12. Nihil mihi videtur tam efficax ad auocandos animos ab istis caducis quàm hæc cogitatio.*

Si aliquis Iudex cuidam teterrimum carcerem, vel exquisitissimas pœnas esset interminatus, & posset ille eas cogitando vel euadere, vel diminuerè, aut aliquam aliam vtilitatem ex illarum

confi-

consideratione reportare, certè à tali cogitatione nunquam animum suum abduceret. Minor sanè, quòd cùm æternarum pœnarum contemplatio efficiat, vt eas euadamus, & præsentes aduersitates æquo animo feramus, pauci sint qui eas timeant, ac mente reuoluant. Hoc mirabatur Diuus Augustinus, *Serm. 18 de verb. Apost. Timet homo*, inquit, *carcerem, & non timet gehennam: timet cruciatum temporalem, & non timet pœnas ignis æterni: timet ad modicum mori, & non timet in æternum mori.*

B Solet nutrix volens paruulum ab lactare, aliqua amaritudine mammillam suam perungere, qua prægustata discat infantulus deinceps à nociuo lacte abstinere. Vt ab omnibus huius vitæ voluptatibus abstineamus, necesse est æternas illas inferni amaritudines consideremus; vel expedit temporales amaritudines prægustemus, vt ab æternis liberemur. Ad hoc fortè intendebat Prophetam nos adhortari his verbis; *Pone tibi amaritudinem, dirige cor tuum in viam rectam. Ier. 31.* Quasi dicat: vt recto tramite ad patriam cœlestem incedas, propone tibi æternas amaritudines. Vnde idem Aug. *Lib. de decem chordis. cap. 9. Melior est modica amaritudo in faucibus, quam sempiternum tormentum in visceribus.* Nam huius vitæ labores & dolores modicæ amaritudini similes sunt, quæ ex amara potione in faucibus residet: tormenta verò inferni non solum fauces, sed viscera ipsa penetrant, grauissimamque illis afferunt amaritudinem.

Valdè attendendum est quod ait Sapiens; Nec
in-

cere incommodi, paupertatem, morbos, captiuitatem, corporis cecitatem? omnia hac comparatione futuri iudicii ridicula sunt. Continuos itaque sermones de gehenna versemus, non enim finet in gehennam incidere gehenna recordatio. Vbi triplex inferni considerationis commodum obserua; scilicet huius mundi prospera contemnere; aduersa facile tolerare; & bona opera præstare, quibus à gehenna liberemur.

Et certè hæc pœnarum æternitas cogitanda est, vt voluptatem turpem dulcedinem hoc felle amarissimo repellamus. Nam, vt ait Diuus Prosper, *Lib. 3. de vita contemp. cap. 12. hac terribilia mala, fidelium mentes salubri terrore concutiunt, & ab omnibus vitiosis delectationibus abducunt. Hæc cogitare nihil est aliud, quàm vitijs omnibus repudium dare, & omnia blandimenta carnalia refrænare.* Quis adèò insanus est, vt pro voluptate vnius diei, igneos centum annorum cruciatus ferre velit? ò insaniam hominum impiorum! pro modica voluptate in tormenta se præcipitant sempiterna. *Quis vestrum,* inquit Isidorus Clarius. *Ora. 11. vno die ignem ferre eliget accepto mille nummorum aureorum pretio? & pro longè minori re non veremini perferendi ignis periculo vosmet exponere?* Vnde & alibi adiicit, *Ora. 12. Nihil mihi videtur tam efficax ad auocandos animos ab istis caducis quàm hæc cogitatio.*

Si aliquis Iudex cuidam teterrimum carcerem, vel exquisitissimas pœnas esset interminatus, & posset ille eas cogitando vel euadere, vel diminuerè, aut aliquam aliam vtilitatem ex illarum

confi-

consideratione reportare, certè à tali cogitatione nunquam animum suum abduceret. Minor sanè, quòd cùm æternarum pœnarum contemplatio efficiat, vt eas euadamus, & præsentes aduersitates æquo animo feramus, pauci sint qui eas timeant, ac mente reuoluant. Hoc mirabatur Diuus Augustinus, *Serm. 18 de verb. Apost. Timet homo*, inquit, *carcerem, & non timet gehennam: timet cruciatum temporalem, & non timet pœnas ignis æterni: timet ad modicum mori, & non timet in eternum mori.*

B Solet nutrix volens paruulum ab lactare, aliqua amaritudine mammillam suam perungere, qua prægustata discat infantulus deinceps à nociuo lacte abstinere. Vt ab omnibus huius vitæ voluptatibus abstineamus, necesse est æternas illas inferni amaritudines consideremus; vel expedit temporales amaritudines prægustemus, vt ab æternis liberemur. Ad hoc fortè intendebat Prophetam nos adhortari his verbis; *Pone tibi amaritudinem, dirige cor tuum in viam rectam. Ier. 31.* Quasi dicat: vt recto tramite ad patriam cœlestem incedas, propone tibi æternas amaritudines. Vnde idem Aug. *Lib. de decem chordis. cap. 9. Melior est modica amaritudo in faucibus, quam sempiternum tormentum in visceribus.* Nam huius vitæ labores & dolores modicæ amaritudini similes sunt, quæ ex amara potione in faucibus residet: tormenta verò inferni non solum fauces, sed viscera ipsa penetrant, grauissimamque illis afferunt amaritudinem.

Valdè attendendum est quod ait Sapiens; *Nec in-*

inferorum regnum est in terra. Quod, meo iudicio, sic potest intelligi. Non sunt super terram æterna inferni supplicia: quicquid in hac vita patimur, breui finietur; non sunt morbi, labores, aut dolores sempiterni: ideo non debemus moveri, aut conturbari, si hic quibusdam afficiamur angustijs & calamitatibus, cum temporales & finibiles sint: imò quò maiores & intensiores, eò ut plurimum sint breuiores. Hoc testatur Seneca: *Summi doloris*, inquit, *Epist. 97. intensio citò inuenit finem.* Quidnam magnæ authoritatis vir, dum aliqua calamitate premebatur, sic seipsum consolabatur. Sicut Iob, inquebat, mundana quorundam fœlicitate exposita, de ipsis tandem concludebat: *Ducunt in bonis dies suos, & in puncto ad inferna descendunt.* Iob 21. Ita è contra de afflictis, & miseris huius sæculi affirmare & dicere possumus: *Ducunt in malis dies suos. & in puncto ad cælum ascendunt.* Quia si patienter præsentia mala tolerant, ab æternis malis liberabuntur, & æterna bona consequentur. Nam, teste Gregorio, *Lib. 6. Mor. c. 14. dum transitorio labore atterimur, à perpetuo dolore liberamur.*

Non sunt igitur tartareæ pœnæ super terram, sed infra terram, id est, in centro terræ, quò afflictis sæpe descendere debent viuentes, eas mente considerando. Hoc videbatur optare Dauid: *Descendant in infernum viuentes.* Psalm. 54. ut scilicet damnatorum pœnas considerent. Sic interpretatur huic locum Auguanus, aliàs incognitus. *Illi;* inquit, *in infernum mortui descendunt, qui post mortem in inferno cruciamur: illi autem vivi descendunt,*
qui

qui hic viuentes mentem inclinant ad ipsum meditando. Sepe, inquam, descendant viuentes sepe reuersari, ne semel descendant morientes nunquam egressuri. *Descendant mente*, inquit Bernardus, *in quodam serm. in infernum viuentes, ne postea descendant morientes.*

C Descendat vnusquisque nostrum viuens in infernum, non vt Aeneas Virgilianus, sed vt prudens Christianus, immania illa supplicia percurrat, & videbit leue, vel nihil omnino esse quod patitur, si illis tormentis aternis comparatur. Vnde Chrysostomus, *Hom. 2. in Epist. 2 ad Thess. Si terribile aliquid videris, cogita gehennam, & illud deridebis.* Cogita, inquam, horrendos illos cruciatus sine fine duraturos, teterrimum illum carcere re: à quo nunquam damnati liberabuntur, catenas igneas, quibus ligantur, & flamas eternas, quibus cruciantur, horribiles demonum visiones, quibus afficiuntur. Cogita denique damnatorum gemitus, lamenta, ululatus, inutilia emissa suspiria, mœstitiam, dolorem, desperationem, tormentorumque acerbicatem & eternitatem, & audi illos tibi dicentes. *Ouid. 5. Trist.*

Elige nostrorum minimum, minimumque dolorum,

Isto quo quereris grandius illud erit.

Vnde Diuus Isidorus, *Lb. 1. Soli. cap. 10. sepe hoc dicere solebat: Patienter leuiora portabis, si grauiorum fueris recordatus.* Verbi gratia, si hic quibusdam afficiaris doloribus, cogita intensissimos illos dolores, quos patiuntur damnati de quibus Dominus: *Congregabo super eos mala: & lob. cap.*

confitere. Si solum tibi relinquatur cor liberum; corde crede, corde ora, corde benedic, corde diligas, & semper sicut iste Latro patientiam habeas. Si quæras causam tantæ patientiæ istius Latronis in suppliciis sibi debitis, dixerim ego fuisse Christi patientiam in tormentis sibi non debitis. Vidit enim Christum tam libenti animo tot ludibria, opprobria, ac crucis mortem subire, atque pro crucifigentibus orare; &, ut ait Ambrosius *Serm. 45. intellexit Latro, quod pro alienis peccatis has plagas Christus suscipere*. Voluit, inquam, ipse exemplo Christi patienter sua ferre tormenta quæ quidem se meruisse confessus est; *Nos, inquit, digna factis recipimus. Luc. 23.*

Vis itaque tu, sicut & ille, à doloribus, tormentis & angustis tibi ob peccata tua debitis, ad eandem petuenire gloriam? Patienter, sicut ipse, omnes animi, & corporis angustias ferte: fateri te illa mereri tormenta: blasphemantes Christum in tribulationibus increpa: ingentes Christi dolores, quos iniuste pro te sustinuit, meditare: ab illo auxilium postula: illum lauda: in illum spera, eique gratias age: atq; ita non parum ex tuis tribulationibus hauries emolumenti.

Notandum est autem, hunc Latronem in Cruce existentem nunquam petiisse, ut ex ea liberaretur, sed ut sui Christus tantum recordaretur; *Memento mei, Luc. 23.* inquit. Non erat quidem in eius potestate euitare crucem, sed erat in eius voluntate patienter subire crucem. Libenter pati voluit, quod euitare non potuit, nec poterat fugere illud ad quod damnatus erat supplicium, sed ex
illo

illo potuit sibi comparare meritum. Non potuisset impetrare a iudicibus, ne ad tempus pateretur, sed à Christo impetrauit, ne in æternum damnetur.

Contra verò impius Latro, quia coactè, & impatienter patiebatur, postulabat ab illis tormentis eripi, dicebat enim: *Saluum fac te metipsum, & nos.* Malorum est huiusce vitæ misérias respicere, indignanter tolerare, vel tolerando blasphemare. Bonorum verò gratanter accipere, patienter ferre, atque in his semper Deum benedicere.

Sed quid huic impio sua profuit impatientia? Quid sua in Christum iactata conuicia? Quid sua sibi contulit blasphemia? Nihil penitus. Imò verò de cruce ad crucem, de tormentis ad tormenta conuolauit, quia impatienter pœnam illam sibi debitam perferebat, a qua ore blasphemus liberari postulabat. Sic nec tibi quicquam prodest tua in tormentis, & aduersitatibus impatientia, nihil tuæ blasphemantes voces, nihil tua in Deum obmurmuratio. Vnde, teste Diuo Augustino, *Lib. 1. de Ciuit. Dei.* sicut sub vno igne aurum rutilat, palea fumat: ita sub pari pœna boni proficiunt, & mali deficiunt.

F Quæritur autem, an plus Latro martyr extiterit in sustinendis patienter pœnis sibi debitis. Diuus Augustinus *Lib. 1. de anim.* refert, Beatum Cyprianum, *Orig. rom. 7.* illam affirmare martyrem. *Latro ille, ait, non ante crucem Domini sectator, sed in cruce confessor à Cypriano Sancto inter Martyres computatur.* Hæc autem sunt verba Cypriani, *Serm. de Passione Domini.*

Latro factus est particeps regni, factus collega martyris. Certum est iuxta eundem Augustinum, *Lib. 3. contra Crescon. c. 4.* non poenam, sed causam martyrem facere. Veruntamen tanta fuit fides istius Latronis, tam magna illius confessio, ac tanta in cruce perferenda patientia, ut cum eodem Augustino dicamus, inuentam fuisse in eo mensuram martyris, quamuis propriè martyr non fuerit, quia pro Christo & fide eius non est mortuus. *Apud Deum, inquit, tantum valuit quòd confessus est Dominus crucifixum, quantum si fuisset pro Domino crucifixus. Atque ita inuenta est in eo mensura martyris, qui tunc in Christum credidit, quando defecerunt, qui futuri erant martyres.* Ita August.

Alij volunt illum fuisse martyrem desiderio, & sic intelligendum esse Diuum Cyprianum. Optasset enim nullum commisisse crimen, ob quod crucifigeretur, sed tantum credidisse in Christum, ob quod cum ipso in cruce moreretur.

Aliqui autem re ipsa martyrem esse contendunt, quia, quando milites fregerunt Latronis crura, id non solum effecerunt, quia ita moris erat crucifixos hoc supplicij genere, antequam morerentur, afficere; sed simul etiam ex odio in Christum, eo quòd viderant hunc Latronem eum coluisse, & tanquam Regem Cœli, & terræ confessum fuisse. *Cart. lib. 1. 1. hom. 3. de conuers. Latron.* Cum igitur hæc illata tormenta patienter sustinuerit propter egregiam, quàm de Christo protulerat cōfessionē, non dubitarem illum martyrem vocitare. Præterea magnam aduertimus in illo Latrone fortitudinem; nam & fortiter pro suo peccato suppliciū, &

cruci,

crucifragium pertulit, & fortiter de Christo testimonium protulit. Secundum autem D. Thom. 2. 2. præcipuus actus fortitudinis, est martyrrium. Videas, quæso, quomodo quis patientia, etiam in tolerandis tormentis sibi debitis, sit propè martyr.

Quicquid sit, siue ut martyr, siue ut confessor, à cruce ad lucem, à Caluário ad cælum, à pœna ad gloriam, culpam suam agnoscens, Christum confitendo, ac illi tormenta patienter pro suis demeritis perferendo, euolauit. Inuenit in illis tormentis Paradisum. Caue, ne tu impatientia tua cum altero Latrone in tuis afflictionibus inuenias infernum. Propterea patienter aduersa sustine, illis culpam tuam agnosce, Deum semper lauda: hæc in ore tuo versentur: *Digna factis recipio, &c. Domine, memento mei, &c. Sit nomen Domini benedictum.* Ac Dominum deprecare, ut omnia quæ pateris aduersa, ab ipso acceptentur pro pœnis peccatis tuis iustè debitis, atque ita illud erit tibi adiumentum, quod tibi prius fuerat tormentum, ibique inuenies consolationem, ubi antea patiebaris afflictionem. Interim *deprece-*
mur, inquit Chrysostomus, *Conci. 1. de Lazaro. Dominum, ut Latronem & istum Lazarum pauperem imitari possimus. Si persecutio venerit, imitemur Latronem; si pax fuerit, imitemur Lazarum.*

Dico itaque, omnes fideles posse in hoc mundo aliquod meritum sibi comparare ex illis aduersitatibus, & afflictionibus, in quas Deus illos etiam inuitos cadere permisit: id ipsum similiter posse eos, qui ob sua scelera sunt aliquibus supplicijs adiudicati, dummodo omnes patienter illa

aduer-

aduersa ferant: verbi gratia, illi qui sunt ad triremes damnati, vel carceribus mancipati: aut qui graui & insanabili morbo laborant, si illa omnia incommoda patienti animo sustineant, applicando ea pœnis peccatis suis debitis; Deumque semper glorificent, & ipsum inuocent, vt bonus Lactro, sine dubio de triremibus ad portum salutis; de carcere ad regnum; de miseria ad gloriam cōuolabunt. Idem est iudicium de alijs, qui vel ultimo supplicio afficiuntur, aut alia calamitate premuntur. Vnde Diuus Chrysost. *Epist. 3. ad Olymp. tom 5.* *Vi discas, inquit, quantum luctu afferunt passionēs, etiam si non propter Deum eas quis patiatur (neque id me hyperbolicè quis dicere credat) dummodo patienter & mansuetè ferat, & Deum in omnibus glorificet: vide Iob, qui nesciebat se propter Deū pati, quæ patiebatur, & tamen pro his coronabatur, quòd eum causam nesciret, patienter ferebat.*

H Plus enim potest homo mereri mala patienti- do, quàm bona faciendo. Probat Gerson, ipsum Iob plus patientia sua meruisse bona sua perdendo, quàm si illa pauperibus distribuisset. Non inuocabat, nec incitabat diabolum ad sibi auferenda illa bona, & ad corpus suum flagellandum: neque etiam Tobias seipsum excecavit, *Tob. 2.* Ioseph seipsum non vendidit Ismaelitis, nec voluntarie ingressus est carcerem, *Genes. 37.* Dauid 1. *Reg. 16.* non quærebat, nec optabat, vt ipsū Saul persequeretur, nec vt ei Semei malediceret: sed quæ libenter euitassent, patienter illi ferebant, quando ipsis accidebāt, ac volebant quæ noluis- sent: volebant, inquā, æquo animo ferre, quæ noluis- sent sibi accidere.

Tri-

Tribus tantum in locis dolores reperiuntur: in tartaro, in purgatorio, in hoc saeculo. Magnum tamen inter huiusmodi dolores discrimen est. Etenim tartari dolores aeterni sunt, nullumque meritum, ac nullam poenae delicti peccatis solutionem afferunt. Purgatorii dolores temporarii sunt, peccatisque satisfaciunt: attamen novum meritum gratiae, aut gloriae minimè pariunt. Dolores vero huius saeculi pretiosissimi sunt, breui tempore cruciant, peccatis debitam poenam solvunt, nova nobis gratiae, gloriaeque comparant merita. Quis igitur nolit hic potius dolores, vel tormenta, quàm in tartaro, aut in Purgatorio tolerare? Quis nolit hic potius, quàm illo igneo Purgatorio exputgari?

Metu aeternae damnationis, vel considerata aeterna damnatorum poena, omnes huius vitae labores aequanimiter tolerantur, & voluptates spernuntur. Caput XXII.

AN Querat Diuus Chrysostomus, *Hom. 31. in Epist. ad Rom.* quàm utilis esset aeternae gehennae consideratio, tum ad abstinendum ab omnibus illecebris, tum ad quoscunque perferendos labores: ideo de illa semper & ubique colloquendum ac disputandum esse iudicabar: *Vtinã,* inquit, *in prandijs, & cœnis, & balneis, imò & ubique de gehenna disputaretur. Nec enim morrøre affecti essemus in vita huius malis, neque in bonis illius deliciati, & lacati. Quid enim mihi potes obij-*
cere

cere incommodi, paupertatem, morbos, captiuitatem, corporis cecitatem? omnia hac comparatione futuri iudicii ridicula sunt. Continuos itaque sermones de gehenna versemus, non enim finet in gehennam incidere gehenna recordatio. Vbi triplex inferni considerationis commodum obserua; scilicet huius mundi prospera contemnere; aduersa facile tolerare; & bona opera præstare, quibus à gehenna liberemur.

Et certè hæc pœnarum æternitas cogitanda est, vt voluptatem turpem dulcedinem hoc felle amarissimo repellamus. Nam, vt ait Diuus Prosper, *Lib. 3. de vita contemp. cap. 12. hac terribilia mala, fidelium mentes salubri terrore concutiunt, & ab omnibus vitiosis delectationibus abducunt. Hac cogitare nihil est aliud, quàm vitijs omnibus repudium dare, & omnia blandimenta carnalia refrænare.* Quis adèò insanus est, vt pro voluptate vnius diei, igneos centum annorum cruciatus ferre velit? ò insaniam hominum impiorum! pro modica voluptate in tormenta se præcipitant sempiterna. *Quis vestrum*, inquit Isidorus Clarius. *Ora. 11. vno die ignem ferre eliget accepto mille nummorum aureorum pretio? & pro longè minori re non veremini perferendi ignis periculo vosmet exponere?* Vnde & alibi adiicit, *Ora. 12. Nihil mihi videtur tam efficax ad auocandos animos ab istis caducis quàm hæc cogitatio.*

Si aliquis Iudex cuidam teterrimum carcerem, vel exquisitissimas pœnas esset interminatus, & posset ille eas cogitando vel euadere, vel diminuerè, aut aliquam aliam vtilitatem ex illarum

confi-

consideratione reportare, certè à tali cogitatione nunquam animum suum abduceret. Minor sanè, quòd cùm æternarum pœnarum contemplatio efficiat, vt eas euadamus, & præsentes aduersitates æquo animo feramus, pauci sint qui eas timeant, ac mente reuoluant. Hoc mirabatur Dignus Augustinus, *Serm. 18 de verb. Apost. Timet homo, inquit, carcerem, & non timet gehennam: timet cruciatum temporalem, & non timet pœnas ignis æterni: timet ad modicum mori, & non timet in eternum mori.*

B Solet nutrix volens paruulum ab lactare, aliqua amaritudine mammillam suam perungere, qua prægustata discat infantulus deinceps à nouo lacte abstinere. Vt ab omnibus huius vitæ voluptatibus abstineamus, necesse est æternas illas inferni amaritudines consideremus; vel expedit temporales amaritudines prægustemus, vt ab æternis liberemur. Ad hoc fortè intendebat Prophetam nos adhortari his verbis; *Pone tibi amaritudinem, dirige cor tuum in viam rectam. Ier. 31.* Quasi dicat: vt recto tramite ad patriam cœlestem incedas, propone tibi æternas amaritudines. Vnde idem Aug. *Lib. de decem chordis. cap. 9. Melior est modica amaritudo in faucibus, quam sempiternum tormentum in visceribus.* Nam huius vitæ labores & dolores modicæ amaritudini similes sunt, quæ ex amara potione in faucibus residet: tormenta verò inferni non solum fauces, sed viscera ipsa penetrant, grauissimamque illis afferunt amaritudinem.

Valdè attendendum est quod ait Sapiens; *Nec*
in-

qui hic viuentes mentem inclinant ad ipsum meditando. Sepe, inquam, descendant viuentes semper reuersari, ne semel descendant morientes nunquam egressuri. *Descendant in mentem*, inquit Bernardus, *in quodam serm. in infernum viuentes, ne postea descendant morientes.*

C Descendat vnusquisque nostrum viuens in infernum, non vt Aeneas Virgilianus, sed vt prudens Christianus, immania illa supplicia percurrat, & videbit leue, vel nihil omnino esse quod patitur, si illis tormentis æternis comparetur. Vnde Chrysostomus, *Hom. 2. in Epist. 2 ad Thess. Si terribile aliquid videris, cogita gehennam, & illud deridebis.* Cogita, inquam, horrendos illos cruciatus sine fine duraturos, teterrimum illum carcerem, à quo nunquam damnati liberabuntur, catenas igneas, quibus ligantur, & flamas eternas, quibus cruciantur, horribiles demonum visiones, quibus afficiuntur. Cogita denique damnatorum gemitus, lamenta, ululatus, inutilia emissa suspiria, mœstitiam, dolorem, desperationem, tormentorumque acerbicatem & eternitatem, & audi illos tibi dicentes. *Ouid. 5. Trist.*

Elige nostrorum minimum, minimumque dolorum,

Isto quo quereris grandius illud erit.

Vnde Diuus Isidorus, *Lib. 1. Soli. cap. 10. sepe hoc dicere solebat: Patienter leuiora portabis, si grauiorum fueris recordatus.* Verbi gratia, si hic quibusdam afficiaris doloribus, cogita intensissimos illos dolores, quos patiuntur damnati de quibus Dominus: *Congregabo super eos mala: & lob, cap.*

cap. 5. Irruet super eos omnis dolor. Quia in omnibus potentijs animæ, & in omnibus partibus suorum corporum acerbissimos patientur dolores, propter quos clamabunt, & non exaudientur; *Vos clamabitis præ dolore. Isai. 65.* Clamat, & in æternū clamabit diues ille epulo; *Crucior in hac flamma. Luc. 16.* Sarius tibi sit cruciari temporaliter in lecto, quàm æternaliter in flamma. Hos patere dolores, ne cogaris sine fine clamare; *Dolores inferni circumdederunt me. Psalm 17.* Tanti erunt inferni dolores, ut unusquisque damnatorum mori, imò ratione tam grauium suppliciorum annihilari desideret. *Desiderabunt mori*, ait Ioannes, *& fugiet mors ab eis. Apoc. 9.* Desiderabunt, inquam, mori ne ampliùs patiantur, qui hic cupiebāt viuere, ut ampliùs deliciarentur. Vnde Aug. *Lib. de miser. huius mundi* *O mors! quàm dulcis es quibus tã amara fuisti: te solam desiderant, qui te vehementer oderunt.* Non possunt verbis explicari, & dinumerari quæ à damnatis in inferno tolerantur: exclamet igitur Sybilla apud Virgilium, *Aeneid. 6.*

*Non mihi si lingue centum sint, oraque centum,
Omnia pœnarum percurrere nomina possem.*

His itaque consideratis, patienter quæcumque infirmitatem, omnesque tolerabis dolores, dicetque cum Augustino: *Hic ure, hic scinde, hic seca, dummodo Domine in æternum parcas.* Scito omnia tormenta, omnia martyria, quæ in hac vita excogitari possunt, comparatione minoris pœnæ inferni solatia & delectationes esse. Hoc testatus est quidam in obitu Sancti Hieronymi ad vitam re-

Hocarus, & à Beato Cyrillo interrogatus. Ergo, *elige tibi*, ait idem Augustinus, *unum de duobus, aut temporalem dolorem, aut æternum laborem.*

D Quales, paupertates, & quantos subirent labores damnati, si in hanc vitam reuenterentur? Sane si daretur optio, libenter eligerent per centum millia annorum acerbissimos cruciatus, omnimodâ paupertatem, omniaque genera contumeliarum, ac afflictionum perpeti, omnique consolatione priuari, dummodo possent ab illis supplicijs æternis eripi, & vitam æternam consequi. Hoc agnouit Poeta;

— *Quàm vellent æthere in alto*

Nunc & pauperiem, & duros perferre labores.

Si igitur paupertate, fame, sitive premaris, recordare qualem famem, qualemque sitim damnati in inferno patiantur. Vide quid illis per Prophetam dicatur. *Ibi moriemini fame, & siti. Ierem. 44.* Similiter, & per Iobum c. 18. *Exardescet cōtra eos sitis, & attenuabitur fame robur eorum, & inedia inuadet costas eorum.* Tanta erit illorum fames, ut teste alio Propheta, *vnusquisque carnem brachij sui voret. Isai. 9.* Nunquam potuit, nec poterit epulo guttulam aquæ ab Abraham obtinere: fugit ab eis omne quod refrigerare, & reficere potest. Si insuper tibi in hoc mundo nihil succedat ad nutū, sed omnia præter, vel contra voluntatem tuam, accidant; cogita, damnatos nihil penitus posse consequi ex his omnibus quæ desiderant; attende, nihil fuisse huic diuiti Epuloni concessum ex his quæ postulauerat etiam pro utilitate suorum fratrum. *Quid grauius, in-*

P quic

quit Isidorus Clarius, *Orat.* 12. *quàm semper velle, quod nunquam erit; & semper nolle, quod nunquam non erit? In æternum peccator non assequetur quod vult, & quod non vult nihilominus in æternum cogitur pati.* Idque sine merito, & absque spe retributionis, aut euasione. Tu verò, si huius vitæ aduersa patienter feras, non carebis mercede: hoc enim pacto, & gehennam poteris euitare, & gloriam æternam comparare.

Denique, si æterna supplicia cogitatione sæpe versentur, mortifera crimina facilè Deo opitulante per pœnitentiam animo extrudentur. Vrget infirmum morbus ad corporis purgationem, vrget sanitatis cupiditas, vrget mortis metus, vrget vitæ protrahendæ desiderium ad amaram potionem; vrgeant etiam nos morbi animi, vrgeat æternæ mortis æternique cruciatus horror, vrgeat æternæ vitæ, æternæque gloriæ consequendæ spes ad omnes subeundos labores, ad bona opera peragenda, & ad debitam pœnitentiam persoluendam. Audiamus Diuum Ambrosium ad virginem lapsam, c. 8. & ad vnumquemque nostrum. *Si animo conceperis, inquit, quia necesse est prauaricatricem animam tartareis pœnis, & gehennæ ignibus tradi; nec aliud remedium constitutum esse post baptismum, quàm pœnitentiæ solatium; quantamuis afflictionem, quantumuis laborem subire esto contenta, dummodo ab æternalibus pœnis libereris.*

Con.

Considerata huius vitæ breuitate . omniumque temporalium volubilitate , prospera libenter negliguntur , & aduersa , quæ parua etiam sunt durationis , patienter feruntur. Cap. XXIII.

AEGregie argumentatur Apostolus , dum sic ad Corinthios scribit . *Hoc itaque dico fratres , tempus breue est ; reliquum est , ut qui habent uxores , tanquam non habentes sint ; & qui flent , tanquam non flentes ; & qui gaudent , tanquam non gaudentes ; & qui emunt , tanquam non possidentes ; & qui utuntur hoc mundo , tanquam non utantur ; præterit enim figura huius mundi . 2. Cor. 7.* Huius autem argumenti hoc est antecedens , *tempus breue est* , quod ita verum est : c ipsa experientia compertum , ut rationibus comprobare necesse non sit : illud , inquam , antecedens ab omnibus conceditur & admittitur ; imò ab his , qui finem vitæ & mortem attendere non curant ; *Exiguum , & cum radio est tempus vitæ nostræ . Sap. 2.* Conceditur etiam ab ipsis damnatis , qui apud Sapientem , c. 5. quàm citò & breuiter transierit huius vitæ tempus , fateri coguntur , comparantes illud rebus omnibus quæ citò transeunt , veluti tenui vmbre , nuncio præcurrenti , naui mare secanti , aut transuolanti , sagittæ emissæ , lanugini , spumæ , fumo , vento , hospitio diei vnius & similibus . Conceditur & ab ipso Iob , *breues dies hominis sunt : vel secundum origina-*

Je Hebræum, *decurtati*, seu *præcisi sunt*. Quasi dicat: longiori tempore homines olim viuebant; nā aliqui ad annum ferè millesimum perueniebant: nunc autem ita à Deo decurtata, & præcisa est vita hominum, vt pauci sint qui septuagesimum annum attingant, ita adhuc in posterum decurtabitur, & abbreviabitur, vt secundum aliquos, antequam mundus finiatur, vix possint homines ad annum trigesimum quintum peruenire; eisquæ tunc vsurpare licebit illud Plinij *Iun. l. 2. Dimidio vitæ viuimus*.

Ad eò brevis, euanida, & momentanea est vita nostra, vt ipse Quintilianus sic declamare audeat: *Tota vitæ hominis, vnus est dies. Declam. 4.* Hinc Pindarus *In Pythiis*, vocat nos, *vnus diei homines*: Quam parvæ sit durationis vita nostra, ostendit Diuus Iacobus, *cap. 4.* cū ait; *Quid enim est vitæ nostra? vapor est ad modicum parens*. Alludit fortè ad illud prouerbium apud Varronem; *Homo bulla*: quòd scilicèt similis bullæ vitæ hominis sit fluxa, & momento caduca: est enim bulla tumor quidam excreescens in aqua qui repentè euanescit. Vnde Bernardus, *In quibusdam dictis*: *Verè breue est omnino tempus nostrum: infelix perinde, qui in huius vitæ lubrico fidens, periturā insumit operā, nec aduertit, quoniam vapor est, & ad modicum parens*.

B Quid verò inter alia ex illo antecedente sequatur, ostendit Paulus cū sic inferat; *Reliquum est*, id est, ergo, *qui flent, tanquam non flentes sint*. Quasi dicat: qui laboribus, & tribulationibus vexati flent, fleant ac si nihil paterentur, quia trāseunt etiā velocissimo cursu tribulationes, sicut
reliqua

reliqua omnia, sicut vita ipsa. Vnde & *qui gaudent, tanquam non gaudentes sint*, id est, qui prosperitatibus gaudent, recordentur quòd citò euanescent illæ prosperitates: nam quicquid est in hac vita, momentaneum est, ac citò transit. Ideo Christus volens discipulos suos animare ad omnia aduersa fortiter subeunda, ac prospera parui pendenda, bis apud Ioannem cap. 16. vsus est hoc verbo, *modicum*: ut innueret tum aduersitates, tum prosperitates huius vitæ modico tempore duraturas. Aptè igitur Augustinus. *In Ps. 109.* præsentem vitam torrenti similem esse scribit; *Sicut torrens*, inquit, *pluvialibus aquis colligitur, redundat, perstrepat, currit, & currendo decurrit*, id est, *cursum finit*: sic est *omnis iste cursus mortalitatis. Nascuntur homines, vivunt, moriuntur, & aliis alii nascuntur.*

Quid hic tenetur? quid hic non decurrit? quid nō quasi de pluvia collectum sit in mare, in abyssum? Hinc in huius rei figuram; *Reg. 17.* torrens ille de quo bibebat Helias, paucorum dierum spatio siccatu dicitur, quemadmodum expēdit Hieronymus, *In Ps. 30.* *Audientes*, inquit, *torrentes huius sæculi, nolite desperare, frequenter hic torrens deficit, videtur quidem tumescere, videtur habere aquas multas: sed citò deficit, si sustineas: unde, & Heliae defecit aqua torrentis.* Attalus apud Senecam *Epist. 110.* paucis, & pulchrè res huius vitæ describit. *Quid miraris? non pæst, ostenduntur istares, non possidentur, & dum placent, transeunt.* Dum tentaret dæmon Christum Dominum, *ostendit ei omnia regna mundi, Matth. 4.* non dedit, sed ostendit; promittebat quæ non possidebat.

non enim possunt dari, quæ non possunt possideri: vnicum est regnum, nimirum cœleste, quod cū firmum & stabile sit, verè possidetur; terrena verò, cū fluxa sint, non possunt, nec merentur possideri, licet per transfennam tantū possint videri. De illo stabili regno sic alibi Christus, *Regnum meum non est de hoc mundo. Ioan 18.*

Nota torrentis appellationem conuenientius laboribus huius vitæ accommodari, quam appellationem fluminis, ea potissimum de causa, quod torrens quamquam multū intumescat, cū tamen aquam habeat collectitiā, non manantem ex fonte, citò defluit, & siccatur: sic enim omnes huius vitæ calamitates, quasi repente excitatæ, & primo ipso aspectu grauissimæ, quā citissimè Deo suis opitulante dissipantur; & non tantū aduersitates, sed & huius seculi prosperitates citò præterfluunt.

C. Vellem te diligenter attendere quæ ad hoc propositum à Seneca *Epist. 59. ad Lucil.* dicuntur qui miratur quod ea amemus, quæ fluxa, & fugacissima sunt. *Quicquid vides, inquit, currit cum tempore. Nihil ex his quæ videmus, manet. Ego ipse dum loquor mutari ista, mutatus sum. Hoc est, quod ait Heraclitus: In idem flumen bis non descendimus: manet enim idem fluminis nomen, aqua transmissa est. Hoc in amne manifestius est quā in homine; sed nos quoque non minus velox cursus præteruehit: & ideo admiror dementiam nostram, quod tantopere amamus rem fugacissimam, corpus, &c. Igitur ista imaginaria sunt, & ad tempus aliquam faciem ferunt; nihil horum stabile ac solidum est,*

est, & nos tamen cupimus tanquam aut semper futura, aut semper habituri. Mittamus animum ad illa quæ æterna sunt: miremur in sublime volitantes rerum formas, Deumque inter illas versantem. Hæc ille, & verissimè, & Christianissimè.

Quodd si Ethnicum audire renuas, cogita quid antecederet dixerit Apostolus: *Præterit figura huius mundi*. Figura ad scenam tragicam spectat, ubi alter figuram Regis, alter vero serui gerit: est enim iste mundus instar scenæ, in qua peragitur fabula vitæ huius: homines personæ sunt; intrant alij, abeunt isti: *Generatio præterit, generatio aduenit*. *Eccles. 1.* Locus theatri est terra; *Terra autem in æternum stat*. Duæ in scena sunt portæ; ingredientibus ortus, siue natiuitas: egredientibus occasus, siue mors, vestes quisque hic commodato accipit. *Nihil enim intulimus in hunc mundum. 1. Timot. 6.* Qui Regem agit, non aufert secum purpuram, quam hic gestauit. *Nec auferre quid possumus. Ibidem.* Breui finitur hæc Comœdia, qua finita, ubi Rex? ubi seruus? *ubi sunt principes gentium?* *Baruch. 3.* Rex non amplius imperat, nec seruus ministrat. Sicut igitur qui Regem agit, non habet unde gloriatur: nec qui pauperem agit, unde tristeretur, cum illius regnum, huius verò paupertas brevis sint durationis: ita nullus est, qui debeat tristari, quod priuetur prosperis, vel agitetur aduersis, cum hæc omnia citò transeant. *Virg. 1. Aeneid.*

O passi grauiora, dabit Deus his quoque finem.

Audiendus est Basilii *In Ps. 1.* qui de hac vi-

ra sentiat. *Vidisti, inquit, de via plantam herbam, aquam, aut aliud quiduis non indignum spectatu. Nonnihil hinc decerpisti oblectationis? Hac interim abs te defluerunt. Rursus in lapides incidisti, cum in colles, in præcipitia, scopulos, vel ligna acuminata, aut fortè in feras incurristi, reptilia, spinas. Hinc nonnihil contraxisti mæroris? Mox ista reliquisti. Talis est via præsens, quæ nec delectabilia, nec rursus acerbæ, & tristitia diu retinet.*

D Referens Diuus Chrysostomus *Hom. 39. ad pop.* supradicta verba Apostoli, sic scribit. *Cum audieris, quod transit, quid amplius iam queris? Cū audieris, quod figura sunt omnia humana veritate carentia, quare sponte sustines deceptionem, non cogitans eorum mutabilitatem, & instabilitatem? quare non transfers desiderium tuum ad illa in æternum manentia, & mutationem non admittentia?* [Eruditissimus Lipsius sæpe dicere solebat, atq; hoc diu præmeditandū suo sepulchro inscribi iussit.

Humana cuncta, fumus, umbra, vanitas,

Et scena imago, & verbo ut absoluam, nihil.

Fertur quendam cordatum, & prudentem virum cū pluribus in dies, maioribusque à Rege suo beneficiis afficeretur, interrogatum, quid amplius optare posset, nihil aliud respondisse, nisi clauum vnum; significare volentem timere se volubilitatem illius rotæ, & mundanæ felicitatis, ne, qui in summo erat rotæ, mox ad infima præcipitaretur: quo circa optabat clauum, quo infixō totam eius volubilitatem sisteret. Verū ita fortuna, ac omnia humana rotant, ut nullo clauo retineri valeant. Audi quendam apud Plutarchum *Lib. de tranquill.*

tranquil. anim. post deperditas opes: Sciebam precarias me opes, nec trabali clauo fixas, ut aiunt, possidere, omninoque vtendas accepisse. Propterea non doluit illis amissis.

E. Cur autem huius mundi res fluxe sunt, mutationique obnoxie, rationem assignat Gregorius Nazianzenus, *Tractat. de vitæ itineribus*, dum Christo sic loquitur. *Non sine magna sapientia hoc à te Christe constitutum est, ut res omnes huius vitæ incertæ atque instabiles sint: nempe ut rerum firmarum, stabiliumque amore ac desiderio inardescamus, & ut discamus à stultæ carnis cogitatione mentem erumpere, vitæ ab hac vitæ alienam ducere, ac denique cum alio mundo mundum hunc commutando, difficultates omnes huius vitæ, molestiasque forti animo perferre.* Nam vix humana mens ab amore transeuntium, & pereuntium vult se abstrahere: quid si essent permanentia? Vnde idem doctor alibi: *Orat. 16. Quid fecissemus, ait, si prosperitas nobis firma, & perpetua esset? cum licet fluxa, & fragilis sit, usque eo tamen ipsi tanquam vinculis quibusdam astricte simus, eiusque voluptate in hanc seruitutem redacti, ut nihil presentibus rebus melius, atque excellentius cognare possimus. Quis prætereuntia præteribit? qui stabilibus, & eternis mentem adiunget? quis de presentibus rebus, tanquam de abeuntibus cogitabit? quis picturæ veritate, quis umbram à vultu sempiternæ discernet?*

Iuuat & audire, quid hac de re alius Gregorius cognomento Magnus scribat *Hom. 4. Euāg. Superba mens nostra adhuc non vult hoc sponte deserere, quod quotidie perdit, inuita.* Et alibi dolet, quod

ama-

amarum mundum diligamus, fugientem sequamur, & labenti inhæreamus. Ecce, inquit, iam mundus in seipso aruit, & adhuc in cordibus nostris floret. Vbiq; mors, vbiq; luctus, vbiq; desolatio: undiq; percutimur, undiq; amaritudinibus replemur, & tamen ceca mente carnalis concupiscentia ipsas eius amaritudines amamus, fugientem sequimur, labenti inhæremus. Diuus Augustinus, *Hom. 28. habita ad honorem SS. mart. Nerei, & sociorū.* non poterat non conqueri de sua miseria, & infirmitate Sol c. 13. *Mundus clamat, deficio, tu Domine clamas, reficio, & miseria mea prava magis sequitur deficientem, quàm reficientem: planè infirmitas mea hæc est.* Utinam vnusquisque nostrum cum quodam pio virò dicere possit.

*Suspiro ad Dominum, non est mortale quod opto,
Futilis mundi fastus: honorque vale.*

F Non perpendunt mali hanc rerum humanarum velocitatem: ideo eis adhærent, deperditas deflent; boni verò illas non diligunt, nec de illis curant, cùm tam citò currant. *Carnales mentes*, inquit Gregorius, *Lib. 8: Mor. 11.* idcirco presentia diligunt, quia vita carnis quàm fugitiua sit minimè perpendunt: nam si velocitatem transitus eius aspicerent, hanc etiàm prosperitatem minimè amarent. *Electi autem*, quia presentis vite momenta sub festinatione conspiciunt, nequaquam in hoc tanta mobilitatis itinere, cordis intentionem figunt.

Reuera boni ex presentis vite velocitate harum omnium rerum contemptum colligunt: at verò impij, licèt etiàm illius breuitatem agnoscant, tamen comessationibus, potationibus ac voluptatibus

tribus dandam esse operam concludunt ; sic enim illos se inuicem inuitantes inducit Propheta : *Isai. 22. Manducemus, & bibamus, cras enim moriemur.* Illos irridet Diuus Augustinus, in *Psal. 70.* tanquã malè colligentes. Vni ergo horum nebulonum sic loquitur. *Quid ais? repete: Manducemus, & bibamus. Age, quid postea dixisti? Planè hoc ipso quod postea dixisti, inuicisti mihi timorem ne tibi consentiam; cras enim moriemur Terruisti, dixisti, & precessit, manducemus, & bibamus: cum enim dixisses, manducemus, & bibamus, adiunxisti, cras enim moriemur. Audi contra à me; imò ie iunemus, & oremus, cras enim moriemur.* Ac si diceret: ex eo quòd cras simus morituri, sequitur quòd hodie ieiunare, benefacere, orare, pœnitentiam agere debeamus: non autem manducare, bibere, & lasciuire. Quid enim cras morituro proderit hodierna voluptas, & comessatio? Nihil quoque nocet citò morituro præsens tribulatio.

Cùm itaque & bona, & mala huius vitæ citò præterlabantur, non est de illis curandum: sed illa bona sunt querenda, & mala timenda, quæ eterna sunt. De bonis & voluptatibus huius sæculi, audi quid in inferno dicunt aliàs experti, & his modò priuati, *transierunt omnia illa tanquam umbra.* *Sap. 5.* Cauet u, ne propter transeuntes umbras, ad sempiternas transeas tenebras. De laboribus verò & doloribus huius vitæ sic Paulus, *2. Cor 4.* *Id quod in presenti est momentaneum, & leue tribulationis nostræ, &c. & Petrus: Modicum inquit, nunc si oportet contristari in varijs tentationibus, 1. Petr. 1.* Momentanea, & leuia sunt, quæ in
hoc

hoc mundo patimur: hæc si patienter feramus; emolumentum referemus; quia, teste Gregorio, *Lib. 6. Mor. 14. dum transitorio labore atterimur, à perpetuo dolore liberamur.*

Propterea, cum omnia in hoc sæculo modica sint, & blandimenta, & tormenta: hæc libenter sustineamus: illa verò fugiamus, & sempiterna attendamus. Audiamus Lactantium, *Lib. 6. de vero cult. c. 4. Hæc vita, inquit, quia brevis est; idcirco & bonacius, & mala brevia sint necesse est. Altera verò, quia sempiterna est, idcirco & bona eius, & mala sempiterna sunt. Ita fit, ut & bonis breuib; mala æterna: & malis breuib; bona æterna succedant.*

Renocanda sunt aliquando in memoriam quæ euenire possunt aduersa, ut cum acciderint, a quo animo ferantur. Caput XXIV.

PRudentis est scire illud posse sibi accidere, quod alteri. Nam, ait Publius, *Mi, quod uni accidit, quoque contingere potest.* Itaque iuxta consilium Senecæ, *Epist. 108. id agendum est, ne quid nobis inopinatum sit, quia omnia novitate grauiora sunt: hæc cogitatio assidua præstabit, ut nulli sis malo iyro.* Cum omnibus sis calamitatibus obnoxius, omnibusque telis fortunæ expositus, quid mirum, si quibusdam feriaris? Quod euitasti, pati potuisti, & adhuc potes. Cogita, antequam sentias, quid humanarum rerum varietas possit. Errare illos dicit Cicero, 2. *Reh. qui in prosperis omnes impetus fortune putant fugisse: contra verò sapien-*

pienter cogitare, qui temporibus secundis casus aduersos reformidant.

Multum valet hæc præmeditatio futurarum afflictionum: ea de causa Christus cum alijs, tū Apostolis imprimis futuras accuratè prædixit, ne postquam euenissent, aut scandalizaretur, aut conturbarentur. *Hæc, inquit, locutus sum vobis, ut cū venerit hora eorum reminiscamini, quia ego dixi vobis.* Ioan. 16. Vndè optimè Gregor. Hom. 46. in Euang. *Minus iacula feriunt quæ prævidentur, & nos tolerabilius mundi mala suscipimus, si contra hæc per præscientiæ clypeum munimur.* Cui conuenit illud Senecæ: (Præmeditatio futurorum malorum iam lenit eorum aduentum.)

B Hoc antidotum Gentiles ipsi magni fecerunt. Vlysses, teste Plutarcho, peregrè reuersus cognita repentina sui canis morte, illacrymasse fertur, nō autem cognita morte vxoris, qui multò antè præsumpserat morientis vxoris imaginem. Anaxagoras hoc præsidio munitus, nunciata filiorum morte nihil turbatus, respondit: Sciebam me genuisse mortales. *Laert. lib. 2.* Seuerus Imperator, auctore Dione in ejus vita, Nicæo, vnam sibi parari voluit, in qua sepeliretur, quam crebrò manibus contrectans dicebat: Tu virum capies, quem totus orbis ferè capere non potest. Idque fecit ut memoriam mortis retineret; illudque sibi non esset insolitum, quod sæpe fuerat cogitatum. Quid apud se debeant homines meditari, indicat Terentius his verbis. *In Phor.*

Meditari secum oportet, quo pacto aduersam ærumnam forant,

Peri-

Pericla, damna, exilia: peregrè rediens secum cogitet,

Aut filij peccatum, aut uxoris mortem, aut morbum filia.

Communia hæc esse, & fieri posse, ut ne quid animo sit nouum,

Quicquid præter spem eueniat, omne id deputare esse in lucro.

Theſeus quoque in Euripidis Tragedia optimum ostendit contra dolorem remedium esse, non expectare tempus obliuionis patrem cuncta mitigantem: sed omni studio præueniendo, cuncta prius præmeditari: ait enim. *Volateran. cap. 31.*

Futuras mecum commentabar miseras,

Aut mortem, aut exilium, seu magnum aliquod malum,

Me ne imparatum cura laceraret recens.

Scitum est & illud Senecæ elogium. *Epist. 77. Quæ alij diu patiendò lenia faciunt, vir sapiens lenia facit diu cogitando.*

Hoc antidotum est etiam à diuino Spiritu inculcatum. *Memento paupertatis in tempore abundantia. Eccl. 18.* Ex quibus verbis Diuus Chrysostomus *Tom. 5. Hom. cum Sartor*, fortè suum desumpsit consilium: *In rebus prosperis, ait, expectes aduersas: in tranquillitate tempestatem: in sanitate morbum: in diuitijs paupertatem, ac mendicitatem. Malum enim inexpectatum perturbat animam, si incidat.*

C Idem doctor, *Ibidem.* assignans rationes cur Iob tam constans perstiterit in aduersis, atque illa tam forti animo pertulerit. *Quia, inquit, cum diues*

diues esset, expectabat egestatem: cum sanus esset, expectabat egrotationem: cum tot liberorum esset pater, expectabat, ut subito fieret orbus. Et hanc anxietatem semper apud se aluit, intelligens rerum humanarum naturam & volubilitatem. Huiusmodi autem consideratio, ac futurorum malorum præmeditatio, non solum pium illum virum disponebat ad patienter ferenda quæque aduersa, sed etiã impediēbat ne prosperis delectaretur. Dicebat enim: *Si letatus sum super multis diuitijs meis, & quia plurima reperit manus mea. Iob. 31.* Vnde sic illum interrogat Chrysost. *Quid ais Iob? non delectatus es diuitijs affluētibus tibi? nequaquam. Quid ita? Quoniam illarum mutabilem fluxamque naturam, ac possessionem non durabilem videbam.* Dicam ego cum Poeta. *Ouid. lib. 4. de Ponto.*

Tu quoque fac timeas, & quæ tibi lata videntur, Dum loqueris, fieri tristitia posse puta.

Insanus ille est, qui hic in quibusdam rebus prosperis confidit. Multos vidimus, aut fanè audiui-
mus ē felici statu in maximam cecidisse miseriā;
labi poterant, sed non lædi, & si lædi, non tā gra-
uiter, dummodo se posse cadere sæpius præcogi-
tassent. Quæ modo possides, scito te posse amitte-
re: noli de sanitate gaudere, quia vel minimo
morbo priuari poteris. Habes pecuniam, sed potes
perdere: habes filios, sed poteris non habere. Vn-
de Seneca, *Lib. de consol. cap. 6. Ille amisit filios, &*
tu amittere potes: ille damnatus est, & tua innocen-
tia sub ictu est. Qui quidem ictus iuxta eundem fit
præmeditatione mollis. Nam, inquit, *præcognitio*
mali mollis ictus venit. Epist. 77.

Idem

Idem auctor querit cur in aduersis consolari non
 limus , ac multis angamur doloribus , & hanc af-
 fert rationem . *Vnde Lib. de consol. cap. 9. inquit ,*
pertinacia in deploratione ? nisi quod nihil mali ante-
quam eueniat , proponimus . Quamulto ante præmi-
sa sunt , languidiùs incurrunt . Non putauit futu-
rum quicquam : tu putas non futurum , quod
multis scis posse fieri , quod multis vides eue-
nisse .

D Idcirco suum adhortans Lucilium , vult , vt
 non solum præmeditatione , sed etiam exercita-
 tione ipsa , quasi quadam praxi præparemur ad
 omnia incommoda patienter subeunda : vt , ver-
 bi gratia , qui multis abundat , sit minimis con-
 tentus : qui delicatissimis cibis nutritur , ab illis
 aliquando abstineat : qui mollibus vestimentis in-
 duitur , duris & asperis interdum vestiatur : asse-
 ritque multos hæc præstitisse , atque experimen-
 to comprobasse , se in his plurimum profecisse .
Interpone , inquit , Epist. 18. aliquot dies , quibus
contentus minimo ac vilissimo cibo : dura , atque
horrida veste dicas tibi : hoc est quod timebatur . In
ipsa securitate animus ad difficilia se præparet , &
contra iniurias fortune inter beneficia firmatur .
Miles in media pace decurrit sine ullo hoste , val-
lum iacit , & superuacuo labore lassatur , vt suffi-
cere necessario possit . Hoc secuti sunt , qui omnibus
mensibus paupertatem imitati propè ad inopiam ac-
cesserunt , ne vnquam expauescerent , quod saepe di-
dicissent . Hoc optabat Ethnicus , vt sic dunta-
xat leues redderentur calamitates . Quantò ma-
gis id ipsum & optare , & præstare debet vir Chri-
stia-

Rianus, vt fortiori animo, ac cum merito ferantur infortunia pro amore ipsius, nempe Dei, a quo immittuntur, vel possunt immitti?

Agésilauſ cum admoneretur, vt aliquid de vitæ rigore remitteret, cauſam addente quodam, eam vitæ volubilitatem euenturam, vt tempus aliam viuendi rationem exigeret. *At ego, inquit, me conſueſacio, vt quacumque inciderit fortuna mutatio, ne quæram ipſe mutationem.* Qui ægrotant, Medicos conſulunt, remedia adhibent, pharmaca, potiones, ſanguiniſque effuſionem libenter admittunt: ſed prudentiùs agunt, qui vt infirmitates præueniant, & euitent, huiuſmodi remedijs tanquam præcautione vtuntur, iuxta Sapientis conſilium. *Eccl. 18. Ante languorem adhibe medicinam,* ſcilicet præſeruatiuam, ne poſtmodum purgatiua indigeas. Sic quibuſdam contingit, vt adueniente aduerſitate, ad remedia, ſi tamen ad remedia, non potiùs aliquando ad deſperationes, recurrant. Quod minimè facerent, ſi variis euentibus ſe omnino eſſe obnoxios præcogitarent, ac executioni mandarent, quod ab eodẽ Sapiente inculcatur: *In die bonorum ne immemor ſis malorum Eccleſ. 11.* Obſirmandus eſt itaque animus contra omnes calamitates aliquando obuenturas, vt cum aduenerint, dicas; ſciebam illas mihi poſſe accidere. Fac vt te paratum ad illas ferendas inueniant. Nam impiorum eſſe exiſtimat Gregorius *Hom. 39. in Euang.* nolle futura mala præuidere. *Anima, inquit, peruerſa præuidere futura refuſi, quæ præſentem lætitiã conturbent.*

Q Ad

*Ad patienter ferenda quaque aduersa plurimum
prodest recordatio nostrorum delictorum, propter
quæ sæpe Deus nobis immittit tri-
bulationes . Cap XXV.*

A SIC mihi cum Poeta exordiri liceat ; *Ouid.*
Aequo animo pœnam qui meruere, ferant .
Peccante Adamo , miseriæ, & tribulationes in
mundum sunt introductæ . Quamuis per pecca-
tum illis ianua adaperita sit ; veruntamen propter
propria peccata Deus plurima nobis immittit ad-
uersa .

Sicut enim tonitrua, grando, nix, fulgura, ful-
minaque è cœlo eareo descendunt, quorum si cau-
sa meteorologica perquiratur, inueniemus vapo-
res, & exhalationes è terra fursum ascendere, ex
quibus tempestates illæ formantur, atque proma-
nant . Itaque terra subministrat materiam, qua à
cœlo vexatur . Interim non videntur huiusmodi
vapores dum ascendunt; in tonitrua vero aut ful-
gura, grandines conuersi, percipiuntur . Sic ni-
mirum ex patris peccatis emanant quidam va-
pores, qui fursum ascendentes efficiunt, vt ad nos
descendant fames, pestes, bella, variæ infirmita-
tes, & similia mala, quæ videmus, & patimur, li-
cèt peccata fursum ascendentia, & hæc procuran-
tia, non viderimus . Vnde optimè Chrysostomus:
*Auferamus, ait, malorum fontem, & omnia malo-
rum sistent fluentia .*

Opprimebatur olim Hierusalem acerbissimis
malis, causam ignorabat, cui Dominus per Pro-
phetam :

phetam: *Via tua*, inquit, & *cogitationes tuae fecerunt tibi hac. Ierem. 4.* Id est, non est quòd in inquirenda causa tuarum aduersitatum, ò Hierusalem, fatigeris; *viae tuae & peruersae tuae cogitationes fecerunt hoc tibi.*

Sic, & Michæas Propheta c. 1. postquam grauiissima comminatus fuerat ei, cui admiratio aliqua subire posset, cur Dominus tam diras pœnas in populum suum electum inducere vellet, sic ait; *In scelere Iacob omne istud, & in peccatis domus Israel.* Quasi dicat: non in me, sed in peccatis populi mei, quasi in propria radice continentur omnia mala hæc, quia radix omnium malorum culpa. *In scelere Iacob omne istud.*

Diuis Hieronymus affirmat *Lib. 2. contra Pelagianos.* Deum propter peccata populi interdum permittere malos etiam in sacra, & sancta malè agere, & affert exemplum de Antiocho Epiphane Rege crudelissimo. *Qui, inquit, subuertit altare, ipsamque iustitiam fecit conculcari, quia concessum ei erat à Domino; non hoc fecit quod ipse tantum voluit, sed quod propter peccata populi concessit Dominus.*

Quòd si vniuersaliùs totius orbis mala, prout mala sunt, consideraueris, & causam eorum nosse volueris, tibi pariter respondebo; *In scelere Adam omne istud.* Vnde tot cæci, claudi, surdi, paralytici, tot infirmi? vnde tot pauperes, egentes, afflicti? *In scelere Adam omne istud.* Quòd si ob peccatum protoparentis solùm originaliter contractum, ita clementissimus Deus vniuersum genus humanum punit, ita affligit; quid mirum, si pro actualibus

peccatis nos grauiter puniat? *Chrysippus*.

*Quàm falsò accusant superos, stultiq; queruntur
Mortales ! etenim nostrorum causa malorum
Ipsi nos sumus, & sua quemque vecordia ladic .*

Refert Ockot, in quadam Britanniæ prouincia, iam appropinquante messe numerosam aduenisse locustarum copiam, quæ omnem deuorant segetem: aliqui autem quasdam ex illis locustis acceperunt, in quarum alis hæc duo verba conscripta reppererunt: *Ira Dei*: ne scilicet existimarent homines illius regionis, hæc aliquo casu, & ex naturali tantum causa ita euenisse. Multa illi adhibebant remedia quibus illas effugarent, sed nihil proficiebant cum ex iusta ira Dei propter illorum peccata prouenirent.

Olim Deus quibusdam minitans sic loquebatur; *Si ambulaueritis ex aduerso mihi, ego quoque contra vos aduersus incedam .* *Leuit. 26.* Alij secundum Oleastrum sic vertunt hunc locum; *Si ambulaueritis mihi à casu, ambulabo etiam ego a casu.* Id est, si casui attribueritis ea, quæ mihi attribuenda sunt, ambulabo etiam ego vobiscum cum casu, id est, ostendam me vestra quodammodo non curare, ac si nihil mea intersit gubernare vos. Hoc est pessimum Dei flagellum, cum scilicet ipse tecum egerit, ac si tua non curaret. Qui enim ita delinquant, ac si nulla esset Dei erga humana prouidentia, solet Deus eos negligere, ac si sua non curaret, ut sine villo fræno labantur, & eis promiscuè mala contingant, ac si Deus non aduerteret.

Cum igitur scias omnia mala pœnæ iustè à Deo procedere, noli illi per culpam te opponere, cum
ipse

ipse sit durior te , & extremum malum sit in Deum aduersarium impingere . Si enim vis in eum insurgere , tribulationes in te faciet consurgere : si committas culpam , immitet pœnam .

C Itaque, qui crimina , quibus se obstringit , considerat , supplicia quæ illis sunt debita , patienter tolerat . Ratio est , quia videt se temporaliter in hoc mundo cruciari, qui in futuro merebatur in æternum damnari . Vnde Lactantius *Firm.* *Nemini, inquit, mirum debet videri, si pro nostris sæpe delictis castigamur à Deo : imò verò cum vexamur, ac premimur, tum maximè gratias agamus indulgentissimo Patri, quòd, corruptelam nostram non patitur longius procedere, sed plagis, & verberibus emendat. Ex quo intelligimus nos esse Deo curæ, quibus, quoniam peccamus, irascitur.*

Assignans D. Augustinus *In Ps. 94.* rationem , cur Deus hic puniat, sic nos hortatur, simulque cōsolatur . *Ad tempus Deus emendat, ne in æternum damnet. Elige tibi vnum ex duobus, temporalem dolorem, aut æternum dolorem: omni quippe culpæ debetur pœna, aut æterna, aut temporalis .*

At dices. sunt multi peccatores , qui senescendo pinguescunt, & pinguescentes senescunt, quos nulla pœna tangit, nullus dolor angit : cur igitur hi ob crimina sua non puniuntur , sed vsque ad senectam , & senium remanent impuniti ? Noli , fili , horum felicitati inuidere , cùm nihil sit infelicius felicitate peccantium , & cùm , secundum Anselmum, *In 1. Cor. 11. illi meritiò lugēdi sint, qui cùm inuita peccent, in hac vita non puniuntur.* Nullus est,

Q 3 qui

qui hic puniri non pateretur, si suorum delictorum recordaretur. Qui enim scit se culpam commisisse, nouit etiam se pœnam meruisse. *Perpendant iusti*, inquit Gregorius *Lib. 21. Mor. c. 4. quæ sint mala, quæ iniquos manent, & nequaquam eorū felicitati inuideant, quæ percurrit. Quid est enim, quod de eorum gaudiis admirentur, quando, & ipsi per iter asperum ad salutis patriam; & illi quasi per an. cenaprata ad foveam tendunt?* Vnde Iob; *Nunquid est perditio iniquo?* quasi dicat: etiam. Illi igitur non est inuidendum, licet omnia habeat ad nutum: cunctaque illi prosperè succedant.

D Notanda est valde inclyta illa Dauidis patientia, quæ Semei tolerauit conuicia: cum enim dixisset; *Obmutui, & humiliatus sum, & filii à bonis, Ps. 38.* statim addidit; *& dolor meus renouatus est.* Quis dolor renouatus est Dauidi; cum iniuriis à Semei afficeretur? Præteriti adulterij dolor, cuius tunc recordabatur, vt annotauit Theodoretus, cuius hæc est paraphrasis. *Conuiciis affectus, peccati memini, & stimulus è peccato emissis configebam, reputans hanc esse causam, cur ego maledictus affic-ar, & tyrannide opprimar, & à regis domibus exactus fugere cogar.*

Ex hac peccati memoria etiam ab ore eiusdem Dauidis emanarunt hæc verba: *Dominus precepit ei, vt malediceret mihi;* videlicet propter adulterium quod admisi. Idcirco subiungit idem Theodoretus: *Peccati memoriam habet hæc clausula, quoniam per hoc castigatio euenit.*

In hanc quoque sententiam audiamus Gregorium, *Lib. 30. Mor. c. 17. David, inquit, exurgens*
tem

tem contra se filium fugiens, reduxit ad animam, malum, quod patrauit; & equanimiter pertulit, quod audiuit, & contumeliosa verba, non tam conuicia, quàm adiutoria, quibus se purgari, sibi que misereri posset, credidit. Vide illa conuicia vocari adiutoria. Certum est enim omnia aduersa, si æquo animo ferantur, nos plurimum iuuare ad Dei misericordiam obtinendam, vitæque æternam capessendam. Caue igitur, ne tua impatientia, illa sint tibi impedimenta, quæ tibi esse possunt adiumenta.

Ideo perpende quod ab eodem Gregorio subditur, *Ibidem*. Tunc, ait, illa conuicia bene toleramus, cum in secreto mentis ad mala perpetrare currimus; leue quippe videbitur, quod iniuria percutimur, dum conspiciamus, quia peius est quod mere-
mur.

Hæc peccati recordatio vocabitur, alibi ab eodem doctore omnis furoris, omnisque inestitæ extinctio. Quasi, inquit, *Lib. 20. Mor. c. 5.* aqua ignis extinguitur, cum surgente furore animi, sua cuique ad mentem culpa renocatur.

Quantæ etiam sit vilitatis nostrorum peccatorum recordatio, attendenda sunt verba Diui Chrysostomi *In Psalm. 50.* de eodem Dauide loquentis. Non est oblitus, inquit, peccati sui, quamuis indultum sibi fuerit, ille tamen in conscientia sua tanquam in imagine adulterium, & homicidium depictum habebat: & per singulos dies videbat putredinem, & ideo dicebat: & peccatum meum contra me est semper. Ego illud video, tu ne id cõsideres. Ego illud scribo, tu quasi Dominus de-

le . Vide enim quid sit . Si tu memor sis , Deus non erit memor ; si tu oblitus eius fueris , Deus eius memorabitur . Vides quomodo David peccati sui, etiam remissi recordabatur , vt Deus illius obliuisceretur . Tūc enim Deus obliuiscitur, quando non irascitur : & tunc non irascitur, quando peccatum cognoscitur . Tunc autem cognoscitur , quando pœna propter illud immissa patienter toleratur .

O felix recordatio, qua cessat, aut saltem minus vexat Diuina castigatio ! Qui graui morbo corripitur , statim recordatur præteritæ intemperantiæ suæ in edendo, & potando , vnde illum sibi morbum contigisse putat : hoc enim pacto tanto redditur morbus tolerabilior , quantò , causa illius cognita, fiet curabilior . Sic cognita per recordationem culpa, tanquam afflictionis causa, fiet per consolationem leuior pœna .

E Et cū quis ex inopinato captus à magistratu , ducitur in carcerem , statim memoria repetit prius scelera admissa , de quibus timet se accusatum, & propterea tunc detrudi in carcerem, quibus quidem in memoriam reuocatis, tunc sibi ipsi consulendo, & seipsum consolando , qualiter sibi sit respondendum, cogitat .

Clarissimum huius effectus recordationis exemplum habemus in fratribus Ioseph , qui durè admodum , asperèque tractati à Ioseph, & in carcerem coniecti , vt facia testatur historia , confestim recordati sunt sceleris , quòd in fratrem admiserant , ideòque se meritò illi pati confessi sunt , dicentes : *Genes. xxxxi.*

Me-

Meritò hæc patimur, quia peccauimus in fratrem nostrum, videntes angustias animæ illius, dum deprecaretur nos. & non audiuiamus: idcirco venit super nos ista tribulatio. Genes. 42.

Hac omnia audiuit, & percepit Ioseph nescientibus fratribus, eo quòd, ait Scriptura, *per inter- pretem loquebatur ad eos: & miserans eis, auertit se parumper & flevit, & reuersus locutus est ad eos.* Tamdiu Ioseph peccatores fratres suos flagellauit & corripuit verborum suorum stimulis, donec peccatum suum agnoscerent, & dicerent: *Meritò hæc patimur.* Diu & durius fuissent cruciati, nisi peccatorum suorum fuissent recordati. Sic miserebitur nostri Deus noster, si debitas penas nos luere cognoscamus, dicamusque: *meritò hæc patimur, quia peccauimus in Deum nostrum: ac faciamur cum Dauide, iusta esse iudicia Dei, atque sic humiliter clamemus. Induxisti omnia hæc propter peccata nostra. Dan. cap. 3.* Vnde optimè Diuis Hilarius, in *Psal. 118. Quando, inquit, morbi vocabunt, passiones & cruciatus corporis deficiunt, damna defatigabunt, luctus & orbitates affligunt, semper utemur hac voce, qua usus est Propheta: iustus es Domine, & rectum iudicium tuum.* Verè iusta & recta illa iudicia, quæ cessare non faciunt in peccatore tribulationem, quoadusque peccata veniant illi in mentem per recordationē, & in os per confessionem.

In illo ludo, qui vulgò, *la main chaude*, vocitatur, consueuerunt ludentes alicuius velare faciē, & postmodum illius manum percutere, cumque iteratos ictus subire cogunt, donec percutientem depre-

deprehenderit. Sic solet Deus propter peccata calamitatibus nos afficere; sed quia aliquando bellis grassantibus, interdum verò aeris intemperiei, alijsve causis, & non delictis nostris impu-
tamus; ideo iterum affligi meremur & cogi-
mur, quoadusque propter peccata, aduersa illa nobis euenire confiteamur.

Pulchra similitudine ostendit Diuus Giegor. *Lib. 10. Moral. cap. 5.* quonam pacto sint dolores quos patimur, temperandi. *Dolor*, inquit, *flagelli temperatur, cum culpa cognoscitur, quia tantò quisque ferramentum Medici patientiùs tolerat, quanto magis putridum conspicit esse quod secat.*

F Quid in cruce consolabatur pium Latronem, nisi delicti sui recordatio, propter quod se meritò cruciari fatebatur? *Nos*, inquit, *digna factis recipimus. Luc. 23.* Nisi humiliter culpam agnouisset, patienter pœnam non sustinuisset, atque ita de salute sua, sicut alter Larro desperasset. Itaque ex vexatione oriebatur peccati recordatio; ex recordatione consolatio: ex consolatione confessio: ex confessione deprecatio: ex deprecatione exauditiō: ab exauditione promissio: & ex promissione in Paradisum migratio.

Obijcies: Iudas suum agnouit peccatum, dicebat enim: *Peccavi tradens sanguinem iustum. Matth. 27.* Verumtamen in illa recordatione non inuenit consolationem, sed in sui dispendium properauit ad suspendium. Ergo videtur peccati recordatio parum prodesse, sed potius obesse. Respondeo, Iudam impatientia sua perijsse: poterat enim expectare Christi passionem, quam
spe-

sperando, maximam inuenisset consolationem; quia suam distulisset desperationem. Vnde magnus Leo, *Ser. 1. de Passione*, sic illum alloquitur: *Si expectasses*, inquit, *donec Christi sanguis pro omnibus funderetur peccatoribus, informis lethi suspēdium distulisses*. Debebat enim attendere, & humiliter recurrere ad Christum quem offenderat, & non ad eos quibus illum tradiderat, & illam punitionem expectare, atque libenter tolerare, quæ sibi ob suum scelus fuisset immissa; sed maluit sibi mortem consciscere, quàm in hoc mundo vel minimam pœnam subire, & potius se interimere præ tristitia, quàm viuere cum tristitia. Ille, inquit Euthymius, *ad mortem confugit, ut à tristi vita citius liberaretur*.

Nolebat scelestus ille in hoc mundo conuenire Christum, sed in alio præuenire Christum: ad eum viuens noluit recurrere, sed ei moriendo putauit occurrere. Huius sententiæ est Origenes, *Tra. 35. in Matth.* qui ait: *Existimauit Iudas præuenire in morte moriturum magistrum, & occurrere ei cum anima nuda, ut corflens & deprecans misericordiã mereretur*. Idem sentit Theophyl. *Idcirco*, inquit, *se Iudas strangulauit, ut præueniat Iesum in inferno, & ibi orando salui ē assequatur*. Verùm, qui hic pœnitentiam non agit in corpore, anima nuda veniã non impetrat: neq; ibi potuit eius exaudiri deprecatio, vbi nulla est redemptio. Dico itaque cum D. Leone, *Ser. 3. de pass.* non peccati recordationem, sed desperationem traxisse Iudam ad laqueum.

Noli tu desperare, cùm possis veniam impetrare. Ideo cùm propter peccata veniant aduersa,
noli

noli recusare pœnam, qui voluisti perpetrare culpam. Cato.

Quod merito pateris patienter ferre memento.

Sancti ipsi, inter quos Daniel, Isaias, Esdras, David, afflictiones suas semper suis suorumque peccatis imputarunt: ideo libenter tolerarunt. Nam, teste Gregorio, *In Registro facilis erit consolatio, si inter flagella, qua patimur, delicta quæ fecimus ad memoriam reuocemus.* Quia, secundum eundem, *mala, quæ patimur peccata nostra meruerunt.*

Et quamuis tuarum tribulationum causam ignores, scito tamen illas iuste tibi immitti ab eo, cuius iudicia iniusta esse non possunt. Hinc D. Isidorus, *Lib. 3. de sum. bono. Discat non murmurare, qui mala patitur; etiam si ignoret cur patiatur. Per hoc quisque se iuste pati arbitretur, quia ab illo iudicatur cuius nunquam iudicia sunt iniusta.*

Suam sortem, suumque statum quisque patienter ferat. Caput XXVI.

S Apienter à Manilio, lib. 4. dictum est.
--- *Sors est sua cuique ferenda.*

Ad hoc autem maximè prodest patientia, sine qua non potest quis intra limites sui status se continere. Testis sit mihi Boetius, *De consol. Philosoph. ca. 2. prof. 4.* qui ait, *Quis est ille tam felix, qui cum dederit impatientiæ manus, statum suum mutare non optet? Quis est enim tam compositæ felicitatis, ut non aliqua ex parte cum status sui qualitate rixetur?*

Primus suæ fortis impatiens exitit Lucifer;
qui

qui adhuc existens in cœlis, suo non contentus statu altiora appetijt, ac Dei similitudinem affectare præsumpsit: sed qui plus æquo ascendere voluit, descendere coactus est. Postmodum, qui sua sorte non fuerat contentus, hominem sui status impatientem reddere studuit, illi inuidendo, ac impatienter ferendo quod ad imaginem & similitudinem Dei conditus esset, ac sedes illas, è quibus ipse cum socijs suis meritò eiectus fuerat, occupaturus esset. Hoc optimè observauit Tertullianus. *Lib. de patient. cap. 5.* de impatientia diaboli differens: *Adeò inquit, decepit hominem, quia inuiderat: inuiderat autem, quia doluerat: doluerat, quia patienter utique non tulerat.* Itaque si patienter diabolus tulisset, non doluisset: si non doluisset, non inuidisset: si non inuidisset, non decepisset: & non decepisset, si de cœlo lapsus non fuisset: nec lapsus fuisset, si suæ sortis patiens exitisset.

Sicut igitur diabolus fuit proprij status impatiēs impatienter etiā tulit tranquillū illū statū primorum parentum, qui vtinam sua sorte contenti in illo amœnissimo loco mansissent: non enim in tot damna genus humanum fuisset prolapsū. Quantum malorum causa adhuc extat nostræ fortis impatientia? Hinc illa animi inquietudo, vt vnusquisque iudicet sortem alienam sua propria feliciorē. Vnde Horatius. *Lib. 1. Epist. 14.*

Alienum nobis, nostrum plus alijs placet.

Iucundior nobis apparet aliena conditio, ac Ouid. *lib. 1. de arte.*

Fertilior seges est alienis semper in agris.

Inui-

B Invidet mercator militi, miles autē mercato-
ri: laudat Iurisperitus agricolam: agricola verò so-
los ait felices in vrbe morantes. *Hora lib. i. Epist.*

O fortunati mercatores! grauis annis

Miles ait, multo iam fractus membrat labore.

Contrà mercator, nauim iactantibus Austris,

Militia est potior. ---

Agricolam laudat iuris, legumque peritus,

Ille datis vadibus, qui rure extractus in urbem

Solos felices viuentes clamat in vrbe.

Illum Seneca, *Epist.* 45. existimat beatum. (qui
neminem videt, cum quo se commutatum vellet.)
Scito in quocunque statu huius vitæ semper ali-
quid reperiri, quo doleamus. Pensanda sunt ver-
ba Saulis ad filios Gemini: *Non est*, ait, *qui vicem*
meam doleat ex vobis. 1. Reg. 22. Quid videbatur
dolendum in Saule? Rex erat, & diues: quando
adhuc erat armentarius & asinas pascebat, magis
videbantur eius vices dolendæ: sed in regia digni-
tate constitutus, nescio qualiter fuerit plangen-
dus, nisi quia etiam in sublimioribus, regiisque
dignitatibus huius sæculi, quædam semper inue-
niuntur compassione & dolore digna. Aliquid
Saul patiebatur, quod, licet non appareret, illum
tamen plurimum cruciabat. Habent Reges, &
Principes suum calicem, suamque gestant cru-
cem: quamuis enim diuitijs ac delicijs affluant,
imperent ac potentia suâ subditos terreat, non
tamen sunt sine metu, qui eos plurimum angit.
Quod autem & aliquando cur non sint sine me-
tu, ostendit Cyprianus, *Lib. 2. Epist.* 2. ad *Donat-*
um. *Maior illis, inquit, quàm cæteris metus est: tam*
ille

ille timere cogitur, quàm timetur; qui securus non finit esse subiectos, tam necesse est ut nō sit ipse securus.

Optabāt filij Zebedæi suam mutare sortem, & ab humili ad sublimem statum transire: sed Christus ad eos: *Potestis, inquit, bibere calicem, quem ego bibiturus sum? Matth. 20.* Ac si diceret: sedeatis licet ad dexteram, siue ad sinistram in regno meo, semper erit vobis calix bibendus: quia nullus est status in hoc mundo, qui suum non habeat calicem. Quod quidem figuratur in sacculo Benjamin, *Genes. 44.* quamvis dilecti, in quo repertus est calix. Traditum est memoriæ, quendam ex olitore factum esse Regem, & cum ex eo requirerent aliqui, qua ratione prioris vitæ inopiam & incommoda tolerasset, respondisse: *requirere potius deberetis, quemadmodum toleraturus sim acerbitates vitæ regię.* Magna in oleribus reperiebat acerba, sed maiora in sceptris & diadematis.

Si vidisses Aman in Curia Regis Assueri fortè illi inuidisses, statumque tuum cum suo cōmutare uoluisses, felicemque illum iudicasses, tanquam secundū à Rege, omnibusque diuitijs & honoribus affluentem: sed scito ipsum cruce non caruisse, cum tandem in ipsa fuerit suspensus. *Hester. 7.* Quot Regum amasij fuerūt trucidati, aut ultimo supplicio affecti? Dices: hæc omnia euadam: esto; sed animi anxietatem, curam & sollicitudinē quam adhibere oportet, ut Regi placeas, inuidiā & calumnias vix euadere poteris, quæ tibi amarissimum calicem propinare poterunt, quem nolens bibes. Ergo si non mihi, saltem Poetæ credito,

Vine

Vine bene, & longè nomina magna fuge.

& paulò post. *Quid. lib. I. de Tristibus.*

*Crede mihi, bene qui latuit, bene vixit : & intra;
Fortunam debet quisque manere suam.*

Quid nobis à Sapiente dicatur, attendere debemus: *Minima pro magnis tibi placeant.* Cui congruit quod ait Seneca, (Redigete ad pauca ex quibus cadere non possis.) Nam de parvis parua: de minimis minima: & de magnis magna reddenda est ratio: Eorum semper timemus casum, quos recta, aut arborum summitas, vel montium cacumina ferunt; non autem eorum qui in imo iacent: sic valdè pertimescendum est ne in aliquo sublimi statu, aut dignitate constituti, lapsu grauiore ruant.

D Duobus potissimum generibus hominum inuidere solemus, nimirum, potentibus, & possidentibus, illorumque statum cum nostro; si inferior sit, commutare optarem: sed reuera compassione potius, quàm æmulatione digni sunt. Atque imprimis hoc vnum, quod à Sapiente de potentibus huius sæculi, & de superioribus dicitur, tibi sufficiat, vt tua sis tenuitate contentus, & gaudeas, imò Deum laudes, quòd exiguus sis. *Exiguo enim*, ait ille, *Sap. 6. conceditur misericordia: potentes autem potenter tormenta patiuntur.* Gaudeas etià quòd inferior & subditus sis, nec optes alijs præesse: *Quoniam*, ait idem, *iudicium durissimum in his qui præsumunt, fiet. Ibidem.* Vis igitur grauiissima tormenta, ac durissima euadere iudicia? noli dignitates, vel prælationes quarere. Item, si in aliqua dignitate constituaris, vel bene te geres, vel male,

lè : Si bene, infirmaberis, cogerisque cum Apostolo. 2. Cor. 11. dicere; *Quis infirmatur, & ego non infirmor?* Si autem malè, omnes irridebunt te, quod non minimo tibi erit supplicio. Ergo necesse est Prælatos vel infirmari, vel irrideri, vel in solitudine esse; nam, *qui præst, in solitudine est.* Rom. 12.

Præterea, noli possidentibus siue diuitibus inuidere: si pauper sis, esto tua paupertate contentus. Sic se habebat mater Tobiaë, c. 5. dum diceret; *Sufficiebat nobis paupertas nostra.* Perpende quid diuitibus contingat: Nam in primis non dormiunt; *Saturitas diuitis non finit eum dormire.* Eccles. 5. Maledicuntur, *Va vobis diuitibus,* Luc. 6. Vix intrabunt in Regnum cælorum: *Amen dico vobis,* ait Christus, *quia dives difficile intrabit in regnum cælorum.* Matth. 19. Non debent inuitari ad prandiū, nec ad cœnam; *Cum facis prandium,* Luc. 14. ait idē Saluator, *aut cœnam, noli vocare diuites.* Irretiuntur laqueo diaboli; nam, teste Apostolo, *qui volunt diuites fieri, incidunt in laqueum diaboli.* 1. Tim. 6. Cur igitur optas sortem illorum, qui non dormiunt, qui anathemate feriuntur, qui à cœna, & à cœlo excluduntur, & qui à dæmone illaqueantur? Deinde non ille dives est, quē tu putas. Audi Ausonium:

Quis dives? qui nil cupiet; quis pauper? avarus.

Hinc illud Stoicorum axioma: Solus sapiens dives est, eo quod nihil concupiscat. Qui enim adhuc aliquid concupiscit, non habet satis, ac consequenter dives non est. Vt igitur ditescas, nihil concupiscas. (Quid enim, ait Seneca, decesse potest extra desiderium omnium posito? quid extrinsecus

R opus

opus est ei, qui omnia sua in se collegit ?)

E Apud antiquos commune erat illud elogium ; *Se contentus est sapiens* . Quod explicans idem Seneca ait ; (Ad beatè viuendum, sed non ad viuendum tantum ; ad hoc enim illi multis rebus opus est, ad illud autem solo animo suo, & erecto, & despiciente fortunam) Vnde Cicero , *Paradox. 2. Virtus, inquit, se ipsa est contenta, & qui virtutem habet, ei nihil deest ad beatè viuendum* . Sibi olim gratulabatur Socrates , quòd iuxta naturam viuens, ac paucis assuetus, diuitum delicias non cuperet .

Receptissima etiam semper hæc fuit inter sapientes sententia : *Natura paucis est contenta* . Quid autem postulet natura, ostendit Seneca . *Panem* . inquit , *& aquam natura desiderat , nemo ad hæc pauper est , intra quæ quisquis desiderium suum clausit, cum ipso Ioue de felicitate contendat* . Vnde & Iuuenalis . *Satyr. 14.*

—— *Panem queramus aratro ,*

Qui satis est mensis . ——

Idipsum clamat Lucanus . *Lib. 4. de bell. ciuil.*

Discite quam paruoliceat producere vitam ,

Et quantum natura petat . ——

Qui autem ad luxum, ad vanitatem, & voluptatem, vel ad delicias viuere cupit, nullis est contentus: quia postquam vnum adeptus est, aliud insequitur, quo adepto alterius tenetur desiderio ; atque ita nunquam est contentus eo, quod possidet, quia non habet illud quod desiderat . Eset semper homo contentus, si nihil aliud optaret , nisi quod illi satis est . Illud autem quod nobis satis est,

est, præ manibus nostris est, teste eodem Seneca, *Epist. 4. Ad manum est, ait, quod satis est.*

Reuera ad manum habemus, quod nobis sufficit, & satis est, nempe Deum, qui est *Saddai*, id est, ipsa sufficientia; quam quidem sufficientiam ut ostendatur nos habere præ manibus, obseruandum est, nos in manu gestare descriptum nomen illud *Saddai*; nam aperta palma, duobus digitis, scilicet pollice, & indice, paululum inflexis, & tribus aliis æqualiter erectis, efformatur nomen *Saddai*: quia tres digiti erecti formant, quodammodo litteram Hebraicam *ש* *schin*: index verò, & pollex inflexi litteras *ד* *daleth* & *י* *iod*, quibus quidem litteris coalescit nomen *Saddai* *יש* quod cum sufficientem Deum significet, significatur etiam nobis, ad manum nos habere quod satis esse & sufficere debet. Nimis ergo est auarus cui Deus non sufficit, aut qui Deo non est contentus. *Homo*, inquit Diuus Cyprianus, *cuius Deus est, quid quaerit amplius? Si sufficis tu Deo, sufficiat tibi Deus.*

F Pulchrè ostendit Chrysostomus, *Hom 79 in Ioan* nos tantò magis Angelis assimilari, quantò paucioribus fuerimus contenti, ac maximè libertati nostræ derogare, si multa desideremus. *Nonne*, inquit, *in hoc ab Angelis differimus, quòd ipsi non egent, ut nos? Igitur quantò paucioribus indigemus, tantò magis Angelis appropinquamus: quantò pluribus, tantò magis ad hanc caducam vitam deflectimus: & quanto plura amplecteris, tantò magis derogas tua libertati, vera namque libertas est, nulla re indigere, &c.* Imò verò non solum Angelis assimilabitur, qui nulla re indigebit,

sed & ipsi Deo, secundum Socratem, qui dicere solitus erat, illum esse Deo simillimum, qui quàm paucissimis egeret, cū Deus omnino nullus egeat rei. Qui multa desiderat multis indiget, qui pauca, paucis. Idem Socrates per forum obambulans, cū aspiceret mercium copiam, quæ illic vendebantur; ita secum loqui consuevit; Quàm multis rebus non egeo: ast alij cruciantur animo sic cogitantes; quàm multa mihi desunt.

Porro, attendas velim multos te esse pauperiores, te inferiores, ac te miseriores. Postquam igitur ad ditiores, & ad sublimiores respexeris, conuertere parumper ad eos qui inferioris sunt conditionis. Chilon cuidam propter sua mala dolenti, dixit: *Si aliorum omnium mala perpenderis, minus agrè feres tua.* Similiter & Poeta. *Ouid. ult. Met.*

— *Similes aliorum respice casus,*

Mitius ista feres. —

Quanti sunt, qui pauciora quàm tu possident, & tamen viuunt contenti? Talibus loquebatur Iuuenalis, *Satyra 14.*

Vinite contenti casulis, & collibus istis,

O pueri. —

Sed meliora, & gratiora, qui propter Deum paucis, aut nihilo fuerint contenti, vel si quæ possederint, pauperibus erogauerint, audient à Christo; *Venite benedicti Patris mei, possidete paratum vobis regnum, &c. Matth. 25.*

Teste Plutarcho, sicut quidam alienas picturas, poemata diligenter aspiciunt, ac singula excutiunt per otium, sua neglectui habent: sic multi alienas fortunas magis admirantur, suas oderunt.

Item,

E Item, quemadmodum vincti beatos iudicant solutos, soluti liberos, liberi ciues, hi rursus diuites, hi Reges, Reges verò Deum, tonare prope modum ac fulgurare cupientes: sic qui semper expendit, quantò sit aliis inferior, nunquam sua contentus est sorte.

Insuper, sicut qui morbo laborant, cibos purissimos, & lautissimos fastidiunt, & recusant, iidem restituti bonæ valetudini, caseo, aut cœpe libenter vescuntur: ita stultis, & animo laborantibus magna fortuna iniucunda, sapientibus autem humilis ac tenuis fortuna iucunda, & grata erit.

Qui aliqua tristitia aut miseria afficiuntur, se solos infortunatos esse putant, nec recordantur similes casus alijs accidisse, & adhuc accidere posse. Vnde Sophocles dicebat;

Nunquam oportet felicem existimare sortem fortunati.

Quia, ait alius: *Diphilus.*

Fortunam habemus in dies mutabilem.

Itaque Horatius, *Epist. lib. 1. Epist. 14.* ipse stultum iudicat, cui propria sors non placet,

Rure ego viuentem, tu dicis in urbe beatum,

Cui placet alterius. sua nimirum est odio sors:

Stultus vterque locum immeritum causatur iniquè.

Interrogatus Epictetus, quis ditior, & felicior in hac vita haberetur; cui, inquit, satis est, quod habet.

Morosum sanè est genus humanum sortem suam accusans, & animum gerens grauatum, propriumq; vnumquemq; plus quàm alienū affi-

cit, & quo quisque tenetur, hoc omnium molestissimum esse dicit. Quod ipsum etiam in egregia, & lepida fabella de Asino subinde dominos suos mutante depingitur. Nam apud olitorem, seruiens conquerebatur de pabuli inopia, & nimio labore: apud figulum illi molestum erat, quòd cogeretur assiduè portare lutum, & lateres, multò igitur magis in hoc suo rerum statu deplorabat suam iniquiorem sortem, quàm priùs. Tandem venditus coriario, ibi demum acerbam, & luctuosam vitam agebat. Onustus enim fœtidis fratrum suorum, & affinium pellibus, vanis votis serò priores conditiones exoptabat. Teste me igitur Cicero, *Sua*, inquit, *quemque fortuna pœnitet*. Sed immeritò, cùm in hoc huic stolido animali assimiletur.

H. Pulchra quadam similitudine ostendit Apostolus, non esse conquerendum de sorte, qua Deus nos donauit, aut de statu ad quem vocati sumus: sic enim loquitur. *Nunquid dicit figmentum ei qui se finxit, quid me fecisti sic? An non habet potestatem figulus luti ex eadem massa facere aliud, quidem vas in honorẽ, aliud verò in contumeliã? Ro. 9.* Hinc sequitur, quòd quisque sua sorte contentus esse debeat: sicut enim lutum tantum est lutum; sed ex manu figuli hanc, vel illam formam sortitur: ita homo ex sua humo nil nisi humum, & lutum habet; sed ex Deo habet, quòd sit homo rationalis, diues, nobilis, sapiens, felix, gratiofus. Deus enim cuique dat suam formam; & secundum sapientem, *cuique diuidit sua dona prout vult. Eccl. 33.* Deinde, sicut lutum non potest dicere figu-
lo,

lo, cur me fecisti sic ? Ita nec nos Deo dicere possumus, cur nos fecisti pauperes, ignobiles, rudes, infirmos ; illos verò diuites, nobiles, formosos, sapientes, validos, & fortes ? Et sicut vas non inuidet vasi pulchrioris formæ : ita non debet homo homini sublimioris fortunæ inuidere.

Noli esse admodum materiæ horum inferiorum, siue elementaris, quæ non contenta sua forma, semper aliam appetit, vnde subsequitur illius corruptio & alteratio : sed, cum potius cælo, quàm mundo natus sis, esto sicut materia cælestis : cuius forma satiat omnino appetitum eius, ideo corpora cælestia remanent incorruptibilia. Fac itaque vt satieris, & contentus sis illo statu, ad quem Deus te vocauit, ac illa tibi sufficiat sors, qua Deus te donauit, in illa propter Deum patienter ferendo quicquid tibi aduersi contigerit : vnicum dumtaxat doleas, & fugias statum, scilicet peccati, à quo tibi, quàm citissimè poteris, recedendum est, & ad alium, videlicet gratiæ, transeundum, quam tanta debes auaritia appetere, quanta nouam materia sublunaris appetit formam.

Alium quoque tibi consulo quærere statum, nimirum cœlestem illum, & æternum, in quo viuunt beati : ibi enim erimus contenti, quia illum videbimus, illoque fruemur, in quo omnia sunt contenta. Vnde Augustinus : *Ex manual. Aug. tom 9. Quid vagaris, inquit, homuncio? ama vnum bonum in quo sunt omnia bona, & sufficit. Desidera simplex bonum, quod est omne bonum, & satis est. Quid enim amas caro mea ? Quid desideras anima*

R 4 mea?

in ea? ibi est quicquid amas, ibi est, quicquid desideras.

Sumendum est igitur documentum ex illa nostra inquieta conditione, dicendumque cum eodem doctore. *Inquietum est cor nostrum, Domine, donec requiescat in te*, quia non ad creata, sed ad creatorem conditi sumus.

Nihil prodest, imò plurimum obest mœrore confici.

Caput XXVII.

AR Eceptissima est illa Senecæ sententia, Epist. 100. *Supervacaneum est dolere, si nihil dolendo proficias*. Notandum est duplicem dari tristitiam; unam secundum Deum: alteram sæculi. De utraque sic quærit Basilii, *In reg. breu. interrog. 192. Quæ est tristitia secundum Deum, & quæ sæculi?* Respondet ipsemet: *Tristitia, inquit, secundum Deum est, cum quis ob mandati negligentiam, ac contemptum tristatur. At verò mundi tristitia est, ubi quid humanum, & mundo dignum fuerit, quod tristitia afficit.*

Tristitia igitur secundum Deum est, quæ concipitur propter Deum offensum, de qua sic Apostolus ad Corinth. 1. Ca. 8. *Gaudeo, non quia contristati estis, sed quia contristati estis ad poenitentiam. Contristati enim estis secundum Deum: quia enim secundum Deum tristitia est, poenitentiam in salutem stabilem operatur*. Quasi diceret: non simpliciter, quia contristati estis, ego gaudeo, sed quia dolentes de Dei offensa, recurristis ad poenitentiam. Illa sola bona est, & laudanda tristitia, quam

quam sequitur pœnitentia. Nullus dandus est locust tristitiæ, nisi ad expulsionem nequitiae. Peccari remedium tristitia est, quæ ideo tantum conceditur, ut patratum peccatum deleatur: nec ad aliud valet tristitia, qua si quis afficiatur, frustra dolet, si tantum propter Deum offensum non dolet. Audi quæso auream Diui Chrysostomi sententiam, *Hom. 5. ad pop.* de usu, fine, & fructu huius tristitiæ loquentis: *Tristitia*, ait, *ob id nobis data est, non ut in morte, aut alia re doleamus, sed ut deleamus peccatum, quasi morbi illius remedium. Sicuti ergo remedium lippitudinis illam tollit, non alios morbos: sic tristitia peccatum tollit, non alias egritudines: verbi gratia, pecunia quis mulctatus est, doluit, non emendauit: filium amisit, doluit, non resuscitauit mortuum: contumelijs affectus est, doluit, non reuocauit contumeliam: infirmatur, dolet, morbum non aufert, imò auget: & peccat quis, tristatus est, peccata deleuit. Ergo tristitia tantum facta est propter peccatum, à quo nata est: ideo ut tinea ipsum corrodit & absumit, &c.* Vult iste doctor, ut dumtaxat tristemur & pœniteamus propter peccata commissa, cum aliàs sit nostra tristitia superuacanea.

B Tristitia autem sæculi, vel carnalis est, quæ nascitur ex nimio amore & amissione bonorum huius sæculi, ut propter opes, voluptates amissas, aut propter amicos, aut potentes offensos. Hæc sæpè mortem animæ operatur, quia incitat ut per Dei offensam illa recuperentur. De illa sic idem Apostolus; *Sæculi autem tristitia mortem operatur. Ibidem.* etiam aliquando corporis; multienim,
dum

dum nimis sua, vel suos lugent, tabescunt, luctu opprimuntur & moriuntur. Vnde Ecclesiasticus: *cap. 30. Multos, inquit, occidit tristitia.* De illa igitur sæculi tristitia loquor, quam, cum nullum afferat commodum, inò multa incommoda, explodendam omnino censeo, iuxta consilium eiusdem Sapientis, qui ab ea sic dehortatur; *Tristitiam longè repelle à te. Ibidem.*

Sed dices: quomodo expellere potero huiusmodi mœrorem, qui etiam mihi nolenti accidit? Imprimis, si non reputaueris tibi aliquid triste accidisse: quia ut plurimum opinione nostra potius quàm re ipsa dolemus. (Levis dolor est, inquit Seneca, *Epist. 77.* si nihil illi opinio adiecerit. Ad opinionem dolemus, tam miser est quisque, quàm credidit.) Epictetus quoque Philosophus dicebat, homines perturbari non rebus, sed his, quas de rebus, habent, opinionibus.

Idcirco dicere solebat: (Si videris aliquem flectem in luctu, vel propter absentem filium, vel amissas pecunias, caue ne tua te phantasia in errorem simulabripiat, tanquam ille malo quopiam laboret: sed statim cogites illum non rei euentu, sed opinione sua cruciari.

Hoc autem ita se habere constat: nam plurimis legimus aliqua placuisse, quæ alijs omnino displicent. Tibi, verbi gratia, non arident infirmitates, contumeliæ, necessitates, persecutiones, & cætera huiusmodi: placebat verò Apostolo Paulo, qui dicebat; *Placeo mihi in infirmitatibus meis, in contumelijs, in necessitatibus, in persecutionibus, in angustijs pro Christo. 2. Cor. 12.* Tibi aliquis

locus

locuserit exilium, aliquibus verò patria.. Vnde Boetius; *Lib. 2. de cons. Phil. prof. 4. Hic ipse locus, quem, tu exilium vocas, incolentibus patria est. Adeò nihil est miserum, nisi cum putes.* Vides igitur te potius opinione tua, quàm rebus ipsis torqueri: desinat illa tua opinio, desinet & tristitia. Potes opinionem deferere; ergo & mœrorem.

C Quòd autem hoc sit in nostra potestate, sic ostenditur. Tristitia causatur ex apprehensione alicuius noliti; vnde vocatur etiam ab Augustino, *Gabr. lib. 14. quæst. 1. art. 3.* apud D. Thomam 1. 2. *quæst. 35. art. 3.* afflictio quædam voluntatis de his quæ nobis nolentibus accidunt. Itaque duo concurrunt simul tanquam causæ partiales ad tristitiam, scilicet intellectus apprehendendo aliquod discōueniens, & voluntas illud nolendo: potes autem auertere huiusmodi apprehensionem, impediendo intellectum tuum, ne feratur ad considerationem illius disconuenientis: potes similiter impedire huiusmodi nolitionem, quia potest voluntas tua elicere actum volendi etiam ea quæ sibi displicent, utpote afflictiones, morbos, temporarium iacturam, & similia, in quibus plerique non tantum non tristantur, sed ea cupiendo & volendo delectantur. Est igitur in tua potestate tristari, vel non tristari. Quod si non esset, cur diceret Scriptura; *Tristitiam ne des animæ tuæ? Eccl. 30.* Præsupponit ergo Sapiens, nos posse non dare tristitiam animæ nostræ: ideo hortatur ne demus carnalem illam & sæculi tristitiam, tanquam nociuam. Vnde Cassianus, *lib. 9. inst. c. 12. Absque illa, inquit, tristitia, quæ vel saluari pœnitentia, vel pro studio* *perfe-*

perfectiōis, vel pro desiderio futurorum suscipitur, omnis tristitia tanquam saculi, & quæ mortem inferat, equaliter repellenda est, ac sicut fornicationis spiritus, vel philargyriæ, vel iræ, de cordibus nostris penitus extrudenda.

Cùm itaque in nostra potestate sit positum, repellere huiusmodi tristitiã, meritò arguit Seneca, *Ad Lucil. Epist. 64.* eos, qui in dolore non consolantur, nisi cùm dolore lassantur, quia sic nō relinquunt dolorem, sed à dolore relinquuntur. (Turpissimum est, inquit, in homine prudente remedium meroris, lassitudo merendi. Malo relinquas dolorem, quàm ab illo relinquaris.) Vult etiam Diuus Ambrosius, ut ratione, non tempore nostra leniatur mœstitia. *Cur, inquit, mœstitiã tuã non ratio potius, quàm dies leniat? Orat. 2. in Satyr.*

D Præterea, considera, sitne futurum, præteritum, an præsens malum, ob quod merore afficeris. Si enim sit futurum, vel erit certum, vel incertum: si certum & infallibile, cur doles, antequam necesse sit? Nam, teste Seneca, *Lib. 2. de provid.* (ille plus dolet, quàm necesse est, qui antè dolet, quàm necesse sit.) Noli igitur esse futuri anxius, ne fias ante miseras miser. Plus enim inest mali expectando, quàm patiando, ait Euripides.

Si autem incertum sit, scito Diuum Chrysostomum existimare animi esse prorsus abiecti & stulti merore se conficere ob futura mala incerta. Summæ est amentię, inquit, in rebus incertis certo se iam cruciatu conficere. Quia sic erit tuus dolor certus pro incerto euentu. Et Seneca, *Epist. 13. ad Lucil.* (Infirmi, inquit, & imbecillis animi est

est timere id, quod nondum accidit, vel longinquum est.)

Si præteritum sit malum, vel iam euenisse existimetur, ut filius absens mortuus, vel merces naufragio periisse, necessitatem conuertere in virtutem, fortiter & lubenter sustine, cò quòd ansam tibi hic casus præbeat præclarissimas exercèdi virtutes, ut patientiæ, magnanimitatis, fiduciæ in Deum: deinde tibi data sit occasio Deo studiosius seruiendi, & plus apud eum merendi. Qua cogitatione munitus David Propheta, *Psal. 34.* dicebat; *Vide humilitatem meam, & laborem meum, & dimitte omnia peccata mea.* De præteritis malis præterquàm de culpa, noli dolere: nam ad præteritum non est potentia. (Quid iuuat, inquit Seneca. *Epi. 79.* præteritos dolores retractare, & miserum esse, quia fueris? naturale est mali sui sine gaudere.) Circumcidenda ergo duo sunt, & futuri timor, & veteris incommodi memoria. Hoc ad me iam nò pertinet: illud nondum.

E. Si verò malum sit præsens: videas antequàm doleas, quid dolendo proficias. Interroga, an aliquis malo præsentis dolendo, contristàdo, remedium adhibuerit. Multos D. Chrysostom. *Hom. 18. ad pop.* se audiuisse testatur, qui fatebantur nihil utilitatis sibi ex dolore comparasse. *Audiui, inquit, multos ad seipsos dicentes. Quæ utilitas quòd dolui? nec pecunias recuperavi, & me ipsum læsi, &c.* Sed quòd ille de multis, idem de omnibus effari nobis licet. Cui enim aliquando suus profuit dolor? Non est nouum quod tibi accidit. Multi idem passi sunt: qui si patienter illud sustinuerunt, mercedem

cedem suę patientiæ receperunt: si autem impatienter, quære, quid eis contulerit eorum impatientia. Optimū igitur est sæpe cogitare dolorē, siue sæculi tristitiam nullius esse utilitatis, ac verissimum esse quod de illa ait Sapiens: *Non est utilitas in ea. Eccl. 30.* Quia hoc pacto patienter ferre poterimus omnia aduersa. Vnde Seneca, *Lib. de cons. c. 20.* (Illud, inquit, te non minimum adiuuerit, si cogitaueris, nihil profuturum dolorem tuum.

Demum perpendite, tristitiam non tantum nihil prodesse, sed plurima incommoda attulisse tā corpori quā animæ, ac quosdam teste Chrysostomo, *Lib. 2. de prouid.* ob nimium mœrorem sibi manus violentas intulisse, & seipso trucidasse. *Mœror*, inquit, etiam absente demone, multa per se horrenda efficit, plurimosque eorum, qui sibi vel nexuerunt laqueos, conscinerunt gladios, vel fluuij se vndis, vel flammis donauerunt, vel alio quouis genere perdere seipso, sola doloris ac mœroris vi ad ita occumbendum impulsos reperiemus. &c. Videte quid nimia carnalis tristitia efficiat, & quā iuxta Sapientis consilium, sit à nobis longe repellenda. Cū non tantum vnum sit malum, sed multiplex: *Tristitia*, ait Euripides, *multiplex malum.* quid boni ex multiplici malo hauriri potest? Audite quid de illa dicat idem Chrysostomus, *Epi. 3.* *Tinea est*, inquit, *non ossium tantum, verum etiam mentis, & carnifex perpetuus, non latus transfodiēs, verum animi vires labefactans, &c.* Sicut nihil prodest tinea nisi ad corrodendum: ita nec mœror. Dicam igitur illud Aeneidos 1.

Durate, & vosmet rebus seruate secundis.

Pre-

Precor diligenter attendas, quid ad nostrum institutum dicat Philemon, unde colliges quod certè flendum & dolendum esset.

Silacrymæ nostræ malis mederentur,

Et lugens semper dolere desineret,

Vel aurum lacrymis commutarem.

Verùm ipse res non auscultant, neque respiciunt lacrymas,

Et siue lugeas, siue non, pergunt.

Quid igitur proficis? Nihil.

Quibusdam respondetur questiunculis, quas obiectare solent, qui nihil aduersi in hoc mundo tolerare vellent.

Caput XXVIII.

Anta est hominum mollities, ut nihil molestum, nihilque quod vel minimum dolorem animæ, vel corpori inferre possit, subire velint: sed quia non possunt omnia effugere incommoda, ad causas, siue ad rationes, propter quas talia patiuntur, se conferunt. Vnde Gregorius, lib. 23. cap. 11. *Afflicti cordis est proprium, ut si fieri possit, cur ita, vel non ita sit, dominis sibi responderi vocibus velit.* Verùm, sic mihi cum Pauloliceat in hominem inuehi: ò homo, tu quis es, qui respondeas Deo? Rom. 9. dicam modò & ego, ò homo tu quis es, cui respondeat Deus? Non potes tu respondere Deo: nec Deus debet respondere tibi; satis est, quod homo dignoscaris, ut insufficiens ad Dei iudicia inuestiganda conuincaris.

Quia,

Quia, teste eodem Gregorio, *Lib. 9. Mor. cap. 8.* respondere Deo non posse convincitur, qui homo nominatur, qui per hoc quod de humo sumptus est, iudicia superna discutere dignus non est. Quamvis igitur ad respondendum impares simus; conabor tamen fretus Patrum autoritatibus, aliquas retundere obiectiones, quas solent proponere, qui quæ-
runt, & conqueruntur, quòd in hoc mundo afflic-
tentur. Hæc itaque est prima quæstio.

1. Cur tanta in hoc sæculo patimur incommoda?
Quare potius non licet nobis indulgere voluptati,
ac delicijs?

Respondeo: posset quidem Deus, absoluta sua
potentia, dare nobis gloriam sempiternam, si-
ne ullo perpeſſo labore, sed quia hoc non decet,
iustè statuit, ut illam adulti bonis operibus, mul-
tisque toleratis aduersitatibus adipiscamur. Hoc
enim pacto tanto nobis erit illa gloria iucundior,
quanto fuerit ad ipsam via laboriosior. Suauior
est cibus post maximam famem. *Inuitantur*, ait
Augustinus, *In Psal. 43. aliquando homines ad cœ-
nam magnam, & cum ad eam volunt auidi venire,
ieiunant.* Omnes vocamur ad cœnam cœlestem,
quæ ut tibi gratior sit, abstinendum est à volupta-
tibus huius vitæ, multaque tibi sunt ferenda in-
commoda, quibus gratiora efficiuntur prospera.
Qui nulla vexaretur calamitate, nesciret bona,
& beneficia à Deo sibi exhibita æstimare, nec ei
gratias agere. Idcirco meritò nobis immittuntur
aduersa: nam dulcia non meruit, qui non gusta-
uit amara. Opposita etiam iuxta se posita ma-
gis elucescunt. Vnde Gregorius Nazianzenus:

Orat.

Orat. de Cyprian. Sol nubibus obiectus, latius postea splendet, & ver post hyemis tristitiam est acceptius: iucundior tranquillitas post seditiones ventorum, & perturbationes aquarum. Sic post afflictiones, est tranquillior vita.

B 2 Cur vni potius, quàm alteri Deus immittit tribulationes? Aut, cur Deus vni, sicut & alteri non impertitur bona temporalia?

Tibi vno verbo respondere possem, voluntatis diuinæ nullam dari causam, cum sit ipsa prima causa, primaque regula contingentium: veruntamen hac similitudine tibi satisfacere conabor. Ingreditur Medicus Xenodochium quoddam, vbi varij & multi sunt infirmi: hic febribus assiduus æstuat; ille laterum dolore corripitur; alius podagra torquetur; alij aliis infirmitatibus laborant: cognitis his omnibus, Medicus diuersa adhibet remedia, pro diuersitate morborum, quia cupit omnes curare. Huic enim potionem amaram, alteri verò dulcem præscribit: cibum huic; vinum denegat illi, vel concedit. Cur ita? Quia sic vnicuique iudicat expedire.

Mundus iste est veluti quoddam Xenodochiū: infirmi verò nos omnes filij Adæ sumus: infirmitates nostræ sunt, passionēs concupiscentiæ. Medicus verò noster Deus est, qui cum sapientissimus sit, vnicuique id præscribit, quod magis ei nouit expedire. Huic ergo diuitias, illi paupertatem: huic salutem, illi verò infirmitatem: huic honorem, alteri humilitatem: huic tribulationem, illi consolationem elargitur. Cur ita? Quia sic vnicuique nouit esse tribuendum. Nostrum.

§ igi-

igitur est Medico obedire, & quod præscripsit executioni mandare. Itaque si tibi Deus immisit, verbi gratia, paupertatem, vel aliquam infirmitatem, aut aliam tribulationem, scito hæc tibi plurimum expedire; non reluctari, si optes curari; non li conqueri, cum hæc ad tuam spectent salutem. Das Medico pecuniam, quamvis amara iniungat, Deo saltem gratias referas, licet immittat aduersa. Nam, teste Hieronymo *in c. 5. Iob. artis Medicorū, est, per dolorem reddere sanitatem*. Anima sanaberis si corpore percutiaris. Sicut nulla est medicina iucunda, sic nulla grata est aduersitas: libenter tamen hauritur medicina, spe recuperandæ sanitatis: ita libenter feratur quæque aduersitas, spe salutis æternæ. Audi Augustinum, *In Psal. 21. Intelligat homo Medicum esse Deum: & tribulationem medicamentum esse ad salutem, non pœnam ad damnationem. Sub medicamento positus ureris, secaris, clamas, non audit Medicus ad voluntatem, sed audit ad sanitatem*. Propterea idem Doctor, *In Ps. 102. conqueritur aliqui, quod de medicina doleas: Unde plagis, inquit, medicina est, non pœna; castigatio, non damnatio*.

C 3. Cum propter peccata ut plurimum veniant aduersa, cur permittit Deus alicui malum accidere, qui nullum commisit peccatum? verbi gratia, Iob cur tot flagella pertulit, qui tantam virtutum custodiam sine reprehensione seruauit?

Respondet Diuus Gregorius *in præfat. mor. c. 5. dicens: Ideo Iob flagellatus est, ut pro flagello eius, diuinæ gloriæ laus cresceret; non autem ut per flagella peccata, quæ nunquam commiserat, emendaret*. Hoc est,

est, ideo Iob, quamvis iustus flagellatur, ut discat in aduersis, sicut in prosperis Deum laudare, & benedicere, atque hæc verba proferre: *Sit nomen Domini benedictum*. Quamvis igitur nullum commiseris peccatum, non debes esse immunis ab omni afflictione, quæ ideo tibi immittitur, ut afflictus discas Deum laudare. Scio quidem mandata diuina seruantibus vitam promitti æternam: sed ad illam non potest quis intrare, nisi per multas tribulationes. Hoc nobis asseuerant duo Apostoli, *Act. 14. Per multas tribulationes oportet nos intrare in regnum Cælorum*. Quomodo vis ire ad aliquem locum, & non transire per viam, quæ ducit ad talem locum? Viæ cœli, tribulationes sunt; per illas Christus, qui non potuit peccare: per illas Beatissima Virgo ab omni peccato etiam originali immunis, omnesque Apostoli, ac relictæ Sancti, transierunt. Quare vis eximi à via, qui non cupis excludi a patria?

Si itaque bonus, & sine peccato sis, amaberis à Domino, & castigaberis ab eo. Audi Paulum, *Hebr. 12. Quem diligit Dominus castigat, flagellat autem omnem filium, quem recipit*. Vis talem dilectionem? non recuses castigationem. Optas huiusmodi filiationem? noli respuere flagellationem. Nam, teste Augustino, *Lib. de past. si exceptus es à passione flagellorum, exceptus es a numero filiorum*. Recipe, ut recipiaris: recipe, inquam, aduersa, & amara, ut à Domino recipiaris. *Nonne*, inquit idem *Jer. 4. de verb. Dom. melius est, ut Deus flagellet te, & recipiat te, quàm parcat tibi, et deserat te?* Ne deserraris, oportet, licet iustus, & bonus, multa patiaris.

D Porro non est quod conqueraris, cum tibi quamuis iusto Christus velit conferre gloriam eodem pretio quo ipsam acquisiuit. Si a mercatore vnico vis emere aureum telam, verbi gratia, & ille eodem pretio telam tibi vendat, quo ipse emerat, nonne tibi maximum præstaret beneficium, cum lucrum, quod ex aliis emptoribus reportare solet, tibi remittat? Christus quidem regnum cælorum iustis exhibet, non maiori pretio, quam sibi constitit. Emit ille gloriam suam flagellis, spinis, opprobriis, tribulationibus, morte; *sic oportuit pati Christum, & ita intrare in gloriam suam. Luc. 24.* Quid mirum, si eodem pretio cælum iustis offerat? Quidni tu passionibus quoque in alienam intres gloriam?

Vidit Ioannes *Apoc. 7.* turbam magnam in Cælo, quam dinumerare non poterat, ex omnibus gentibus, & tribubus, & populis, & linguis, stantes ante thronum Dei; & in conspectu Agni, amicti stolis albis, & palmæ in manibus eorum: quærenti autem, vnde isti venerint, respondit vnus ex illis, *Hi sunt, qui venerunt de tribulatione magna*: non de deliciis, aut voluptatibus huius mundi; sed quamuis iusti, venerunt de tribulationibus tamquam de termino à quo, & peruenierunt ad terminum ad quem felicitatis æternæ.

4. Cur multi pessimi peccatores hic non puniuntur, & ego, qui tot peccata non patraui, quot ipsi, multa tamen aduersa sustineo?

Respondet Diuus Chrysostomus, *Hom. 27. ad populum Antiochen.* his verbis. *Multi Pharaonis scelera commiserunt; sed Pharaonis pœnas non dederunt,*

runt, nec in mari rubro submersi sunt, quoniā pelagus eos expectat abyssi sempuerni. Multi Israelitica peccata sunt aggressi, sed eos serpentes non momorderūt: manet autē eos vermis, qui non morietur. Multi Giez peccata perpetrarunt; neq; tamen lepra respersi sūt: eos enim manet pro lepra in binas partes secari, & cum hypocritis poni. Multi quoque iurauerunt, & peierauerunt: si verò fagerunt, ne confidamus, imminet eis quoque dentium stridor. Multa igitur mala perpetrantes, nec dantes pœnas, terreri magis & timere debent: augebuntur enim supplicia propter impunitatem, & Dei longanimitatem. Ergo non attendamus, an modò puniamur, sed an peccemus: quòd si peccantes non pœnas damus, magis pauere debemus. Dat autem tibi Deus temporis prædificationem, ut ablui possis: cum verò in peccato perseueraueris, tunc demum graues infliget pœnas. Hæc ille, quibus ostendit non esse mirandum, si Deus in hac vita quibusdā peccatoribus paucas, aut nullas immittat afflictiones, cū in alio sæculo grauiora illis reseruētur supplicia. Gaudeas verò, si tibi peccanti statim hic immittat penas: nō. n. De^o punit bis in idipsū.

5. E Adiungis; cur Deus hunc iustum pauperem, illum autem iniustum diuitem facit?

Respondeo: Non propterea est in Dei operibus deordinatio, sed potius in humana ratione, cui interdum contingit quod phrenetico, aut insano, cui omnia, quæ videt, apparent moueri, & nulla in sede morari: hæc autem turbatio non est in rebus, sed in eius cerebro. Eodem modo, opera diuina summo sunt ordine disposita, ac stabilita; quòd si aliud tibi apparet, deliras, & mente

S 3 turba;

turbaris. Si autem scire desideras, cur Deus alios pauperes, alios verò diuites constituat; scito ita illum statuisse, vt illi humilitate, & patientia in sua paupertate: hi eleemosyna, & benignitate in pauperes saluarentur. Nec potest pauper conqueri contra Deum, quòd illi malè consuluerit; satis enim prouidit, præcipiēs diuiti vt eum pascant: quòd si ille non præstet, non Dei culpa est, sed iniqui diuitis malè dispensantis, & quæ pauperis sunt, retinentis. Quemadmodum cùm in vno lecto duo decumbunt, quorum alter vniuersa stragula ad se rapit, sociumque frigori expositum relinquit, non potest hic conqueri de hospite, qui sufficientem lectum prouiderat; sed de socio, qui totum stragulum ad se traxit. Ita planè Deus noster dat omnibus sufficienter; nam *aperit manum suam, & implet omne animal benedictione. Psalm. 14.* Sitamen auarus diues sibi omnia rapiat, quæ in pauperes fuerant eroganda, eius est crimen, non Dei.

6. Qua de causa Deus tam multa animalia condidit, quæ non tantum non sunt homini necessaria, sed ei etiam perniciofa, timenda, ac fugienda; vt serpentes, scorpiones, & cætera huiusmodi?

Dicerem ego, partim Deum ideo hæc animalia condidisse, vt nimirum videamus, quantum interest versari in terris cum venenosis animalibus, & in cælis cum mundis spiritibus. In illis item animalibus discamus perniciem, ac crudelitatem dæmonum, & inde fugere studeamus, & præcipuè peccata, quæ illis immundis spiritibus nos subdunt: bonisque incumbamus operibus, quibus so-

cietur.

cietatem beatorum spirituum nobis comparemus. Vnde Augustinus *Lib. 1. de Gen. contra Manich. c. 16. De perniciosis animalibus*, inquit, *vel punimur, vel exercemur, vel terremur; ut non vitam istam multis periculis, & laboribus subditam, sed etiam meliorem, ubi securitas summa est, diligamus, & desideremus, & eam nobis pietatis meritis cōparemus.*

F Idem doctor *Tract. 1. in Ioan* loquens alibi de insectis, & exilibus animalibus, docet ea creata esse ad domandam nostram superbiam. Propter superbiam, ait, instituit Deus minimas, & abiectissimas creaturas, ut ipsa nos torqueant; ut cum homo se erexerit, pulicibus subdatur. *Quid est, quod te inflas humana superbia? pulicibus resiste, ut dormias. Populum Pharaonis superbum potuit Deus domare & ursis, & leonibus; sed muscas, & ranas illis immisit, ut rebus vilissimis superbia domaretur.*

Diuus etiam Hieronymus docet, parua illa animalia esse condita ad manifestandam nostræ carnis fragilitatem. *Huiusmodi*, inquit, *animalia idcirco fecit Deus, ut fragilitatem nostræ carnis ostenderet, quæ in tantum nihil est, ut ab ijs, quæ parua sunt, vulnereetur.* Multis aliis de causis nobis incognitis produxit Deus illa animalia tum venenata, tum exilia. Non sunt igitur superflua, cum ex illis nostra domatur superbia, & fragilitas manifestatur humana, & in quibus etiam docemur diabolica vitare contagia.

7. Quæritur insuper; cum peccatum originale sit causa, saltem remota, omnium afflictionum, & infirmitatum, quæ nobis accidunt, cur illo per Baptismum ablato, non tollitur omnis peccati

S 4 pœna?

pœna? ac cur etiam sublatis per penitentiam peccatis actualibus, non cessant aduersa, quæ propter illa nobis obuenerunt?

Respondeo: certissimum est, quòd homo nullis omnino miseriis subiacuisset, si in statu gratiæ, in quo conditus fuerat, remansisset. Veruntamen iustissimè visum est diuinæ prouidentiae, vt etiam sublata culpa originali, adhuc multæ homini remanerent pœnæ subeundæ, vt scilicet maiorem aduersus peccatum indignationem conciperemus, maiorique odio illud prosequeremur. Atque moralis hæc vna ratio inter plures alias tibi in præsentiarum sufficiat; quam vt meliùs intelligas, notandum est, quid de Scythis referant Historiographi: dicunt enim aliquos ex ipsorum hostibus tanto cum impetu aduersus eos irruisse, vt coacti fuerint, relictis domibus, & patria, fugam arripere, & ad tutiora loca se conferre, dirutis interim ab hostibus illorum domibus, oppidisque subuersis. Huiusmodi autem hostibus tandem profligatis, reuersi sunt Scythæ in patriam, vbi de restaurandis urbibus, & oppidis cogitauerunt; sed inuito consilio, ruinas sine vlla reparatione consultò dimiserunt, vt posteri illis animaduersis contra hostes huiusmodi sæuiùs indignarentur, & vt nunquam cum ipsis inirent pacem; imò de illis acerbiorẽ sumerent vindictam. Sic se voluit habere diuina prouidentia: tribulationes, mundi labores, infirmitates, ruinæ quidem sunt generis nostri ex peccato promanantes: vt igitur aduersus peccatum exardescamus, & acriùs indignemur, misérias illas, etiam peccatis remissis, permittit Deus
apud

apud nos remanere; ut illis visis, & perpeffis dif-
feamus odiffe caufam, cuius non possumus evita-
re effectum.

G 8. Quomodo efficere potero, ut nimia cala-
mitate, vel afflictione non frangar, aut in aliqua
verba blasphemiae in Deum, aut proximum non
prorumpam?

Respondeo: si cogitaueris omnes tuas bla-
phemantes voces nihil tibi prodesse, imò plu-
rimùm nocere: atque fieri non posse, ut quod
factum est, infectum fiat. (Illud, inquit Se-
neca, *Lib. de consolat. capite 20.* te non mini-
mùm adiuuerit, si cogitaueris nihil profuturum
dolorem tuum.) Cogita etiam, Deum nun-
quam plus aduersi immittere, quàm ferre pos-
simus: sic consolabatur Corinthios Apostolus:
1. Corinth. 10. Fidelis est Deus, qui non patietur
vos tentari supra id, quod potestis, sed faciet
etiam cum tentatione prouentum. Homines suis
iumentis non plus oneris imponunt, quàm fer-
re queant: multo minùs hominibus plus tribu-
lationum immittere Deus, quàm sustinere pos-
sint. Deus, inquàm, qui tibi aliquam immittit
aduersitatem, dat tibi, vnde illam valeas susti-
nere. Accusanda est igitur tua mollities, quam-
dam prætendens imbecillitatem. Audi eundem
Senecam, *Lib. de remed. fort.* (Dura res est dolor,
inquit, imò tu mollis es. Pauci, ais, dolorem ferre
potuerunt: simus ex paucis. Imbecilles, addis,
natura sumus: naturam infamare nolite, illa vos
fortes genuit.) Vides Ethnicum fateri, nos ha-
bere satis virium ab ipso naturæ Deo ad ferendas
qua-

quascumque aduersitates. Si itaque viribus naturæ, auxilijsque diuinis respondere renuas, non mirum est, si vel minima tribulatione frangaris.

Diuus quoque Chrysost. *Homil. 9. in Epist. ad Rom. in moral.* imbecillitati animi potius, quam afflictionum grauedini tribuit, dum quis illarum oneri succumbit. *Cur, inquit, aliquos afflictio transfuersos egit, atque in errorem induxit? Nempe, quod erroris inductio non ab afflictione, sed ab illorum imbecillitate profecta sit: neque enim, si quis stomacho laborans medicamen acre, quo purgari ipse queat, non admittit, sed illud alterat, medicamen incusabimus; sed membri valeitudinem, quemadmodum & hic animi infirmitatem.*

G Dices: Iob forti erat stomacho, verumtamen videtur oneri succubuisse, dum ait: *Pondus eius ferre non potui. Iob. 31.* Respondeo, Iob nunquam afflictionibus, sed potius illi afflictiones cessisse, ut patet in eius historia. Sed loquitur hic comparatiuè, & in persona impij iudicia diuina subeuntis; comparat enim pœnas temporales æternis, & vltima iudicia præsentibus: quasi dicat. Si hic vix potui subire supplicia temporalia, quomodo poterò æterna? Hinc Greg. *Lib. 21. mor. c. 16.* Ex ipso, inquit, presenti verberare iudicia æterna pensanda sunt: hinc etenim perpendere summopere debemus, quomodo feratur illa, quæ reprobat, si ferri modò vix valet eius ira, quæ purgat.

Quacumque igitur aduersitate premaris, caue ne conqueraris: sunt enim aduersitates veluti alæ, quibus homo subleuatur à terra, & in cœlum erigitur: & sicut ala necessaria est aui ad volandum, licet

licet eam videatur onerare: ita tribulatio homini, ut tendat ad cælum, licet eum videatur aggrauare. Vnde Augustinus, in *Psal. 59.* de iugo Christi, quod potissimum confitit in aduersitatibus pro ipso perpeffis. sic loquitur. *Si aui pennas detrahas, quasi onus tollis; & quo magis onus abstulisti, eo magis in terra remanebit. Quam exonerare voluisti, iacet, non volat, quia tulisti onus: redeat onus, & volat. Talis est Christi sarcina: portent illam homines, & inuenient, quã sit leuis, quàm suavis, quã iucunda, quàm rapiens in cælum, & à terra eripiens.*

9. Quando cessabunt tribulationes, illisque exonerabor?

Respondet idem Chrysostomus, in *Epistol. ad Rom. c. 5.* *Potest Deus omnia graua hodie soluere, sed donec nos purgatos videat, donec videat factam conuersionem, non dissoluet tribulationem. Etenim aurifex, donec aurum bene purgatum viderit, de conflatorio non extrahit: sic & Deus nõ abducit hanc tribulationis nubem, donec nos penitus emendauerit. Qui enim temptationem permisit, ipse nouit & temptationis soluenda tempus. Non est semper hyems, nec semper nox, nec semper dies: ita nec semper tribulatio. Illud tantum nobis curandum est, ut per huiusmodi aduersa, nobis gaudia comparemus æterna: necessarie sunt nobis tribulationes, ut superius diximus. Nec eis exonerari queras; nam *Ouid. lib. 2. de arte amandi.**

*Luxuriant animi rebus plerumque secundis,
Nec facile est aqua commoda mente pati.*

CLYPEI

PATIENTIÆ

LIBER II.



Persecutiones sunt patienter ferenda. Caput I.

A



ERTVM est, quòd iuxta Apostolum, 2. *Timot. 3. omnes, qui piè volunt vivere in Christo, persecutionem patientur.* Si igitur piè vivatur, erit qui persecutionem patiatur. Nunquam deerit persecutio, si nunquam desit pietatis observatio. Erras frater, ait Hieronymus, *Epist. 1. si putas unquam Christianum persecutionem non pati.* Cain persecutus est fratrem suum Abel, quia illum bene operari videbat. Audi Apostolum Iudam: *Propter quid occidit eum? quoniam opera eius maligna erant, fratris autem eius iusta.* Forte Cain fratrem non fuisset persecutus, si illum frater fuisset sequutus: nec occidisset, si cū illo malè egisset. Nā mali se lēdi existimāt, si eos boni nō imitentur. *Malos quisquis nō imitatur, offendit,* ait Cyp. *Ep. 2.*

Sicut igitur nunquam deerit persecutio, ita nec qui te persequatur. Scitum est illud Ecclesiastici: *Contra virum iustum peccator. Eccl. 33.* Quinam autem

autem sint, qui aliquando nos persequantur, ostēdit Augustinus explanans locum illum Davidis: *Conclude aduersus eos, qui persequuntur me. Qui sunt*, inquit, *qui te persequuntur? fortè vicinus tuus, aut ille, quem laesisti, aut cui fecisti iniuriam, aut qui vult auferre res tuas, aut contra quem predicas veritatem, aut cuius peccatum obiurgas, aut quem malè viuentem bene viuendo laedis*. Unde colligimus, multos posse nos hic habere persecutores, ac proinde quamplurimas nos manere persecutiones, pro quibus subeundis quid agendum sit, indicat Paulus. *Hebr. 12.* cū ait: *Per patientiam curramus ad propositum certamen.* Currendum esse dicit: sumus in hoc sæculo veluti in stadio currentes, inter quos qui celerius currit, is accipit brauium. *Non enim*, inquit Gregor. Nazianzenus, *Lib. de beatitud. aliter currendo quis vincere potest, nisi post se reliquerit eum, qui simul currit.* Ponit ille Doctor ob oculos virum pium, & tribulationē, quasi duos cursores simul currentes: sed cū ille tribulationem præcedit, quasi victorem antecedere, & præcurrere; tribulationem verò à tergo viri pii subsequi, & post eum currere: ideoque appellari *persecutionem*, non *consequutionem*, quia persequitur, id est sequitur virum pium, sed eum non assequitur, neque apprehendit: quia ille cum patientia currit, & pergit: quòd si curreret sine patientia, deficeret; atque ita persecutio illum assequeretur.

B Idem Apostolus ita contemnebat persecutiones, ac si in alieno corpore sustinuisset. *Persecutionē patimur, & sustinemus: 1. Cor. 4.* quasi dicat, Licet

Licet persecutionem patiamur, illam tamen ita patienti animo sustinemus, ac si nobis non accidisset, sed alteri. Vnde de illo Chrysostom. *Hom. 52. in Act. Apost. Tentationes sic contemnebat, ac flagella, & carceres, quasi in alieno corpore pateretur, quemadmodum si adamantinum possideret corpus.* Propterea si patienter feramus, poterimus dicere, sicut & ille Apostolus, *2. Cor. 4. Persecutionem patimur, sed non derelinquimur: deijcitur, sed non perimus.* Videtur alludere ad vasa fictilia, si ex altissima turri deijcerentur, & tamen non frangerentur: quasi dicat; quāvis simus veluti vasa fictilia, & ex altissimis quasi persecutionum turribus deijciamur, non tamen frangimur: frangeremur autem, si impatienter persecutiones sustineremus. Ideo ad explorandum nos, permittit Deus, ut mali nos persequantur, & insectentur. Hinc Cyprianus, *Epist. 8. Persecutio, inquit, examinatio est, atque exploratio pectoris nostri: & cum precesserit disciplina, sequetur venia.* Orandum est igitur, ut persecutiones sint nobis disciplinæ, quibus tandem patienter toleratis, veniam mereamur. Hoc optabat, qui dicebat: *Proba me, Domine, & tenta me. Psalm 6.*

Durandum etiam nobis est, ut Christo adhæreamus, illique per bona opera iungamur: nam hoc pacto nihil, aut parū persecutionē sentiemus: sed illa premente, ipsemet Christus conqueretur, ac si pateretur. Saulus adhuc spirans minatū Christianos persequabatur: at ipsis tacentibus, tāquam non sentientibus, clamabat Christus, *Saule, Saule, quid me persequeris? Act. 9.* Quæ verba attendens

Au.

Augustinus *In Psal. 30.* sic scribit: *Non ait Christus: quid Sanctos meos, quid seruos meos: sed, quid me persequeris? Caput pro membris clamat: vocem nāque pedis suscipit lingua: quando fortè in turba contritus pes dolet, clamat lingua, calcas me: non ait, calcas pedem meum; sed se dixit calcari, quia pes, qui calcatus est, à lingua separatus non est.* Ita dūmodo nostris delictis à Deo non seiungamur, libenter quamcumque sustinebimus persecutionē: ille enim licet eam sentire non possit, tamen ita conqueretur, vociferabitur, quasi omnino sentiret. Non est igitur opus, vt de persecutionibus, vel de persequentibus conqueramur, nec in eos inuehamur; sed tantum æquo animo patiamur, cū clamantem, & pro nobis conquerentem habeamus. Habebimus autem, si illum non offendamus.

C Notandum est, quòd sicut ille solus non est, qui patienter fert persecutionem, cū secum habeat Christum, vt diximus, conquerentem: ita ille solus non est, qui alium iniuste persequitur, cū secum habeat dæmonem impellentem, & ad persequendum instigantem. Itaque Diuus Augustinus, *In Psal. 55.* obseruat in vna persecutione nos habere duos hostes: vnum, quem videmus; alterum, qui non videtur; ac ostendit, quomodo circa vtrumque nos gerere oporteat. *Attendamus, inquit, duos hostes: quē videmus, diabolum non videmus. Hominem videmus, diabolum non videmus: hominem diligamus, diabolum caueamus: pro homine oremus, cōtra diabolum oremus, & dicamus Deo; Miserere mei, Domine, quoniam conculcauit me homo.* Et Diuus Ambrosius, *In Ps. 38.* indignum iudi-

iudicat vindicari de homine, quē diabolus impellit. *Quid magnum*, inquit, *de homine inualido vindicari, quem ad furorē alter, scilicet diabolus, vrget?*

Itaque, si hostis tuus, dum te persequitur, habet dæmonem adiuuantem; habebis tu, dum pateris, Dominum defendentem. Certum est enim, Deum maiorem posse nobis protectionem, & consolationem conferre, quā omnes inimicos, & diabolū ipsum persecutionem. Loquens Scriptura de filiis Israel, dum opprimerentur, sic ait: *Quanto magis opprimebant eos, tanto magis multiplicabantur, & crescebant. Exod. 1.* Hunc locum afferebat D. Cyprianus, *De exhort. ad martyr. cap. 10.* dum fideles ad martyrium hortaretur. *Ex hoc loco*, inquit, *perquam necessaria nobis traditur admonitio, nempe timendas non esse iniurias, & pœnas persecutionum: quia maior est Dominus ad protegendum, quam diabolus ad impugnandum.*

Interim sustinet Deus persequentes te, quamuis magis illum, quā te in te persequantur: debes & tu similiter patienter sustinere. Quare autem interdum & persequentes, & persecutionibus attritos Deus permittat, indicat Gregorius, *Lib. 26. moral. cap. 14.* his verbis: *Iustus Deus & suos permittit temporaliter opprimi, & violentorum malitiā nequiter augeri: ut dum horum vita in purgatione teritur, illorum nequitia consumatur.*

Sunt persequentes, vel persecutiones veluti torcularia; quibus premuntur vuae, ut ex eis vinum emanet: nisi enim premantur, & conculcentur, steriles remanent. Audi August. *In Psal. 55. Vuae mittitur in torculari, calcatur, premitur, iniuria videtur*

detur fieri vna, sed ista iniuria sterilis non est, imò, si nulla iniuria accederet, sterilis remaneret. Ita certè, & tu sapè sterilis remaneres, fructumque patientiæ non afferres, nisi te persecutio premeret.

D Animalia syluestria, utpote cerui, apri, & similia, sunt meliora, & sapidiora quæ canes sunt persecuti, & insectati: quia ex timore, & ebullitione sanguinis atque ex calefactione motus redditur caro tenerior, & ad comedendum sapidior. Ita Deus eos, quos ad mensam, siue gloriam cœlestem præparat, solet tyrannorum, & pessimorum hominum persecutionibus exponere qui eos multis incommodis, multisque insectationibus diucxant, & lacerant; ut vel sic aptiores ad vitam æternam efficiantur. Huiusmodi fuerunt hi, de quibus loquitur Apostolus, *Hebr. 11. quorum alij distenti sunt, ut meliorem inuenirent resurrectionem. Alij verò ludibria, & verbera experti, insuper & vincula, & carceres, lapidati sunt, secti sunt, tentati sunt, in occisione gladij mortui sunt, &c. angustia, afflicti, quibus dignus non erat mundus, in solitudinibus errantes, in montibus, & speluncis, & in cauernis terræ.* Vnde Tertullianus *In Apologet.* tyrannis fideles persequentibus sic loquebatur: *Cruciat, torquete, damna, atterite nos; probatio est innocentie nostrae iniquitas vestra; ideo nos hac pati Deus patitur.* Itaq; sit nobis illa persecutio grata, qua redimur grati; sit beata, qua efficimur beati. Audi Christum: *Beati estis, cum maledixerint vobis, & persecuti vos fuerint, & dixerint omne malum aduersum vos mentientes propter me; gaudete, & exultate, quoniã merces vestra copiosa est in cœlis, Mat. 5.* Sit copiosa

T in

in terris persecutio, qua acquiritur in cœlis copiosa remuneratio .

Sapienter à Sapiente dictum est: *Qui diligit filium, assidue ei flagella* . *Eccl* 30. Illum pater videtur diligere, quem sibi similem cupit efficere . Quandoquidem Christus persecutiones in hoc mundo sustinuit, ostendit se eos diligere, quos ad similia subeunda ordinat . Ideo omnes suos amicos permisit persecutionibus, & pressuris fatigari, *Me persecuti sunt*, ait, *& vos persequentur* . *Ioan.* 15. Vos, inquam, qui viuendo mihi assimilari, ac piè viuere curabitis . Qui autem nullam in hoc mundo persecutionem patietur, vix piè viuere dicetur . Audi Gregorium, *Lib.6 Epist.* 27. *Ego fidenter dico, quia minus piè viuis, si minus persecutionem pertuleris* . Audiamus etiam & Ambrosiū: *In Psal.* 118. *Fortasse cum persecutionem non patimur, tanquam condemnati habemur* . *Serm.* 12.

Serpentes, ex quibus conficitur theriaca, diutissime verberantur, vt huiusmodi percussionibus foras emittatur venenum . Profunt certè, & nobis iterata flagella, ac crebræ persecutiones, vt à nobis peccati venenum expellatur . Semina messum gelu cooperta fertilius germinant . Et ignis flatu premitur, vt crescat . Ita persecutio augeat desiderium nostrum ad amorem Dei . Ergo patienter ferendi .

E Celebrabatur olim, teste Tertulliano, *Lib.1. ad Martyres*, apud Lacedemonas solemnitas quædam *διακυσίωρις*, id est, *flagellatio* dicta, in qua nobiles quique adolescentes ante aram flagellis cædebantur, astantibus parentibus, & propinquis,
& ad

& ad illa patienter ferenda adhortantibus. Ornamentum enim, & gloria deputabatur, si animam potius inter verbera exhalarent, quàm ob corporis dolorem succubuissent. Si illi pro præmio humanæ, & inanis gloriæ, & ut parentum astantium votis satisfacerent, æquo animo subibant huiusmodi flagella: quid nobis in hac vita, quæ est veluti flagellationis, & persecutionis solemnitas, subeundum est, pro cœlesti præmio, & ut Christum, omnesque Sanctos astantes, nosque intuentes, ac longè maiora passos, imitemur? Non curabant parentes illi nisi charos flagellari filios: sic etiam Deus, quos clarè diligit, flagellari, & vexari in hoc sæculo permittit. *Flagellat omnem filium, quem recipit. Hebr. 12.*

De quibusdam sic loquitur Psalm. 72. *In labore hominum non sunt, & cum hominibus non flagellabuntur.* Id est, humanis miseriis non agitantur, neque cum cæteris flagella patiuntur: communes misérias non experiuntur. Nihil est infelicius hac felicitate: ideo infelicissimi sunt illi, qui cum cæteris hominibus persecutionem patientibus non patiuntur: quia, secundùm Bernardum, *Ser. 23. in Cantic. qui in labore hominum non sunt, in labore demonum profectò erunt.*

Exempla etiam iustitiæ Dei in persecutores fidelium, nos maxime mouere debent ad omnia illorum grauamina patienter ferenda. Puniri enim calamitatibus, tum publicis tum priuatis; persecutiones historiæ omnium ætatum testantur: & vel mors sola persecutorum fatetur. Nero tum sua, tum alterius manu adiucus, ferro peremptus

T 2 est.

est. Domitianus suorum conspiratione confossus occubuit. Adrianus miserabili fato consumptus est, ut in seipsum sæuire voluerit, si per domesticos licuisset. Severus, & Julius Maximinus filius eius, ab exercitu interfecti sunt. Decius cum toto suo exercitu à Gotthis cæditur, corpusque paludis voragine absumptum, nusquam inuentum. Valerianus à Persis captus, miserabili captiuitate conficitur. Maximinianus Massiliæ captus, iussu Constantij necatur. Maximinus, Christiani sanguinis appetentissimus, putrescentibus genitalibus vitæ tædio vim sibi gladio intulit. Iulianus apostata Christianis molestissimus, in Persia exercitum ducens, incerto ictu percussus, blasphemans moritur. *Ioan. Bapt. Egnatius lib. 1.*

F. Aurelianus, *Euseb. lib. 7 cap. 30.* postquam meditari persecutionem cœpisset, fulmine repentino territus est; sed eo nihil ad meliora flexus, à suis inter Bizantium, & Heracleam occisus est. Diocletianus imperio sponte se abdicauit, eo quòd Christi nomen, propter cōstantiam Martyrum, penitus abolere non posset. *Nicephor lib 7. cap. 20.* Priuatus vixit Nicomediæ, ubi morbo miserabili extinctus est: primùm hydropisi intumuit; deinde lingua illius ita vermibus corrumpebatur, ut grauissimo fetore astantes læderet, postremò canis more latrans, sceleratam euomuit animam. Omnes denique, qui alios iniuste sunt persecuti, diuinæ vindictæ locum tandem dederunt, pœnasque luerunt. Vnde Diuus Cyprianus *In Apologia* aduersus Demetrianum Præfectum, sic scribit: *Nunquam impiorum crudelitas in nomen Christia-*

nura

num exurgit, ut non statim diuinius vindicta committetur. Et rursus: *Quanto magis fuerit persecutionis iniuria, tanto, & illustrior fiet, & grauior pro persecutione vindicta. Ibid.*

Sicut igitur Deus iuste punit persequentes, ita remunerat persecutionem patientes, illosque beatos asseuerat: *Beati, qui persecutionem patiuntur propter iustitiam, quoniam ipsorum est regnum cœlorum. Matth. 5.* Hæc itaque beatitudo regniq̃ cœlestis possessio à Christo promissa, nos ad quasculumque persecutiones perferendas inuitare debet.

Est autem obseruandum, illos à Christo vocari beatos, non simpliciter qui persecutionem patiuntur, sed qui patiuntur propter iustitiam: quod & adnotatur à Diuo Petro, *1. Epist. 3.* in eodem planè verbis; *Si quid patimini propter iustitiam, beati.* Ille verò pati dicitur propter iustitiam, qui iustus est & propterea quòd iustitiam, id est, quamlibet virtutem, sequatur, vel tueatur: nomine enim iustitiæ omnis virtus intelligitur. Huic patientiæ redditur corona iustitiæ, *2. Timot. 4.* debita etiam ex iustitia ob patientis cum Dei gratia, & pacto, promissioque condignitatem.

G Si persecutio perueniat vsque ad mortem, ut octauam beatitudinem interpretantur multi Doctores, erit martyrium, pro quacumque virtute mors oppetatur, non solum pro fide, ac religione. Exemplo sit Ioannes Baptista, occisus ob liberiozem incestus reprehensionem. Thomas Cantuariensis pro iure, ac libertate Ecclesiæ, ac similes alij, ut Stanislaus. Huc possunt

T 3 referri

referri alij Christiani , qui à Iudicibus pro causa ficta, vel secundùm allegata, & probata , vel ex præsumptionibus, & coniecturis damnantur ad mortem , & hanc patienter ferunt . Illos nonnulli propè habendos Martyres existimant. *Salm. tom. 5. tract. 24.* Si quis enim minimè patrauit peccatum, de quo accusatur , eique nullo modo consensus, nec ut patraretur auxilium præbuit , & tamen morti adiudicatur ; si illam patienter ferat propter Deum præcipientem , ut omnia aduersa æquo animo feramus, certè non video, cur is quasi Martyr, imò simpliciter Martyr haberi nō debeat, cum verisimile sit, eum pro quacumque alia pia causa mortem libenter fuisse subiturum . Multos Sanctos legimus mortem patienter subisse propter crimina falsò eis obiecta, ut Sanctum Symphorianum , & alios quamplurimos apud Surium , 22. *Aug.* atque ideo martyrij palmam consequutos fuisse .

Nam aliqui persecutores videri voluerunt Christiani , non quòd Christiani essent, & nominarentur , sed propter conficta scelera pœnas , ac mortem irrogare ; simul cauentes , ne sæui , & iniusti haberentur ipsi ; simul ne laudem, & celebritatè Christiani apud suos conquererentur , titulūque gloriosum martyrij , quem tanti faciebant . Hoc tempore Catholicos Angli hæretici seditio- nis, ac perduellionis nomine plectunt : olimque Christianos Pagani prætexendo eadem, & dira , turpiaque crimina, ut notat Tertullianus, *Apolog. c. 9.* Veuit quoque Iulianus apostata , ne vlla Christianæ professionis , ob quam tenebantur carceribus

bus Martyres, mentio fieret, ut Chrysostomus prodit, & indicat Theodoretus. *Orat. de sanctis Inuent. & Max. Lib. 3. hist. cap. 10.*

H Nullo modo Martyres, nec pati pro iustitia censendi sunt Iudæi, hæretici, & alij similes, quos non reddit persecutio beatos, sed infelicissimos, licet summa peruicacia tormenta, mortemque tolerant, cum illa ob suam perfidiam pati mereantur. Crebrò admodum vsurpat Augustinus *In Psal. 34. Epist. 50. Epist. 118.* contra illos: *ibi non esse iustitiã, ubi non est sana fides; & Martyrem facere non pœnam, meritemque, sed causam: Martyrum laudem esse in causa bonitate, non in pœna acerbitate.* Et secundum Gregorium *Lib. 2. Epist. 36.* dicimus, *quod persecutio dum non rationabiliter sustinetur, nequaquam proficit ad salutem.*

Non ideo tamen debitas illatas pœnas patienter ferenti sua deest laus, ac præmium, ut probat Hugo ex. n. plo latronis, qui dexter Christo fuit in Cruce, de quo fusiùs suprà libro primo. Dionysius quoque Carthusianus, *In 1. Petr. 3.* admittit fideles, qui pro demeritis patiuntur, si libenter patiantur, quodammodo censi posse pati propter iustitiam, maximè si agnoscant, & fateantur, ut bonus ille latro, se propter propria delicta mereri, quòd iustè permitrat Deus, ut alij ipsos persequantur, puniant, vel morte afficiant. Licet enim vnusquisque fidelium cauere debeat, *ne*, ut ait D. Petrus, *1. Pe. 4. patiat ur vt homicida, aut fur, aut maledicus, aut alieno um appetitor:* veruntamen, si quis in aliquod criumen incurrat, pro quo meritæ debeantur legibus pœnæ, easque patienter subeat, suam humi-

liter agnoscens culpam , ac de ea dolens , non erit sine præmio , laude , & merito , si ita patiatur , ut magis tristetur de peccato commisso , quàm de pœna inflictâ , velletque nunquam illud commisisse , propter Deum offensum , non propter pœnam . Si itaque desit causa , accedat patientia , quę vices suppleat iustitię , ut simus beati , quando persecutionem patimur .

De conuicijs , contumelijs , & detractionibus patienter sustinendis . Caput II.

A SI Solino c. 32. credendum sit , extant aliqui homines linguis carentes : *Nonnullagens* , ait , *linguis caret* . Idem refert Plinius , *Plin. lib. 7. cap. 2.* idemque Diuus Augustinus , *lib. 26. de ciuit. Dei cap. 8.* de quibusdam alijs populis , quibus ora non sunt , & qui per nares tantummodo suscepto , & remisso halitu viuunt . Si igitur inter huiusmodi homines , qui loqui non possunt , aut saltem inter Iyphagorę discipulos silentium durante quinquennio profitentes , tantum versaremur , nõ essent timenda hominum de nobis eloquia ; nullus non conuicijs insectaretur , nullusque maledictis impeteret . Sed nobis manendum est inter homines , quorum multi ubique exerunt linguam suam , illamque in omnes laxant , nemini parcetes , ac de omnibus temerè loquentes , tam de ijs , qui sursum , quàm qui deorsum sunt . Audi Dauidem , quid de quibusdam male loquentibus dicat . *Posuerunt in Cælum os suum , & lingua*

gua eorum transiit in terra. Psal. 72. Hoc est, cœlum ipsum lacerant, & attingunt, & cœlites ipsos non verentur blasphemare. Vel secundum Chaldaum: *Posuerunt in Sanctos cœlorum os suum, & lingua eorum afflixit Sanctos terre.* Nec Sanctis, qui in cœlo: nec Sanctis, qui in terra sunt, pepercit lingua eorum.

Imò verò eò vsque deuenit quorundam malitia, vt etiam de ipso Deo, teste eodem Psalmista, perperam loquantur. *Malè, inquit, de Deo loquuti sunt, Psal. 77.* Sed quid dixerunt? Quære ab eodem, & inuenies quosdā de diuina dubitasse scientia, & cognitione. *Et dixerunt: quomodo scit Deus, & si est scientia in Excelsis? Psal. 2.* Aliquos verò Deum non videntem, & non intelligentem autumasse: *Non videbit Dominus, nec intelliget Deus Iacob.* Alios indigentem, dicentes: *Numquid & panem poterit dare, & parare mensam populo suo? Psalm. 77.* Alios autem ipsum non curare de rebus nostris existimasse: *Perambulat, inquiunt, circa cardines cœli, & nostra non considerat. Iob. 22.* Si igitur hæc, & similia de tam bono, tamque omnipotenti Deo impij effutire ausi sunt: miraris, si de te miserrimo peccatore passim male loquantur, tibi que detrahant? Audi Origenem, *hom. 2. in Ps. 37.* *Impossibile est, inquit, homini in hac vita posito omnibus satisfacere, & ab omnibus laudari. Deus ipse odio habetur, & maledicitur à multis, dicente Propheta: Nonne qui oderunt te, Domine, ederam? Multi, ac innumerius detrahunt honori, Christus Iesus vsque in hodiernum diem à multis adhuc indicatur seductor, & Anathema ei dicitur à Iudeis,*

daïs, & Gentilibus: & tu existimas te posse ab omnibus diligì, amari, & benedicì? &c.

B Verumtamen Deus optimus maximus hæc omnia patienter tolerat. Estne ipse pater tuus, Dominus tuus? Est, ais. Audi ergo Dium Cyprianum, *de bono patient*. Si nobis, inquit, Dominus & Deus pater est. *sectemur patientiam Dei, pariter & patris: quia & servos oportet esse obsequentes, & filios non decet esse digenere*. In teipso singulis diebus illum offendente, & in alijs similiter peccatoribus experiri potes singularem illius patientiam. Nam, ait Tertullianus, *lib. de patient.* *sustinet ingratissimas nationes, ludibria artium, & opera manuum suarum adorantes: nomen, familiam ipsius persequentes, luxuriam, avaritiam, iniquitatem, malignitatem quotidie insolentem*. Tu verò non vis vel minimum pro illius amore sustinere opprobrium? Tu, inquam, servus, ille Dominus: tu filius, ille pater: tu creatura, ille Creator: tu impius, ille pius: tu pauper, ille dives. Sustinet tamen, vt sustineas. Nihil illi prodest sua patientia, tua verò tibi multum.

Si autem hæc ratio tibi non suppetat, alias adiungendam. Atque in primis, vt hanc tibi adeò necessariam patientiam comparare valeas, plurimum tibi proderit silentium, & taciturnitas. Hoc remedio usam fuisse in aliorum iurgijs beatam Paulam Romanam tradit Diuus Hieronymus, *epist. 7. ad Eustoch.* Si quando, ait, procacior fuisset inimicus, & vsque ad verborum iurgia profuisset, illud Psalterij decantabat: *Posui ori meo custodiam, cum consisteret peccator aduersum me*. Obmutui, & hu-

humiliatus sum, & filii à bonis. Psalm. 38. Vnum illa sibi proponebat Dauidem, qui conuicijs laceffit, tamquam surdus non audiebat, & sicut mutus non aperiebat os suum. Obmutescebat, quia obsurdescebat: obsurdescebat quia inimici eius lingua loquebantur aliena. (In lingua autem aliena, ait Cœlius, *Rhod. lib. 3. cap. 12.* iuxta commune adagium, obsurdescere necesse est: loquenti enim lingua nobis ignota respondere non possumus.) Detrahentes non loquuntur lingua Christiana, sed lingua diabolicà, & infernali: ac proinde respondere non debes, vt ostendas te illà non callere linguam. Deinde, vt optimè aduertit Hieronymus, *ad Eustoch. irasci hominis est, frantum iracundia imponere Christiani.* Si accepta iniuria hominem te consideres, irasceris: si Christianum, iram cohibes.

Si autem respondeas, inimicus tuus habebit intentum, qui tibi conuiciando nihil aliud querit, nisi vt illi similis fias respondendo. Audi Diuum Ambrosium, *lib. 2. offic. cap. 3.* Quando, inquit, aliquis nobis conuiciatur, laceffit; ad violentiam prouocat adiurgium vocat, tunc silentium exerceamus, tunc muti fieri non erubescamus. Peccator enim est, qui nos prouocat, qui iniuriam facit, & nos similes sui fieri desiderat. Denique, si taceas, si dissimules, solet dicere: quid taces? loquere, si audes; seu non audes, mutus es, elinguem te feci. Si ergo taceas, plus rumpitur, victum se reputat, irrisum, posthabitu, atque illusum. Si respondeas, superiorum se factum arbitratur, quia parem inuenit. Si autem taceas, dicetur: ille conuiciatus est huic, contempsit iste.

plurimum de illius robore præcideretur? Ita & hic due sunt ianue, os tuum, & os illius qui te viuperat, & probro afficit: si tuum occluseris, & spirationem non dederis, omnem istum flatum extinguēs: si verò aperueris, effranis reddetur.

D Tantum autem extitit Christi silentium, ut eo in admirationem raptus fuerit Pilatus: nam, ait Matthæus, *cap. 27. non respondit ei ad ullum verbum, ita ut miraretur Præses vehementer.* Stupebat quippe Pilatus, quia nouam, & inauditam cernebat rem, nimirum hominem accusantibus respondere nolentem, cum omnes alij omnibus viribus opposita sibi crimina diluere conentur. *Non,* ait Ambrosius, *lib. 10. in Luc. serm. 49. de Christo accusato. accusationem tacendo confirmat, sed despicit non refellendo.* Voluit itaque Christus Dominus sic tacendo, ac omnia patienter sustinendo, nobis relinquere exemplum, ut in sufferendis iniurijs sequamur vestigia eius. Nemo enim Christo nobilior, nemo mortalium illustrior, nemo ditior, nemo sapientior, nemo prudentior, sanctior, ac potentior excogitari, imò nec fingi potest. Cum igitur adeò gloriosus opprobria, & maledicta, & conuicia patienter tulerit: qua fronte abiectissimus vermis, miserrimus, inquam, peccator, dignus alioqui æternis supplicijs, minimam etiam iniuriam sustinere renuit, ardenti que iracundia vindictam perficit? Audi Plutarchum: (Silentium, cum vbique culpa vacet, tum maxime in aliorum conuicijs nescio quid egregium, Socraticum, aut potius Herculeum præ se fert.) Ego autem dico, silentiū in conuicijs, & calumnijs diui-

diuinum quid , & Christianum præ se ferre ?

Noli dentem, vt aiunt , rodere dente ; quod de eo dicitur , qui pari mordacitate mordet. Nam ait Poeta ; *Martial.*

————— *Quid dentem dente iuuabit*

Rodere ? —————

Imo verò , teste Apostolo, *Galat. 5.* hoc plurimum obest , *Quod si, inquit, inuicem mordetis , & comeditis ; uiaete , ne ab inuicem consumamini.* Diuus Ambrosius pro *comeditis ;* legit *criminatis.* Noli te inuicem rodere , & lacerare detractionibus ; atque calumnijs , veluti canes inuicem rixantes , & mordentes seipsos conficiunt , Certum est enim , quòd si mordentem mordeas , magis tibi conuicianti respondeas , magis tibi conuiciabitur. Non deerunt , qui te mordentem mordeant , te lædentem lædant . Audi quid mordenti te dicat Propheta : *Consurgent qui mordeant te , & suscitabuntur qui lacerent te : & quia expoliasti , expolieris.* Acquisitissimo enim Dei iudicio , qui fratris sui maculat honorem , propriæ quoque famæ patietur detrimentum . Hoc agnouit Poeta , *Hesiod.*

Si quemquam verbo ladas , laderis & ipse.

E Vnde sapienter à Salomone dictum est : *Qui detrahit proximo suo , ipse se obligat in futurum . Prouer. 13* Quod duobus modis pòtest intelligi . Primò , obligat se in futurum , paria audire , & pati ; mordet , mordebitur ; lacerat . lacerabitur . Vel , obligat se in futurum , id est , tenebitur famā proximi suis maledictis ablatam restituere : alioqui audiet aliquando ab ipso Deo : *Sedens aduersus fratrem*

trem tuum loquebaris, &c. Hæc fecisti, & tacui.
Psalm. 49 Quasi dicat: quando deliberato animo
 (hoc enim significat *sedens*) aduersus tuum pro-
 ximum loquebaris; quia tunc erat tempus tacen-
 di, ego ipse tacui, illum quoque volui tacere: mo-
 dō autem *arguam te, & statnam contra faciem tuā.*

Habes igitur qui, dummodo taceas, tibi detra-
 hendum arguat, increpet, & puniat: non indiget
 ipse tuis respōsis. Hoc cognouit Magdalena, quæ
 Phariseo conuicianti, ac discipulis marmuranti-
 bus, imō sorori de ipsa conquerenti nihil penitus
 respondit: sed Christus illustrebat per partes, ac
 pro ipsa respondebat. *Luc. 7.* Denique sufficiat ti-
 bi, quod teste D. Basilio, *hom. 10. de ira. detrahenti*
contumelia regnum cœlorum claudit, tibi verò taci-
turnitas idem aperit. Memento etiam iniurias non
 esse iniurijs compensandas, neque rabie cohiben-
 dam petulantiam: nam; iuxta illud Iuris, *Lib. 48.*
de publ. iud. l. 8. qui reus, &c. innocentia reus purga-
tur, non relatione criminis.

Propterea, & præterea tibi contemnenda sunt
 probra, ac hominum conuicia, quæ etiam contu-
 meliæ à contemptu dicuntur, eo quod sint contē-
 ptu digna. Si paruus puer, inquit Basilius, *hom. 10.*
de ira te verbis contumeliosis ptereret, occasionem tibi
potius ridendi daret. Quod si phrenesi capus, & sen-
su excidens verba vix incompōsita, & stulta, mini-
meq; vera dicat, misericordia potius q̃ odiodignus erit.

Ecce qui te iniurijs & cōtumelijs afficiunt, pue-
 ri, aut similes pueris sunt: nam, ait Seneca, *lib. 2.*
de tranq. vitæ c. 3. (à pueris magnitudine tantum,
 formaque corporum differunt.) Si pariter men-
 dici,

dicī, vel stulti te verbis contumeliosis impeterent, nonne pateris? Tibi conuiciantes, teste eodē Seneca, *Lib. 2 de ira. c. 32.* mendici sunt. (Scimus etiā, *inquit*, illos nihila mendicis differre, imò inferiores esse : illi enim exiguo, hi multo egent .) Stulti sunt, quia non ratione, sed passione ducuntur. Cato senior, teste Plutarcho, iratum ab infano nulla alia re differre dicebat, quā mora temporis : sentiens iram esse breuem insaniam . Ideo monebat Sapiens : *Ne respondeas stulto iuxta stultitiam suam, ne efficiaris ei similis .* *Prou. 26.*

F Colligit Beatus Hieronymus quædā ænigmatæ ex Aristotele, quorum vnum erat : *Ignem gladio ne confodias* . Si videres hominem, qui valido igni se opponeret, tenens, & stringens gladium, nitens illius flammæ secare, stultus iudicaretur : nam ad ignem absumendum, & extinguendum adhibenda est aqua, non gladius . Ita stultus est, qui cū inimicus igne iracundiæ succensus, flammæ conuiciorum emittit, gladium persecutionis, aut vitionis adhibet : aquam potius adhibeat lacrymarum, plorans illius miseram sortem, qui talibus flammis ardet : & in mentem reuocet, *inquit Chrysostom. Hom. 47. in Ioan. quam graue supplicium illū maneat coram Deo, & quod ea agat, de quibus non multo post acturus est pœnitentiam .*

Elephantem mirantur Naturalistæ, qui cū sit tantæ magnitudinis, & inter terrena animalia primas teneat, omnibusque alijs emineat, conturbatur tamen à minoribus bestiis, & ab eis laceratus motibus furiosis, & inordinatis circumagitur. Nā teste Plinio, *lib. 8. c. 10.* grunnitu porci ita grauiter per-

perturbatur, vt quamuis à primo ætatis tempore domitus fit, & mansuetus, tamquam furis incitetur, nullumque teneat ordinem; cuius exemplum tradit Aelianus *Lib. 1. c. 33*. Mouetur etiam visumure, quem maximè odit. A vermiculis quoque cæruleis, qui prope Gangem reperiuntur, miram in modum torquetur, vt testis est idem Plinius, *Ibid.* Sed quis non magis mirabitur, hominem ratione eminentem conturbari alicuius improperantis, & conuiciantris verbis, quæ potiùs ridere, aut contemnere deberet? Nam, teste Seneca *de tranquill. vii. a lib. 2. cap. 3. ille magnus, & nobilis est, qui more magnæ feræ latratum minorum canum securus obaudit*. Puerorum est leuiter ob minima verbula concitari. Ne citò excandescas; noli magna æstimare, quæ tibi, vel contra te dicuntur. *Inde enim*, ait idem Seneca, *vobis ira, & insania est, quòd exigua magna existimatis*.

Aristoteles, teste Aeliano, *lib. 12*. Alexandro Magno natura iracundo consilium dedit, vt omnibus se superiorem æstimans maledicta contemneret. Sed hoc erat vno vitio aliud curare. Vir autem Christianus maledicta contemnere debet, non quasi conuiciatore melior, sed quasi contumeliis fortior, & validior. Conuicia enim per se nullā habent vim; sed quemadmodum tela, si in corpus durum incidant, percussa cadunt, non penetrant. Talis est vir sapiens, in quē, ait Seneca *l. de quatuor virt.* non potest cadere iniuria; cui competit quod rectè ab Apostolo dictum est: *Et quis vobis nocebit si boni emulatores eritis?* 1. *Petr. 3*. Dic igitur cum Seneca *l. de rem. fortuna*. De quibusdā sibi oblattrā-

V tibus:

tibus. *Mouerer*, inquit, *si iudicio hoc facerent, nunc morbo faciunt. Non de me loquuntur, sed de se. Bene nesciunt loqui: faciunt quod non mereor, sed quod solent. Quibusdam enim canibus sic innatum est, ut non pro feritate, sed pro consuetudine latent.*

Paucis itaque cum Publio Mim. dicam; *Quàm magnarum virium est, negligere ladentem: qui enim vindicat, sentit. Laudatur Antigonus, qui cum ex militibus quidam in eum conuicia iactaret, ignorantes illum propè esse, tentorio virga patefacto; Flebitis, inquit, nisi longius remoti male de nobis dicatis. Plutarch. in Apoph.*

G Et ne citò ad iracundiam incendaris, noli citò credere quæ de te dicta fuisse tibi referuntur. Nam, teste Scriptura; *Qui citò credit, leuis est & minorabitur. Eccles. 19.* Attende etiam, quid à Seneca lib. 2. de ira cap. 29. dicatur: *His, qua nobis narrata sunt, non debemus citò credere. Multi ementiuntur, ut decipiant; multi, quia decepti sunt. Alius criminatione gratiam captat, & fingit iniuriam, ut videatur doluisse factam. Qui dicere tibi nisi clam non vult, penè non dicit.* Sæpè variantur quæ nobis renunciantur; nec semper eo animo, quo ab aliis dicta sunt, referuntur. Deinde dum tibi hæc enarrantur, fortè iam habes hunc laudatorem, quem antè habueras detractorem, quia dicti illum pœnitet. Interdum plus nocet tibi præsentem referens, quàm tibi absenti detrahens. Quia inquit Augustinus *In Psal. 92 quando tibi aliquis absenti detrahit, non audis, nec sentis. Sed audis enarrantem, quem tu deberes audire excu-*
san-

fantem, & detrahentem increpantem. *Non expectat*, ait Seneca *Lib. 3. de ira c. 11. omnia audire, omnia videre; multa nos iniuria transeunt, ex quibus plerasque non accipit, qui nescit. Non vis esse iracundus? ne sis curiosus. Qui inquit, quid in se dictum est, ipse se inquietat.*

Quod si propriis tuis auribus tibi detrahentem, aut conuiciantem audias, debes tunc iuxta Senecę *Ibidem*, consilium, naturam, voluntatemque detrahentis excutere: *Nam*, inquit ille, *si puer est, aetate donetur, nescit an peccet. Mulier est, errat. Lascivus est, non est iniuria pati, quod prior feceris. Malus est, noli imitari; dabit pœnas alteri, quas tibi debet.* Nonne vis bonus haberi, imo & etie? Audi quid à Phocylide apud Plutarchum *lib. de offic. audit.* tibi dicatur. *Neceffe est*, inquit, *non solum multorum dolis expositum esse eum, qui cupit in bonorum haberi numero, sed etiam crebro irrideri, contemni, ac morsus dentatos in se recipere.* Vis aliud in tali casu consilium? Qui tibi detrahit, aut prudens, aut stultus est: tunc, ait Seneca, *Lib. 3. de ira c. 22. prudentiori cedamus, stultiori remittamus.* Item, vel verum dicit, vel falsum: si verum, quid miraris, quod alij dicant quod ipse feceris? *Cesset vitium, cessabit, & rumor*, ait Hieronymus *Epist. 10. ad Furiam*. Si falsum, dic cum Socrate: si falsa conuicia in nos iaculentur, nihil ad nos. Ideo ipsemet cuidam admiranti, quod nihil in eum commoueretur, a quo conuiciis incessabatur; *Mihi*, inquit, *non maledicit: quandoquidem ea, quę dicit, mihi non adsunt, nec in me hærent. Dices; si hæc patienter tulerō, quid mihi erit præ-*

V 2 mij?

mij? illam assequeris beatitudinem à Christo assignatam, ore suo promissam. *Beati*, inquit, *estis cum maledixerint vobis homines, & dixerint omne malum aduersum vos mentientes, propter me. Math. 5* Sed vide, vt in te iactata conuicia falsa sint; & ea propter Christum patiaris; qui ideo addidit, *propter me*. Vnde Hieronymus, *In Matth. Illud*, inquit, *maledictum contemnendum est, quod beatitudinem creat, quod falsò maledicentis ore profertur*.

C Conqueritur Diuus Augustinus Ser. 16. de tempore. quod cum illam optemus beatitudinem, nolimus pati hominum conuicia, cum amore illius multi viri, multæque delicatissimæ puellæ longè maiora æquo animo tolerauerint. *Tot viri*, inquit ille, *tot mulieres, & tanta ac tam delicata puellæ flammæ, & ignes, & bestias equanimiter pertulerunt: & nos hominum conuicia dicimus tolerare non posse? Vnde nescio qua fronte, vel qua conscientia cum omnibus Sanctis partem in aeterna beatitudine habere desideramus, quorum exempla sequi in rebus minimis non acquiescimus?* &c. Postulabat olim Regius Psaltes, vt Deus illum liberaret à labiis iniquis. *Libera*, inquit, *animam meam à labijs iniquis, & à lingua dolosa. Psal. 119*. Sed responsum est ei: *Quid detur tibi, aut quid apponatur tibi ad linguam dolosam?* Id est, (vt notat quidam) considera, quid tibi dabitur, scilicet præmij, si patienter feras labia illa iniqua: aut quid apponatur tibi, scilicet supplicij, si impatiens fueris. In Scriptura enim, dare significat præmiare, vt apud Matthæum c. 19. *Quid dabis nobis præmij?* Apponere verò significat punitre, vt in Apocalypsi; *Apponet super illū Deus plagas. c. 22.*

Item,

Item, si in te debacchantes audias, declina pa-
 rumper, & exi ab eo loco : sic præstitit Christus,
 dum vellent illum Iudæi lapidare, quamvis posset
 verbo, vel facto se defendere. *Ioan. 8.* Vnde opti-
 mē Gregorius; *Quanta humilitate*, inquit, *iram*
proximi ferre debeat, perpendat homo, si furores ira-
scientium abscondendo se declinauit Deus Nemo ergo
 se contra acceptas iniurias, & contumelias erigat;
 nemo conuicijs conuicium reddat. Imitatione enim
 Dei gloriosius est iniuriam tacendo fugere, quam re-
 spondendo superare. Sed contra hoc superbia dicit
 in corde: Turpe est, ut accepta iniuria taceas. Quis-
 quis conspicit, quia contumeliam accipis, & taces,
 non putat, quia patientiam exhibes, sed crimina
 agnoscis. Sed vnde vox ista in corde nostro contra
 patientiam nascitur, nisi quia in imis cogitationem
 fiximus; & dum in terra gloriam quærimus, placere
 ei qui nos de celo respicit, non curamus? Accepta
 ergo contumelia, meditemur in opere vocem Christi,
 Ego non quæro gloriam meam, est qui quærat, & iu-
 dicet, &c. Audis in te iactata conuicia, audit, &
 Deus qui in illis plus offenditur, quàm tu; repone
 in illo gloriam tuam, & laudabunt Angeli patien-
 tiam tuam.

I Memineris etiam, obrectantium linguas
 te nullo modo coercere posse. Lingua hominum,
 teste Apostolo, manet indomita. Omnis, inquit,
natura bestiarum, & volucrum, & serpentium,
& ceterorum domantur, & domita sunt à natu-
ra humana: linguā autem nullus hominum domare
potest Iacobi 3. Quæ verba explanans D. Thomas
 obteruat, omnium ferè animalium naturam;

quamuis saeuam, hominum industria mansuefieri. Quid enim leone ferocius? quid rapidius tigride? quid elephante immanius? quid aspide formidabilius? Veruntamen illarum bestiarum domatur natura. Audi Senecam, *Epist.* 85. *Leonibus*, inquit, *magister manum inserat: Tigrim custos suus osculatur: Elephantem minimus Aethiops iubet subsidere in genua, & ambulare per funem.* Plinius aspidem quamdam narrat in Ægypto à patrefamilias domitam, quotidie de camera sua egressam, à mensa eius annonam accipere solitam. Quidam igitur homines potuerunt huiusmodi animalia domare, sed linguam nullus hominum domare potest.

Tu quidem poteris facili negotio tuam linguam refrenare, alienam verò minimè, ne aliquando effutiat. *Lib. de remed. fortuna.* Nam, inquit Valerius Maximus *lib. 4.* *nulla est tam modesta felicitas, quam malignantes dentes vitare possit.* Hoc, & sancti Patres agnouerunt. *Nihile est*, ait Gregorius Nazianzenus, *de silentio simili.* *Quod à lingua sagittaturum, atque immune sit.* Idem sentit Diuus Hieronymus. *Epist.* 10. *ad Furiam.* *Fieri*, ait, *quidem non potest, ut absque morsu hominum vita huius curricula quis pertranseat.* Cùm igitur hominum ora occludere, illorumque linguas ligare minimè valeas, noli mirari, nec moueri, si de te mali malè loquantur; sed sume perutile consilium Senecæ, *lib. de remed. fortuna.* *Optimum est*, inquit, *pati quod emendare non potes.* Sit tibi illa impotentia, merendi occasio: fiat illa necessitas, virtutis materia: & audi magnum illum Diuum Gregorium,

Hom.

Hom. 9. in Exechiel. Cum, inquit, lingua derogantium corriginequeant, aquanimiter sunt per omnia toleranda; nec obrectationis sermo timendus est, ne dum vituperatio peruersorum metuitur, recti operis via deferatur. Leuius sanè fiet patientia, quod corrigi non potest.

Illas duntaxat blasphemias, atque conuicia ægrè feramus, quæ ore maligno in Deum à quibusdam passi effunduntur; de his vero, quæ de nobis, aut contra nos dicuntur, non curemus, sed gloriemur, optemusque, ut nobis dicantur, non Deo. Huiusmodi erat Diuus Bernardus, *ad confid.* qui de se ipso sic ad Eugenium scribebat: *Bonum mihi, si dignetur me Dominus meus uti pro clypeo, libens excipio in me detrahentium linguas maledicas, & venenata spicula blasphemorum, ut non ad ipsum perueniant. Quis mihi det gloriari in voce illa; quoniam propter te sustinui opprobrium, & operuit confusio faciem meam?*

Sunt iniuriæ condonandæ, non vindicandæ.

Caput III.

A Multa sunt quæ nos ad condonandas quasunque iniurias impellunt: atque in primis, si cogitauerimus ultionem non ad nos, sed ad præpotentem Deum pertinere, qui ideo vocatur à Psalmographo *Deus ultionum Dominus*, Ps. 93. & qui sic apertè loquitur, *mea est ultio*. Deu. 32. vel ut legit Vatablus; *Meum est ultisci*. Quem locum citans Diuus Paulus, eundem Dominum ira inducit loquentem, *Rom. 12. Mihi vindicta, &*

patienter ferentibus duo præstabit Deus . Primò ; misericordias : est enim patientia tam grata Deo , vt abundatissimas misericordias effundat in eos , quos tali viderit virtute affectos . Nec solùm hæc præstat , sed & *facit eis iudicium* . Tunc alicui fit iudicium , cùm eius offensæ plena vindicta plectuntur : faciens enim eis misericordias , non relinquit illorum inimicos impunes . Vnde sic hortatur Augustinus , *In hunc Psal. Ferto iniurias, securus esto: faciet enim misericordias Dominus, & iudicium omnibus iniuriam accipientibus* .

B Dices ; libenter indulgerem , si Deus , qui sibi vindictam reseruat , confestim vlcisceretur : sed quando videbimus illam ultionem , quàm se redditurum promittit ? Citò . Audi quid apud Lucam , cap. 11 . asserenti Iudici iniquitatis Deum non facturum vindictam electorũ suorum , responderit Dominus : *Dico vobis, inquit, quia citò faciet vindictã illorum* . Quibusdã etiam animabus interfectorum clamantibus , & vindictam à Deo postulantibus , responsum est , *vt requiescerent adhuc tempus modicum Apoc. 6* . Nota hic breuiter verbum illud , *requiescerent* ; ex quo colligimus , quòd abstinere à vindicta , requiescere est . Vnde D. Augustinus , *Serm. de S. Stephano* , diligenter attendit , quid Scriptura dicat de oratione , & dormitione S. Stephani . Primò , inquit : *beatus Stephanus stans orauit pro se, deinde genu flexit, & ait, Domine, ne statuas illis hoc peccatum : & hoc dicto obdormiuit* . Felix somnus , & requies vera ; ecce quid est requiescere , pro inimicis orare . Vis dormire ? parce . Vis requiescere ? pra pro inimicis .

Sed,

Sed, ais, cum citò promittatur illa vindicta, cur citò non perficitur, & adimpletur? Iterum dico, quòd citò veniet, & citò fiet, imò citò fit, licèt tibi videatur non citò fieri. Egregia autem similitudine ostendit idem Augustinus, *In Psalm. 36.* cur tibi diuturnum videatur, quod festinum est: & longum, quod breue est: sic enim scribit. *Infirmitas facit diu videri, quod citò est. Quomodo inueniuntur desideria aegrotorum? nihil tandiu, quàm ut calix sitienti prepararetur: utique festinatur à suis, ne forte offendantur infirmi. Quando fiet? quando coquitur? quando dabitur? Celeritas est in illis, qui tibi seruiunt: sed infirmitas tua diuturnum putat, quod citò agitur.* Sublata igitur infirmitate, festinum erit aegrotò, quod priùs erat prolixum. Infirmitas tua odium est erga inimicum: quod quidem odium si deponas, modicum illud tempus inuenies, quod vindictæ seruatum est, licèt ad diē vsque Iudicij protraheretur. Vel dicendum cum eodem Doctore, *Ibidem. Quod tibi longum videtur, citò est Deo: subiunge te Deo, & citò tibi erit.*

Et quamuis tardaret Deus vindicare, non minus tamen præstolari patienter debemus. Ad hoc nos hortatur Diuus Cyprianus: *Lib. de bono patien. Expectemus, inquit, ultionis diem, nec ad vindictam doloris nostri querula festinatione properemus, cum scriptum sit, expecta me, dicit Dominus.* Certi enim sumus, quòd nullum malum remanebit impunitum, & tanto grauius punietur, quantò tardius. Nouit ipse Valerius Maximus aliquando lento gradu diuinam procedere iram, tarditatemque vindictæ grauitate compensare. Cur etiam inter-

dum

dum Deus differat punire tam lædentes te, quàm cæteros delinquentes, obseruat Diuus Gregorius, *Homil. 10. in Euang.* dum ait. *Idcirco venire Deus citius differt, ut minus inueniat quod condemnet.* Promisit quidem Deus punitionem, sed non denegat dilationem: adimplebit promissionem, nisi viderit satisfactionem. Audi Apostolum: *Non tardat Dominus promissionem suam, sicut quidam existimant: sed patienter agit propter vos, nolens aliquem perire: sed omnes ad pœnitentiã reueri.* 2. Pet. 3. Non poterit autem lædens perfectã agere pœnitentiam nisi tibi læso satisfaciât. Caueat interim vnusquisque, ne aliquo odio vindictam Deo relinquat, velitque, ut plus noceât Deus lædenti, quàm ipse nocere possit; quia, teste Augustino, talis esset *in superficie bonus, & in abdito malus: opere parceret, sed corde sauiret: manu mitis, sed voluntate crudelis.* Sed optare debet, ut Deus suis inimicis ignoscat, sicut veller sibi ignosci. Hoc enim est Deo gratissimum, nobis vero vtilissimum. Vnde Chrysostomus, *Hom. 51. ad pop.* *Læsit te quispiam, aut contumelia insectatus est? Deum precare, ut mox illi concilierur, & parcat: frater enim est, tuum est membrum. At dices: si id egero, maiorem mihi in modum aduersarius insultabit. Ergo & maiora, & plurimæ te manebunt præmia.*

C 2. Deinde, noli attendere, nec considerare iniuriam tibi illatã, ne consideratio illius te ad iracundiam, & ad vindicationem prouocet, sed cælum respice: hoc consilium dat tibi idem Chrysost. *Hom. 78. ad pop.* *Facillimè, inquit, iniuriam ferro poteris, si tantum in cælum respicias, si spectes hanc*
pul-

*pulchritudinem, & quò te Deus suscipere promisit iniuriam generosè ferentem, &c. Ne respicias in terra nocentē, sed in cælo coronantem. Hoc præstitit beatissimus Stephanus, qui, vt sacra testatur historia, dum lapidibus obrueretur, erat intendens in calum. Act. 7. Non erat intendens in lapidantes. aut in lapides: non iniuriam considerabat; sed cælos spectabat, qui illi ignoscenti, & pro lapidantibus deprecanti erant aperti. Vadantibus aliquod flumen tutius est sursum, aut ripā, quàm aquam respicere, ne titubantes prolabantur. Sic, ne aliquo ducaris vindicandi desiderio, Deum potiùs ignoscere præcipientē, quàm inimicū lædentē, attendas. Aquæ sunt iniuriæ, illo teste, qui ait; *Intraverunt aquæ vsq; ad animā meā. Ps. 8.* In quibus noli mētis oculos figere, sed ī cælo, vel in ripa, hoc est ī morte.*

3. Præterea, maximè te à vindicta retrahet, si consideraueris neminem tibi fore iniurium, & infensum, nisi à dæmone impellatur. Si quis filiū tuum, vel fratrem, aut amicum impelleret in te, & ab impulso lædereris, cui irascereris, impellentine, an impulso? certè impellenti potiùs. Age ergo in dæmonem, sine quo instigante, & concitante nunquam tibi homo nocuisset. *Quidenim magnum*, ait Ambrosius, *in Psal. 39. de homine inualido vindicari, quem ad furorem alter, scilicet diabolus, vrgebat?* Id ipsum agnouit Chrysost. *Hom. 51. ad pop.* atque quid nobis agendum sit, indicat. *Cum aliquis infestat, ipsum ne respicias, sed dæmonē instigantem, & omnem tu in illum iram effunde: ipsius autem misere, qui mouetur ab eo: non enim Christianorum sunt scommata.* Ille est, qui inimi-

co tuo arma ministravit, contra illum solum sunt arma sumenda. Ut vlciscaris, arripis ense, gladium, aut alia huiusmodi; his armis non expugnatur diabolus, qui, ait Ambrosius, *Ibidem, non gladio, sed verbo Dei vincitur*. Verbo, inquam, Dei, quod à nobis adimpletur, verbi gratia, quando ei opponuntur quæ à Deo nobis præcipiuntur. *Non quaras ultionem, nec memor eris iniuria civium tuorum. Leuit. 19.* Vel quod Christus in Euangelio præcipit. *Dimittite, & dimittimini. Luc. 6.* Et, *Si dimiseritis hominibus peccata eorum, dimittet vobis pater vester celestis delicta vestra. Matth. 6.* Et illud Apostoli; *Videte, ne quis malum pro malo alicui reddat. 1. Thess. 5.* Hæc, & similia Scripturæ loca, quibus ultio prohibetur, sunt dæmoni inimicum tuum impellenti obijcienda, exēplo Christi, qui, ut diabolum tentantem profligaret, nihil nisi quod scriptum erat; protulit. *Matth. 4.* Ideo enim dæmon hominem iu te concitat, ut te ad iracundiam, & ad ultionem prouocet: quod si vlciscaris, habebit intentum; si verò obijcias, quod scriptum est, & quod vindictam prohibet, ac propterea te nolle vindicari, aufugiet, & tu victor euades.

D 4. Cogita præterea exigui esse animi vindicatione delectari, malumque pro malo reddere. *Puilli hominis, inquit Seneca, Lib. 2 de ira. cap. 34. & miseri est, repetere mordentem, ut mures, & formicæ, ad quas si manum admoueris, ora conuertunt. Imbecilla se lediputant, si tangerentur.* Si tibi nocentibus noceas, aut te lædentes lædas, similis muribus, formicis, & alijs huiusmodi animalibus effi-

efficeris. Tangis murem, tangis formicam, tangis gallinā, quia imbecilla animalia sunt, non feriunt, tangis equum, aut simile aliud validum animal, mansuetè patitur. Ita homines imbecilles, si vel minimo verbo tangantur, irascuntur; vel si tantillū offendantur, in vindictā profiliunt: quia, secundum Aristot. *Lib. 4. Ethic. c. 3.* sicut debilis stomachi est, duriores cibum non posse concoquere: ita pusillanimi est, verbū duriusculum non posse sustinere. Vnde & Poeta: *Iuuenal. satyr. 13.*

Semper & infirmus est animi, exiguique voluptas, Vltio. — — —

Propterea optimè Diuus Ambrosius, *lib. 1. offic. cap. 36.* *Vindicare se, inquit, non est actus fortitudinis, sed abiectiōis, & timiditatis: vincitur ab inimico, non vincit, qui se vindicat.*

Desisterem, inquiens, ab insectatione, atque libenter ore, & opere ignoscerem; verū honor, quem profitemur, spectandus, eiusque ratio habenda est, non mediocri damno honorem meum afficiam: si non vliscar, timori id potius, quā amoris adscribent homines: non licet ergo dignitatem, honoremque meum violare, meque infamia, & ignominia afficere. Scio utique, scio communem hanc esse mortalium nostri sæculi insaniam. Turpe est, inquiunt homines, ut accepta iniuria taceas, quisquis te contumeliam accipere conspiciet, & tacere, non te patientiam exhibere, sed crimina agnoscere putabit. Verū ad hæc tibi Diuus Gregorius, *Hom. 18. in Evang.* respondeat. *Vnde, inquit, vox ista in corde nostro contra patientiam nascitur, nisi quia in imis cogitationem figimus,*

mus, & dum in terra gloriam quarimus, placere ei, qui nos de calo conspiciit non curamus? Accepta ergo contumelia, meditemur in opere vocem Dei: Ego non quero gloriam meam, est qui querat, & iudicet. Si ergo princeps contumeliam passus, se propriam gloriam non querere inquit, sed Dei, quid tu membrum, tanti facis gloriam, & dignitatem tuam, ut pro illa quarenda, atque tuenda, ipsius Dei gloriam contemnas? Ioan. 8.

E Nunc igitur quero, quinam hi sunt, qui te pusillanimum, & imbecillum iudicant, quod inimicis ignoscas? Num viri sapientes, & iusti? nequaquam; hi enim potius collaudabunt te. Imperitum ergo vulgus est, quod ita sentit, de quo sic Tullius, lib. 1. de offic. (Qui ex errore imperitæ multitudinis pender, is in magnis viris non est habendus.) Si cupias haberi in magnis, & probis viris, errorem imperiti vulgi non attendas; sed sanctissimos viros imitare, qui in condonandis iniurijs, ac in tormentis patienter tolerandis maximam laudem, non vituperium adepti sunt. In cuius rei testimonium videmus illis, aut sacris eorum imaginibus instrumenta tribui, quibus non se de inimicis vindicarunt, sed quibus eis iniuncti nocuerunt: quæ quidem instrumenta sunt eis veluti trophæi sui arma, & stemmata honorifica, non pro iniurijs, & contumelijs, quas intulerunt, sed quas pertulerunt. Diuus Andreas crucem gestat, non in qua crucifixus inimicum, sed in qua ab inimico fuit crucifixus. Diuus Paulus primò quidem, ut annotat Chrysostomus, catenas tamquam nobilissima stemmata ferebat, non

non quibus inimicos alligauerat, sed quibus pro Christo ab eis fuerat ligatus: gladius deinde datus est in eius manibus, non quo alterum iugulauit, sed quo iugulatus est. Matthæus lanceam deferret, non quâ aliquem transfixit, sed qua transfixus est. Stephanus lapides secum fert tamquam victoriæ arma, non quos contra alios gessit, sed quibus ab alijs lapidatus est, pro quibus deprecatus est. Ita & Laurentius craticulam, & alij alia gestant. Ex quibus colligere licet, honorificum esse non referre, sed ferre iniuriam. Non sunt igitur audiendi, qui vindictam suadere contendunt. Diuus Basilus, *Homil. 10, de ira*, postquam enarrauit aliquos sanctos, & grauissimos viros, qui erga inimicos eximiam dilectionem, & beneficentiam exercuerant, ob quam præcipuo apud omnes habentur honore, tandem subdit: *Quorum ergo, dictu mihi, cupis esse discipulus? Beatorum hominum, & Deo gratorum: an eorum, qui spiritus referti sunt maligno? Approbas illorum facta, confiterisque illa ipsis fuisse honorifica, & tibi credis, in dedecus cedere, inimico parcere?* Quæ nostra confusio, ut quos vocibus celebramus, opere non imitemur? Laudamus Dauidem, Stephanum, Paulum, & cæteros, qui libenter pepercerunt, ac vlcisci renuerunt, sed eos nolumus imitari. Væ tibi, si ore, & opere vsurpare contingat illud Ouidianum, *Lib 7. Metamorphos.*

——— *Video meliora, proboque:*

Deteriora sequor. ———

F Si aliquod dolium, aut vas plenum est, & percutatur, non resonabit: si verò vacuum sit,
Ra-

statim minimo ictu edet sonum . Aliqui iactant suam nobilitatem, ostentant sui ingenij dexteritatem, & industriam, corporisque fortitudinem, ac illis se esse plenos autumant: verum, si vel minimo baculo, aut verbulo impetantur, illicò illos resonare, repercutere, & ad ultionem properare videbis; atque ita testantur se esse his omnibus vacuos, quia si verè nobiles, fortes, & magnanimi essent, tacerent, patienter tolerarent, sicut Stephanus, qui *plenus gratia, & fortitudine, Act. 7.* lapidibus impetebatur, & tamen veniam, non ultionem inimicis precabatur; & sicut illi, de quibus Ecclesia. *Nō murmur resonat, non querimonia; sed corde tacito, mens bene conscia conseruat patientiam.* Veram, inquam, nobilitatem, veram fortitudinem, verumque profitebantur honorem, qui de inimicis non quærebant ultionem . Interrogatus Diogenes, quinam essent hominum nobilissimi, respondit; Contemptores iniuriæ . *Laert.* Quo enim quis nobilior, eo etiam placabilior est . Audi Poetam: *Ouid. 3. de Tristib.*

Quo quisque est maior, magis est placabilis ira:

Et faciles motus mens generosa capit .

Loquens Deus olim ad Heli, sic minabatur; *Qui contemnunt me, erunt ignobiles 1. Reg. 2.* Ille autem contemnit Dominum, qui eius mandata spernit, & transgreditur . Ecce quid Deus præcipiat: *Ne quæras ultionem, &c. Leuit. 19.* Et apud Sapientem, *Prou. 20. Ne dicas, reddam malum.* Hæc præcepta sunt negatiua, & obligant semper, & pro semper; nisi ea obseruaueris, fies ignobilis, Deoque odibilis . Vide quid dicat Chrysostomus;

X

Hom.

Hom. 18. in Gen. 10m. 1. Nihil omnium Deus ita odit, & auersatur, ut hominem ultionis avidum, & in animo suo perpetuo seruantem inimicitias. Arrigant aures implacabiles, qui nihil nisi vindictas spirant; magnanimi enim est se placabile exhibere.

Ignobilis verò, vilis, atque abiecti animi est, iniuriarum perpetuam habere memoriam, vulnereque post obductam cicatricem refricare. Nonne audisti Cæsarem illum inuictissimum, qui nullius vnquam rei, nisi iniuriarum obliuisci solebat, in Pharsalica illa acie militibus dimicantibus, ac in hostes sæuientibus magno clamore dixisse; *Parcite ciuibus*. Vox quidem tanto Cæsare digna. Sicut enim inhumani, & efferi hominis vox est, *ulciscimini*: sic magnanimi, ac inuicti Principis vox est, *parcite*. Si inter nobiles, ac heroes admisceris cupis, audias tuum Cæsarem, ac Imperatorem, Christum, inquam, tibi dicentem; *dimitte*, *Luc. 6. parcite ciuibus*; omnes eiusdem ciuitatis ciues estis, eiusdem Ecclesiæ alumni: ergo parcite ciuibus; neque enim decet Christianum in Christianum sæuire. Sapienter igitur à Stobæo dictum est: (Veniam ultione melior est; illa namque mitis est ingenij, hæc autem ferini.)

Parcendo potius, quàm puniendo Dominus ostendit fortitudinem, & potentiam suam; quod aperte declarat Moyse his verbis; *Magnificetur ergo fortitudo Domini, &c. Dimitte obsecro peccatū populi huius, sicut propitius fuisti. Num. 14.* In qua verba sic Oleaster: *Considera*, inquit, *hominum cecitatem. Arbitrantur se suam fortitudinem, suumq; animum magnificare, si in alios saniāt, si illas iniurias*

rias vindicent: non sic autem Dominus noster, sed parcendo, & non vindicando, sibi nomen potentissimi acquirit. Deus, ait Ecclesia, Orat. qui omnipotentiam tuam parcendo maxime, & miserando manifestas, &c.

§ G Expendenda sunt verba prudentissimæ Abigail Dauidem à vindicta retrahentis. Fuit olim vir nomine Nabal, qui, teste Scriptura, *erat durus; pessimus, & malitiosus. 1. Reg. 25.* Hic maximam intulerat Dauidi iniuriam, quòd illum, & seruos eius spreuerit, vacuosque remiserit; quam quidem iniuriam volebat Dauid vindicare: quo audito, Abigail vxor Nabal occurrit Dauidi, atque sic affata est; *Ne ponat, oro, Dominus meus Rex cor suum super virum istum iniquum Nabal, quoniam secundum nomen suum stultus est.* Quasi dicat: ò Dauid, considera te Regem, & hunc tibi iniuriũ, stultum; stultè enim egit, quando te offendit: non magni faciat Rex iniuriam à stulto illaram. O homo dum aliquis te iniuria afficit, stultus est. Si aliquis ex stultis, quos hospitale amentium continet, te iniuriis, vel contumeliis lacefferet, ponere scilicet cor tuum super illum? cerrè illum tanquam amentem relinqueres, illumque tibi nocere non posse, crederes. Scito hominem tandiu delirare, quamdiu tibi iniurius est, tibi iniurè irascitur. Ira enim, teste Basilio *Hom. de ira breuis insania est.* breuem vocat, si cito transeat; fiet autem longa, si diu maneat. Si itaque vleiscaris, stultus quoque efficieris; quia huiusmodi vltio non carebit ira: ergo nec insania. Sufficiat mundo infinitus stultorum numerus. Noli tu vindicta fieri stultus.

tus. Molestum tibi sit, sicut & Euripidi, stultescere cum stultis. Interrogatus Ausonius, quid stulti proprium esset, respondit; *velle nocere*.

Affert & aliam rationem Abigail, qua veniam suadet Dauidi. *Non erit*, inquit, *Ibidem*, *tibi hoc in singultum, & in scrupulum Domino meo*, quod effuderis sanguinem innoxium, aut ipse te ultus fueris. Quædam continet hæc ratio notatu digna, ait enim: *Non erit tibi hoc in singultum*. Singultus est species quædam conuulsionis: vel est commotio quædam totius corporis, procedens ex eo, quod aliquid comedisti gustui quidem suaue, orique iucundum; sed stomacho onerosum, quod à calore naturali difficilè digeratur. Ideo plerumque sapor, vel odor illius rei manducatæ satis iniucundè emittitur fursum. Quando comedebatur, multa concurrebant, os recipiendo, lingua gustando, dentes coterendo, guttur deglutiendo: at postea comesta, quia nō digesta, pariūt huiusmodi singultus. Similiter vindicta quibusdam videtur suaui, & iucunda, præcipuè indoctis, & insipientibus, iuxta illud:

At vindicta bonum, vita iucundius ipsa,

Nempe hoc indocti. — Iuuenal. Satyr. 13.

H Ideo totis viribus vlcisci contendunt, lingua comminando, ore conuiciando, oculis toruè intruendo manibus percutiendo, corde odiendo; sed postmodum sumpta illa vindicta multos parit in anima singultus, multosque dolores, ac multa sequuntur incommoda. *Hoc si constitutum sit*, ait Cicero, *Lib. 2. de inuent. ut peccata homines peccatis, & iniurias iniurijs vlciscantur, quantum incommodorum consequatur?* Videamus hoc in ipso

Da-

Dauide, 2. *Reg.* 24. qui dormiente Saule eius inimico in spelunca, abscidit oram chlamydis illius; quod quidem modicum videbatur: erat tamen species, aut saltem signum vindictæ, quam sumere poterat; sed attende singultus. *Post hæc*, ait Scriptura, *Ibid. percussit cor suum David, eo quod abscidisset oram chlamydis Saul.* Quid si honorem? quid si aliquam partem corporis? quid si vitam eripuisset? Nec remansit prescisio illa impunita; nam præter huiusmodi singultum, dicunt aliqui frigiditatem illam, qua in senectute David premebatur, ut nullis vestibus calefieret, ei ob illam abscissionem contigisse; quasi meruerit ille sustinere frigus, qui alterius vestem absciderat. Scrupulus verò est lapillus brevis, & asper, qui in calce latens, plerumque nos lædit, pressusque dolorem creat. Sicut igitur lapillus torquet, dum premitur: ita si inimicum tuum vindicta premas, & insecteris, tibi ipsi maximam anxietatem, maximumque inferes dolorem. Nam, teste Poeta, *sæpe vindicta obfuit. Senec. trag. dial. 1.* Prudenter itaque consuluit hæc mulier Dauidi; prudenter etiam nobis consulunt, qui à vindicta nos retrahunt, quia nobis ex animo scrupulum euellunt, qui nos maximè stimulasset. Arcendi autem illi sunt, qui quibusdam mundanis, aut potius diabolicis rationibus nos ad ultionem prouocant.

6. Propterea, noli de inimico vindictam sumere: quia si læserit te, & non satisfecerit tibi, haud dubiè ipsemet ad ultionem tendet. Hoc innuere voluit altera quædam mulier, dum eidem Dauid mortem filij sui Amnon vindicare, &

in Absalonem animaduvertere quærenti, sic loqueretur: *Omnes morimur, & sicut aqua dilabimur.* 2. Reg. 14. Quasi diceret: noli, mi Rex, vindictâ quærere; quia sicut omnes naturali quodâ cursu tendimus ad mortē. & aque etiam ad ima descendūt, vel ad mare fluunt: ita qui alios iniuria affecerunt, nisi satisfaciant, ad ultionem properabunt. Hoc in ipsomet Absalone perspicuum est, qui interfecerat, aut interfici iusserat fratrem suum; sed tandem ipsemet interfectus est; nam capillis ad quercum suspensus miserè periit. Ei quidem pepercerat pater, sed quia nondum planè satisfecerat, sui criminis dedit pœnas, atque ad vindictam, & ad pœnam sibi debitam currendo peruenit: quod præuidens mulier illa prudens, superuacaneum ducebat de illo vindictam sumere.

I Grauißimum crimen proditor ille Iudas commiserat: poterat Christus iustè vlcisci, sed noluit; imò verò illum multo studio, multisque officiis ad meliorem mentem reuocare voluit; renuit proditor ad pœnitentiam consurgere, & vt decebat, satisfacere. Quid tandem? nemine, nisi dæmone instigante, ipsemet ad vindictam properauit; nam *abiens laqueo se suspendit.* Matth. 26. Et notandum est, Scripturam non dixisse *abiit*, sed *abiens*, quasi statim patrata prodicione, iam esset abiens, vel abiret ad ultionem. Quod etiam ex verbis Diui Petri, & aliorum Apostolorum de illius apostolatū colloquentium, colligitur: *de quo*, inquit, *preuaticatus est Iudas, vt abiret in locum suum.* Act. 1. Non fuit opus, vt quis illum duceret ad talem locum suo crimini assignatum, cum ipsemet

ex

ex ipso abierit . Sicut enim omnia tendunt ad proprium locum ; ita offensæ ad pœnam sibi debitam tanquam ad suum locum . Dole itaque fortem lædentes te, quia illum manet grauissima ultio, quam accelerare non cures , cùm ad eam, statim ac tibi nocuit, tendere incipiat .

Aderat Paulus , & consentiebat internecioni beati Stephani, vt ipsemet fatetur ; *Ego astabam , & consensiebam*, &c. *Act. 22* . Et vt in omnium esset lapidantium manibus, omnium vestimenta seruabat: pro illo peculiariter orauerat Stephanus; veruntamen illum audio clamantem : *semel lapidatus sum. 2. Cor. 11*. Quasi dicat: quia consensiendo, vestimenta asseruando , & alios cohortando , Stephanum lapidaueram, merui ego lapidari ; & sic ad iustissimam vindictam tendere, quamuis nullus esset, qui me pro hoc peccato ad iudicium traheret, nec vlciisci quæreret: exigente tamen diuina iustitia egomet ad pœnam mihi debitam , fortè non cogitans, properaui . Quando autem Paulus ad vltionem properauit ? dum I ystram , quæ erat Lycaoniæ ciuitas , venit: ibi enim, vt habetur in Actibus Apostolorum , *Act. 14. superuenerunt quidam Iudei , & persuasis urbis , lapidantesque Paulum , traxerunt extra ciuitatem , existimantes eum mortuum esse*. Si igitur Paulus, vas electionis , qui tam diros, & duros labores , tormenta que pro Christo iam subierat , tam multa patrauerat miracula; & qui tam piè, & sanctè vbique se gesserat, meruerit adhuc lapidibus imperi, quod vestes lapidantium Stephanum custodierit ; credis lædentes te impunè mansuros ? Sine, expecta, pa-

tientiam habe, & audi quid tibi polliceatur David: *Retributionem peccatorum videbis; Psal. 90.* vt legit Hieronymus; *Vltionem impiorum cernes*. Discant itaque aliis nocentes, quàm citiùs poterunt satisfacere, ne vltionem inueniant, si satisfactionem deferant? vni enim, aut alteri subiiciuntur: vtramque autem euadere nullo modo poterunt. Quod cum certò sciant læsi, nihil de vindicta curent, sed omne deponant odium.

Adducuntur nonnulla alia rationes, quarum consideratione poterit quis appetitum vindictæ facilitè comprimere. Cap. IV.

A **E**X tam multis aliis rationibus, quæ ad affectum vindicationis temperandum valere possunt, has quoque afferamus. Considera insuper te multos perpetrasse defectus, quos à Deo, & à proximo tolerari desideras; sed non mereberis, quòd tolerantur, si illatas tibi iniurias patienter non feras. Hanc rationem validissimam iudicat Diuus Gregorius, *Lib. 5. moral. cap. 31.* eamque commendat, *Nam, inquit, patienter illatam iniuriam tolerat, qui piè meminit, quòd fortasse adhuc habeat, in quo debet ipse tolerari: quia erubescit sibi peccata non parcere, qui vel Deo, vel proximo saepe se recolit parcendo peccasse.* Similiter D. Chrysostomus, *Hom. 3. in Ioan.* vult, vt consideratione eorum, quæ contra Deum commisimus, & diuini iudicij metu à vindicta abstinemus; patienterque illatas feramus iniurias. *Quotiescunque, inquit, dolore aliquo amicus te, vel familiaris affecerit,*

¶ ad

Et ad iram concitauerit, veniant in mentem, quæ tu contra Deum commiseris; quodque, si à proximo offensam, & contumelias equo animo toleraueris, lenius in te iudicium Dei pronocabis.

Præterea, cogita, quòd qui te offendit, si Christianus est, benedictione donatus est: non debes igitur illum maledicere, quæ semel Deus benedixit. Hac ratione Balaam, licèt impius, continuit se, ne populum Dei malediceret, ad quem maledicendum vocatus fuerat, grandi proposito præmio à Balac Rege Moabitarum: iam enim constitutus in monte, ex quo populum Dei intuebatur, dicere cœpit: *Quomodo maledicam, cui non maledixit Deus? quæ ratione detester, quem Dominus non detestatur? Deus illum eduxit de Aegypto, &c.* Cōsiderauit, quidnam Dominus pro illo populo fecerit, quem sibi elegit, & eduxit de Aegypto in manu forti, & transtulit per mare rubrum, & ad terram promissionis dirigebat. Quasi dicat: quem Deus elegit, & tot beneficijs cumulauit, ac sibi adiunxit, ego non abominabor, nec detestabor. Hanc rationem debes mente versare, cùm aliquis verbo, aut facto te offendit. Cogita, quòd quamuis ita sit, quòd ex hac parte pœna sit dignus, & supplicio, ac odio: verùm ex alia est, quem Deus benedixit, & eduxit de potestate tenebrarum per mare Baptismi, & lauacrū regenerationis: & quòd tanti Deus eum fecit, vt pro illo sanguinem fuderit: & fortè, quamuis cum te offendit, peccarit, iam facti pœnitens, in Dei gratiam est admissus. Si igitur Balaam continebatur, ne populum malediceret, quia Deus ad illius liberationem ex
Aegy-

Aegypto mira praeiititerat; multò magis tu continendus es, attendens quahā Deus pro illo, qui te offendit, operatus fuerit. Nunquid tu peior eris impio Balaam?

B Dices; nulla maledictione Balaam afficere debebat populum, qui non fuerat ei iniurius: at cur non debeam ego maledicere, qui mihi maledixit, & iniurias mihi illatas vlcisci? Vnum inter multos tibi profero Noe, qui filio suo Cham, à quo irrisus, & sterilis magica arte affectus fuerat, noluit maledictionem impertiri, eo quòd illum iam benedixerat Dominus: nam postquam Noe, & filij eius arca sunt egressi, benedicti sunt a Domino: *Benedixit Deus Noe, & filiis eius. Genes. 9.* inter quos erat Cham. Nefas itaque putauit Noe illum maledicere, cui semel benedixerat Deus; ideò porius Chanaam filium eius maledixit his verbis: *Maledictus Chanaam, seruus seruatorum erit fratribus suis.* Hanc rationē attigerunt Chrysostomus & Theodoretus. Vnde colligimus, indecens esse proximum maledicere, vel de illo vindictam sumere, non obstantibus quibuscumque iniurijs ab ipso nobis illatis, cum illum benedixerit Dominus, conferendo ei beneficium creationis, regenerationis, redemptionis, &c.

Insuper, qui tibi, verbi gratia, detrahit, & conuiciatur, vel verum dicit, vel falsum: si verum, patienter feras, & caueas eidem vicissim conuiciari, sed amaro gemitu Deum implora: hoc enim pacto omnem poteris culpam deponere, Deumque tibi placabilem reddes. Hoc Diuus Chrysostomus probat parabolā Pharisei, & Publicani.

Luc.

Luc. 18. Erat, inquit, Phariseus quidam. & Publicanus: quorum hic quidem ad summam progressus erat malitiam, alter ad summam suo iudicio pervenerat iustitiam. Ambo ascenderunt, ut orarent: Phariseus dicebat; non sum sicut ceteri hominum, &c. velut h. c. Publicanus. At Publicanus procul stans, non regeffit contumeliam, neque vicissim dixit conuicium. neque protulit ista vulgaria verba; Tunc audes vitæ meae mentionem facere? melior te sum, &c. nihil horum loquutus est Publicanus, sed amarè suspirans, vectusque percutiens, hoc tantum dicebat: Deus, propitius esto mihi peccatori; & descendit iustificatus. Vides celeritatem? accepit probum, & abluit probum; agnovit peccata & abluit peccata: & criminum impropertio, facta est illi criminum remissio: & hostis, insciens factus est beneficus. Quot labores erant Publicano subeundi, ieiunando, humi dormiendo, vigilando, bona sua egenis impartiendo, longo tempore in sacco, & cinere sedendo, ut illa tam multa peccata posset deponere? At nunc cum nihil tale fecerit, simplici verbo omnem deposuit iniquitatem, ac probra, conuiciaque Pharisei, quæ videbantur illum contumelia afficere, pepererunt iustitia coronam, idque sine sudoribus, & absque longi temporis mora. Vide, quomodo, etsi vera dicat, qui conuiciatur, si amarè ingemiscens Deum pro delictis nostris exorauerimus, omnia peccata deponere possimus. Ita Chrysostomus, qui apertè docet, conuicia etiam vera patienter tolerata supplere vires multorum bonorum operum pœnalem, quæ nobis fuissent præstanda, & exequenda in satisfactionem nostrorum delictorum.

Hac

C Hac ratione ductus Dauid noluit permittere, ut de Semei ipsi conuiciante, & crimina obijciente, sumeretur vindicta; sed quibusdam vlcisci volentibus, dixit: *Dimittite eum, ut maledicat iuxta præceptum Domini, si fortè respiciat Dominus afflictionem meam, & reddat mihi Dominus bonum pro maledictione hac hodierna.* 2. Reg. 16. Non solum illis conuicijs Dauid non offendebarur, sed illis potius delectabatur: & illa exoptabat, pro quibus sibi veniam redendâ arbitrabatur. Audi Ambrosium, *Lib. 1. offic. cap. 48. Expetebat Dauid maledici sibi, quia maledicto illo diuinam exquirebat misericordiam.* Interim, ut notat Basilii, *Orat. de ira.* agnoscebat Dauid, quòd aliqua, quæ Semei in illum iactabat, vera erant: ut, quòd esset vir sanguinum, qui sanguinem Uriæ proditoriè fudit: pro quo quidem crimine non poterat Dauid melius satisfacere, quàm patienter ferendo illa conuicia, & quòd ei suum crimen obijceretur. Ideo ait Bernardus, *Ser. 3. 4. in Cantic. Vetuit prohiberi maledicum conuiciantem, quæstum astimans maledicta.* Videbat enim sibi plurimum profutura illa conuicia, & obiecta crimina, si patienter ferret. Similiter & tibi proderit, quòd tibi exprobrat inimicus, si patienti animo tuleris.

Si autem falsum dicat, qui tibi conuiciatur, noli contumeliam retorquere, aut conuicium conuicio rependere: sed sustine, & memento Domini nostri Iesu Christi, qui ad consolationem nostram, sua in exemplum adducere opprobria dignatus est. *Si patrem familias, inquit, Belzeub vocauerunt, quantò magis domesticos eius?* *Matth. 10.*

Et

Et quietiam post mortem à persecutoribus suis seductor appellatus est, cum dicerent: Scimus, quia seductor ille dixit: post tres dies resurgam. Nomine seductoris, *Matth. 27.* ait Augustinus, in *Psal. 63.* appellatur Christus, ad solatium seruorum suorum, quando dicuntur seductores. Dicam igitur cum D. Greg. *Lib. 9. epist. 39.* Quanta nos peccatores à lingua, vel manibus iniquorum hominum portare necesse est. qui in aduentu æterni Iudicis iudicandi sumus: si & ipse tantum pertulit, qui & Index venit?

Idem Doctor hortatur nos, ut maledicentibus inimicis, aut iniurijs nos afficientibus, ad mentem nostram statim recurramus, videamusque, an verum sit, quod de nobis, vel contra nos dicitur: quia si, inquit, *Epist. 35.* in ea non inuenitur malum, quod de nobis homines loquuntur, in magnam debemus letitiam proflire. Quæ debet esse tristitia, si omnes accusent, sola conscientia nos liberos demonstret? Habemus Paulum dicentem: Gloria nostra hæc est, testimonium conscientia nostra, *2. Cor. 1.* Iob quoque dicit: Ecce in calo testis meus. Si ergo nobis est testis in cælo, testis in corde, dimittamus stultos foris loqui quod volunt. Quid aliud detrahentes faciunt, nisi quod in puluerem sufflant, atque in oculos suos terram excitant. *Iob. 16.*

D Vel, si velis, dicamus, conuicia, maledicta, & opprobria patienter tolerata esse veluti ventum ab inimicis excitatum, quo ad martyrium, & ad portum salutis peruenitur; nam, teste eodem, sine ferro esse possumus Martyres, si patientiam veraciter in animo custodimus. *Gregorius Homil. 35. in Euang.* Et affert exemplum cuiusdam Stephani, qui

ob

ob insignem patientiam in ferendis iniurijs, martyrij palmam meruit obtinere : sic enim de illo scribit , *Ibidem*. Fuit quidem diebus nostris Stephanus nomine , pater Monasterij iuxta Reatina urbis moenia constituti , vir valdè sanctus : in eo virtus patientiæ vehementer excreuerat ; ita ut eum sibi amicum crederet . qui sibi molestiæ aliquid irrogasset . Reddebat contumelijs gratias . Si quod damnum in sua inopia fuisset illatum , lucrum putabat . Omnes suos aduersarios nihil aliud , quàm adiutores aestimabat . Hunc cum dies mortis egredi de corpore urgeret , conuenerunt multi , ut tam sanctæ animæ de hoc mundo recedenti , suas animas commendarent . Cumque circa lectum illius hi , qui conuenerant , omnes assisterent : alij corporeis oculis ingredientes Angelos viderunt . Quid huic suus Conditor intus dedit , de quo nobis tanta gloriæ in die eius exitus , & foris innotuit ? Quibus hunc credamus , nisi sanctis Martiribus sociatum , quem , a testantibus corporeis quoque oculis . à beatissimis spiritibus constat esse susceptum ? Nullo istè gladio percussus occubuit , & tamen coronam patientiæ , & quam in mentetenuit , in egressione seruauit .

Cogita etiam , neminem posse cum Christo regnare , qui calicem eius non biberit . Vide quid tibi dicatur per Ieremiam , cap. 49. Ecce quibus non erat indicium , ut biberent calicem , bibentes bibent , & tu quasi innocens relinqueris ? Tu solus relinquendus es sine calice ? tu illum manibus tuis non sumis , nullis ieiunijs carnem tuam affligis , nec flagellis maceras , humi non cubas , cilicium respuis : imò voluptatibus indulges , omnia vis habere ad

nu-

nutum, in nullo tibi contradici desideras, temporalibus bonis abundare quæris. Cum igitur tuis manibus calicem sumere recuses, Deus tibi compatiens, illum per inimicum persequentem, vel conuiciantem porrigit, in quem inimicum si insurgas, similis eris ægrotanti in Medicum insurgenti, & vasculum medicinæ ad sanitatem paratæ frangenti. Audi Augustinum, *Serm. 2 de sancto Stephano*. Attende, inquit, Christum Medicum egritudinis tuæ, attende Redemptorem animæ tuæ. Propter te pependit in ligno, & nondum est vindictus, & tu vis vindicari, & non vis tantum & talem magistrum imitari? Ideo pati voluit, ut tibi patientia sua demonstraret exemplum. Vide pendentem, & tibi languenti de suo sanguine medicamentum conficientem, &c. Porro qui certa bona opera negligit, aut adimplere non potest, ignoscere saltem inimicis non recuset, ut ignoscendo impetret, quod non operando perdidit. Ad hoc nos hortatur beatus Cæsarius. Qui captiuos, inquit, redimere, & pauperes pascere, vel vestire non proualeat, contra nullum hominem odium in corde reseruet, & inimicis non solum malum pro malo non reddat, sed etiam diligat, & pro eis orare non desinat, certus de misericordia, vel de promissione Domini sui, libera conscientia ante tribunal dicere poterit: da, Domine, quia dedi: dimitte, quia dimisi. Sunt nonnulli, qui per alia multa bona opera cælestem gloriam adipiscuntur: videns autem Deus te illa non operari, permittit, ut inimicos habeas persequentes, ac tibi detrahentes, & conuiciantes ut dimittendi habeas occasionem, & hac tua venia

me-

merendi eamdem beatitudinem, quam alij alijs operibus meruerunt. Ne igitur hanc occasionem prætermittas; nec recuses hunc bibere calicem, qui ad salutem tuam porrigitur.

E Dices fortasse, olim fuisse Iudæis traditam legem talionis, eisque licuisse retaliare, cum scriptum sit, *Exod. 21. Qui irrogauerit maculam, sicut fecit, sic fiet ei: fracturam pro fractura: oculum pro oculo, dentem pro dente restituet. Deut. 24. &c.* Respondeo cum D. Thoma, *In Matth. 5.* legem talionis fuisse Iudicibus in præcepto datam: & hoc ut facerent zelo iustitiæ, & non zelo vindictæ, ad malorum cohibitionem, nunquam autem fuisse priuatis personis concessam: unicuique enim tamquam priuatæ personæ dictum est: *Non quæras ultionem, &c. Leuit. 19.* vel, secundum Septuaginta; *Non ulciscatur tua manus, &c.* Reseruatum quidem est publicæ autoritati supplicium, non priuatæ. Nunquā itaque licuit priuato Iudæo, cui oculum alter eruerat, per talionis legem oculum pro oculo eruere. Verūtamen quia aliqui hac lege talionis abutebantur, volentes scilicet, ut non tantū ad publicas, sed ad personas etiam priuatas extenderetur: ideo Christus declarans hanc legem priuatis personis nequaquā cōpetere, aliam talionem; qua vnusquisque nostrū perfectus euadere poterit, stabiliiuit, dum dixit. *Audiſtis, quia dictum est: oculum pro oculo, & dentem pro dente. Ego autem dico vobis, non resistere malo: sed si quis te percusserit in dexteram maxillam tuam, præbe illi & alteram; & ei, qui vult tecum in iudicio contendere, & tunicam tuā tollere, dimitte ei & pallium, &c. Matth. 5.*

Quæ-

Quæritur autem , quoniam modo hæc Christi verba sint intelligenda ; siquidem neque Apostolus Paulus, *Act. 23.* alteram maxillam percutienti præbuit , neque Christus ipse percussus à seruo Pontificis alteram maxillam percutiendam obuertit , sed respondit : *Si malè loquutus sum , testimonium perhibe , si autem bene , quid me cadis ? Ioan. 18.* Respondet Diuus Augustinus , docere Dominum , alteram maxillam percutienti obuertendam cordis præparatione . Dominus, ait ille Doctor , *Lib. de mend. cap. 15.* non dixit ; ecce altera maxilla : sed ait , si malè dixi, exprobra de malo ; si autem bene, quid me cadis ? ubi ostendit , illam præparationem alterius maxillæ in corde faciendam . Quod etiam Apostolus Paulus utique nouerat : nam & ipse alapa percussus non ait ; percutite maxillam alteram : sed, percutiet te Dominus , paries dealbate , &c. sed tamen cor paratum habebat , non tantum ad alias alapas accipiendas, sed etiam qualibet tormento pro veritate patienda, &c. Sic Augustinus . Aduerte tamen , Christum semel vna percussus alapa respondisse . At plurimas alias alapas tacitum , non aduersa facie excepisse , iuxta illud Isaïæ , *cap. 50.* *Faciem meam non auerti*, &c. Similiter, & Paulus fecit, iuxta illud ad Corinthios ; *Colaphis cadimur , maledicimur , & benedicimus . 1. Cor. 4.* Christus igitur his verbis vult nos esse paratos ad omnes tolerandas iniurias absque resistentia , & absque vlla vindictæ cupiditate . Non est prætereundum , quod hic adnotat Hieronymus , *In Matth.* Christum scilicet non iussisse , vt percussa

Y dexte-

dextera nostra sinistram præberemus, sed alteram, hoc est, alteram dexterâ: iustus autem sinistram nō habet. Nunquam præbenda est verberanti maxilla sinistra, sed semper dextera, id est, fortis, & ad colaphum accipiendum paratissima. *Iusti enim*, ait ille, *non habent sinistram maxillam, id est, debilem, quæ ad colaphos, si opus fuerit, Christi causam recipiendos, non sit parata.* Vel sic; iustus acceptæ alapa, aut alia iniuria, nullam habet sinistram intentionem, vel nihil cogitat sinistri aduersus percutientem, & lædentem; sed semper est propter Deum dextero, & sincero animo.

F Nunquam audierant Ethnici Christum hanc præclaram talionem stabilientem, & vindictam prohibentem: multi tamen illorum naturali tantum ratione, aut humana quadam honestate ducti, non solum quaslibet iniurias sine ullo ulciscendi animo tulerunt, sed etiam conuiciantibus fuerunt benefici. Diuus Basilus *Lib. de legendis lib. Gentil.* aliquos eorum proponit considerandos. Quidam, ait, in foro Periclem probris omnibus incessabat. Quid tum Pericles? nunquid lege talionis usus pro conuiciis reddidit conuicia? non: sed patientiam, & beneficia rependit. Nam probra minimè curare visus, toto ferè die sustinuit; deinde vesperi iam discedentem conuiciatorem cum lumine comitatus est. Euclidi Megarensi concitatus animo quidam mortem se iurauit illaturum. Quid Euclides: numquid par retulit pari? minimè; sed iurauit, si inferret mortem patienter laturum; & ei, quamuis infesto, se conciliatum iri. Alius Socratis faciem vehementi impetu percussit.

eussit. Quid Socrates? numquid alapam alapa retaliauit? Vide quid egerit. Minimè commotus est, sed totus plagis tumidus, ac contusus, ubi percussor cedere destitit, nihil aliud fecisse, dicitur, quàm fronti propriæ inscripsisse; *Talis fecit*, veluti statuæ cuiusdam auctoris nomen. Qua in re præter patientiam, quàm sit turpe alterum lædere, indicauit; nomenque lædentis inscripsit, ut posset quisque ab ipso percuriente scire, an de illo Socrates vindictâ sumpsit. Hæc ex Diuo Basilio.

Adrianus Imperator creatus, adeo contempsit ultionem, ut uni, quem habuerat capitalem, fortè obuius dixerit: *Euasisti. Dion.* Principibus in priuatis offensis debet esse satis potuisse vlcisci: nos verò dicimus, virum Christianum decere nunquam velle vlcisci, quamuis posset. Quærit Ambrosius *In Luc.* cur Christus in horto Petrum gladio percutientem reprehenderit, qui prius iusserat, ut venderetur tunica ad emendum gladium. *Qui non habet, inquit, vendat tunicam, & emat gladium.* Cur igitur is iubet gladium emere, qui eo ferire prohibet? Respondet ille Doctor; *Ut sit paratus defensio, non ultio, & videar potuisse vindicare, sed noluisse.*

Augustus Cæsar, *Sueton. in Augusto*, Cinnæ machinanti sibi necem condonauit, atque: Cinna, tibi iterum vitam do, prius hosti, nunc insidiatori, ac parricidæ: eique Consulatum obtulit. Vis exitum? Cinnam habuit perpetuò amicissimum, solus illi fuit hæres. Arcadion, teste Plutarcho, *Lib. de ira cohib.* cum non desineret maledicere Philippo, monitusque ut fugeret: at Rex cum

occurrisset homini, humaniter cum eo est colloquutus, ac multa dona misit. Postea iussit amicos rogare, quomodo Arcadion de se loqueretur cunctis autem testificantibus eum hominem iam mirum Philippi laudatorem esse factum. Ego igitur, inquit Rex, melior Medicus sum, quàm vos.

G Non est igitur hoc præceptum de non vindicando obseruatu impossibile, vt quidam dictitant; sed potius facilè, ac rationi naturali consentaneum, cum, & ipsi Ethnici lumine tantùm naturæ illustrati, illud tam accuratè obseruauerint. Qui hoc præceptum dedit Christus, optimè nouit, quid possumus. *Quia*, inquit Augustinus, *Serm. 6. de temp. nec impossibile aliquid potuit imperare, quia iustus est; nec damnaturus est hominem pro eo, quod vitare non potuit, quia pius est. Quid tergiversamur incassum? nemo enim, quantum possumus, melius nouit, quàm qui nobis ipsum posse donauit. Et alibi idem Doctor Serm. 5. de Sanctis, probat, nos quidem posse iniurias, & contumelias ferre, sed nolle: sic enim vrget; Si nobis aliqua potens persona iniuriam facit; si nos etiam in faciem maledicit, nec respondere aliquid asperum, non dicam vicem reddere, ausi sumus. Quare hoc? ne ab illa persona potente adhuc maiora, quàm perulimus, patiamur. Quod à nobis extorquet hominis timor, deberet à nobis exigere Christi amor. Non responderes Principi tibi conuicianti, aut iniuria afficienti; & non vis ignoscere inimico lædenti, Deo præcipiente?*

Præterea attende, in quo stadio, & certamine sis, vbi inimicus non talione, sed patientia vincitur. Audi Chrysostomum. *In Epist. ad Roman,*

In

In Olympiis certaminibus diabolo consecratis, lex est, malefaciendo vincere, in stadio Christi omnino lex est contraria; hic enim non cum, qui percutit, sed qui percutitur, coronari decretum est. Illud demum est diuina virtutis, illud caeleste stadium, illud Angelorum theatrum.

Caue, ne Ctesiphonti Pancratiaſtæ fias tua impatientia ſimilis, qui, vt ſcribit Plutarchus, mulæ recalcitrauit. Nam quemadmodum ridiculi, furioſique hominis eſt, equo calcitranti recalcitrare; ita ridiculi, inſanique hominis eſt, inimico iniuriam inferenti iniuriam inferre. Nauræ, cum vehemens ventus, & aduerſus ſpirat, minime reſiſtunt, quin potiùs demiſſo, contractoque velo, ne ſubmèrgantur, cedunt. Idipſum facere docet Dominus eus; qui in cælum nauigant, non reſiſtere malo, hoc eſt, procelloſo turbini, iniuriis, contumeliis, ſed dimittere velum, ne odij, ſimultatumque fluctibus obruantur.

Cogita tandem; veniam, & miſerationem præ ſe ferre nescio quam iucunditatem, iuxta illud, *Iucundus homo, qui miſeretur, Ps. 111.* &c. Iucundus, quia Deum imitatur, qui nullatenus vindicta delectatur; imò ſi illam comminetur, dolere dicitur; ſic cum dolentem inducit Moyſes: *Tactus dolore cordis intrinſecus, delebo*, inquit, *hominem, quem creauit*, &c. *Gen. 6.* Iucundus, quia vt filius Dei efficitur, vt ſitis filij Patris veſtri, qui in calis eſt, &c. *Matth. 5.* Iucundus, quia de remiſſione propriorum delictorum ſecurus efficitur. Iucundus; quia ſe ab illis malis, doloribus, ac mentis cruciatibus, quæ iram, atque indignationem conſequentur, li-

berum, atque absolutum sentiet. Iucundus quia summi Dei gratiam se ignoscendo inire cognoscit.

Æquo animo ferenda hominum temeraria iudicia.

Caput V.

A **V**T patienti, & æquo animo simus, dum de nobis alij malè iudicant, considerandum est. Primò, à condito orbe omnes bonos, & sanctos obnoxios fuisse temerario iudicio aliorum, maximè improborum, & imperfectorum. Sic temetè iudicauit de Abele Cain: de Iacob Esau: de Iosepho fratres: de Moyse soror, & alij: de matre Samuelis Heli: de Dauide Saul: de Mardocheo Aman: de Prophetis Iudæ: & in nouo Testamento iidem de S. Ioanne Baptista, & maximè de Christo Saluatore, qui apud Lucam c. 7. ea de re conqueritur, dicens: *Venit Ioannes Baptista, neque manducans panem, neque bibens vinum, & dicitis: demonium habet. Venit filius hominis manducans, & bibens, & dicitis: ecce homo deuorator, & bibens vinum, amicus Publicanorum, & peccatorum.* Ibidem Simon Phariseus iudicauit Christum non esse Prophetam, eo quòd permisisset se attingi à muliere peccatrice. Iudas fractionem alabastrum in caput Christi malè interpretatus est, cuius iudicium temerarium Christus multis verbis redarguit. Numquid tu melior es Abele, Iacobo, Iosepho, Moyse, Dauide, & Christo ipso, de quibus malè mali iudicarunt? Itaque quotiescunque tibi euenerit, vt homines facta tua etiam optima in-

interpretentur in deterriam partem, dic cum alio Propheta: *Non sum melior quam patres mei*, 3. Reg 19 Attende etiam quid Christus dicat: *Non est discipulus super magistrum. Si patrem familias Beelzebub vocauerunt, quanto magis domesticos eius?* Matth. 10.

B 2. Præterea, tibi omnia illa temeraria iudicia contemnenda sunt, cum ut plurimum malorum sint. Sic enim docuit Apostolos Dominus. Nam cum illi renunciaissent Domino, Phariseos eius sermone fuisse scandalizatos, respondit; *Sinite illos, cæci sunt, & duces cæcorum.* Matth. 15. Reuera cæci sunt de aliis temerè iudicantes; quia vel de facto, vel de intentione iudicant: factum non vident, alioqui non esset temerarium iudicium; intentio non potest nisi ab ipso Deo videri; ergo ad utrumque cæci sunt. Cæcus autem, ut aiunt, non potest iudicare de coloribus, quia illos non videt; quod si aliquando de illis iudicare præsumeret, rideres. Similiter, ridendum potius, quam dolendum est, si videamus aliquos iudicare de his, quæ omnino illos latent. Talibus, ut opinor, loquebatur Apostolus cum diceret; *Mihi pro minimo est, ut à vobis iudicer.* 1. Cor. 4. Ac si diceret; à vobis cæcis, à vobis maleuolis iudicari pro nihilo duco, non moror iudicia vestra. Vnde optime Anselmus in Epist. 1. ad Corinth. 4. ait: *Iusti non humana iudicia, sed æterni Iudicis examen aspiciunt; atque ideo derogantium verba cum Paulo despiciunt.*

Non quid dicant homines de nobis, sed quid simus à nobis, attendere debemus. Propterea, ait quidam, *quis sis interest, non quis habearis.* . Publ.

Mim. Quia non ut haberis, sed ut eris, à Domino iudicaberis, cuius tantum sunt tremenda iudicia. Ideo ait Gregorius Nazianzenus, *Orat. de seipso*, quid mea interest, qui rei veritatem magis curo, imò solum curo? hoc enim vel me condemnauerit, vel absoluerit: hoc miserum, vel beatum reddiderit. Causam autem, cur contemnere debeamus humana iudicia, reddit Diuus Augustinus, lib. 2. *serm. in monte cap. 29*. Quia, inquit, temerarium iudicium plerumque nihil nocet ei, de quo temerè indicatur; ei autem, qui temerè indicat, ipsa temeritas necesse est ut noceat. Ferto igitur patienter talia iudicia, cum iudicanti, non iudicato noceant. Timeas solum à Domino, & rideas ab hominibus iudicari. Nam homo videt ea quæ parent; Deus autem intuetur cor. 2. Reg. 16. Ipse, ait Isaias, c. 11. non secundum visionem oculorum iudicabit. Propterea de illius iudicio loquens idem Gregorius Nazianzenus eodem loco, sic ait. Dei iudicium cordatis hominibus pluris faciendum, magisque curandum est, quam omnium hominum in unum coactorum. Audi etiam aureum sanè Senecæ Lib. 3 de ira, cap. 42. dictum Christiano dignum. Conscientia, inquit, satisfaciamus, nihil in famam laboremus, sequantur vel mala, dum bene mereris. Idem Lib. de remed. fortune, quorum sint iudicia magnificianda, ostendit, dum ait; Mouerè, si malè de me M. Cato; si Lælius sapiens si duo Scipiones ita loquerentur; nunc malis displicere, laudari est. Non potest ullam auctoritatem habere sententia, ubi qui damnandus est, damnatur.

C Vellem certè interdum teipsum à teipso

iudicari : fortè enim permittit Deus , vt ab alijs iudiceris , quia teipsum non iudicas ; quia , ait Apostolus , *1. Corinthior. 13. si nosmetipsos diiudicaremus , non utique iudicaremur* . Et vtinam hoc nostro , vel humano iudicio formidandum illud Dei iudicium euitemus . Fac , vt Deus te iudicatum inueniat : ideo , inquit Augustinus , *in Psalmum 49. ascende tribunal mentis tue , esto tibi index ante teipsum* . Ferto in te sententiam , sententiam , inquam , non mortis , sed pœnitentiæ , quàm illicò subibis .

Considera etiam exempla eorum , quibus male cessit , quòd temerariè alios iudicauerint . Nam in primis Maria soror Moyse , *Num. 12.* quia temerè iudicauit de Moyse , propter vxorem eius Aethiopiſſam , percussa est lepra , *1. Reg. 1.* Deinde Heli Sacerdos , quia Helcanæ coniugem Ananiam , Dominum toto pectore deprecantem , ex motu labiorum temerè censuit temulentam , è sella deorsum lapsus , fractis ceruicibus exspirauit . *2. Reg. 6.* Adhæc Michol vxor Dauid , quia leuitati , non humilitati attribuit , cùm Dauid ephod lineo accinctus ante arcam Domini saltauit , perpetuam sterilitatis contumeliã incurrit . *2. Reg. 10.* Et Hanon Rex filiorum Ammon , cùm ex vana suspitione , quasi exploratum terram suam venissent , Legatis Regis Davidis partem barbæ abradi iussisset , & vestes vsque ad nates succidi : pro barbis rasis , capitis sui diadema : pro succis verò vestibus , regnum amisit . In Vitis Patrum , Isaac Abbas è Thebaide ad congregationem fratrum venerat , & in ea fratrem quem-

quemdam temerè iudicarat. Hùc ad eremū egres-
sum Angelus aditu cellæ prohibuit, dicens: non
permitto te intrare. Quare? inquit ille. Tum An-
gelus: quò ergo tubes ire, quem iudicasti fratrè?
Tum Abbas supplex Angelo factus; Peccaui, in-
quit, ignosce mihi. Et Angelus; surge, ignoscit
tibi Deus: sed deinceps ne iudices fratrem, ante-
quam sit iudicatus à Deo.

Recordentur, qui temerè de alijs iudicant, quid
Pharisæo acciderit, de quo sic Chrysost. *Hom. 21.*
in epist. ad Hebr. Ille rem veram dicebat: non sum
sicut ille Publicanus: & dicebat nullo aud: ère. & fuit
condemnatus. Qui falsa, & de quibus non sunt certi,
in omnes partes transmittunt, quid non mali patiē-
tur? quid non sustinebunt? Defendit Deus Publi-
canum à Pharisæo iudicatum, sic defendet te ab
his, qui te contemnabunt.

D. Video præterea illos, qui ab alijs temerè iu-
dicantur, multos habere patronos, qui eos defen-
dunt, maxime si conscij sibi non sint mali, de
quo iudicantur. Audiamus in primis, quid Chri-
stus dicat temerariè iudicantibus. *Nolite iudicare,*
vt non iudicemini. Matth. 7. Id est, nolite homi-
nes iudicare, vt non iudicemini à Deo. Nam, in-
quit Hieronym *aliter hominum lior, aliter Chri-*
stus iudicat. Non eadem est sententia tribunalis eius,
& anguli susurronum, &c. Christus autem vult
nos arcere à iudicijs illis temerarijs, quia sic iudi-
cantes nihil emolumenti nobis comparamus; imò
verò, ait Chrysostomus, *lib. 1 de compunctione cor-*
dis. Ad Rom. 2, magis in discutiendo, & perquiren-
do aliena commissa, labor est: & iudicare de alterius
men-

mente difficultas ſūma, &c. Valde perpēdenda ſunt verba Apoſtoli ad Romanos ſcribentis : *Propter quod inexcufabilis es, o homo omnis, qui iudicas.* Propter quid inexcufabilis eſt : quia nullus eum talem iudicem conſtituit? nullam refert de illo iudicio vtilitatem; à nullo cogitur talem ferre ſententiam. Propter huiusmodi igitur eſt coram Deo inexcufabilis.

Vide etiam, quomodo inuehatur D. Iacobus in temerè iudicantem: *Tu autem quis es, qui iudicas proximum? cap. 4.* Similiter & D. Paulus, quali ægrè ferens illa de te iudicia, ſic in iudicantem inſurgit: *Tu quis es, qui iudicas alienum ſervū. Rom. 14.* Et alibi; *Noſte ante tempus iudicare. 1. Cor. 11.*

Cū itaque verba illa ſcripta remaneant, non ſemel dūraxat dicta ſunt, ſed cū dicta ſint à viuētib; in cēlis, ſemper dicuntur viuētib; de te iudicantib; in terris, qui tantò terribiliùs à Deo iudicandi ſunt quanto minùs de iudicio illorum curaueris. Defendit te Chriſtus, defendunt te Apoſtoli, quid times? *Si Deus pro nobis, quis contra noſ?*

E Accedit, quòd aliquando Deus innocentium hominum exiſtimationem etiam per miraculum contra iudiciorum temeritatem defendit.

Refert Surius, Sanctum Brixium Episcopum Turonensem, cū populus temerè iudicaſſet eum ex ſtupro filium genuiſſe, infantulo recenter nato publicè in conſpectum allato, dixiſſe; Adiuro te per Ieſum Chriſtum Dei Filium, vt palam edicās, num genitor tuus ſim? & mox reſpondit, non es. Simile legimus de Diuo Goare apud eundem Surium, & de Daniele Abbate Aegyptio, in vi-

tis Patrum. Et apud Valerium Maximum, præceptum nimium hæc iudicandi ratio in duabus Vestalibus olim conspicua fuit, in Claudia, & Tucia: quæ cum parum sanctè virginitatem conseruasse crederentur, harum vna, Claudia scilicet, nauim aduerso flumine pertraxit: altera aquam cribro hausit. Sic fama mendax concidit, & ægrè credulitatis temerariæ pœnitentiam egere, qui stultè nimium iudicauerant. Puniuit Deus temerarios illos iudices, puniet & tuos, siue in hoc sæculo, siue in futuro. Quid conquereris? manifestauit innocentiam eorum; de quibus temerè iudicabatur: manifestabit & tuam, siue ante, siue post mortem, prout ei melius videbitur expedire. Esto contentus.

Porro, si placeas hominibus, fortè ab illis non iudicaberis, sed Christi seruus non eris. Quia ait Apostolus: *Si adhuc hominibus placerem, Christi seruus non essem. Galat. 1.* Vni ergo Christo placere stude, vt illius sis seruus, non reus, & dic: *Qui iudicat me, Dominus est*; qui scrutatur corda, & renes: & videt, an verum sit in te, quod alij iudicant de te: fac, vt cum eodem Apostolo dicere possis, *Gloria nostra hæc est, testimonium conscientia nostræ. 2. Cor. 1.* Dummodo tua non te accuset conscientia, iudicium hominum nullum erit. Hoc optabat D. Augustinus, *lib. contra Secund. ca. 1. tom. 6.* cum cuidam Manichæo, nomine Secundino, diceret: *Senti de Augustino quidquid libet, sola me in oculis Dei conscientia non accuset.* Nā ait Iuuen. *sat. y. 13.*

Hæc est summa boni, mens quæ sibi conscia recti est.

Interrogatus Bias, quidnam in vita metu vacaret, respondit: Bona conscientia. Conscientia autem non est aliud, quam scientia, & testimonium, quo anima bene sibi conscia est, sibi que attestatur se purè, & sanctè iuxta Dei legem vivere. Itaque noli malè agere, & tua non te accusabit conscientia, si te non accuset conscientia, non iudicabit te Deus: si Deus non te iudicet, pro minimo tibi sit ab hominibus iudicari.

F Dic præterea cum Iobo, cap. 16. *Ecce in celo testis meus.* In quæ verba sic scribit D. Greg. lib. 13. moral. cap. 13. *Sepe contingit, ut ipsa in nobis bona opera ab incautis hominibus reprehendantur. Sed qui testem in calo habet, reprehensiones hominum metuere non debet.* Idem Greg. Lib 9. Epist. 39. afferens alibi eundem locum Iob, sic scribit. *Qui vitæ suæ in celo testem habet, iudicia hominum in terra pertimescere non debet.* Consolationē vocat D. Bernardus, hom. 24. in Cantic. bene agendo blasphemari à malis. *Profectò, inquit, bona consolatio est, cum beneficientes blasphemamur à malis, si recti diligunt nos. Omnino sufficit aduersus os loquentium iniqua, opinio bonorum cum testimonio conscientie.* Deinde, non omnia nostra opera ab hominibus probantur: quid mirum igitur, si aliquando ab hominibus iudicentur? Olim Xenophon, 2. com. dicere solebat: (Nō facile est, ait, ut reperiri aliquod opus possit, in quo nihil à quoquam reprehendatur: est enim arduū, ita quidquam perficere, ut non alicubi pecces. Quod si etiam sine aliquo errore, quidquam peragat aliquis, difficile est non pati, aut inuenire aliquem iniquum iudicem.

Ma-

*Malorum hominum conuersatio, eorumque gra-
uamina patienter sustinenda.*

Caput VI.

AD VO filij olim, *Genes. 25.* collidebantur in
vtero materno: quid autem isti filij adu-
brarent, indicat Diuus Augustinus *Serm. 78. de
tempore.* Sicut, inquit, duo paruuli in vtero *Rebec-
ca* collidebantur: sic in vtero *Ecclesie* duo populi in-
giter aduersantur. In ventre spiritali *Rebecca*, id est,
Ecclesie, duo populi colliduntur, humiles scilicet, &
superbi: casti, & adulteri, &c. Quamdiu erit gra-
uida ista mater, tamdiu durabit illa collisio. Erit
autem grauida vsque ad finem mundi: tunc enim
bonorum cessabit vexatio, quia nulla erit malorum
permixtio. Vnde idem Diuus Augustinus, *Tract.
27. in Ioan. Certi sumus*, inquit, *quia omnes, qui
sumus in corpore Domini, & manemus in illo, ut
ipse maneat in nobis, in hoc seculo necesse habemus
vsque in finem inter malos viuere: non inter illos di-
co malos, qui blasphemant Christum: rari enim iam
inueniuntur qui lingua blasphemant, sed multi, qui
vita. Necesse est ergo, ut inter illos vsque in finem
vuiamus.* Sunt enim quidam, qui licet non ma-
le loquantur de Deo, non tamen bene loquuntur
de proximo: semper sunt rixantes, litigantes, aut
morosi; quorum etsi onerosa sit conuersatio, po-
test tamen merendi esse occasio. Si igitur cogaris
cum malis hominibus versari, fac, ut tua patientia
in conuersatione illa merearis conuersatione An-
gelorum: propterea recordare, quod *Abel* susti-
nue-

nue-

nuerit Cain : Iacob Esau : Loth Sodomiticus ciues : David Saulem , & alij viri sancti multos homines illos persequentes . Itaque, qui voluerit esse vt Abel, sustineat patienter eos , qui fuerint vt Cain. Nam, ait Gregorius, *Lib. 20. moral cap. 30. Abel quippe renuit esse, quem Cain malitia non exercet . Et alibi : lib. 9. epist. 39. Boni si sine malis fuerint perfecti esse boni non possunt : quia minimè purgantur . Abele esse non suspicor, qui Cain non habuerit.* Vis quoque imitari Iacob ? æquo feras animo eos , qui imitantur Esau. Cupis sanctificari vt Dauid ? patere eos, qui persequuntur vt Saul .

Quamuis rosa inter pungentes spinas nascatur, non minùs redolet : sic vir probus, licet inter pessimos versetur . dat semper odorem patientiæ . Huiusmodi fuit Iob, *cap. 10.* qui dicebat : *frater fui draconum , & socius struthionum .* Talis Ezechiel , *cap. 2.* cui Dominus : *Increduli, inquit , & subuersores sunt tecum, & cum scorpionibus habitas .* Hi, cum quibus morabatur Iob, similes erant draconibus : & cum quibus Ezechiel , assimilabantur scorpionibus . Interim nec illi dracones, nec huic nocuerunt scorpiones .

B Interdum Deus permittit, vt malos habeas socios, vt sint tibi causa merendi : purgantur enim aliquando boni societate malorum . Sit mihi testis Greg. *Lib. 9. epist. 39. Ipsa malorum societas purgatio bonorum est.* Cur igitur de malorum societate , deque illorum persecutione conquereris .

Illum non adhuc esse felicem existimat Seneca, *Lib. de morib.* quem turba non deriserit, nec ad beatitudinem peruenisse , qui non contempserit con-

contemni . Illum audiamus. *Nondum felix es, ait, si nondum te turba deriserit. Si beatus esse vis, hoc cogita primū, contēnere ab alijs contemni.* Sed à quibus quis contemnitur, nisi ab his, cū quibus moratur?

Boni in hoc mundo sunt veluti in aliena domo, mali verò in propria, ideo vocantur à Christo filij huius sæculi : vt plurimùm abundantius viuunt in domo propria, quàm aliena . Filij alicuius domus, quamdiu in illa sunt audaciùs loquuntur, ac aliquando insultant, minantur, imperant, exire cogunt : extranei autem vix verbum vnum proferre audent, quia illius domus non sunt, & patienter ferunt quidquid eis à filijs domus dicatur . Sic non est mirandum, si mali in hoc mundo persequantur bonos, imò sæpe eos expellant : sunt enim mali in domo propria; boni verò in aliena . Christus ipse assererat regnum suum non esse de hoc mundo; ideo illum persequuti sunt mali; qui & membra illius semper persequentur . *Non indignemini, fratres*, inquit Augustinus, *Serm. de patient, si in mundo mali florent, vos aduersa patimini . Mali enim nihil habent in cælo, & vos nihil habere debetis in terra.* Quasi dicat: mali nihil habent in cælo, quo exultent, nec boni quidquam debent habere in terra, quo gaudeant; sed hoc tantùm, gaudeant, quòd hic habeant, quo doleant: habent enim secum impios, cum quibus illis commorandum est; impios, inquam, illos persequentes, vexantes, ac sæpè sæpius lædentes, atque ita illorum meritum augentes.

C Pulchè ostendit idem Doctor, in *Psf. 36. conc.* 2. quomodo se habeant ad inuicem iusti & iniusti

in

in hac vita. *Duogenera hominum*, inquit, *iustorum, & iniquorum*, in hac terra, & in hac vita commixta sunt. *Habent singula ista genera proprias intentiones cordis sui.* Genus iustorum conatur in sublimiaper humilitatem; genus iniquorum preponderat ad inferiora per elationem. Hoc tantum se depmit, ut surgat; illud se extollit, ut cadat. Ex eo fit, ut unumgenus toleret, alterum toleretur; propositumque iustis ipsos etiam iniquos in vitam aeternam lucrari: propositum autem iniquis reddere mala pro bonis; & eos, qui sibi vitam aeternam volunt, si fieri potest, etiam vita temporali priuare. Nemo dubitat, quod isti duo alterutrum sibi oneri sunt, sed diuersis intentionibus. Ad hoc enim iustus iniusto oneri est, quia iniustum eum esse non vult, sed eum iustum fieri & optat votis, & conatur factis. Iniustus autem sic odit iustum, ut nolit eum esse, non ut bonum velit esse: quando enim bonus est, tanto ille magis oneri est iniquitati illius, & laborat quidem, si fieri potest, ut eum iniustum faciat; si autem non potest, de medio tollat, & à suo radio, molestiaque remoueat. Caueas igitur, ne iniquorum persecutione fias iniquus; hoc enim intendunt iniqui: sed ut ad intentum nunquam perueniant, patienter ferto illorum vexationes.

Erant olim inter Gentiles aliqui aliis nequiores, sed qui minùs erant iniqui, sæpe ab illis nequioribus vexabantur, illorumque vexationes forti; & æquo animo ferebant. Hæc cum legisset Tertullianus, spernebat omnia, quæ à Gentilibus sui temporis tormenta Christiani patiebantur, illaque obiectabat, ac ostendebat exemplo

Z

multo-

multorum Gentilium pro inani quadam gloria multa acerba ferentium, debere nos patienti animo pro Christo magis tolerare omnia aduersa, quæ nobis immittuntur ab his, cum quibus versamur: sic enim ille ad Gentes. *Apologet. c. 50. contra Gentes. Licet, inquit, nunc Sarmanticos, & Semaxios appelletis, quia ad stipem dimidij axis reuincti, sarmentorum ambitu exurimur: hic est habitus victoriae nostræ, hac palmata vestis, tali curru triumphamus. Apud vos quoque, o Gentes, Mutius dextram suam libens in ara reliquit. O sublimitas animi! Empedocles totum se Catanensium Aetnæ incendijs donauit. O vigor mentis! Regulus, ne unus promultis hostibus viueret, toto corpore cruce patitur. O fortis virum, & in captiuitate victorem! Anaxarchus, cum in exitium prisana pilo contunderetur; Tunde, tunde, ait Anaxarchi follem, Anaxarchum enim non tundis. Attica meretrix, carnificem iam fatigato postremo linguam suam comestam in Tyranni sauiantis faciem expuit; ut expueret, & vocem, ne coniuratos confiteri posset, si etiam victa voluisset. Zeno Aleates consultus à Dionysio, quidnam Philosophia præstaret, cum respondisset, contemptum mortis, impassibilis flagellis Tyranni obiectus sententiam suam ad mortem usque signabat. Si hæc tolerauere Gentiles ab his, cum quibus versabantur; cur non patiemur, & nos, si quid nobis contingat aduersi malitia eorum, cum quibus morari cogimur?*

D Laude dignus ille est, qui etiam inter malos bene operari nouit; sicut maximo est ei vituperio, qui inter bonos non vult esse bonus. Quid hac

de

de resentiatur Gregorius, *Lib. 1. mor. in cap. 1. Iob.* audiamus, *Sicut, inquit, grauioris culpa est, inter bonos bonum non esse: ita immensi est praconij, bonum etiam inter malos extitisse.* Sed qua ratione poterit quis esse bonus, nisi malorum fugiendo peccamina, illorum patienter sustineat grauamina? Cæterum, non deerit, qui te consoletur, Deus; si non desit, qui te persequatur, homo. Deum habebis consolatorem, pro quo sustinuiisti persecutorem. Teste eodem Gregorio, *nemo perfectè bonus est, nisi qui fuerit, & cum malis bonus.*

Fieri nullo modo potest, ut quamdiu sumus in hoc mundo, sine aliquibus malis hominibus uiuamus. Sicut non potest esse triticum sine palea, quamdiu in area, vel in agro est; poterit quidam trituri, sed non omnino à palea separari, donec ventiletur: possumus etiam nos sine iniquitate uiuere, sed non sine iniquis. Vnde Diuus Augustinus *In Psal. 91. Ab iniquis, ait, non potes recedere, quia mixta est palea tritico, usque dum ventiletur in ipsa area. Mira res est de tritico; recedit à palea, cum expoliatur; & non recedit ab area, dum trituratur. Quando autem omnino separabitur? cum venerit ventilator. Ergo modò area in orbe terrarum est, necesse est, ut si proficis, inter iniquos uiuas. Ab iniquis recedere non potes, ab iniquitate recede.* Odio habeas semper malas peccatorum actiones, sed illorum pro Christo sustineas persecutiones. Noli dolere, quòd te vexent, sed quòd Deo peccent. Non participat triticum de natura paleæ; sic nec tu de malignitate peccatorum participare debes. Valdè laudabile est vitij alienis tribulari,

non implicari: mœrere, non hærere; dolore contrahi, non amore attrahi.

E Diuus quoque Chrysostomus, *Genes. ca. 6.* ostendit nihil nobis esse nocuenti, inter malos versari, imò Deum conuersationem illam ob maius bonum permittere. *Nam, inquit, ideo misericors Deus sic dispensauit, ut simul essent boni, & mali, quò malorum subneruaretur malitia, bonorumque virtus clarius elucesceret, & desides, ac studiosi plurima commoda lucrifacerent, modo vellet.*

Inter malos olim versabatur Noe, nec propterea inquinatus est, cùm inter eos, teste Scriptura, semper *vir iustus, atque perfectus fuerit. Genes. 6.* Nò illorum malas imitabatur actiones, sed illorum potiùs patiebatur persecutiones; impugnabatur, sed non expugnabatur: non poterat à malis illis hominibus recedere, sed potuit à prauis illorum operibus abstinere: miscebatur quidem pessimis hominibus, sed non implicabatur eorum actibus: seruauit iustitiam inter iniustos; continentiam inter lubricos; deuiantes non sequebatur; & tamen inter illos morabatur. Vnde de illo idem Chrysostomus, *Ibidem.* Noe, inquit *multos habebat, imò omnes, qui ad mala, & ad praua opera inhortabantur; & nullus erat, qui ad bonum induceret: & tam domestica illi virtus erat, ut viam diuersam à vulgari, quam omnis multitudo inambulabat, iret; adimplens illud, quod Moyses olim dicturus erat: Ne sit cum multis in malitia; & illud: Melior est unus faciens voluntatem Domini, quàm innumeri prauaricatores.*

res .

res. Ne verearis igitur eos sustinere, qui tibi non possunt nocere, erisque admirabilis: nam Aristippus interrogatus, quid esset admirandum in vita: *vir probus inquit, & moderatus; quoniam etsi inter improbos agat, non tamen peruertitur.*

Valdè tamen vtile erit, dum commodè fieri potest, malorum societatem, & conuersationem fugere; & præcipuè eorum, qui vel impellunt ad peccatum, aut peccandi sunt occasio. Refert Valerius Maximus *Lib. 7. de memorab. dictis*, quòd dum quidam stolidus audiente Pythagora diceret; Mallem cum mulieribus esse, quàm cum Philosophis conuersari; & fues, inquit, in cœno libentiùs, quàm in pura aqua versantur. Non dissimiles iudicabat ille Philosophus sordidis illis animalibus eos quibus illorù grata erat periculosa cõuersatio.

Plus sibi nocent inimici iniurias inferendo, quàm nobis; idcirco non dolendum, sed illis est condolendum. Caput VII.

AEXTAT quædam species Vnicornis, quæ, secundum Albertum, vehementer odit quemcumque rubeum colorem: vnde si videat hominem rubeis indutum, maximo cum impetu occurrit ad illum occidendum: verùm si iuxta aliquam arborem ipse se abscondat, tunc huiusmodi animal cornu suo adeò fortiter in arborem irruit, illudque in ea ita figit, vt inde extrahere nullo modo valeat, atque ita ipsomet cornu capitur, quo alium ferire, & occidere nitebatur. Eodem planè modo contingit inimi-

co nobis nocere nolenti: Scriptura enim non potest falli, quæ ait; *Qui fodit foueam, incidet in eam; & qui laqueum alicui ponit, peribit in illo; & qui statuit lapidem proximo, offendet in eo. Eccl. 27.* Et rursus: *Qui emitit lapidem, reuertitur ad eum. Prou. 26.* Hoc patet in Aman, qui in eodem patibulo fuit suspensus quod Mardocheo parauerat.

Si quis ense lapidem feriat, non lapis, sed ensis læditur, quippe qui percussione obtunditur. Tela emissa, si duritiem lapidis offenderint, non nunquam reperiuntur in eum, qui emisit, reciproco impetu sæuiunt. Sic iniuriæ ab inimicis illatæ, si te patientia munitum offenderint, in inferentem reuertentur, qui, quod non doleas, dolebit; cum i deo lædat, ut doleas. Audi Tertullianum, *Lib. de patient. c. 8.* Idcirco quis te lædit, ut doleas; quia fructus lædentis in dolore læsi est. Ergo cum fructum eius non dolendo euerteris, ipse doleat necesse est amissione fructus sui. Diuus quoque Hieronymus *In Epist. ad Hebræos* ostendit, lædentem maxime confundi, & cruciari patientia læsi. *Nihil, inquit, ita confusam facit iniuriam agentis, sicut fortis, & mitis patientia tolerantis, & neque in opere, neque in lingua se vindicantis.*

B Aliis nocentes similes sunt vulpeculis, ad quarum caudas iunctæ, ac ligatæ erant faces, ad comburendas Philistinorum segetes, quas quidē incenderunt, sed seipsas consummarunt. *Iud. 15.* Sic mali, dum aliis nocere quærunt, sibi primum damnum acquirunt. Comparat Diuus Augustinus, *In Psal. 34.* malitiam, siue iniuriam faculæ incensæ, quæ prius ardet, & consumitur, quàm aliud

aliud incendat. *Faculam*, inquit *apponis, ut aliquid incendat; numquid non ipsa facula prior ardet, ut aliquid possit incendere? Malitia autem procedit ex te, & quem prius vastat, nisi te? Equidem dico, quòd geri potest, ut malitia tua alicui non noceat, ut autem tibi non noceat, fieri non potest. Aliquando malitia tua non nocebit patienti, tibi verò semper nocebit lædenti.*

Muræna non potest prius aquaticos angues in alienam perniciem parere, quàm proprium suum ventrem, in quo concepti fuerant, eroderit: ita quis iniustus malitiam suam primus experitur, antequam in alios effundat. Ideo multi connatam sibi bilem excitantes ex iracundia multa, prius obiere, quàm hostes suos vlti sint. Vnde idem Augustinus *In Psal 36. Iniustitia, inquit, iniusti tibi nocet, & illi non nocet? unde fieri potest, ut non iniquitas eius, quæ per eius indignationem, & odium procedit ad lædendum te, non prius ipsum vastet intus, quam te tenet foris? Tuum corpus premit aduersitas, illius animam putrefacit iniquitas. Et infra: Quidquid in te profert inimicus, in illum redit. Ibid. Eius persecutio te facit purgatum, illum reum. Cui ergo plus nocet?*

Idem Doctor *Ibid.* lædentes ait esse similes his, qui, ut alterius tunicam concidant, per suum proprium corpus gladium traiciunt: ideo illos insanire dicit, eosque meritò irridet. *Quale est, inquit, seuire gladio, nec posse occidere, nisi corpus inimici, & posse occidere animam suam? decipiunt, contra se faciunt, insanunt, non vident; tamquam si velet aliquis per corpus suum feri ñ traicere, ut consideret tu-*

*nicam alterius . Attendis quò peruenisti, & non at-
tendis qua traiecisti; illius concidisti vestem, sed tuã
perforasti carnem . Constat ergo plus esse, quòd læ-
dunt iniqui, & quòd sibi nocent, quàm quòd sibi vi-
dentur nocere illis, qui oderunt . Sententia Domini
est, aliter fieri non potest; & arcus eorum frustren-
tur . Quid est, frustrentur? Nihil nocet iusto .*

C Loquens Deus per Proph. Zach. 2. his, qui ab inimicis læduntur, sic ait : *Qui tangit vos, tangit pupillam oculi mei .* Secundùm versionem Septuaginta sic est legendum : *Qui tangit vos, tangit pupillam oculi sui .* Plantinus quoque testatur se vidisse duo exemplaria vulgatæ editionis, in quibus legebatur, *oculi sui*. Quibus verbis innuit Dominus, lædentes plus sibi nocere, quàm his, quos lædunt, cùm eos lædēdo pupillæ sui proprii oculi noceant : tanto enim est læsio grauior, quanto pars læsa est nobilior . Obseruat Plinius, *Lib. 11. cap. 37.* pupillam quamuis paruum, integram hominis effigiem reddere; additque non esse in hominis ægritudine timendam mortem quam diu oculorum pupillæ imaginem redunt : quòd si redderent, esset locus timendi . (Augurium, inquit, *Lib. 28. cap. 6.* ex homine ipso est non timendi mortem in ægritudine, quam diu oculorum pupillæ imaginem redunt .) Si itaque inimicus lædens te, lædat, & pupillam suam, lædetur illa effigies, quia in illa non apparebit; atque ita præsagium quoddam erit futuræ mortis, non tam corporalis, quàm æternæ .

Secundùm autem communem versionem; *Qui tangit vos, tangit pupillam oculi mei*; dicendum est,

est, Deum voluisse etiam hac loquendi formula ostendere, quàm graue sit peccatum lædendum proximum: cùm Iudæorum, qui Christum iniurijs affecerunt, grauius sit. Iudæi quidem in faciem Christi conspuerunt, alapis cæciderunt, colaphizarunt: totum corpus flagellauerunt: manus & pedes clauis transfixerunt: ori fel obtulerunt: latus lancea aperuerunt, nunquam tamen eos pupillam oculi eius percussisse legitur. Qui verò proximum tangit, & lædit, pupillam oculi Dei lædere dicitur, ac proinde læsæ maiestatis diuinæ reus efficitur, cùm membrum percutiat diuinum. Galenus enim, teste Cælio, *lib. 3, cap. 28.* vocat pupillam, diuinum membrum. Stoici quoque, referente eodem, hanc partem Dei appellatione honestare non sunt veriti. Proximo igitur inferre iniuriam, non tam est illum lædere, quam Deum, ac seipsum offendere.

D Quemadmodum calcans semetipsum excoquit: & adamantem percutiens seipsum lædit: qui in stimulos calcitrat, seipsum ferit: & qui duros filices manu cædit, ipse, non lapides vapulat. Ita qui alijs infensus, & iniurius est, seipsum prius, & magis offendit, quàm alios; quia multa sibi infert damna, & incommoda; nam non quiescit, non dormit, non comedit, donec vlciscendi appetitum expleat; & vt obseruat Chrysost. *hom. 44. in 1. ad Cor.* gladio suo seipsū petit, & interimit, qui alteri nocere quærit. *Imaginare, inquit, hominem, qui vindicari optans, gladium stringit; & vt inimicum feriat, seipsum sciens, & volens eodem gladio transfodit: numquid non hunc mente omnino captum*

captum dices ? Ita insanit alium lædens , cū magis seipsum lædat : quia gladium quærit , quo se iugulet , foueamque parat , qua viuus sepeliatur .

Ratio autem , cur aliū lædens sibi plus , quàm alteri noceat , hæc est , quia nimirum ei dumtaxat in corpore , aut diuitijs , vel honore , & fama , aut denique in rebus temporarijs officit : sibi verò in anima , æternam asciscens & accumulans damnationem . Quamobrem ei potius dicere possumus : miserere tibi , quàm miserere inimico tuo . Hoc patet in Dauide fugiente Saulis persecutionem , ac latitante in spelunca , in quam intrauit Saul , quem poterat David tunc occidere , sed noluit , imò verò sic rogabat : *Miserere mei , Deus , miserere mei , quoniam in te confidit anima mea . Psalm. 56.* Lyranus rationem assignat ipsius repetitionis , & ingeminationis : sic enim scribit . *Secundum quod dicit Rabbi Salomon , semel dicit David : miserere mei , Deus : petens ne occideretur à Saule . Secundo , petens ne Saul occideretur ab ipso .* Ideò suadentibus socijs , vt in illa opportuna occasione eum interficeret , respondit : *Propitius sit mihi Dominus , non faciam hanc rem . 1. Reg. 24.* Non dixit : propitius sit ei Dominus , sed mihi : quia illum occidendo , prius animam propriam , quàm corpus Saulis interfecisset : ac proinde magis sibi , quàm ei nocuisset . Sibi igitur David bene consuluit , quando Sauli non nocuit . Magna etiam nobis praestatur misericordia , quando inimicis non nocemus : quia maximum damnum nobis intulissemus . Hanc misericordiam postulabat David , ne scilicet inimicum interfi-

ceret : optabat quoque illam inimico conferri ,
ne ei noceret .

E Idem David sic de inimicis suis conquerebatur : *Circumdederunt me sicut apes* , &c. Si quibusdam credere fas est : illos dicimus ab apibus citiùs pungi , qui adulterio , aut aliqua alia libidine sese commacularint . Fortè David erat tunc adulterio coinquinatus : ideo sibi videbatur ab apibus pungi , quando ab inimicis circumdabatur , & impetebatur ; aut potiùs idcirco inimicos illum insectantes apibus comparat , quia illis idè , quod apibus contingere cernebat . Sunt enim apes inter animalia iracundissimæ , ac pro corporis captu pugnacissimæ : & dū aculeo percutiunt , euiscerantur , quia cū aculeo exeunt intestina : atq; ita moriuntur dolorè quidè percusso inferunt , sibi autè mortē . *Arist. lib. 3. de anim. c. 12.* Idem inimicis nos lædentibus contingit : debacchantur , percutiunt , vulnerant : sed seipso magis cruentant , sibi què maius damnum inferunt . Idcirco illud Senecæ , *Lib. de vita beat. cap. 19.* eis meritò dicere possumus . (Infelicem linguam bonorum exercete conuicio : inflate , commordete , citiùs multò frangetis dentes , quàm imprimetis .

Dicunt nonnulli , *Simon Maiol. tom. 1. can. dier.* dari aliquas apes non habentes aculeum : vel si habeant , non eo utuntur : sicut de Rege apum scribunt Ambrosius , Basilii , *In Examer.* & alij : cui quidem est aculeus , sed eo nunquam utitur . Feliciores igitur reperiuntur illæ apes , quæ carent aculeo , quia minùs periclitantur morte : nam aculeata apis , si Regis exemplum sequi ne-

gle-

glexerit, sed stimulata aculeum iniecerit, morietur, ut iam diximus: idem continget ulcisci volentibus, ultio enim in ulcipientis caput incidit.

Non est silentio prætereundum, quod etiam de apibus observant iidem Doctores. Si quis apes oleo casu perfundat, propè necantur, eo quòd obstructis poris aereum illud spiramen haurire non possunt; at continuò si quis acetum ijs superinfundat, illicò reuiuiscunt, eo quòd citò vis aceti poros illos aperire dicitur. *Apes*, inquit Basilus, *In Examer. hom. 8. oleo madefacta pereunt, meatibus obstructis: aceto autem statim effuso rursus reuiuiscunt.* Ex quo discimus, quòd patientia, & misericordia, cuius præcipuè oleum symbolum est, ira necatur inimici: vindicta verò aceto repræsentata, reuiuiscit. Audi Tertullianum, *lib. de patient. cap. 8. Fatigetur improbitas patientia tua. Plus improbum cedis sustinendo. Ab eo vapulabit, cuius gratia sustines.* Vides igitur, non immeritò Dauidem hostes suos apibus comparasse, apibus, inquam, stimulantibus, atque ex eo plus sibi nocentibus.

F Cæterùm, nullis impiorum insectationibus, calumnijs, & improprijs lædetur vir probus: sed si quod sit damnum, in lædentes omnino cadet; quod optimè probat Chrysostomus, *Homil. 43. in Matth.* hac similitudine. *Ponamus*, inquit, *mirabilem quemdam, atque insignem esse virum, quem omnes adulterum, furem, sepulchrorum inuasorem, homicidam, latronem prædicent: ille verò nec irretetur, nec molestè ferat, nec alicuius huiusmodi rei conscius sit. Quæ igitur vituperatione lædetur?*
nulla

nulla profecto. *Quid, inquires, si multi malam de ipso habeant opinionem? nulla, inquam, vituperatione laesus est; sed illi se vituperant, qui alium, quam decet, virum talem existiment. Dic, queso, si quis Solem tenebrarum authorem existimet, Soline, an sibi detrahit? sibi videlicet ipsi, cum amentis, & insanientis opinionem consequatur. Eodem planè modo, qui bonos prauos esse putant, seipsos vituperant. Sic ille, sentiens syclophantam sibi prius quàm alteri nocere. Vnde & Hieronymus, Epist. ad Eust. Apud Christianos, non qui patitur, sed qui contumeliam facit, miser est.*

Quemadmodum qui candelam ardentem digitis proprijs mungit, candelæ quidem lumen clarius efficit; suos autem digitos adurit, & contaminat: sic qui iusto detrahit, aut contra proximū obmurmurat, suam quidem mentem, & consciētiā, & linguam contaminat, & reatu peccati adurit; iusto autem meriti materiam præbet, eiusque famam celebriorem reddit. Nunquam Deus Moysen magis laudauit, quàm dum Aaron contra eum murmurauit: Aaron murmurando fratrem Deo commendauit, sed seipsum contaminauit. *Num. 12.*

Sunt detractores, & maledici porcis, & suis similes, quæ amœnissimum hortum pulchris, & odoriferis floribus confutum ingressæ, flores non attingunt, sed si fimum, si quis fortè in angulo est; aut lutulentam lacunā inuenientes, in ea se volutant, illā euentilant. Vnde de maledico conuiciatore eleganter dixit D. Bonauent. *In dieta salutis. c. 29. quod in modum porci, ubi ponit pedem, ibi*

Os: & sicut canis macelli semper habet os sanguinolentum. Sicut igitur sues eodem luto se fœdant, in quo se volutant, eoque se tanquam vestimento sordido induunt: ita conuiciatores seipfos conuicijs inficiunt, quibus alios afficiunt. De vnoquoque illorum sic David, Psal. 108. Dilexit maledictionem, & veniet ei. Induit maledictionem, sicut vestimentum. Fiat ei sicut vestimentum, quo operitur: & sicut zona, qua semper præcingitur. Sunt verba significantissima, quibus docet Spiritus sanctus, detractores, murmuratores, susurriones, maledicos, idem prius, & grauius passuros, quod contra proximum fecerunt. Quæ cum ita sint, non debemus dolere, sed eis condolere: non iniurias referre, sed patienter ferre.

Providentia Dei ad utilitatem nostram provenit, quidquid ab inimicis patimur, ideo æquanimitèr tolerandum. Cap. VIII.

A **V**T patienter persecutiones, calumnias, & quascumque iniurias feramus, consideremus, Dei providentia, vel saltem Deo permittente, cuncta nobis euenire: licèt enim Deus non habeat velle fieri malum; habet tamen velle permittere malum, ex quo potest elicere bonum. Quòd inimici nostri, vel impij sæuiant in nos, permittit Deus, ac eis solam potestatem nocendi tribuit, non voluntatem, licèt eorum mala, quam non fecit, voluntate vtatur: sicut Medici ad corpora curanda vtuntur interdum viperæ veneno, quod

quod non fecerunt: Deus enim est quidem malorum voluntatum ordinator, sed non creator. Nam voluntati malæ vitium est ex ipsa, quo mala est, non ex Deo. Quod igitur malus velit tibi nocere, habet à se: quod possit, habet à Deo, qui, ut tibi noceat, permittit, vel ut puniaris, aut ut proberis, vel ut coroneris, aut alia iusta de causa, quamvis tibi ignota. Hoc fusè tractans Diuus Augustinus, *In Psal. 29.* sic scribit. *Sauiant modo inimici, humilient, faciant non quidquid volunt sed sicut desuper permittuntur, non quod Deus det illis voluntatem nocendi, sed potestatem. Vnusquisque enim malus apud se habet voluntatem nocendi: ut autem possit nocere, non habet in potestate: ut velit, iam reus est: ut possit, occulta dispensatione providentiæ Dei, in alium permittitur ad pœnam: in alium permittitur ad probationem: in alium permittitur ad coronam. Ad pœnam, quomodo permissi sunt alienigenæ capere populum Israel, quia peccauerunt in Deum. Ad probationem permissus est diabolus in Iob: probatus est autem Iob, confusus est diabolus. Ad coronam verò permissi sunt persecutores in Martyres.*

Minabatur Pilatus, ac iactitabat se habere potestatem dimittendi, & crucifigendi Christum. At verò Christus intumescenti Iudici ostendens, vnde sit illi hæc potestas; *Non haberes*, inquit, *in me potestatem, nisi data tibi esset desuper. Ioan. 19.* Quasi dicat: nocendi quidem potes habere voluntatem, sed non potestatem, quæ cur tibi datur, nouit ipse, qui tibi illam contulit. Noli inuidere iniquo, quod habeat potestatem nocendi tibi;

tibi; sed illi compatere, & ignosce, quòd habeat voluntatem. Non enim potestatem melior, sed ob voluntatem nocendi fit deterior.

B Idem Doctor. In *Psal. 30.* explanans illa verba *Psalmistæ*; *Quæres locum eius, & non inuenies*; ostendit, locum peccatoris esse usum peccatoris, quia illo utitur Deus, vel ad probandū iustū, vel ad emendandum. *Quid est*, inquit, *locus eius? usus eius*. *Habetne aliquem usum peccator? habet*. *Hic utitur illo Deus ad probandum iustum, quomodo usus est diabolo ad probandum Iob, usus est Iuda ad tradendum Christum*. Est ergo in hac vita, quod agatur de peccatore. *Hic est ergo locus eius, quomodo est in fornace aurificis locus paleæ: ardet palea, ut aurum purgetur*. Sic scavit impius, ut iustus probetur.

Quando, verbi gratia, habes vicinum te conuiçijs laceffentem; vel dominum rigidum, & asperum; vel maritum crudelem, aut uxorem rixantem; aut aliquem tibi iniurium, & contradicentem, murmuras, vellesque illum longè abesse: sed nouit Deus illum prope, vel iuxta te esse constituendum, tibi que adiungendum. Ibi est locus eius, quia illo vult uti Deus; ne conqueraris, sed æquo animo patiaris. Sic ordinauit, qui omnia ordinatè agit. quique suauius omnia disponit. Idcirco ne quæras, nec cogites talem de medio tollere, quia Deus fortè alium illo peiorem aduersum te suscitaret.

Sunt nonnulli, qui magis profunt odio, quàm obsequio. Exempli gratia, impius ille Antiochus plus commodi Machabæis attulit, eos necando,
quàm

quàm beneficijs , & honoribus afficiendo . Pellem capitis eis detrahebat , & illorum capita ad diademata præparabat : torrebantur eorum corpora in ferrea sartagine , & longè fiebant eorum animæ à tartarea voragine . Manus quidem eorum præscindebantur , sed ad præmia æterna sumenda non præpediebantur . Oblatas carnes comedere respuerunt , & proprias carnes cruciandas tradiderunt . Quid de illo Tyranno Antiocho in populum Dei , & in sanctos istos Machabæos sæuiente dicat idem Augustinus , audiamus , *Serm. 110. de diuersis. Per istum miserum Antiochum populus Dei flagellatus, est, & probatus. Per eum sancti iuvenes Machabæi coronati sunt . Ergo habuit hic locum suum. Malus erat, sed eo bene usus est, qui malus esse non potest. Sicut enim mali homines male utuntur creaturis bonis : sic Creator bonus bene utitur hominibus malis . Nouit quid tamen agat, qui totum creauit genus humanum. Artifex portat, appendit : aurifex librat : pictor nouit, ubi ponat nigrum colorem, ut sit decor à pictura ; & Deus nescit, ubi ponat peccatorem, ut sit ordinata creatura?*

C Saulus adhuc spirans minarum habuit locum suum, quando Deus eo usus est ad erudiendos, & exercendos fideles: verū habuerunt alij locū suum quibus etiā Deus usus est ad erudiendum, & castigandum eundem Paulum, qui iusto Dei iudicio multa passus est pro nomine Iesu, quoniam sæuiebat in nomen Iesu . Sic Christus promiserat Ananiæ: *Ego ostendam illi, quanta oporteat eum pro nomine meo pati . Act. 9.* Quasi dicat, secundum eundem Augustinum, *In Psal. 36. Reddā*

A a

illi,

illi , vindicabo me de illo , & parietur pro nomine meo , qui sauit in nomen meum . Erudio , vel erudiu per cum alios , erudiam , & ipsum per alios . Factum est hoc , & nouimus , quanta sustinuerit Saulus , multò plura , quàm fecerat : quasi auarus exactor cum usuris recepit quod dederat . Seruatus est Saulus , vt vestes lapidantium Stephanum seruaret ; sed seruati sunt alij , qui illum flagellarunt , lapidarunt , iniuriis affecerunt . ac tandem , qui ei caput absciderunt . Quòd igitur fideles persequutus sit Paulus , & alij Paulum sint insectati , non malè eis cessit , sed eorum saluti profuit : sic & tibi prodeunt malorum insectationes , cum tibi prouidentia Dei obueniant .

De Iacob , & Esaù adhuc in vtero materno existentibus dictum est Rebecca : *Maiores seruiet minori* , Genes. 25 . scilicet Esaù seruiet fratri suo Iacob . Quæ verba explanans Diuus Thomas , *In Epi. ad Rom. 9.* ait : Esaù seruasse ipsi Iacob , non per se , & directè , sed indirectè , & per occasionem , quia dum odit , & insectatus est eum , id maximè ad bonum , gloriamque eius profecit : scriptum est enim , *Qui stultus est , seruit sapienti* . Prou. 11 . Ideo Diuus Augustinus *Serm. 78. de tempore* , scribit , illud vaticinium fuisse adimpletum persequente Esaù fratrem suum Iacob , cui seruiebat non obsequendo , sed persequendo ; quomodo molæ seruiunt tritico , quomodo lima , vel malleus auro , quomodo panibus coquendis furnus . Ita enim mali seruiunt bonis .

D Erat quidem Iacob in domo patris à matre delicatè nutritus , homo lenis , & in pace domesti-

ca ver-

ca versatus, deliciis maternis perfruens, qui matris industria benedictionem fratris surripuerat: qui plus à matre, quam Esaù diligebatur. Verùm inter huiusmodi blanditias oritur dissidium; insurgit pugna, necem Esaù fratri moliri cœpit. *Dixit enim in corde suo; venient dies luctus patris mei, & occidam Iacob fratrem meum. Genes. 27.* Vnde coactus fuit Iacob è domo paterna recedere, & fugere in Mesopotamiam, vbi plurimos perpeffus est labores; pastoris enim officium per viginti annos exercuit; die noctuque æstu vrebatur, & gelu; fugiebatque somnus ab oculis suis, vt ipsemet fateretur, *Genes. 31.* Verùm quid inde lucratus est? multa sanè; nam se à nece liberauit: inde vitam illam desidiosam in sinu matris excussit, & itinerum laboribus, & pastoralis curæ rationibus delicias abiiecit: inde diues nimium effectus est; ibi matrimonium contraxit, ex quo duc decim Patriarchas filios habuit, ex quibus Christus originem traxit. Ecce quomodo maior minori seruiuit. Sic periectiones, & malorum inspectiones seruiunt iustis. Dei igitur consilio, & providentia fit, vt à malis boni exerceantur, & ita præmium æternum consequantur.

Iosepho quoque non mediocrem utilitatem attulit odium fraternum: non enim fratres sui tantum potuissent ei prodesse obsequio, quantum profuerunt odio. Nam quem venditum, & deperditum crediderunt, liberum postea, potentem, & gloria sublimatum inuenerunt; & quem subiectum existimauerunt, imperantem in Aegypto viderunt: reuera quod pertulit, illum sustulit.

Aa 2 Non

Non immeritò igitur quod à fratribus suis contra se actum fuerat, arcano Dei consilio, & providentiæ imputavit, qui magna sæpe mala in longè maiora bona pro infinita sua bonitate, & sapientia mutare solet. Intelligebat enim vir ille pius res mortalium plerumque quidem occulto, semper autem recto, iustoque Dei iudicio, & consilio disponi, & administrari. Scitum est, quod egregiè doctus, & disertus Boetius *Lib. 4. de consol. phil. prof. 6.* scriptum reliquit. *Sola est divina vis, cui mala quoque bona sunt. cum eis competenter viēdo, alicuius boni elicit effectum.*

Diuus etiā Hieronymus *Super Ezechiel.* omnia nobis hic providentia Dei contingere affirmat, non ad nostram perditionem, sed purgationem. *Providentia Dei,* inquit, *omnia gubernantur; & que putatur pœna, medicina est.* Quis non à sapiente Medico potionem ordinatam amanter suscipiat, quantumvis amara illa sit, cum providè, & ad sanitatem recuperandam tribui sibi cernat? Interdum malitia infirmamur, idcirco disponit Deus, ut inimicorum, aut malorum hominum persecutione curemur. Quid querimus? salutaris est medicina, ab optimo, & cœlesti Medico præparata, sed manu inimicorum propinata. Noli respicere manum porrigentem, sed attende Medicum ordinantem. *Calicem, quem dedit mihi Pater, non bibam illum?* *Ioan. 18.* aiebat Ghristus. Dedit quidem Pater, sed per manus Iudæorum. Propinat etiam tibi calicem persecutionum, calumniarum, insectationum, per manus proximi tui tibi iniuriæ. Nulla indigebat

gebat medicina, qui alios curaturus venerat. Sa-
nus bibit amaram calicem, cur tu infirmus bibere
recusabis? *Quis enim*, ait Augustinus, *In salm.*
202. non aegrotat in hac vita? Quis non longum lan-
guorem trahit? nasci in hoc corpore mortali, incipe-
re aegrotare est. Propterea hortatur nos, ut spe fu-
turæ, & certæ sanitatis nullam respiciamus medi-
cinam. *Tolera*, inquit, *medicinalem dolorem. fu-*
turam cogitans medicinam. Tu non toleras ad in-
sertum: qui promisti sanitatem, non potest falli.
Fallitur Medicus aliquando, quia hoc non curat,
quod fecit; Deus te fecit. & certius curat, & gratis.
Ferto ergo manus eius. Vel fertio manus illas, qui-
bus utitur ad purgandum te. Nouit, quando sint
ad mouendæ. Interim caue, ne tua impa-
tientia illud sit tibi detrimento, quod tibi dabatur pro
medicamento.

E Diuus Gregorius *Lib. 9. epist. 39.* quamdam
assignat rationem, cur interdum Deus permittat
iustos iniurijs à quibusdam affici. *Sunt autem plu-*
rimi qui vitam bonorum fortasse amplius, quam
debent laudari: & ne qua elatio de laude subrepat, per-
mittit omnipotens Deus malos in obiectationem, &
obiurgationem prorumpere; ut si qua culpa ab ore lau-
dantium in corde nascitur, ab ore vituperantium suffo-
cetur. Ne extollaris laudibus, permittit Deus, ut
humilieris vituperijs: & ne nimia tui opinione cor-
rumparis, necesse est, ut alterius increpatione, imo, &
insectatione comprimaris. Ita Deus nouit tibi expe-
dire; ideo, quamuis posset, noluit impedire.

Denique, dum nos insectantur inimici, iniurijs
laceffunt, aut quouis modo lædunt, reuocemus

statim in mentem hæc verba Beati Augustini, *In Psal. 36.* illaque ad nostram consolationem sæpe reperamus. *Sauiant, quantum voluerint, & quantum permissi fuerint peccatores. Quidquid acciderit iusto, voluntati Dei deputet, non potestati inimici. Sautre ille potest; sed si ille noluerit, ferire non potest. Et si ille voluerit, ut feriat, nouit suum quemadmodum excipiat. Quem enim diligit Dominus, corripit; flagellat autem omnem filium, quem recipit. Quid sibi ergo plaudat iniquus; quia flagellum de illo sibi fecit Pater meus? Illum assumpsit ad ministerium, me erudit ad patrimonium. Nec attendere debemus, quantum permittat iniustis, sed quantum seruet iustis. Hebr. 12.* Permittit enim iniustis persecutionem, seruat iustis glorificationem, & omnibus retributionem.

Licebit tamen nobis post persecutionem inimicorum, vel ipsis nos persequentibus, sic cum eodem Augustino *Solil. cap. 6.* Dominum alloqui. *Domine, lux mea, inimici mei de me fecerunt quacumque voluerunt, percusserunt, nudauerunt, vulnerauerunt, polluerunt, corruerunt me, occiderunt me; quia recessi à te. Deinde sic Dominum cum eodem deprecari. In Psal. 38. Domine, quoniam tu es qui fecisti me, noli exterminare me; tantum cade, ut proficiam, non ut deficiam: tantum tunde, ut producar, non ut comminuar.*

Non

Non debemus malis invidere ob illorum cuius vitæ prosperitates; sed patienter ferre, quod prosperentur, & in hoc mundo floreant.

Caput IX.

A Communis olim apud Ieremiã Cap. 12. multorum hæc fuit ad Deum querela; *Quare via impiorum prosperatur: bene est omnibus qui pravaricantur, & inique agunt? Plantasticeos, & radicem miserunt: proficiunt, & faciunt fructum, &c.* Iob quoque hac de re conqueri videbatur: *Quare impij vivunt, subleuati sunt, confortatique amicitijs?*

Quamvis Divus Augustinus Lib. 20. de civit. Dei cap. 2. his questionibus satisfacere optans, dicat. *Nescimus, quo iudicio Dei bonus ille sit pauper, malus ille sit dives: iste gaudeat, qui pro suis perditis moribus cruciari debuisse: contristetur ille, qui vita laudabilis gaudere debuisse.* Veruntamen tum ipse, tum alij Doctores his, & similibus querulis interrogationibus respondentes validissimas afferunt rationes, quibus ostendunt, impiorum prosperitati nullo modo esse invidendum; nec magni pendenda seu bona, seu mala, quæ videmus esse bonis, malisque communia; sed, ut ait idem Augustinus, bona illa dumtaxat esse quærenda, quæ bonorum, atque mala fugienda, quæ propria sunt malorum. Nam, ait Gregorius Lib. 13. moral. *Iustus tanto altius temporalia despicit, quanto his abunde etiam frui malos credit, & illa despicienda cõsiderat, quæ Deus etiam perversis præstat; sed ad*

Aa 4 perci-

percipienda cœlestia mentem suam dirigit, quæ sibi cum reprobis communia esse non possunt.

B Attente illa considerabat, qui clamabat. *Noli amulari in malignantibus, neque zelaueris facientes iniquitatem, &c. Noli amulari in eo, qui prosperatur in via sua: in homine faciente iniustitias. Psalm. 36.* Id est, noli inuidere, vel imitari malos, quòd vtantur prospero successu: vel, noli commoueri, & indignari, visa prosperitate malorum. Ne, inquam, irascaris florentibus improbis, vt aduersus Deum murmures, aut abiecto pietatis studio sequaris eorum exempla, vt eadem prosperitate fruaris. Valdè consideranda sunt verba, quæ Diuus Augustinus *In Psal. 36.* præmittit in præfatione huius Psalmi, quem potionem, & saluberrimum poculum vocat, quo quis vti poterit, dum infirmatur, affligitur, aut commouetur ob malorum prosperitates. *Reuera, inquit, hoc te perturbat hominem Christianum, quia vides malè viuentes, felices, sanos esse, superbos dignitatibus eminerere: & dicit cor tuum nullum esse diuinum iudicium, omnia casibus fieri, & fortuitis motibus ventilari. Nam si Deus, inquit, res humanas respiceret, non florere illorum iniquitas, & mea innocentia laboraret. Omnis morbus anima habet in Scripturis medicamentum suum. Qui ergo sic agrotat vt ista dicat in corde suo, bibat potionem huius Psalmi. Quid dicebas? mali florent, boni laborant. Quomodo ista videt Deus? accipe, bibe. Ipse tibi hanc, de quo ista murmuras, temperauit potionem, tantum ne recuses saluberrimum poculum.*

Curabe-

Curaberis sine dubio : nullique improbi felicitati inuidebis , si diligenter attendas allatas à Dauide rationes , quæ sunt veluti potiones : sic enim scribit . *Quoniam tamquam fœnum velociter arefcunt , & quemadmodum olera herbarum citò decident* : vel , vt legit idem Augustinus , *sicut olera præticitò cadent* . Non potest fœnum diu subsistere , nec diu virefcere , quia altas radices non habet ; eodem anno quo nascitur , euellitur , aut præscinditur . Nullus est , qui pratorum herbis virefcen- tibus inuideat , quia vel à iumentis comeduntur , vel calore exsiccantur , aut igne absumuntur , vel putredine consumuntur . Sic non debemus impiorum felicitati mox perituræ inuidere .

C Pulchro emblemate Alciatus , *emblem. 124.* breuitatem prosperitatis impiorum descripsit , dū quamdam cucurbitam satam olim iuxta arborem pinum repræsentauit ; quæ quidem cucurbita cū multis pluuijs , atque cœli temperamento creuisset , lasciui- re cœpit , & ramulos audaciùs porrigere : iamque in pinum serpebat , & suas in ramos frondes audebat inuoluere , prægrandia poma , & virefcencia ostentans .

Aream propter creuisse cucurbita pinum

Dicitur , & grandi laxuriasse coma .

Cui pinus , nimium brevis est hac gloria : nam te

Protinus adueniet , quæ malè perdet hyems .

Hoc meritò dicitur in eos , qui ob momentaneam quandam felicitatem , aut prosperitatem gloriantur , non attendentes , nec recordantes , quòd fallacia sunt , & caduca quæcumque à fortuna pendent , opes , diuitiæ , honores , cliente-

la.

læ, magistratus, potentia, & similia: affluunt subito, repente dilabuntur: nullo in loco stabili fixa radice consistunt: sed incerto flatu huc atque illud acta, quos extulerunt in sublime, decursu improvise destitutos miserimè deijciunt: fortunæ enim volubilitas tantum constans in leuitate sua est, ut ait Naso *5. de Tristib.* qui etiam de seipso sic loquitur.

Nos quoque floruius, sed flos fuit ille caducus;

Flammaque de stipula nostra, brevisque fuit.

Scitum est illud cuiusdam prisce Mimi, *Satyr. 2.* (Citò improborum læta in perniciem cadunt,) qui interdum, ut ait Iuuenalis, tolluntur in altum, ut lapsu grauiore ruant; non à fortuna conseruantur, sed infortunio reseruantur. Theramenes Tyrannus, illapsa domo in permultos, solus euasit incolumis. Ob id cum felix prædicaretur, exclamans; O fortuna, inquit, cui me occasione seruas? sentiens se non esse seruatum, sed maiori malo reseruatum *Erasm. in Apoph.*

Ideo meritò Iob, *cap. 5.* vix imprecabatur impij felicitati his verbis: *Ego vidi stultum firmam radice, & maledixi pulchritudini eius statim.* Non inuidebat, sed maledicebat: non æmulabatur, sed execrabatur. Quid sit autem, stulti pulchritudini maledicere, exponit Gregorius. *Lib. 6 moral. c. 4.* *Quasi,* inquit *firma radice stultus attollitur, quando hic temporalis prosperitate fulcitur. Pulchritudini quippe stulti maledicere, est cuius gloriam exconsiderat a damnatione iudicare, quia eò atrocius in tormentis obruitur. quò altius in peccatis eleuatur: quia cum transit quod extollitur, permanet quod punitur,*

Qui

Qui honoratur in via in peruentione damnabitur. Propterea ipse Dauid non vult nos *emulari in eo, qui prosperatur in via sua*. Non attendas, quanta mali in via possideant, sed quanta eos mala in termino maneant. Postquā illos cogitaueris florentes, considera cruciandos. Vidisti præsentem eorū pulchritudinem, sed non cogitasti futurā eorūdem turpitudinē. Illis, ait Augustin. *In Psalm. 36. est in via prosperitas, in peruentione infelicitas.*

D Ridet modò impius, *Dominus autem iridebit eum: quoniam prospicit, quod veniet dies eius.* *Psalm. 36.* Et hæc est alia ratio, qua probat Dauid non esse impio inuidendum. Cur enim illi inuides, quē Deus irridet? *veniet dies eius*. Id est veniet tempus, quo destruetur, & peribit impius, aut eius prosperitas. Potuit olim Sedecias Rex impius Ieremiam Dei Prophetam præcipitare in foueam, fame vexare, ac multa mala tacente Domino perpetrare: sed tandem venit dies eius, in qua captus ipse à Rege Babylonis, regno priuatus est, oculis orbatus, eiusque filij trucidati, ac perpetuis fuit mancipatus carceribus. *4. Reg. 25.* Triūphauit Aman aliquando in aula Assueri Regis, honoribus, diuitijs, & potentia affluebat: sed tandem venit & dies eius, in qua patibulo suspenditur, quod Mardocheo parauerat. *Hest. 3. 6. & 7.*

Felix sibi, & beatus; optimoque loco esse videbatur Herodes, quando *vestitus veste regia, sedit pro tribunali, & concionabatur ad Tyrios, & Sidonios. Populus autem acclamabat; Dei voces, & non hominis.* *Act. 12.* Omnes illi blandiebantur, honoribus afficiebatur, ab omnibus timebatur: sed

sed venit dies eius, ne tardauit. Nam *confestim percussit eum Angelus Domini, eo quod non dedisset honorem Deo: & consumptus à vermibus, expirauit*. Vides tu multos in hoc mundo florere, & prosperari: sed scito, quòd veniet dies eorum. *Veniet*, ait Aug. *In Psal. 36. dies iniusti, quem prospicit Deus. Qui dies? eius vindicta. Ille habet oculos cognitionis, tu habeto credulitatis. Quod videt Deus crede tu.*

Nonne audis Iobum, *cap. 31. quarentem quidem, non tamen conquerentem, sed asseuerantē: Numquid non perditio est iniquo, & alienatio operantibus iniquitatem?* In quæ verba sic Greg. *Lib. 21. moral. cap. 4. Festina consolatio bonorum, est consideratus finis malorum. Eant ergo nunc reprobi, & delectationum suarum desideria compleant. Negantur electis in hac vita bona terrena, quia, & agris, quibus spes viuendi est, nequaquam à Medico cuncta, quæ appetunt, conceduntur. Dantur autem reprobris bona, quæ in hac vita appetunt: quia & desperatis agris omne quod desiderant, non negatur. His itaque consideratis, hortatur nos idem Doctor, Ibidem, ne malorum felicitati inuideamus. Perpendant, inquit, iusti quæ sint mala, quæ iniquos manent, & nequaquam eorum felicitati inuideant, quæ percurrit.*

E Mirabatur Augustinus, *In Psalm. 33. quòd quidam impius bene mortuus fuisset, non minùs tamen vocat illius mortem, cæterorumque malorum pessimam. Miror, inquit, quia noui peccata, & scelera ipsius, & bene mortuus est, in domo sua, intra limina sua, & in lecto suo, nulla*
pere-

peregrinationis iniuria fuit illi, nulla vel immatura-
 atate. *Audi Deum: Mors peccatorum pessima.*
Quæ tibi videtur bona, pessima est, si intus videas.
Vides foris iacentem in lecto, nanquid vides intus ra-
ptum ad gehennam? Hoc ut probet, affert exemplū
 diuitis epulonis, & pauperis Lazari, *Luc. 16.* In
 illo enim apparet, quàm sit periculosa humana
 prosperitas: in isto, quàm optanda aduersitas. Vi-
 detur quidem prosperitas ventus secundus: sed
 hoc vento ad infernum nauigatur. Contrà verò,
 res aduersæ aduerso, contrarioque vento similes
 censentur: at hoc flatu aduerso in cælum tenditur.
 Prosper diuitiarum ventus plenis velis diuitem in
 Orcum impulit; flatus paupertatis, & miseriæ ad-
 uersus Lazarum in sinum Abrahæ tamquā in por-
 tum tranquillissimum duxit. Audiamus Chryso-
 stomum. *Hom. 1. de diuit. & Lazar. Diuiti,* in-
 quit, *navis erat p'ena mercium, ac secundo nauiga-*
bat vento: verum ad naufragium festinabat, eo quod
onus nolebat circumspicere. De Lazaro addit:
Cum fluctus essent tam multi, vicissimque alij su-
per alios Lazarum impeterent, non tamen demersum
est nauigium: quia scilicet prospero vento aduer-
 sitatis impellebatur.

Vtrumque iterum proponit idem Chrysosto-
 mus, *Homil. 3. ad nostrum solamen.* *Vbi,* inquit,
videris improbam vitam agentem, nec quidquam
acerbi hic patientem, ne putaueris illum beatum:
sed defle potius, ac deplora: velut illic omnia tri-
stitia perpeffurum, quemadmodum diues epulo fe-
cit. Rursus, *vbi quem videris virtutis studiosum,*
& eundē innumeris affligi molestijs, beatum existi-
ma,

ma, ut qui & hic omnia sua peccata diluerit, & illic multam habeat paratam mercedem, sicut Lazarus euenit.

Solo vento prosperitatis fuit nauis diuitis demersa: hoc solum audiuit: *Recepisti bona in vita tua.* Quæ quidem verba, secundum Gregorium; pauore potius indigent, quam expositione. Nam si qui sint, qui in hoc mundo exterioris boni aliquid acceperint, ipsum donum exterius pertimescere debent, ne illis pro quorundam suorum ætuum recompensatione sit datum. Hanc causam submersionis, siue damnationis diuitis attendens Bernardus, *Ser. de verb. Petri, Ecce nos reliquimus,* sic exclamat. *Hæcine cruciatuum causa tota, quod in hoc saculo bona recepit? ita planè. Neque enim ad hoc nos de Paradiso voluptatis animaduersio diuina eiecisse videretur, ut alterum sibi hic Paradisum adinuentio humana pararet.* Noli igitur æmulari, aut inuidere his, qui pro bonis caducis mala accepturi sunt æterna: opta potius esse de illorum numero, quibus pro transitoriis laboribus patienter toleratis requies conceditur sempiterna.

F Beda, & est gloss. super illud Iacob. *Omne gaudium exist.* etiam suam affert rationem, cur non debeamus æmulari, indignari, aut inuidere prosperantibus malis. *Ne indignemini,* inquit, *si mali in hoc mundo foreant, & vos patimini: quia non est Christianæ Religionis in mundo exaltari, sed deprimi. Mali nihil habent in cælo, vos nihil in mundo: sed spe illius boni, ad quod tenditis, quidquid in via contigerit, gaudere debetis.* Fruantur bonis temporalibus, qui suis malis actionibus, bonis
nis

nis priuabuntur æternis : floreat iniqui , à flore æternæ hæreditatis alieni : gaudeant hic sua transitoria hæreditate , qui de perpetua non curant , nec cogitant . Iusti autem æterna bona possessori , temporalia mala patiantur , & tormenta perpetua aliquando passuris compatiantur . Vnde Augustinus , *In Psalmum 70. Non tibi videamur felices : qui florent ad tempus . Tu castigaris , illis parcitur : foris tibi castigato , & emendato filio hæreditas reservatur .*

Si aliquem reum iam morti ob sua facinora damnatum , & mox tortori tradendum , videres in carcere ludentem , ridentem , sericis indutum , cibis delicatis nutritum , à multis honoratum , huicne inuideres ? Cur igitur inuides flagitiosis hominibus in hoc mundo florentibus , & prosperantibus , cum similes sint noxijs , qui in vinculis ad vltimū seruantur supplicium ? locari possunt , otiosi , & tripudiare , sed turpem mortem non possunt euitare . Possunt hæc esse signa lætitiæ , sed non innocentie . *Præsentis vitæ prosperitas* , ait Greg. lib. 15. *moral. ca. 24 innocentia testis non est : quia multi ad perennem vitam per flagella redeunt : & plerique ad infinita supplicia sine flagello moriuntur .*

Scito illum multum pati , qui peccando nihil aduersi in hoc mundo patitur ; & qui ita peccato suo Deum irritauit , vt nullum in hoc sæculo flagellum meruerit . Audi Augustinum , *In Psalm. 9. Irritauit Dominum peccator , vt ista patiatur , id est , vt correptionis flagella non patiatur . Multum irascitur Dominus , dum non exquirat , dum quasi obliuiscitur , & non attendit peccata , & per fraudes,*

des, & scelera ad diuitias, honoresque perueniunt.
 Cur igitur huic talia patienti, & gratia passuro
 inuides? Cui potius miseris non misereris? Audi
 & Greg. *In Ezech. Peccantes quosq; tunc conside-*
remus amplius miseros, quando eos conspiciamus in
culpa sine flagello derelictos.

G Aliqui apud Psalmistam conquerebātur, &
 de quibusdam sceleratis hominibus murmurabāt,
 dicentes: *In labore hominum non sunt, & cum ho-*
minibus non flagellabuntur. Psalm 72. Et rursus:
Ecce ipsi peccatores abundantes in seculo obtinuerūt
diuitias. Primæ querimonix respondet D. Bernar-
 dus, *Super illa verba, Ecce nos reliquimus om-*
nia: his verbis. Qui in labore hominum non sunt,
in labore demonum profectò erunt. Carent tempo-
 rali flagello, quos manet æternum, quid murmu-
 ras? quid inuides? Alteri verò respondeat Grego-
 rius, *Lib. 21. moral. cap. 4. Tantiò, inquit, iniustis*
temporalia bona suppetunt, quanto eterna denegan-
tur. Vituli, qui mactandi sunt, in liberis pastibus re-
linquuntur: qui verò ad laboris usum, vitæ deputa-
ti subiugo retinentur. Sicut igitur non est inuiden-
 dū vitulis, licet vberrimis nutriantur pascuis, cum
 citò sint mactandi: ita nec malis hominibus, licet
 diuitijs, delicijsque abundant, cum talia sint futu-
 ræ damnationis indicia.

Dicunt aliqui, & refertur ab Aiguano, *In Psal.*
36. quòd crescente Luna, crescit humidum in
corporibus animalium, & fiunt eorum corpora
validiora: decrecente verò, fiunt debiliora; ani-
malia etiam venenosa crescente Luna magis sunt
venenosa. Quid per Lunam, quæ semper mu-
 tatur,

tatur, intelligitur, nisi mundi prosperitas, quæ
nunquam in eodem statu permanet; quia nunc cre-
scit, & nunc minuitur: modò hominem extollit,
modò deprimat: nunc clarum, nunc infamem red-
dit. Crescente igitur hac temporali prosperitate,
roborantur corpora humana, id est, caro magis
insurgit aduersus spiritum; & sic venena, id est,
peccata multiplicantur: decrecente verò for-
tuna, caro minus spiritui aduersatur, ac con-
sequenter venenum peccati debilitatur: *Res est*
inquieta felicitas, ait Seneca *Epist. 37. ipsa se*
exagitat: hos in potentiam irritat, alios in lu-
xuriam: hos inflat, hos mollit, & totos resolu-
it. Non est igitur inuidendum humanæ pro-
speritati, ad talia vitia, & ad perniciem nos in-
ducenti.

Præterea, quid somnianti inuides? sunt omnes
diuites, & felices huius sæculi veluti dormientes,
& somniantes. Non est ille verè diues, qui somniat
se habere diuitias, quas non possidet finito somno,
finitur autem somnus minimo strepitu: sic minima
interdum infirmitate finitur huius vitæ somnus,
quo finito finitur omnis mundana prosperitas.
Audi Psalmistam, *Psal. 75. Dormierunt somnum*
suum viri diuitiarum, & nihil inuenerunt in mani-
bus suis. Vnde Diuus Gregorius *Lib. 18. moral. cap.*
12. de quodam suas ostentante diuitias sic scribit.
Eat ergo nunc, & acceptis rebus tumeat, seseque su-
per cæteros extollat, gloriatur se habere, quod proxi-
mus non habet: veniet quandoque tempus, ut euigilet,
& tunc cognoscet, quam vacuum fuerit, quod in
somno tenuerat. Sape namque contingit dormienti

Bb

inopi,

des, & scelera ad diuitias, honoresque perueniunt. Cur igitur huic talia patienti, & gratia passuro inuides? Cu potius miseris non misereris? Audi & Greg. *In Ezech. Peccantes quosq, tunc consideremus amplius miseros, quando eos conspiciamus in culpa sine flagello derelictos.*

G Aliqui apud Psalmistam conquerebatur, & de quibusdam sceleratis hominibus murmurabāt, dicentes: *In labore hominum non sunt, & cum hominibus non flagellabuntur. Psalm 72.* Et rursus: *Ecce ipsi peccatores abundantes in saeculo obtinuerūt diuitias.* Primæ querimoniæ respondet D. Bernardus, *Super illa verba, Ecce nos reliquimus omnia: his verbis. Qui in labore hominum non sunt, in labore demonum profectò erunt.* Carent temporali flagello, quos manet æternum, quid murmuras? quid inuides? Alteri verò respondeat Gregorius, *Lib. 21. moral. cap. 4. Tantiò, inquit, iniustis temporalia bona suppetunt, quanto eterna denegantur. Vituli, qui mactandi sunt, in liberis pastibus relinquantur: qui verò ad laboris usum, vitæ deputati subiugo retinentur.* Sicut igitur non est inuidendū vitulis, licèt vberimis nutriantur pascuis, cū citò sint mactandi: ita nec malis hominibus, licèt diuitijs, delicijsque abundant, cū talia sint futuræ damnationis indicia.

Dicunt aliqui, & refertur ab Aiguano, *In Psal. 36. quòd crescente Luna, crescit humidum in corporibus animalium, & fiunt eorum corpora validiora: decrecente verò, fiunt debiliora; animalia etiam venenosa crescente Luna magis sunt venenosa.* Quid per Lunam, quæ semper mutatur,

tatur,

tatur, intelligitur, nisi mundi prosperitas, quæ nunquam in eodem statu permanet; quia nunc crescit, & nunc minuitur: modò hominem extollit, modò deprimat: nunc clarum, nunc infamem reddit. Crescente igitur hac temporali prosperitate, roborantur corpora humana, id est, caro magis insurgit aduersus spiritum; & sic venena, id est, peccata multiplicantur: decrecente verò fortuna, caro minus spiritui aduersatur, ac consequenter venenum peccati debilitatur: *Res est inquieta felicitas*, ait Seneca *Epist. 37. ipsa se exagitat: hos in potentiam irritat, alios in luxuriam: hos inflat, hos mollit, & totos resoluit*. Non est igitur inuidendum humanæ prosperitati, ad talia vitia, & ad perniciem nos inducenti.

Præterea, quid somnianti inuides? sunt omnes diuites, & felices huius sæculi veluti dormientes, & somniantes. Non est ille verè diues, qui somniat se habere diuitias, quas non possidet finito somno, finitur autem somnus minimo strepitu: sic minima interdum infirmitate finitur huius vitæ somnus, quo finito finitur omnis mundana prosperitas. Audi Psalmistam, *Psal. 75. Dormierunt somnum suum viri diuitiarum, & nihil inuenerunt in manibus suis*. Vnde Diuus Gregorius *Lib. 18. moral. cap. 12. de quodam suas ostentante diuitias sic scribit. Eat ergo nunc, & acceptis rebus tumeat, seseque supercæcos extollat, gloriatur se habere, quod proximus non habet: veniet quandoque tempus, ut euigilet, & tunc cognoscet, quam vacuum fuerit, quod in somno tenuerat. Sape namque contingit dormienti*

Bb

inopi,

inopi, ut se per somnium diuitem videat; at quæ ex eisdem rebus animum extollat, latetur se habere quod non habuit: sed repente euigilans, euigilasse se doleat, qui interim diuitiarum imagines vel dormiens tenebat. Sic sic nimirum sunt huius mundi diuites, &c. Diuus Augustinus In Psalm. 72. vocat etiam mundanâ prosperitatem somnium exurgentis, aitque diuites, ac felices huius mundi defecisse veluti somnium euigilantis. *Quomodo, inquit, defecerunt? sicut deficit somnium exurgentis. Fac hominem in somnis videre se inuenisse thesaurum, diues est, sed donec euigilet. Pauper dormierat, sed diues in somnis factus fuerat. Si non euigilasset, diues esset. Euigilauit, inuenit arumnam, quam dimiserat dormiens. Et isti non inueniunt miseriam, quam sibi comparauerunt? Cum euigilauerint de hac vita, transit illud, quod quasi somno tenebatur, veluti somnium exurgentis.*

Cæterum, hoc solum iustis sufficiat, quod Deus illos respiciat: nam oculi Domini super iustos. Psal. 33. Non tantum respicit, sed & audit clamores illorum. Et aures eius ad preces eorum. Qui videt te, & audit te, nouit cur non dicit te: noli murmurare, quasi ab illo non videaris, aut exaudiaris. Habemus itaque Deum nos videntem, & audientem, atque quæ nobis expediunt, concedentem. Si, inquit idem Augustinus in hunc Psalmum, murmurantem seruum in domo magna non audiret pater familias, quereretur. & diceret: quanta nos hic patimur, & nemo nos audit? Nunquid dicis illud de Deo, quanta hic patior, & nemo me audit? Si audiret me, fortè dicis, tolleret mihi tribulationem; clamo, & tribulor. Quando tribularis, audit te. Sed Medicus est,

*est, adhuc putre habes nescio quid: clamas, sed adhuc
secat, & non tollit manum, nisi secuerit, quantum
videtur.* Est igitur tua paupertas, vel miseria velu-
ti ferramentum, quo Deus utitur ad refecanda,
quæ tibi fuissent nocitura: refecuit tibi prosperi-
tatem, diuitias, honores, vel fauores huius sæculi,
& hæc alteri cōcessit, quia ita expediebat: gaudeas,
& alijs ista possidentibus non inuideas.

*De patientia habenda in damno, vel iactura bonorum
temporalium. Caput X.*

AP Roderit plurimum, si perditā substantia, il-
lud tempus quis in memoriam reducat, in
quo, quod perdidit, non possidebat. Hoc agno-
uit Diuus Gregorius *Lib. 2. moral. cap. 11.* illudque
inculcat: *Magna, inquit, consolatio est in rerum
amissione, illa tempora ad mentem reducere, quibus
non contingit res, quas perdidimus, non habuisse.*
Quando non habebas, non dolebas; cur modo
doles, quòd non habeas? Caruisti, & cares, licet
sint diuersi temporis, tamen sunt eiusdem modi;
habeas te igitur eodem modo: & sicut tunc non
dolebas, ita nec nunc doleas. Multi nunquam ha-
buerunt, quod tu perdidisti, & tamen non dolent,
quod non habuerint. Cur doles te habuisse, quod
ipsi non habuerunt? vel quid defles te non
habere, quod ipsi non habent, & tamen non do-
lent?

Considerandum est etiam, omnia bona fortu-
næ à Deo nobis esse data comodato, atque
aliena potius esse, quam propria. Audi Senecam,

B b 2 Lib.

Lib de cons. ad Mar. cap. 10. Quidquid est hoc, quod circa nos ex aduentitio fulget, liberi, honores, opes, referta vestibula, cæteraque ex incerta, & mobili sorte pendentia, alieni commodatique apparatus sunt, nihil horum dono datur, collatitjs: & ad dominos redituris instrumentis scena adornatur. Alia ex his primo die: alia secundo referentur: pauca usque ad finem perseuerabunt, &c. Dei autem sunt hæc omnia, vide quid dicat; Meus est enim orbis terra, & plenitudo eius. Et per Aggæum Prophetam, Psal. 39. cap. 2. Meum est argentum; meum est aurum, dicit Dominus exercituum. Ne dicas igitur; propria, vel mea perdidisti, quia secundum Ambrosium impudenter loquereris. O impudens dictum, ait, propria dicis? quæ ex quibus reconditis in hunc mundum detulisti? Nonne nudus egressus es de utero matris tuæ; nonne nudus reuersurus es? hoc post Iobum, Cap. 1. clamat Apostolus, Timot. 6. Nihil intulimus in hunc mundum; haud dubium, quod nec auferre quid possumus. Indicat Diuus Augustinus, qualiter debeamus uti rebus à Deo nobis concessis, dum ait: Omnia, quibus uteris in hac vita, sic tibi debent esse, tamquam stabulum viatori, non tamquam domus habitatori. Non ægrè fert viator stabulum, in quo iacuerat, deferere: ita non ægrè feras perdidisse quod possidebas.

B Cum itaque commodatarij simus, nulla fit nobis iniuria, si à nobis repetatur, quod nostrum non est, & maximè ab eo; cuius sunt omnia. Noli ergo dicere, perdidisti; sed dic, accepit Deus, quod mihi commutato dederat. Ille potuit auferre, qui potuit

potuit conferre. Dominus dedit, ait Iob. Cap. 1. Dominus abstulit; sicut Domino placuit, ita factum est sit nomen Domini benedictum. Utinam, & tu in damno bonorum tuorum similia diceres. Sicut Domino placuit, ita factum est. At verò nihil nisi bonum illi placere potest. Nouit ipse aliquando expedire, ut nobis auferantur, quæ prius concedebantur. Alienum erat, quod possidebas; ergo alienum, non tuum perdidisti. Quæres autem alienum si amissum ægrè feras. Audi Tertullianum, *Lib. de patient.* Quod nostrum videtur, alienum est: nihil enim nostrum, quoniam Dei omnia, cuius ipsi quoque nos. Itaque si damno affecti impatientes erimus, non de nostro amissum dolentes, affines cupiditatis deprehendemur; alienum quarimus, cum alienum amissum ægrè sustinemus.

Præterea, si bona, quæ perdidisti, exigui esse momenti, paruique valoris crederes, certè parum, vel nihil doleres. Scio quidem magni facere homines bona temporalia; verum talis æstimationis magnitudo non ex valore, sed ex apprehensione nostra procedit. Sicut turrim, verbi gratia, Babilonicam in breui papyro depictam iuxta domunculam paruam, incredibilis magnitudinis eam esse iudicamus, cum tamen palmi quantitatem reuerà non excedat, quia scilicet sic illam apprehendimus turrim. Ita etiam bona ista terrena magnitudinem, & valorem ex apprehensione nostra, non ex rei veritate habent; quia scilicet cum vitæ miserijs ea metimur. (Estimemus singula, ait Seneca *Epist.* 96. fama remota, & quæramus quid sint, non quid vocetur,) vel quid apud

homines habeantur. Ideo subdit idem Philosophus. (Quæ maxima inter vos habentur, diuitiæ, potentia, sestertio nummo æstimanda sunt).

C Epictetus Philosophus, cuius tantâ fuit olim admiratio, vt, teste Gellio, *Lib. 17. cap. 19.* lucerna eius fictilis tribus drachmarum millibus penderetur; dicere solebat, nos non perturbari rebus huiuscemundi, sed opinione earum. Amisit quis diuitias, honores, dignitates, turbatur, quia se magna perdidisse opinatur; quod si illa parui penderet, non mœreret, iuxta Sapientem, *Prou. 12.*

Non contristabit iustum quidquid ei acciderit: impij autem replebuntur malo. Cur iustus non tristatur?

Num quia nulla ei accidit tribulatio? nequaquam: nam *multa tribulationes iustorum, Psal. 3.* Sed

quia omnia huiusmodi mala ei aduenientia pro nihilo reputat; solum illud verè malum existimat, quod æternum est, & quod separat à Deo, quale est peccatum.

Mali autem, quia bona huius mundi plurimi estimant, dolent, torquentur, lacrymantur, dum illa amittunt. Verùm illos risu dignos iudicat Seneca; *Lib. 3. de ira. cap. 32.*

Quantoris, inquit, *prosequenda sunt, quæ nobis lacrymas educunt? Crede mihi, leuia sunt; propter quæ non leuiter excandescimus, qualia quæ pueros in rixam, & iurgium mouent; nihil ex his, quæ tam tristes agimus, serium est, nihil magnum. Inde, inquam, nobis ira, & insania est, quod exigua magna existimamus.* Hec ille, & prudenter.

Apud Tertullianum, *Lib. de hab. muliebri,* legimus, quibusdam in locis aurum tam paruo haberi pretio, vt etiam incarcerati catenis aureis vinciantur.

tur.

tur. *Apud quosdam Barbaros, ait, quia vernaculum est aurum, vinētos auro habent in ergastulo, & diuitijs malos onerant. Si huiusmodi gentes aurum, & diuitias magnifacerent, eis suos malefactores non ornarent, vel potiùs onerarent; digna illa iudicant, quæ malis dumtaxat concedantur, vt eis crucientur. Pudeat Christianos, qui nolunt harum rerum vilitatem agnoscere: aurum enim, & argentum, cæteræque diuitiæ in se nullius sunt valoris sed eis dat premiũ existimatio hominum. Audi Chrysostomũ. Candore lucentis margarita attraheris? cogita maris esse aquam, & in eius sinibus ante iacuisse deiectam. Rapit animam auri fulgor, & nitor argenti? cogita terram, ac cinerem ea prius fuisse, & modo esse. Placet pretiosa, & serica vestis? at vermium ille contextus est: opinio est, & humana præsumptio; nihil habent in se naturalis pulchritudinis. Ad opum igitur contemptum inducet cogitatio vilitatis earum, quibus tandem contemptis, contemptur illarum iactura. Deinde cogita diuitias à Christo vocari spinas, quæ multos suffocant, Luc. 8. & te fortè iam suffocassent, nisi à te fuissent ablatae. Erant tibi diuitiæ, sicut spina, pedi, aut alteri parti corporis infixæ, quam si quis tibi extraheret, gratias ageres, quamuis auulsio dolorem pareret. Sic licet doleas, gratias tamen Deo referas, qui has spinas pungentes, lacerantes, cruentantes, ac suffocantes à te amouit.*

Noli præterea mœrere, quod ea amiseris, quæ appetitum tuum non satiabant, sed augebant. (Potus, inquit Plutarchus, *Lib. de cup. diuit.* saltē ad

tempus sedat sitim; cibus famem sanat: sed argenti cupidinem non extinguit. argentum, nec aurum cupidinem auri.) Liceat nobis idem diuitijs dicere, quod in Medicum competit impostorem: *Pharmacum tuum morbum auget*. Pulchrè ostendit Seneca *Epist. 73.* cui assimilentur, qui possidendi diuitias desiderio tenentur. (Vidisti, inquit, aliquando canem, missa à domino frustra panis, aut carnis, aperto ore captantem? Quidquid excepit, totum protinus integrū deuorat, & semper ad spem futuri inhiat. Idem euenit nobis expectantibus quidquid fortuna proiecit, id sine voluptate dimittimus, statim ad rapinam alterius erecti, & attentī.) Diuitias potius videmus deficere, quàm reficere. *Auarus*, inquit Sapiens, *non implebitur pecunia; & qui amat diuitias, fructū non capiet ex eis. Eccl. 5.* Quid igitur doles de rebus, quæ non satiant te, nec aliquem tibi afferunt fructum.

Cogita etiam, quod nisi diuitias perdiidisses ipsæ fortè te perdidissent. Crates Thebanus, vt scribit Hieronymus *Lib. 2. contra Iovinianum*. proiecto in mare non paruo auri pondere; *Abite*, inquit, *peffum mala cupiditates*, ego vos mergam ne ipse mergar à vobis. Agnouit ille Philosophus posse hominem mergi nimia diuitiarum copia. Natanti, non est plumbum amplectendum, sed omnia ad vestes vsque sunt excutienda, omnia sunt abiicienda. *Naufragium fugis*, ait Augustinus, *In Psal. 51. & plumbum amplecteris?* Qui diuitijs affluit, pondere premitur. Nullus autem est graui aliquo pondere oneratus, qui non desideret quam citissimè exonerari. Vellem te auream audire Senecæ sen-

sententiam, illamque diligenter attendere. (Pecuniam, inquit, perdidisti: ò te felicem, si cum illa auaritiam perdidisti! Pecuniam perdidisti, & illa quàm multos. Eris nunc in via expeditior, domi tutior: exoneravit te fortuna, si intelligis, & tutiore posuit loco: damnum putas, sed remediũ est: desles, gemis: miserum te clamas, quòd opibus excussus es; tuo vitio ista tibi iactura tam tristis est: non tam moleste ferres, si tamquã perditurus habuisses.) Hæc ille, quibus ostendit prodesse potiùs, quam obesse bonorum temporalium iacturam; quam facilè tolerabimus, si damnum, quod per hoc damnum euasimus, pensemus. Nã, ait Gregorius, *Hom. 35. in Euang. si fixa mente mansura damna pertimescitis, damna rerum transcurrentium graua non putatis.*

E Iuuat & Diuum audire Hieronymum, *Epist. 11. ad Ageruch.* de his, quæ magis nobis expediunt, differentem. *Melius est, inquit, rem familiarem minui, quàm salutẽ animæ perire. Melius est amittere, quod velimus nolimus aliquando perit urum est, ac sponte dimittere, quàm id amittere, id est, Deum, pro quo omnia dimittenda sunt.* Hoc est certissimum, satius esse amittere, quàm amitti; nudato corpore ad cælum tendere, quàm vestito in Orcum descendere. Gregorius Nazianzenus, *Orat. 20.* vt expeditiùs ad cælũ posset euolare, proprias vestes optabat exuere: laudatque Diuum Basilium, quòd nihil habuerit præter corpus, & corporis tegumenta. Colũba à Noe cessantibus aquis emissa, cum nõ inuenisset, ubi requiesceret pes eius, reuersa est ad eũ in arcẽ. *Genes. 8.* Non reuerteretur, si ubi requie-

quiesceret inueniretur. Ita & tu, si haberes in terra, vbi affectum tuum collocares, fortè de cælo non curares.

Pulchrè Diogenes diuitias *vomitum fortune* vocitabat. Nullus est, qui velit sorbere quod alius euomit: ita nullus debet curare de diuitijs, quæ à fortuna euomuntur, & reijciuntur. Rursus, nullus est, qui non optet euomere quod stomachum premit & onerat. Quando aliquo infortunio bona tua perdidisti, tunc euomisti: illud infortunium Deus tamquam Medicus tibi propinauit & immisit, vt te ad vomitum prouocaret. *Quare plangis?* inquit Augustinus, *In Psal. 102. medicina est, non pœna; curatio, non damnatio.* Vtinam euomisset diues ille epulo, *Luc. 16.* quæ illum onerabant, qui ne micas quidem vomere voluit, quia exoneratus fuisset, atque ita damnatus non fuisset. Dicat igitur Plinius, *Lib. 11. cap. 53. Vomitiones homini in remedium sunt excogitata, licet inimica sint dentibus.* Fortè dentes tibi dolent, quòd non habeant quod manducant; scito tamen hanc vomitionem, id est, bonorum tuorum amissionem, tibi valdè esse necessariam ad salutem. Hoc agnouit Deus, qui illam tibi consultò immisit, & ordinauit: gaudeas igitur, quòd exonereris, qui alias cruciareris.

Porro, si bona acquisita non dilexisses, deperdita non doluisses. Assignans Diuus Gregorius, *Lib. 1. moral.* rationem, cur Iob tantam seruaerit patientiam in amissione bonorum suorum, nullumque senserit dolorem, sic ait. *Sine dolore perdidit, quia sine amore possedit.* Potuisti non dilige-

ligere, ergo poteras non dolere; amor ille dolore purgatur, qui quidem dolor mitigabitur, si cogites te plurimum mereri posse, si hanc iacturam patienter tuleris. Miseranda enim secundū Cassianum, *Lib. 6. instit. Monach.* conditio est, inopiā sustinere, & fructu, quem ex illa comparare possemus, culpa, & impatientia nostra carere.

F Qualiter autem sint amanda bona fortunæ, indicat Seneca, *Lib. de cons. ad Marciam. cap. 10.* his verbis. (Sæpe admonendus est animus, amet ut recessura, imò tamquam recedentia.) Rebus igitur recessuris, vel recedentibus non debemus vehementer adhærere; ad hoc nos hortatur, qui clamat: *Diuitiæ si affluant, nolite cor apponere, Psal. 61.* vel, ut legit Ambrosius, *si fluant.* Quasi dicat: cum diuitiæ fluxæ sint; & ut aduertit Basilus, possessores suos torrente prærapidoocyus prætercurrant, & alios alio modo mutent dominos, non sunt omnino diligendæ; nec ad eas cor apponendum. Rationem assignat Augustinus, *In hunc Ps. Non vides, inquit, quia si ibi cor apposueris, & tuæ flues?* Fluant igitur diuitiæ, non defluat tua patientia; mirare, sed noli amare quæ ita fluunt, ut incessanter ab vno domino transeant ad alium. *Fluenta sunt,* ait Ambrosius, *quæ miraris, quomodo veniunt, sic transeunt, & recedunt.* Et, ut notat Nazianzeni Scholiastes, *Inorat. 43.* sunt diuitiæ veluti aqua manu comprehensa, quæ tanto citius per medios digitos elabitur, quanto fortius constringitur. Cū itaque diuitiæ non possint diu conservari, cur in illas conservas amorem? Cur, inquā, amas deferentes te? Crede mihi, cesset amor, &
cessa-

cessabit dolori *Cur amatur*, inquit Gregor. *Hom. 15. in Evang. quod relinquitur?*

Si diligenter attendas, videbis non tantum in re, sed & in multis alijs hunc diuitiarum fluxum. Imperator Caligula, qui aliquando, teste Suetonio, super immensos aureorum aceruos patentissimo loco diffusos, nudis pedibus spatiatus, & toto corpore aliquandiu volutatus est, tam pauper euasit, vt non habuerit vnde filiam dotaret, steteritque Calendis Ianuarij in ædium vestibulo ad captandas strenas, & stipes, quas in sinu diuersa turba fundebat. Non potuit Imperatoria potentia præterfluentes opes coercere, super quas fortè ideo volutabatur, vt quas sola manu non poterat, toto saltem corpore retineret: sed non potuit ille, nec poteris tu: patientiam habe.

Accius Nauius Augur, cum propter artis suæ præstantiam non tantum à Tarquinio Prisco, verum etiam ab alijs quamplurimus amaretur, & diuitijs ornaretur, ad tantam paupertatem postea peruenit, vt sues pascere cogeretur. *Cic. lib. 1. de diuinat.* Tu nondum porcos pauisti, & si paueris, aut modò pascas, veniat tibi in mentem prodigus ille parabolicus, qui tota ab ipso dissipata substantia, *Luc. 15.* factus tandem egenus porcos pascebat: & cum fame premeretur, non furto se dedit, aut alijs rebus illicitis, sed ad patrem suum se contulit, veniam, opemque postulaturus. Disce hac parabola, in simili necessitate omnia illicita deuitare, & ad Patrem cœlestem recurrere, de quo sic Augustinus, *In Psalm. 61. Pascet te, qui fecit te. Si pascit latronem, non pascet innocentem?*

Si

Si pascit damnandos, non pascet liberandos?

Demades Orator Atheniensis, cum primò ita opibus, & potentia valeret, vt nihil aliud, quàm Macedonum & Antipatri gratiam in Republica quæreretur, ad tantam pauperiem redactus est, vt eiectus ex ciuitate, non habuerit vnde pecuniam, qua illum Athenienses multauerant, persolueret: *Plutarch.*

G Verùm quid plures referam? Taceo ceteros, qui ex diuitibus facti sunt inopes. Vnicum Dei Filium nobis proponamus. Ad hoc nos hortatur Basilius. *Hom. de ira. Memor sis Domini nostri Iesu Christi, qui cum diues esset, nostri gratia egere voluit.* De illo sic scribit Apostolus, 2. Cor. 8. *Propter vos egenus factus est, cum esset diues, vt illius inopia vos diuites faceret.* In quæ verba sic Beda. *Dominus noster non solum homo, cum Deus esset, sed etiam pauper, cum diues esset, pro nobis factus est, vt nos diuitiarum, & diuinitatis suæ donaret esse participes.* Tunc Christi inopia ditamur, dum nostra patienter tolerata inopia, cælestium diuitiarum digni efficimur. Exclamet igitur Diuus Augustinus: *Quid factura sunt diuitia eius, cuius paupertas nos diuites fecit?* Qui vult te participem futurum in cælo suarum diuitiarum, voluit te in terra participem fieri suæ paupertatis. Nunquid tu minùs habes quàm Christus, qui vt ipsemet fatetur, non habebat in hoc mundo vbi caput suum reclinaret? *Mattheus 8.* Hoc propter te sustinuit, licet omnia possideret. Tuam igitur inopiam patienter sustine, licet aliqua possideres: ille enim non merebitur omnia possiden-

fidentem videre in cælis, qui noluerit indigentem imitari in terris .

Denique , ostende in sustinenda hac tua inopia te generoso esse animo : nam, inquit, Basilus, *Hō. de ira. non est turpe egere, sed pauperiæ generosè non ferre.* Et Cæsar, *Lib. 7. de bello Gall.* hæc aliquādo dicebat : (Animi est mollities, paulisper inopiā ferre non posse.) Democritus illum, qui sinistram fortunā ferre nequeat, ne prosperam quidem posse ferre asseuerabat. Si nescias indigere, nesciebas abundare. Generosus ille erat Apostolus, qui clamabat : *Scio & abundare, & penuriam pati.* *Philip. 4.* Non enim abundantia extollebatur, nec penuria deprimebatur : sed læto semper & erecto erat animo. Qui nesciebat superbire in abundantia, nesciebat deficere in penuria. *Quem, inquit Gregor. Hom. 19 in Ezech. nec abundantia in superbiā eleuat, nec in necessitate cupiditas irritat, nouit abundare, nouit penuriam pati.*

Dices, summum esse genus miseriarum, fuisse felicem, vel cum Plauto, *In Rudent. Miserum illud verbum, habuisse, & nihil habere.* Verum falleris, si pauperes infelices iudicas, quos Christus felices prædicat : *Beati pauperes, Matt. 5.* & diuites beatos, quos idem proclamat miseros. *Vg vobis diuitibus, &c. Luc. 6.* Vnde optimè Augustinus. *Lib 50. homiliar. hom. 13. Sic Deus tonat, & stertis?* Cui potius credendum ; tibi malè iudicanti, an Christo bene omnia agnoscenti ? Qui laudat indigentes, ipsemet egenus factus est. Verbo igitur, & exemplo inopiam celebrat.

H Præterea, non est miserum habuisse, & nihil habere.

habere; sed nihil posse habere. Nam ille multum habet, qui nihil habens potest omnia habentem habere, scilicet Deum, qui ut plurimum dat se minus habentibus. Possunt fures, prædones, aut alij tibi auferre diuitias, sed non Deum, qui tibi illas dederat. Ille est igitur quærendus, non diuitiæ; hoc tibi consulit idem Augustinus, *In Psal. 34. Illum quare, qui deesse non potest. Subtrahuntur quæ dedit: nunquid subtrahitur qui dedit?*

Subiungis; si aliquid haberem, quo victitarem, non curarem, sed nihil penitus habeo, fameque cum tota mea familia pereo. Non propterea debes animo deficere: scit enim Pater tuus cælestis quibus rebus indigeas, & quænam tibi expediant. Propterea caue, ne, quacumque necessitate premaris, te excrucies, vel in verba blasphemiarum prorumpas, cum etiam nihil proficeres. Vnde Seneca, *Lib. de consol. cap. 20.* (*Illud, inquit, te non minimum adiuuerit, si cogitaueris nihil profuturum dolorem tuum.*) Sed memineris patientissimi Iob, *cap. 1.* qui iacturam bonorum suorum, ac mortem filiorum patienter ferendo, & Deum in tanto miseriarum pelago benedicendo, meruit, non tantum quæ perdidit, sed & duplicata recuperare. De illo sic Greg. *Lib. 1. moral. c. 12.* *Afflictus terrena perdidit, sed afflictionem humiliter sustinens, cælestia multiplicauit.* Et non tantum cælestia fuerunt ei multiplicata, sed & terrena. Vnde etiam de illo sic scribit Chrysostomus *Orat. de diuit. & paup. 10. 5.* *Postquam Iob corona patientiæ, & fortitudinis exornatus fuit, duplicia quæ amiserat, recepit. Tu verò duplicia, ac triplicia, imo centuplicia recipies cuncta, & vi-*

tam

tam æternam, si tuleris generosè.

Dicunt aliqui, non tantum fuisse illi duplicatam substantiam, sed & vitæ suæ ætatem. *Perer in Genesim.* Nam, ut tradunt Olympiodorus, Suidas, & alij, Iobi calamitas duravit per spatium septem annorum; iam vixerat septuaginta annis, quando ei aduenit, & post illos septem annos vixit etiam alios septuaginta: quia sicut Deus reddidit ei facultates duplicatas, ita credibile est reddidisse etiam annos duplicatos. Hæc autem omnia meruit sua patientia, quam præcipue toto illo septennio seruauit cum gratiarum actione. Nam hoc vnum ore suo semper promebat; *Sit nomen Domini benedictum. cap. 1.* Et quamuis toto vitæ suæ tempore miser extitisset, non minus Deum semper benedixisset, & in ipsum sperasset, etiamsi maiora ei aduersa inflixisset; hoc enim apud se statuerat, dum diceret: *Etiamsi occiderit me, in ipso sperabo. Iob. 13.* Quæ verba explicans Gregor. ostendit impium non benedicere Deum nisi in prosperis. De illo sic David, *Psal. 48. Confitebitur tibi cū benefeceris ei.* Iustus verò tam in aduersis quàm in prosperis ait, *Benedicā Dominū in omni tempore, Ps. 33.*

I Utinam illum imitaretis; & ita patienter omnia incommoda patereris, quia fortè sicut & ipse in pristinum statum restituereris: non enim abbreviata est manus Domini. Qui dederat, potuit auferre; & qui abstulit, potest iterum dare; & si non det, scit hoc animæ tuæ non expedire, & sperare videre: & possidere bona Domini in terra viuentium, & non in terra morientium. Cæterum, quibus laudibus hunc patientissimum Iob celebret

bret Tertullianus *Lib. de patient.* non pigeat audire, ut illum, & mirari, & imitari in omni tua necessitate valeas. *Ofelicissimum illum, inquit, qui omnem patientia speciem aduersus omnem diaboli vim expunxit. Quem non abacti greges, non illa in pecore diuitia non filij ruina impetu adempti, non ipsius denique corporis in vulnere cruciatus, à patientia fide Domino dedita exclusit, quem diabolus totis verberibus frustra cecidit. Neque enim à respectu Dei tot doloribus auocatus ille est, sed constitit nobis in exemplum, & testimonium, tam spiritu, quam carne: tam animo, quam corpore, patientia perpetranda, ut neque damnis secularium, nec amissione carissimorum, nec corporis quidem conflictationibus succidamus. Quale in illo fere etrum Deus de diabolo extruxit? Quale vexillum de inimico gloria sua extulit, cum ille homo ad omnem acerbum nuntium, nihil ex ore suo promeret, nisi Deo gratias?*

Ad eos qui litibus, siue processibus exagitati causa ceciderunt. Caput XI.

NVnquam defuere rixosi, contentiosi, ac litigiosi. Empedoclem aiunt his fuisse moribus, ut assidue contenderet, simultatesque cum aliquibus susciperet, easque pertinacissime exerceret. Diogenianus refert animum quampiam Ptolemaidem, quæ quoad vixit lites agitabat, nec vnquam ab agendis causis feriabatur. Hyperbolus fuit mirum in modum appetens litium: hinc adagium, *Vltra Hyperbolum*, quod de illo dicitur, qui causas, processusque, quos

Cc vocant,

vocant, plusquam par sit, suscitatur, & qui similis est his, de quibus Hesiodus: *Multi inquit litigant in foro, non tam ut aliquid consequantur, quam ut alios vexent, atque molestant.* Ideo idem consulit, ut ille forum, & lites vitet, qui sibi non est conscius magnarum diuitiarum.

Christus veniens in mundum, voluit litibus, & contentionibus finem imponere. De illo sic vaticinatus est Isaias Cap. 42. prout refertur ab Evangelista; *Non contendet, neque clamabit, neque audiet aliquis in plateis vocem eius, Matth. 12. vocem, inquam, contentiosam.* Lites enim, secundum Augustinum in *Enchirid. cap. 78.* etiam iustæ vix possunt suscipi sine peccato, quia ferè procedunt ex nimio amore rerum temporalium, & vix carent periculo odij, malevolentiae, calumniae. Accedit iactura temporis, pacis, ac tranquillitatis internæ, quæ nisi maiori bono compensentur: non sine peccato lites etiam iustæ suscipiuntur. Vnde, & Chrysostomus: *Omne iudicium, inquit, irritatio cordis est. Difficile est rem dimittere, sed difficilius est de iudicio sine peccato exire.* Hoc cognouit Apostolus, qui sic ad Corinthios 1. Cor. 6. scripsit: *Iam quidem omnino delictum est in vobis, quod iudicia habetis inter vos. Quare non magis iniuriam accipitis? Quare non magis fraudem patimini?* Quasi dicat: cum litigandi ratio sit peccandi occasio, utilius esset iudicio iniuriam accipere, fraudemque pari, quam litigare; quod nihil ferè aliud est, quam peccare.

B Non abs re igitur voluit Christus nos ab omni lite, & contentione retrahere, quando nobis
sic

sic consuluit: *Ei qui vult tecum iudicio contendere, & tunicam tuam tollere, dimitte ei & pallium.* *Matth. 5.* Dices; si ad me pertinet tunica, quare cum illa debeo dimittere & pallium? Nouerat Dominus, quod aliquando si contendere velimus & litigare pro vna tunica, multa oportebit soluere, & expendere, quæ plus valebunt, quam tunica, & pallium simul, vt sæpe contingit: ita vt melius, & vtilius sit dimittere quod postulatur, ne plus litigando expendantur. Præterea, satius est tunicam, & pallium dimittere, quam ea defendendo peccatum committere, & sic animam amittere. Fortè Deus tuæ conscientie tranquillitati consulere volens, ideo permisit te causa cadere, vt litigare deinceps desineres, atque ita seruus Domini remaneres; quia, iuxta Apostolum, *seruum Domini non oportet litigare. 2. Timot. 2.*

Vnde sapienter, & piè Beatus Aegidius paradoxum hoc Christianum sanxit. *Quando quis contendit tecum, si vis vincere, perde.* Perde, inquam, substantiam, pecuniam, bona temporalia, & vinces dæmonem, & vitia. Itaque, cum quis causa cecidit, diabolū vicit, qui illi suadebat, vt illas possideret facultates, quæ ad eum minimè pertinebant: quod si pertinēbant, vicit superbiam, luxuriam, & alia vitia, quæ facultates illæ nutriebant, fouebant. Ideo merito Sanctus Ephrem moriēs gloriabatur, quòd nunquam cum vllò Christiano contēderit, aut litigarit, cum hoc pacto multa lucratus fuerit. Est igitur lucrum, quod iacturam putabas: nam perdendo inuenisti, cadēdo vicisti, dando recepisti, restituendo comparasti.

C Propterea, hoc dumtaxat utar dilemmate, quo valeam consolari te. Vel illud, de quo, aut pro quo litigabas, & iudicio contendebas, tibi debebatur, vel non. Si tibi debebatur, iure possidebas; & si tibi sublatum sit, scito tibi semper deberi, illudque tam auferentem, quàm possidentem tibi restituere teneri; veruntamen Deum permisisse, ut illud perderes, ne te ipsum perderet. Præuiderat Deus illud tibi, aut heredi tuo magnum incommodum, vel animæ iacturam illaturum: fortè enim illo fuisses abusus, aut in vestitu, vel in ludo, & cibo, aut alio modo; & quod nunc perdidisti processibus, amisisses excessibus. Satiùs est substantiam nostram aliorum culpa perdere, quam nostram. Quod altercando perdidisti, poteras naufragio, aut alia via perdere. Ut cataplasma capiti tuo commodè adhibeatur, necesse est capilli abradantur: utilis abrasio, per quam fit curatio. Aliquo modo curandus eras, sed ne illa quam possidebas substantia impediret, necesse fuit, ut à te præscinderetur. Audi Ambrosium, *Serm. 2. Quando caput curandum est, iubemur abrasos capillos demere, impedimenta cutis uniuersa deponere, ut nudo capite perfectius medicina proveniat. Ita, & cum anima curanda est, præcipimur substantiam sæculi à nobis auferre, ut nuda & soli animæ congruentius spiritalis proveniat medicina.* Quod sponte ad salutem deferere noluisti, Deo permittente perdidisti: facta est Iudicis sententia veluti tonsoris nouacula. Sustineres tonsionem; patere hanc amissionem.

D Dices; absque capillis potero quidem vivere,

uere, sed non absque istis quas amisi facultatibus; saltem non ita commodè. Respondeo, quod, quemadmodum licet sanguis necessarius sit, ac si ne ipso non possit quis subsistere, cum sit veluti sedes, & vehiculum animæ; veruntamen si plus æquo abundet, & nimius sit, minuendus erit: ideo venam scalpello secari iudicabit Medicus. Ita bona temporalia, quæ tibi ad victum necessaria existimas, si affluant, nimiumque abundant, nocebunt; & expedit, ut interdum minuantur; & sicut sententia Medici tibi extrahitur sanguis nociturus; sic hac Iudicis sententia tibi subtrahitur nocitura substantia. Tuus erat sanguis, qui ex tua vena emanauit, sed non minus extrahendus, quia superfluous: tua erat illa, quam iustè possidebas substantia, sed quia nimia, vel superflua, consulto tibi detrahitur, ne per illam ad interitum traharis. *Cest arrest*, vel lata illa in te sententia, fuit tibi salutaris phlebotomia, qua fuisti quodammodo exoneratus: *Exoneravit te fortuna*, inquit *Seneca*, *si intelligis*, & *tutius posuit loco*; *damnum putas, quod remedium est*. Scito interim, quod sanguis ille tuus, aut substantia tua iniustè ablata requireretur de manu illius iudicis, qui te condemnauit; sic enim Deus illi per Prophetam interminatus est: *Sanguinem autem eius de manu tua requiram*. *Ezech. cap. 3. & 33.*

Si verò ad te non pertinebat, quod tibi hac sententia sublatum est, cur doles, quod cogaris reddere, quod tuta conscientia retinere non poteras, & quod necessario sub pœna damnationis

æternæ tibi restituendum erat? Non fit nobis iniuria, dum præcipimur restituere aliena: nulla Iudicis sententia potuit fieri tuum, quod alienum est: nolem te dolere, quod reddas, sed quod cogaris reddere, factus spongiæ similis, quæ nisi prematur ebibitam aquam non reddit. Vtinam igitur sponte reddidisses, quod licitè possidere non poteras: quia, secundum Tullium. *Nihil est turpius ingenuo; nihil minus liberto dignum, quàm cogi à Magistratu alienum reddere. Cic. 4. act. in Verrem.* Quod nocium est in corpore, veluti apostema, necesse est, ut foras emittatur, ne vitæ amittatur: apostema erat, quod illicitè possidebas, quod non exiisset, nisi te Iudex sua sententia percussisset. Non est igitur tibi condolendum, sed congratulandum, quod à te salubriter exierit: quod misere te inficiebat: & quod iam reliqueris, quod tandem relicturus eras, non sine maximo tuæ animæ detrimento.

E Dices; quæ non rapui, exoluo, in domo mea, vel apud hæreditatem meam, quod reddere compellor, inueneram. Inuenisti, nec propterea tenere potuisti. Audi Augustinū, *de verb. Apost. sup. Leuitic. Quod inuenisti, & non reddidisti, rapuisti.* Id ipsum sentit Origenes, qui sic scribit. *Multi sine peccato putant esse, si alienum, quod inuenerint, teneant, & dicunt, Deus mihi dedit: cui habeo reddere? Discant ergo peccatū hoc esse simile rapina, si quid inuentum nō reddant.* Non decet retinere, quod scis ad te nō attinere. Nesciebā, inquis: esto; doleas, quod nescieris; & gaudeas, quod reddideris, etiam Magi-
stra-

stratus sententia, tua antea ignorante conscientia: & quod tibi fieri velles, alteri fecisse non pigeat. Velles autem tuam tibi restitui substantiam, si ab alijs quamvis ignorantibus detineretur: patere tu similiter, ut alteri reddatur quod suum est.

Cæterum, indignum ducebat Seneca de puncto disceptare, vel litigare, & de infinitis cælorum spatijs non curare. Punctum, imò minus puncto est, de quo litigasti, & quod perdidisti: pudeat te de re tam exigua contendisse, quæ eiusmodi est naturæ, ut ad alium transferri nequeat, nisi alteri eripiat. *Ista quæ appetis*, ait ille, *quia exigua sunt, nec possunt ad alterum, nisi alteri erepta, transferri; eadem affectantibus pugnam & iurgia excitant.* Lib. 3. de ira. cap. 32. Parcitur quodammodo angustia itineris, per quod transimus, & quod, teste eodem, rixas concitat transeuntium: verum, si ad infinita illa cælorum spatia, quæ appetimus, mentis aciem dirigamus, pudebit nos certè doluisse ob amissionem tam modicæ substantiæ, ac neglexisse ea, nempe cælestia, pro quibus cætera omnia negligenda, & contemnenda sunt.

Ad Religiosos. Caput XII.

A D vos, ò viri Religiosi, non accederet noster Clypeus, nisi audirem: *Fili accedens ad servitutem Dei, sta in timore, & tremore, & prapara animam tuam ad tentationem.* Eccl. 2. Qui tentationibus impugnatur, indiget armis, ut

non expugnetur : ideo quis præmonetur , vt præmuniatur . Muniendi præcipue estis patientia ad ardua quæque in ordine ferenda : patientes autem eritis , si diligenter præmia , quæ vos manent , consideretis . Nam diabolo suggerente existimant vestrum nonnulli se non plus mereri in claustro , quam in seculo , ideo optarent exire de claustro , & redire ad seculum ; noluntque onus religionis patienter ferre , quod credant nihil , aut parum præmij ex eo referre . Audiamus igitur illos quærentes , & quasi conquerentes , & audiant ipsi nos respondentes .

1. Ecce nos , aiunt , reliquimus omnia , pauperem vitam ducimus , nihil penitus possidemus . *Quid ergo erit nobis ?* Tria vobis promittuntur à Christo . Primo in hoc mundo , *centuplum accipietis* , *Matth. 19.* Deinde in iudicio finali , *sedebitis & vos super sedes duodecim ; iudicantes duodecim tribus Israel.* Tandem , *& vitam æternam possidebitis .* Quoad primum , certum est Christum vobis sub centupla quantitate multo plura quam dimiseritis , polliceri in hac vita : ponitur enim certus numerus pro incerto . Ideo apud Lucam *cap. 18.* pro *centuplum* , legitur , *multo plura* , & est sensus : magna pro parvis quæ reliquistis , aut multo plura , quam reliquistis , recipietis : *nunc in tempore hoc* , vt est apud Marcum , *cap. 10.*

Quomodo autem quis pro his quæ dimisit centuplum sit recepturus , explicat Cassianus , *Collat. 24. cap. 26.* *Centuplam* , inquit , *fratrum , parentumve recipiet quantitatem* , *quisquis patris unius , vel matris , seu filij pro Christi nomine , charitate contempta , in omnium qui Christo seruiunt , dilectio-*

dilectionem sincerissimam transit. Pro uno scilicet tot inuenient patres, fratresque feruentiore, ac prestantiore sibi affectione deuinctos. Multiplicata etiam domorum, atque agrorum possessione ditabitur, quisquis una domo pro Christi dilectione reiecta, innumera Monasteriorum habitacula, tamquam propria possidebit, in quacumque orbis parte, velut in sua domus iure succedens: quomodo enim non centuplum, & si Domini nostri sententia superadijci aliquid fas est, plusquam centuplum recipit, qui decem, vel viginti seruorum ministeria, infida, & coactitia relinquens, tot ingenuorum, ac nobilium spontaneo fulcitur obsequio? Quod ita esse, etiam vestris experimentis probare potuistis, qui singulis patribus, matribusque, ac domibus relictis, quamlibet mundi partem fueritis ingressi, patres, matres, fratresque innumeros, domos quoque, & agros, seruosque fidelissimos, conueritis, qui vos ut proprios dominos summis venerantur officijs. Hæc ille.

B Modicum, aut ferè nihil est, quod in sæculo deseruistis, & amplum est, quod in ordine comparastis. Socrates Alcibiadem diuitias suas iactantem adduxit ad tabulam, in qua descriptus erat totius terræ ambitus, rogauitque, ut in ea Atticam inueniret; quam cum ille ostendisset, rogauit item ut suos fundos indicaret: cum respondisset, nusquam illic esse depictos; cur ergo, ait, eorum te possessione effers, quæ nulla terræ portio sunt? Adeò sunt exigua quæ à quibusdam possidebantur in sæculo, ut vix percipi valeant: & licet magna apparerent, tamen nulla ferè

ferè essent in comparatione eorum, quæ in ordine acquisierunt. Trithemius, *Lib. de viris illustrib. cap. 2.* de ordine Sancti Benedicti, cuius ipse erat alumnus, affirmare audet, *si omnes ei sue possessiones manerent, futurum sine dubio ut Sanctus Benedictus tertiam Christiani orbis partem possideret.* Quod nemo mirabitur, si temporum illorum pietatem attendat, ex qua illa liberalitas in Deum, eiusque famulos existerat. Verè de paupere Evangelico illud dici potest; *Est quasi dives, cum nihil habeat. Prou. 13.* Estis inquam, viri Religiosi, *tamquam nihil habentes, & omnia possidentes. 2. Cor. 6.* Vnde optimè Bernardus, *Ser. 21. in Cantic.* Non putent, inquit, diuites huius sæculi fratres Christi sola possidere celestia, quia audiunt dicentem: *Beati pauperes spiritu, quoniam ipsorum est regnum celorum.* Possident & terrena, & quidem tamquam nihil habentes, & omnia possidentes, cò pro certo magis domini, quò minus cupiat. Videte igitur, quomodo voluntaria vestra paupertas etiam in præsentia ampla compensetur substantia.

Diceret fortè aliquis: habeo quidem multa, sed non mihi soli, cum omnia sint apud nos communia. Esto: nihil refert. Nec in sæculo solus fuisses usus tua substantia, ex ea comedisent filij, domestici, & amici. Cur tibi tantùm vis in claustro, quo solus non vtereris in sæculo? Instas: eiusmodi sum instituti, quo non solum in particulari, sed nec in communi aliquid possidere permittitur; quomodo ergo nobis de necessarijs prouidebitur? Respondet Diuus Augustinus, *Lib. de elemosyn. te increpando, & increpat respondendo. An putas,*

terrena deerunt , quibus caelestia , & diuina tribuuntur ? unde hac incredula cogitatio ? Quid facit in domo Dei perfidum pectus ? Credo equidem omnia optata tibi non suppeditari ; sed nec ulli saecularium : neque enim hoc expedit . Sufficiant tibi necessaria , quæ nunquam tibi deerunt , si Deo non desis . Dico itaque cum Hieronymo , in caput 6. *Matth.* In promissis veritatis nemo dubitet . Sit homo , qui esse debet , & mox addentur ei omnia , propter quem facta sunt omnia . Vera certè & docta ratio . Nam cum omnia , quæ in mundo sunt , hominis gratia facta sint , nunquam illa se ab hominis obsequio subtraherent , nisi ipse se à diuino obsequio subtraheret . Quare si ille ad eam , quam Deo debet seruitutem , redierit , iure quodam suo reliqua , tamquam sua , & sibi debita recuperabit , potissimum quæ illi erunt necessaria . Non enim deferet te , pro quo omnia deseruisti : si ei , vt decet seruias : tibi , vt expedit , prouidebit .

C Propterea , & præterea , pro utroque parente , & aliquibus fratribus & sororibus derelictis innumeri , vt diximus , à Domino suscitantur patres , fratres , benefactores , & alij amici spirituales , vos interdum plus diligentes , quàm parentes ipsi carnales , qui vobis ministrabunt quæ necessaria erunt . Audite Bedam , in homil. de Sancto Benedicto . Qui terrenis , inquit , affectibus , siue possessionibus pro Christi discipulatu renunciauerit , quò plus in eius amorem profecerit , eò plures inueniet qui se interno suscipere affectu , & suis gaudeant sustentare substantijs . Non abs re igitur Climacus , Grad. 17. dicere solebat , pauperem Monachum do-
mi.

minum esse mundi, qui iactauit in Deum curam suā, possidere per fidem omnes gentes in seruos.

2. Quantum ad secundum, promittitur vobis in iudicio extremo iudiciaria potestas. *Sedebitis & vos super sedes duodecim, iudicantes duodecim tribus Israel. Matth. 19.* Hanc autem iudicandi potestatem tribuendam esse à Christo pauperibus Euangelicis præuiderat Iob. *cap. 36. Iudicium pauperibus tribuit.* Dicat igitur Magnus Gregorius, *Lib. 10. moral. ca. ult. Quisquis stimulo diuini amoris excitatus, hic possessa reliquerit, illic proculdubio culmen iudiciaria potestatis obtinebit, ut simul tunc iudex cum iudice veniat, qui nunc consideratione iudicij sese spontanea paupertate castigat.* Conquerebatur Diuus Bernardus, *Ser. super hæc verba, Ecce nos reliquimus, &c.* quod nonnulli parui faceret hac promissionem. *Quid, inquit, istud miserie est, quod ad verbum tantæ promissionis negligentia humana dormitat?* Iudicent vos nunc filij huius sæculi, atque præiudicent; sedeant, & aduersus vos loquantur: sunt ipsi futuri tamquam rei, & vos iudices: sunt iudicandi, & vos iudicaturi: stabunt, & vos sedebitis: trepidabunt, & vos eritis securi. *Felix paupertas,* ait idem Bernardus, *Ser. 8. in Psal. 90. quæ tam securos, imò tam gloriosos faciat in illo singulari fragore elementorum, in illo examine meritum.* Obtenebratis cæli luminaribus, cadentibus stellis, trepidantibus cæteris hominibus, ac toto terrarum orbe commoto, eritis intrepidi audita hac Christi voce: *Leuate capita vestra, ecce appropinquat redemptio vestra. Luc. 22.*

Di-

D Dicent aliqui: hæc sedendi, & iudicandi potestas Apostolis promissa est, non nobis. Respondeo etiam nobis fuisse promissam, qui Evangelicam profiteamur paupertatem, quæ omnino Apostolica est. Audire Bernardum, *Ser. de ingrat. Apostolicam omnes nos vitam professi sumus, Apostolica professioni nomina dedimus uniuersi.* Qui igitur exemplo Apostolorum omnia propter Christum reliquerunt, cum Christo, & Apostolis alios iudicaturi sedebunt. Testis sit Beda, *Serm. in nat. S. Bened. Omnes, inquit, qui ad exemplum Apostolorum sua omnia reliquerunt, & sequuti sunt Christum, iudices cum eo venturi sunt, sicut etiam omne mortalium genus est iudicandum. Quia autem duodenario sæpe numero solet in Scripturis uniuersitas designari, per duodecim sedes Apostolorum omnium uniuersitas iudicantium, & per duodecim tribus Israel uniuersitas iudicandorum ostenditur.* Si modò mendicantes steteris, tunc iudicantes sedebitis; & sicut sessuri, & iudicaturi estis cum Christo, ita etiam his qui vobis eleemosynam denegauerunt, dicturi estis cum Christo, *Matth. 25. Esuriui, & non dedistis mihi manducare, &c.* Hoc vobis non exprobrabitur, quibus aliquid possidere non permittitur. Nam, ait Bernardus, *Serm. 3. in Psalm. 90. quomodo à nobis exigit Deus, quod pro ipsius amore relictum est?* Hanc itaque secundam vestram remunerationē concludā cū eodem Patre. Nunquid non pretiosiores ducitis paupertatē vestram thesauris sæculi, siquidem ipsa est, quæ liberat vos à verbo aspero? *Ibidem.* Ecce verbum asperum: Tollatur impius, ne videat gloriam Dei, Et: *Ite*

ma-

maledicti in ignem æternum, &c. Esuriui enim, & non dedistis mihi manducare, &c. Felix igitur nostra paupertas, quæ & sessionem cum Christo, & liberationem meretur à verbo aspero.

3. Tertiò, paupertati nostræ vita promittitur æterna, cùm dicitur: *Et vitam eternam possidebitis. Mat. 19.* Quid quærimus ampliùs? Hoc promittit, qui fallere non vult, neque potest, idque iureiurando: ait enim. *Amen dico vobis: nemo est, qui reliquerit domum, aut fratres, aut sorores, aut patrem, aut matrem, aut filios, aut agros, propter me, qui nō accipiat centies tantum, nunc in tempore hoc, &c. Et in sæculo futuro vitam æternam, Marc. 10.* Iā beatos vos proclamauit, iamque vestrum esse regnum cælorum declarauit. *Beati pauperes spiritu, quoniā ipsorum est regnum cælorum. Matth. 5.* Non dixit, *erit*, sed, *est*; vel quia paupertas ita omnium curarum sæcularium expers est, vt in hac quoque præsentī vita futuræ vitæ æternæ felicitatem præcipiat ac prægustet: vel quia adeò remota est ab omnibus periculis, adeoque ei certa est huiusmodi vita æterna, ac si eam manibus teneret, vti dicemus infrà ad pauperes, vbi ostendimus, quanta bona, quantæque vtilitates eueniant pauperibus: ita vt satius sit bonis temporalibus indigere, quàm abūdere.

E Beatus Pater noster Franciscus paupertatem appellat *Altissimam*: quia in altissimum cælum atollit hominem. *Calca mundum*, inquit Augustinus, *Ser. 55 de tempore vt eo calcato gradum tibi facias, per quem in sublime conscendas.* Verè altissima paupertas, quæ nos altissimos facit. Dicat iterum

tum idem Augustinus, Ser. 28. de verb. Apost. *Vt ad regnum celorum non veniret diues, possessione sua obtinere non potest, nunc obtinet, ut contempta perueniat.* Seruanda est igitur nostra paupertas, totisque viribus amplectenda, ac læto animo ferenda, qua nunc plura, quàm dimiserimus, nobis acquiruntur: quæ nos in iudicio assidere, ac tandem in cælo regnare faciet cum Christo.

Petgiris & dicitis, & non tantum pauperem vitam ducimus, sed & cælibem; casteque viuimus. *Quid ergo erit nobis?* Mercedem recipietis, tum in hoc sæculo, tum in futuro. Nam primò, qui cælibes viuunt, liberi sunt. Si vxorem duxissetis, fortè more Achaiaë vixissetis. Id est, non vos vxori, sed vxor vobis imperasset. Solebant olim in Achaia vxores regimen domus gerere, ac negotiari: viri autem fœmineo induti amictu lectos sternebant, domum mundabant, mensam parabant, aliaque fœminarum propria munia subibant: ex quo more emanauit prouerbiū, vt cū quis nimium se vxoris imperio subijceret, diceretur, *vitam Achaiaë agere.* Qua loquendi formula vsus est Plinius, *Epist. ad Sabatium*, quendam amicū suū obiurgans, quòd vxori nimium subderetur. Nunquam igitur vobis hoc prouerbiū competere poterit. Multi verò sunt in sæculo, qui more Achaiaë viuere coguntur.

Pulchrè Diuus Chrysostomus virum & vxorem comparat alicui pari seruorum fugitiuorum, qui sunt inter se catena colligati, vt etiam si hero suo se eripiant, tamen alterum alter sequi cogatur: nec ab inuicem seiungi possunt. Hoc innuit

Pau-

Paulus: 1. Cor. 7. *Alligatus es uxori? noli quærere solutionem.* Vnde ille Doctor, *De virg c. 45.* sic scribit. *Videsne rei necessitatem, & inexorabilem servitutem? vides utrumque funiculis constrictum? est enim connubij necessitudo instar vinculorum.* Hinc D. Basilius, *Cŭst. mon. ca. 1.* coniugium vocat compedes, à quibus quis liberatur professione castitatis. *Quicumque, inquit, à mundi vinculis liber esse cupit, coniugium veluti compedes quasdam profugere debet, & Deo vitam suam consecrare, & castitatem profiteri.* Nolite igitur dolere tanta euasisse vincula, & vxorum non fuisse mancipia. *Quanta felicitas, inquit Hieronymus, Lib. 1. cont. Iouinianũ. non vxoris seruum esse, sed Christi: non carni seruire, sed spiritui!*

F Gaudete, quòd cælibatum sitis amplexi, qui dabit otium, non quomodo mundo, sed quomodo Deo placeatis. Nam *qui cum vxore est, sollicitus est quæ sunt mundi, quomodo placeat vxori, & diuisus est.* O inutilem sollicitudinem, cogitare quomodo placeat vxori! quæ interdum adeò erit morosa, vt vix possit ei vir placere, nec vnquam placebit, si aliquando, aut semper ipsi non pareat: atque ita cum dedecore placebit. Nam iuxta Democritum, (mulieri parere, extremum dedecus est viro.) Satiùs vobis sit cogitare quomodo placeatis Deo, non mulieri; nam quam mercedem habebit, qui mulieri placere contendit? & quam mercedem non obtinet, qui Deo placere studet? Quid nobis cum mulieribus, quibus non placemus sine muneribus? aut quibus placere dedecus est, duplicere labor est? *Iuuat ad-*

adhuc hic referre quod quidam scriptis mandarunt. *Astrictus nuptijs, non amplius liber est.* Item *Hippoth. Teodec. Similes sunt senectus, & nuptia, utramque enim consequi desideramus: postquam verò nacti sumus, tristamur.* Omnes quidem optant senescere, sed ob infirmitates, quibus senectus subiicitur, dolent ad talem ætatem peruenisse. Sic omnes ferè nubere vellent, sed postquam onera, labores matrimonij sunt experti, optarent numquam nupsisse: ac tanto maior illorum dolor est, quanto minor est matrimonij solutio. Felices igitur illi sunt, qui, ut ait Gregorius, *Homil. 16. in Ezech. nulla coniugis, nulla filiorum cura, nullis noxijs, & difficilibus rei familiaris cogitationibus implicantur.* Marcella maior rogata à matre sua, gauderentne se nupsisse, respondit: ita valdè, ut amplius nolim. Hoc dicebat iam matrimoniali labore pressa.

Porro quanta viris ex coniugio obueniant incommoda, quantæque animi perturbationes, innuit Theophrastus apud Diuum Hieronymum *Lib. 1. aduersus Iovinianum*, quorum nonnulla recensere non verebor, ut videat lector, quanto sint affecti beneficio: qui voto castitatis ista euaserunt. Sic enim ille scribit. Impediuntur nuptijs studia Philosophiæ. Non potest quis libris, & vxori pariter inservire. Multa sunt vñbus matronarum necessaria, pretiosæ vestes, aurum, gemmæ, sumptus, ancillæ, supellex varia, lecticæ, & esseda deaurata. Deinde per noctes rotas garrulæ conquestiones: illa ornatior procedit in publicum; hæc honoratior ab omnibus; ego

Dd

in con-

in conuentu foeminarum misella despicior. Cur aspiciebas vicinam? Quid cum ancillula loquebaris? de foro veniens quid attulisti? non amicum habere possumus, non sodalem. Alterius amorem, suum odium suspicatur. Si doctissimus praeceptor in qualibet vrbiū fuerit, nec vxorem relinquere, nec cum sarcina ire possumus. Pauperem alere difficile est, diuitem ferre tormentum. Adde, quoniam nulla est vxoris electio, sed qualiscumque obuenerit habenda. Si iracunda, si fatua, si deformis, si superba, si fætida: quodcumque vitij est, post nuptias discimus. Attendenda semper eius est facies, & pulchritudo laudanda: ne si alteram aspexeris, se existimet displicere. Si totam domum regendam ei commiseris, seruiendum est. Si aliquid tuo arbitrio reseruaue-
ris, fidem sibi haberi non putabit: sed in odium vertetur & iurgia. Verum quid prodest etiam diligens custodia, cum vxor seruari impudica non possit, pudica non debeat? Pulchra citò adamat, fœda facilè concupiscit: difficilè custoditur, quod plures amant. Molestum est possidere, quod nemo habere dignetur. Minore tamen miseria deformis habetur, quam formosa seruatur. Nihil tutum est, in quo totius populi vota suspirant. Alius forma, alius ingenio, alius liberalitate sollicitat.

G Quod si propter dispensationem demus, & languoris solatia, & fugam solitudinis ducantur vxores; multò melius seruus fidelis dispensat, obediens authoritati domini, & dispensationi eius obtemperans, quàm vxor quæ in eo se existimat

existimat dominam, si aduersum viri faciat voluntatem, id est, quod placet, non quod iubetur. Assidere autem ægrotanti magis possunt amici, quam illa quæ nobis imputat lacrymas suas, & hereditatis spe vendit illuuiem, & sollicitudinem iactans, languentis animum desperatione conturbat. Quod si ipsa languerit, coægrotandum est, & nunquam ab eius lectulo recedendum. Aut, si bona fuerit, & suavis vxor, (quæ tamen rara auis est) cum parturiente geminus, cum periclitante torquemur. Porro liberorum causa vxorem ducere, vt vel nomen nostrum non intereat, vel habeamus senectutis præsidia, & certis utamur hæredibus, stolidissimum est. Quid enim ad nos pertinet recedentes è mundo, si nomine nostro alius nominetur, cum, & filius non statim patris vocabulum referat: & innumerales sint, qui eodem appellentur nomine? Aut quæ senectutis auxilia sunt, enutrire domi, qui aut prior te fortè moriatur, aut peruersissimis sit moribus? aut certè cum ad maturam ætatem venerit, tardè ei videaris mori? Hæc, & huiusmodi Theophrastus.

Si fortè quis hunc authorem auscultare noluerit, audiat Gregorium Nyssenum *Lib. de virg. cap. 3.* hac de re differentem, atque ita scribentem. *Varia, & multiplex est malorum copia, quæ ex matrimonio existunt. Dolorem enim liberi afferunt & nati, & non nati, & viui, & mortui. Hic liberorum multitudine gaudet, sed gemit, quia non habet unde alat. Ille contra, qui in diuitijs quærentis vultum laborauit, nunc hærede caret, cui eas*

Dd 2 relin-

relinquat. Itaque unius bona fortuna, alterius est calamitas, cum sibi uterque illud euenire velit, quo alterum cruciari videt. At huic mortuus est suauissimus puer; illi verò viuit filius perditus: uterque sanè commiseratione dignus; unus enim filij morte, alter vita dolet. Affectus porro, & perturbationes, rixas, tum ex rebus veris, tum ex falsis suspitionibus temere ortas, quis enumeret? Hæc autem incommoda cum per cœlibatum euadamus, meritò Apostolus, 1. Cor. 7. affirmat, *bonum esse homini sic esse*, sup. cœlibem. Vnde optimè Hieronymus, *Lib. 1. aduers. Iouinianum*, ita colligit. *Si bonum est homini sic esse, ergo malum est homini sic non esse*. Cum itaque huiusmodi bonum sitis adepti, gaudete. Nam Comicus, teste eodem Doctore. *Ibid. fortunatum putat, qui uxorem nunquam duxerit*.

H Scitote etiam in coniugio rarò inueniri voluptates, quæ quærentur; imò verò tribulationes, quæ non sperabantur. Hoc vno verbo innuit Paulus, *Ibidem* dum de coniugibus loquitur: *Tribulationem carnis habebunt huiusmodi*. In quæ verba idem Hieronymus aduersus Iouinianum ostendit nos esse ignaros, putantes nuptias habere carnis lætitiā. Nos, inquit, *ignari rerum putabamus nuptias saltem carnis habere lætitiā*. Si autem nubentibus etiam in carne tribulatio est, in qua sola videbantur habere delicias; quid erit reliquum, propter quod nubant? cum, & in spiritu, & in anima, & in ipsa carne tribulatio sit. Nullas itaque delicias continent nuptiæ; sed multas tribulationes, quæ sine merito sæpe tolerantur, quia spe voluptatis sæpe contrahuntur.

tur. Vnde Chrysostomus. *Hom. 16. ad pop.* quid coniugati sentiant de Religiosis pulchrè ostendit. Cum inquit, se ærumnis, & angoribus circumseptos vident, solent eos appellare beatos, qui coniugij expertes in canobijs cum tranquillitate vivunt, quia non sacularem tristitiam, non dolorem, non curas illas, non pericula, non insidias, non invidiam, non Zelotypiam, non absurdos amores, nec aliud quidpiam eiusmodi patiuntur. Illi nos beatos prædicant, qui nullam ex matrimonio capiunt lætitiā; imò in dies maiorem experiuntur mæstitiam. Expertis credamus, & quod tantarum miseriarum copiam euaserimus, gaudeamus, Deoque gratias agamus, & si quid laboris sit in cælibatu, libenter feramus.

Cauèant interim fratres, ne quod cælibatu euaserunt, alicuius mulieris familiaritate sibi vendicent. Cur vultis mulierculæ implicari consortio, qui renuistis copulari coniugio? Nolite aliquam deperire, si non vultis perire. Habent licita coniugia suas mæstitias, quantò magis illicita consortia? Diuus Cyprianus, *Serm. aduers. impr. mul.* vocat mulierem *laqueum complum*, & *naufragium super terram*. Cur vultis sponte irretiri laqueo, quem effugistis; & certo exponi naufragio, quod euasistis? Dicit quis: loquitur ille Doctor de mulieribus improbis: & insipientibus, ego autem prudentem diligo: est illa improba, quæ tuum vesanum amorem non improbat, nec valdè sapit, quæ te plus æquo diligit, vel quæ à te aliquid accipit. Nam si dandum sit, furandum est: si accipiendum, restituendum.

I. Numerate deinde, quanta ex nimia illa familiaritate, & amicitia oriantur damna: læditur anima, perturbatur conscientia, teritur tempus, augetur zelotypia, fama commaculatur, proximus scandalizatur. *Quid necesse est*, ait Ambrosius, *Lib. 1 offic. cap. 20. ut demus secularibus obirectandi locum?* Crescit insuper dolor, quando illa est relinquenda, quæ nunquam erat diligenda. Cur mulierum quæritis consortia, qui non potestis eadem semper habere domicilia? Si vxoratis omnia tandem sunt relinquenda, iuxta illud, *Horat.*

Linquenda tellus, & domus, & placens vxor.

Quantò magis vobis, qui iam omnia reliquisse profitemini, & quibus tandem mutandus est locus? Qui quærit cum mulieribus versari, & ab illis adamari, optat peiorem febrem super aliam sibi adhiberi aut grauius onus super aliud. Audiamus Cyprianum, *de singularitate Clericorum. Habes nunc carnem tuam, quam superes semper. Quid tibi vis alteram conducere? Nemo super vnâ febrem cupit adhibere peiorem; neque aliquis super onus proprium tollit insuper alienum, ne oneribus duobus oppressus, usque ad inferos demergatur.* Submergite quamprimum omnes istos amores, ne mergamini ab eis: nollite cum aliqua amicitiam contrahere, si non vultis ad gehennam attrahi: atque ita quodammodo ab vna gehenna ad aliam traheremini. Denique, iuxta Hieronymianum præceptum, omnes mulieres vel æqualiter ignoremus, vel æqualiter diligamus; nulla à nobis specialiter diligatur, cum omnes deseruerimus, ut Deum specialius diligeremus, & ei liberius inserviremus.

mus. Apostolus 1. Cor. 7. dum aliquos ad celibatum hortaretur, dicebat: *Volo vos sine sollicitudine esse*. Sentiens cælibes viuere in hoc mundo sine sollicitudine, quod non minimum beneficium est. At quæritis sollicitudinem, si fœminarum, quæritis familiaritatem: nam cogitandum erit de munusculis præbendis, de loco, & tempore ad colloquendum cum ipsis, de modo illis placendi, quod non fit sine sollicitudine, sine scandalo, sine murmuratione, & sine animæ detrimento. Quid igitur quæritis sollicitudinem, qui estis sine sollicitudine?

Præterea facit vos cælibatus Angelis similes. *Quid castitate decorius*, ait Bernardus, *Epist. 42. ad Henricum Sen. Archiep. quæ mundum de immundo cõceptum semine, de hoste domesticum, de homine Angelum facit?* Adeo nos castitas Angelis æquat, vt iam in terris de illorum familia deputemur: sic enim scribit Tertullianus *Lib. 1. ad uxorem de continentibus. Iam in terris non nubendo de familia Angelica deputantur*. Sola est castitas, quæ in hoc mortalitatis loco, & tempore statum quemdam immortalitatis gloriæ repræsentat. Sola inter nuptiarum solemniam morem beatæ illius regionis vendicat, in qua *non nubent, neque nubentur: Matth. 22.* præbens quodammodo in terris celestis iam illius conuersationis experientiam. Vnde Ambrosius *Lib. 1. de virg. ad cælibes: Quod nobis promittitur vobis præsto est*. Quam puri castitatem seruantes efficiamur, nouerat Caro, licet Gentilis, sentiens, vitam nostram similem vitæ Deorum, si sine vxoribus esse possimus.

K Tandem, magnum, & peculiare præmiū vobis seruetur in cælis, cum sitis de illis eunuchis, qui se castrauerunt propter regnum cælorum, de quibus sic Propheta. *Hac dicit Dominus eunuchis, &c. dabo eis in domo mea, & in muris meis locum, & nomen melius à filiis, & filialibus: non sempiternum dabo eis, quod non peribit. Isai. 56.* Quem locum explicans Augustinus *De statu virg. c. 26.* ait, quod licet omnes beati sint in cælo; peculiari tamē & excellenti gloria potientur, qui castitatem promiserunt & seruauerunt, qua quidem gloria distinguuntur à ceteris cælicolis. Ideo Deus nomen se eis daturum promisit. Vnde Basilus Deum ipsum de voluntarijs eunuchis, qui scilicet castitatem sibi voto deuinxerunt, ita loquentem inducit. *De humano nomine Angelorum immortalium eis nomen dabo, quod non deficiet, ut calum, & celi pulcherrimam partem habeant ad immorandum, atque in celi pulcherrima sede, hoc est, in domo mea intra septa habitantes, non Angelorum iam naturam tantum ad dignitatem perpetue successionis accipiant, ipsi sibi in æterna vita pro successionis generis sufficientes, verum & locum inter Angelos habeant illustrem, nomenque indelebile pro eximia virtutis splendore.* Dicat igitur Sapiens. *Felix spado, qui non operatus est per manus suas iniquitatem, nec cogitauit aduersus Deum nequissima: dabitur enim illi fidei donum electum, & fors in templo Dei acceptissima, Cap. 3.* Hanc sortem nullus aliis spadonibus promitti putet, sed spadonibus Dei, qui nimirum vltro sese omnibus istis delectationibus in perpetuum priuarunt.

Ita-

Itaque, si quem inter vos voti castitatis pœniteret, ac carnis illecebris priuari doleret, audiat Chrysostomum, *Hom 63. in Matth.* illum sic consolantem. Cogita, inquit, si aut à natura eunuchus esses, aut iniuria hominum sic effectus, quid faceres, cum & huiusmodi voluptate careres, & nullam carento mercedem consequeris? Gratias igitur Deo agas, quia magna pramia, rutilantesque coronas habebis, si ita viuas, quemadmodum illi sine aliquo premio, imò verò multò facilius, ac incundiùs, tum quia spe retributionis corroboraris, tum quia conscientia virtutis gaudes. Ecce, ò cælibes, merces vestra, quæ copiosa est, non solum in cælis, sed & in terris. O verè optanda castitas, cui tanta tribuitur felicitas! Beati, inquam, sunt cælibes, cum futuri sint cælites. Vt autem purè, & castè viuamus in hoc sæculo, & votum continentiae, quod emisimus, accuratè obseruemus, obscœnas cogitationes expellamus, oculos nostros auertamus, ne respiciant quod concupiscere non licet; mulierum fugiamus consortia, ac praua deuitemus eloquia, *Sap. 8.* & quia non potest quis esse continēs, nisi Deus det, idcirco ad eamur Dominum, illum què cum Diuo Augustino, *Lib. 10. Conf. cap. 29* sic deprecemur. O amor qui semper ardes, & nunquam extingueris: charitas Deus meus, accende me. Continentiam inbes: da quod inbes, & inbe quod vis.

*Prosecutio eiusdem capitis, ubi agitur de obedientia
aquamiter prestanda, ac de quibusdam alijs
difficultatibus, & laboribus religionis
patienter ferendis.*

L **M**ulta sunt, quæ nos ad alacriter obediendum, & ad labores, si qui sint in ordine patienter subeundos, inducunt. Primum, si consideremus illos solos esse liberos, qui obediunt. Hoc videtur esse paradoxum, verum tamen agnoscitur ab Ethnico: sic enim loquitur Plutarchus, moralium scientissimus, *Lib de auditione*. (Qui parent, soli sunt liberi: soli enim illi viuunt ut volunt, qui quid velle debeant, didicerunt.) Seneca ipse de beata vita differens, sic scribit: (Deo parere, libertas est.) Quod à Simone Cassiano, *Lib. 4. cap. 1.* probatur, cum ait. *Novi multiplicari hominum voluntates, & saepe cognoui ad voluta infallibilem impossibilitatem. Solus obediens perfecit quæ voluit. Nihil enim aliud volebat, nisi obedire, quod nemini denegatur.* Cum itaque nullus sit, qui quod vult, perficiat, nisi verus obediens, sequitur quòd nullus est verè liber, nisi qui verè obedit, quia ita sibi imperavit, ut alteri velit obtemperare. Quærat modò & respondeat Horat. *Lib 2. sat, 7.*

*Qui nam igitur liber? sapiens, sibi que imperiosus,
Quem neque pauperies, neque mors, neque vincula terrent.*

Præterea non est dura obedientia, cum nos eximat ab innumeris molestijs & curis, quas indies experiuntur, qui in sæculo viuunt arbitratu suo.

suo. Religiosi enim omniū rerum suarum curā in humeros Superiorum conijciunt, & quasi infantes aliorum vlnis se gestari sinunt, ac quasi dormiendo iter ad cæleste regnum conficiunt. Nam muneri Superiorum incumbit: omnia necessaria tam in temporalibus, quàm spiritualibus suo tempore, loco, & ordine cuique providere. Vnde Climacus ita obedientiam describit. *Obedientia est vita sine sollicitudine; nauigatio sine damno, sepultura voluntatis, est iter facere dormiendo sub onere alijs imposito, & super aliorum vlnas, ne mergaris, natare.* Qui itaque obedire renuunt, cum sollicitudine viuunt, non sine damno nauigant, sibi ipsis onus imponunt, nullius innituntur dorso, ideo multis & certis se exponunt pereundi periculis.

Ab ipso Christo discamus hominibus obedire, alioquin nos pudefaciet Bernardus, *Hom. 1. super Missus est. Disce, inquit, homo, obedire: disce, terra, subdi; disce, pulvis, obtemperare. De auctore tuo loquens Euangelista, & erat, inquit, subditus illis; Luc. 2. haud dubium, quin Maria, & Ioseph. Erubesceris: Deus se humiliat, & tu te exaltas? Deus se hominibus subdit, & tu dominari gestiens hominibus, tuo te praponis auctori?* Et paulò post. *Si non poteris forsitan sequi auctorem tuum quocunque ierit, dignare vel sequi quò tibi condescendit.* Voluit autem tibi condescendere vsque ad obedientiam, *factus obediens vsque ad mortem, Philipp. 2. propter te.* Quare illum non sequeris Superioribus obediendo propter illum?

M Si Prælato obedias, Deo obedis, si autem
res-

resistas, Deo resistis, qui illum tibi dedit, dum
 ut eligeretur, permisit, siue ille bonus sit, siue ma-
 lus. Audi Apostolum. *Rom 13. Non est potestas,
 nisi à Deo: quę autem sunt, à Deo ordinata sunt.*
*Itaque qui resistit potestati, Dei ordinationi resistit:
 qui autem resistunt, ipsi sibi damnationem acquirunt.*
 Qui auctor est iurisdictionis temporalis, est &
 spiritualis. Qui dat populo Regem, dat mona-
 cho Superiorem: imò non tantum dat imperan-
 tem; sed ut plurimum imperanda præcipue pro-
 ficua suggerit. Audiamus Bernardum, *Tract. de
 precep. & disp. Deus Prælatos sibi quodammodo aqua-
 re dignatus, sibi met imputat illorum & reuerentiam
 & contẽptũ, specialiter contestans eis: Qui vos audit,
 me audit: & qui vos spernit, me spernit, Lu. 10. Qua-
 mobrem quidquid vice Dei præcipit homo, quod non
 sit tamen certum displicere Deo, haud secus omnino
 accipiendum est, quàm si præcipiat Deus. Nolite
 itaque attendere præcipientem, sed præficientem.
 Homo est qui vobis præcepit, sed Deus est qui
 illum præfecit. Si Deus vobis immediatè loque-
 retur, ab ipso audiretis quod à Superiore: nonne
 audistis: *Qui vos audit, me audit?* Nolite con-
 siderare cui obediatis, sed Deum propter quem
 obeditis. In Prælato Deum audite, Deum consi-
 derate. Diuus Benedictus, *In reg. capit. 68.* dicere
 solebat, *Deo impendi obedientiam, quæ maioribus
 exhibetur.* Laudat Cassianus, *Lib. 4. in st. capit. 10.*
 Tabenensioras monachos in Thebaide, quòd
 sic vniuersa complebant quæcumque à Superio-
 re præcipiebantur, tamquam si à Deo cælitus fuif-
 sent edita.*

Illu-

Illustre eius rei exemplum commemorat Ioannes Climacus; *Grad. 4.* referens quid in quodam monasterio acciderit ipso præsente: sic enim scribit. *Cum in mensa ego & Superior in quodam cœnobio confedissemus, adiocat is quemdam nomine Laurentium, qui ferè quadraginta & octo annos in monasterio degerat. Cum aduenisset, nihil illi penitus dixit, sed sic ante mensam sine cibo per duas horas, cum tamen initium esset prandij, stare permisit, adeò ut ipse quoque erubescerem, nec intueri eum auderem. Erat enim canus totus iam octogenarius. Non omisi ego postea à sene percunctari, quid astans cogitasset: Christi, inquit, imaginem Superiori imposui: neque enim hoc præceptum ab illo exisse, sed à Deo penitus existimaui. Quare, o pater Ioannes, non coram mensa hominum, sed coram altari diuino astare me putans orabam, nullamque penitus malignam cogitationem contra Superiorem admittebam. Hactenus Climacus. Ille senex de suo Prælatō non conquerebatur, quia in illo Christum intuebatur. Non sunt pensanda quæ Superiores iubent, sed is cuius locum tenent.*

N. In omni igitur obedientia non est habenda ratio hominis, cui obedimus, sed voluntatis, & ordinationis diuinæ, quæ illum nobis præposuit. Quando autem illi obtemperamus, non tam eius, quam Dei, imò nostram adimplemus voluntatem: Dei, quia sic iubet: nostram, quia volumus quando vota emisimus. Hoc enim volumus, aut saltem velle debemus, quod nobis profuturum scimus. Multum nobis prodest homini obedire:

re: imò verò, secundum Rupertum, *Lib. 13. in Evang. Ioan. circa fin.* hominibus obtemperare propter Deum, magis aliquo modo meritorium est, & ad gradum excelsiorem obedientiæ perti-
nens, quàm si immediatè Deo ipsi obediremus; quia maior est difficultas & repugnantia, obedire scilicet hominem homini sibi æquali, vel aliquando inferiori, quàm Deo. Quis enim Deo immediatè iubenti non libenter obediret? Dicat igitur Bernardus. *Ser. 11. in Cant. Parum est subiectum esse Deo nisi sis & omni creatura propter Deum, siue Abbati, tamquam præcellenti, siue Prioribus, tamquam ab eo constitutis. Ego plus dico, subdere paribus, subdere & minoribus.* Caueamus, ne nostra impatientia infructuosa sit nostra obedientia, & murmurando amittamus, quod obtemperando lucratur. Certum est, quòd illi sibi damnū pariunt, qui ignauiter, & reluctanter parent. *Nam, inquit Seneca, Lib. 3. de ira c. 16. laqueos fera dum iactat, astringit: aues viscum dū excutiunt, trepidantes plumis omnibus illinunt. Nullū tã arctū est iugū, quod non minus ledat ducentem, quàm repugnantem.*

Propterea non attendamus quid iubeatur, sed quia iubetur. *Credas, inquit Hieronymus, Epist. 4. ad Rusticum, tibi salutare quidquid Monasterij prepositus præceperit.* Licet enim aliquid præcipiendo Superior haberet tibi nocendi intentionem, maloque animo erga te duceretur, Deus, cuius amore obedis, hoc ad tutum commodum, & ad utilitatem tuam verteret. Ideo non est discutienda Superioris intentio, sed nostra est inmentem reuocanda promissio. Nam, teste Gregorio,

gorio, In lib. 1. Reg. cap. 3. vera obedientia nec prepositorum intentionem discutit, nec precepta discernit: quia qui omne vitæ suæ iudicium maiori subdidit, in hoc solo gaudet, si quod sibi præcipitur, operetur. Non tibi de Prælato; sed Prælato de te reddenda est ratio, ac tantò exactiùs, quantò malitiosius se habuerit erga subditos. Audi Sapientem: *Iudicium durissimum his qui præsumunt fiet. Sap. 6.* Hoc attentè considerabat Chrysostomus, *Hom. 36.* cùm diceret. *Mirror, si potest aliquis Rectorum saluari.* Noli igitur inuidere Prælatis, quos tam durum manet iudicium: væ illis, si præsent, & non prosint. Sunt enim multi, qui plus habent ambitionis, quàm eruditionis. De illis sic Innocentius, *Lib. de vilitate cond. humane.* Non curant prodesse, sed glorientur præesse. Præsumunt se meliores, quia cernunt se superiores: cernicem erigunt, fastû ostendunt, grandia loquuntur. His addamus; præesse nesciunt, quia subesse non nouerunt. Nam, teste Tullio, qui bene imperat, paruerit aliquando necesse est: & qui modestè pareat, videtur, qui aliquando imperet, dignus esse. *Cicer. 3. de legibus.* Nescit imperare, qui non didicit obtemperare.

O Dices; quid si grauiæ & aspera à Superiore præcipiantur? Respondet Bernardus, *Serm. 3. de Circ. Dom.* In ipsa, inquit, obedientiæ via aliqua fortassis dura & aspera occurrere possunt, ut accipias interdum precepta nonnulla, quæ licet salubria sint, minùs tamen suauia videantur. Hæc si molestè coeperis sustinere, necesse est ut illucescat dies patientiæ, per quam omnia dura & aspera, tacita amplectaris

vis conscientia, te magis diiudicans, & durius arguens, cui nimirum displicent quæ ad salutem sunt. Cogitandum est etiam, quòd si in sæculo mansisses, alicui fortè obtemperasses, qui grauiora iussisset, quæ sine merito tibi præstanda fuissent. In ordine verò, quia totum se Religiosus Domino tradidit, non solum meretur in his operibus, quæ ad Deum diriguntur, vt sunt oratio, contemplatio, Sacramentorum vsus, & similia; sed & in infimis, & naturalibus, quæ ad corpus spectant, vt manducare, dormire, corpus ægrum sanare, quærere ad victum necessaria; quia hæc per obedientiam, aut saltem tacito Superioris beneplacito fiunt. Omne enim opus ex voto factum maioris est meriti, vt probat Diuus Thomas. 2. 2. q. 88. art. 6.

Vnde Beatissimus Pater noster Franciscus expertus, quanti obedientia esset meriti, maluit semper subesse, quàm præesse: de illo sic scribit Doctor Seraphicus D. Bonau. in vita S. Francisci. c. 6. Vt pluribus modis negotiator Euangelicus lucraretur, ac totum præsens tempus conflaret ad meritum, non tam præesse voluit, quàm subesse, nec tam præcipere, quàm parere. Idcirco Generalis cedens officio Guardianum petijt, cuius voluntati per omnia subiaceret. Tam enim uberem asserebat sanctæ obedientiæ fructum, vt eis, qui iugo ipsius colla submitterent, nihil temporis sine lucro transiret. Vnde & fratri, cum quærat solitus ire, semper obedientiam promittere consueuerat & seruare. Dixit aliquando socijs: inter alia, quæ mihi pietas diuina concessit, hanc gratiam contulit, quòd ita diligenter
noii-

novitio unius horæ obedirem, si mihi Guardianus daretur, sicut antiquissimo, & discretissimo fratri. Subdius, inquit, Prælatum suum, non hominem considerare debet, sed illum, pro cuius est amore subiectus. Quanto, enim cōtempnibilior præfides, tanto magis humilitas obedientis placet. Hæc Dñus Bonaventura; ex quibus, quanti sanctissimus ille Pater, & spiritualium rerum scientissimus obedientiam fecerit, compertum est. Obedire didicerat ab eo, qui dixerat: *Descendi de calo non ut faciam voluntatem meam, sed voluntatem eius, qui misit me, Ioan. 6.* & alibi; *Non veni ministrari, sed ministrare: Matth. 20.* à Christo inquam, qui, ait Bernardus, *Ad milites Templi, maluit perdere vitam, quam obedientiam.* Ab eodem nos libenti, & prompto animo discamus obedire, ut ad illum mereamur peruenire: nullos habeamus propriæ voluntatis oculos; nam, teste eodem Patre, *sunt loculi, non modò pecunia, sed etiam propriæ voluntatis:* qui quidem loculi suos possidentes loco priuarent cælesti. Utinam cum eodem vobis dicere possim: *Felices vos, qui vos, & vestra sine exceptiuncula reliqueritis. Serm. de quadr. deb.*

P Nullus itaque se vouisse doleat, cum tam magna ex votis obtineat. Satiùs ei sit ad aliquod tempus vinculis religionis ligari, quam ligatis manibus, & pedibus mitti in tenebras exteriores. Sine voto, fortè pro voto viuere-mus, atque ita nosmetipsos perderemus. Gaudeamus, quod multa non possimus, quæ non debemus. Audi August. *Epi. 45. ad Arm. Nō te vouisse*

Ee pœni-

pœniteat, imò gauderem tibi non licere, quod cum tuo detrimento licuisset. Aggredere itaque intrepidus, & dicta factis imple: ipse adiunxit, qui vota nostra expetit: felix necessitas, qua ad meliora compellit. Ad religionem nos vocauit, qui extra illam nos perituros agnouit: felix ergo illa necessitas, qua premente cogimur sæculo exire, vbi nobis contigisset perire, & vbi, teste Bernardo, *Serm. de primordiis. omnis laboris remedium, est alterius laboris initium.* At vero in ordine, remedium laborum, consideratio est præmiorum. *Delectet igitur mentem,* ait Gregorius, *Hom. 37. in Euang. magnitudo præmiorum, sed non deterreat certamen laborum.*

Obiiciet aliquis. Ego multa in sæculo reliqui, quæ mihi non parum afferebant consolationis. nunc autem in ordine tristis sum, omnisque delectationis expertus. Vbi est ergo illud centuplum, quod promittitur omnia relinquentibus? Vnum tibi respondere possum; Christus promisit centuplum, & cælum, & terra transibunt, verba verò eius non transibunt. Tu dicis; non video hoc centuplum, cui ergo credemus? Respondeo: Christus quidem promisit centuplum relinquentibus. Vide modò, an tu reliqueris, vel potius commutaueris; est enim omnino relinquere, & est commutare. Si quis, verbi gratia, in sæculo dimisit honores, voluptates, diuitias, & in religione quærat primum locum, præcipuum munus, vanas delectationes, colloquia inutilia, & omnium rerum copiam; pro certo ipse non censebitur reliquisse honores, dignitates, diuitias,

rias, & voluptates, sed commutasse, cum in religione quærat, quod in sæculo quærebat. Non ergo sic reliquit, sed commutauit, ideo centuplum ei non datur: non enim promittit Deus centuplum commutantibus, sed relinquentibus: non dat mercedem his, qui in ordine quærent, quod in sæculo deseruerunt. Dicit aliquis, qui verè dicere possit, *Eccœ nos reliquimus omnia*, & reuera replebitur consolatione diuina, quæ non datur admittentibus, sed dimittentibus carnalem.

¶ Porro, quid curas de consolationibus, & delectationibus corporalibus, quæ etiam in sæculo nunquam sunt sine amaritudinibus? Audi Basilium, *In Psal. 33. In corporis voluptatibus plus molestiæ, quam iucunditatis inest. In nuptiis sterilitas, viduitas Zelotypia. In agricultura infecunditas. In mercatura naufragia. In diuitiis insidia. Ipse verò delicia, & saturitas, & assiduus voluptatum usus, multos, & varios secum trahunt morbos. Valeat igitur omnis mundi, & carnis consolatio, quæ, ait Bernardus, Serm. 4. vig. nat. Dom. vilis, & ad nihilum vilis est. Sed quærendæ sunt in ordine consolationes, quæ sunt sine amaritudine, & sine turpitudine. Felix enim; inquit Augustinus, Serm. 5. de verb. Apost. quæ huiusmodi delectationibus delectatur, ubi turpitudine nulla inquinatur, & veritatis serenitate purgatur.*

¶ Qui in claustrum mundi oblectamenta desiderat, similes sunt Hebræis Aegyptias ollas, pepones, porros, & cæpas suspirantibus. Audiamus Gregorium, *Lib. 20. moral. cap. 16. Quid signatur per ollas carnum, nisi carnalia vite opera in tribulationibus*

Ec 2 dolori-

doloribus, quasi ignibus excoquenda? Quid per pepones, nisi terrena dulcedines? Quid per porros, & capas exprimitur, quæ plerumque qui comedunt, lacrymas emittunt, nisi difficultas vitæ præsentis, quæ à dilectoribus suis, & non sine luctu agitur, & tamen cum lacrymis amatur? Manna igitur deferentes, cum peponibus, ac carnibus, porros, & capas quasierunt, quia videlicet perversæ mentes dulcia per gratiam quietis dona despiciunt, & pro carnalibus voluptatibus laboriosa huius vitæ itinera etiam lacrymis plena concupiscunt: contemnunt habere, ubi spiritualiter gaudeant, desideranter appetunt, ubi & carnaliter gemant. Quid nobis cum gaudijs, quæ nunquam sunt sine dolore, & lacrymis? Alia quæramus, quæ nullum dolorem inferunt, cuiusmodi sunt quæ de creatore percipiuntur. Revertens, inquit Bernardus, Epist. 114. illud verum, & solum est gaudium, quod non de creatura, sed de creatore percipitur, & quod, cum possederis, nemo tollet à te; cui comparata omnis aliunde incunditas, inæror est; omnis suavitas, dolor est; omne dulce, amarum; omne decorum, fœdum; omne postremo quodcumque aliud delectare possit, molestum. Si quæ pulchra sunt in mundo mireris, & amore eorum ducaris, cogita illicò quantam habeat ille pulchritudinem, quantumque splendorem, pro quo omnia deseruisti, cui nihil quod delectat deesse potest. Vnde idem Pater, Serm. 1. de omn. Sanct. Miraris, inquit, in Sole splendorem, in flore pulchritudinem, in pane saporem, in terra fecunditatem? Sed à Deo hæc univèrsæ sunt, nec dubium quin multò amplius reseruanerit sibi, quàm dederit creatu-

creatu-

creaturis? Illum amare, illum quere, illi soli seruias, ut omnia quæ delectant possideas. Quid curas hic lætari, qui opas in cælo beari? Quid hic quæris, quod antequam plenè acquiritur, dilabitur? Audi Tullium. O fragilem fortunam, & inanes nostras contentiones! quæ in medio spatio sæpe franguntur, & corrumpunt, & antè in ipso portu obruuntur, quàm portum inspicere potuerint, Cic. 3. de orat.

R Alij conqueruntur, quod intra monasterium morari cogantur, unde eis exire non licet. Verum conqueri desinent, si recordentur damnatorum, qui perpetuis, igneisque detinentur carceribus; quod fortè euitare non possent, si in monasterio non remanerent. Quid quærent corpore per mundum vagari, cum possint mente in cælo conuersari? Nobiles aquilæ hominum tecta fugere, deserta loca petere, & ad sublimia solent conuolare: ignobiles verò passer, loquaces hirundines inter homines libere versantur, ac nidos struunt. Sic viri sanctitate præclari, hominum, quantum fas est, conspectum fugiunt, per ciuitatem circuire non curant, ac Bernardi consilium libenter sequuntur sic inculcantis. *O sancta anima! sola esto, ut soli omnium serues te ipsam, quem ex omnibus tibi elegisti: fuge publicum, fuge, & domesticos, Ser. 40. in Cant.*

At durum est nobis tamdiu in cellis commorari. Respondeo, non debere eos ægrè ferre in cellis ad tempus remanere, qui cupiunt in cælis Deo sine fine gaudere: nam de cella ad cælum est liber transitus, si in cellis agamus quod

Angeli in cœlis, id est, si in illis oremus, vel Deum laudemus, & alijs bonis operibus incumbamus. Vnde Thomas à Kempis ex Diuo Bernardo, *Exercit. spirit. cap. 4. Est via brevis de cella ad cœlum, si in ea calicem duxeris vitam*. Vix potest quis foras exire, & per laqueos non transire. *Agnosce*, inquit Sapiens, *quod in medio laqueorum transis*. *Ecclesi. 9.* Qui transit per tot laqueos, vix effugiet omnes. Audite Chrysostomum *Homil. 15. ad pop.* de his laqueis, & periculis scribentem. *Processit quispiam in forum, vidit inimicum, exarsit ex solo aspectu: vidit amicū honoratum, invidit; vidit pauperem, contempsit: diuitem, & invidit: vidit quempiam infestantem, & indignatus est: vidit speciosam mulierem, & captus est*. Si intus mansisset, hos laqueos euasisset. Palladius monachus, qui priscorum monachorum res oculatus conscripsit, se ipsum commemorat, cum aliquando animo æger esset, & anxius, propterea quod videretur sibi inertem prorsus atque inutilem vitam agere in cubiculo, eam ob causam ad Macharium illum Alexandrinum adiisse, illum autem, vt erat Dei spiritu plenus, eius mœrore cognito, ita ei dixisse: *Responde tuis cogitationibus, te propter Christum quatuor tuæ cellæ parietes custodire*. Ita si quis angatur, quod ei foras exire non permittatur, sibi respondeat, velle propter Deum cellæ, aut conuentus parietes custodire; nec erit huiusmodi custodia sine mercede.

S Instant aliqui: durum est etiam nobis in lectulo duro cubare, qui solebamus super mollem,
& de-

& delicatum dormire. Cogitate, precor, Christum dilectum vestrum in cruce versantem infirmitate sua. Considerate præterea multos esse in sæculo, quorum lectus est nuda humus, vel quia alium non habent, aut alia coguntur necessitate. Sed media nocte, vel summo manè ad matutinas horas recitandas surgendum est. Estote; Etiam mercatores, artifices, viatores, agricolæ, & alij eadem ferè surgunt hora, sine villo merito: vos vero non ad terram fodiendam, vel ad alia laboriosa opera vocamini; sed ad Deum laudandum, qui vos remunerabit hic, & in futuro: hic vos nutriendo; ait enim: *Servi mei comedent, Isai. 65.* & in futuro, gloria eterna præmiando. Quot sunt in sæculo mercenarij, qui sua priuantur mercede, & qui post laborem non habent quod manducent? Vos autem non sic. Propterea sustinete, & estote memores illius dicti; *Va qui perdidērunt sustentiam.*

Alij tandem queruntur, quod in claustro graues & crebras patiantur persecutiones ab iniustis, & malis fratribus, quos non credebant adesse in tam sacro ordine, & instituto, quorum nonnulli tanta passione, & imperandi cupiditate ducuntur, ut nihil nisi ordinis dignitates ambiant, quas ut adipiscantur nullum non mouent lapidem, & bonos odio, & malos, si suas sequantur partes, amore prosequendo. Hinc tanta oriuntur iurgia, tantæque vendicationes, ut nulla inter fratres videatur esse charitas. Vnum de his conquerentibus inducit Augustinus In Psal. 99. sic loquentem. *Quis me hic quærebat? Ego putabam, quia*
Ec 4 charitas

charitas esset hic. Quales illi? Inuidi, litigatores; neminem sustinentes, ille illud ibi fecit, &c.

Credo tamen me respondentem illis satisfacturum, si primò animaduertant, quòd in omni congregatione, & instituto boni & mali reperiantur. Nam, teste Gregorio, *Hom. 38. in Euang.* boni soli nusquam sunt, nisi in cœlo; & mali soli nusquam sunt, nisi inferno. Non est autem monasterium cœlum, vt in illo soli boni; nec infernus, vt in eo soli mali inueniantur: sed cum sit veluti quædam media via, misceri in illo bonos, & malos necesse est. *Ad quamcumque professionem te conuerteris, inquit, Augustinus, In Psal 36. parate pati fictos, alioquin si te non paraueris, inuenies quod non sperabas, & deficies, aut perturbaberis.* Notandum est præterea illud Ecclesiastici, *Capit. 33. Contra virum iustum peccator.* Dico itaque: Cum in claustro sint aliqui mali, & malus sit contra virum iustum; quid mirum, si ibi reperiatur persecutio, vbi sunt persecutionis instrumenta; scilicet mali fratres? Vnde optimè Hieronymus, *Epist. 1. Erras frater, si putas vnquam Christianum persecutionem non pati.* Quasi dicat: cum in Christianismo sint plurimi mali, ibi esse persecutionem necesse est; ita, cum sint in claustro mali fratres, ibi sine dubio aderit persecutio; inuenientur iurgia, & litigationes, quia ibi sunt etiam boni fratres, piè viuere volentes: sed ferè vbique. *Omnes, qui piè volunt viuere in Christo, persecutionem patientur, 2. Tim. 3.*

In eadem familia Cain persequutus est fratrem suum Abel, *Genes. 4. Propter quid?* quærit Apo-

Apostolus, quoniam opera eius maligna erant, fratris autem eius iusta. 1. Ioan. 3. Esau quoque persecutus est fratrem suum Iacob: & filij Iacob persecuti sunt fratrem suum Ioseph. Qui itaque voluerit esse ut Abel, aut Iacob, vel Ioseph, patienter ferat eos, qui etiam in claustro se gerunt ut Cain, vel Esau. Nam, ait Gregorius, Abel re-nuit esse, quem Cain malitia non exercet. Vbi que mali oderunt bonos, si malus sis, bonos persequeris; si bonus, persecutionem patieris; satius tibi sit persecutionem ferre, quàm inferre: nec respuas persecutionem, quæ tibi præbet merendi occasionem. Si nulla esset in claustro persecutio, reuera ab eo excluderetur illa beatitudo; *Beati qui persecutionem patiuntur. Matth. 5.* Non desunt aliæ beatitudines, cur illam vis excludi, si ne qua à cælesti beatitudine excluderis? Beati igitur nos, si Apostolicam vitam profitentes dicere possimus cum Apostolo; *Persecutionem patimur, & sustinemus. 1. Corinth. 4.* Videat lector, quid de persecutione patienter ferenda supra diximus capit, 1. huius libri. Cæterum, si qui sint alij labores in claustro, facile feremus, si meritum quod ex eis acquiritur, cogitemus. Non est igitur quòd alias difficultates obtendamus, cum illas, si patientes fuerimus, nullo negotio vincamus.

Ad Moniales inclusas. Caput XIII.

SVperuacaneus forsità vobis erit, Sactimonia-
les, Clypeus noster, cū sitis yelate, muris valla-
tæ,

ta, solemnibus votis, ac multis spiritualibus armis munita: verum tamē illum vobis offerre non verebor, cum certum sit communem humani generis hostem etiam in abditissima ac munitissima loca, suarum tentationum iacula continuo immittere, ut quarum non potuit in monasterium prohibere ingressum, eis saltem per impatientiam suadeat optare regressum; & eas studeat à bono proposito detertere, quas in paternis laribus non potuit detinere.

In primis igitur non vos pœniteat, quod intra monasterium nunquam exituræ includamini: commune enim omnibus mulieribus semper fuit non vagari, sed intra domum morari. Vnde Aristoteles, *s. Politic.* asserit suo tempore in urbibus creatum fuisse Præfectum, qui mulieribus intenderet, ne vagarentur, sed domi se continerent. Et apud Sinas etiam hodie, teste Magalliano, nervus pedis eliditur puellis, ne domo exeant. Narrat Plutarchus, *in præcep. con.* quod olim nupta ad domum viri curru tantum vehébatur, ac statim huiusmodi currus comburebatur; quo significabatur, iam non ultra opus sibi esse curru, cum perpetuò domi consistere deberet. Veteres, teste eodem Plutarcho, mulieris imaginem, & symbolum dixerunt esse restudinem. Sicut enim testudo semper clausa intra domunculam suam remanet, eamque semper defert, vnde domi porta vocitatur: ita scemina, & præcipuè virgo, semper domi debet manere inclusa, ac tam ægrè ferre extra illam exire, foris que incedere, quam si totam domus molem super humeros latura esset.

Lau-

Laudatur Iudith, quod *secreto cubiculum fecerit in superioribus domus suae, in quo clausa cum puellis suis morabatur, & obsecrabat, habens super lumbos suos cilicium, ieiunabat omnibus diebus vitae suae, praeter Sabbata. Iud. 8.* Nō sat illi fuit domum tantum se continere, & commorari, sed ut strictius clauderetur, construxit adhuc cubiculum, quō se recepit, ibique corpus suum maceravit: & hāc tantō magis exitit Deo grata, quanto minus hominibus nota; ac tantō maiores meruit laudes, quanto strictiores elegit aedes: nolebat videri in publico, quē se affligebat in secreto. Cū nulla tunc essent monasteria, ex propria domo confecit cœnobium. Tandem hac viuendi formula Holofernem, ac totum Assyriorum prostravit exercitum. Non minori merito eritis apud Deum, nec minori laude apud homines; nec etiam minorem de dēmone, & vitijs reportabitis victoriam, quē sponte hanc clausuram, vitamque monasticam elegistis.

B Iuxta communem illam domi manendi consuetudinem, optabat Apostolus, *Ad Tit. 2.* ut mulieres essent *domus curam habentes*: vel, ut vertit Vatablus, *custodes domus*. Nolebat eas foras prodire, ne possent perire. Quam diligimus auculam, cauea includimus; nec vagari sinimus, de cuius periculo metuimus: si quērat exire, quērit perire: fugit à caueæ rebus ad venatorum retia: sepe occiditur vaga, quē pascebatur inclusa; quia omnes illam quērunt in agro occidere, quam in cauea optassent reficere. Nisi Deus vos diligeret, non eligeret; qui igitur vos elegit, vos inclu-

inclusit. Si enim, teste Seneca, *Epist. 4. magni artificis est clausisse totum in exiguo*: certè magni & altissimi Domini fuit clausisse vos totas in exiguo loco. Qui vobis infinita cælorum spatia præparauit, vos ad arcta monasterij septa conuocauit. Illi ergo gratias agite, quòd ibi sitis inclusæ, vbi nec vitia, nec causæ vitiorum sciuntur; cùm, teste Ambrosio, *causa peccandi etiam iustos sepe deciperit. Lib. 1. de virg.* Non parum est à peccandi occasione exiisse. Securius viuitur in monasterio, quàm in sæculo. Secundùm Dioscoridem, flores capparis (*les fleurs des capres*) si clausi colligantur, proficui & medicinales sunt: si dilatati & foras emissi, nihil valent. Sic & virgines, & Moniales inclusæ sibi & alijs plurimum profunt.

Gaudeat vnaquæque vestrum quòd Alma sit, cùm inclusa sit: Alma enim virginem inclusam significat; hoc nomine est insignita etiam Redemptoris mater, quia verè Alma, id est, virgo inclusa fuit, quæ virorum aspectibus non patebat, sic fuit inuenta, quando ab Angelo salutata. Vobis igitur clausura non displiceat, quæ tantæ Virgini, ac multis alijs sanctissimis virginibus & mulieribus placuit. Non est mundus vobis dignatus, aut si dignus, illas non potuit tenere quas meruit habere. Audite eundem Ambrosium. *Ibidem. De hoc mundo estis, & non estis in hoc mundo; seculum vos habere meruit, tenere non potuit.* Ille ab æterno vos elegit, qui in tempore vos vocauit, & ob hanc vocationem nullus erat terrenus sponsus vobis dignus; ideo ille vos ab omni mortali sponso segregauit, qui sibi vos in sponsas assumpsit.

Est

C Est itaque vestrum monasterium veluti hortus conclusus, in quo semper ambulat celestis ille sponsus, ibique facilius inuenitur. *Ibi*, ait idem Doctor, *Ibidem*, *eum inuenit Susanna mori prius, quam violari parata*. Ibi & vos illum inuenietis, si secundum illius voluntatem ambuletis. Quid unicuique vestrum dicat Tertullianus, *Lib. de veland. virg. capit. 16.* attendite. *Nupsisti Christo; illi tradidisti carnem tuam: illi sponsasti maturitatem tuam: incede secundum sponsi tui voluntatem*. Quenam autem sit eius voluntas, indicat ille Doctor. *Christus est*, inquit, *qui & alienas sponfas, & maritatas velari iubet, vique multo magis suas*.

Igitur, qui voluit vos muro vallari, optat etiam facies vestras velari. Non vos pigeat in monasterio cum merito celestis sponsi implere voluntatem; cum in sæculo cogatur maritata sine merito terreni sponsi sequi voluntatem. Vestram velate faciem, & sponso vestro seruate, qui suam vobis seruat; cui enim dicimus: *Ostende faciem tuam, & salui erimus; Psalm. 79.* ille sine dubio ait vobis: abscondite faciem vestram, & saluæ eritis. Quæ potest videri, potest concupisci: & quæ etiam videre potest, concupiscere potest. Sola autem concupiscetia sufficit ad perditionem. Quid prodest respicere, quod non prodest concupiscere? Non sit vobis curæ ab illis videri, cum quibus periculum est versari, & quorum non prodest, sed obest visus. Vnde merito idem Tertullianus, *Ibidem*. sic Monialem hortatur. *Murum sexui tuo strue, qui nec tuos emit lat*

oculos, nec admittat alienos. Quid alios videre, aut ab alijs videri desiderat, quæ ad Dominum videndū se praparat? Certum est, quod, ut verbis Hieronymi utar, impudici oculi non norunt animæ pulchritudinem considerare, sed corporum. Non debetis igitur vos illis exhibere videndas.

D. Gaudete, quod stetis post parietes, ac tantum per crates, tamquam per cancellos respiciatis, quia in hoc sponsum vestrum imitamini, de quo sic vna ex suis sponis: *En dilectus meus stat post parietem nostrum respiciens per cancellos*, *Cant. 2.* vel secundum aliam versionem, *prospiciens per retia*. Videor pariter mihi audire Christum de vnaquaque vestrum sic ad Angelos colloquētem: *en dilecta mea stat, orat, flet, ieiunat, obedit, laborat, vigilat, psallit, ac multa bona præstat opera intra parietes nostros, & septa monasterij, prospiciens per cancellos, per crates: non plane videt, nec plane cernitur*. Sicut sponsa sic suum libenter videbat sponsum: ita sponsus vester maximè sibi complacet in vobis ita inclusis & velatis, ac ita per crates videntibus, & colloquentibus.

Solent venatores accipitribus, quos ad venandum alunt, oculos contegere, ne alias parui pretij aues conspiciant, & ad illas se proijciant, atque ita illis inescati cæteras aues maioris pretij insequi, & aucupari desinant. Sic, ò Moniales, necesse est velemini, faciesque vestræ contegantur, ne forte visis his rebus caducis, & quæ nullius sunt valoris, illas concupiscere incipiat, & cælestes diuitias diligere & insequi desinatis.

Qua-

Quapropter dicite sæpe sponso vestro: *Auerte oculos meos, ne videant vanitatem. Psal. 118.* Reuera hæc omnia vana non sunt digna oculis vestris, & dum vobis sese offerunt, vel oculos debetis occludere, vel ad velamen confugere, ad imitationem illius, de qua sic Tertullianus *Lib. de veland. virg. cap. 15.* Confugit, inquit, ad velamen capitis quasi ad galeam, quasi ad clypeum, qui bonum suum protegat aduersus ictus tentationum. Consuetum est imagines depictas velo contegi, quo possint colores protegi. Conseruantur virtutes animæ, si contegatur facies corporis. Nulla igitur ex vobis conqueratur, si facies cooperiatur; nam, teste Hieronymo, *Epist. ad Eustoch.* zelotypus est Iesus, non vult ab alijs videri faciem vestram.

E Diuus Ignatius, *Epist. 1. ad Tarsenses.* vocat Moniales, *Altare Dei.* Sicut enim Altare debet esse omnino coopertum, sic Monialis & mulier Deo sacra & dicata, Sacrilegum esset in Altari, aut coram Altari turpia peragere: ita & corā Moniali. Nihil nisi sanctum, vel sacrum super Altari reponitur: ita à Moniali procul sit omne prophanum. Sunt Altaria intra Ecclesias; sic intra monasteria decet esse Moniales. Circa Altaria, præcipuè dum sacra celebrantur, teste Chrysostomo, adstant Angeli, illaque circumdant & protegunt: sic Moniales, potissimū dū nihil nisi sacra moluntur, ab Angelis proteguntur. Audite Ambrosium, *Lib. 1. de virg. Vobis, virgines sanctæ, speciale præsidium est, quia intemerato pudore sacrum Domini seruatiscubile: neque mirum si pro vobis Angeli militant, quæ Angelorum moribus militatis.*

Felices igitur, pro quibus militant Angeli, & quæ veluti Altaris magnam habetis venerationem & protectionem. Patienter igitur ferte statum vestrum, qui tali vos insigniuit honore.

Præterea, dignus est status vester, qui apibus comparetur; vel secundum statum vestrum similes estis apibus, & vestra monasteria sunt veluti aluearia. Rore pascuntur apes, nesciunt concubitus, mella componunt. *Apes*, ait idem Ambrosius, *In Examer. nullo concubitu miscentur, nec libidine resolvuntur, nec partus dolore quatiuntur, sed integritatem corporis virginalem seruantes, subito maximum filiorum examen emittunt*. Sicut apes licet sint sine carnali copula, non tamen sunt sine sobole: ita & vos integritatem seruantes habetis filias, & nouellas plantationes, quæ Deo vocante, de mundo eruuntur, vobis iunguntur, vt vobis tamquam matribus filiæ succedant.

Felices vos, quæ iam præmia teneris resurrectionis, in qua homines non nubent, neque nubentur. *Mattheus 22.* Quod nobis promittitur, vobis, præstò est. In hoc non tantum apibus, sed & Angelis, cæterisque cælicolis similes estis: sicut enim illi in cælo non nubunt, ita nec vos in monasterio. Nolite igitur nuptis inuidere, quarum nulla est, quæ non vos beatas prædicet. Dicite, vt enarrent bona sua, & consolationes suas, & videbitis illas commiseratione potius, quàm æmulatione dignas. Quoties absque voto paupertatis fiunt pauperes? Quoties erubescunt præ inopia? Quoties ieiunant & abstinere se à cibis, non quia iubentur, sed quia non habent? Vilibus induun-

duuntur ; quia pretiosis carent : sine voto obedientiæ, sæpe etiam obedire coguntur viris interdum morosis, atque rixosis, qui illas iniurijs, ac plerumque verberibus afficiunt, quique illas nolunt exire domo, atque ita clausuram, quam nunquam promiserunt, servare coguntur, & hoc sine fructu ; sine merito.

F Quænam præterea sint illarum cogitationes, innuit Apostolus, 1. Cor. 7. *Quæ nupta est*, inquit *cogitat quæ sunt mundi, quomodo placeat viro*. O pessimam cogitationem, cogitare quæ sunt mundi perituri, & non cogitare quæ sunt cæli ! Cogitare quomodo placeat viro, & non quomodo placeat Deo ! Vix potest vxor viro placere, quia quod ei hodie placet, cras displicet, & tamē cogitur misera quotidie cogitare, quæ vix poterit præstare. Quanta non pendent ab eius arbitrio, quibus si careat, viro non placebit ? si enim pulchra, & fecunda non sit, non placet : si verò fecunda, & non filium, sed filiam pariat, displicet. Omiseranda conditio, etiam in his quæ non sunt in eius potestate, posse displicere. A vobis autem, procul sunt huiusmodi cogitationes, & anxietates. Nam *mulier innupta, & virgo cogitat quæ Domini sunt, Ibidem*. Quia tantum Domini estis, cogitate tantum quæ Domini sunt ; & secundum Hieronymum, *Ad Eustoch. sic conuersio illius ad maritum, quæ virum non habet Christum*. Vos verò quæ Christum habetis sponsum, ad illum dumtaxat sit conuersio vestra, de illo sit cogitatio vestra.

Tantæ sunt nuptarum molestiæ, tantisque vincuntur solitudinibus, vt vix sit eis locus cogi-

tandi de Deo . Hoc disertè adnotauit idem Hieronymus aduersus Heluidium . *Inde , inquit , infantes garrunt , familia perstrepat , liberi ab osculis & ab ore dependent , computantur sumptus , impendia preparantur . Hinc cocorum accincta manus carnes terit ; hinc texericum turba commurmurat : nunciatur interim venisse cum socijs ; illa ad hirundinis modum lustrat uniuersa penetralia ; si thorax rigeat ; si pauimenta verrerint , si ornata sint pocula ; si prandium preparatum . Responde quas o inier ista ubi sit Dei cogitatio ?* Hæc autem sunt nuptæ peragenda , vt dumtaxat viro placeat , cui statim displicet si vel in vno ipsa deficiat . O vos terque quaterque beatæ , si his omnibus liberæ Domino Deo sponso vestro solum placere curetis .

Propterea cauete à deuotis , quos vocant , qui vt plurimum non deuoti , sed de votis sunt retrahentes ; aut animo saltem occasionem præbent vota transgrediendi . Non sit vobis curæ ab illis diligi , propter quos periculum est à Christo negligi : nolite alios vocare vestros , quos possidere , & à quibus possideri non potestis , nec debetis . Sit Christus pater , & frater vester ; sit , inquam , vobis Deus omnia . Memores estote cuius sponsæ sitis . Cur vultis fieri alterius , quæ Christi estis ? Quid prodesset carne non nubere , & spiritu nubere ? *Virginis definitio est , ait Hieronymus , ibidem , sanctam esse corpore , & spiritu , cum nihil prosit carnem habere virginem , si mente quis nupserit .* Cauete ne cuiusdam consortio vestra minuatur conditio , & de sponis Christi , capitiuæ

ptiua efficiamini hominis, & tandem dæmonis. Credite mihi, si quos habeatis, illos deferatis, ne Christus vos deferat, pro quo omnia deseruistis, non enim potestis duobus seruire. Nefas esse sponfas Dei præstare, quæ non audent sponfæ hominum. Non bene Deum amatis, si cum illo aliquem ametis. Zelotypus est sponsus vester, qui non vult, ut quocumque prætextu, vel titulo alij admittantur amatores. Audite Ambrosium, *ad virg. deuotam*. *Quid dicis, deuota Deo? Quid desideras, vel quid quæris? Si Deum quæris, tecum est; si autem hominem quæris, hoc non deuouisti.*

G Fortè dicet aliqua: ope alicuius indigeo, ut mihi subueniat, & ab illo accipiam, quod à monasterio non datur, & quod mihi necessarium est; ideò cogor aliquem amore prosequi, ut valeam aliquid consequi. Audite precor eundem. Hieronymum, *ad Eustoc. de virg. seruand.* hanc proponentem difficultatem; illamque Scripturæ testimonijs soluentem: sic enim ad quamdam virginem scribit. *At dicis: puella sum delicata, & quæ manibus meis laborare non possum. Si ad senectã venero, si agrotare cœpero, quis mei miserebitur? Audi Apostolis loquentem Iesum; ne cogiteris in corde vestro, quid manducetis: neque corpori vestro quid induamini. Respicite volatilia cœli, quoniam non serunt, neque metunt; neque congregant in horrea; & Pater vester cœlestis pascit illa. Si vestis defuerit, lilia proponantur. Si esurieris, audias, beatos pauperes, & esurientes. Si aliquis te afflixerit dolor, legitur: Propter hoc complaceo mihi in infirmita-*

tibus

F f 2

tibus

tibus meis. Latere in omnibus iudicijs Dei. Et reuera sponso vestro fit iniuria, si ab alio accipiatis, quod ipse vobis denegat: si enim vobis expediret, concederet; interdum in præsentī modicum dēnegatur, quia in futuro maiora referuantur. Qui habet curam avium per aerem volitantium, habebit, & Monialium intra monasterium commorantium. Inclusorum precipuè solet Deus curam gerere. Recordatus est Iosephi fouea inclusi. Pauid Daniele in lacu leonum. Misit Angelum suum ad Petrum in carcerem coniectum. Dat etiam escam pullis coruorum adhuc in nidulo existentibus, & sponsas suas propter ipsum inclusas deferet? Qui promittit se futurum in medio duorum, aut trium in nomine suo congregatorum, nunquid deerit triginta, aut quadraginta ei famulantibus, ac propter ipsum congregatis? Scit sponsus vester quibus indigeatis: ab alio igitur nihil accipiatis.

Præterea, non sit vobis iniucunda capillorum vestrorum resectio. Notum est consuevisse antiquos diis suis consecrare cæsauiem. De Aegyptijs tradit Diodorus; *Lib. 2. cap. 4.* vota solitos esse concipere morbo affectos, ut, si ex morbo conualescerent, defectum crinem alicui Deo consecrarent. Eandem ob causam ab Hebræis detonsam ex voto, & oblatam comam scribit Iosephus *Lib. 2. de bello Iud. cap. 15.* Athenienses, ut testis est, Plutarchus, *In vita Thesei.* suæ comæ primitias Apollini Delphico consecrare consueverant. Refert Suetonius, Neronem in aurea pyxide capillos suos Ioui Capitolino consecrasse. Quod illi falsis

diis

diis consecrarunt, vos Deo viuo & vero obtulisse non pœniteat. Sit tonsum capillitium vestræ seruitutis indicium. Antiquitus seruile fuisse radi scribit Alexander, *Lib. 5. cap. 15.* vnde Aristophanes, in *Auibus* & Suidas ad quemdam; *Seruus cum sis, comam geris?* Quod prouerbialiter dicebatur de eo, qui præter decorum quidpiam faceret. Vobis etiam, si comam geratis, merito dicetur; *Ancilla Dei cum sitis, comam geritis?* Indecorum sanè esset ancillas, & sponfas Christi comatas incedere, cum ei nupserint, quem Iob *tonso capite corruens in terram adorauit, Iob. 1.* & qui aliquando Ieremiæ dixit: *Tonde capillum tuum, & projice. Cap. 3.*

H In Aegypto & Syria crines refecare solitas virgines Deo sacras, docet Hieronymus. Tabennesiotas quoque sanctissimas virgines; quas Sanctus Pachomius ab Angelo monitus instituit, idem factitasse, author est Palladius *In Lausiaca*, Diuus Basilus præscribit, vt in ipsa initiatione cōversionis monasticæ capita radant. Multis nocuerunt crines. Quid profuit Absaloni diffusos, & flauescences gestasse capillos, quibus tandem suspensus miserè periit? Cogebatur semel in anno illos refecare, quia, ait Scriptura, *grauabat eum casaries. 2. Reg. 14. & 18.* Erant oneri capilli ei viuenti; sed moriens factus est ipse oneri capillis. Nolite itaque grauari, si à vobis abscindatur, quod vos plurimum grauasset. Non vult Christus vos huiusmodi affici grauamine, quas ideo optat tegi velamine. Nec perire putetis, quod vobis abscindi videtis. Audite spōsum vestrum; *Capillus de capite vestro non peribit, Luc. 21.* Nouit ille re-

munerare, qui capillos dignatur numerare : ait quoque; *Capilli capitis vestri omnes numerati sunt, Matth. 10.* Si quos ex illis salicui amatori daretis, ab eo, qui eos numeravit, meritò audiretis; ubi sunt, quos numeravi, capilli? An ideò detondentur, ut impudico homini tradantur? Quos alteri dedistis, mihi rapuistis. Si, teste Publio, *Mim. Capillus etiam habeat suam umbram*; habebunt pariter capilli vestri, amore Christi defecti suum meritum, licet incisi nullum sentiant dolorem. Vnde sic infert Gregorius, *Hom. 35. in Euangel.* *Cur timetis, ne pereat, quod incisum dolet, quando & illud in vobis perire non potest, quod incisum non dolet?* Si itaque non pereunt, sed numerantur, & remunerantur vestri capilli capitis propter Deum detonsi; quantò magis manus vestræ bona opera exercentes, lingua vestra diuinis laudibus occupata, hora vestra ieiunio pallentia, pedes vestri ad chorum pergentes, cor vestrum diuino tantum ardens amore, vestra anima soli suo sponso intenta, vestræ denique cogitationes ad Deum tendentes? Hinc Beda: *Capillus, inquit, non peribit, quia & tenuissima Sanctorum cogitatio digna mercede donabitur.*

Consultò etiam vobis capillatura refecatur, ne in illa aptanda tempus conteratur, quod & ipsos Ethnicos odio habuisse legimus: sic enim de quibusdam conqueritur Seneca. *Sollicitiores sunt de capitis sui decore, quam de salute, qui inter speculum, & pectinem occupati sunt, qui se concinniores esse malunt, quam honestiores.* Terentius, *In Heaut.* quoque sic in quasdam mulieres inuehitur.

Dum

Dum moliantur, dum comuntur, annus est.

Demosthenem dicunt adeò fuisse suis studiis deditum, ut nulli alteri rei penitus vacare vellet; ideo comam nouacula sibi radi iubebat, tum, ne, illam aptando, tum etiam cum amicis (quibus absque capillatura non placebat (colloquendo, tempus contereret. Quod ipse præstitit, ut plus temporis insumeret in literarum studio: illud idem vobis faciendum est, ut plus impendatis temporis in Dei obsequio, & ut illorum consortium, atque intuitum euitetis, quibus fortè nisi calamistratæ non placeris.

I Gerant, si velint, huius sæculi filia crines pigmentario conspersos puluere, atque in capillitio adornando tempus terant, de illis pro certo reddituræ sunt rationem. Vos verò hac crinium tonsione ostendite omnia terrena spreuisse, ac Christo Domino nupsisse, cui non placent cincinnatæ. De Beata Clara sic canit Ecclesia: *Cuncta pro Christi nomine contempnens crine tonso, coram altari Domino nubet aeterno sponso*. Sicut non curabat de capillis abrasis; ita nec de temporali substantia, quam in sæculo reliquerat. Nam, secundum Augustinum, *In Psalm. 51. capilli superflua rerum temporalium significant: quia enim sine sensu præscinduntur, illi qui Deo adherent, habent ista terrena tamquam capillos*.

Nec vos angat illa, quam promissistis, obedientia. Nostis enim, quid sexui vestro dictum sit; *Sub viri potestate eris, & ipse dominabitur tui, Gen. 5.* Hanc subiectionem non possunt remanentes in sæculo effugere, nisi vitam cælibentis, ac

statui vestro similem ducant. Nolite attendere quis, vel quæ iubeat, aut quid iubeatur, sed quia iubetur. Adimplere in monasterio cum merito, quod in mundo sine merito perficere cogeremini. Sponte, inquam, exequamini quod coactè præstaretis: vestrum considerate sponsum, qui *de cælo descendit, non ut faceret voluntatem suam, sed Patris. Ioan. 6.* Et non tantum Patri, sed & hominibus obtemperavit, de illo sic scriptum est; *Et erat subditus illis, Luc. 2.* Et qui factus est obediens usque ad mortem; ita ut mori maluerit, quam non obedire. Dicat ergo vnaquæque vestrum; imitabor ego sponsum meum: factus est ille propter me obediens usque ad mortem, mortem autem crucis, *Philipp. 2.* ero, & ego propter ipsum obediens usque ad mortem, mortem autem propriæ voluntatis. Tunc de ea verificabitur illud: *Non vocaberis vltià derelicta, & terra tua non vocabitur amplius desolata; sed vocaberis, voluntas mea in ea; Isai. 62.* Verè enim esset derelicta & desolata anima vestra, si Dei, & superiorum à vobis non adimpleretur voluntas. Excellant titulis aliæ mulieres: gaudeant quibuscunque voluerint nominibus: religiosæ tamen animæ multò verior est gaudendi materia in hoc nomine, quod ei Dominus imposuit, in quo tanquam compendio bona omnia continentur; *voluntas mea in ea.*

Tandem quotiescunque vos vana sæculi delectauerit ambitio: quoties in mundo aliquid videritis gloriosum: vel si aliquæ insurgant tentationes carnis, dæmonis, vel mundi; aut si ob-

clausu-

clausuram, abſtinentiam, cæterosque religionis labores, motus impatientiæ vos premant, illicò ad cœleſtem illam, quæ vobis parata eſt, mercedem mentis aciem conijcite, & quod futura eſtis, eſſe incipite. Hoc Diuus Hieronymus, *Epist. ad Eustoch.* conſulebat cuidam virgini, ad quam ſic ſcripſit. *Egreſſere, quaſo, pauliſper de carcere, & præſentis laboris ante oculos tuos tibi pingere mercedem, quam nec oculus vidit, nec auris audiuit, nec in cor hominis aſcēdit. Qualis erit illa dies, cū tibi Maria mater Domini choris occurret comitata virgineis? Tunc Thecla in tuos lata volabit amplexus. Tunc & ipſe ſponſus occurret, & dicet: Surge, veni proxima mea, ſponſa mea, columba mea; quia ecce hyems trāſijt, imber abiit. Tunc Angeli mirabuntur: videbunt te filia, & laudabunt Regine. Hinc & alius caſtitatis chorus occurret. Sara cum nuptis veniet: Anna filia Phanuelis cum viduis. Quod huic virgini euenturum promiſit iſte Doctor, vobis etiam propter Deum incluſis eueniet, ſi de promiſſis non doleatis, ſed ea patienti & alacri animo adimpleatis. Gaudete igitur, quoniam merces veſtra copioſa eſt in cœlis.*

Ad quoscumque pauperes. Caput XIV.

AXiſtimabam fore ſuperuacaneum illos conſolari, quos Dominus beatos prædicauit, *Matthæi 5.* miſeri enim, non beati conſolatione indigent. Verum, quia iuxta conſilium Magni illius Gregorij, *In Paſt. offeren-*

renda est eis consolatio, quos caminus paupertatis excoquit; necesse est temporalibus bonis destitutū audiamus, & consolationem asseramus: ait enim. Pauper sum ego, & in laboribus à iuuentute mea. Psal. 80. Tum dico.

Pauper es? Ergo diues es. Paradoxum: esto: tamen sic probō. Ille diues est, qui habet unde emat cælum, ubi veræ sunt diuitiæ, verique thesauri; at pauper est huiusmodi; ergo diues est. Probatur assumptum autoritate Dni. Augustini, de verb. Domini. dicentis. Non displiceat tibi paupertas tua, nihil potest ea ditius inueniri. Vis noscere quàm locuples sis? cælum emit. Vnde Anna in suo cantico: Dominus pauperem facit, & ditat. 1. Reg. 2. Ditat, inquam, pauperem. cū ei det quo omnes ditantur, & sine quo omnes indigent: nam extra cælum est omnis egestas. Porro esurientes replet bonis, & diuites dimittuntur inanes. Luc. 1. Audi Apostolum hæc omnia confirmantem: Nonne Deus, inquit, elegit pauperes in hoc mundo, diuites in fide, & cohæredes regni, quod repromisit Deus diligentibus se? Porro, nonne illi & diuites sunt, quibus cælestia regna sunt? Ad pauperes sic Christus: Vestrum est regnum Dei. Luc. 6. Ergo, pauper, non pauper sed diues est.

Pauper es? Ergo tui Deus curam habebit, ei enim dicitur: Tibi derelictus est pauper. Psalm. 9. In te Deus oculos conijciat: Oculi eius in pauperem respiciunt. Psal. 10. Exaudiens: Pauper clamauit, & Dominus exaudiuit eum. Psal. 10. Grata erit Deo deprecatio tua: Neque despexit deprecationem pauperis. Psal. 21. Veniam consequeris: Parce pauperi,

peri, & inopi. Saluabitur anima tua: *Animas pauperum saluas facit. Psal. 71.* Dulcedine repleberis: *Paraſti in dulcedine tua pauperi Deus. Psal. 67.* Non patieris violentiam. Si quis autem violenter se gerat in te, punietur: *Non facias violentiam pauperi, nec conteras egenum in porta, quia Dominus indicabit causam eius. & configet eos, qui afflixerunt animam eius. Prou. 20.* Tibi subuenietur, & qui tibi non subuenerit, non exaudietur: *Qui obturat aurem suam ne audiat clamorem pauperis, ipse clamabit, & non exaudietur. Prou. 21.* Beatus ergo est, & non miser, cuius Deus curam gerit, quem respicit, exaudit, cui parcat, cuius saluat animam, quem dulcedine replet, quem protegit, cui subuenit. Pauper ergo gaude.

B *Pauper es?* Manum ductricem inuenisti, ac tranquillum portum appulisti, sic enim de paupertate scribit Chrysostomus, *Homil. 18. in epist. ad Hebr. Paupertas est manus ductrix in via, quæ ducit ad cælum, & portus tranquillus.* Sicut in portu securus quis existit, ita in paupertate securè uiuitur. Vnde Plutarchus, *Lib. de uitanda usur. Paupertas, ait, securitate solum à diuitijs differre videtur.* Ideo à Beato Climaco, *Grad. 16.* vocatur omnium curarum depositio, securitas vitæ, viator omnibus impedimentis liber. Pauper nullum timet latronem, nullis fortunæ casibus subijcitur. De Beato Hilarione sic Hieron. *in vita eius.* Cum, inquit, habitaret in tuguriolo, latrones ad eum uenerunt, reperto puero, quasi per iocum, quid, inquirunt, faceres, si latrones ad te uenirent? Quibus ille respondit: *nudus latrones non timet.* Nam Iuuen.

can-

cantat vacuus coram latrone viator.

Ideo vnus ex antiquis pauperem iudicabat fortunatum, quòd deteriozem statum non expectaret: *Homine paupere*, inquit, *nihil est fortunatius; mutationem enim in deteriozem statum non expectat.* *Diphilus.* Ducto Rege Ioachin in Babylonem, translati sunt etiam omnes Principes & magnates: *nihilque relictum est.* 4. Reg. 24. ait Scriptura, *exceptis pauperibus.* Hoc priuilegio soli pauperes gaudent, vt scilicet non ducantur captiui. Qui illaqueantur, captiuantur: sed, teste Apostolo, *qui volunt diuites fieri, incidunt in laqueos diaboli.* Ergo qui ditantur, captiuantur. Non dicit; qui fiunt; sed, qui volunt fieri diuites, incidunt in laqueos. Si illaqueat affectus, quid faciet effectus. Si igitur optas ditari, quæris illaqueari & captiuari, imò & agitari, atque vexari. Arbores fructibus onustæ ab omnibus impetuntur; carentes verò fructibus deferuntur. Sic dititi omnes inuident, omnes ab illo postulant & sperant: à paupere autem nihil quæritur, ideo in pace relinquitur. Vnde Seneca: (In itinere oblesso pauperi pax est.

C Pauperes? Ergo Christo similis, qui, teste Apostolo. 2. Corinth. 8. *propter vos egenus factus est, cum esset diues, ut illius inopia vos diuites essetis.* Nam in sua natiuitate pro throno regali habuit præsepium: pro culcitra, fœnum: pro igne, halitum bouis & asini: pro peristromatis, aranearum telas: pro purpura, viles panniculos: pro equitatu, bouem & asinum; & tota deinceps vita non habuit, vbi caput reclinaret, vt eius inopia dite-

fca-

scamus. Exclamet igitur Augustinus. *Quid factura sunt diuitiae eius, cuius paupertas nos diuites fecit?* Tunc autem Christi inopia efficimur diuites, quando eius exemplo patienter ferimus illam, quam nobis immisit paupertatem, quia tandem per eam caelestes sumus possessuri diuitias. O ditissima paupertas, qua aeternae acquiruntur opes! Illam Christus elegit, ut illam aestimaret homo. Audi Bernardum, *Serm. 1. de vigil. nat. Paupertas non inueniebatur in caelis. Porro in terris abundabat hac species, & nescibat homo pretium eius. Flans itaque Dominus Dei filius concupiscens, descendit ut eam eligat sibi, & nobis quoque sua estimatione faciat pretiosam.* Refert Laertius, *Lib. 2. c. 8. Aristippum Dionysio interroganti, cur in Siciliam aduentarit, respondisse: ut quod habeo impertiam, & quod non habeo accipiam. Si interrogetur Dei filius, cur in terram descenderit, apte respondebit; ut quod habeo, nempe caelestes diuitias, hominibus impertiam; & quod non habeo, scilicet paupertatem, & id genus alia, accipiam.* Christus, inquit Augustinus, *In Psal. 40. diues est apud Patrem, & pauper apud nos: diues in caelo, pauper in terra: diues Deus, pauper homo.*

Noli igitur respuere, quod te Christo facit similem, & quod ipse elegit, ut tibi assimilaretur: esto inopia ei similis, qui inopia factus est tibi similis. Laudabantur olim Aethiopes, quod ita Regi suo assimilari optarent, ut si Rex, verbi gratia, claudicaret, claudi quoque omnes incederent: si esset monoculus, omnes sibi alterum eruerent oculum; ut hoc pacto Regi suo similes efficeren-

cerentur, non in maiestate, sed in infirmitate. Pudeat nos velle fieri diuites, existente Christo Rege nostro paupere: ac coactè & molestè ferre, quod multi, vt ei assimilarentur, sponte elegerunt. Quid tibi ipse Seneca, *Epist.* 7. consulat, audi. (Si vis, *inquit*, vacare animo, aut pauper esto, aut pauperi similis.) Dico ego: vt assimileris Christo, pauper esto.

D *Pauper es*, Ergo beatus es. Audi dicentem: *Beati pauperes*. Primò, *quoniam ipsorum est regnū cœlorum. Matth.* 5. Pondera verbum, *est*. Non ait de futuro, sicut in alijs beatitudinibus promissiones per verba de futuro exhibentur. Hoc aduertit Bernardus, *Serm.* 4. de *Aduent.* Magna pena, inquit, *est paupertas, quæ tam cito volatur in regnum cœlorum. Nam in alijs virtutibus, quæ sequuntur, promissio futuro tempore indicatur: paupertati vero non tam promittitur, quàm datur: unde & præsentis tempore enunciatur, quoniam ipsorum est regnum cœlorum; cum in ceteris dicatur: hereditabunt, consolabuntur, possidebunt, vocabuntur, & similia.* Vnde, quamuis promissioni de futuro in his beatitudinibus infallibilitatem concedamus: paupertati tamen per verbum de præsentis beatitudinem promittit Dominus, vt altiori quodam modo eius certitudinem demonstraret. Nota etiam Christum non dixisse: *quia ipsi sunt de regno cœlorum*, veluti dicimus talem hominem esse de Regno Galliæ, vel Hispaniæ: sed *ipsorum est regnum cœlorum*. At dices: quid inter hæc duo interest? Multum per omnem modum, vt semel dicam, quod inter Regem & subditos eius:

eius: de subditis quippe afferimus, hi sunt de regno: de Rege verò, ipsius est regnum: sic de pauperibus Christus non, ipsi de regno cœlorum, sed, *ipsorum, ait, est regnum cœlorum*, eos cœlorum Reges appellans.

Præterea, *beati pauperes*, quia peculiari ratione Dei sunt, ac sub eius tutela. Nam *factus est Dominus refugium pauperi. Psalm. 9.* Quod præcipue pauperes ad Deum pertinent, agnouerunt Ethnici: sic enim Menander: *Pauperes semper estimantur deorum.* Et Seneca *Epist. 28. Nemo alius est Deo dignus, quam qui opes contempsit.* Felix paupertas, quæ non tantum Christo nos reddit similes, sed suos nos facit: illi enim derelictus est pauper. Dicat igitur Diuus Cyprianus. *Serm. 6. de orat. Dom. Cum Dei sint omnia, habenti Dominum nihil deerit, si Deo ipse non desit.* Deeris autem Deo, si paupertatem impatienter tuleris: si verò patienter feras, tua non peribit patientia. Nam *patientia pauperum non peribit in finem. Psalm. 9.* Id est, secundum Chrysostomum, nunquam peribit, sed proprium fructum recipiet: quod non semper euenit laborantibus in rebus ad victum pertinentibus, qui finem intentum sepe non consequuntur pereuntibus laboribus. Agricola quidem expectat, & mereator: at non raro propter aeris iniuriam, aut aliunde fructus sui laboris excidunt. Sed pauperis habentis patientiam, fructus nunquam peribit. Si doleas quod pauper sis, dolebis igitur, quod diues, quod beatus, & Dei sis.

E Pauper es? Ergo liber es ab illa maledictione,
qua

cerentur, non in maiestate, sed in infirmitate. Pudeat nos velle fieri diuites, existente Christo Rege nostro paupere: ac coactè & molestè ferre, quod multi, vt ei assimilarentur, sponte elegerunt. Quid tibi ipse Seneca, *Epist.* 7. consulat, audi. (Si vis, *inquit*, vacare animo, aut pauper esto, aut pauperi similis.) Dico ego: vt assimileris Christo, pauper esto.

D *Pauper es*, Ergo beatus es. Audi dicentem: *Beati pauperes*. Primò, *quoniam ipsorum est regnũ cœlorum. Matth.* 5. Pondera verbum, *est*. Non ait de futuro, sicut in alijs beatitudinibus promissiones per verba de futuro exhibentur. Hoc aduertit Bernardus, *Serm.* 4. de *Aduent.* Magna pena, *inquiens*, *est paupertas, qua tam cito volatur in regnum cœlorum. Nam in alijs virtutibus, quæ sequuntur, promissio futuro tempore indicatur: paupertati vero non tam promittitur, quàm datur: unde & præsentì tempore enunciatur est, quoniam ipsorum est regnum cœlorum; cum in ceteris dicatur: hereditabunt, consolabuntur, possidebunt, vocabuntur, & similia.* Vnde, quamuis promissioni de futuro in his beatitudinibus infallibilitatem concedamus: paupertati tamen per verbum de præsentì beatitudinem promittit Dominus, vt altiori quodam modo eius certitudinem demonstraret. Nota etiam Christum non dixisse: *quia ipsi sunt de regno cœlorum*, veluti dicimus talem hominem esse de Regno Gallia, vel Hispania: sed *ipsorum est regnum cœlorum*. At dices: quid inter hæc duo interest? Multum per omnem modum, vt semel dicam, quod inter Regem & subditos eius:

eius: de subditis quippe afferimus, hi sunt de regno: de Rege verò, ipsius est regnum: sic de pauperibus Christus non, ipsi de regno cœlorum, sed, *ipsorum*, ait, *est regnum cœlorum*, eos cœlorum Reges appellans.

Præterea, *beati pauperes*, quia peculiari ratione Dei sunt: ac sub eius tutela. Nam *factus est Dominus refugium pauperi*. *Psalm. 9*. Quod præcipue pauperes ad Deum pertinent, agnouerunt Ethnicici: sic enim Menander: *Pauperes semper estimantur deorum*. Et Seneca *Epist. 28*. *Nemo alius est Deo dignus, quam qui opes contempsit*. Felix paupertas, quæ non tantum Christo nos reddit similes, sed suos nos facit: illi enim derelictus est pauper. Dicat igitur Diuus Cyprianus. *Serm. 6. de orat. Dom.* *Cum Dei sint omnia, habenti Dominum nihil deerit, si Deo ipse non desit*. Deeris autem Deo, si paupertatem impatienter tuleris: si verò patienter feras, tua non peribit patientia. Nam *patientia pauperum non peribit in finem*. *Psalm. 9*. Id est, secundum Chrysostomum, nunquam peribit, sed proprium fructum recipiet: quod non semper euenit laborantibus in rebus ad victum pertinentibus, qui finem intentum sepe non consequuntur pereuntibus laboribus. Agricola quidem expectat, & mercator: at non raro propter aeris iniuriam, aut aliunde fructus sui laboris excidunt. Sed pauperis habentis patientiam, fructus nunquam peribit. Si doleas quod pauper sis, dolebis igitur, quod diues, quod beatus, & Dei sis.

E *Pauper es*? Ergo liber es ab illa maledictione,
qua

qua diuites feriuntur, quibus ait Christus: *Pauperibus diuitibus, quia habetis consolationem vestram. Luc. 6.* Gaude priuari diuitiarum consolatione, quæ digna est Dominica maledictione. Eris etiam immunis à grauibz illis curis & sollicitudinibus, quibus opes ita mentem pungunt, & discruciant, vt merito Dominus eas appellet spinas, & diuitias fallaces. *Matth. 13.* Sicut enim spina dolorē creat & cum infigitur, & cum infixa manet, & cum extrahitur: sic diuitiæ magno labore acquiruntur, maiore timore conseruantur, & maximo dolore amittuntur. Audi Bernardum. *Serm. de conuers. ad Clericos.* Diuitiarum amor longè amplius desiderio torquet animam, quàm refrigeret usu, utpote quarum acquisitio quidem laboris, possessio vero timoris, amissio plena doloris inuenitur. Si igitur optes ditari, optabis pungi, & cruentari; & ita hac punctione inflari, vt tandem ad cæli introitum præpediaris, cum facilius sit camelum per foramen acus transire, quàm diuitem intrare in regnum calorum. *Luc. 18.*

Pauper es? Communem tamen habes cum diuitibus substantiam, præter quam si quid ipsi habeant, corruptioni, ac deperditioni est obnoxium. Vis autem scire quid tibi cum illis commune sit? Audi Basilium, *Homil. 3. in illa verba Moysi: Attende tibi ipsi. Victus, inquit, quotidiani indigus es? Ne tu proinde desponderis animum: contemplare bonarum quæiam à Deo tibi collatarum sunt, tum quæ in futurum promissione repositæ. Primum quidem homo es, solus Dei conditoris manibus formatus, adde ad imaginem illius, & qui potes per vitæ probitatem pro-*

prochei ad Angelicam dignitatem. Animam sortitus es intelligentia pradam, cuius solertia Deum agnoscis omnesque res naturales; tibi uni seruiunt animantia cuncta. Tuum inuentum sunt artes uniuersa. Nonne cælum suum astrorum chorum, ordinemque tibi ostendat? Quid igitur pusilla es animo? An quod desit equus frano argenteo ornatus? at Solem habes aureum toto die, & Lunam argenteam nocte tibi præradiantem. Non dormis in lecto eburneo? at terra ebore preciosior est, in qua requiem dulcem omnis cura expertem capessis. Non sunt laquearia aurea? atqui cælo regeris innumeris stellis radiante. Hæc humana sunt, sequuntur augustiora. Deus propter te inter homines versatus est; Spiritum sanctum misit, mortem deleuit, spem resurrectionis dedit; præcepta promulgauit, quæ vitam perficiant tuam, quorum observatio iter aperiat ad vitam æternam, coronam paratam illis, qui labores pro virtute non defugerint. Interim nec necessaria ad præsentem vitam deerunt, quæ causa non est, ut animo angaris. Hæc ille. Idem planè ostendit Ambrosius, qui etiam te consolatur his verbis. Attende tibi, pauper, quia anima tua pretiosa est; & si caro mortalis, diuturna anima; & si tibi deest pecunia, non deest gratia; & si non est domus ampla, non diffusa possessio; cælum patet; terra libera est. Omnibus in commune elementa donata sunt, patent æquè diuitibus, atque pauperibus ornamenta mundi. Nunquid pulchriora pretiosissimarum domorum aurata laquearia, quam cæli facies stellis insignita fulgentibus? Numquid latiora diuitum

Gg

rura,

ura, quam spatia terrarum? Maiorem domum tu habes pauper, in qua clamas, & exaudiris: Quid igitur quereris, si priueris quibus aliqui abundant quæ magis obsunt, quam profint? Sed gaudeas, quod hæc saltem habeas sine quibus nemo diues, & cum quibus nemo pauper (Quæ optima sunt, inquit Seneca, Ad Lucil. Epist. 12. communia sunt) Habes illa optima, esto contentus.

Pauper es? Et multi alij innumerabiles, qui Christi de paupertate consilium, & exemplum sponte sunt sequuti. Et primò quidem Apostoli, quorum nomine exclamauit Beatus Petrus: *Ecce nos reliquimus omnia, & sequuti sumus te, Mat. 19.* Deinde primi Christiani, qui pecuniam ex agris diuenditis confectam ad pedes Apostolorum deposuerunt; nec amplius quidquam suum esse dixerunt *Act. 4.* Martyres etiam, & alij, qui, teste Apostolo, *Heb. 10. Rapinam bonorum suorum cum gaudio susceperunt*, ne Christum desererent. Eremitæ insuper, Paulus, Antonius, Hilarion, Arsenius, Macharij, & alij eorum sectatores innumerari, qui omnibus opibus desertis arctissimam in victu, & amictu paupertatem professi sunt. Ordinum quoque religiosorum fundatores, Basilus, Augustinus, Benedictus, Bruno, Dominicus, vterque Franciscus, & quotquot eorum leges, vel regulas susceperunt. Denique nobilissimi quidam viri, qui deserto Regno, Principatu, vel magnis opibus, extremam paupertatem, vel mendicitatem elegerunt, vt Sancti Alexius, Rochus, Ioannes Calybita, Iudocus, & alij. Honoris tibi est illis assimilari, qui Christum pauperem volue-

voluerunt imitari. Hoc vnum te rogo, vt patienter illam saltem, & quam non potes effugere, sustineas paupertatem, quam ipsi sponte elegerunt propter æternam felicitatem; spreuerunt diuitias, quia generant vitia, rarò enim nisi cum vitiis congeruntur diuitiæ; vnde quidam, *Pier. Val. lib. 12. hier.*

De vitijs quod diuitiæ cumulentur apertum est.

Nomen idem vitijs, diuitiisque datum.

G Si dicas prædictos Sanctos paupertatem elegerisse propter eam, quam profitebantur perfectionem, illam verò te non profiteri; obiiciam ego tibi multos infideles, qui sola ratione naturali non solum paupertatem æquo animo tulerunt, sed etiam illam diuitijs prætulerunt. Illorum exemplo pudefacit Diuus Basilus, *Epist. 169.* quemdam Olymptum; qui paupertatem longè à finibus suis profligarat, eique proponit Zenonem, omnia in naufragio abijcientem, ac sibi congratulantem, quòd in vestem contritam, & laceram confectus esset; Cleanthem quoque, qui mercenariam operam suam fontibus hauriendis locauerat, vnde & ipse sibi victum comparabat.

Proponuntur alij Gentiles paupertatem colentes in confusionem multorum Christianorum paupertatem odio habentium, opibusque inhiantium. Socrates Philosophorum omnium, luculentissimus, pauper semper exitit, nudis pedibus incedens, sordido palliolo contentus, honores, & omnia terrena contemnens, *Laer.* Diogenes ita in omni vita paupertatem coluit, vt aduersus calorem, & frigus

G g 2 do-

dolio contentus fuerit : poculum fregit, rusticum, cauis manibus potantem intuitus. *Idem.* Tam felix ab Alexandro iudicatus est, ut Diogenem malle se esse dixerit, quàm alium quemquam, si non Rex Alexander esset.

Phocion Atheniensis, *Sabel. lib. 8. cap. 5.* grande auri pondus, quod ab eodem Alexandro dono offerebatur, pertinaciter repudiavit, testatus se auro regio non egere. Dignus, de quo quærat, maiorne fuerit Alexander, an Phocion, qui aurum Alexandri contempsit. Democritus diligens naturæ contemplator, usque adeò diuitias contempsit, ut non modò aliunde oblatas non accepit, sed eas etiam, in quibus natus erat, sponte publicarit. Itaque nihil præter ingenium possedit, vel quia noluit, vel quia non debuit.

Aristides multò iustius se paupertate gloriari posse credidit, quàm Calliam Atheniensium ditissimum opibus amplissimis: dictans nulli pauperiem indecoram esse, nisi qui inuiti ferrent, *Fulg. lib. 4. cap. 4.* Epaminondas Thebanus, cuius virtute, egregiisque facinoribus nemo audiendis satis expleri posset, in tanta rerum decessit inopia, ut domi eius vnum duntaxat ferreum spiculum, nihilque aliud necessarium repertum fuerit, ita publica impensa tumulatus est, *Ibidem.* Plures alios afferre possem eximios diuitiarum contemtores, & egregios paupertatis cultores; sed, ne tedio sint lectori, prætermitto.

Dico itaque cum Diuo Augustino, *Lib. 5. de ciuit. Dei. cap. 18.* qui aliquos ex illis ad paupertatem commendandam in medium attulerat.

Hæc

Hæc proposita sunt necessaria commonitionis exempla, ut si viuentes, quarum ista vicumque sunt similes, quas isti pro ciuitatis terrena gloria tenuerunt, pro Dei gloriosissima ciuitate non tenuerimus, pudore pungamur: si tenuerimus, superbia non exrollamur.

H Dicet tamen vestrum aliquis: unde omnibus bonis destitutus me alere potero? Respondet Diuus Cyprianus, *Serm. 6. de orat. Dom.* Dominum ideò nos docuisse orare: *panem nostrum quotidianum da nobis hodie.* Neque enim, inquit ille, deesse quotidianus cibus potest iusto, cum scriptum sit: *Non occidet Dominus fame animam iusti.* Prou. 10. Et iterum: *Iunior fui, etenim senui, & non vidi iustum derelictum,* Psal. 36. *Danieli in lacu leonum iussu Regis incluso prædium procuratur: alitur Elias in fuga, & solitudine coruis ministrantibus,* Dan. 14. Quasi dicat iste Doctor: Potuit Dominus hos reficere, potest, & te si adhibita omni tua ad viuendum diligentia, speres in illum, eique confidas; non enim est abbreviata manus Domini. Qui vetat ne Gentilium more de victu, & amictu solliciti simus, non deseret te, si, vt ipse præcipit, *queras primum regnum Dei, & iustitiam eius.* Matth. 6. Habet curam auium per aerem volitantium; & non geret curam hominum in terra degentium, in ipso sperantium?

Queritur Diuus Ambrosius, *Lib. 6. Examer. cap. 17.* quod de inopia queramur, & quod aliqui nolentes illam sufferre ad flagitia se conuertunt, nosque vt hirundinem consideremus, hortatur, *Nemo,* inquit, *de inopia queratur quod vacuas pecunia*

proprias ades reliquerit . Pauperior est hirundo , qua vacua aris abundat industria . Aedificat , nec impendit : recta attollit , & nihil aufert proximi : nec indigentia , & paupertate ad nocendum alij compellitur : nec in gravi filiorum imbecillitate desperat . Nos vero , & paupertas afficit , & inopia necessitas vexat , & plerosque cogit in flagitium , impellit in crimen , improuidi , & inertes iacemus ; cum de diuina miseratione tunc sperandum amplius sit , cum praesidia humana defecerint . Certum est autem , quòd tunc adsunt diuina subsidia , quando desunt humana praesidia .

I Attende precor , quid tibi dicat Psalmista : *Iacta super Dominum curam tuam , & ipse te enutriet , Ps. 54 .* Pondera verbum *enutriet* , hoc proprium est matris , quæ filium lactat . Si infans huiusmodi usum rationis haberet , matrisque amorem , & prouidentiam nosset , numquid sollicitudine , vel cura aliqua torqueretur , an secutum à matre alimentum haberet ? Minimè prorsus . Et tu igitur , ait Psalmista , caue ne victus , aut vestitus sollicitudine angaris ; iacta curam tuam in Domino , & ipse velut mater , quæ vnicè amat filium , enutriet te . Vides quàm à natura destitutus sit infans , qui nec se induere , nec cibum manibus capere , imò postulare quæ sibi sunt necessaria , nouit ? Mater illius ori mamillas applicat , nudum induit , à frigore , & calore protegit , in lectulum tollit , vt dormiat canit , & circum agit ; plorantem solatur , ridenti aridet ; infirmum curat , & nihil non facit , quod filio expedire considerat . Sic Deus cum pauperibus

bus suis se gerit. *Ipsa se curat*, quod mater infanti præstare solet, hoc ipse præstabit, imò quænam mater ut ille? Sæpe mater aut ignorantia, aut impossibilitate, aut negligentia circa infantis sui curam deficit. At Deus, cuius sapientiæ, & bonitatis non est numerus, deficere nequit. Audi quid dicat, *Isai. 49. Numquid obliuisci potest mulier infantem suum, &c. Quod si illa oblita fuerit, ego non obliuiscar tui. In manibus meis descripsi te.* Nihil autem præsentius nobis, quam manus nostræ: sic nihil Deo commendatius quàm nos; quorum ipse curam gerit. Vnde Ambrosius, in illa verba *Genes. 48. Pavi me ab adolescentia mea. Indecorum est, ait, homines curare de cibo, qui militent regno: novit Rex quemadmodum familiam suam pascat, alat, vestiatur.*

Idem David expertus illam Dominicam curam, dicebat: *Dominus sollicitus est mei, Psal. 139.* seu, ut legit Augustinus: *Dominus curam habet nostri.* Ideo adiungit ille Doctor: *Qui habuit tui curam, antequam esses; quomodo non habebit curam, cum iam es, quod voluit ut esses?* Propterea Divus Petrus vult ut simus omnem sollicitudinem nostram præiiciētes in eum, quia ipsi est cura de nobis. *1. Pet. 5.* Scis autem quando, & quomodo sis curandus, & subleuandus, iacta tantum super illum cogitatum tuum, & scito tibi, & omnibus dictum esse, quod aliquando à Domino Catharinæ Senensi dictum fuit: *Cogita de me, & ego cogitabo de te.* Tandem sic mihi liceat cum Divo Augustino, *Serm. 7. de tempore*, pauperes consolante, concludere. *Dico vobis, pauperes, qui men-*

G g 4 dicatis,

dicatis, quid de eleemosyna Christianorum vinitis : consolamini, consolamini; tribulatio vestra vertetur in gaudium, & dolor vester in letitiam. Non vobis sit ingratum, quod mendicatis; nec ideo in corde vestro aliquis contra Deum dicatis, quia ille iustus, & pius est, & te ideo fecit pauperem, ut sufferendo breuem inopiam, æternam vitam acquireret: patientes igitur estote, & expectate Dominum.

Ad Aulicos, vel potius ad eos, qui ab Aula, & Curia sui Principis inuiti recesserunt.

Caput. XV.

A Vomodocumque, ò Aulici, recedatis à Curia, siue sponte, siue coactè, deberem potius vobis congratulari, quàm vos consolari: verùm, quia huiusmodi recessus aliquam fortè vobis afflictionem parit, ideo consolantis modo, & non congratulantis personam geram.

Recessistis igitur inuiti ab Aula: scitote Deum permisisse, ut quod vestra voluntas renuit, præstaret aliena. Noluitis audire illam Lucani, *Lib. 8. de bello ciuili.* non tam poeticam, quam politicam admonitionem:

————— *Exeat aula,*

Qui volet esse pius. ———

Nec attendebatis ad id, quod iamdudum Propheta sanctus clamitauerat; *Fugite de medio Babylonis, ut saluet unusquisque animam suam. Jerem. 51.* Per medium intelligitur Aula regia, quia tunc in medio ciuitatis construebantur Pala-

Palatia, vbi Reges morabantur. Porro Babylon interpretatur confusio: fugere itaque de medio Babylonis, est deferere Palatium, siue Curiam regiam, quæ vt plurimum est omnis confusionis, æmulationis, fictionis, omnisque malitiæ centrum & officina, estque tenebrarum locus; in cuius rei testimonium, ingredientibus Magis Herodianam Aulam, stella quæ illos comitabatur, vel potius quæ suo coruscante lumine eos antecedeat, disparuit; quam postea ab Aula exeuntes viderunt, & gauisi sunt gaudio magno valde. *Matth.*

B Aulas Principum Daud appellat tabernacula peccatorum: sic enim ait. *Elegi abiectus esse in domo Dei mei, magis quam habitare in tabernaculis peccatorum. Psalm. 83.* Alij, vt Hieronymus, legunt, *in tabernaculis impietatis.* Alij verò, *in tabernaculis perturbationis.* Quia ibi multi impietatem profitentur; omnesque ferè perturbantur, tum ad captandam Principis beneuolentiam, tum ad obtinendum ab eo aliquod beneficium, quod cum non adipiscuntur, perturbantur; maximè si alios sibi præferri videant. Verè igitur sunt tabernacula perturbationis, cum illic perturbato potius quàm tranquillo animo viuatur.

Nam vt plurimum ibi ferè scelerum omnium procellæ, virtutumque inenarrabile naufragium: probi illic opprimuntur, pessimi prouehuntur, simplices iridentur, iusti vim patiuntur, audaces & impudentes eriguntur, soli illic prosperantur adulatores, susurriones, renunciatores, calumniatores, famidicæ, sycophantæ, parasiti, lenones, &

& alij similes ; adeò vt de Aula dicere possimus quod Apostolus de mordace lingua , quòd scilicet fit *iniquitatis vniuersitas* . *Iac. 3.* Vix illic reperitur gallus ad excitandum , sed potiùs finix ad adulandum , canes ad mordendum , psittaci ad garrendum , & leones ad deuorandum . Non ergo vos exiisse pœniteat à tabernaculis & receptaculis tantarum impietatum , & perturbationum .

Vocat etiam Paulus Curiam regiam , temporale peccatum , vel temporalem peccari iucunditatem , dum de Moyse Aulam Pharaonis contemnente sic scribit . *Moyfes grandis factus negauit se esse filium filie Pharaonis , magis eligens affligi cum populo Dei , quàm temporalis peccati habere iucunditatem* . *Hebr. 11.* Quasi dicat : maluit Moyfes pati , affligi , & opprobrijs affici cum Hebræis , quàm sibi oblatiis honoribus , & opibus abundare in Aula Pharaonis : sciebat enim temporalem illam Curie iucunditatem non carere peccato , ideo elegit potiùs affligi extra Aulam , quàm iucundari in Aula , *maiores diuitias estimans thesauro Aegyptiorum improprium Christi* . Id est , Moyfes in filium & heredem regni adoptatus , hoc regnum , illiusque thesauros cum improprio Christi commutauit .

C Queres , quodnam hic vocetur *improprium Christi* . Ribera propriè hæc verba accipit , & explicat : quòd scilicet Moyfes partim , ex fide , & traditione Abrahe , aliorumque Patrum cognoscens Christum pro genere humano passurum , partim spiritu prophetico præuidens speciatim inu-

iniurias & opprobria illi à Iudæis inferenda ; vt Christo patienti similis fieret , maluerit calamitatibus premi & affligi cum Hebræis, quàm delicias aulicas , ac ipsius tandem regni successionem acceptare . Improperium ergo Christi dicitur, non quod Aegyptij Moyſi intulerunt in odiũ Christi, vt pote qui de Christo nihil ſcitr̃et, ſed quod Moyſes Christi amore , reuerentia , imitatione, ſimilitudine, & vt repræſentaret opprobria Christi, forti & læto animo ſuſtinuit : quia ſi Ieremias hæc opprobria Christi præuidit , & in ſuis opprobrijs adumbravit, quidni & Moyſes ?

Illud autem obſervatione dignum arbitror, nulli cum Christo contumelioſius actum fuiſſe , quàm in Principum Aulis. Nam in domo Annæ fuit accuſatus : in domo Caiphæ alapa percuſſus : in domo Pilati virgis cæſus : in Palatio Herodis veluti amens deluſus , ac ab eiſdem penè infinitis opprobrijs, ac tormentis vſque ad crucis mortem damnatus ; cùm tamen in abiectorum hominum ædibus , multis obſequijs & honoribus fuerit honeſtatus . In ſtabulo adoratur à Magis ; à Simone Phariſæo inuitatur : à Zachæo in domum honorificè recipitur : ab Architricino ad nuptias vocatur : in domo Lazari conuiuatur : in ædibus Marthæ hoſpitatur . Hæc omnia præuidens Moyſes, ſi ſciuiſſet ſe ſimilia opprobria in Aula Pharaonis paſſurum , quæ Chriſtus in domibus illorum Principum, reuera elegiſſet potiùs in huiusmodi Aula, quàm cum populo Hebræo tunc captiuo & afflicto morari .

Chriſtus itaque in Aulis , & Moyſes extra Aulas

pa-

patiebatur: ut Christus opprobria sustineret; intrauit Aulas; & Moyses ut affligeretur, exiuit Aula. Vos verò non vultis Moyse, nec Christo assimilari, quia non in Aula cum Christo, nec extra Aulam cum Moyse vultis affligi. Novit autem Christus ubinam sitis ei assimilandi, atque inde saluandi, siue intra, siue extra Aulam: si modò cogamini exire, scitote hoc vobis expedire. Exeat igitur Aula, aut saltem se exiisse gaudeat, qui volet esse pius.

D Et non tantum, qui volet esse pius, sed etiam qui voluerit esse securus, fugiat Aulas. Multi enim minima occasione, quandoque etiam vel ob nudam quampiam suspicionem vitæ periculum subierunt, ut omnium gentium historiae testantur. Quantus vir Parmenio apud Alexandrum fuit? Tamen optimus senex, tam de patre, quam filio Rege præclare meritus, cum filio Philota miserabiliter necatur.

Eusenidem apud Ptolemæum grátia florentem iussu Regis suspensum fuisse legimus, hac sola ratione, quòd mulierem à Rege adamatam alloquutus fuerit.

Alcimenides, referente Plutarcho, Pannonianum instantum fastigium euectum, ut solus regni negotia magno cum Reipublice commodo administraret, capite truncavit, eo quòd negasset ibi esse locum venationis, ubi Rex asserebat.

Philippus Rex Macedonicus Aratum Sicyonium virum sapientia, iustitia, ac moderatione insignem, cuius consilio multa præclare gesserat, vna

vnâ cum filio, veneno tollit.

Valentinianus Imperator Aetium præstantissimum ducem, cuius opera ingentes Attilæ copias in campis Catalaunicis profligarat, falsa suspicione motus, interinimicurat.

Et quas Iustinianus in celeberrimum sui temporis ducem Belisarium causas seuitiæ alias, præter falsas suspensiones, habuit; cum eum post deuictos Vandalos ac Persas, omni dignitate oculisque priuauit, tum ad stipem emendicandam compulit.

Vnde veteres, teste Suida, rectissime præcepere: *Maiorem vitato virum*: multis enim etiam nostræ tempestatis vicis satius fuisset in caula, quàm in Aula commorari. Dicant igitur qui extra Aulam sunt, illud Senecæ:

Siet quicumque volet potens.

Aulæ culmine lubrico.

Me dulcis saturet quies.

Merito Thomas Morus, qui & ipse huiusmodi fortune aulicæ non fuit expers, ad quemdam amicum suum de suo ipsius statu aulico, hoc breui scripsit carmine.

Sape mihi iactas faciles ad Principis aures

Liber, & arbitrio ludis ut ipse tuo.

Sic inter domitos sine noxa sepe leones

Luditur, at noxa non sine sape metu.

Infremit incerta crebra indignatio causa,

Et subito mors est, qui modo ludus erat.

Tuta tibi non est, ut sit secunda, voluptas

Magna tibi est, mihi sit, dum modo certa

minor.

Cur

E Cur igitur dolemus, si à tot tantisque Aulae periculis eripiamur? Quantæ sunt nobis gratiæ Deo agendæ; quòd vel Principis iussu, vel invidientium persecutione, & calumnijs ab Aula nos recedere, etiam inuitos, permiserit? Nam quis ita fortis est, vt nunquam titubet, præsertim in tam lubrico loco, in quo multos alios cecidisse vidimus? State parumper in tuto, & in littore, & videbitis quanta euaseritis pericula: omnia enim sunt plena periculis.

Diuus Gregorius, *Lib. 6. Regist. epist. 190.* volens quemdam nobilissimum virum ab obsequio Imperatoris, ad quod aspirabat, retrahere, & ad vitam tranquillam Deo inseruiendo adducere, sic scripsit ad eum. *Esse in obsequio Principis, quantæ est mentis occupatio in appetitu terrene gratiæ, & quantus est timor, ne hæc eadem gratia perdatur, si adepta fuerit? Perpende ergo quæ pena sit, aut prosperitatis desiderio fatigari, aut aduersitatis timore pauescere: & quia in procellas & fluctus cordis tendis, verborum meorum funibus te adlatus reuoco; & strahentem sequi volueris, quæ pericula euaseris, quæ gaudia inueneris, in ipso quietis tuæ littore positus agnosces.* Videbis etiam quantas euaseris fraudes; nam secundum Senecam, in Hippo.

Fraudes sublimi regnant in Aula.

F Utinam, ò Aulici, ad vos ipsos reuertentes, interdum cum Diuo Augustino, *Lib. 8. Conf. cap. 6.* hæc verba promeretis. *Quid quarimus? cuius rei gratiam iuuamus? Maior ne esse potest spes nostra in Palatio, quàm ut amici Imperatoris simus?*

Q

Et ibi quid non fragile, plenumque periculis? Et per quot pericula pervenitur ad grandius periculum? Quandiu, Et quando istud erit? Amicus autem Dei, si voluero, ecce nunc fio. Non est certum, licet diu moremini in Aula, vos posse etiam post multa obsequia fieri amicos Regis, quia incerta est eius amicitia, incerta quoque sunt illius beneficia: & quamvis hæc omnia vobis certa forent, nescitis quandiu essent duratura hæc ipsa, quæ tandem certissimè sunt peritura: pro incertis & perituris laboratis, & de certo non curatis. Cum itaque certa sit vobis Dei amicitia, si illum diligatis: Regis verò incerta, etiamsi illi fideliter servieritis, sumite certum, & dimittite incertum.

Dicat insuper unusquisque vestrum cum Davide; *Et nunc, quæ est expectatio mea? nonne Dominus? Psal. 38.* Nunc, inquam, postquam ab Aula expulsus, aut sponte egressus sum: nunc; cognita miseria ac malitia aulica, *quæ est expectatio mea? nonne Dominus?* In Aula, nulla alia vobis erat expectatio, nisi Regis mortalis amicitia siue gratia: nunc autem extra Curiam, sit Rex regum, & Dominus dominantium expectatio vestra; cuius amicitia nulla potest adulatorum industria, nec æmulatorum malitia corrumpi, & qui abundè servos suos remunerat.

Solet Palatium à Latinis Basilica vocitari, & non immeritò, quia nonnulli asserunt derivari à Basilisco. Sicut enim istud animal visu suo interficit; ita in Principum Aulis veneficus oculus invidus semper viger: vnde præclare Divus Bernardus, *Lib. 4. de consid. Curia*, inquit, *plures bo-*

nos

nos recipit, quos non perficit, sed inficit. Poteratis quidem in Aula infici, sed non perfici: felix ergo vester recessus, erit enim causa vestri profectus. Notissima vox est apud Senecam eius qui in Aula Regia consenuerat, cum quidam illum interrogaret, quomodo rarissimam rem in Aula consequutus esset, senectutem, respondit, *iniurias accipiendo, & gratias sepe agendo.* Quis igitur ægrè ferat se deseruisse locum, ubi non poterat senescere, nisi multis afficeretur iniurijs, ac pro illis gratias ageret? Pudeat viros sublimes, & maximi ingenij, Aulas diligere, ibique tot pati repulsas, toties genua flectere, & semper coram Principe ad stare detecto capite, & ubi non sibi, sed alijs vivere coguntur, ob leuem quandam ac dubiam remunerationem.

G Theophrastus, ut testis est Plutarchus, exprobrabat Aristoteli, quòd relicta Academia mallet in Philippi Regis Aula versari. Vnde Diogenes irridendo dicere solebat, Aristotelem cœnare, quando Philippo: Diogenem verò, quando Diogeni placeret; eo quod non tam sibi, quàm alijs viuunt Aulici.

Idem Diogenes dicebat, Aristippum Philosophum Aulicum aureis teneri compedibus, ne posset exire; quod splendidiore Principum vita captus philosophicam vitam mentiretur. Verùm, quàm multi sunt, qui etiam nunc huiusmodi compedibus detenti, Christianam mentiuntur vitam, illasque amant compedes, contra illud Senecæ: (Stultum est, compedes suas, quamquam aureas, adamare?) Id tamen quàm studiosè faciant Aulici,

lici, nemo est qui non videat: seruitute enim voluntaria, eaque grauissima, nec propterea meritoria; imò interdum turpissima premuntur, *Cicero Philipp 12.* Attendant, quòd nihil est fœdus seruitute; ad decus, & libertatem nati sumus. Solutis tandem illis Aulæ vinculis siue inuidia, calumnia, falsa suspitione, aut quouis alio modo, dicite Deo; *Dirupisti vincula mea, tibi sacrificabo hostiam laudis*: & sic compedibus liberi in auctorem vestrum tendite. Sit enim illud benedictum, quo peruenitur ad Christum. De Aulico sic scribit quidam P. eta.

*Compedibus stricte, & maniciis adstringitur excors,
Plusquam seruili conditione miser.*

*Nam quæ seruitus est turpior, imò pudenda,
Quàm turpe, & fœdum sponte subire iugum?*

Gratias, inquam, agite Deo, quòd excusso tantæ seruitutis iugo, vobisque ianuis Aulicis exclusis, ad meliorem, & tranquilliorē vitam subtilissimis, mirabilibusque mediis vocati sitis, nec non, & liberi ad nullum aliud portandum iugum, præterquàm Christi, quod leue, & dulce est; Aulæ verò iugum graue: imò grauissimum, portatu difficillimum, & quod portantes atterit. Hoc experti estis; experiamini modò hoc Christi iugum, ad quod ferendum cælestes Aulici sic inuitant vnumquemque nostrum, *Basil hom. 52.* *Ad vitam te vocamus, ò homo; quid fugis vocationem? Ad bonorum participationem, quid negligis donum? Regnum cælorum apertum est: qui vocat non mendax est, via facilis est: non tempore, non sumptu, non negotio opus est. Quid cunctaris? Quid tergite-*

Hh

uer-

versaris? quidiugum times? bonum est, leue est, cervicem non atterit, sed glorificat. Portastis aliquando in Aula iugum Principis, quod graue est & non poteritis nunc extra Aulam portare iugum Christi, quod leue est?

H. Quamuis in quocumque statu cautè sit agendum, cum nullum sit vitæ genus, quod non insignia vbiuis sentiat grauamina: veruntamen periculosius versatur quis in Aulis Principum, quàm alibi. Idcirco, vt sine periculo, vel vt verius loquar, minori cum periculo vita in Aula transigatur, assignat Erasmus triginta tria præcepta, quæ omnia recensere non curo, tum quia ex eis quædam sunt ridicula, tum quia obseruatu sunt difficillima; & quæ postquam quis obseruauerit, vix intentum adipiscetur: duo tamen ex his asserere non verebor.

Vnum, quo iubet; *Nepudeat, aut pigeat assentari, Erasm.* Iam, ò Aulici, experientia didicistis nò posse quempiam commodè in Aula versari, nisi assentatoris, vel adulatoris personam gerat: cum in Aulis Principū ferè nascatur adulatio, quæ ideo, vt adnotat quidam quasi adaulatio dicitur. Vultis autè scire, quid sit adulator, aut adulari? Pediculis, vmbra, simia, coruis, & vermibus assimilari. Nam ait Plutarchus, *In moral.* sicut pediculi corpora exanima deferunt, vt pote defecto sanguine quoalebantur; sic adultores rebus prosperis adsunt, aduersas non attingunt. Et sicut vmbra, quidquid agas, respondet & adest, sic adulator quoquo reuertas, sequitur. Simia, cum nec domū possit seruare more canis, nec onera gerere, sicut equus, nec arare,

arare, veluti boues, parasitatur ac risum mouet: sic adulator cū in seriis ac grauib. rebus nesciat esse vsui, voluptatum minister est. Hæc ex Plutarcho.

Diogenes multò periculosius esse dicebat incidere in assentatores, quam in coruos, quibus quidem quàm similes sint, indicat Græcarum vocum affinitas. Græci enim κόρακας appellant coruos: vnica litera mutata κόλακας dicunt adulatores. Quoniam illi mortuos tantum impetunt, hi etiamnum viuus insidiantur. Anaxilas, vt author est Theophrastus, Lib. 20. cap. 33. adulatores esse diuitum vermes asseribat, qui criticum nacti non discedunt, donec vacuum reddiderint: sic illi apud diuites substantiam rodunt. Non igitur vobis curæ sit recessisse ab Aula, in qua toties cogebamini vilissimis illis animalculis æquiparari, quoties vobis contingebat assentari, quod omnino ridiculum erat.

I Alterum Erasmi præceptum istud est; *Vbi satis pingueris, excogitanda ratio est, vt, quod paucis contigit, feliciter ab Aula te subducas, tibi que viuas.* Rectè ait, paucis contingere, ab Aula feliciter recedere: de illo non est multum curandū, nec omnino dolendum, quod paucis accidit. Cæterum, cum excogitandam suadeat rationem exundi, certè vobis est exultandum, quod, si Aula exiistis, iam quod alij quærunt, inuenistis. Vobis itaque viuetis; & si domo vestra sitis contenti, eritis vosmet in ea veluti Principes: Aulici vestri erunt famuli; & erit familia vestra, Curia, in qua ad bene viuendum decem præcepta diuina

duntaxat sunt necessaria: atque ita Deo inferuientis, qui nouit, potest, & vult obsequia sibi exhibita remunerare: ac tandem dicetis; *perissemus, nisi perissemus.*

Si autem Monachus sis, quid tibi cum Aula? Cur doles eo loco exire quem nunquam debebas adire? Et cur non gaudeas ad claustrum redire, quo non cogebaris exire? *Ordo claustrum*, inquit, *Hugo, deduodecimabusson. & ordo Curia diuisus est. Ibi sedes in insidijs, cum diuitibus in occultis, ut interficias innocentem: hic audis, non sedi cum concilio vanitatis, & cum iniqua gerentibus non introibo. Ibi insidiaris, ut rapias pauperem, rapis pauperem, dum attrahis eum. Hic dicis: Odiui ecclesiam malignantium, & cum impijs non sedebo. Ibi dextera tua repleta est muneribus. Hic lauas inter innocentes manus tuas: ibi laudatur peccator in desiderijs anima sua, & iniquus benedicitur. Hic audis; Benedictus Deus in donis suis, & sanctus in omnibus operibus suis, Si vis esse Monachus curialis, laudas quod non debes, defendis quod non expedit: operaris quod non licet, loqueris quod non decet. Hæc Hugo.*

Ad viduas. Caput XVI.

Illas intendo viduas consolari, quas Apostolus vult honorari, scilicet quæ verè viduæ sunt, de quibus sic ad Timotheum, *Viduas*, inquit, *honora, quæ verè viduæ sunt. i. Timor. 5.* Illæ autem verè viduæ sunt, quæ non solum marito, sed, & omnium

& omnium hominum solatio viduatæ sunt, & derelictæ, omnique subsidio destitutæ, & quæ Deo, non delicijs intentæ, ac dicatæ sunt. Vnde vidua Græcè dicitur *χήρα*, à *χῆρᾰ*, quod est destituo, desolor, orbo: & mulier vidua, idem est quod destituta, priuata, cribata, præcipuè humano auxilio. Si quæ autem sit huiusmodi, cui debeat vacare, innuit idem Apostolus, cùm ait; *Qua verè vidua est, & desolata speret in Deum. Ibidem.* Talem Iob se fuisse consolatum affirmat. *Cor vidua consolatus sum. Iob 29.* Quia hoc mulierum genus maximè est obnoxium calamitatibus, plurimumque indiget auxilio & consolatione.

Verùm, quò persona quæque afflictior est, & miserior, eò diuinæ bonitati est commendatior. Itaque cum viderint viduæ se varijs affici miserijs, sperent in Deum, qui adeò illarum curam gerit, vt pro grauissimo scelere habeat viduarum causam negligere, aut eis iniuriam inferre. Vnde sic olim in illarum fauorem, & præcipiebat, & comminabatur. *Vidua, & pupillonon nocebitis; si laſeritis eos, vociferabuntur ad me, & ego audiam clamorem eorum, & indignabitur furor meus, percutiamque vos gladio, Exod. 12.* Omnium Deus audit clamorem, sed præcipuè viduarum, omnium etiam videt lacrymas, sed diligentius viduarum considerat, & quantæ sint virtutis illarum lacrymæ, ostendit his verbis. *Nonne lacryma vidua ad maxillam descendunt, & exclamatio eius super deducentes eas? à maxilla enim ascendunt vsque ad cælum, Eccl. 35.* Omnis aqua tendit deorsum, & ad ima; sed aqua lacrymarum vi-

duæ ascendit à maxilla vsque ad cœlum, vt contra lædentes pœnam extorqueant. Tot igitur emittuntur voces, quot ab eis funduntur lacrymæ. Itaque, ait Chrysostomus, *Hom. 5. de pœnitentia. ò inique, si viduam læseris, viduarum quoque prouisorum ad iracundiam prouocabis. Quis ad impietatem tam adeò ferox, tam princeps fuerit, qui sic à Deo defensas viduas lædat?*

B De quibusdam Iudicibus conqueritur Deus, quod causam viduæ non iudicauerint, eosque se puniendum promittit. *Causam viduæ non iudicauerunt, nunquid super his non visitabo, Ierem. 5.* Per eundem Prophetam hæc omnibus mandat; *Viduam nolite contristare, Cap. 22.* Quasi dicat: sufficiat viduæ tristitia sua; nam quatenus viduata, desolata est, nolo vt aliunde desoletur. Propterea Christus Dominus Scribis, & Phariseis male imprecatur; *Vae vobis Scribae, & Pharisei. hypocrite, qui domos viduarum comeditis. Matth. 23.*

Sciendum est, quòd licet Deus sit omnium Rex & Dominus, omnium Pater, & Iudex; specialiter tamen dicitur *Rex regum, & Dominus dominantium*, & apud Psalmistam. *Pater orphanorum, & Iudex viduarum; Psalm. 67.* Hoc obseruat Diuus Chrysostomus, *Hom. 5. de pœnitentia.* atque huius rationem assignat: *Deus magnus, inquit, Rex est regum, & Dominus Dominantium. Idem ipse sui dignitate excellens Pater inuenitur orphanorum, & Iudex viduarum. Duo facit, & clementiam ostendit, & potentiam punit: sese Patrem fateitur orphanorum, quò calamitosos soletur, potentesque terreat, ne orphanis, & viduis molesti sint. Non gloriatur,*

rum, nec se extollant Reges, & Principes, cum Deum habeant, qui dominetur eis: non tristentur, nec animum deiciant orphani, & viduæ, cum eundem Deum habeant Patrem, protectorem, & Iudicem.

Hanc ipsam rationem affert idem Doctor, Epi. ad viduam iuniorem, volens aliquam consolari viduam, ad quam sic scribit. *Quod tot repente concurrentibus malis, non te aegritudo absorbuerit, non de naturalis mentis statu sis deturbata, non humani auxilij hoc est, sed patris misericordiarum, & Dei totius consolationis. Nam quamdiu vivebat vir tuus ipse, ut homo tamen, cui curam gerebat, quia verò illum ad se vocavit Dominus, ipse illius loco nunc se substituit tibi; neque hoc meum est, sed Prophetæ: Pupillum & viduam suscipiet; & rursum, idem Prophetæ Deum vocat Patrem orphanorum, & Iudicem viduarum. O vidua, qui tuo te priauit marito, suo non te priuabit auxilio: antea hominem tantum habebas Iudices sollicitantem: nunc autem Deum habes Iudices iudicantem; inò tuū se constituentem Iudicem.*

C Quæritur, cum Deus sit Pater, & prouisor etiam viduarum, cur potius illarum Iudex dicitur? Cæteris rationibus prætermiſſis, respondeo Deum ideo vocari Iudicem viduarum, ut innuat verè ab eo illos esse iudicandos qui viduis grauamini sunt; illasque lædunt: hominum quidem poterunt euadere iudicium, non Dei, qui causas illarum vindicat, & iudicat, sibi que specialiter reſeruat, cum non possint proprias, nec aliorum rueri causas, ob silentium omnibus fæminis. sed

præcipuè viduis impositum. Vnde Hebræi viduæ vocant *almanah*, quasi ab *alam*, quod in *Niphal* est obmutuit, vel, non valens litigare. Ita enim dedecet à mulieribus etiam viro orbatis, iudicia exerceri, vt proximi signum Antichristi Sibylla Erythræa predixerit vnus Imperium viduæ, quæ de re Petrus Gregorius. *Lib. 47. Synagm. cap. 11.* Cum igitur viduæ non possint se defendere, nec virum habeant, qui eas defendat, Deus ipse illarum se declarat Iudicem ac defensorem: & non tantum defensorem, sed, & ipsarum piarum actionum speculatorem, laudatorem, & remuneratorem. Legimus enim apud Marcum, *cap. 12.* quosdam amplas misisse pecunias in gazophylacium, quibus omnibus vnâ prætulit viduam, cuius tanti fecit duo quæ misit minuta, vt discipulos conuocauerit ad illam commendandam; *Et conuocans discipulos suos, ait illis: Amen dico vobis, quoniam vidua hac pauper plus omnibus misit, qui miserunt in gazophylacium.* Tatò maiora apparent dona eorum quos diligimus, quantò eis sumus propinquiore. Multi miserant ampliora dona, nam diuites, ait Euangelista, *iactabant multa: sed parua Deo videbantur*, quia Dominus non tam propè illis aderat, sicut huic pauperculæ viduæ. Certum est enim, quia, *iuxta est Dominus his qui tribulato sunt corde, Psal. 33.* Ecce quomodo vel minima bona opera viduarum Deo gratissima sunt.

Nolite igitur statum vidualem ægrè ferre, cum Dominū habeatis Iudicē, ac protectorem, qui lacrymas vestras ad cælum ascendere facit, quanto magis animas vestras? quique vos Regibus, Principibus,

Principibus, Iudicibus, singulisque personis commendat, nonne & ipse vos commendatas habebit? & qui omnes vestros audit clamores, vestraque bona opera considerat, laudat & remunerat, & qui plenariam promittit indulgentiam defendentibus vos. *Defendite viduam, & venite, & arguite, me, dicit Dominus. Si fuerint peccata vestra sicut coccinum, velut nix dealbabuntur. Isai. 1. Si Deus vobiscum, & pro vobis, quis contra vos, nisi fortè vos de Deo diffidentes?*

D Quàm etiam sint viduæ Domino Deo curæ, Scriptura multis in locis commemorat. Elias inter innumeras fœminas ad Sarepthanam viduam diuertere diuinitus iussus est, *3. Regum 17. de qua sic Ambrosius. Lib. de viduis. Cùm in omni terra esset fames maxima; vidua tamen Deo cura non defuit: ad alendam eam Propheta directus est, & quæ fructus fœcunditatis amiserat, pietatis emolumenta non perdidit. Nam & solatium mœroris, & subsidium paupertatis inuenit. Per Elisæum, 4. Regum 4. quoque Dominus alteri viduæ, ac duobus filijs eius subuenit. Nohemi vidua sancta, Ruth. 1. cum vtraque nuru sua summam à Deo benedictionem consequuta est. Christus etiam, Luc. 7. viduæ filium ad vitam reuocauit, & misertus illius consolatus est eam, monuitque ne fleret. Idem Dominus vocat Iudicem iniquitatis, qui viduam iudicio non defendit. Act. 9. Diuus Petrus viduarum precibus commotus, Dorcadem defunctam virtute Christi resuscitat. Non est abbreviata manus Domini: qui dignatus est huiusmodi viduis per seipsum, auc
per*

per suorum ministerium succurrere, potest & vobis per alia, aut similia media, si vobis expedire agnoscat. Quòd si non subueniat, nolite animum despondere. Interdum enim Deus videtur denegare subsidium, vt augeat meritum. Beatas vos prædicat Ambrosius, *Lib. de viduis*. si exiguis fletibus, modicis laboribus, transitoria paupertate præmia acquiratis æterna.

Fœlix insuper viduitas, quam tanti Dominus fecit, vt natus de Virgine, prædicari postea voluerit à vidua, scilicet ab Anna filia Phanuel, quæ testante Luca 2. vixerat cum viro suo annis septem, & fuit vidua vsque ad annos octuaginta quatuor, & non discedebat de templo, ieiunijs & obsecrationibus feruens nocte ac die, & loquebatur de Christo Domino omnibus, qui expectabant redemptionem Israel: de illa sic scribit idem Ambrosius, *Lib. de viduis, & in Luc. Anna effœta iam corpore, cui diuersorium in templo fuit, colloquium in prece, vita in ieiunio, stipendys viduitatis, & moribus talis inducitur, vt digna planè fuisse credatur, quæ Redemptorem omnium venisse nuntiaret*. Si viro ligata fuisset, fortè hæc bona opera non exercuisset, quia non in templo, sed domi mansisset, vt viro placuisset: & nisi talibus vacasset, Dominum non prædicasset; & cui nulla erat ad virum conuersio, tota fuit ad Dominum conuersa. Nouerat enim iam Christo nato recessisse tempus amplexandi, & aduenisse tempus longè fieri ad amplexibus: Eccl. 3. vnde de illa sic loquitur Augustinus. *De bono viduitatis. Secundas nuptias recusauit, quia nouerat iam tempus esse quo*
Chri-

Christo, non officio parienti, sed studio continendi melius seruiretur.

E Non lugeant igitur quæ viro priuantur, cui placere cogebantur. *Qua nuptia est*, inquit Apostolus, 1. Cor. 7. *cogitat quæ mundi sunt, quomodo placeat viro.* Facilius autem & utilius est Deo placere, quam viro, cui sæpe displicent piæ exercitationes, ieiunia, eleemosynæ, frequens Sacramentorum usus, ac similia bona opera, quæ omnino Deo placent, & quibus liberè viduæ vacare valent. Nam secundum eundem Apostolum, *mulier innupta cogitat quæ Domini sunt.* Sit tantum vobis curæ cogitare de Deo, eique placere. Audite Augustinum, de bono viduitatis ad Iulianam, sic vos adhortantem. *Quicquid intentionis animi etiam his rebus impenderetur, quibus placendum esset viro, colligere quodammodo & redigere debet innupta Christiana in eam intentionem, qua placendum est Domino: & videat cui placeat quæ Domino placet. Placete itaque tota intentione specioso forma præ filiis hominum. Placete illi, qui displicuit mundo, ut placentes ei liberarentur ex mundo.*

Vultis scire, cur interdum Deus permittat mulierem fieri viduam? Audite, precor, Diuum Fulgentium, Epist. 2. ad Galbam sic scribentem. *In eo quod ex coniugata facta es vidua, donum Dei auctum tibi magis existima, non ablatum. Neque enim te deseruit, qui tibi sequendam viam vitæ melioris ostendit. Gradibus te voluit Dominus ad meliora conscendere, ut primitus coniugata cum uno viro fideliter viueres, quod postmodum sine difficultate absque viro vidua permaneres.* *Ad hoc igitur*

ani-

animum tuum divina gratia coniugali castitate nutrit, ut quæ didiceras illo vno viuentē alterum non querere, disceres ab omni viro vidua contineri. Itaque secundum illum Doctorem in viduitate non aufertur donum Dei, sed augetur: non mulier deseritur, sed ad meliora deducitur: viro mulier priuatur, ut Deus acquiratur, & ei vni seruiatur.

Hoc agnouerunt, ac executioni mandarunt nobilissimæ quædam fæminæ, quæ factæ viduæ totas se Deo sacrarunt. Paula Romana defuncto marito, spretis omnibus carnis illecebris, ac sæculi huius oblectamentis, vni tantum Deo vacauit: illius exemplum secuta Blefilla eius filia, idem prorsus præstitit immatura viduitate præuenta. Melania statim mortuo marito, ac nondum sepulto, viduitatem, suam Domino consecrauit. Eufrasia vidua Romana, licet alioquin ætate florida, facie venusta, nobilitate clara, diuitijs affluens, & ab Imperatore rogata secundas inire nuptias, id constantissimè recusauit, & in Thebaidem se contulit, vbi Deo inseruiendo perpetuam coluit viduitatem. Elisabettha Regis Vngariæ nata, viro orbata, regalibus delicijs contemptis, in curandis pauperibus infirmis tota incubuit, nullum præter diuinum admittens sponsum, quem in singulis illis egenis contemplabatur.

F His inferiorem non arbitror Olympiam Constantinopolitanam viduam, quæ, cum per annum & dimidium duntaxat vir eius post initum matrimonium superuixisset, & ab Imperatore Theodosio

dosio virum alium accipere moneretur, sapienter respondit: *Si Dominus voluisset me viro nuptam esse, non tam citò illo me orbasset, quia ergo agnovit, non amplius expedire mihi coniugium, coniugem abstulit.* Utinam, ò viduæ, hoc responsum vestris infingeretur mentibus. Si Deus vellet vos coniugatas, maritum viuere sineret; nouit Deus, cur vobis subtrahatur, qui prius concedebatur. Ille dederat, ille abstulit, & tunc abstulit, quando ita vobis expedire agnovit. Interdum plus diligitur maritus, quàm Deus, atque in eo plus confiditur, quàm in ipso Deo; sæpe etiam diuinum relinquitur officium, vt viro præstetur obsequium, quod non potest esse sine culpa, à qua vt essetis immunes, factæ estis viduæ: opportunè enim tollitur, quem Deus præuidet futurum vobis impedimentum ad illi seruiendum.

Meritò Diuus Chrysostomus, *Hom. 6. in 1. ad Thess. 4.* quandam increpabat viduam, quæ plus æquo lugebat maritum, quem ardentius adamabat, quàm Deum, & in quo plus sperabat, quàm in Deo: asseritque ideo fuisse ei ablatum, vt disceret illum solum diligendum, pro quo sunt omnia negligenda, ac in eo sperandum, ad quem solum est aspirandum. *Quamobrem*, inquit, *luges maritum? quod sperabas fortè te securiorem in vita futuram. At hoc ipsum quanta est incredulitatis, te de illo id sperare, & non de Deo? Quomodo non putas Deum irritari? Nam plerumque ob id ipsum eos auferit, ne spẽ in his colles.* Aemulator enim est Deus, & vult à nobis omnium potissimum adamari, idque earatione, quod nos vehementer amet: propterea

☉ *Deus tibi maritum abstulit. Quem negligebas amare dantem, ama auferentem. Cur confidebas in viro morturo, & non confidis in Deo immortalis? Non ideo tibi maritum abstulit, ut te solam desereret, sed ut illum solum diligeres.*

G Nescio, an debeam laudare Valeriam, quæ rogata, cur amisso viro suo Seruio, nulli vellet nubere, respondit; *Quoniam mihi semper viuit maritus.* Quòd iterum noluerit nubere, laudo: quòd sibi viueret maritus, non laudo; quia tantum Deus ei viuere debebat, qui ideo permittit maritum mori, ut ipse solus viduæ viuat. Nec valde laudanda est Martia Catonis filia, quæ cum semper virum defunctum lugeret, interrogata, quem diem vltimum haberet luctus; respondit: quem & vitæ. Non est ille perpetuò lugendus, cui non prodest luctus, nec celebrandus fletibus, sed inuandus precibus. Verumtamen sunt illæ quodammodo excusandæ, quia Deum immortalem sponsum non nouerant, qui illis viueret, & cui inferuient. At verò viduis Christianis solus debet viuere Christus, ut mori, & viuere possint in Christo, cui omnia viuunt. Vnde Augustinus, *de bono viduitatis*, sic viduas alloquitur. *Currite ad illum per illum: pacete illi ex illo: uiuite cum illo, in illo, de illo.*

Istis fuit Dido similis, quam Poeta se vniuiram viduam deprædicantem inducit; *Virg. 4. Aeneid.*

Ille meos primus, qui me sibi iunxit, amores Abstulit, ille habeat secum, seruetque sepulcro. Hæc respondebat his qui illam ad secundas nuptias inuitabant. Si Deum agnouisset, illi soli uiuenti,

uenti, & non viro mortuo fortè suos iunxisset amores. De illa sic scribit Hieronymus, *Epist. ad Saluinam. Si communi lege natura damnat Gentilis vidua omnes voluptates: quid expectandum est à vidua Christiana, quæ pudicitiam suam non solum ei dat qui defunctus est, sed & ei cum quo regnatura est?* Ferte patienter viduitatem, ac viduitatis incommoda, propter ipsum cum quo optatis perpetuo regnare. Non sit vobis curæ alium virum quærere, quæ Deum habetis, qui potest vos ab omni malo eripere. Ille vestri curam suscipiet: sic enim de illo scriptum est; *Pupillum, & viduam suscipiet, Psalm. 145.* Ille vestros percipit gemitus, numerat lacrymas, labores considerat, ac pro illis vos remunerabit, si pro illo patienter omnia feratis.

H Sit ille vobis vltimus sponsus, qui primum dederat, quem à vobis abstulit. Quid cogitatis de secundo, aut tertio, quæ non sine incommodis cū primo vixistis? Cur iterum subdi quæritis, quæ liberæ estis? Cur vultis denuò alligari, quæ solutæ estis? Quis scit, an secundus vir futurus sit melior, quàm primus, aut saltem ita bonus? Hoc pulchro dilemmate utebatur vidua quædam Romana, nomine Anna, à consanguineis suis obsecrata, vt iteratò matrimonium contraheret. Aut, inquebat, futurus mihi maritus bonus, vel malus eua- det: si bonus, vexabit me semper timor mortis illius: si verò malus, expedit magis mihi malū hoc non experiri. Aliud quoque dilemma affertur à D. Hieronymo in epistola ad Furiam. Si, inquit, *habes liberos, nuptias quid requiris? Si non habes,*
qua-

quare expertam non metuis sterilitatem, & rem incertam certo præfers pudori? Scribuntur tibi nund sponſales abula, ut post paululum testamentum facere compellari: simulabitur mariti infirmitas, & quod e mortuam facere velit, ipse victurus faciet: aut si euenerit, ut ex secundo marito habeas filios, domestica oriatur pugna, intestinum prælium. Non licebit tibi amare liberos, nec a quis aspicere oculos quos genuisti. Clam porriges cibos, inuidebit mortuo. & nisi oderis filios, adhuc eorum amare videberis patrem. Quod de priore uxore sobolem habens domum te introduxerit, etiam si clementissima fueris, omnes Comædi, & Mimigraphi, & communes Rhetorum loci in nouercam saeuissimam declamabunt: si priuignus languerit, & condoluerit caput, infama-beris ut malefica: si non dederis cibos, crudelis: si dederis, venefica diceris. Oro te, quid habent tantum boni secundæ nuptiæ, ut hæc mala valeant compensare? Hæc ille, quibus ostendit quanta secundas, aut tertias nuptias sequantur incommoda. Nolite igitur illos lugere, qui sæpe vos lugere, & egere fecerunt. Quid vobis cum viris, qui non vos, nec vestros, sed vestra quærunt? Deo potius intendite, qui non vestra, sed quærît animas vestras. Contendat vnaquæque vestrum ita se gerere, ut tandem dicere possit; *Sedeo, ut regina, & vidua non sum.* Apoc. 18.

Ad coniugatos, ut mutuos defectus patienter ferant. Caput XVII.

A NOSTRUM hunc Clypeum etiam coniugatis offerre non auderem, nisi Apostolum audi-

audirem de illis non tam dicentem quàm prædicentem; *Tribulationem carnis habebunt huiusmodi. 1. Cor. 6.* Vbi ergo reperitur tribulatio, ibi non erit iniucunda consolatio. Sperabant fortè nubentes saltem ex ipsa carne delectamentum: sed Apostolus asserit in ea reperiri tormentum. Quid igitur ex alijs ad coniugium spectantibus sperandum est, quæ non nisi anxietates, sollicitudines, & labores afferunt? Hoc egregiè adnotat Diuus Hieronymus, *Lib. 1. contra Iovinianum*. Si, inquit, nubentibus etiam in carne tribulatio est, in qua sola videbantur habere delicias, quid ergo erit reliquum, propter quod nubunt; cum, & in spiritu, & in anima, in ipsa carne tribulatio sit? A cantu nuptiæ incipiunt: in luctum desinunt. Paupertas coniuges affligit, zelotypia vexat, rixæ incendunt, curæ premunt, matrimonij pondus obruit, mors denique separat.

Est coniugium veluti nauigium. Qui nauigant multis se exponunt procellis, ventis & tempestatibus, quæ dum accidunt, patienter ferunt: sciunt enim nullum debere mari se committere, qui non nouit maris pericula, & labores tolerare. Nemo matrimonio iungatur, nisi matrimonij labores libenter patiat. Est vxor socia, & comes huius nauigationis, idcirco cum illa pacificè viuendum, ut prosperè cuncta succedat: vnde sic hortatur Diuus Chrysostomus, *Hom. 26. in epist. 1. ad Cor.* Omnia faciamus, ut uxorem vitæ sociam, & huius nauigationis, & navis summam cum tranquillitate domi contineamus. Hoc pacto cetera omnia tranquilla succedat, & securè præsentis vitæ pelagus transmittemus.

Idem Doctor *Loc cit.* non tantum vocat vxorem sociam, sed & portum huius nauigationis: sic enim scribit. *Portus est mulier, & maximum securitatis remedium.* Caueant nauigantes, ne in portu fiant naufragantes. Ita se gerant vxorati, vt coniux sit illis portus refugij, non causa repudij; illam iniuriis, & verberibus non afficiant, ne in ea deficient: vnde addit ille Doctor, *Ibidem.* *Si perturbatione, & tumultu impleueris, tibi ipsi longè strues naufragium.*

Meminerint coniugati, quod sunt ligati; *Alligatus ex vxori? noli querere solutionem.* 1. Cor. 7. ait Apostolus. Si premat ligamen, recurre ad solamen: non quæras solutionem, sed consolationem. Hæc verba Apostoli exponens Diuus Chrysostomus ostendit, quomodo inuicem ligentur vxorati. *Quemadmodum*, inquit, *serui fugitiui singuli separati vincti a suis dominis, rursumque tenui catena inter se constricti vniuersi, quod compedibus catenæ virinque affixis, alius alium sequi cogitur, liberam non habent abeundi facultatem: sic coniugum animæ cum propriam sui curam sustinent, tum altera premuntur necessitate à communibus coniugij vinculis imposita, quæ eò grauius urget omnibus vinculis, & hoc ipso ab viroque libertatem aufert, quod alteri ne semel quidem principatum defert, sed virique distribuit.*

Patienter ferte hoc vinculum, quod vobis afferret subsidium, si nullum inter vos sit dissidium. Audi Plutarchum. *Vt vincula*, inquit, *ex commissura vires accipiunt: sic ex consensu viri, & mulieris familia statuit.* Vestro consensu ligati estis,

estis, eodem protegimini necesse est. Non sit vna pars alteri impedimento, quæ data est ei pro adiumento? nolite ei detrahere cum qua voluistis contrahere. Hoc vinculum facit vos vnum corpus, iuxta illud, *erunt duo in carne vna. Gen. 2.* Dico itaque cum Diuo Chrysostomo; *Sicut corpus nunquam à seipso dissidet: ita virum, & mulierem non conuenit dissidere.*

Mirentur, & imitentur coniuges boum illam singularem mansuetudinem, & concordiam in iugo ferendo: nulla inter eos lis, nullum iurgium nulla est rixa, nullus morsus. Sicut constringi oportet bonum iugum, non laxari, vt terram proscindere possint; sic coniugum iugum amoris, & pacis vinculo oportet obligari, vt res domestica, totaque familia rectè possit administrari. Non sit vir vxori leo; non enim potest bos cum leone iugum ferre: vnde à Sapiente *Eccl. 3.* monetur maritus, *Noli esse sicut leo in domo tua, &c.* Non sit etiam vxor viro importuna & nequam, nam iuxta eundem Sapientem, *Sicut bonum iugum, quod mouetur; sic mulier nequam. Eccl. 26.* Sed simul patienter ferant matrimonij iugum. Dicent aliqui. D durum est hoc iugum. Esto, non diu durabit. Nonne auditis Apostolum coniugatis loquentem? *Tempus breue est, &c. 1 Cor. 7.* Tandem hoc iugum excutietur, & præmiū patienter illud ferentibus promissum nunquam finietur. Deus igitur qui vos coniunxit, simul illud ferre vobis iniunxit.

B Tanta est enim reuerentia, quæ debetur huic vinculo matrimoniali, vt propter illud debeat vir patienti animo ferre defectus vxoris, &

vxor defectus viri. Ad hoc hortatur Diuus Bassilius, *In Exam.* omnes coniugatos, proponens eis exemplum viperæ, & murenæ marinæ: sic enim scribit. *Vipera genus est serpentium omnium exitiosissimum, murana marina nuptias expetit, & sibi lo suam significat presentiam, eamque è gurgire vasto inuitat ad nuptiales complexus, illa autem obremperat, & coit cum venenato. Quid hac mea ratio vult? Quid portendit? Sine asper sit cuiuspiam coniux, siue ferus moribus, perferat illum mulier vxor necesse est, nec vllam prorsus ob causam societatem, vinculumque dissoluere patiatur. Feritne, verberatne estque percussor? At vir tamen est tuus. Temulentusne? At tibi est natura coniunctus. Durusne, morosus, implacidus? At membrum iam tuum est. Audiat & ipse vir accommodatam, seque decentem admonitionem. Vipera virus ob nuptiarum venerationem euomit, tu duritiam animi, tu feritatem, tu crudelitatem ob vniionis reuerentiam non deponis? Ille vinculo coniugali facit iniuriam, qui suam non deponit malitiam. Derelinquat igitur vtraque pars quod vni molestum, & durum est, & Deo displicet.*

Christus Dominus adeò delectatur coniugali concordia, vt licet dixerit; *Veni separare hominem aduersus patrem suum, & filiam aduersus matrem suam, & nurum aduersus socrum, Mat. 10.* nihilominus inter virum, & vxorem nihil voluerit seminare dissidij. Ideo nunquam dixisse legimus; *Veni separare virum aduersus vxorẽ suam, siue vxorem aduersus virum.* Hæc adnotatio est Abbatis Ruperti, *Lib. 5. de oper. Spirit. Sancti*, sic scribentis;

No.

Notandum est, quod cum ceteras affinitates dixerit, filium aduersus patrem, & filiam aduersus matrem, & nurum aduersus socrum, non dixerit tamen, virum aduersus uxorem. siue uxorem aduersus virum &c. Vt nullam daret coniugibus causam discordiæ, sed vt inuicem pacificè manerēt, mutuo se diligenter, atque mutuos defectus patienter ferrent.

Qualiter vir se debeat habere erga uxorem, optimè insinuat Sapiens his verbis; *Sit tibi uxor sicut ceruacharissima, &c. Prou. 5.* Dicunt Naturalistæ ceruum, & ceruam carere felle: vnde olim, teste Plutarcho, in connubiis pronubæ Iunoni sacrificantes, fel eximebant, & abiiciebant: quo significabatur coniuges debere esse sine rixa, & felle impatientiæ. Sit itaque vir uxori sicut ceruus, & uxor viro sicut cerua, deponantque omnem amaritudinem.

Præterea, cerui, teste Plinio, *Lib. 8. cap. 32.* quando transnatant, & transfretant maria, vel flumina, gregatim porrecto ordine incedunt, & ope vicaria sustinendo lassos, & debiles, se iuuant terram perunt. Est hic mundus veluti mare, in quo variæ oboriuntur tempestates, ac multi enascuntur tumultus; vt igitur coniugati securè mare huius mundi transfretare, & ad cælum tandem valeant euolare, necesse est, ope vicaria proprios defectus, propriamque imbecillitatem supportent, & patiātur, & sint *cum patientia supportantes inuicem, Ephe. 4.* illis præcipuè dici potest: *Alter alterius onera portate. Gal. 6.* Alter alterius mores ferat, licèt sibi, suæque conditioni dissimiles, licèt asperos, licèt

petulantes, licet morosos, & iracundos.

Innuir, & Apostolus, qualiter vir teneatur vxorem diligere, ac illius defectus tolerare, dum ait; *Viri diligite vxores vestras, sicut & Christus Ecclesiam, &c. Eph. 5.* Nunquam Christus Ecclesiam sponsam suam odio habuit, licet in ea sint quamplurimi mali, & peruersi filij; imò illos patienter fert, vt resipiscant, & pœnitentiam agant: ita vir nunquam debet vxori esse molestus, licet in ea sint aliqui defectus, sed illam benigne monere.

C Varro in Satyra Menippea scribens de officio mariti, sic ait; *vitium vxoris, aut tollendum, aut tolerandum est.* Dico & ego, vitium vxoris, vel ad Deum precibus, & modestis monitionibus tollatur, vel bonis propositis, & Christiana patientia propter Deum feratur: nunquam autem vir irascatur, & sese excruciet ob vxoris defectus Socrates rixosam habebat vxorem, quæ semper iurgia excitabat, vt illo studente, mensam euerteret. Aliquando post diuturna iurgia ira commota, quod ille taceret, aquæ poculum capiti eius illa superfudit. *Non ignorabam,* inquit Socrates, *post tonitrua pluuiam secuturam.* Ad quem Alcibiades domi nobilis: *Quomodo,* inquit, *persers hanc rixosam vxorem, nec domo eiicis?* Cui Socrates: *Qui ouis vesci vult, glorientium gallinarum strepitum offendi non debet. Equidem sic domi patientiam disco, vt foris melius exeroere queam.* Propter oua ferimus importunos gallinarum cantus; & tu propter filios, aut potius propter Dominicum & apostolicum præceptum de diligenda & toleranda vxore, ferre non vis, si quid sit in ea imperfectionis.

De

De hoc, ni fallor, Philosopho loquebatur D.
Chrysostomus, *Hom. 26 in 1. ad Cor.* dum sic scri-
bit. *Fertur quendam externorum Philosophorum,*
cum haberet malam uxorem, prauam, & temulen-
tiā, & interrogaretur qua gratia eius mores tolera-
ret, respondisse; ut gymnasium & palastram philoso-
phia domi habeam: ero enim cum alijs mansuetior,
cum in ea toleranda quotidie erudiar. Qui igitur ri-
xosam uxorem experitur: aut vxor quæ virum ha-
bet morosum, cogitet se habere apud se domesti-
cum patientiæ exercitium, vt discat alia quæuis
facilius perferre, & superare.

Iuuat audire eundem Chrysostomum, *Loco cit.*
omnes maritos adhortantem. *Si aliquid molesti*
domi contigerit, si quid vxor peccauerit, consolare,
& noli augere merorem: licet enim omnia proicias,
nihil molestius continget, quàm non habere beneuo-
lam aomi uxorem. Quod si onera inuicem ferenda
sunt, multò magis vxoris, si pauper sit, noli exproba-
re, si stulta, noli ei insultare, sed esto modestior; tua
enim vxor est: si ebria, si iracunda, dolendum est,
non irascendum, & Deo supplicandum, & ipsa ad-
monenda, & adiuuanda consilio, & omni cura ni-
rendum, vt his affectibus liberetur.

Consideret vir suam dignitatem, & vxoris
ferat imbecillitatem. Vir est caput mulieris. Non
debet caput alicui membro molestum esse. Sibi ca-
put consulit, dum membrum sibi vnitum ferre,
& fouere discit. *Considera,* inquit idem Doctor,
Ibidem. *Debile quidem esse mulieris genus, tu*
autem vir, propterea princeps factus es, & ca-
pus eis, vt subdita feras imbecillitatem, illustra-

igitur tuum principatum ; quod facies , si subdita non insultaueris . Demens habetur , & sibi facit iniuriam , qui vxorem afficit iniuria , & contumelia . Vnde idem exclamando . *Quonam pacto , ait , non ultima dementia est , eam afficere contumelia , propter quam parentes Deus dimittendos iubet ?* Cur non dimittis iracundiam tum contra vxorem , quæ etiam propter te dimisit patrem suum , & matrem suam , vt tibi adhæreret ?

D Singulari memoria dignus est amor , quem , teste Fulgoso , *Lib. 4. cap. 6.* Dominicus Catalufius , qui Lesbi rerum potiebatur , erga vxorem ostendit ; quæ cùm in lepram incidisset , vir minimè veritus à contagione se infici posse , aut aspectus horrore auerti , (etenim illuies magis , quàm viuum corpus videri poterat) neque tetro odore , quem vlcera mittebant , nunquam aut mensa , aut lecto communi eam prohibuit . Coniugalís enim charitas apud eum contagionis timorem , tetrumque conspectum , odoremque in securitatem , ac voluptatem verterat , quod eam iuxta Dei Verbum eandem carnem secum esse arbitraretur . Hoc attulli , vt exemplo iustius discant viri patienter ferre defectus vxorum tam animæ , quàm corporis , propter Deum qui illos coniunxit . Et cogitet vnusquisque vir , quod si mala , aut infirma sit eius vxor , fortè peiorem , aut infirmiozem habuisset , si aliam duxisset .

Ferant etiam , vel auferant vxores defectus maritorum . Nam auctore Plutarcho , sponsæ , quæ statim offensæ moribus virorum eos deserunt , perinde faciunt , ac si quis percussus

ab

ab apibus mel relinquat . Sicut igitur mel non est deferendum propter apis aculeum : ita nec vxori deferendus, nec contemnendus vir propter eius demeritum . Cùm spirat Boreas , ait idem , conatur vi vestem reuellere ; at homo magis astringit pallium : quòd si Sol tepido vento demulserit , sponte tunicam abijcit : sic vxor dum conatur conuicijs maritum à luxu reuocare , magis irritat : si placidè roget & ferat , magis efficit .

Recordentur vxores , quòd secundùm Diuum Ambrosium , *Epist. 82. ad Versell. mulier non est digna coniugio, quæ est digna iurgio* . Nam iurgiuna & coniugium non bene conueniunt . Discant ab ipsis columbis quomodo se gerere debeant erga maritos . *Columba* , inquit Plinius , *Lib. 10. cap. 34 coniugij fidem, communemque seruant domum, imperiosos mares , subinde etiam iniquos ferunt* . Quod illæ faciunt sola dictante natura , vos præstare debetis ipso præcipiente auctore naturæ .

E Multæ fuerunt olim mulieres , quæ vos docent , quo amore & reuerentia maritos vestros afficere , & qua patientia eorum defectus , duramque illorum conuersationem perferre debeatis . Refert Plutarchus vxorem Phocionis adeò maritum dilexisse , vt illum suas opes , mundum suum , & thesaurum vocare non vereretur . Illustris fuit vxor Tigranis Regis Armeniæ , quæ , vt testis est Xenophon , cùm ex Aula Cyri Regis Persarum ad maritum reuertisset , ab eo interrogata , quid de Cyro , & Cyri pulchritudine ,

sen-

sentiret, respondit : Abs te, inquit, ò marite, Deum testor, nusquam oculos deflexi ; itaque qualis sit forma Cyri prorsus ignoro. Laudatur Penelope, quòd tanto amore Vlysses maritum persecuta fuerit, vt eo absente per viginti annos castitatem seruauerit impollutam, nullisque procorum blandimentis succubuerit : vnde Poeta, *Prop. lib. 2.*

Felix Admeti coniux, & lectus Vlyssis.

Dicetis fortè, Huiusmodi mariti ob eorù mansuetos mores, digni erant qui ab vxoribus diligerentur, & honore afficerentur : at nos viros habemus rixosos, stultos, vino deditos, qui nobis ita aduersantur, vt quidquid agimus, illis displiceat. Veniat precor vobis in mentem prudens illa Abigail vxor Nabal, qui, teste Scriptura, *1. Reg. 15. iniquus & stultus erat* ; illum tamen ipsa adeò coluit, vt Dauidem in ipsum iratum & sæuientē sua prudentia ei obuiam facta placauerit, quod cū fecisset venit ad maritum, & inuenit eum temulentum ; ait enim sacer textus, *erat Nabal ebrius nimis*. Videre igitur quā patientia tolerauit Abigail maritum iniquum, stultum & ebrium. Si quæ similem maritum habeat, patienter ferat, vt sua patientia fatigetur mariti improbitas, & æterna acquiratur felicitas.

Ad pupillos, & orphanos, quibus nulla est à parentibus derelicta hereditas. Caput XVIII.

A **G** Aude & latere orphanæ, quia Deum habes adiutorem ; si mihi non credes, Psalmi-

mistæ saltem sic Deum alloquenti credito: *Orphanus tu eris adiutor*. *Psal.* 9. Cur doles tantum habens adiutorem? Parentibus orbaris, sed non Deo, cui eris in filium, si tibi sit in Patrem. Iacta ergo in illo cogitatum tuum, affectum tuum: tunc enim adsunt diuina subsidia, cum defunt humana præsidia. Cares paterno præsidio, sed non diuino auxilio. Dices; Nullum ampliùs habeo patrem; in terris, concedo, in cælis, nego, vbi Patrē habes immortalem, qui tui specialiter curam gerit, & cui meritò dicere potes; *Pater noster qui es in calis*. Nescis quid à Christo dictum sit; *Patrem nolite vocare vobis super terram*? *Matt.* 23. Et quid possunt patres temporales sine Patre illo æterno, à quo bona cuncta procedunt? Pater ille mori non potest; deferere non vult, nisi deferatur: illius iussis obtempera; mandata eius obserua. Audi Diuū Gregor. Nyss. *lib. de oratione*. *Meminisse debemus, quia quando Patrem Deum dicimus, quasi filij Dei agere debemus: ut quomodo nos nobis placemus de Deo Patre, sic sibi placeat ille de nobis*.

B Cæterùm te præcesserunt parentes tui in vita: te quoque postulante natura præcesserunt in morte. Non est mirum, cum dicat D. August. in *Psal.* 26. *Mortales parentes genuerunt, filij successerunt, mortales mortalibus, & ad hoc nati sunt, qui succederent, ut qui genuerunt, decederent. Non decedit qui me creauit; ego ab illo non recedam. Ne Deus recedat à te, noli ab eo recedere, & cum fiducia dic; Adiutor meus esto, ne derelinquas me, neque despicias me, Deus salutaris meus. Quoniam pater meus, & mater mea dereliquerunt me, Dominus*

mus autē assumpsit me, Ps. 26. Ac si diceret, secundū Genebrardum, Dominus collegit me, in tutelam suam me recepit, & veluti expositum me de platea sustulit, vt me aleret. Quia derelictus es à patre, & matre, assumptus es à Domino. Assumpsit ergo te, non dimisit te. Idem Diuus Augustinus, in *Psalm. 26.* videtur assignare rationem, cur liberi à parentibus interdum relinquuntur, cū Deum sic alloquitur. *Pater meus, & mater mea dereliquerunt me, & non habent iam quod mihi præstent, quia & quando mihi præstare videbantur, tu præstabas, & illis imputabam.* Quasi diceret: ne parentibus tribuerem & imputarem quod ab eis recipiebam, Deus me illis priuauit, vt deinceps nulli, nisi Deo meo tribuerem, quod reciperem; illi soli ero debitor.

Nulla, dicis, relicta est mihi à parentibus hæreditas, nullaque portio. Noli propterea diffidere: etenim hæreditas tua præclara est tibi, *Psalm. 15.* Sit portio tua in terra viuentium, & non in terra morientium, *Psalm. 14.* Habes amplam in cælo hæreditatem, quæ tantò tibi securior est, quantò minùs de terrena sollicitus es. At, inquis, nihil penitus mihi derelictum est. Adhuc habes vnde Deū laudes, illique immortales gratias agas, cū tantò magis relinquaris Deo, quantò minùs tibi derelicta sunt. Audi Dauidem: *Tibi derelictus est pauper. Psalm. 9.* Si nihil habeas, nihil perdero poteris, nihilque restituere teneberis. Si tibi aliqua parentes tui reliquissent, fortassis fuissent male parta, & sic restitutioni obnoxia. Melius est igitur non habere, quod non possumus licitè posside-

fidere. Esto quòd bene parta fuissent: fortè tu malè vsus fuisses, & sic ad tartara descendisses. Hoc non latet Patrem tuum qui est in cælis, qui tibi hæc denegauit in terris.

C Subiungis; nec habeo quidem quo victitem, timeo ne fame peream. Crede mihi, *spera in Domino, & fac bonitatem*, id est, bonum operare: nam qui dat escam omni carni, illam tibi non denegabit. Non deserit Deus animalia parentum ope destituta, suo irrationabili modo illum inuocantia, sed nutrit ea: & te illum rationabiliter, & vt decet inuocantem derelinquet? *Quis*, inquit Iob, cap. 38. *preparat coruo escam suam*? Nonne Deus? Ipse est, *qui dat iumentis escam ipsorum, & pullis coruorum inuocantibus eum*. Psalm. 146.

D. Isidorus, multique alij grauissimi authores asserunt, pullos coruorum à parentibus destitui, quoniam dum nascuntur, candidi sunt, siue quia deplumes, siue quia plumas habent albicantes: clamantibus autem præ fame, Deus immittit muscas, quæ eos, sese in fauces insinuando, alant. Sunt qui dicunt, eos pasci aura quadam roscida: alij verò vermiculis per auram in os eorum immisissis. O miram Dei prouidentiam, sese etiam in voracissimas & carniuoras aues extendentem! Crede mihi, *spera in eo, & ipse faciet*. Psal. 36. Quid faciet? Quod tibi à parentibus faciendum erat. *Faciet*, vt induaris. *Faciet*, vt nutriaris. *Faciet*, vt ne pereas. *Faciet*, vt loco parentum nutritios, benefactores, Mæcenates habeas, qui tibi de necessarijs prouideant. *Faciet*, vt Iudicibus, atque magnatibus commenderis. Vide quid
apud

apud Oseam *cap. 14.* dicat; *Eius, qui apud te est; misereberis pupilli.* Et in Ecclesiastico: *In iudicando esto pupillis misericors. Eccli. 34.* Item; *Ne despicias preces pupilli.* Qui te alijs commendat, non habebit te commendatum? Qui vult, vt tibi misericordia impendatur, illam tibi denegabit? Qui iubet preces tuas suscipi, illas non exaudiet?

Vtinam, ò pupilli & orphani, dicere possitis cum Diuo Augustino, *In Psalm. 26. Cognouimus alium Patrem Deum: cognouimus aliam matrem Hierusalem caelestem quæ est Ecclesia, cuius portio peregrinatur in terra. Relinquat nos pater noster, & mater nostra, Dominus nos suscipiat consolandos temporalibus, beatificandos æternis.*

Pergite, & cum eodem, in *Sol.* sic Deum rogate. *Aperi aures tuas clamoribus lacrymarum pupillorum tuorum, qui clamant ad te: Pater noster, da nobis hodie panem nostrum quotidianum, in cuius fortitudine ambulemus die ac nocte, vsquequò perueniamus ad montem sanctum tuum.*

Voluit Christus Apostolos vocari pupillos, fortitan, vt inde maiorem haberet occasionem diligendi eos. Illis enim aliquando dixit, *Patrem nolite vobis vocare in terris. Matth. 23.* Ac si diceret; ero ipse vobis Pater, à me expectate hæreditatem.

Adamantes, siue adeos, qui cupidineo amore ducuntur, & qui dolent, quòd simili amore non redamentur. Caput XIX.

A Consolationem fortè, sicut & curationē respiciunt amantes, nā, teste Poeta, *Prop. lib. 2.*

*Omnes humanos sanat medicina dolores,
Solut amor morbi non amat artificem.*

Verumtamen, quàm ineptissimè agant, dum se excruciant, quòd ab amafijs deserantur, aut non redamentur, ostendere conabor.

Dic igitur, amice, cur doles priuari tuæ amafix amore, pro quo conseruando multa tibi erant prestanda, quæ omnino vitæ, famæ, honori, & conscientix tuæ aduersabantur? Quot enim sumptus tibi erant faciendi? quot tempora insumenda? quot litteræ scribendæ? quantæ animi occupationes adhibendæ? & de his omnibus quid tibi supererat, nisi iactura tum bonorum, tum temporis, lassitudo mentis & corporis, vermis conscientiam corrodens, ratio reddenda, & à diuino amore disiunctio? Nam, teste Gregorio, *in hom. tanto quisque à superno amore disiungitur, quanto carnali delectatur.*

Optimè itaque illa sibi consuluit, quæ te carnaliter amare desijt: ac tibi etiam bene consuleres, si ab impuro illo amore recederes, & de illo perditto non curares. Ambo enim nihil nisi carnem diligebatis; quid autem sit caro non attendebatis. *Quid caro,* ait idem Gregorius, *Ibidem. nisi vermis est? Et quisquis carnalibus desiderijs anhelat, quid*

quid aliud, quàm vermem amat? Caro igitur cū concupiscitur, pensetur quid sit exanimis, & intelligitur quid amatur. Nihil quippe sic ad edomandum desideriorum carnalium appetitum valet, quàm ut unusquisque hoc, quod viuum diligit, quale sit mortuum penset. Crede mihi, claudentur tandem oculi, quibus facilè capiebaris: pallescent ora, quæ illicite osculabaris: rugabit facies, quam libenter intuebaris: computrescet corpus, quod tam ardentè adamasti: & priuaberis creatura, ob quam nimium adamatam fortè tuo etiam priuaberis creatore. Hoc erit lucrum, hoc præmium, hæc merces tui immoderati & impudici amoris; exclamat igitur Cicero. *Lib. 4. Rhet.* (Perditissima ratio est, diligere formam; negligere famam.) At mirum est, quòd *Ouidius lib. 4. eleg. 1.*

*Sentit amans sua damna, ferens. tamen hæret in illis;
Materiam culpæ prosequiturque suæ.*

B Quæ modò te deseruit, tandem aliquando deseruisset, cū nihil sit muliere leuius, iuxta illud,

*Quid leuius fumo? flamen: quid flamine? ventus:
Quid vento? mulier: quid muliere? nihil.*

Vis scire, quid diligas, quando mulierem diligis? Certè amarum quid: imò quod amariùs est amaro amas. Illud autem valde amarum est, cuius sola amara est memoria, & hoc est mors, de qua sic Sapiens, *Eccl. 41. O mors quàm amara est memoria tua!* Morte verò amarior est mulier. Audi Salomonem; *Inueni mulierem amariorem morte. Eccl. 7.* Pudeat te, rem tam amaram amare, aut vel-

velle ab amara amari: tibi potius dulce sit amaro priuari, ne æterna amaritudine crucieris, ac de te dicatur; *Occupet eum caligo, & inuoluatur amaritudine. Job. 3.* Tot enim sunt mala, quæ sequuntur amâres, vt Poeta Ethnicus sic scribere cogatur. *Ouidius lib. 2. de remed. amor.*

*Littore quot concha tot sunt in amore dolores,
Qua patimur, multo spicula felle madent.*

Quando mulier turpiter te amare desinit, mors te deserit, & doles? Mortem omnes naturaliter perhorrescunt, & fugiunt, & tu illam diligis, & insequeris, quando vis mulierem te amore prosequi.

Præterea Aflorifæus loquens de muliere, vocat illam, *daemonem in domo, bubonem in fenestra, picam in porta, capram in horto, foetorem in lecto.* Diuus Chrysostomus, *In Serm. de decol. Sancti Ioann. Bapt.* vocat mulierem, *malum summum, & acutissimum diaboli telum.* Ideo enarrans mala quæ per mulierem in mundo acciderunt, sic in illam inuehitur. *Per te, inquit, bella fiunt: per te sapientes se perdunt; per te sancti occisi sunt; per te ciuitates combustæ sunt; per te vita perita est; per te mors inuenta est: per te diuites pauperes; per te pulchri turpes; per te casti luxuriosi; per te humiles superbi; per te pœnitentes inobedientes, & Deo odibiles fiunt. Hac est mulier antiqua malitia, quæ Adam eiecit de paradisi delicijs. Hac humanum genus merisit in infernum: hac vitam abstulit mundo: hoc malum homines ducit ad mortem.* Ita ille. Quid tibi igitur cum illa, ex qua tot oriuntur mala? Cur afflictaris, quod ab ea relin-

Kk qua-

quaris, quam tu deferere tenebaris?

C Vince tu, non vincat mulier; vincet autem, si prior deferat te, quam tu illam. Vtinam prior Dalilam deferuisset Samson? non enim illum circumuentum illecebris, raso etiam capite deformatum, alienigenis tradidisset. Hunc meritò ridet Ambrosius. *Samson validus & fortis Leonem suffocauit, sed amorem suum suffocare non potuit: vincula soluit hostium, sed suarum non soluit nexus cupiditatum: messes incendit alienas, sed vnius ipse mulieris accensus igniculo messem suae virtutis amisit.* Fac ut alieno damno cautus afficiaris. Narrat Aelianus, *Lib. 12 var. Hist.* de Dioxippo, Olympiis victore, quod cum pugilum more Athenas eques introiret magno populi concursu, & alij rerum aliarum quæ in eo essent apparatu, pulchritudine caperentur, ipse medio triumpho coniectis oculis in mulierem quandam formosissimam, ab eius aspectu non potuit abduci: quin etiam vultum sæpe mutabat, ut faciliè appareret eum telis cupidineis saucium, iam non sui fuisse compotem: quomobrem Diogenes Synopenfis ad populum. En, inquit, magnum vestrum pugilem, ut à puella configitur! quasi dixisset; turpe esse, qui viros vicisset, à muliercula superari. Fortè mulier illa illum quidem respiciebat, sed illum non amabat: turpissimum erat huic pugili capi ab ea, quæ capi nolebat, & non amantem adamasse. Quæ te dementia cepit, ut illam velis turpiter amare, ab eaque amari, quæ non curat, nec curare, debet, ut eam sic diligas? Et si diligeret, nihil nisi querelas audires, continuisque agitareris

per;

perturbationibus, importunè se haberet, semperque iuxta amantium morem conquereretur, quod scilicet ut cupit non amaretur; quod illi nihil daretur; quod non visiteretur; quod de illa nō cogitaretur: quod ei alia præferretur: quod contemneretur; atque ita inquietè viueres.

D Si quid præcipuè in muliere te allicit, pulchritudo est, quam te perdidisse doles, verum, si attendas, quid sit pulchritudo, reuera te doluisse dolebis. Nam in primis *vana est pulchritudo*, *Prou. 31*. Et iuxta Socratem, pulchritudo est modici temporis tyrannis. Secundum Theophrastum, tacita deceptio. Secundum Theocritum, eburneum detrimentum. Secundum Balduinum, est velamentum rupidinis. Secundum Poetam, est fragile bonum, quod breui spati temporis consumitur.

Forma bonū fragile est, quātumque accedit ad annos

Fit minor, & spatio carpitur ipsa suo.

Quid igitur curas de re tam vana, & fragili, de tyrannide, de deceptione, & detrimento, vel dofferente detrimentum? Nam teste Sapiente, *Eccl. 9. propter speciem mulieris multi perierunt*. Noli diligere, nec diligi ab eo, quod tibi potest esse causa perditionis, & æternæ miseræ.

Propterea illud est duntaxat pulcrum adaman- dum, quo reuera pulchrum est; quid autem illud sit indicat Plato, *In Cratyl. Ipsum pulchrum dicimus, quod semper tale, quale est perseuerat*. Non enim illa pulchra sunt, quæ fluxa sunt, & quæ senio, vel infirmitate marcescunt. Deus est præcipuè diligendus, & ut ab eo diligamur,

totis viribus laborandum, cum in eo sit omnis, perfecta que pulchritudo. Pœnituit aliquando Augustinum, quod illam nimis serò adamauerit. *Quam serò te amari pulchritudo tam antiqua?* Ideo rogat ut omnis amor cupidineus recedat à se, sed diuino tantum ducatur, & inflammetur amore. *O amor*, inquit, *In solil. qui semper ardes, & nunquam exstingueris; charitas Deus meus, accende me totum igne tuo, amore tui, desiderio tui, ut totus flamma tua charitatis vaporatus diligam te Dominum meum dulcissimum, & pulcherrimum ex toto corde meo: nullus in me adulterinis amoribus pateat locus.*

Amor noster ad Deum tendat, tanquam ad suum centrum. Quid diceret, si vel minima tela araneorum magnus aliquis lapis detineretur ne in centrum caderet? Quanam admiratione rapiuntur cœlicolæ, dum animaduertunt amorem tuum detineri ab aliqua muliercula, vel alia creatura, quæ respectu Dei leuior est tenuissima tela, quæ leuissimo flatu dirumpitur? Diligis creaturam, quæ modò pulchra est, modò deformis; modò diues est, modò pauper; nunc adolescit, postea senescet: modò diligit, modò odit. Cur Deum potius non diligis, qui semper idem est, semper pulcher, semper diues, & qui nunquam ab amante se recedit? Ille est, cuius amor, ut notat Bernardus, *Lib. de diligendo Deum. dulciter capit, gloriose laqueat, suauiter premit, delectanter onerat.* Contra verò obscœnus amor turpiter capit, ignominiose laqueat, crudeliter premit, laboriose onerat.

E Si ergo vis redamari, Deum ama: ait enim;

Ego

Ego diligentes me diligo, Prou. 8. Non fictè, sed verè amat: non deserit, nisi deseratur: & si ardentissimis illis amoribus delecteris, iisdem ferè te prosequetur. Audi Chrysostomum, Super illud, Sic Deus dilexit mundum. Nemo amatorum carnalium ita exardescere potest in amorem dilecta sua, quemadmodum Deus effunditur in amore animarum nostrarum. Quid quæris amplius? Cur turbaris, quod ab amasia tua non diligaris? Imò sine, vt illa conqueratur, quod à te non diligatur, atque ita turpis ille amor ab utroque deseratur. Felix ille inquit Hieronymus, *Epist. ad Demet. in cuius corde præter amorem Christi, nullus alius versatur amor, nec ad recordationem hominis aliquando suspirat, nec videre desiderat, quod cum viderit, noluit dimittere.*

Crede mihi, expelle à te omnem carnalem amorem, vt diuino implearis; ad hoc te hortatur Augustinus, *Tract. 2. in Epist. Ioan. Exclde malum amorem, vt implearis amore Dei: vas es, sed adhuc plenus es, funde quod habes, vt accipias quod non habes.* Nihil enim pestilentius impuro amore dari potest; idcirco à nobis quam citissimè rescindendus est, & gaudere debemus, si ab aliis erga nos rescindatur. Rescindenda sunt etiam illa quæ huiusmodi amorem nutriunt, & fouent, vel accendunt. Nam, *Ouid. lib. 1. de remed. amor.*

Vt penè extinctum cinerem si sulphure tangas,

Viuet, & ex minimo maximus ignis erit:

Sic nisi vitaris quidquid reuocabit amorem,

Flamma retardescet, qua modo nulla fuit.

Vt Autem penitus extinguatur, necesse est, vt

K k 3 ama-

amafiam fugias, vel ipsa te, in hoc enim certamine fuga valde ad vincendum necessaria est. *Claud. in Epist. ad Olybr.*

— *Spatio debilitatur amor.*

Et alius sic consultit. *Quid. 10. Met.*

Ire libet procul hinc, patriaq; relinquere fines.

Quia secundū eundē Poetam, *lib. 1. de remed. amor.*

Manat amor testus, si non ab amante recedas.

I procul, & longas carpere perge vias.

Porro, reuoca in mentem tempus illud in quo à repudiante non amabar, nec forte agnoscebaris: tunc, inquā, non dolebas illius amore priuari, cur modo doles? Præsuppone eam te nunquam adamasse: & vtinam non amasset: quid enim ex huiusmodi amore lucratus es? quid in posterum lucraberis? Erit igitur tibi non minima consolatio, huiusmodi consideratio, nam secundum Gregorium, *Lib. 1. Mor. c. 11. magna consolatio est in aliquius rei amissione illa tempora ad mentem reducere quibus nos contingit rem quam perdidimus non habuisse.* Quo cares, alias caruisti, & non doluisti, si modò careas, non doleas.

Sedatur etiam vefanus amor labore, & exercitatione: nam diffinitio amoris secundum Chrysostomum, *Super Mat.* hæc est; *Anima vacantis passio.* Vnde Poeta, *Quid. lib. 1. de remed. amor.*

— *Finem qui quæris amoris,*

Cedit amor rebus; res age, tutus eris.

Appositè Diuus Hieronymus, *In cap. 10. Eccl.* otium appellauit *rubiginem sapientia, & ingenij.* Sicut enim tempore pacis arma bellica splendore suo destituuntur, & rubigine obducuntur, sic animus

mus noster absque exercitatione torpescit, & amorem cupidineum veluti rubiginem contrahit. Et sicut illa arma fœdantur rubigine, ita animus vesano amore. Tunc David, Salomon, & Samson mulieres carnaliter adamarunt, quando oriri cœperunt. Nam, ut aduertit Augustinus, *Serm. 16. ad frat. in crem. Quandiu David exercitauit se in militia, non insultrauit ei luxuria, sed postquam in domo otiosus remansit, laborauit adulterio. Samson dum cum Philistæis pugnauit, non potuit capi ab hostibus, sed postquam dormiuit in sinu feminae, & otiosè cum ea remansit; mox capiitur Salomon dum occupatus esset in edificatione templi, non sensit luxuriam; sed mox recedens ab opere persensit insulzum luxuria. Crede mihi; Ouid.*

Otia si tollas, periere Cupidinis arcus.

Delenda quoque sunt illa quæ nos a natiuitate reddunt memores, uti sunt imagines, epistolæ, munuscula, & similia, iuxta optimum Poetæ consilium. *Ouid lib. 2. de remed. amor.*

Si potes & ceras remoue; quid imagine muta

Carperis? hoc perijt Laodameia modo.

Scripta caue relegas blanda seruata puella:

Constantes animos scripta relecta mouent.

Omnia pone feros, quamuis inuitus, in ignes,

Et dic, ardoris si rogus iste mei.

Vtinam nos Christiani ad propulsandum omnem impurum amorem iisdem remedijs, quæ ipsi Ethnici præscripserunt, vteremur; nouerant illi, quanta ex eo oriantur incommoda.

G Insuper, illum à te longè amouebis, si cogites sæpissimè leui de causa deperdi, atque interdum

in odium commutari. Tantus fuit olim Ammonis amor in Thamar sororem suam, vt, teste Scriptura, *agrotaret propter amorem eius*, 2. Reg. 13. Sed vide huius impudici amoris exitum. *Exosam eam habuit odio magno nimis, ita vt maius esset odium, quo oderat eam, amore quo antè eam dilexerat.* Quia forsan morsus & vermis malæ conscientiaæ sæuior ei fuit, quam præcedens voluptas delectauerat. Certum enim est, quod in illo amore. *Ouid. de arte aman.*

Quod iuuat exiguum est: plus est quod ledit amantes.

Proponant animo multa ferenda suo.

Inducit Plautus *In Must.* aliquam amasiam alteri colloquentem, atque suadentem vt suum deserat amasium, illam tandem sine dubio, vel ob ætatem, vel satietatem relicturum. Sic enim loquitur. *Stulta es tu planè, quæ illum tibi æternum putas fore amicum, & benevolentem. Moneo ego, te deseret ille ætate, & satietatè. Nihil ego minus, quam nunc tu, amata sum, atque vni modo gessi morem, qui reliquit, deseruit que me: tibi idem futurum credo.* Sciant igitur mulieres nullo modo à suis amasijis diligi, sed dumtaxat illarum iuuentam, vel pulchritudinem, qua finita, aut accedente alia, vel minima causa, finietur & amor. In primo parente Adamo videre licet, quam facilè deperditur amor viri in mulierem: nam qui Euam priùs adamauerat, & cuius amore peccauerat, postea timore perterritus, illicò amore illo in odium mutato, accusare cœpit vxorem, & in eam reuicere culpam; *Mulier, inquit, quam dedisti mihi*

mibi sociam, dedit mihi de ligno, & comedi. Gen. 3. Quæ verba attentè considerans Diuus Bernardus, *Serm. 1. in Fest. omn. Sanct.* sic exclamat. *Adam transferendo culpam à se in uxorem, pœnam quoque meritam voluit in eam solam traducere. Operueris! pœnam pro ea suscipere refugis, & culpam admittere non recusasti.* Hoc non fecisset, si verè illam dilexisset. Attendant itaque mulieres omnes viros filios esse Adæ, nec degeneres: atque ideo illorum non fidant amicitia, ne Deum exprobrantem audiant; *Contempserunt te amatores tui, Jer. 4.* Non tantum dereliquerunt, sed contempserunt; vide amorè illorum mutatum fuisse in contemptum. Contemnant igitur mulieres omnium virorū insanum amorem, ne à Deo, & ab hominibus contemnantur.

H Videant etiam viri amasiarum amorem non solùm facilè perire & extingui; sed & in odium sepius verti. Patet in vxore Putipharis, quæ ardentè adamauerat Ioseph eo quòd esset *pulchra facie, & decorus aspectu. Genes. 39.* Sed quia noluit ille acquiescere operi nefario, & ei ipsum sollicitanti ad stuprum, consentire, accusauit eum mulier impudica apud virum suum, dicens: *Ingressus est ad me seruus Hebraus, quem adduxisti, vt illuderet mihi.* Quid tibi videtur? Hæc mulier subito odit, quem prius deperibat, & ob solam repulsam volebat illum videre mortuum, quem tam ardentè aspexerat viuum, & dormire cum mortuis, quia secum dormire recusauit. *O impudica mulier!* ait Diuus Prosper, *amat & persequitur, concupiscit & sanat, & quia ad stuprum non*

con-

consentit, trucidandum cum statuit, quaritque perire quem diligit.

Solent amantes ut plurimum ad impossibilia, vel ardua, & ad illicita inuitare. Nam, *Ouid. Epi. Phed. ad Hip.*

— *Quid deceat non videt ullus amans.*

Quod si postulatum indecens, aut impossibile dicas, non obaudiunt, nec accipiunt, quia, *Idem eleg. 16.*

Turpis amor surdis auribus esse solet.

De huiusmodi amore nobis etiam liceat illud Ambrosianum, *Serm. de Assumpt.* dicere. *Amor non accipit de impossibilitate solatium, nec ex difficultate remedium, nec consilio temperatur, nec pudore frenatur, nec rationi subijcitur.* Felix igitur qui nullo est cupidineo amore irretitus; tranquillam enim vitam, atque beatam ducet. Nam, teste Plauto, *miser est qui amat.* Non sollicitabit, nec sollicitabitur; non tentabit, nec tentabitur: non perdet, nec perdetur. Gaudeant viri, gaudeant & mulieres, si illius amoris sint expertes: dicat denique omnis amans illud Tibulli. *Lib. 2. eleg. ult.*

Acer amor fractas virinam tuatela sagittas,

Scilicet extinctas aspiciamque faces.

Tu miserum torques, tu me mihi dira precari

Cogis, & insana mente nefanda loqui.

Ad senio confectos. Caput XX.

A **N** Olo senes prudentiam docere: non enim *super senes intellexi, Psalm. 118.* sed eis patientiam persuadere, cum optet Paulus: *Ad Tit. 2.*

VC

ut senes sani sint in patientia, tanquam valde eis necessaria, ob innumera incommoda quæ senectâ comitantur, quorum nonnulla à Beato Hieronymo, *Epist. ad Furiam*. enumerantur. Caput, inquit, incanescit, decidunt tanquam ab arbore capilli, dentes cadunt, balbutit lingua fluunt salivæ, tremunt genua, & fronte ob senium rugis arata, instar bou à mento, & ad Nepo. palaria pendent, caligant oculi, accedunt dolores podagræ & chiragræ, ac magna pars vitæ videtur esse truncata, & multis membris præmorta, premit pituita & cussis molestissima. Tantis denique afficiuntur senes infirmitatibus, ut ipsa senectus morbus sit, & huiusmodi, ut sola morie curari possit. Vnde merito Aristoteles, *Lib. 5. de gen. animal. cap. 4.* ait, morbum esse aduentitiâ senectutem, senectutem vero morbum naturalem. Audiatur Poeta. *Iuven. Satyr. 10.*

*Sed quàm continuus, & quantis longa senectus
Plenamalis. —*

Senio confecti non tam viuunt, quàm lentè moriuntur. Alexis Poeta cuidam videnti ipsum iam senio fessum ægrè, lenteque incedere, ac roganti quid ageret: Paulatim, *Eras. lib. 9. Apoph.* inquit, morior: significans senes non viuere, sed lentè mori. Milo Crotoniates, *Idem*, athleta iam senex, cum vidisset alios athletas in curriculo sese exercentes, fertur inspexisse lacertos suos, lacrymansque dixisse: At hi iam mortui sunt. Diogenes interrogatus, quid esset senectus? respondit: vita brumalis, tempestatibus obnoxia. David annos natus septuaginta, senectute frigescente non

po-

poterat calefieri. Huic adde Patriarcham Isaac; *Genes.* 27. cuius præ senectute caligauerant oculi, adeò, vt filios sola voce, ac contactu discernere valeret. Quod & Iacob, & Heli contigisse scribitur. *1. Reg.* 3. Afa quoque Rex Iuda temporis senectutis suæ doluit: pedes. *3. Reg.* 15. Exclamet igitur Euripides, in *Bacch.*

Hæu, quam multas habet senectus ægritudines!

Aetas enim longa plurimas affert calamitates.

B Secundum aliquos, senex dicitur quasi seminex, hoc est, semimortuus, quod acta maiore ætatis suæ parte iam morti propinquior sit. Nam nex mortem significat, teste Sisenna, qui ait: *Quoniam neque mea nex, neque intercessio posse videtur illorum dementem reprimere audaciam.* Vnde Latini decrepitos vocitabant *capulares senes*, id est, morti propinquos, vt mox capulo, seu feretro sint efferendi. Ob incommoda senectuti annexa dicebat Menander:

Time senectutem, non enim venit sola.

Difficile senectus est hominibus onus.

Hinc Cicero, *De Senect.* plerisque senectutem sic odiosam scribit, vt onus se Aetna grauius dicant sustinere. Et Gregorius Nazianzenus, *In Mor.* appellat *tristissimos senectutis dolores, onusque Siculis scopulis grauius.*

Senectutis incommoda breuiter etiam perstringit Innocentius Papa, *Lib. de miseria humana*, cum ait. In senectute cor affligitur, & caput concutitur: languescit spiritus, & foetet halitus: facies rugatur, & statura curuatur: caligant oculi, & vacillant articuli: nares effluunt, & crines defluunt:

fluunt: tremunt tactus, & deperit actus: dentes putrescunt, & aures surdescunt. Vnde Augustinus: *Lib. de catechizandis rud.* Cum sibi homines optant senectutem, quid aliud optant, nisi longam infirmitatem? Idem sentiebat, qui dicebat: *Terent. com. ult.* Senectus ipsa morbus est. Antiphanes vocare solebat senectutem officinam omnium malorum. Ideo dicebat: *O senecta, quam cunctis hominibus es optata, beata: deinde cum accesseris, molesta & grauis: nec ullus benedicit tibi: sed contra quisque maledicit.* Est senectus fere omnibus hominibus exosa; vnde de sene Minnermus, de quo Gyrallus: *Oderunt illum pueri, contemnunt mulieres; adeo miseram Deus senectam fecit.*

C Videns Dauid senectutem tantis affici incommodis, & ab omnibus despici, & destitui, ad Dominum tanquam ad commune auxilium confugiens orauit, & dixit. *Ne proijcias me in tempore senectutis, cum defecerit virtus mea, ne derelinquas me, Psalm. 70.* Et paulò inferius: *Et usque ad senectam & senium, Deus, ne derelinquas me.* Ducunt nonnulli Dauidem voluisse etiam alludere ad barbariem quarundam nationum, non tantum inciuiliter, sed & crudeliter se gerentium erga senes: veluti Derbicum in Persis, qui, vt scribit Aelianus, *Lib. 2. cap. 1.* viros longius ætate progressos more hostiarum immolabant ad aras, & mulieres senescentes præfocabant. Hyperboreorum quoque in Scythia, qui, teste Meli, *Lib. 3. cap. 5.* longæuos post epulas fertis redimitos ex rupe abrupta in mare præcipitabant. Simili crudelitate utebantur Tybareni circa senes,

vt

ut tradit Eusebius. *Lib. 1. de prep. Euag. cap. 3.* Indi & Messageræ senio confectos cædebant in frustra, & carnibus vescabantur. Sardi fustibus cædebant, & unâ cum illis interemptorem sepelebant. Incolæ insulæ Co ad Hellepontum, supra sexaginta annos natos, *Herod. lib. 1. cap. 15.* aconito vitam finire cogebant, ut author est Strabo. Est autem aconitum herba venenosa, qua ad accelerandam mortem senes uti cogebantur, ne aliorum annonam absumerent. Caspi, teste eodem, *Ibidem*, parentes septuagenarios domi claudebant, aut in inculta desertaque loca exponebant, fame, siti, inopia conficiendos. O nimiam barbariem!

Aliter se gerebant nonnullæ aliæ nationes, quæ maximo honore senes afficiebant. Lacon quidam profectus Lacædemonem, cum vidisset honorem, quem iuniores præstabant senioribus, dixit: In sola Sparta expedit senescere. De quibusdam alijs gentibus sic scribit Iuuenalis, *Satyr. 13.*

Improbilas illo fait admirabilis aeo,

Credebant hec grande nefas, & morte piandum,

Si iuuenis vetulo non assurrexerat. ———

Gaudeant nostri senes, quod apud fideles nati sint, quibus præcipitur eos honore, cura, & præsidio afficere. *Coram cano capite*, ait Dominus, *consurge*, & *honora personam senis*. *Leuit. 19.* Item. *Ne spernas hominem in senectute sua*: etenim ex nobis senescunt. Olim Deus conquebatur, quod aliqui senibus non impenderent obsequium: *Facies Sacerdotum non erubuerunt*,

neque senum miseri sunt. Thren. 4.

Porro non omnia in senili ætate sunt incommoda, ideo non est ægrè ferenda: habet enim illa ætas sua comoda, suaque oblectamenta. *O fili*, inquit Euripides, *non omnia mala senectuti adsunt*. Et alius: *Anaxandrid. Non est, senectus, ut existimas, pater, onus maximum*. Non prætereundum, quod, teste Phauorino, Platoni, & Pythagoræ videbatur, senectutem non tam esse iuxta finem vitæ, quàm iuxta principium bene beateque viuendi. Dicebat Crates ex Antiphane. *Exprobrasti mihi senectutem ceu, magnum malum, quam qui non affecutus fuerit morte multa- tur, quam omnes desideramus. At si quando venerit, ægrè ferimus: adeò ingrati natura sumus*. Non est illud ægrè ferendum, quod, nisi citò moriendo, non euitatur. Igitur, aut citò mori, aut tandem senescere, & postea mori necesse est. Omnes quippe moriuntur, sed non omnes senescunt.

Senem melioris esse conditionis, quàm iuuenem affirmat Cicero, *De Senect.* cùm id quod hic sperat, ille consecutus sit. Hic vult diu viuere, ille diu vixit. Laudatur responsum cuiusdam senis ad aliquem sibi compatiemem: *Noli, inquit, mihi compati, quòd sim senex, sed compatere, quòd iuuenis fui*. Hoc nobis omnibus dicendum videtur, non propter ætatem, sed ob crimina quæ in iuuenili cōmittuntur ætate. Seneca, *Epist. 2*; sic ad veteranum: *Numera, inquit, annos tuos, & pudebit eadem velle senex, quæ voluisti puer: moriantur ante te vitia.*

Bion

Bion dicebat nulli exprobrandam esse senectutem, ad quam omnes optant pervenire. Absurdum enim est alijs probro dare, quod quis optat sibi contingere. Senex, inquit Democritus, fuit iuuenis aliquando. At verò an iuuenis futurus sit senex, incertum est. Perfectum igitur bonum futuro, præsertim incerto, præstantius est. Interrogatus Solon Philosophus, qua spe fretus tam audacter respondisset Pisistrato Tyranno, *Laert.* ait: senectute. Non est igitur dolendum pervenisse ad ætatem non tantum audacia, sed & sapientia, ac consilio plenam. Audi Sapientem, *Eccl. 25. Quàm speciosa veteranis sapientia, & gloriosus intellectus, & consilium!* A sene Senatus, & Senator dicitur, quia nullus eligebatur ad Senatoriam dignitatem, nisi senilem attigisset ætatem. Rationem assignat Tullius, *De Senect. Consilium, ratio, sapientia constat in senibus, quæ nisi in illis essent, summum consilium maiores nostri non appellassent Senatum.* Voluit olim Dominus, ut Moyse eligeret senes quosdam tamquam sapientia, iudicioque pollentes. *Congrega, inquit, mihi septuaginta viros de senibus Israel, quos tu nosti, quod senes populi sint & magistri. Num. 11.*

E In hoc vel maximè laudanda, atque optanda senectus, quòd in illa emoriantur vitia, quæ in iuventute vigeant. Multa non potest senex, quæ si posset, fortè operaretur, atque ita senex stultus haberetur. Ob hoc agebat Seneca, *Epist. 67. gratias senectuti, quæ non poterat, quod non decebat. Ago, inquit, gratias senectuti, quod me lectulo affixit. Quidni gratias illi hoc nomine agam?*

agam? Quicquid debebam nolle, non possum. Cum libellis mihi plurimus sermo est. Non est iuveni licitum, quod seni est impossibile: beata est ætas, qua euitatur iniquitas. Diuus Ambrosius, *Lib. I. Exam.* ideo optandam esse senectutem ait, quod ad reprimendas libidines fortior sit. *Quid, inquit, naturam accusas, ò homo? Habet illa impedimenta quadam, senectutem, & infirmitatem: sed senectus ipsa in bonis moribus dulcior, in consilijs subtilior, ad constantiam subeunda mortis potior, & ad reprimendas libidines fortior: infirmitas corporis, sobrietas mentis est.* Bæotius quidam, cum iam natus annos plusquam septuaginta thesaurum reperisset, contempsit, & præteriuit, ut qui non amplius usus sibi futurus esset; quanquam, secundum Augustinum, senescentibus alijs vitijs sola videatur avaritia in sene iuuenescere, quod quidem monstro simile affirmat Seneca, *Lib. de moribus Monstro*, inquit, *similis est avaritia senilis. Quidenim stultius est, ut dici solet, quam via deficiente augere viaticum?* Rara sunt monstra; sic raro, vel nunquam debent senes concupiscere, cum non cessent deficere. Tantò oportet illos esse à peccatis remotiores, quantò se nouerint morti propinquiore. *O præclarum munus ætatis, si quidem id aufert nobis, quod est in adolescentia vitiosissimum!* ait Cicero, *De Senect.*

Gaudeat igitur senex, si non possit quod non decet: fortis est seniorum debilitas, dum per illam fugatur voluptas. *Quam dulce est,* inquit Seneca, *Epist. 12. cupiditates fugasse, ac reliquisse!* Non enim opus est corporis viribus

Li ad

ad restituendum voluptatibus, hoc experiebatur; qui sic effabatur: *Cum infirmor tunc potens sum.* 2. Cor. 11. Vocentur itaque à Cicerone *De Senect.* senum infirmitates, aptissima senectutis arma. Dicat etiam Phauorinus; *Qui sponte à voluptate recedit, sapiens est, qui verò ipsam prorsus non desiderat, beatus: senectus autem istorum utriusque idonea est.* Optimum est, ut senilia membra frigescant, ne illicita concupiscant. Sophocles teste Tullio, *Lib. de Senect.* senio confectus, interrogatus, vtereturne rebus Veneriis: dii meliora, inquit; libenter verò isthinc tanquam à domino furioso, & agresti, profugi. Dominum furiosum vocat actum Venereum, quem tam in iuuenili, quam in senili ætate fugiendum censet. Idem Tullius, *Ibidem*, beatam esse ait senectutem, quod corporis voluptatibus careat; increpat autem eos, qui ob id illam miseram prædicabant. *Senectus*, inquit, *ob id misera à nonnullis creditur, quod voluptatibus careat, sine quibus vitam nullam putamus. Tui mihi non videntur accusare, quod accusandum est, nam si id senectutis culpa accideret, ea maioribus nauu euenirent; quorum multorum senectus est absque querela, qui se à libidinum vinculis laxatos esse non molestè ferunt, nec à suis dispiciuntur.* Faceſſat igitur illorum nebulonum commentum, quo asseritur sine voluptate illam ætatem despici, quam procul à voluptate videmus honorari.

F Cæterum, ait quidam, quod à cupiditatibus senes, *Iunctus de Senect.* immunes sint, & nihil amplius ab eis turbetur, hoc maximum, & pulcherri-

mum

mum à Deo donum hominibus datum esse reor ;
 per quod diuinæ naturæ quodammodo similes
 fiant . Hac de causa forsitan voluit Christus è
 manibus virgineis ad similes se conferre , vt
 cui immaculata placuit virginitas , pura , &
 sincera non displiceret senectû : legimus enim
 apud Lucam , quod Christus post dies quadra-
 ginta à sua natiuitate maternis manibus ad
 templum delatus , fuit ibi cuiusdam Simeo-
 nis annosi vlnis exceptus ; vnde canit Eccle-
 sia : *Senex puerum portabat , puer autem se-
 nem regebat .* Poterat Spiritus sanctus alijs sug-
 gerere , vt Christo in templum delato , eò se confer-
 rent : ibique illum exciperent : verum annoso viro
 hoc voluit reuelare , vt hunc honorẽ sola senectûs
 reportaret . Eodem autem tempore , quo Christus ,
Ibid. à viro sene excipiebatur , à muliere etiam an-
 nosa ibidem prædicabatur ; ab Anna scilicet filia
 Phanuelis , quæ quàm prouectæ fuerit ætatis ,
 cognoscitur , cum dicitur , quod *vidua erat vs-
 que ad annos octoginta quatuor .* Voluit itaque
 Christus in iuuenili ætate portari , & prædicari à
 senili ætate , vt qui marem , & fœminam con-
 diderat , à mare sene exciperetur , & à fœmina
 sene prædicaretur , & ab utroque benediceretur ;
 atque ita in utroque senectûs commendaretur .
 Merito Abbas Guericus *Serm. 2 de purif.* ambos
 ætate æquales , similes deuotione , consortes præ-
 dicatione , pariturturum confert . *Ecce , inquit ,
 habes par turturum , senem iustum , & viduam
 Annam , utrumque castum , utrumque desiderio
 Redemptoris gembundum .*

G Sed quid mirum, si à senibus Dominus in terris benedicatur, & honoretur, cum à senioribus in cœlis colatur, & adoretur? Vidit enim Ioannes, *Apoc. 4. viginti quatuor seniores procidentes ante sedentem in throno, & adorantes viventem in sæcula sæculorum*. Dicant quid sentiant, qui hunc locum sunt interpretati, suamque, si velint, Cabalistæ afferant opinionem, dicentes, teste Bungo, *de num.* per viginti quatuor seniores posse intelligi Reges viginti quatuor regnorum mundi, qui veri legitimique sunt Reges. Adducant alij alias huius loci tum mysticas, tum literales expositiones. Hoc vnum ego quæro, vt scilicet omnes aduertant, istos viginti quatuor assistentes ante thronum Dei, senes fuisse, non iuvenes, aut saltem in senili, & non in iuuenili specie repræsentari, in maiorem venerabilis senectutis commendationem. Habeant Reges terreni iuvenes comptos sibi assistentes, quos vulgò vocant, *Pages d'honneur*. Habet antiquus dierum Rex cælestis antiquos ante sedem suam procidentes, quos seniores vocat Euangelista. Si Pererio, *In cap. 4. Apoc. disp. 13.* credendum est, vnus ex istis viginti quatuor senioribus numeratur Simeon ille senex, de quo prius. Quod si ita est, vt verisimile est verè ac præcipuè illum beatum prædicamus, quia illo fruitur in cœlo, quem amplexabatur in templo; & adorabat in throno sedentem, quem suis vlnis exceperat vagientem: & ab illo admittitur in cœlis, à quo dimittebatur iu terris. Qui, inquam, in templo cantauerat, *Luc. 2. Nunc dimittis seruum tuum, Domine, &c.* cantat modò, & in æternum can-

cantabit in cœlo, *Apoc. 4. Dignuses, Domine Deus noster, accipere gloriam, & honorem, & virtutem, &c.* Nemini igitur displiceat senium, quod potest tantum consequi præmium. Et reuera nulli erit senilis ætas horrore, si consideretur, quantum ei tribuatur honoris.

Præterea, non est contemnenda senectus, quod in illa mors contemnatur: non enim mori recusant, qui viuere desinunt. Mors senilis, ait Sophocles, diuersorio similis est: iuuenilis autem tamquam eiectio, & naufragium est; elabitur enim anima violenter contrito corpore. Mors, teste Platone, *In Tim.* quam morbi, & vulnera intulerunt, violenta est, atque molesta: quæ vero senio paulatim ad finem deducente naturaliter surrepit, inter omnia mortis genera leuissima est, & cum voluptate potius, quam dolore contingit. Gaudeant igitur senes suauiter morituri, & quod habeant ante, quod iuuenes retro. Hoc autem facile cauetur, aut saltem ei melius prouidetur, quod ante videtur. Pelago agitatæ iucunda est tellus dum cernitur: sic longo viuendi tramite fatigatis iucunda debet esse senectus, per quam terræ, mortique appropinquatur. Audi dicentem: *Mihi tam iucunda senectus est, ut quo propius ad mortem accedam, quasi terram videar videre, aliquandoque in portum ex longa nauigatione esse venturus, Cicero de Senect.* Vnde egregiè Seneca: *Portus aliquando petendus, nunquam recusandus, Epist. 16.*

H Vt autem grata sit senectus, & nobis non sit oneri, abigenda sunt omnia turpia, & quæ etiam

iuuenibus sunt illicita . Cato senior dicebat : cum senectuti multa adsint probra , non est addendum malitiæ dedecus ; sentiens senectutem multis nominibus vulgò malè audire , quod deformis , edentula , lusciosa , & imbecillis sit . Hæc ferre satis est , vt non accedat crimen improbæ vitæ , quod omnibus quidem scædum , sed seni scædis-
 simum . Idem ad senem quemdam improbæ vitæ dixit : Quid est , quod senectuti multa mala habenti , tuæ etiam improbitatis , *Cato maior* . dedecus adijcias ? Desinamus eadem velle senes , quæ volumus pueri : vultu spectante terram , ad cælum mens erigatur : veteribus malis finis imponatur . Satius est relinquere vitia , quàm relinqui vitiiis . Consideret senex quidquid sua eminente ætate dignum sit , vt hoc agat , quod ætatem , & vitam suam vilem non reddat . Inter abusiones Diuus Cyprianus , *Lib. de 12. abusion.* numerat senem virtute , bonisque operibus destitutum : sic enim scribit . *Abusio magna est , si sine virtute senex inueniatur : plus enim virtuti operam dare senibus competit , quos presentis sæculi florida ætas deseruit . Sicut enim in arboribus reproba comparet arbor , quæ post flores fructus optimos cultori suo non exhibet : sic & ipse reprobus est , quem flos deserit iuuentutis , & tamen in senectute honorum operum fructus maturos proferre parui pendit .* Sic viuat senex , vt in æternum viuat , ipsumque vixisse , ac consensuisse non pœniteat , & mori non doleat ; quod vt diligenter præster , attendat quid dicat Nazianzenus ; in *Carm.*

Senec.

Senectus venit, exitum praeo clamat:

Omnis bene conuerſetur, propè namque iudicium eſt.

Ad podagrosos, ſive ad eos, qui morbo articulari laborant. Caput XXI.

A Vereor, ne podagrosi nimijs doloribus preſſi hæc audire, vel legere renuant; illis tamen paulisper ceſſantibus, precor attendant: ſatis enim eis licèt per otium, dummodo iſta ſint ad votum, quæ ſi non ad planè auferendos, ſaltem ad patienter ferendos dolores prodeſſe poterunt.

Meminerint in primis, hunc morbum illis non tantùm cum multis illuſtriſſimis, ſed etiam cum quibuſdam ſanctiſſimis viris communem eſſe, qui omnes æquo, & patienti animo illum tolerauere; nec propterea à laudabili quodam ſtudio abſtinuere. Nam Nicephorus cognomento Botioniates, Romanus Imperator, podagra vehementer laborabat, tamen ſtudijs bonarum artium vacabat, vt teſtis eſt Volateranus, *Lib. 23. Anthrop.*

Septimius Seuerus Imperator, cùm podagra laboraret, & ob id à quibuſdam irreuerenter tractaretur, qui filium eius Antoninum Imperatorem dixerant, leſtica ſe in tribunal deferri iuſſit: citatiſque contemptoribus, ſecuri percuti iuſſit. Lacrymiſtamen cum errati veniam procumbentes petiſſent. *Ful. lib. de milit. diſc. cap. 2.* Nunc demum, inquit, intelligetis non pedes, ſed

caput imperare. Non enim minus imperabat iacens in lecto, quàm sedens in equo.

Pompeius Hispaniæ citerioris Princeps, correptus dolore podagræ, horreis suis ventilandis cum præsideret, merfit se in triticum super genua, leuatusque siccatis pedibus, eo remedio postea usus est: quo quidem remedio uti possunt podagrosi.

Ennius Poetarum vetustissimus, podagra, vehementer laborans, tamen poeticæ studio semper maxima cum iucunditate operam dabat, *Pont. lib. 2. cap. 8.* Matthæus quoque Aquillanus, licet pedibus, & manibus captus, mirum quantum Neapolitanis in studijs profuerit, Philosophiam, Theologiam, naturales res assidue docens, *Idem ibidem.*

B Agefilaus, cum arderet podagræ doloribus, eumque Carneades inuississet, atque exiret tristis: *Mane*, inquit, *Carneades*; nihil enim illinc huc peruenit, *Plutarch. in Lacon.* ostensis pedibus, & pectore, subindicans, pedes quidem dolere, sed animum dolore vacuum esse, ac proinde rebus magni momenti incumbere posse.

Diuus Gregorius, *Lib. 8. epist. 35.* maximis fuit podagræ doloribus afflictatus, sic enim ad Eulogium Patriarcham Alexandrinum de se scribebat. *Ecce iam biennium penè expletur, quo lectulo teneor, tantisque podagra doloribus affligor, ut vix in diebus festis usque ad horarum trium spatium surgere valeam & Missarum solemnia celebrare. Mox autem cum graui compellor dolore decumbere, ut cruciatum meum possim interrumpere*

penite gemitu tolerare. Qui dolor interdum mihi lenius est, interdum nimius. Sed neque ita lenius ut recedat; neque nimius, ut interficiat. Unde fit, ut qui quotidie in morte sum, quotidie repellar à morte. Nec mirum, quia peccator gravis talis corruptionis carcere diu teneor inclusus, &c. His tamen non obstantibus, sanctus ille vir non minùs pastoralis suo munere perfungebatur, ut patet in hac ipsa epistola.

Refert idem Gregorius, *Lib. 1. Dial. cap. 6.* Marcellinum Anconitanum Episcopum podagrosus miraculis coruscasse. Nam cum quadam die ciuitas Anconitana succensa esset: cumque vehementer arderet, occurrerunt omnes, ut ignem extinguerent; sed illis aquam certatim proiicientibus, ita crescebat flamma, ut iam totius urbis interitum minari videretur. Verum sanctus ille Antistes manibus licet gestatus alienis, urbis incendiū ex aduerso corpus suum flammis obijciens, derepentē cessare fecit, potentior virtute, quàm pedibus. Terra denegata erat illi calcanda, ut liberiùs cælum mente conscenderet.

C Si tantæ sanctitatis viri his fuerunt doloribus afflictati, quid miramur, si nos peccatis onerati similibus premamur cruciatibus? Non obstante quacumque podagra, sanctitatem conseruarūt, & ad æternam felicitatem peruenerunt; non enim obstat podagra, nec alius morbus sanctitati, ac vitæ probitati, dummodo patienter feratur, Deoque gratiæ agantur.

Philemon Sophista morbo articulari laborans dicere solebat: *Comedendum est, manus non habeo;*
am-

ambulandum est, pedes non habeo: dolendum est, manus, & pedes habeo. Philostr. in Sophistis. At verò Christiani simili morbo laborantes, licet non habeant manus ad māducandum, & pedes ad ambulandū: habēt tamē manus & pedes ad merendū: quia, si æquo animo dolores manuum & pedum, & alios huiusmodi patiantur, magnum sibi comparabunt meritum, augebuntque sibi gratiam. Viribus enim animi potius, quàm corporis resistitur diabolo, & acquiritur cœlum.

Miratur Aelianus, *Lib. 4. var. hist.* Democritum pugilem, qui cūm podagra, doloribusque pedum diuexaretur, ad certamina venit, & consistens in stadio, descripsit sibi circum, & iubebat aduersarijs, vt se expellerent extra lineam. At illi victi sunt ab ægroto, & ipse cūm bene, & fortiter in statione sua perstitisset, coronam secū deportauit. Sic & vos, o podagrosi, in vestra lectica decubentes potestis domesticos aduersarios debellare, mundum scilicet, carnem, & dæmonem; qui, si patientiæ clypeo armemini, extra lineam rationis, aut extra viam æternæ beatitudinis vos expellere nullo modo poterunt, imò victoriam reportantes coronam deportabitis.

D Quoddam autē remediū sit huic morbo adhibendum, vix reperitur. Nam *Ouid. 2. de Ponto.*

Soluere nodosam nescit medicina podagram.

Quamquam alium morbū dicunt esse huius morbi remedium, nempe paupertatem, quā ferè omnes fugiunt. *Si quid*, ait Petrarcha, *Lib. 6. epist. 89. de reb. famil. aduersus podagram auxiliij est, totum à paupertate poscendum est: podagrę medicina*

opti-

optima est paupertas, seu illam necessitas, seu voluntas attulerit. Refert Cælius, *Lib. 6. lect. antiq.* aliquos hoc morbo laborantes, proscriptione bonorum ad simplicem mensam, & pauperes cibos reductos conualuisse.

Scribit idem Auctor, *Ibidem*, interdum sale podagram curari. Hoc autem an verum sit, & quomodo adhiberi & applicari debeat, dicant Medici. Ego verò ijs, quæ per salem intelliguntur, libenter dicerem potius curari, cibi videlicet parsimonia, omnique in viuendo & comedendo adhibita moderatione, & prudentia, cuius præcipuè sal symbolum est. Sicut enim parum salis ab homine sumitur; ita si parum alimentia podagrosis sumatur, tandem forte conualescent, aut saltem mitigabuntur dolores. Nam consonum est, ut modicitas expellat, quod nimietas appellat.

Podagram morbum esse peregrinum autumat Plinius. *Lib. 26. cap. 10.* Nam, inquit, si Italia fuisset antiquius, Latinum nomen inuenisset: non enim Roma, cum sudando, laborando, & vires exercendo homines vivebant, hoc malum cognouit. Dico itaque; si more peregrini victitasses, morbus iste peregrinus fortè non te vexasset: peregrini semper ambulant, multa patiuntur incommoda. Existimant autem aliqui hunc morbum euenire homini suauem vitam ducenti, ac parum se exercitanti.

Porro, notat Hippocrates, *In Aphor.* spadones & eunuchos nunquam podagra laborare. Nolo tamen inde colligere, podagrosos libidini operam

ram

ram dare, vel dedisse; cùm, teste Galeno, podagram castratos non tentare verius fuerit temporibus Hippocratis, quàm nostris, in quibus plerique reperiuntur rei Venereæ dediti, qui podagra minimè laborant: quidam autem podagra detenti, qui aliàs castissimi sunt. Verùm, si tandem credere cogeremur eunuchos non podagrizare, libenter ego consulerem podagrosis, ac omnibus alijs, vt de illis essent eunuchis, de quibus Christus loquitur, qui scilicet se castrauerunt propter regnum cœlorum. *Matth. 19.*

E Seneca, *Lib. de vit. beat. c. 17.* nullum aliud remedium præterquàm delinimentum suæ podagræ adhibuisse scribit. *Delinimenta*, inquit, *magis quàm remedia podagra mea compono.* At delinimenta nostra, tam huic morbo, quàm cæteris componenda, sint patientia, recordatio nostrorum delictorum, ac gratiarum actiones.

Quid inter dolores podagræ agendum sit, indicat Diuus Gregorius, *Lib. 9. epist. 25.* qui se alioque podagricos sic consolabatur. *Podagra doloribus torqueor, qui & mihi, & vobis non dispariliter nociui sunt. Inter quos, quid aliud debemus, nisi semper delicta nostra ad memoriam reuocare, atque omnipotenti Deo gratias agere? Quoniam qui ex carnis blandimento multa peccauimus, ex carnis afflictione purgamur. Sciendum quoque est nobis quia pœna præsens, si animum afflictæ conuertit, finis est culpa præcedentis: si autem ad timorem Domini minimè conuertit, initium est pœna frequentis. Curandum est igitur, ne de tormento ad tormenta transeamus. Quod certè fieret, si inter huiusmodi dolores*

lores in voces blasphemiarum prorumperemus, & gratias Deo non ageremus.

Hanc tanti Doctoris Sancti Gregorij sententiam attente meditabatur insignis Doctor frater Ioannes Ruffus, alias Margatus, Lugdunensis, Ordinis Minorum regularis Observantiae, quem honoris & pie memorie gratia hic recensere minime quoque erit ingratum. Is etenim, cum per viginti circiter annos nodosa, si quis unquam, podagra laborauerit, fortem nihilo minus se adeo praebeuit, ut à publicis concionibus, Lugduni praesertim, etsi podagrosus vehementer, minime abstineret; ita ut omnibus & singulis auditoribus non tantum in admiratione foret, sed etiam haereticis, imò vel ipsi Bezae heresiarchae, aliisque eius aedulis Ministris & sectatoribus, qui tunc temporis morabantur Genevae, tamquam clypeus formidabilis oppositus & à Deo positus esse videretur; multi siquidem haeretici eius fama commoti, Geneva Lugdunum petebant, qui, nescio qua vi, nonnisi certe diuina, eius verbis tanquam carbonibus consolatorijs perculsi & inflammati, statim ad fidem Catholicam conuertebantur. Vnde quamuis seipsum ferè mouere non posset, utpote qui propter praedictum morbum in sella gestatoria ad sacrum pulpitum deferendus erat, saepe saepius tamen verae & orthodoxae fidei hostes mortem ei comminati sunt. Sed aduersus eum, Deo sic illum reseruante, nihil prorsus praeualuerunt, quinimò tanti apud omnes tum sui Ordinis Fratres Franciscanos, tum saeculares meriti exitit, ut omnium votis &

& applausu, in Capitulo prouinciali, in Conuentu sancti Bonauenturæ Lugduni celebrato, podagrosus licet, in ministrum prouincialem Prouinciæ sancti Bonauenturæ electus sit; nec id solum, sed cum ex eo officio incumberet ei ad Capitulum generale Romæ celebrandum proficisci, ecce & illuc pergit, atque inter tot, tantosque viros, eximios, quibus tum Ordo sacer clarebat, ille etiam pro Cismontana familia Diffinitor generalis est electus & declaratus. Nec ibi sistit, cum namque ex tam difficili, tamque incommoda peregrinatione, in qua parum abfuit quin naufragium pertulerit, Lugdunum rediisset, in prædicandi præclaro munere Guardianus præfati Conuentus sese continuò exercuit, necnon multis, quæ palam apparent, reparationibus eum auxit, ornauit, amplificauit. Tandem cum fermè nullum in suo corpore membrum, præter linguam, quæ certè tam multos ad meliorem frugem reduxerat, sanum superesset, summas Deo gratias agens, obiit fideliter in eodem Conuentu Guardianus, anno à parata salute mundi millesimo sexcentesimo sexto, die mensis Decembris decimatertia.

Laudat Tullius, *Lib. 3. Tuscul. quæst.* Possidonium, quod constanter tulerit articulorum dolores, quibus cum magis premeretur, dicere solebat: *Nihil agis dolor, quamuis sis molestus, nunquam te esse confitebor malum.* Dic tu dolore pressus: nihil agis dolor; non propterea aliquod committam, vel proferam malum. Non enim de hoc malo est conquerendum, ex quo bonum nobis est colligendum.

Mi-

F Miphiboseth Ionatæ filius, deleta Saulis domo solus superfuit, quia utroque pede claudus non potuit interesse bello, quo ceciderunt fortes Israel. Insuper auitos agros solus possedit, & Regis Dauid mensæ particeps fuit. Tantum ergo illi pedum ægritudo contulit, ut & diutius, & felicius viueret: si libere potuisset incedere, misere potuisset corruere. Itaque pedum imbecillitas illi non obfuit, sed profuit.

Qui grauiter deliquerunt, incarcerantur, ac interdum manicis, compedibusque includuntur, ut puniri, & ne iterum peccare valeant: forte peccastis, ideo iuste & misericorditer Deus vult, ut sit vobis carcer lectica vestra, in qua iacetis: chiragra vestra, veluti manica; & podagra vestra, sicut compedes, quibus detinemini, vel ut puniamini, vel ut mereamini: aut ut ne grauius offendatis, præpediamini. Felices igitur huiusmodi carceres, felices manicae & compedes, quibus in hoc mundo purgamur, vel quibus mereri possumus, ac quibus pedes nostri prohibentur, ne ad malum tendant, & manus nostræ, ne ad illicita sese extendant. Sic enim nobis aliquando expedit retrahi: quia ubi soluti sumus, vagamur & lasciuimus.

Non tantum misericorditer, sed & ciuiliternobiscum agit Deus, dum absque vlla infamiae nota, ciuili quodam ac temporali carcere, talibusque vinculis nos detinet inclusos, ut commissa peccata defleamus, & in posterum nobis caueamus, ne alterius carceribus, igneisque vinculis mancipemur. Non omnibus hoc contulit beneficium:
pro-

propterea hortatur Diuus Gregorius, *Ibidem.* ut tanti beneficii memores simus. *Considerandum quoque est*, inquit, *quanta erga nos dispensatione pietatis agit Conditor noster*, quod morte dignos assidue percutit, & tamen adhuc minimè occidit. Nos ergo habemus indicium, quia derelicti non sumus, qui assidue flagellamur. In ipsis itaque verberibus Dei reuocemur ad memoriam & eius munera, & nostri reatus damna. Pensemus quanta bona super nostram malitiam fecerit, & quanta mala sub eius bonitate commisimus.

G Cauete ne similes sitis Regi Asa, de quo sic conqueritur Scriptura, 2. Par. 16. *Aegrotauit Asa dolore pedum vehementissimo*, & nec in infirmitate sua quasiuit Dominum, sed magis in Medicorum arte confisus est. Quasi dicat: cum vix possit iste morbus arte Medicorum curari, non erat in eis confidendum, sed Dominus querendus, non pedibus, aut manibus, si dolore præpediantur; sed corde & animo. Cum igitur vobis, o podagrosi, liber sit animus, liberumque cor, ad Deum animo tendite, corde illum diligite, eique gratias agite, imò tanto ardentius, quanto dolores vexabunt vehementius.

¶ Cæterum, Seneca agens de morborum doloribus fortiter perferendis, inde probat, & podagræ dolores contemnendos, quod amantissima nostri natura ita disposuerit, ut cum exilia & macerrima membra doleant, citò obstupeſcant; atque ita tolerabilis, aut breuis sit dolor, *Epist.* 78. ad Luc. *Maximè*, inquit, *dolores consistunt in macerrimis corporis partibus. Nerui, articuli, &* quid-

quid aliud exile est, acerrimè sauit, cum in arcto vitia concepit. Sed citò hæ partes obstupescunt, & ipso dolore sensum doloris amittunt. Sic podagra, & chiragra, & omnis vertebrarum dolor, nervorumque interquiescit, cum illa quæ torquebat, hebetavit: impetus mora extinguitur, & finis dolendi est obtorpuisse. Verum ut illa vexatio fiat purgandi, vel merendi occasio, postulanda est potius in illis doloribus patientia, quàm desideranda torpedio. Equum enim est, ut qui toto corpore peccauimus, in nervis saltem, & articulis torqueamur, ac macerrima membra doleant, ut pinguiora purgentur. Oprandum est igitur, ut non cessent cruciatus, quibus possunt deleri reatus.

Propterea reuocandi sunt sæpissimè in mentem intentissimi dolores, quos in inferno patiuntur damnati; illos fortè non euitaremus, quia, quia peccare possemus, nisi præsentibus dolores sustineremus. Audi Hugonem. *Quosdam*, inquit, *Lib. 2. de anima. præsciens Deus multa peccare posse, flagellat eos infirmitate corporis, ne peccent; ut eis vilius sit frangi languoribus ad salutem, quàm remanere incolumes ad damnationem.*

H Cogitate insuper acerbissimos illos dolores, quos Christus in fixatione clauorum manuum, & pedum sustinuit. Nam sicut flagellatione visus est tamquam leprosus: ita huiusmodi transfixione factus est velut podagrosus; & chiragrosus. Hanc autem dolorum acerbitatem ex eo probat Angelicus Doctor, *3. part. qu. 46. art. 6. quod in locis nervosis Christus fuerit transfixus.*

M m

Hi

Hi enim dolores adeò vehementes esse solent, ut multis spasimum causauerint, alijs membrorum stuporem, ac mentis alienationem immiserint : unde Diuus Cyprianus, *de pass. Dom.* sic ad Christum *Consideraui*, inquit, *opera tua, & expaui clauis sacros pedes terebrantibus, fossisque tuis manibus*, &c. Illam etiam dolorum acerbitatem explicans doctissimus Eckius, *Tract. de pass. Dom. consid. 3.* sic ait : *Manus altera obtuso clauo, ut grauioreffet dolor, cruci affixa est: altera verò, quando iam foramen attingere non poterat, funibus sic extensa est, ut vena disrumperentur.*

Non aliter extensum est Christi corpus, quàm solet extendi tympanum; ita ut omnia Christi membra, nerui omnes, venæ quoque, atque arteriæ velut chordæ extenderentur. Quare Lodolphus reuelatum asserit pio cuidam viro, Christum Dominum nullam maiorem sustinuisse pœnam, quam huiusmodi transfixionem, quod verum esse etiam constat ex reuelationibus Beatæ Brigittæ. *Lib. 6. cap. 15.* Dicat igitur Diuus Augustinus, *Clauis & lancea clamant.* Quid clamant? maiorem præ cæteris fuisse illum dolorem; clamant clauis, & tacet Christus hæc pro te patiendo. Cur ergo te excrucias? cur vociferaris, te minimo præmente dolore? Non indiget Deus tuo clamore, qui optimè nouit tuos dolores: at tu clauorum vociferatione indigebas, qui tam acerbos Christi dolores non attendebas. Si adhuc interroges quid clament isti clauis, respondet Bernardus, *Clamat clauus, clamat vulnus, quod in Christo sit Deus reconcilians mundum sibi.* Aliam quoque

quoque egregiâ Diui Iustiniani responsionē eidē interrogationi adhibere placet. *Clamant clauī, inquit, lancea, irrisiones, & verbera, ut ipse toto corde, totisque visceribus diligatur, qui pro dilectione nostra ita talia, ac tanta pati dignatus est.* Clamant denique hæc omnia, vt tu dolendo taceas, ac pro Christo hos tuos dolores æquanimiter patiaris, vt illo tādē fine fine potiarius. *Nihil est, ait Gregorius, adeo graue, quod non æquanimiter toleretur, si Christi passio ad memoriā reuocetur.* Non debēt tuis importunis clamoribus, & eiulatibus interrumpi tā suaues, tamque iustæ illorum instrumentorum voces.

Adeos qui calculo, siue lapillis, & arenulis in renibus, aut vesica ingeneratis laborant.

Caput XXII.

APRecetur vnusquisque, dicatque illud Tibulli, *Lib. 2. Eleg. 4.*

O ego non possim tales sentire dolores.

Tanti enim sunt, vt inter morbos experimento comprobatum sit, vt docet Plinius, asperissimos cruciatus esse calculorum. Narrent qui sentiunt, quorum cum sim de numero, eos consolando, meipsum consolabor. Recordemur in primis Deum se habere erga nos, sicut nauæ erga naues; quas tutò ad portum deducere cupiunt: solent enim eas saburrare, immittendo, scilicet, lapides, & arenas, vt eis stabiliantur, & huc, atque illuc à vento non circumferantur, & ad scopulos non alidantur. Grues, teste Solino, arenas volaturæ deuorant, sublatisque lapillis ad moderatam gra-

M m 2 uita-

Hi enim dolores adeò vehementes esse solent, vt multis spasimum causauerint, alijs membrorum stuporem, ac mentis alienationem immiserint: vnde Diuus Cyprianus, *de pass. Dom.* sic ad Christum *Consideraui*, inquit, *opera tua, & expaui clauis sacros pedes terebrantibus, fossisque tuis manibus, &c.* Illam etiam dolorum acerbicatem explicans doctissimus Eckius, *Tract. de pass. Dom. confid. 3.* sic ait: *Manus altera obtuso clauo, vt grauioreffet dolor, cruci affixa est: altera verò, quando iam foramen attingere non poterat, funibus sic extensa est, vt vena disrumperentur.*

Non aliter extensum est Christi corpus, quàm solet extendi tympanum; ita vt omnia Christi membra, nerui omnes, venæ quoque, atque arteriæ velut chordæ extenderentur. Quare Lodolphus reuelatum asserit pio cuidam viro, Christum Dominum nullam maiorem sustinuisse pœnam, quam huiusmodi transfixionem, quod verum esse etiam constat ex reuelationibus Beatæ Brigittæ. *Lib. 6. cap. 15.* Dicat igitur Diuus Augustinus, *Clauis & lancea clamant.* Quid clamant? maiorem præ cæteris fuisse illum dolorem; clamant clauis, & tacet Christus hæc pro te patiundo. Cur ergo te excrucias? cur vociferaris, te minimo præmente dolore? Non indiget Deus tuo clamore, qui optimè nouit tuos dolores: at tu clauorum vociferatione indigebas, qui tam acerbos Christi dolores non attendebas. Si adhuc interrogas quid clament isti clauis, respondet Bernardus, *Clamat clauus, clamat vulnus, quod in Christo sit Deus reconcilians mundum sibi.* Aliam quoque

quoque egregiâ Diui Iustinianî responsionē eidē interrogationi adhibere placet. *Clamant clauī, inquit, lancea, irrisiones, & verbera, ut ipse toto corde, totisque visceribus diligatur, qui pro dilectione nostrâ alia, ac tanta pati dignatus est.* Clamant denique hæc omnia, ut tu dolendo taceas, ac pro Christo hos tuos dolores æquanimiter patiaris, ut illo tādē fine fine potiarius. *Nihil est, ait Gregorius, adeo graue, quod non æquanimiter toleretur, si Christi passio ad memoriã reuocetur.* Non debēt tuis importunis clamoribus, & eiulatibus interrumpi tā suaues, tamque iustæ illorum instrumentorum voces.

Adeos qui calculo, siue lapillis, & arenulis in renibus, aut vesica ingeneratis laborant.

Caput XXII.

APRecetur vnusquisque, dicatque illud Tibulli, *Lib. 2. Eleg. 4.*

O ego non possim tales sentire dolores.

Tanti enim sunt, ut inter morbos experimento comprobatum sit, uti docet Plinius, asperrimos cruciatus esse calculorum. Narrent qui sentiunt, quorum cum sim de numero, eos consolando, meipsum consolabor. Recordemur in primis Deum se habere erga nos, sicut nauæ erga naues; quas tutò ad portum deducere cupiunt: solent enim eas saburrare, immittendo, scilicet, lapides, & arenas, ut eis stabiliantur, & huc, atque illuc à vento non circumferantur, & ad scopulos non alidantur. Grues, teste Solino, arenas volaturæ deuorant, sublatisque lapillis ad moderatam gra-

M m 2 uita-

ambulandum est, pedes non habeo : dolendum est, manus, & pedes habeo. Philostr. in Sophistis. At verò Christiani simili morbo laborantes, licet non habeant manus ad māducandum, & pedes ad ambulandū: habēt tamē manus & pedes ad merendū: quia, si æquo animo dolores manuum & pedum, & alios huiusmodi patiantur, magnum sibi comparabunt meritum, augebuntque sibi gratiam. Viribus enim animi potius, quàm corporis resistitur diabolo. & acquiritur cœlum.

Miratur Aelianus, *Lib. 4. var. hist.* Democritum pugilem, qui cū podagra, doloribusque pedum diuexaretur, ad certamina venit, & consistens in stadio, descripsit sibi circum, & iubebat aduersarijs, vt se expellerent extra lineam. At illi victi sunt ab ægroto, & ipse cū bene, & fortiter in statione sua perstitisset, coronam secū deportauit. Sic & vos, o podagrosi, in vestra lectica decubentes potestis domesticos aduersarios debellare, mundum scilicet, carnem, & dæmonem; qui, si patientiæ clypeo armemini, extra lineam rationis, aut extra viam æternæ beatitudinis vos expellere nullo modo poterunt, imò victoriam reportantes coronam deportabitis.

D Quodnam autē remediū sit huic morbo adhibendum, vix reperitur. Nam *Ouid. 2. de Ponto.*

Soluere nodosam nescit medicina podagram.

Quamquam alium morbū dicunt esse huius morbi remedium, nempe paupertatem, quā ferè omnes fugiunt. *Si quid*, ait Petrarcha, *Lib. 6. epist. 89. de reb. famil. aduersus podagram auxilij est, totum à paupertate poscendum est: podagrę medicina opti-*

optima est paupertas, seu illam necessitas, seu voluminas attulerit. Refert Cœlius, *Lib. 6. lect. antiq.* aliquos hoc morbo laborantes, proscriptione bonorum ad simplicem mensam, & pauperes cibos redactos conualuisse.

Scribit idem Auctor, *Ibidem*, interdum sale podagram curari. Hoc autem an verum sit, & quomodo adhiberi & applicari debeat, dicant Medici. Ego verò ijs, quæ per salem intelliguntur, libenter dicerem potius curari, cibi videlicet parsimonia, omnique in viuendo & comedendo adhibita moderatione, & prudentia, cuius præcipuè sal symbolum est. Sicut enim parum salis ab homine sumitur; ita si parum alimentia podagrosis sumatur, tandem forte conualescent, aut saltem mitigabuntur dolores. Nam consonum est, ut modicitas expellat, quod nimietas appellat.

Podagram morbum esse peregrinum autumat Plinius. *Lib. 26. cap. 10.* Nam, inquit, si Italia fuisset antiquius, Latinum nomen inuenisset: non enim Roma, cum sudando, laborando, & vires exercendo homines vivebant, hoc malum cognouit. Dico itaque; si more peregrini victitasses, morbus iste peregrinus fortè non te vexasset: peregrini semper ambulant, multa patiuntur incommoda. Existimant autem aliqui hunc morbum euenire homini suauem vitam ducenti, ac parum se exercitanti.

Porro, notat Hippocrates, *In Aphor.* spadones & eunuchos nunquam podagra laborare. Nolo tamen inde colligere, podagrosos libidini operam

ram dare, vel dedisse; cùm, teste Galeno, podagram castratos non tentare verius fuerit temporibus Hippocratis, quàm nostris, in quibus plerique reperiuntur rei Venereæ dediti, qui podagra minimè laborant: quidam autem podagra detenti, qui aliàs castissimi sunt. Verùm, si tandem credere cogeremur eunuchos non podagrizare, libenter ego consulerem podagrosis, ac omnibus alijs, vt de illis essent eunuchis, de quibus Christus loquitur, qui scilicet se castrauerunt propter regnum cœlorum. *Matth. 19.*

E Seneca, *Lib. de vit. beat. c. 17.* nullum aliud remedium præterquàm delinimentum suæ podagræ adhibuisse scribit. *Delinimenta*, inquit, *magis quàm remedia podagræ meæ compono.* At delinimenta nostra, tam huic morbo, quàm cæteris componenda, sint patientia, recordatio nostrorum delictorum, ac gratiarum actiones.

Quid inter dolores podagræ agendum sit, indicat Diuus Gregorius, *Lib. 9. epist. 25.* qui se aliofque podagricos sic consolabatur. *Podagra doloribus torqueor, qui & mihi, & vobis non dispariliter nociui sunt. Inter quos, quid aliud debemus, nisi semper delicta nostra ad memoriam reuocare, atque omnipotenti Deo gratias agere? Quoniam qui ex carnis blandimento multa peccauimus, ex carnis afflictione purgamur. Sciendum quoque est nobis quia pœna præsens, si animum afflicti conuertit, finis est culpa præcedentis: si autem ad timorem Domini minimè conuertit, initium est pœna frequentis. Curandum est igitur, ne de tormento ad tormenta transeamus.* Quod certè fieret, si inter huiusmodi dolores

lores in voces blasphemiae prorumperemus, & gratias Deo non ageremus.

Hanc tanti Doctoris Sancti Gregorij sententiã attente meditabatur insignis Doctor frater Ioannes Ruffus, alias Margatus, Lugdunensis, Ordinis Minorum regularis Observantiæ, quem honoris & piæ memoriæ gratia hic recensere minimè quoque erit ingratum. Is etenim, cùm per viginti circiter annos nodosa, si quis vnquam, podagra laborauerit, fortem nihilo minus se adeò præbuit, vt à publicis concionibus, Lugduni præsertim, etsi podagrosus vehementer, minimè abstinuerit; ita vt omnibus & singulis auditoribus non tantùm in admiratione foret, sed etiam hæreticis, imò vel ipsi Bezae heresiarchæ, alijsque eius aëclis Ministris & sectatoribus, qui tunc temporis morabantur Geneuæ, tamquam clypeus formidabilis oppositus & à Deo positus esse videretur; multi siquidem hæretici eius fama commoti, Geneva Lugdunum petebant, qui, nescio quã vi, nonnisi certe diuina, eius verbis tamquam carbonibus consolatorijs perculsi & inflammati, statim ad fidem Catholicam conuertebantur. Vnde quamuis seipsum ferè mouere non posset, vtpote qui propter prædictum morbum in sella gestatoria ad sacrum pulpitem deferendus erat, sæpe sæpiùs tamen veræ & orthodoxæ fidei hostes mortem ei comminati sunt. Sed aduersus eum, Deo sic illum reseruante, nihil prorsus præualuerunt, quinimò tanti apud omnes tum sui Ordinis Fratres Franciscanos, tum sæculares meriti extitit, vt omnium votis &

& applausu, in Capitulo prouinciali, in Conuentu sancti Bonauenturæ Lugduni celebrato, podagrosus licet, in ministrum prouincialem Prouinciæ sancti Bonauenturæ electus sit; nec id solum, sed cum ex eo officio incumberet ei ad Capitulum generale Romæ celebrandum proficisci, ecce & illuc pergit, atque inter tot, tantosque viros, eximios, quibus tum Ordo sacer clarebat, ille etiam pro Cismontana familia Diffinitor generalis est electus & declaratus. Nec ibi sistit, cum namque ex tam difficili, tamque incommoda peregrinatione, in qua parum abfuit quin naufragium pertulerit, Lugdunum redisset, in prædicandi præclaro munere Guardianus præfati Conuentus sese continuò exercuit, necnon multis, quæ palam apparent, reparationibus eum auxit, ornauit, amplificauit. Tandem cum fermè nullum in suo corpore membrum, præter linguam, quæ certè tam multos ad meliorè frugē reduxerat, sanū superesset, summas Deo gratias agens, obiit fideliter in eodem Conuentu Guardianus, anno à parta salute mundi millesimo sexcentesimo sexto, die mensis Decembris decimatertia.

Laudat Tullius, *Lib. 3. Tuscul. quæst.* Possidonium, quòd constanter tulerit articulorum dolores, quibus cum magis premeretur, dicere solebat: *Nihil agis dolor, quamuis sis molestus, nunquam te esse confitebor malum.* Dic tu dolore pressus: nihil agis dolor; non propterea aliquod committam, vel proferam malum. Non enim de hoc malo est conquerendum, ex quo bonum nobis est colligendum.

Mi-

F Miphiboseth Ionatæ filius, deleta Saulis domo solus superfuit, quia utroque pede claudus non potuit interesse bello, quo ceciderunt fortes Israel. Insuper aitos agros solus possedit, & Regis Dauid mensæ particeps fuit. Tantum ergo illi pedum ægritudo contulit, ut & diutius, & felicius viveret: si libere potuisset incedere, misere potuisset corruere. Itaque pedum imbecillitas illi non obfuit, sed profuit.

Qui grauiter deliquerunt, incarcerantur, ac interdum manicis, compedibusque includuntur, ut puniri, & ne iterum peccare valeant: fortè peccastis, ideo iuste & misericorditer Deus vult, ut sit vobis carcer lectica vestra, in qua iaceris: chiragra vestra, veluti manicæ; & podagra vestra, sicut compedes, quibus detinemini, vel ut puniamini, vel ut mereamini: aut ut ne grauius offendantis, præpediamini. Felices igitur huiusmodi carceres, felices manicæ & compedes, quibus in hoc mundo purgamur, vel quibus mereri possumus, ac quibus pedes nostri prohibentur, ne ad malum tendant, & manus nostræ, ne ad illicita sese extendant. Sic enim nobis aliquando expedit retrahi: quia ubi soluti sumus, vagamur & lasciuimus.

Non tantum misericorditer, sed & ciuilitè nobiscum agit Deus, dum absque vlla infamiæ nota, ciuili quodam ac temporali carcere, talibusque vinculis nos detinet inclusos, ut commissa peccata defleamus, & in posterum nobis caueamus, ne alterius carceribus, igneisque vinculis mancipemur. Non omnibus hoc contulit beneficium:
pro-

propterea hortatur Diuus Gregorius, *Ibidem.* ut tanti beneficij memores simus. *Considerandum quoque est*, inquit, *quanta erga nos dispensatione pietatis agit Conditor noster*, quod morte dignos assidue percutit, & tamen adhuc minimè occidit. Nos ergo habemus indicium, quia derelicti non sumus, qui assidue flagellamur. In ipsis itaque verberibus Dei reuocemur ad memoriam & eius munera, & nostri reatus damna. Pensemus quanta bona super nostram malitiam fecerit, & quanta mala sub eius bonitate commisimus.

G Cauete ne similes sitis Regi Aſa, de quo sic conqueritur Scriptura, 2. Par. 16. *Aegrotauit Aſa dolore pedum vehementissimo*, & nec in infirmitate sua quaesuit Dominum, sed magis in Medicorum arte confisus est. Quasi dicat: cum vix possit iste morbus arte Medicorum curari, non erat in eis confidendum, sed Dominus querendus, non pedibus, aut manibus, si dolore præpediantur; sed corde & animo. Cum igitur vobis, ô podagrosi, liber sit animus, liberumque cor, ad Deum animo tendite, corde illum diligite, eique gratias agite, imò tanto ardentius, quanto dolores vexabunt vehementius.

✱ Cæterum, Seneca agens de morborum doloribus fortiter perferendis, inde probat, & podagræ dolores contemnendos, quod amantissima nostri natura ita disposuerit, ut cum exilia & macerrima membra doleant, citò obtupeſcant; atque ita tolerabilis, aut breuis sit dolor, *Epist.* 78. ad Luc. *Maximè*, inquit, *dolores consistunt in macerrimis corporis partibus. Nervi, articuli, &* quid-

quid aliud exile est, acerrimè saevit, cum in arcto vitia concepit. Sed cito hæ partes obstupefcunt, & ipso dolore sensum doloris amittunt. Sic podagra, & chiragra, & omnis vertebrarum dolor, nervorumque interquiescit, cum illa quæ torquebat, hebetavit: impetus mora extinguitur, & finis dolendi est obtorpuisse. Verum ut illa vexatio fiat purgandi, vel merendi occasio, postulanda est potius in illis doloribus patientia, quàm desideranda torpedo. Equum enim est, ut qui toto corpore peccauimus, in nervis saltem, & articulis torqueamur, ac macerrima membra doleant, ut pinguiora purgentur. Oportandum est igitur, ut non cessent cruciatus, quibus possunt deleri reatus.

Propterea reuocandi sunt sæpissimè in mentem intentissimi dolores, quos in inferno patiuntur damnati; illos fortè non euitaremus, quia, quia peccare possemus, nisi præsentibus dolores sustineremus. Audi Hugonem. *Quosdam*, inquit, *Lib. 2. de anima. præsciens Deus multa peccare posse, flagellat eos infirmitate corporis, ne peccent; ut eis utilius sit frangi languoribus ad salutem, quàm remanere incolumes ad damnationem.*

H Cogitate insuper acerbissimos illos dolores, quos Christus in fixatione clavorum manuum, & pedum sustinuit. Nam sicut flagellatione visus est tamquam leprosus: ita huiusmodi transfixione factus est velut podagrosus; & chiragrosus. Hanc autem dolorum acerbitatem ex eo probat Angelicus Doctor, *3. part. qu. 46. art. 6. quod in locis nervosis Christus fuerit transfixus.*

M m

Hi

Hi enim dolores adeò vehementes esse solent, ut multis spasimum causauerint, alijs membrorum stuporem, ac mentis alienationem immiserint: unde Diuus Cyprianus, *de pass. Dom.* sic ad Christum *Consideraui*, inquit, *opera tua, & expaui clauis sacros pedes terebrantibus, fossisque tuis manibus, &c.* Illam etiam dolorum acerbiteratam explicans doctissimus Eckius, *Tract. de pass. Dom. consid. 3.* sic ait: *Manus altera obtuso clauo, ut grauioreffet dolor, cruci affixa est: altera verò, quando iam foramen attingere non poterat, funibus sic extensa est, ut vena disrumperentur.*

Non aliter extensum est Christi corpus, quàm solet extendi tympanum; ita ut omnia Christi membra, nerui omnes, venæ quoque, atque arteriæ velut chordæ extenderentur. Quare Lodolphus reuelatum asserit pio cuidam viro, Christum Dominum nullam maiorem sustinuisse pœnam, quam huiusmodi transfixionem, quod verum esse etiam constat ex reuelationibus Beatæ Brigittæ. *Lib. 6. cap. 15.* Dicat igitur Diuus Augustinus, *Clauis & lancea clamant.* Quid clamant? maiorem præ cæteris fuisse illum dolorem; clamant clauis, & tacet Christus hæc pro te patiundo. Cur ergo te excrucias? cur vociferaris, te minimo præmente dolore? Non indiget Deus tuo clamore, qui optimè nouit tuos dolores: at tu clauorum vociferatione indigebas, qui tam acerbos Christi dolores non attendebas. Si adhuc interrogas quid clament isti clauis, respondet Bernardus, *Clamat clauus, clamat vulnus, quod in Christo sit Deus reconcilians mundum sibi.* Aliam quoque

quoque egregiā Diui Iustiniani responsionē eidē interrogationi adhibere placet. *Clamant clauī, inquit, lancea, irrisiones, & verbera, ut ipse toto corde, totisque visceribus diligatur, qui pro dilectione nostrā alia, ac tanta pati dignatus est.* Clamant denique hæc omnia, ut tu dolendo taceas, ac pro Christo hos tuos dolores æquanimiter patiaris, ut illo tādē fine fine potiaris. *Nihil est, ait Gregorius, adeo graue, quod non æquanimiter toleretur, si Christi passio ad memoriā reuocetur.* Non debēt tuis importunis clamoribus, & eiulatibus interrumpi tā suauēs, tamque iustæ illorum instrumentorum voces.

Adeos qui calculo, siue lapillis, & arenulis in renibus, aut vesica ingeneratis laborant.

Caput XXII.

A Recetur vnusquisque, dicatque illud Tibulli, *Lib. 2. Eleg. 4.*

O ego non possim tales sentire dolores.

Tanti enim sunt, ut inter morbos experimento comprobatum sit, uti docet Plinius, asperrimos cruciatus esse calculorum. Narrent qui sentiunt, quorum cum sim de numero, eos consolando, meipsum consolabor. Recordemur in primis Deum se habere erga nos, sicut nauæ erga naues; quas tutò ad portum deducere cupiunt; solent enim eas saburrare, immittendo, scilicet, lapides, & arenas, ut eis stabiliantur, & huc, atque illuc à vento non circumferantur, & ad scopulos non alidantur. Grues, teste Solino, arenas volaturæ deuorant, sublatisque lapillis ad moderatam gra-

Mm 2 uita-

uitatem faburrantur : ita vt illis dicere possimus ;
Virg. 4. Georg.

—— & sæpe lapillo ,
Vt cymbæ instabiles fluctu iactante saburræ
Tollunt. —

Deus opt. max. vult nos saluare , dum dignatur his lapillis , calculis , aut arenulis renes nostros , aut vesicam onerare , & saburrare . Si enim leuitarem , vix mortem æternam euitarem , vt ad portum salutis deducamur , necesse est horum pondus , & cruciatus sustineamus . Non ergo grauemur grauari , qui cupimus saluari .

Inuenio apud veteres multiplicem calculorum vsum . Primus quidem , & antiquissimus fuit ad computandum ; huc enim spectat verus illud peruulgarumque prouerbium , *Ad calculos reuocare* ; dictum in eos qui nimio plus subtilem exigunt computationem , exactamque nimis subducurationem volunt . Alter calculorum vsum fuit in iudicijs , ad significandum absolutionem , vel condemnationem : absolutio enim albo lapillo notabatur ; atro autem condemnatio .

Tertius vsum erat in Comitijs , & in ferendis suffragijs pro creatione magistratuum : nam cui fauebant , & suffragabantur , eius nomine signatus calculus candidus dabatur .

Quartus vsum fuit ad denotandos dies lætos , & faustos : nam quo die valde lætum quippiam , & prosperum eis contingebat , eum candido lapillo veteres notare consueuerant . Cuius Consuetudinis originem Plinius , *Lib. 7. cap. 4.* à Thracibus repetit , hunc in modum scribens , *Thra-*

cia

cie gens calculos colore distinctos pro experimento cuiusque diei in urnam condit, ac supremo die separatos dinumerat, atque ita de quoque pronunciat.

Quintus calculorum vsus, secundum Aretam, fuit in theatris, atque certaminibus, vbi calculus candidus victori tradebatur, tamquam symbolum, & victoriæ ab eo partæ, & præmij, quod strenuè certando, & vincendo promeritus fuerat.

B Non est dubium, quin Dominus per istos calculos quibus premimur, voluerit nos animum, & cogitationem referre ad supra dictos calculorum vsus. Primo quidem vult nos *ad calculos reuocare*, dum permittit nos calculo laborare: vult inquam, vt his nostris lapillis, siue calculis in mentem reuocemus, quam exacta à nobis omnium actuum nostrorum exigenda sit ratio, vt ita maturè ad eam reddendam nos præparemus.

Vult præterea, vt per illam, quam in hoc morbo ferendo debemus habere patientiam, candidum calculum, hoc est, absolutionis beneficium increamur, & inter electos, vel cælorum magistratus numeremur: atque ita faustum, & lætum quid nobis euenisse agnoscamus. Quia coronabimur, dabitur nobis candidus calculus, si lapillorum, aut calculorum dolores patienter tolerauerimus, ac victores contra impatientiam euaserimus. Audi, quid Spiritus dicat Ecclesiis, *Apoc. 2. Vincenti dabo manna absconditum, & dabo illi calculum candidum, & in calculo nomen scriptum, quod nemo scit, nisi qui accipit.*

Quid autem per calculum candidum, & nomen in eo scriptum intelligatur, indicat Ambro-

sius his verbis . *Potest per calculum , nomenque in eo scriptum , beatitudo celestis patria designari ; ut per calculum significetur celestis patria ; per nomen , autem in eo scriptum , beatitudo celestis patria figureretur . Hoc igitur nomen nemo scit , nisi qui accipit : quia quanti sit illa celestis beatitudo nemo scire valet , nisi qui ad celestem patriam pervenire meruit , iuxta illud Isaia Cap. 64 . Oculus non vidit , Deus absque te , quæ præparasti expectantibus te .* Hos igitur prementes calculos nunc patiamur , ut aliquando calculo candido , & nomine in eo scripto potiamur .

Præterea per calculum candidum vincentibus promissum , intelligit Victorinus gemmam prætiosam . Idem sentit Primasius , qui sic scribit . *Calculus est gemma prætiosa , quæ ad morem illius margaritæ , quam negotiator inveniens , venditis omnibus comparavit , intelligenda proponitur . Alia denique translatio pro calculo candido , margaritam posuit .*

Vnde non est prætereundum , quod adnotat D. Hieronymus explanans illa verba Isaie , cap. 6 . *Et volavit ad me unus de Seraphim , & in manu eius calculus , &c .* Vbi pro illa voce (calculus) apud Septuaginta Græcè est ἀνθραξ . Latine carbunculus . Hæc sunt verba D. Hieronymi , Epist. 143 . ad Damas . *In Hebraeo pro carbone , quem posuerunt Septuaginta , legitur calculus , Interpretibus super hoc consonantibus . Videntur autem Septuaginta transferentes in hoc loco ἀνθραξ , idem sensisse quod ceteri : ἀνθραξ quippe , quem nos carbunculum interpretamur , genus est lapidis fulgidi , atque nitentis ,*

tentis, quem etiam in duodecim lapidibus inuenimus.

C Carbunculum igitur dicimus gestare, qui nouit patienter calculum tolerare. Liceat ergo mihi calculosos vocare carbunculosos, & gēmis ornatos. Quidni? Dolores enim, & persecutiones, pretiosos, ac quasi consecratos efficiunt, quos afficiunt. Probat. Laicus erat David, sed Saulis persecutione tamquam chrismate inungebatur, & Antistes consecrabatur: ideo panes propositionis solis Sacerdotibus reseruatos comedere non verebatur. Hoc diligenter obseruauit idem Hieronymus. *Cap. 2 in Soph. David non erat de Sacerdotibus, nec licebat ei comedere panes propositionis, sed quia persecutio Saul virtutum illius profectus erat, propterea in fuga sua, dum nescit, subito Antistes efficitur, & accipit panes propositionis, & non violat mandatum Dei.*

Sic filij Machabēi dolorum ac tormentorum tolerantia veluti Antistites, & consecrati euaserunt, quorum mater dum illorum cruciatus cerneret, sic eos apud D. Gregorium Nazian. alloquitur. *Euge filij mei, euge legis, canaque senectutis mea, atque ciuitatis Antistites.* Inibatantur, dum immaniſſimè excruciabantur, ac carnificum manibus discerpebantur, & ardenti sarragine torrebantur. Sicut igitur qui patienter tolerat persecutionem, sibi aliqualem acquirit consecrationem: ita, qui libenter patitur calculum, pretiosum obtinebit carbunculum. Non ergo pigeat ferre, quod potest nobis pretiosa conferre.

In locis arena conspersis pugnabant olim gladiatores, vnde adagium; *In sua quisque arena*. In arenam descendere dicebantur, qui in arenam præliaturi descendere cogeantur. Non coronabatur qui in arena fortiter non luctabatur. Vult Dominus nos in arenam, aut arenas in nos descendere, antequam valeamus in cælum ascendere. Vult, inquam, probemur an strenuè in nostris, aut cum nostris arenulis dimicemus, & patienter hos dolores toleremus; atque ita (arena est exigua, qua nobis præmia donantur perpetua) illam perferamus, vt hæc referamus. Quod non bene cohærebat, vocabatur à Seneca, *arena sine calce*. Non sint nostræ arenulæ absque calce patientiæ, vt nobis fiant meritoria. Si enim nobis nocent cum pituita, proderunt cum patientia, *Ouid. 3. Am.*

*Perfer & obdura, dolor hic tibi proderit: olim
Sæpe tulit lassus succus amarus opem.*

Calculus à calcando dicitur. Calcandus est nostra patientia calculus, quo premimur. *Sancti viri*, inquit Diuus Gregorius, *Lib. 5. Mor. 2. aduersitatem calcantes tolerant*. Apud doctos passim legimus, *Conna calculus*, à Conna quopiam citharædo; & dicebatur de re nullius, aut parui momenti. Sit nobis iste morbus tamquam Connæ calculus: illum conculcemus, & contemnamus patienter ferendo: est enim parui momenti, modicæque durationis, si cum doloribus inferni comparetur.

D Nonnulli dicunt, ideò nos vehementer cruciari his lapillis, & calculis, quia angustos habet

habemus meatus : si enim lati essent , facile transirent , & nullo modo nos premerent & afficerent , quod libenter crediderim . Verum transeuntibus illis per huiusmodi angustos meatus , atque ita nos vehementer prementibus , meminerimus , quod fortè per angustam portam , ac per arctam viam quæ ducit ad vitam , non intraremus , si hac angustia non afficeremur , & hoc morbo non laboraremus . Nonne audis Christum ? *Quàm angusta porta , & arcta via est , quæ ducit ad vitam , & pauci sunt qui inveniunt eam ! Matth. 7.* Precare Dominum , ut sicut posuit in te angustas vias , ita ponat te in arcta via , & faciat transire per angustam portam , quam pauci inveniunt . Illam tu inuenisti , si dolores horum calculorum patienter propter Deum tulisti .

Dolores & labores præsentis vitæ sunt illa arcta via , quæ ducit ad beatam vitam ; illos non respuamus , qui illam vitam desideramus . In via autem & porta quis non permanet , sed transit . Ita transibunt , & finientur isti dolores , atque ita , si patientes erimus , per citò transeuntia perueniemus ad semper permanentia . *Non minima consolatio est ,* inquit Euthymius , *vocare ipsam portam ac viam , siquidem neutra permanet , sed transit .*

Recordemur præterea , multos pios viros lapidibus extrinsecus aduenientibus fuisse obrutos , quos non cum tædio , sed cum gaudio susceperunt . De Diuo Stephano sic canit Ecclesia : *Ille gaudens suscepit lapides , ut mereretur accipere coronam gloria.* Qui permisit illum lapidari , ut mereretur coronari , permittit & nos his lapillis & cal-

calculis cruciari, ut possimus saluari. Sint nobis isti lapilli dulces, sicut & Stephano lapides torrentis dulces fuerunt. Dulces, inquam, illi erant, quia à dulci manu Dei emanabant, & dulcē ei requiem comparabant. Si duri sint nostri lapilli, scito quòd *gaudet patientia duris*. *Lucan. l. 9.* Hac duritie purgatur durities cordis nostri. His itaque duris lapillis, *pectoris duros lapides repelle*. *Hymn. Sancti Ioan.* Et satius nobis sit his lapillis & calculis affici, quàm mola asinaria in collo suspensa, in profundum demergi: fortè hanc non euitaremus, nisi illis laboraremus; ideo laudem Domino decantemus.

Mirabatur Cicero, quòd Demosthenes coniectis in os calculis, summa voce versus multos vno spiritu pronuntiaret. Gaudebunt cælicolæ, mirabuntur terrigenæ, si coniectis, aut in renibus nostris, vel vesica, genitis calculis & lapillis, laudes, & gratiarum actiones Domino promamus. David Domino benedicturus dicebat: *Benedicam Dominum*, &c. Quare? quia *increpauerunt merenes mei*: vel, ut alij legunt, *emendauerunt*. Vnde & Diuus Hieronymus vertit, *erudierunt*. Renes enim, quos Euthymius vocat radices concupiscētiæ, lapillis, arenulis, aut calculis grauati videntur nos erudire, monere, & incitare, ut Deum laudemus, & amemus, & vitam in melius emendemus; culpas agnoscamus, pœnitentiam agamus, bonaque operemur.

Ad

Ad leproſos . Caput XXIII.

A QVamuis lepræ morbus opinione hominū habeatur maximus omnium , & miſeratione digniſſimus , tum quia incurabilis eſt , tum quia totum corpus hominis deformat , & exedit uſque ad oſſa , ac omnibus hominibus , etiam parentibus , fratribus , & amicis abominabile reddit , ut eius conſpectum & ſocietatem ferro non poſſint : legimus tamen nonnullas nationes leproſos ad ciuitates admittere . Apud Abiſſinos leproſi verſantur cum populo , ut videatur vulgaris morbus eſſe . Joſephus ipſe ſic ſcribit , *Lib. 3. Antiq. cap. 10. & 13. & 1. contra Apion. Inter multas gentes leproſi verſantur , & in pretio ſunt , non relegantur , nec contemptum habentur : in expeditionibus militares dignitates , & in adminiſtratione Reipublica ciuiles illis committuntur , ac ne à ſemplicis quidem & fanis arcentur* . Perſis tamen , teſte Herodoto , *Lib. 1.* inuiſi erant leproſi , cum etiam dicerent eum morbū immiſſum , quòd contra Solē homines aliquid deliquiſſent . Sed ſuperſtitioſa ac ridicula erat eorū opinatio . Si enim etiā apud fideles foras leproſi eiſciantur , hoc non fit propter culpam , ſed propter lepram , qua ſani eorum conſortio poſſent inſici .

Mementote eodem vos affici morbo , quo multi graues homines fuerunt percuſſi . Leproſam manum habuit aliquando Moyſes : *Exod. 13.* fuit & Maria ſoror eius ſeptem diebus lepra percuſſa . Naaman princeps militiæ Regis Syriæ , erat vir
for-

fortis & dives, sed leprosus, 4. Reg. 5. Giezi seruus Helisæi Prophetæ fuit quoque subita, scdatus lepra. Ibidem. Rex Azarias, alias Ozias, fuit leprosus usque in diem mortis sue, & habitabat in domo libera seorsum. 4. Reg. 15. Beatam Genouefuam Parisiensem præsidem & patronam multis annis lepra laborasse testatur Volaterranus. Narrat idem, Froilam secundum Regem Asturum in Hispania, filium magni Alphonfi, fuisse lepra correptum. Isti omnes patienter hunc morbum tolerauerunt; videbant enim sibi euenisse vel à Deo immittente, vel permittente: ita & vos eundem libenti animo feratis, vt ex eo aliquem fructum & meritum referatis.

Gaudete quòd eo morbo laboretis, qui ab alijs morbis, nempe peccatis, vos vt plurimum defendit. Audite quid narret Marulus, *Lib. 5. cap. 4. de quadam virgine. Andragosina virgo à patre desponsata Ansberto cuidam, qui domesticus erat Vandegisili Comitum Palatini, protutanda virginitate Deum orauit, atque hinc lepræ morbo deformatam exhorruit sponsus, qui sanam antè adamanerat, intactamque reliquit & repudiauit. Neque illa quicquam pensi fecit tam acre malum, dū multo mallet castè viuere, quàm sana. Ne autem morbi huius causa in ambiguo esset, vt primum professa est religionem, sana euasit. Ita palàm factum est, ideo fuisse leprosam, ne esset corrupta.*

B Fortè vobis durum est arceri à consortio cæterorum hominum, & soles habitare extra ciuitates, iuxta illud; *Omni tempore quo leprosus est,*

& immundus, & solus habitabit extra castra. Levit. 13. Verùm si attendatis quàm incundum & vtile sit seorsum & extra hominum congressum vivere, non ægrè feretis illo morbo laborare, qui cogit vos genus illud viuendi ducere, quod multi sine lepra sponte elegerunt. Audite precor, quid Seneca, *Epist. 7.* suo Lucilio respondeat, & consulat. *Quid tibi vitandum præcipuè existimem, quæris? Turbam. Nondum illi tutò te commiserit. Inimica est multorum conuersatio. Quid me existimas dicere? Auarior redeo, ambitiosior, luxuriosior, imò verò crudelior, & inhumanior, quia inter homines fui. Nam conuictor delicatus paulatim eneruat & emollit, vicinus diues cupiditatem irritat; malignus comes quantumuis candido & simplici rubiginem suam affricat.* Satiùs vobis sit lepra corporali corripì, quàm illa lepra vitiòrum corrumpi. Alius apud eundem Senecam dicere solebat: *Satis mihi sunt pauci, satis est unus, satis est nullus.*

Myson cùm in solitudine ridens fuisset deprehensus, rogatusque quid rideret, cùm esset solus: *At qui ob hoc ipsum, inquit, rideo: subindicans sibi gratissimam esse solitudinem. Nolite igitur flere, propter quod alij risere. Antisthenes rogatus quid emolumenti cepisset ex Philosophia; Vt mecum, inquit, loqui & viuere possim. Quia lepra inficimur, exules mundi efficimur. Sed hoc non vos terreat; quia, teste Basilio, de laude Eremitæ. Exul mundi, hæres est paradisi.* Quidam apud Thomam Theodidactum, *Lib. 1. de imit. Christi cap. 20.* dicere solebat: *Quoties inter homines fui, minor ho-*

mo

*mo redij. Nemo securè apparet, nisi quilibenter la-
ret. Qui se abstrahit à notis & amicis, appropin-
quabit illi Deus cum Angelis suis. Maximi san-
ctorum humana consortia ubi poterant vitabant, &
Deo in secreto vivere eligebant. Melius est homines
euitare, quàm cum illis habitare, & illos fugere,
quàm ad eos refugere.*

Multi viri tam inter fideles, quàm infideles mū-
dum fugiebant tãquam leprosum, & vos eundem
fugite leprosi. Sit vobis mundus leprosus, sicut
vos mundo. Gaudete quòd tales sitis mundo, qua-
lis vobis debet esse mundus. Paulum Apottolum,
Gal. 6. imitemini, cui mundus erat crucifixus, &
ipse mundo. Id est, sicut mundus horret crucem,
vel aliquod cadaver crucifixum: ita & Paulum ex-
horrebat; & vice versa, mundus erat Paulo velu-
ti crux, aut corpus crucifixum. Sicut omnes hor-
rent fugiuntque cadaver pendens in patibulo; sic
Paulus fugiebat mundum, & mundus Paulum.
Horret vos mundus tãquam leprosos, illum hor-
rete & fugite tamquam leprosum. Dolete, quòd
doleatis à mundo deferi, cùm ab eo deferamini,
quem vos deferere debuissetis.

Considerate patientiã Iob, non solū quia D. Ia-
cobus nominatim illam spectandam proponit; sed
quia S. Patres, vt D Chrysostomus, Apollinarius,
Beda, & alij disertè testantur, Iob cùm alijs pluri-
mis morbis, tū quoque lepra exitiali, quam vocant
elephantiasim, laborasse. Ideo tamquàm leprosum
extra ciuitatem sedisse in sterquilinio, apertè ha-
bet editio LXX. Interpretum. Deinde sicut leprosi
abominabiles esse solent etiam fratribus suis &
ami-

amicis : ita Iob , cap. 19. *Fratres meos , inquit , longè fecit à me , & noti mei quasi alieni recesserunt à me , & qui me nouerunt , obliti sunt mei .*

C Denique sicut leprosi implacabili pruritu vexari solent ; sic & Iob , cap 28. ita vt coactus fuerit *testa saniem radere .* Solent enim in leprosis digiti intumescere & putrescere , vt vnguibus se scabere nequeant . Hæc attendens Diuus Augustinus , *Serm. 32.* vel si quis alius est auctor , in sermonibus ad fratres in Eremito , sic leprosus alloquitur : *Fratres mei dilectissimi . scio , quòd percussit vos Deus , & leprosi facti estis usque ad diem mortis vestre . Ideo obsecro vos in Domino , vt non deficiatis in tribulationibus , quæ sunt pro gloria vestra . Ecce sanctus Iob , iustus , sapiens , diues , rectus , & timens Deum , & tamen leprosus efficitur , non conqueritur , extra castra proijcitur . ab hominibus despicitur , & deseritur , ab uxore blasphematur .*

Oculos etiam in Christum conijcite , quem tamquam leprosum reputarunt & fugerunt Iudæi , qui de illo sic apud Isaiam dicebant : *Vidimus eum , & non erat ei species , neque decor . Et nos putauimus eum quasi leprosum .* Isai. 6. Christus comparatur leproso ob octo analogias . Primò , quia sicut leprosus toto corpore lepra maculatus , sui horrorem inuentibus incurrit : ita Christus . toto corpore flagellis & vulneribus liuidus , horrorem simul & commiserationem aspicientibus commouebat : vt meritò Pilatus eum Iudæis proponens dixerit ; *Ecce homo .*

Secundò , leprosus habebat vestes dissutas : ita milites sciderunt vestes , quin & carnem Christi .

Ter-

Tertiò, leprosus habebat caput nudum : ita Christus nudo fuit capite, sed spinea corona coronato.

Quartò, leprosus habebat os veste contactum : de Christo ait Isaias, *quasi absconditus vultus eius*. Rursum : *Quasi agnus coram tondente se obmutescet, & non aperiet os suum*.

Quintò, leprosus se contaminatum & sordidum clamare debebat : Christus totus cruentus quid clamat, nisi, *O vos omnes, qui transitis per viam, attendite & videte, si est dolor sicut dolor meus*. *Thren.* 12.

Sextò, leprosi caro erat vilissima, & abiectissima : Christus ait ; *Ego sum vermis, & non homo, &c.* Similis fuit Christus Iobo, qui sedens in sterquilinio non fuit agnitus ab amicis, quia non erat ei aspectus, eratque despectus & nouissimus virorum.

Septimò, lepra solebant puniri superbi : & Christus nostræ superbiæ quasi lepræ speciem gessit, eamque curauit sua hac abiectiōe. Eius enim liuore curata est plaga superbiæ nostræ.

Octauò, leprosi vrbe pellebantur, nemo eos aditu, congressu, sermone dignabatur, omnes illos aspernabantur : ita Christus quasi leprosus extra portam eiectus, & crucifixus est, *Hebr.* 13. Vbi nostra vulgaris lectio habet : *Amici mei & proximi mei aduersum me appropinquauerunt, & steterunt*. *Psal.* 37. 12. Diuus Hieronymus legit : *Quasi contra lepram meam steterunt, & qui iuxta me erant, de longe steterunt*.

D Undè meritò hortatur D. August. vt semper
præ

præ oculis Christum habeatis, qui pro nobis, & ad consolationem vestram talis voluerit haberi, quales vos estis; *Loc. cit.* Nihil, inquit, tam salutiferum, quam quotidie cogitare, quanta pro nobis pertulit Deus, & homo. Ecce enim Saluator passus est, leprosus in Cruce factus est, vatiens factus est, vobis relinquens exemplum, ut sequamini vestigia eius. Quod si feceritis, infirmitatem non molestè portabitis.

Hinc fortè factum est, Christum sæpe dignatum sanctis suis apparere in specie leprosi, ut Martyrio Monacho apud D. Gregorium, *Homil. 36. in Euang.* ita scribentem. In terra Lycaonia Martyrius vitæ valde venerabilis Monachus fuit, qui pergens ad monasterium quoddam, leprosum quendam inuenit in via, ad hospitium suum redire volentem quidem sed non valentem. Eum itaque pallio suo constrictum super humerum leuauit, & tulit, vicinusque monasterio, ad quod tendebat, magna voce clamauit: Currite, ianuas monasterij cuncto aperite, quia frater Martyrius venit Dominum portans: statim verò ut Martyrius ad monasterij adiutum peruenit, is qui leprosus putabatur de collo exiliens, & in specie vera Christi Dei, & hominis apparens ad cælum rediit, dicens: Martyri tu me non erubuiſti super terram, ego te non erubescam super cælos. Narrabat autem postea Martyrius, quod cum portasset, pondus minimè sensisset; nec mirum, quia portabat portantem omnia. Non horret vos Dominus, qui similis vobis dignatus est apparere hominibus. Horreat vos mundus, diligat vos Dominus diliget autem,

Nn si pro

si præcius amore hanc lepram toleraueritis.

Cæterum vomitiones plurimum prosunt leprosis, vnde Auicenna, referente Cœlio, *Li 26. c. 3.* leprosis, ratione vomitus, adiumento esse nauigationem sanxit: sed magis vobis curæ sit curari lepram spirituali; nempe culpæ non per medicinalem vomitionem, sed per sacramentalem confessionem curatur. Ad Sacerdotes veteris legis leproforum spectabat iudicium. Vnde Christus quosdam leprosos ad ipsum venientes misit ad Sacerdotes: *Ite, inquit, ostendite vos sacerdotibus, Luc. 17.* Legis antiquæ Sacerdotes lepram non auferebant, sed de sanitate leprosi sententiam ferebant; non curabant, sed aliquem esse leprosum, vel non leprosum declarabant. At verò Sacerdotes nouæ legis longè præstantiores, ipsam peccatorum lepram purgant, veluti ministri summi Dei, absolutionisque sententiam verè ligatos soluendo, proferunt. Hoc adnotans Diuus Chrysostomus, *Lib. 3. de Sacerdotio*, sic scribit. *Corporis lepram purgare, seu, ut verius dicam, non purgare quidem, sed purgatos probare, Iudaorum Sacerdotibus solis licebat. At verò nostris Sacerdotibus, non corporis lepram, verum animæ sordes non dico purgatas probare, sed purgare prorsus concessum est.* Satagite igitur ne duplici lepra inficiamini, scilicet corporis, & animæ, quæ est peccatum. Illa enim vos eijcit extra castra, hæc autem extra astra. Vnde Euthymius; *Solam lepram animæ conuenit execrari, quæ est peccatum.*

Ad

Ad cecos. Caput XXIV.

A Apere Leones ardui fuisse quondam operis, scribit Plinius, *Lib. 8. cap. 16.* Ideò necesse erat cuiusdam pallij iniectu caput illius animalis operire, atque ita oculorum erepto lumine torpescens faciliè vincebatur, & capiebatur. Fortè tanquam Leo ferocissimus Deo vocanti restitisses, nisi aliquo, vel alicuius iniectu lumen oculorum tuorum eripuisset, ac cæcus fuisses.

Sic captus est Paulus, *Act. 9.* cuius conuersio cæcitate inchoauit: nam per triduum in ciuitate Damascenorum nihil penitus videbat, vt sacra testatur historia. Verùm tunc cæpit videre Deum, quando non potuit videre homines: tunc cælum cernebat, quando terram non discernebat. Dum cæcus factus est, hæc verba effatus est: *Domine quid me vis facere?* Si cæcitatem non incurrisset, Dei voluntatem non agnouisset. Deo se ipsum offerebat, qui alios de medio aufererat. Ille vult Ecclesiam Dei tueri, qui neminem tunc poterat intue ri. O beata cæcitas, quæ cæcum videre fecit, & lupum in agnum conuertit! de illo sic Augustinus, & habetur *23. qu. 4 Paulus prostratus est: & ut cecaretur, cecatus est: ut mutaretur, mutatus est: ut mitteretur, missus est: ut qualia fecerat in errore, talia pro veritate pateretur.*

Valde perpendendum est, quid de oculo ob illicitas visiones dicat Scriptura. *Nequius oculo quid creatum est, Eccl. 31.* Nequissimi fuerunt

Dineꝝ oculi, *Genes.* 34. nequissimi Dauidi, ac illis viris, qui videntes filias hominum, quod essent pulchræ, illas adamarunt, illisque abusi sunt, atque ob id aquis diluuij submersi sunt. Fortè tibi etiam nequissimi fuissent: hoc cognouit, qui te illis priuauit. Patienter igitur ferendum est, si tibi claudantur fenestræ, per quas ingreditur, quod te aggreditur. Iuxta Saluianum, *Lib. 3. de provident. oculi sunt fenestra nostrarum mentium, & naturales cuniculi.* Sūt etiam veluti latrunculi depreꝑdantes animam; hac de re conqueritur Ieremias: *Thren. 3. Oculus meus depradatus est animam meam. Lib. 3. Pad. cap. 11.* Clemens Alexandrinus vocat oculos, *primam originem, instrumentumque precipuum amatorie fascinationis.* Et, teste Luciano, oculi sunt *prima amoris via*: ac denique homini illis abutēti sunt multorum malorum causa. Hinc Poeta, *Ouid. epist. 12. Her.*

Tunc ego te vidi, tunc cœpi scire quis esses,

Illā fuit mentis prima ruina mea.

Et vidi, & perij, nec notis ignibus arsi.

B Diuus Petrus, *cap. 4.* nonnullos scribit fuisse, *oculos habentes plenos adulterij, & incessabilis delicti*, id est, habentes oculos, quibus incessanter peccabant, modo hanc, modò alteram mulierem semper respicientes, & concupiscentes; est enim humanus oculus infatiabilis, ac sepe concupiscibilis. Quod non potuit, teste Quintiliano, *lib. 2. c. 15.* magnus Orator Hyperides exorare pro Phryne, ipsa potuit apud sapientissimos Arcopagitas obtinere, velo reducto pulchros ostentans oculos.

Diuus Bernardus, *De gradibus humilit.* describit

ocu-

oculos in genere esse occasionem peccati, indicium culpæ commissæ, & causam committendæ. Nam cor sæpe non optaret, nisi oculus monstraret; nec concupisceret, si oculus non respiceret. Est igitur oculorum visio frequens cordi peccandi occasio, & vix à corde expellitur, quod ei semel imprimitur. Vnde Gregorius, *Mor. in Iob c. 31. Semel species formæ cordi per oculos alligata, vix magni luctaminis manu soluitur.*

Observat Clemens Alexandrinus, *Lib. 3. Pad. cap. 1. i. quod ante totum corpus corrumpitur oculi.* Cor quidem est primum vivens, & ultimum moriens: contra verò, oculi ultimò vivunt, & primò moriuntur. Quod à sapientissimo rerum omnium conditore ita stabilitum esse crediderim, ut primo oculus deficiat, ne cor amplius inficiat. Videns Seneca, *in excerptis*, oculos multis esse ruendi occasionem; sic aliquem cæcitatem deplorantem, consolabatur. *Oculos*, inquit, *te perdidisse ploras? habet, & nox suas voluptates. Quam multis cupiditatibus via incisa est? Quam multis rebus carebis, quas ne videres, vel eruendi erant? Non intelligis partem innocentia esse cæcitatem? Huic oculi adulterium monstrant: huic incestum: huic domum quam concupiscat: huic urbem, & mala omnia certè irritamenta sunt vitiorum, ducesque scelerum.* Audiquæso, quod qui cæcus est, penè innocens est.

C Multi à dæmonibus caperentur, nisi essent oculis capti. Nam sicut ostensis frondibus trahuntur pecora: sic Christi oves interdum ostensis rebus caducis, honore, gloria, pulchritudine,

N n 3 diui-

diuitijs , atque voluptatibus , ad peccatum trahuntur . *Damones* , inquit idem Clemens , *Lib. 2. Stromat. cap. 9.* pulchritudines , glorias , voluptates , & eiusmodi visiones inescantes , his , qui facile seduci possunt , portendunt : quemadmodum qui pecora abigunt , eis frondes porrigunt . Certum est , visiones harum rerum terrenarum animas nostras inescare . Non est igitur ægrè ferenda cæcitas , quæ his nociuis visionibus priuat . Fortè mæchus esses , si cæcus non esses . Nescis mæchari videntem ad concupiscendum ? Quoties vidisses , & concupiuis , si oculis orbarus non fuisses ? Hoc nouit , qui te illis priuauit : longè sunt à te vitiorum irritamenta , scelerumque ducès ; non sit tibi cura de eo , quod tibi adulterium , aliaque monstrat mala . Gratias agas Deo , qui immissa tibi cæcitate , à tantis malis , tantisque periculis te eripuit . Satiùs tibi sit , cæcum ingredi vitam æternam , quàm videntem mitti in gehennam . Securiore sunt cæci , quia securiùs tendunt in cælum : vnde Pierius *Lib. 33.* cæcitatem esse securitatis hieroglyphicum affirmat . Videndi non optes facultatem , quæ semper non affert ad salutem securitatem , imò etiam sæpe infert dolorem , & tristitiam dum illa videbimus , quibus perturbamur . *Oculi* , inquit Tullius , *augent dolorem : quia ea , quæ cæteri audiunt , incuiri coguntur , nec auertere à miseriis cogitationem sinunt.*

Obseruat Euthymius , *In Psalm. 17.* admirandam illam custodiam , quam oculus pupillæ præstat : nam tunica super tunicam , & alia quædam

dam integumenta eam muniunt , quorum alia tenuia , & translucida sunt , ne vllam pupillę quę suapte natura humida est , ac proinde mollis , inferant asperitatem : alia verò exterius crassiora , vt palpebrarum tunica , quę duobus est semicirculis distincta , vt pulueris , atque aeris incursum , & paruula quęque animalia in oculos inuolare solita repellat ac submouerat ; quin pilis etiam vallatę sunt , vt sudorem propè fluentem alio auertant ; neq; in oculum influere permittant . Itaque , sicut ab authore naturę prouisum est , ne quid visui noceret : sic maxima cura adhibenda est ne nobis aut animę nostrę visus noceat . Vnde Isidorus Pelusiota : *Omni*bus , inquit , *viribus oculos custodire , ac veluti freno coercere oportet , atque à curioso , & impudico aspectu , vt intimas animi partes perstringente , sese abstinere ; maxima enim ex eo in animum probitas influit .* Gaudeas igitur , Deumque laudes , quod cęcitare tua ab illa cura , & solitudine eximaris .

D Scribit Hieronymus , *Lib. 2. contra Iovin.* quosdam Philosophos effodisse sibi oculos , ne à contemplatione Philosophię auocarentur , idè sic Abigaum cecum consolabatur . *Ne doleas , si non habeas , quod formica , & musca , & serpentes habent , id est , carnis oculos ; sed illum te oculum habere latere , de quo in Canticis dicitur : vulnerasti me , soror mea sponsa , vno de oculis tuis ; quo Deus videtur , de quo à Moyse dicitur ; Transiens videbo visionem hanc magnam .* Denique quosdam etiam mundi Philosophos legimus , vt totam cogitationem ad mentis puritatem cogerent , sibi oculos

eruisse. Nolo tibi eruas oculos, sed si tibi contingat illis orbari, debes illam coactam cæcitatem patienter ferre, quemadmodum illi voluntariam. Eodem planè modo Beatus Antonius Didymum virum eruditissimum oculis orbatum, ac de illa cæcitare dolentem, consolabatur. *Miror*, aiebat, *prudentem virum eius rei dolere damno, quam formicæ, muscæ, & culices habent; & non latari illius possessione, quam Sancti soli, & Apostoli meruerunt.*

Satis tibi sit, quod oculos animi habeas, quibus essentia diuina contemplanda est, quam Angeli sine oculis corporeis semper vident in cœlo. Effice, vt per hanc præsentem cæcitatem peruenias ad futuram illam felicitatem. Caue, ne impatiëntia tua de tenebris interioribus proiiciaris ad tenebras exteriores. *Multo melius est*, inquit idem Hieronymus, *spiritum videre, quam carnem; & illos oculos possidere, in quos peccati festuca non possit incidere.*

Sicut sagittarius claudit oculum, vt alio oculo dirigente certius metam, & terminum, siue scopum attingat: ita necesse est interdum corporis oculum claudi, vt melius mentis oculus Deum finem vltimum percipiat, certiusque ad ipsum perueniat.

Nemini vnquam, nisi cæco dictum est à Christo: *Quid tibi vis faciam?* Luc. 18. Illi Christus se offerebat, ac videbatur illius voluntati velle obtemperare; nec mirum, cum vt plurimum, cæci obedientiores sint cæteris, vt constat ex alio cæco ab eodem Christo illuminato, Ioan. 9.

Nesciebat

Nesciebat ille, an vellet illum Dominus curare; tamen illi in omnibus obtemperabat. Hoc aduertit Chrysostomus, qui de illo sic loquitur: *Inuenire cæci animum in omnibus obtemperantem. Præbuit vultum, nihil sollicitus, an lutum esset, an spatium, & quid sibi Siloe opus esset: non, cur lutum lineret super oculos, aut cur lauari præceperit: nihil tale reputauit: illud duntaxat curauit, ut obtemperaret.* Noli igitur dolere de statu, in quo sicut magis quàm in alio cogeris obedire, ita melius quàm in alio salutem poteris inuenire. Et sicut obtemperas puero te ducenti quò vult, & quà vult; sic tibi obtemperandum est Domino te per hanc cæcitatem in cælum ducenti. Quemadmodum igitur cæco dictum est à Christo: *Quid tibi vis faciam?* Ita etiam Christo dictum est à cæco, aut saltem à non vidente: *Domine, quid me vis facere?* *Act. 9.* Offert se Christus non videnti, ut offerat se nihil videns videnti omnia.

E Considerent insuper cæci, nobiliores & præstantiores virtutes cæcitate affici, aut saltem cæcas à pictoribus representari. Nam fides nihil nisi ex auditu videt: spes nihil percipit: charitas quoque corde tantum intuetur: iustitia etiam oculorum lumine capta depingitur, quia melius clausis, quàm apertis oculis discernit. Et inter animæ potentias, voluntas nostra, sine qua beati esse non possumus, cæca potentia à Philosophis vocitatur. Illis fortè virtutibus non esset quis præditus, nisi oculorum lumine esset orbatus: quia duntaxat quæ videntur crederet, speraret, ac diligeret; & inuisibilia quæ
so-

solummodo intellectu percipiuntur, negligeret. Itaque patienter feratur corporis cæcitas, quæ sæpe ad huiusmodi virtutes capessendas necessaria est; hoc Deus agnoscit, qui illam immit- tit.

Aliquos ad euitanda pericula, quæ ob visum potuissent incurrere, ita demisso vultu incedisse legimus, vt nihil nisi terram inspicere. Oculos habebant, videbant, & videbantur non habere, nec videre. De quodam Imperatore sic loquitur Cælius, *Lib. 3. cap. 30. Procopium Imperatorem adnotatum annalibus est, humum intuendo semper incessisse*. Christus ipse non metuens sibi; sed consulens periculo nostro, præsentibus adulteræ accusatoribus, oculos, corpusque totum demisit humi. *Ioan. 8.* Homineui deorsum respicientem hieroglyphicè significabit animal quoddam, cuius meminit Plinius, *Lib. 8. c. 21.* quod Cat. blepas nomine Græco appellatur: habet enim graue caput, ac deiectum semper in terram. Forsitan Dominus idcirco leniuit lutum super oculos illius cæci nati, quo significabatur ei, vt deinceps duntaxat in terram, vbi reperitur lutum, oculos conijceret ne cælum amitteret.

Flante vento, & puluerem proijciente, cogimur oculos claudere, ac veluti cæci ambulare; noceret enim tunc illos aperire. Ita arcendi sunt suggerente dæmone, atque vt decipiat, illicita præmostrante. Quibusdam ergo prodest aliquando oculos claudere: tibi verò semper habere clausos. Si videntes noluit interdum videre: nunquam current non videntes videre. Fenestram ar-

cæ clausit à foris Dominus, quia fortè à Noc, aut à quoniam alio cum sui dispendio aperiretur, nisi ab ipso Domino clauderetur. Sic idem Dominus prævidens te oculos in tuam perniciem aperturum, voluit eos ipse claudere, auferendo scilicet à te potentiam visivam, ne illos valeas aperire, per quos poteras perire.

F Considerandi etiam sunt multi, qui cæcitate percussi, illam æquo animo tulerunt, ac in ea fortiter & piè se gesserunt: ut illorum exemplo patienter adueniens corporis cæcitas perferatur. Sãsoni fortitudinem non minuit cæcitas, multoque plures hostium occidit erutis oculis, quàm antè integris occiderat, *Jud. 16.* Tu quoque quem corporis visus destituit, mentis fortitudinem excita, bono animo esto; iam securior irruentes in te vitiorum cuneos excipies clausis obturatisque fenestris, per quas mors ingredi ad animam solet.

De Tobia seniore stercoribus calidis hirundinum excæcato sic loquitur Scriptura. *Et non est contristatus contra Deum, quod plaga cæcitatæ eueniret ei, sed immobilis in Dei timore permansit, agens gratias Deo omnibus diebus vitæ suæ. Tob. 2.* Ob quam patientiam anno à cæcitate sua quarto, visum recipere Angeli ministerio meruit, & rursus gratias Deo agens, ait: *Benedico te, Domine Deus Israel, quia tu castigasti me, & saluasti me. Cap. 4.* Existimabat Tobias magnum esse gaudium lumen cœli videre; sed quia cæcus factus patienter tulit hoc gaudio priuari, atque sic castigatus se humiliavit, & in omnibus gratias Deo egit, ideo ma-

iori

iori gaudio est affectus, dum nimirum non solum visum recepit, quo mundus cernitur, sed & quo mundi Dominus conspicitur.

In historia Beati Vedasti Atrebatensis Episcopi, *Sur. tom. 1.* cum corpus eius in alium locum transferretur, legimus Audomarum Episcopum cæcum, cum optaret videre Sancti ossa, illico visum recepisse: deinde cum orasset, si minus animæ conducere donum videndi, rediret infirmitas, iteratò oculis captum fuisse. O prudens votum, singularemque cæci patientiam, qui ne tunc quidem cernendi copiam postulasset, nisi tam pij desiderij causa incidisset! Ideoque Sancti corpore viso, ad cæcitatem suam reuerti maluit, quã ad ea, quæ ante cæcitatem fortè se commisisset recolebat. Contempsit oculos, vt innocentius videret; & innocentius victurum obducti denuò oculi fidem fecere.

G Petrus Abbas Clareuallensis, *Sab. lib. 5. cap. 7.* graui valetudine vexatus oculum amisit, & se gaudere dixit, quòd è duobus inimicis alterius molestia iam liber esset; Vnde colligitur, magis etiam gaudendum illis, qui utroque orbantur. Et cur enim non se consolari habeant, qui ambo- bus carent; cum non sit eis opus ad Deum cum Propheta clamitare: *Auerte oculos meos, ne videant vanitatem? Psal. 118.* Qui quidem Prophe- ta, si illos vel auertere per se potuisset, vel omni- no non habuisset, neque adulterij, neque homici- dij crimine se polluisset.

Maiolus Cluniacensis Monasterij Monachus cæcus erat, & tamen sapientiæ ac sanctitatis me-

rito

rito factus est Abbas Maricensis; nec sua ipsi obstitit cæcitas, quin alios cæcos curaret; surdos insuper, mutosque & claudos sanauit, proculdubio sanaturus & seipsum, nisi multo plus emolumentum percipere se sciret ex eiusmodi imbecillitatis tolerantia. Itaque cæcus quidem vixit, sed miraculorum fama videntibus illustrior euasit.

Ad Vbaldum Eugubinae urbis Episcopum, quoniam & ipse miraculis pollebat, cæcum quendam venisse legimus, opemque implorasse, & ab eodem illi persuasum, ne visum sibi restitui expeteret, qui eo restituto animæ cæcitatem esset passurus; itaque incuratum dimissum, Consolentur hoc saltem exemplo, qui videre desierunt, ignari, si sani essent, quā continentes oculos forent habituri. Noluit Vbaldus cæco mederi, ne corpori subueniens, animæ faceret detrimentum.

Beata Lutgradis virgo, authore Thoma Cantipratense, cæca facta, magis quàm antea visionibus diuinis claruit, eamque Christus ipse per visum inonuit, ut patienter cæcitatem toleraret: liberâ siquidē fore à Purgatorio, & multa visuram in cælis, quæ iam non videret in terris.

Alia virgo, nomine Fara, *Rauis.* quæ sub Heraclio Imperatore floruit, dum ab Hagerico patre ad nuptias compelleretur, in tantas prorupit lacrymas, ut cæcitatem contraxerit. Volebat orbari oculis, ut orbareretur marito; libenter incurrebat cæcitatem, ut seruaret virginitatem.

Quid cæcos infideles memorem? inter quos Antipater Cyrenaicus mulierculis quibusdam cæcitatem ipsius deplorantibus: Quid agitis? inquit,

quit, an vobis nulla videtur voluptas nocturna? nocte omnes cæci sumus, nec tamen lamentamur. *Cic. lib. 3. Tuscul.* Habet animus quo se delectet, etiã occlusis sensibus.

H. Mesellus cùm prae nimia senectute oculis orbaretur, à Senatu pro munere ei datum est, vt curru in Senatum veheretur. *Alex. ab Alex. lib. 4. cap. 11.* Tu verò fac, vt hanc tuam cæcitatem æquo animo patiaris, vt ad cælum veharis, si non curru, saltem spiritu: sic enim itur ad cælum, nec est opus oculis corporeis, qui cùm sapissimè impediant, non sunt lugendi si deficient.

Aufidius Prætorius in cæcitate sententiam in Senatu dicebat, nec amicis deliberantibus deerat. Græcam scribebat historiam, & videbat in literis. *Pont. lib. 2. cap. 8. de fore. domest.* Plerunque videmus magis docile ingenium, tenacioremque memoriã cæcorum hominum esse, quàm videntium, & eò plus menti eorum datum, quò oculis minus. Conceptus enim, & imaginatio, & ipsa rerum reminiscencia, totam se penitus ad animam colligit, firmiterque inheret, dū foras per varia visus obiecta nequit euagari. Ita fit, vt hac quoque de causa cæcitas nobis tolerabilior esse debeat, si acciderit. Quid ergo optas videre, ait Augustinus, in *Psal. 99.* cùm iam multis vidisse nocuerit: & plurimis non vidisse profuerit? Illud duntaxat optemus videre, quòd oculus corporeus non videt, obiectum scilicet beatificum.

Cæterum tantò minus est corporis cæcitas deplenda, quantò magis mentis cæcitas est pertimescenda, quæ nihil aliud est, quàm obduratio quædam

dam in peccatis i quibus non vult homo recedere; quod idem Doctor, in *Psal. 6.* vocat extra Deum esse. *Penitus*, inquit, *extra Deum est*, quis dum tempus est, corrigi noluerit. *Penitus enim extra Deum esse*, quid est; nisi esse in summa cecitate? Caue igitur, ne tua impatientia, & blasphemia, cadas in illam mentis cecitatem, quia sic in sensum reprobum caderes.

Ad quoscunque alios infirmos. Caput XXV.

ANTI fecere homines valetudinem corporis. ut nihil dari in vita præstantius autumarent. Nec mirum: nam & ipse Sapiens: *Non est*, inquit, *census super censum salutis corporis. Eccl. 30* Et, teste Menandro,

Non est valetudine præstantius aliquid in vita. Vnde medicamina, quibus tuetur, vel recuperatur sanitas, Philon Medicus, veluti quodam adagio, manus Dei appellare consueuerat: alij verò, inter quos Auicenna, donum Dei vocitabant.

Verum sanitatem, & illud, quo conseruatur, appellent antiqui, ut libuerit: nos autem non minus donum Dei dicimus infirmitatem, utpote quæ de manu Dei emanat, & quæ multa affert emolumenta. Nam in primis, ideo Deus aliquando immittit infirmitatem, ut resipiscamus, & vitam nostram corrigamus. *Tussi laboras*, ait Augustinus, *Lib. de visit. inf. cap. 3.* *pulmone deficiis: cibum stomachus respuit, phthisi decoqueris, vinum fastidis, dyssenteria sauciaris, multimodo morborum genere afficeris; sed & hac, si oculus ha-*

habes, si cordatus es, Dei tota sunt: disciplinam patris ne abijcias, fili, &c.

Vocant aliqui morbum, vel potius lectum, in quo infirmitati percussi iacemus, locum certaminis. Nam, quemadmodum, qui in certamine inimicum, à quo læsus erat percutit, & in terram deijcit, statim districto gladio minitans, ei offert, ut prostratus vitam, veniamque ab eo postulet; ipse verò videns se in tanto vitæ discrimine positum, signa doloris ostendit, palinodiam decantat, vitam postulat, satisfactionem promittit, ac terrore propter minitantem easem perterritus, veniam efflagitat, atque in eum dicti, factique pœnitet. Ita Deus nos in eum peccantes morbo percutit, ac in lectum, vel in terram deijcit, ut, teste Gregorio, *Lib. 6. mor. cap. 14. terroris sui iaculo transfixos ad sensum rectitudinis reuocet: & ut culpam agnoscentes pœnitentiam amplectamur: quod fortè non præstaremus, nisi morbo laboraremus. Hoc indicat Dauid; Psal. 15. Multiplicate sunt infirmitates eorum, postea accelerauerunt.* Lento gradu peccatores tendunt ad Deum, nec ob vnam, aut alteram infirmitatem suos accelerant gressus: at multiplicatis infirmitatibus coguntur accelerare, citòque pœnitentiam agere.

B Quòd autem morbi animum ægrotantis excitent, ingerantque salubre consilium, ac firmum propositum correctius in posterum viuendi, docet ipsemet Plinius, *lib. 7. in epist. ad Maxim.* qui etiam ad hoc plus valere periculosum morbum ostendit, quàm omnia Philosophorum præcepta, omnesque de fugiendis vitijs, colendisque vir-

tuti-

tutibus disputationes. Illius verba, quoniam memoratu, obseruatuque digna sunt, lubet hic adscribere. Nuper, inquit *me cuiusdam amici languor admonuit, optimos esse nos, dum infirmi sumus. Quem enim infirmum, aut auaritia, aut libido sollicitat? Non amoribus seruit: non appetit honores, opes negligit: & quantumcumque ut relicturus satis habet. Tunc Deum esse, tum hominem se esse meminit; inuidet nemini, neminem miratur, neminem despicit, ac ne sermonibus quidem malignis aut attendit, aut alitur: mollemque in posterum, & pinguem, si contingat euadere, hoc est innoxiam, beatamque destinat vitam. Possam ego quod pluribus verbis, pluribus etiam voluminibus Philosophi docere conantur, ipse breuiter tibi, mihi que precipere, ut tales esse sani perseueremus, quales nos futuros profitemur infirmi. Hæc ille. Rex Antigonus postquam graui morbo conualuerat, dixit, Morbus hic submonuit nos, ne animo efferamur, cum mortales simus, Plutar. in Apoph.*

Aliquid maximi ponderis reperiēbat Apostolus in ægritudinibus, ut propterea gloriaretur, ac sibi placeret in eis: *Libenter, inquit, gloriabor in infirmitatibus meis, ut inhabitet in me virtus Christi, 2. Cor. 12.* In corpore infirmo inhabitat virtus, siue fortitudo, & potentia Christi, tamquam in proprio habitaculo. Corpus infirmetur, & Christus apud nos hospitetur; corpus, inquam, morbo afficiatur, & anima Deo suo iungatur. Certum est enim, quod iuxta Gregorium Nazianzenum, *anima morbo affecta Deo propinqua est. Orat. ad ciu. Nazianz.*

Oo

Ideo

Ideo subiungit Paulus ; *Propter quod placeo mihi in infirmitatibus.* id est, infirmitates mihi placent, vel lætitia afficior propter infirmitates : assignatque rationem : *Cum enim infirmor, tunc potes sum.* Cui congruit illud Ioelis : *Cap. 3. Infirmus dicat, quia ego fortis sum;* fortis, inquam, non ad ambulandum ; fortis, non ad manibus operandum ; sed fortis, quia à vitijs vinci non possum. Tantò enim quis in hoc genere certaminis fortior est, quantò corpore debiliior : quia tunc magis debilitatur fomes, cùm vehementius vexant infirmitates. Vnde Isidorus, *lib. 3. de summo bono, Valere te magis anima opta, quam corpore : valere te magis mente opta, quam carne. Aduersa corporis, remedia sunt anima. Aegritudo carnem vulnerat, mentem curat : languor vires libidinis frangit.*

C Propterea, & præterea maximè iuuant infirmitates ad reuocandos nos à peccatis, ad quæ dilaberemur, nisi morbo afficeremur, ac proinde damnamur. Commendat Cælius illud Vibij Crispi dictærium, *Lib. 13. cap. 25. Perieram, ni morbo essem grauius conflictatus.* Certū est multos nunc in infernò cruciari ob plurima scelera, quæ fortè non perpetrassent, si aliquo morbo laborassent. *Quis enumerare sufficit,* ait Gregorius, *Lib. 9. epist. 25. quanti in sua luxuria dimissi, in blasphemijs quoque, & superbia proruentes, in rapinis, & in iniquitatibus permanentes, usque ad diem obitus, ita in hoc sæculo vixerant, ut nunquam dolorem vel capitis paterentur, & subito percussi ignibus inferni sunt traditi ?* Igitur potius requiratur infirmitas, si per illam acquiratur felicitas:

tas : illam non optemus incolumitatem , qua patramus iniquitatem . Nam , teste Augustino , *In Psalm. 97. multi accepta sanitate lacerantur , qui egroti casti erant ; sanati adulteri fiunt , qui dum egrotarent , neminem ladebant ; receptis viribus inuadunt , & opprimunt innocentes .*

Non sunt morbi impatienter ferendi , cum etiã Christo , & sanctis similes nos efficiant . Propheta enim vocat Christum , *virum dolorum , & scientem infirmitatem , Isai. 53.* Et de illo sic Euangelista ; *Ipse , inquit , infirmitates nostras accepit , & ægrotationes nostras portauit , Matth. 8.*

Quæres ; cum non legatur Christum vnquam ægrotasse , quomodo ægrotationes nostras portare dicitur ? Lyranus ita explicat hæc verba ; *Ipse infirmitates nostras accepit* ; scilicet famem , sitim , defatigationem , passibilitatem , mortalitatem ; hos enim naturæ humanæ defectus in se accepit Christus . *Et ægrotationes nostras portauit* , id est , morbos hominum , quodammodo assumpsit in aliena persona , in quantum ægrotos misericorditer sanauit . Similiter Carthusianus interpretatur ; Christus , inquit , infirmitates , id est , famem , sitim , & similia in se accepit , & ægrotationes nostras , ac morbos piè in alijs supportauit , & condolendo curauit . Alij sic explicant ; *Infirmitates nostras accepit* , id est , abstulit , quemadmodum is , qui aliquid manu capit , & tollit . *Ægrotationes* , verò *portauit* , hæc est , exportauit , & ab hominibus remouit , & transtulit . Vel quia onere ægritudinum ægros liberauit , idcirco eas portare dicitur ; easque tanta facilitate absque vllis

medicamentis abstulit, ac si vnā rem portabilem tolleret, & in alterum locum veheret. Vel, *accepit*, & *portauit*, id est, suas fecit, in suam curam accepit, in mente, in animo, compassioneque portauit, vt veluti proprias curaret, ac sanaret.

D Verum, quamuis hæc verba ita possint intelligi, tamen dicimus etiā ideò Christum vocari virum dolorum, ac infirmitates nostras accepisse, & ægrotationes nostras portasse, quia tanti, ac tam intensi fuerunt dolores, quos ipse in passione sua pertulit, vt omnes dolores, labores, cruciatus, & tormenta omniū ægrotorum, & martyrum longè superauerint, vt probat Diuus Thomas, *3. part. qu. 64. art. 6. Jerem. 1.* & colligitur ex illo loco; *attendite, & videte, si est dolor sicut dolor meus.* Itaque non debes tuos attendere dolores, sed Christi.

Attende etiam plurimos Sanctos, & Sanctas, vehementes dolores, grauissimosque morbos patienti animo sustinuisse, nec curasse vt ab illis curarentur, sed vt illis diu vexarentur. Paula Romana, teste Hieronymo, *Epist. 27. ad Eustochium*, cum feбри laboraret, & stomachi cruditate cibum non digereret, vt modico vino vteretur, nec Medicorum placitis, nec Religiosorum suasis, imò nec Sancti Epiphani, quem Hieronymus submiserat, impelli potuit, nolens à vitæ monasticæ institutione, ne in ægritudine quidem declinare; multo enim tempore aquam bibens magis expauit vini gustū, quàm infirmitatis periculum: imò Epiphanius testatus est se se nem ferè persuasum ne vinum biberet.

Aegidius ad Rhodani ostia solitarius, cum à venato-

natoribus sagitta in incertum missa inter sylvas
tacentē sauciaffer, non modo medicinam corporis
admittere noluit, sed etiam Dominū orauit, ne-
quando læsa caro sanitatem reciperet. Parum
erat solitudinis necessitatem ferre, quotidianas
vigilandi, præcandi, ieiunandi fatigationes pati,
vulnus insuper quasi diuinitus inflictum manere,
voluit incuratum, vt additus corpori dolor, ab
animo procul arceret voluptatis cogitationes.

E Syluia Ruffini Alexandriae Præfecti soror,
Deoque dicata virgo, cum ægrotaret, Medicis
consulentibus balnea adire noluit, non medelam
contemnens, sed mollitiē cauens, *Marul. lib. 5. ca.*
4. quippe quæ per annos quadraginta neque vul-
tum, neque pedes lauisset, neque aliam corporis
partem, præter summos manuum digitos, cum
vellet capere cibum: non alium lectulum habe-
bat, quàm nudam humum. Cogita nunc, quali-
ter infirmitatem rulerit, quæ talia, dum sana es-
set, sua sponte, vt Christo placeret, pertulit.

Tradit Cassianus, Paulum solitudinis cultorem
resolutis paralyti membris in lectulo decubantem
cæteris, qui ægrotabant, sanitati fuisse: oleo enim
cui ipse benedictionem imposuisset, peruncti cu-
rabantur. Qua quidem in re ostendere voluit no-
bis Dominus, quantum ille, & fortis esset in pa-
tiedo, & plus in miserendo. Idem enim, qui pro
sua valetudine nihil sollicitus videbatur, pro aliena
anxius erat, & præsentaneum omnibus remedium,
conferebat.

Beniamin Eremita aquæ intercutis morbo ve-
hementer laborabat: at ne hoc illi ob delicta da-

tum crederes, alios infirmos oratione sola curavit: eos vero, qui infirmitatem eius miserabantur, è diuerso rogare solebat, ne corporis sui, sed animæ curam haberent, veniamque à Domino sibi exorarent peccatorum, quæ, dum sanus esset, se commisisse aiebat. Itaque quod peccator esset, plurimum angebatur, quod aget, nihil.

Stephanus Mareotidis regionis Anachoretæ, *Sor. lib. 6. cap. 29.* cum aliquas partes sui corporis exulceratas, taboque diffuentes haberet, curationem quidem non recusauit; sed dum curaretur, maioris patientiæ præbuit exemplum, sectiones à Chirurgo passus, nullo emissio eiulatu, nullo edito gemitu, ac si omnino doloris vim non sentiret. Ad hæc, eiusmodi agitudine affectus, non intermisit manuum laborem, de palmarum foliis funiculos contorquens, non spiritalis exhortationis curam, semper eorum, qui ad se venissent, saluti consulens. Ita magnam languoris molestiâ maiore virtutû meditatione vincebatur, animo etiam fortior, quam corpore debilior.

F Mendicus, quidam nomine Seruulus, teste Diuo Gregorio, *Lib. 4. Dial. cap. 14. & hom. 15. in Euang.* à primæua ætate vsque ad finem vitæ paralyticus iacebat: in lectica surgere ad sedendum non poterat, nunquam manum suam ad eos ducere; nunquam se potuit in latus aliud declinare, nec omnino se commouere: semper tamen in doloris accessionibus Deo gratias agebat, hymnosque decantabat: quare & moriens Angelorum recreatus est concentu, & mortuus odore suauissimo domicilij locum repleuit. Vnde con-

clu-

Eludit ille Doctor, *Ibidem*. Ecce quo fine ex hac vita migravit, qui in hac vita equanimiter flagella toleravit. Quid in iudicio dicturi sumus, cum hunc *Servulum* viderimus, cui longus languor brachia tenuit, sed tamen à bono opere non ligavit? Non habebat liberās manus, nec liberos pedes, quibus bene ageret; sed habebat liberum cor, & liberum os, quo potuit, & voluit Deum diligere, eique in tanta infirmitate gratias agere.

Elisabeth Sconangia, virgo Deo sacrata, ut scribit Sigebertus, toto corpore ulceribus cōtacta iacens, nunquā ob hoc aliquā animi tristitiā vultu prætulit, multas interim futurorum revelationes accepit, acceptasque prodidit, ut facile dixerim, & ideo sanctam, quia patiens erat, & ideo patientem, quia sancta.

Sancta Hildegardis virgo nobilissima Bingēsis, ut refert Surius, licet morbis cōtinenter vexata in lecto decūberet, ipsius mortis imago: tamē mirādis claruit visionibus, ac futurorū predictionibus omnesque egros tum ad se venientes, tum etiam absentes, in somnis eis apparēs, sanitati restituit; quas quidem visiones, futurorumque prēdictiones non meruisset, nec tanta miracula patrasset, si proprias ēgritudines impatienter tolerasset.

G Horū exēplis, aliorūque multorum similium discimus, quam patientissimē corporis ēgritudines nobis sint tolerandę; nobis, inquā, grauibz obnoxijis delictis, & nullo virtutis genere cum his Sanctis conferēdis; & tamen quoties morbo aliquo afficimur, indignamur. Quod si illorū Sāctorum patientiam imitari nolumus, infidelium saltē tolerātia

in diuturnis languoribus nos pudefaciat. *Narrat Plinius, Lib. 7. cap. 5.* Caium Mæcenatem, dum vixit, febris laborasse, triennioque suæ vitæ postremo nunquam sensisse se dormisse. Antipater Sidorius Poeta omnibus annis vno tantummodo die, quo genitus erat, febris implicabatur; cumque ad ultimam ætatem peruenisset, natali suo, certo illo circuitu morbi consumptus est, *Val. Max. lib. 1. c. 8.* Verumtamen non legimus eos impatienter tulisse huiusmodi ægritudines licet illorum patientia nullius esset meriti apud Deum. Nos autem Christiani, si patienter quascumque feramus infirmitates, maximū ex eis meritum, maximamque utilitatem nobis comparabimus.

Interrogatus Diuus Petrus, cur Petronillam filiam suam diutius ægotare pateretur, cum aliis malè affectis repente sanitatem induceret; ita illi expedire respondit. Ac ne dissimulare impossibilitatem videretur, iussit eam surgere, & ipsis discumbentibus ministrare. Exurrexit sana; & ut perfuncta est officio, rursus patris iussu ad lectulum pariter ac morbum rediit. Aegrotando igitur didicit virginittis amare puritatem, ita ut postea sanata mori præoptaret, quam Flacco Prætori nuberet. Quare non modò patienter ferenda ægritudo est, verum etiam appetenda, quoties intimis in medullis concitatus ardor iuuenilia occupat membra, & dum quis ad turpem libidinem ob nimiam corporis incolumitatem succenditur. Maximum homini confertur à Deo beneficium, quando hostis eius domesticus, caro scilicet,
mor-

morbo debilitatur, ac inermis efficitur, ne rebellem se præbeat.

H Morbi insuper suppleant voluntariam satisfactionem, ideo sunt æquo animo ferendi. Nam accedente patientia, illud quod est necessitatis, potest fieri voluntatis, & tunc erit satisfactorium, quod prius non fuerat voluntarium. Deus enim videns nos nulla opera satisfactoria operari velle, immittit infirmitatem, ut saltem coactè præstemus, quod sponte nolimus: ut sic ægroti mereamur, quod incolumes recusabamus. Hinc Gregorius; *in Job. Mitigat vim doloris considerata æquitas ferientis*. Hæc est igitur & illius bonitas, & æquitas, ut cogamur mala pati, qui renuimus bona agere. Itaque dum ægrotamus, possumus Deo optimo offerre omnes dolores, quos patimur, pro satisfactione pœnarum, quas hic, aut in Purgatorio subire meruimus; sed oportet, ut qui antea noluissemus infirmitatem, postea in nobis velimus diuinam adimpleri voluntatem, illi nos omnino conformando; ac proinde debemus etiam Deo nostram offerre voluntatem ad omnia mala subeunda, omnesque dolores perferendos, quia nihil est ei gratius, nihilque nobis vtilius. Vnde idem Gregorius; *Nihil offertur Deo diutius bona voluntate*. Noli ergo indignari, cum indignando peccata, imò & ægritudines non minuantur, sed cumulentur. Qui autem libenter corporis mala tolerat, ad expiationem spiritus proficit. Quod si ideo nolis infirmari, quia mortem pertimescis, scito te esse moriturum, non tamquam ægrotantem, sed tamquam viventem. Audi Senecam:

cam, *Epist. 72. Morieris, non quia agrotas, sed quia viuis. Cum conualueris, non mortem, sed valetudinem effugies.*

Aliquando etiam Deus illos ad se adducit, quos ab eo incolumitas abducit. De Beato Dunstano legitur, quòd ante morbum ab Elphego Ventano Episcopo necessario suo nullis hortatibus compelli poterat, ut Monachum profiteretur. At febre correptus, mox ut conualuit, vltro ad monasterium properauit, & religioni se addixit, multaque vitæ sanctitudine pollere cœpit, breui Presbyter, atque ad Cantuariensem Ecclesiam regendam accitus; Pontificia quoque dignitate effulsit: multis denique miraculorum signis nobilitatus fuit. Itaque tantum illi ægrotasse profuit, quantum, si semper sanus perseverasset, fortasse nocuisset.

I. Beatissimus Pater noster Franciscus, *S. Bonau. in eius vita. cap. 1.* non antè cepit esse perfectus, quàm grauiissimam corporis valetudinem incurrisset: vigesimo namque ætatis suæ anno infirmatus didicit terrena contemnere, quæ sanus dilexerat. Aeger soli Deo seruiendum esse intellexit, qui ante sanus auaritiæ seruierat, dum negotiationibus operam daret. De illo sic Diuus Bonauentura: *Facta est, inquit, super eum manus Domini, & immutatio dextera Excelsi, diutinis languoribus ipsius corpus affligens, coarparet animam ad sancti Spiritus vñctionem.* Quis igitur infirmitatem inculcare audet, quæ tanti est causa boni? Quòd autem in plerisque non eundem sortiatur euentum, non hoc eius vitio fit, sed ipsorum, qui

qui sanati, sic vitam suam instituere negligunt, ut dum ægrotarent, promiserunt.

Ideo etiam Deus immittit infirmitates, ut infirmus foras emittat iniquitates; aliqui enim nunquam confiterentur, si nunquam infirmarentur. Sunt autem peccata plerumque causa morborum, ut asserit Chrysostomus, & colligitur ex illis verbis Christi ad paralyticum sanatum; *Iam noli peccare, ne deterius tibi aliquid contingat*; Ioan. 5. In quæ verba sic ille Doctor: *Hom. 37. Admonemur*, ait, *quod ex peccatis morbi generantur*. Idcirco D. Bernardus consulit, ut quàm citissimè infirmi confiteantur, ut perfectam sanitatem consequantur. Si, inquit, *De interiori domo. cap. 55. ad perfectam sanitatem peruenire desideras, quidquid conscientia stomachum grauat, totum vomitu puræ confessionis enumerare non differas: virus enim vitiorum, nisi festinanter eiciatur, prius interiora corrumpit: deinde ad exteriora ebulliens, totum corpus occupat, & maculat*. Salubris igitur illa corporis infirmitas, per quam animæ acquiritur incolumitas: vexet morbus corpus, ne peccatum vexet animam.

K Frater mi, premente tuo morbo, precor attende quid per Isaiam, *cap. 1. Dominus dicat: Excoquam ad purum scoriam tuam, & auferam omne stammum tuum*. Quasi apertius dicat: ego immittam tibi tam grauem morbum, tam peracutas febres, ut his malis tamquam fornace quadam, aut clibano conclusus, excoquaris, donec tandè omnis vitæ tuæ petueriæ scoria penitus consumatur, tuæ omnes cogitationes pessimæ deleantur, purusque euadas. Audi præterea, quid per Moysè, *Deut. 32.*

di-

dicat: *Ego percutiam, & ego sanabo.* Tu præbuiſti unde percuteret, præbe illi unde ſanet, id eſt, propter peccata tua percuſſit te, fac vt propter patientiam & pœnitentiam tuam ſanet te. Porro, qui nouit, quando debuisti inſirmari, præuidet quando debeas ſanari: propterea, ne indigneris, nec conqueraris, vel ſubmurmures, ſi prout vis, non conualeſcas, licet illum roges, aut rogari facias: quia ſecundum Auguſt. *In Pſal. 33. videtur Deus non exaudire, vt ſanet, & parcat in ſempiternum.*

Tibi crebrò repetenda ſunt hæc verba: *Etiamsi occiderit me, in ipſo ſperabo, Iob. 13.* & poſtmodum ſanctiſſimo illo Doctore humiliter, & viriliter dic: hic vre, hic ſeca, dummodo in æternum parcas. Domine, non parcas corpori, vt parcas animæ: crucietur corpus in præſenti, vt in futuro ſaluetur anima: nolo curari, ſi aliter non poſſim ſaluari: non peto ſanitatē, niſi conducat ad ſalutē: malo ægrotare, quàm peccare. *Tuus ſum ego, ſaluum me fac: Pſal. 118.* ſiue per dolores, per labores, per cruciatus, per vulnera, per ægri tudines, ſiue per acerbiffimam mortem ad te perueniam, hoc ſolo contentus ſum. Iube quod vis, & da quod poſſum, & fac vt poſſim, & velim, quod tu vis. Itaque repete etiam ſæpiſſimè hæc verba, *Fiat voluntas tua.* Nam, teſte Gregorio Nyſſeno, *Orat. 2. in orat. Dom. verba hæc morbi animæ inherentiſ curatio ſunt:* & ſi morborum corporis, ſicut animæ, non ſint curatio, erunt tamen maxima conſolatio, & mitigatio. *Experire quod dico, vt aſſequaris quod opto.*

*Adgementes & flentes in hac lacrymarum
valle. Caput XXVI.*

A Vocat Dicitur Hilarius, *Lib. 10. de Trinit.*
lacrymas, *sudorem animæ*. Dicitur Gregorius verba consolatoria, *candidum linteum*: sic enim scribit ad quendam, *Lib. 16. epist. 27. Peto, ut frequenter dulcissima vestra charitas visitet Anatolium Diaconum, ut post labores, quos in causis secularibus patitur, in verbo Dei vobiscum requiem inueniat, & quasi quodam candido linteo, eiusdem laboris terreni sudorem detergat*. Vobis igitur offero verba nostra, veluti sudariola, vel linteamina quædam, ad detergendas lacrymas vestras, cum sint sudores animæ. Detergam autem, si primò ab ipso Deo detergi ostendam. Audite Ioannem de lacrymantibus iustis loquentem; *Absterget Deus omnem lacrymam ab oculis eorum, Apoc. 7.* Quod miram dulcedinem indicat: ductaque est similitudo, ut vult Pannonius, à matribus, quæ paruulos plorantes amplecti solent, blanditiis delinire, eisque lacrymas abstergere, & vbera porrigere. Ita eos qui peccata sua, & aliorum, vel ob iniustas persecutiones sibi illatas fleuerint, Deus in cælo benignè excipiet, & instar blandissimæ matris consolabitur. Eam ob causam Deus se matri comparat. *Quomodo si cui mater blandiatur, ego consolabor vos. Isai. 66.* Eadem iustorum in patria consolationem ijsdem ferè verbis prænuñciauerat Propheta: *Et auferet Dominus Deus lacrymam ab omni facie. Isai. 25.* Dicit igitur Bernardus,
De

De contemptu mundi. Felices lacrymae, quas benignæ manus conditoris abstergunt, & beati oculi, qui in talibus liquefieri elegerunt. Felices vos, si eas fundatis lacrymas, quæ à Domino abstergi mereantur; nostro non indigeretis linteo ad eas abstergendas.

B Vt autem sciamus quasnam lacrymas Dominus sit abstersurus ab oculis beatorum, notandum est, in hominibus pijs & iustis varia esse lacrymarum genera diuersis ex causis orta. Nempe alius luget peccata sua, & quia malum fecit coram Deo; alius flet, quia bonum non egit, quod agere poterat; alius, quia bonum quod fecit, non ita ut oportebat diligenter, & perseueranter fecit; alius illacrymatur proximi peccatis & miserijs, veluti Iob, cap. 30. qui dicebat: *Flebam super eo qui afflictus erat, & compatiebatur anima mea pauperi.* alius dura correptionis flagella sustinens; alius aduersitates Ecclesiæ videns; alius prosperitates impiorum, & hostium populi Dei ægre ferens; alius luget diuinæ legis contemptum, & Dei offensam; alius flet, quod à proprijs virijs & concupiscentijs vehementer impugnatur; alius, quia se in oratione, & virtutum exercitatione sterilem, & tepidum sentit; alius flet suę peregrinationis moram. Omnia hæc lacrymarum genera dicitur Deus abstergere ab oculis Sanctorum,

Absterget quidem, non disperdet, sed in loco tuto reponet. Audi Psalmistam, Psal. 55. *Posuisti lacrymas meas in conspectu tuo.* Alij secundum Hieronymum sic legunt; *Repones lacrymam meam in vire tuo; vel, in laguncula tua.* Lacrymę com-
pa-

parantur optimo vino, quod in peculiari aliquo
vitre, vel laguncula reponitur, vt melius asserue-
tur. Audi Bernardum, *In Cantica. Lacryme pœ-
nitentium, vinum sunt Angelorum*. Sicut vinum
letificat cor hominis; ita lacrymę verè lugentium
& pœnitentium letificant Angelos, dicente Do-
mino: *Gaudium est Angelis super vno peccatore
pœnitentiam agente. Luc. 15.*

Item alij legunt: *Posuisti lacrymas meas in ra-
tionario tuo*, hoc est, in libro rationu n. tuarum.
Solent mercatores habere librum, qui vulgò vo-
catur *Liure de raison*; vbi debita, quę ipsis alij, vel
quę alijs ipsi debent, scribunt & adnotant. Sic
Deus dicitur posuisse lacrymas nostras in sua men-
te & memoria, tamquam in rationario, vbi se ve-
luti debitorem pœnitentis fatetur. Alij verò sic
transferunt: *Posuisti lacrymas meas in thesauris
tuis*. Quę pretiosiora sunt includuntur & reponun-
tur in thesauris: vocantur lacrymę à quibusdam
pretiosę margaritę, siue vniones: vnde, teste Pie-
rio, *Lib. 28.* plerique prodidere vniones esse sym-
bolum lacrymarum, sumptum scilicet à coniecto-
ribus, qui lacrymarum profluuium per visas in-
sommis margarita ostendi tradunt: & teste etiam
Suida, margaritę declarant lacrymarum fluxum.
Si vniones, siue margaritę ornant aures, multò ma-
gis lacrymę causa Dei effusę ornant oculos. Vnde
Diuus Chrysostomus, *Hom. 30. in Genes.* ait, ocu-
los Davidis fuisse ornatos lacrymarum imbre, qua-
si margaritarum decore. Fluant igitur lacrymę in
tanto thesauro reponendę, ac ita oculos nostros
ornantes. Vis te gemmis fulgentissimis ornare,
quę

quæ Deo, Angelisque placeant? funde lacrymas, doloris ob crimina concepti testes. Vis munera Iudici gratissima offerre? has offerito margaritas. Sunt enim ad placandum Iudicem potentissimæ.

Mérito itaque Christus flentes beatos prædicat: *Beati qui lugent, quoniam ipsi consolabuntur. Mat. 5.* Consolabuntur, inquam, cum viderint fletus suos & lacrymas tam diligenter asseruari, numerari ac remunerari. Hinc illud Laurentij Iustiniani, fallor, ex D. Hieronymo. *O lacryma, inquit, humilis! tua est potentia, tuum est regnum, tribunal Iudicis non vereris: accusatoribus tuis silentium imponis: non est qui te ad Deum accedere vetet: si sola intres, vacua non redibis. Quid plura? vincis invincibilem, ligas omnipotentem, inclinas filium Virginis, aperis cælum, fugas diabolum.*

D. Præterea consolabuntur, quia lacrymis peccata obliterantur. Audi Chrysostomum, *In Psal. 50. Peccata tua in libro scripta sunt: spongia autem instar sunt lacrymarum tuarum. Lacrymas mitte, & obliterantur: lacrymas mitte, & purus illic liber invenitur. Magna peccatorum spongia sunt lacrymæ.* Consolabuntur denique: videbunt enim se illud Domino dedisse, quod maximè optat. *Deus, inquit Chrysologus, Serm. 93. esurit gemitus delinquentium: sitit lacrymas peccatorum.* Peccatores, ac delinquentes omnes sumus: si pane, & vino careamus, quibus Christum reficiamus, non desunt lacrymæ, quas fundamus, ne aliquando audiamus; *Esuriui, & non dedistis mihi manducare: sitiui, & non dedistis mihi bibere. Matth. 25.* Quando peccas, tunc Deus esurit tuos gemitus, & sitit tuas

lacrymas: quod si non lugeas peccata tua, tunc ei cibum, & potum denegas. Consolamini igitur gementes; & flentes, qui Dominum pascitis. Consolamini etiam fructum lacrymarum vestrarum reportaturi. Scitum est illud Menandri apud Plurarchum, *In orat. consol.*

Dolor, ut arbores fructum, habet lacrymas. Fructus doloris sunt lacrymæ, & fructus lacrymarum sunt exultationes; nam qui seminat in lacrymis, in exultatione metet. *Psalm. 125.* Vis videre quantam vini habeant ista semina, siue lacrymæ, & quales fructus ex illis oriantur? Audi Chrysologū, *Serm. 9.* *O quanta vis in lacrymis peccatorum! rigant calum, diluunt terram, extinguunt gehennam, delent in omne facinus latam divina promulgatione sententiam.* Verè ergo beati qui nunc fletis, quia ridebitis, *Luc. 6.* Ridebitis, inquam, & exultabitis videntes tot fructus lacrymarum vestrarum: *habet enim luctus repensum sibi gaudium* ait Euthymius, *In Matt. 5.*

E Ut autem hos fructus afferant vestræ lacrymæ, debent esse Deo gratæ: at non erunt gratæ, nisi fundatur ob cōmissa peccata, vel propter mortem Christi, aut ob aliam causam ex his, quas iam diximus, quas omnes in quatuor qualitates redigit Gregorius, *Lib. 23. moral. ca. 21.* *Quatuor, inquit, sunt qualitates quibus iusti viri anima compunctione vehementer afficitur: cum, aut malorum suorum reminiscitur, considerans ubi fuit: aut iudiciorum Dei sententiam metuens, & secum quarens, considerat ubi erit: aut cum mala vite presentis attendens, considerat ubi est: aut cum*

P p

bona

bona superna patria contemplatur, quæ quia necdum aspicitur, lugens conspicit ubi non est. His, & similibus honestis causis flendum est: tunc lacrymæ, ob huiusmodi causas effusæ non cruciant, sed delectant. Vnde Ambrosius, de obitu Valen. Lacrymæ mentem alleuant, fletus refrigerant pectus, & mœstū consolantur: est enim pijs affectibus flendi voluptas. Hoc etiam agnouit, qui dixit, Ouid. 4. Trist.

— *Est quædam flere voluptas.*

Et alter, Euripides.

Afflictis hominibus suaves sunt lacrymæ.

Lacrymæ verò, quæ emittuntur ex profani amoris amissione, rei familiaris iactura, aut rei, vel personæ turpiter dilectæ absentia, vel ex vana, & alia leui causa, inutiles sunt, & Deo detestabiles. Dolet Diuus Augustinus, *Lib. 1. Confess. cap. 13.* quod alias fleuerit Didonis mortem, atque sic se ipsum increpat. *Flebam Didonem mortuam, quæ se occidit ob amorem Aeneæ; cum interea me ipsum in his à te morientem, Deus meus, vita mea, siccis oculis ferrem miserrimus. Quid enim miserius misero non miserante se, & flente Didonis mortem, quæ flebat amando Aeneam; non flente autem mortem suam, quæ fiebat non amando te?*

Idem Doctor conqueritur de quibusdam hominibus, quod flagella, quibus ob peccata percutiuntur, defleant; peccata ipsa non defleant. *Flagella, inquit, In Psal 37. sua dolent homines, quare flagellantur non dolent. Nescio quis, si damnum patitur, procliuior est, ut dicat: indignè passus sum, quam ut consideret, quare passus sit, dolens damnum pecunia, dolens damnum iustitiæ: & talis, se-*

cun-

cundum Augustinum, *Lib. de vera, & falsa pœnit. cap. 9.* nullo modo poterit excusari, cum habeat lacrymas ad deflenda temporalia perditæ, & de iactura animæ non curet. *Non vtrique est,* inquit, *ut quis se excuset se non habere fontem lacrymarum, qui aliquando lacrymis ostendit dolorem temporalium.* Lacrymæ ob damnum rerum temporalium effusæ similes sunt eis, quæ fumo, & cepis emittuntur, quæ omnino nihil profunt, sed obsunt; ita nec illæ.

F Scio quidem multa esse in hoc mundo flētum commouentia, quæ cum attentè consideraret Seneca, *In consolat. ad Polybium*, sic scribebat. *Larga est ubique, & assidua flendi materia. Lacrymæ nobis prius deerunt, quam causa dolendi.* Nec mirum, cum simus in valle lacrymarum, & cum ab incunabulis flere didicerimus. Agelasti, siue nunquam ridentes redebantur, quicumque in Trophonij specum descenderant apud Træzenios: vnde antiqui prouerbialiter hominem tristem, & semper lacrymantem, in Trophonij antrum descendisse dicebant. Sed ubique terrarum inuenitur huiusmodi antrum, quia ubique se præbent flendi occasiones. Tot bella, morbi, inopiæ, persecutiones, inuidiæ, sterilitates, oppressiones, tot denique calamitates, & miseriæ, & similia mala sese offerunt oculis nostris, ut ex eis lacrymas extorqueant; ita ut dicat idem Seneca, *Epist. 99. Excidunt etiam retinentibus lacrymæ.*

Veruntamen nollem vos deflere causam lacrymarum, scilicet miseriæ; sed causam miseria-

rum, nimirum peccata. Non est lugenda pœna; sed culpa, quæ nisi hic lugeatur, in æternum lugebitur pœna. *Luge peccata*, ait Chrysostomus. *Hom. 5. de pœnit. ne pœnam defleas*. Peccata igitur in hoc mundo defleamus, ut in futuro gaudeamus. Desinamus hic lætari, ne illic nobis contingat tritari. Preueniamus fletibus fletum, & stridorem dentium. Hoc sibi optabat Bernardus, *Serm. 26. in Cantica. Quis dabit capiti meo aquam, & oculis meis fontem lacrymarum, ut preueniam fletibus fletum, & stridorem dentium?* Potentissimæ aduersus crimina sunt lacrymæ; postquam è vita excessimus, vires penitus amittunt, & inutiles sunt. Modicus fletus nunc ex pœnitentia emanans magna abolet crimina; sempiternus verò fletus post mortem, ne minimum quidem delet peccatum. Hic igitur lacrymæ fundantur, ut suspiciantur. Ad hoc nos hortatur Beatus Ephrem *Serm. 1. de pœnit. Fundamus lacrymas; quamdiu tempus est suscipiendi nostras lacrymas; ne abeuntes in sæculum illud, absque fructu, & utilitate vlla plangamus. Ibi enim pro nihilo ducuntur lacrymæ. Plange hic modicum, ne plangas illic in sæcula sæculorum. Satiùs est flere in valle lacrymarum, quam in abyssu lacrymarum, scilicet in inferno, ubi erit fletus, & stridor dentium.*

Ad incarceratos, & ad captiuos. Caput XXVII.

Liceat mihi hoc saltem scripto consolari, quos corpore visitare non potero, ne futurum de numero illorum, quibus à Christo dicetur;

dicetur; *In carcere eram, & non visitastis me.*
Matth. 25.

Meminerint in primis incarcerati, quod omnia quæ sub cælo continentur, proprijs carceribus mancipantur. Nam terra, & aqua, quæ simul vnum globum constituunt, ambitu aeris concarcerantur; aer etiam elemento ignis coarctatur, atque ignem orbis Lunæ complectitur, nec illis elementis extra suas sphæras, & limites diuagari permittitur. Inter corpora cælestia vnum ab altero circumdatur, & circumuoluitur. Astra quæque in suis orbibus veluti nodi in ligno includuntur, vnde nunquam exeunt.

Præterea habent aues suum carcerem, nempe aerem; & ex illis multæ in cauea includuntur. Pisces in mare veluti in carcerem iam incarceratum detruduntur. Vnde Iob, *Cap. 7. Numquid mare sum ego, aut cetus, quia circumdediti me carcere?* Anima quoque in corpore tâquâ in ergastulo includitur, à quo quidem optabat eripi, qui clamabat: *Educ de custodia animam meam, Psal. 141.* vel, vt Augustinus legit; *Erue de carcere animam meam.* Lingua dentibus, labiisque velut carcere clauditur. Oculi palpebris custodiuntur. Homines etiam seipfos videntur incarcerare, dum vrbes suas mœnibus circumdant, ibique sibi ædes, & domos construunt, & in illas cellulas, in quibus arctius includuntur, ita vt vnicuique liceat dicere, *Ouid.*

Inuida me spatio natura coercuit arcto.

Cætera animalia in foveas, speluncas, nidulos; latibula sese abdunt. Quid de bombyce referam,

P p 3 qui

qui ore proprio sibi ipsi ad extremum vitæ suæ carcerem texendo instruit?

O Omnes insuper fructus pelliculis suis, & corticibus quasi carcere circumdantur: ita ut necesse sit, frangat nucem qui vult habere nucleum. Vniones in conchis, ac lapilli, gemmæque etiam interdum auro veluti carcere includuntur: nec propterea minus, imò magis micant, & splendent. Omnia denique tantò arctius ac diligentius in hoc mundo custodiuntur, quantò pretiosiora iudicantur. Cum itaque omnia incarcerentur, & recludantur, cur miramini, & doletis, quod cum omnibus incarceremini?

Quid præterea est iste mundus, nisi communis quidam carcer tenebris, vinculis, immunditiæ, fœtore, reisque plenus? Vnde Tertullianus. *In lib. ad Martyres*, quosdam fideles incarceratos sic consolabatur. *Si cogitemus, ipsum magis mundum carcerem esse, exiisse vos è carcere, quam in carcerem introiisse intelligemus. Maiores tenebras habet mundus, quàm carcer, quæ hominum præcordia excacant: gravior es carenas induit mundus, quæ ipsas animas hominum constringunt; peiores immunditias expirat mundus, libidines hominum: plures reos mundus continet, indicia non Proconsulis, sed Dei sustinet.* Ea de causa forsitan Iugurtha regno amisso Romam captivus ductus, in carceris ostio etiam iocatus esse dicitur, quod à carcere tenderet ad carcerem.

Si attendatis, quid in carcere proficiatis, illum libenter tolerabitis. In carcere enim nullum malum hominem habetis obuium qui vos ad

ma-

malum inciret. Multæ vobis peccandi occasiones rescinduntur: nullæ sese offerunt mulieres ad illas videndum, & concupiscendum. In maiora crimina fortè incidissetis, nisi in hunc carcerem detrussi essetis, atque ita arctiorem, & squalidiorē meruissetis. Vnde optimè, secundum Varronem, carcer quasi coarctat à coercendo dicitur; quia potest quis omnes suos coercere sensus, ne ad illicita prolabantur.

Item, iuxta Sapientem, *de carcere, catenisque quandoque egreditur quis ad regnum Eccli. 3.* interdum temporale, & semper si voluerit, ad æternum; dummodo ærumnas, & incommoda carceris propter Deum patienter ferat, suas agnoscendo culpas, illasque humiliter confitendo, ac Deo gratias agendo; quod hic in arcto ponatur, ut tandem in cælestibus spatijs reponatur: quæ quidem spatia sæpe sunt cogitanda, cum non impediatur loci angustia. Potest carcer tuum corpus detinere, sed non animum, qui non obstante quocunque carcere cælestia, si velit, meditabitur. Audi Apostolum sæpe carceribus mancipatum, catenisque constrictum: *Conuersatio nostra in calis est, Philip. 3.* In carcere forte detinebatur, & in cælis versabatur; ligabatur corpus, & liber erat animus. Considerandus, & optandus est ille locus, ubi non ligabantur pedes, neque manus. Propterea sustine hic ligari. ut ibi soluaris, & cum Cypriano, *Epist. 72 ad Nemes.* dicere valeamus: *O pedes feliciter vincti, qui itinere saluari ad paradysum diriguntur! o pedes ad præsens in sæculo ligati, ut sint semper in calis apud Deum*

*liberi ! Dic igitur cum Sancto Poeta , D. Prosper
epigram. de dilectione Dei.*

*Carcere si ceco claudar , nectarque catenis ,
Liber in excessu mentis adibo Deum .*

C Diuus Hieronymus aliquē in eremo manentem sic consolabatur . *Infinita eremi vastitas te terret : sed tu paradysum mente deambula . Quotiescumque cogitatione ac mente illuc conscenderis , toties in eremo non eris .* Ita sic incarcerato loquar : si carcer te terret , paradysum mente deambula ; nam quoties cogitatione & mente illuc conscenderis , toties in carcere non eris .

Præterea , libenter quis temporalem patietur carcerem , si diligenter meditetur æternum , quem ut idem Hieronymus euaderet , eremi carcere se damnauit , ut ipsemet fatetur . *Ille ego , qui ob gehenna metum , tali me carcere ipse damnaueram scorpionum tantum socius , Epist. 23. ad Eustoch. & ferarum .* Sustine igitur ad tempus incarcerari , ne æternaliter in infernum detrudaris : fortè enim nō potuisses aliter terribillū illū inferni carcerem euadere , nisi in hunc cogereris introire . Hoc Deus agnouit , qui tibi accidere permisit , ut coactè cogaris sustinere , quod alij sponte elegere .

Si contingat , te innoxium & absque culpa in carcerem coniici , debes potius gaudere , quam dolere . Recordare eorum , qui innocentes , fuerunt in carceres deturbati , quos patienter tulerunt ; ideo illos non deseruit Dominus , pro quo talia perferebant . Veniat tibi in mentem castissimus ille Ioseph , qui , ut ait Ambrosius , *Lib. de Ioseph. cap. 5. inaudita causa , inexplorata fide*

fide veri, tamquam reus criminis in carcerem mittitur; sed cum Dominus nec in carcere deserebat. Non turbentur innocentes, cum falsis criminibus appellantur, & oppressa iustitia detrahuntur in carcerem: visitat Deus & in carcere suos, & ideo ibi est plus auxilij, ubi est plus periculi. Sed quid mirum, si visitet. Deus in carcere positos, qui se ipsum in suis in carcere inclusum esse memoravit? Quo non penetrat divina misericordia? Inuenit Ioseph huiusmodi gratiam, ut qui fuerat clausus in carcere, ipse potius carceris claustra seruaret: cederet munere clauicularius, & interclusos omnes in potestatem eius committeret. Itaque Ioseph non solum carcerem non sentiebat, sed alios quoque carceris sentiebat arumna.

D. Miratur etiam Diuus Chrysostomus, Hom. 62. in Genes. eiusdem Ioseph lenitatem, & silentium, dum falso accusaretur, & in carcerem detrunderetur. Vide, inquit, quanto silentio, & lenitate animi Ioseph bene sibi conscius innocentia sue, rulerit calamitatem illam. Scitis enim eos, qui non sibi conscij ullius sceleris, tamquam rei condemnantur, magna saepe vii confidentia, & dicendi libertate superbire, insurgentes contra eos, qui insonitibus crimen inuentarunt. Non sic Ioseph, sed corde tacito, menseius bene sibi conscia, conseruabat mansuetudinem & patientiam, expectans Dei auxilium. Illum tandem ab illo carcere eripuit Dominus, qui eripuit & Danielem de lacu leonum, ac aliquando Diuum Petrum à vinculis illæsum abire fecit. Potest etiam & te eripere, si tibi viderit expedire; cum maiorem virtutem & effi-

ca-

raciam habeat quàm Sapphirus, de quo sic in lapidario :

————— *Educit carcere vinctos.*

Obstrusasque fores, & vincula tacta resolvit.

Quòd si non eripiat, sed de carcere ad supplicium te educi permittat, non minùs illi gratias agas, quòd velit te adscribi in numero illorum, qui post carceres sine vlla culpa morte affecti sunt, inter quos Diuus Ioannes Baptista, qui licèt ne leui quidem fame vitam maculasset, capite tamen in ipso carcere plectitur. Meruit pro Christo mori in carcere, qui meruerat à Christo sanctificari in vtero: qui exierat ex vtero confessor, exijt à carcere Martyr; non terminatur eius vita in carcere, quæ inchoauit à carcere, non morte aufertur, sed transfertur. Audi Chrysologum, *Ser. 173. Transfertur ista morte vita Martyris, non auferitur: morte magis clauit, qui ob hoc mortuus est, ut viveret in aeternum. Ecce tu Herodes iaces in morte, Ioannes viuit occisus.* Ioannes, inquam, dum in carcere cruciabatur, à Christo laudabatur. Herodes verò dum in Palatio deliciabatur, à Christo relinquebatur. Hic modò damnatur; ille verò gloriatur. Scit Deus, qua pœna sit mulctandus, qui te innocentem coniecit in carcerem, & adhuc minatur mortem. Non attendas, quod ipse agit, sed quod Deus permittit.

E Quid de Apostolis Petro & Paulo toties in carceratis & vinctis referam? Illos sic alloquitur Chrysostomus, in *Matth. cap. 5. Quot carceres sanctificastis? quot catenas decorastis? quot tormenta sustinuisstis?* Tandem, teste Baronio, *Ann. 69.*

fuc-

fuerunt ambo Romę per nouem menses in eodem carcere Mamertino conclusi, & inde ad martyrium educti.

Diuis Paulus identidem meminit vinculorum suorum, in quibus gloriabatur, & scribens ad Colossenses, *cap. 4.* vult, vt illorum recordentur: *Memores*, inquit, *estote vinculorum meorum*. Plurimum iuuabit sę e reuocare in mentem, quę Paulus, & alij viri sancti perpeffi sunt in vinculis & carceribus. Ad hoc nos hortatur idem Chrysostomus: *Deliciarum*, inquit, *concupiscentia prebenderis? Recordare carceris Pauli. In afflictionibus es? putas te derelictum esse? Memor esto vinculorum Pauli: considera squalorem Pauli in carcere.*

Verę de illis, & de alijs pijsimis viris iniuste incarceratis dicere possumus, quod Seneca, *de consol. ad Heluiam.* de Socrate: *Carcerem*, inquit, *intravit Socrates ignominiam ipsi loco detracturus: neque enim poterat carcer videri, in quo Socrates erat.* Ille quidem locus cęteris erat carcer; at non Socrati, quia vir erat sui temporis probus. Minus erant illi viri sancti in carcere, qui nullo coinquinabantur scelere: auferebant carceri ignominiam, qui nullam merebantur ignominiam. Mansit Ieremias in carcere, ait Scriptura, sed nullam infamiam contraxit ex carcere, *Ierem. 38.* Ab eodem Paulo adhuc spirante minarum multi Sanctorum fuerunt incarcerati, vt ipsemet fatetur; *Multos Sanctorum ego in carceribus inclusi, Philip. 1.* Carceribus quibus includebantur, sed non à merito, & à gloria excludebantur. Carcer igitur

tur tua cohonestabitur præsentia, si in te vera sit innocentia: non enim reputatur ille esse in carcere, qui nunquam meruit carcerem. Et sicut iusto non est lex posita, ita nec pœna. Securè Petrus dormiebat in carcere, quia innoxius ingressus erat carcerem: non curabat, quòd catenis ligarentur manus, dummodo anima nulla ligaretur culpa; & quia hæc omnia pro Christo patienter ferebat; ideo Chrysostomus, *Hom. 8. in Epist. ad Ephes.* Petrum vinctum Angelo soluenti præferebat: sic enim loquitur. *Si mihi quispiam dixisset, elige vrrũ velis: vis esse Angelus Petrum soluens, an Petrus vinctus? Petrus utique esse maluisssem. Maius hoc vinculorum donum est, quàm Solem sistere, aut mundum mouere, aut dominari demonibus, eosque expellere.*

F Vide quid sit, sine noxa vinciri, & incarcerari. Vnde idem Chrysostomus, *in quadam homil.* sic de innocentia innocenti loquitur. *Gaude de innocentia, & exulta; gaude, inquam, quia ubique illasa est, ubique secura. Si tentaris, proficis: si humiliaris, erigeris: si pugnas, vincis: si occideris, coronaris. Tu in seruitute libera es, in periculo tuta, in custodia lata.*

Si autem noxius & reus in carcerem detrudaris, compedibusque cōstringaris, non propterea deficias animo; sed tantò patientiùs debes illud tolerare, quantò grauiùs memineris te peccasse. Sicut Sancti libenter sustinebant carceres, & alia tormenta, quibus illorum augebatur meritum: sic & tu patienter feras, quo tuum purgatur delictum. Et si

cus

cur illa ergastula, & vincula fuerunt Sanctis meritoria propter innocentiam: ita curandum est, ut fiant tibi satisfactoria per patientiam. Itaque tibi semper est ad Deum recurrendum, qui etiam hanc coactam inclusionem tibi accidere non permetteret, nisi in maiorem tuæ animæ utilitatem cederet. Fiat ista incarceration tuorum peccatorum purgatio. Qui potionem ad purgandum corpus sumit, necesse est includatur in cubiculo: ita ad animam purgandam plerumque necessaria est inclusio, siue illa sit voluntaria, siue coacta. Ideo illam patienter feras.

Noli esse virgo similis, *Pier. lib. 11.* qui si eò incidit, unde desperet posse euadere, semetipsum præ ira suffocat, usque adeò se genitum ad libertatem putat. Idcirco per huiusmodi animal volunt nonnulli hominem intelligi, qui sibi mortem consciscit, ne in manus hostium incidat. At verò tibi salubrius erit patienter tolerare, quod nullo modo poteris euitare. Caue, ne tua impatientia ab vno damno in plura & grauiora corruas.

G Dico iterum, aut ex delicto carcerem meruisti; aut iustus existens minimè deliquisti. Si datur primum, bonum est tibi, quòd in carcere has pœnas, quæ tibi in infernò, aut Purgatorio grauius luendæ erant. Si secundum, laudem mereris: sicut Ioseph, de quo sic & Augustinus. *Non ita laudamus Ioseph, cum frumentum distribuebat, sicut cum carcerem habitabat.* Si visitantes incarcerationem, regnū mereantur æternū, quantò magis

gis carcerem habitantes, & patienter tolerantes? Dum enim quis visitat carceres, socios habet electos: at dum manet in carcere, socium habet eligentem, scilicet Christum, in iudicio exprobraturum, & dicturum: *In carcere eram, & non visitastis me. Matt. 25.*

Si qui autem sint, qui captiuitate premantur, recordentur multos fideles, multosque Sanctos fuisse captiuos, suamque captiuitatem patienter tulisse, & in ea nunquam pietatem deseruisse, atque ideo multa præclara gessisse. Propheta Ezechiel dum in Chaldaea cum populo Iudaico captiuaretur, vidit in medio captiuorum visiones Dei, multaque prophetauit; *Ezech. 1.* Similiter & Daniel in captiuitate Babylonica sanctissime vixit, multaque prædixit. *Isaias, cap. 6.* mittitur ad prædicandum captiuis: *Spiritus Domini misit me prædicare captiuis indulgentiam.* Plurimum commendatur Tobias, quod in captiuitate positus viam veritatis non deseruit. *Tob. 1.*

Permittit interdum Deus, vt aliqui captiui efficiantur in hoc sæculo, vt discant peccari, ac inferni detestari captiuitatem, & cœlestis patriæ amare libertatem. Phrygibus familiare fuisse legimus proprios vendere filios, captiuosque aliquandiu relinquere, vt tandem redempti ad omnia aptiores essent. Cretenses etiam, & Lacones ingenuos filios seruilium munia subire cogebant, vt seruitutis recordatione, libertatem magis amarent.

H Diogenem, *Lam. lib. 6.* Cheneida seruientem volebant eius amici redimere; at ille: Nequa-

quaquam, inquit, an nesciris Leones non his seruire, à quibus aluntur; sed illos potius seruire Leonibus? nam Leo vbicumque est, semper Leo est. Valeat, quantum poterit, illa Ethnica responsio. Vellem ego, vt inde discas, te debere semper esse Christianum, etiamsi captiuus existas; nihil deferas ex his, quæ ad hominem Christianum pertinent. Tibi sanè inseruiunt, quibus cogeris inseruire: tibi, inquam, seruiunt, dum in te seruiunt, quia si huiusmodi captiuitas patienter feratur, proderit sine dubio ad libertatem æternæ patriæ comparandam. Itaque Christianus vbicumque sit, semper Christianus sit.

Ne doleas, quòd captiuus sis alicuius hominis: sed caueas, ne per peccatum captiuus fias dæmonis: satius enim est captiuari ab homine, quàm à dæmone. Hæc est sola deslenda captiuitas, & fugienda. Captiuetur corpus, dummodo liber sit animus. Erit autem liber, si fugiat peccatum: quia *qui facit peccatum, seruus est peccati*. Nec hoc lauit Tullium 4. ad Heren. cum dicat: *Liber est is æstimandus, qui nulli turpitudini seruit*. Reuera liber ille est, qui probus est: quod pluribus rationibus Philo, *Lib. quòd omnis probus liber*, contendit probare: nec in illum cadere potest captiuitas, in quem non cadit iniquitas. Caue igitur, ne captiuitati corporis iungatur captiuitas mentis: tunc enim verè esses captiuus, & à temporali captiuitate ad æternam migraturus esses, nisi pœnitentiam ageres.

Scito, te vbique Deo parere posse. *Deo autem parere libertas est*, inquit Seneca, *Lib. de beat. vit.*

Si

Sitibi hæc contingat libertas, non est quòd de captiuitate doleas. Ezechieli, *cap. 1.* in captiuitate existenti aperti sunt cœli, ut ipsemet testatur. *Ezech. 1.* Vnde constat, etiam captiuis cœlos patere, si captiuitatem æquo animo pariantur. Et quoniam, teste eodem Seneca, *Epist. 31. suspicere in cœlum ex angulo licet*; hoc saltem gaude, non quòd cœlum videas, sed quòd ex illa captiuitate ad cœlum conscendere valeas.

Ad exilio multatos. Caput XXVIII.

A **V**T in exilio aliquod solamen inueniatur, considerandum est primò, hunc mundum iuxta Socratis sententiam esse communem omnium hominum patriam: Vnde Tullius, *Parad. 4.* ostendit quibus exilium durum est. *Exilium*, inquit, *terribile est his, quibus quasi conscriptus est habitandi locus: non his, qui omne terrarum orbem, vnâ urbem esse dicunt.* Sicut enim, si quis in propria ciuitate commorans domum aliam inhabitet, in qua natus non est, non propterea censebitur exul, & ridiculus esset, si ob id lugeret: ita aliam ciuitatem, aut patriam inhabitans, quàm in qua natus est, non reputabitur sapiens, imò vecors habebitur, si tristeretur: nam, ipso etiam Democrito teste, quælibet terra homini sapienti est peruia, atque animæ forti vniuersus orbis patria est. Vnde & Poeta, *Onid. lib. 2. de Ponto.*

*Omne solum forti patria est, ut piscibus aquor,
Et velucri vacuo quidquid in orbe patet.*

Diuus

Diuus Chrysostomus, *Epist.* 3. *tom.* 5. dum ab Eudoxia in exilium pelleretur, sic ad Cyriacum scripsit. *Ego cum à ciuitate fugarer, nihil horum curabam, sed dicebam intra memetipsum. Si vult me Regina exulem, agat in exilium: Domini est terra, & plenitudo eius. Quasi dicat: quacunque vtatur aut horitate, non poterit ipsa me expellere à terra, vel à dominio Domini Dei mei, quia quocunque in loco habitem, non me exulare credam: non Regina sum, sed Domini mei, ideo liber sū. Et secundū Senecā, Lib. ad Albinā matrem, non exulare unquam potest liber, & Deo cognatus. Aliquando expellens magis exul est, quā is qui expellitur.*

B Inducit idem Seneca Marcellum ab Imperatore in exilium religatum secum sermocinantem, atque ad tolerandum æquo animo huiusmodi exilium, seipsum sic adhortantem. *Ibidem. Quod patria cares, non es miser: etiam uate disciplinis imbuisti, ut scires omnem locum sapienti viro patriam esse. Porro hic, qui te expulit, non ipse per annos decem continuos patria caruit? propagandi sine dubio Imperij causa. Nunc ecce trahit illum ad se Africa resurgentis belli minis plena: trahit Hispania, qua fractas, & afflictas partes refouet: trahit Aegyptus infida: totus denique orbis, qui ad occasionem concussi Imperij intentus est. Cui primum rei occurret? cui parti se opponet? Aget illum per omnes terras victoria sua. Crede mihi, quos non putas exulare, magis sunt exules; & quos credis, minus aliquando sunt. Si ille Marcellus exulabat, quia erat extra propriam patriam; exulabat,*

Qq etiam

etiam is, qui eum expulerat, qui aliquando etiam extra patriam morabatur. Sed neuter habebitur exul, si hæc terra communis omnium patria habeatur.

Audiamus, & Diuum Basilium, *Orat. in eius laud.* secum apud Gregorium Nazianzenum colloquentem. *Nullum*, aiebat, *exilium cognosco; qui nullo loco circumscriptus sum, ac neque terram hæc, quam nunc incolo, meam habeo; & eam omnem, in quam proiectus fuero, pro mea ducō: imò, ut rectius loquar, uniuersam terram Dei esse scio; cuius aduena ego sum, & peregrinus.* Cui congruit quod à Seneca, *De suo exil. ad matrem*, dicitur: *Nullum inuenitur solum intra mundum, quod alienum homini sit.*

Interrogatus Hercules, Argiuis, an Thebanus esset, respondit: *Haud vnā curo iactare, tota Græcia mihi patria est.* At melius dixisset, si non tantum Græciam, sed, & totam terram patriam agnouisset: extra illam nullus eiici potest: in illa, qui sapiens est, peregrinatur; qui verò stultus, exulat. Audi eundem Senecam, *Lib. de remed. fort.* *Patriam meam transire non possum, omnium vna est, extra hanc nemo eiici potest. Non patria mihi interdicitur, sed locus: in quamcumque terram venio, in meam venio, nulla exilium est. Patria est, ubicumque bene est. Illud autem, per quod bene est, in homine, non in loco est. Si enim sapiens est, peregrinatur: si stultus, exulat.* Interdum nos, quasi formicæ, vel apes, si ex vna caverna, aut alueari exciderimus, hospites, externique nobis esse videmur. Quod
idcirco

idcirco fit, quia omnia propria, & familiaria, ut certè sunt, facere ignoramus. Cum igitur hic mundus omnibus communis sit, omnibus patria est: & sic nullus in eo exulat. Habeas semper in mente hoc eiusdem Senecæ, *De vit. beat.* dicterium *Patriam tuam mundum existima*, ut nullibi te exilem existimes; vel cum Beato Prospero dic: *In epigram.*

Non metuo exilium, mundus domus omnibus una est.

C. At dices: proprium natale solum adeò dulce est, ut sua dulcedine cunctos attrahat, unde Poeta, *Ouid 1. de Ponto.*

Nescio qua natale solum dulcedine cunctos

Ducit, & immemores non sint esse sui.

Hoc poterit esse verum in his, qui nisi in angulo vivere nequeunt; vel in his, qui nimis delicate, & pueriliter viuunt, quibus dulcis est patria; non autem in his, qui fortiter se gerunt, vel qui ita perfecte viuunt, ut ipse mundus sit illis exilium, qui alias viro forti patria erat. Audiatur Hugo de Sancto Victore, *Lib. 4. cap. 2. didasc.* *Delicatus*, inquit, *adhuc ille est, cui patria dulcis est: fortis autem iam, cui omne solum patria est; perfectus vero, cui mundus exilium est.* Itaque, si mundus, ut iam diximus, communis patria est, nullus erit exul: si vero commune exilium sit, ut volunt aliqui, & colligitur ex eo; *Ad reclamamus exules filij Eua, Orat. ad Virginem.* certè omnes erimus exules. Nullus ergo conqueratur de eo, quod omnibus commune est. Nam, ut optimè adnotat *Tullius 5. Tuscul.* *Si abesse à patria miserum est;*

plena miserorum sunt prouinciæ, ex quibus admodum pauci in patriam reuertuntur.

Ex Apostolo; *non habemus hic manentem ciuitatem, sed futuram inquirimus. Hebr. 13.* Si nullam in hoc mundo habeamus ciuitatem, nullam poterimus ciuitate eici. Inquirenda est futura, quæ cœlestis est, & in æternum permanfura; in illam tendamus, & in ea sit cum eodem Apostolo conuersatio nostra; terrenæ autem ciuitates, ædes omnes, cunctaque loca in quibus moramur, sint nobis sicut auibus niduli sui, in quibus aliquandiu habitant, sed tandem illis relictis volitant per æra, nec de nido amplius curant, nec cogitant. Vide quid de his nostris habitationibus dicat Chrysostomus, *Hom. 50. ad popul. Nidus est præsens vita ex festucis, & luto coagmentatus: licet mihi magnas ædes ostendas, siue regias ipsas auro multo fulgentes, & gemmis, nihil ab hirundinum nido differre censebo, hyeme quidem instante corruent.* Vult Christus, vt respiciamus volatilia cæli; *Respicite, inquit, volatilia cæli, Mat. 16.* Et dic: sicut totus aer est cōmunis volatiliū habitatio; ita hominum tota terra: & sicut in aere non exulant aues; ita nec in terra homines. Non curant aues de nido in quo natæ sunt, & in quo implumes enutritæ sunt; sic nec curare debent homines de domibus, de ciuitatibus, vbi nati & educati fuerunt: destruuntur niduli; destruentur & terrenæ habitationes: sursum petunt volatilia; sursum tendant, & homines.

D Propterea, & præterea cogita, quod in quocunque loco sis, quacunque in terra, si ritè velis perpendere, inuenies multos hinc ad cœlum migras-

migrasse, quia ubique patet cæli aditus. Hoc agnouit Seneca, *De suo exil. ad matrem*. Undecunque, inquiens, ex aquo ad calum erigitur acies. Ideo cælestia, non terrena ubique cogitanda esse docet; cum ubique pateant; ait enim. *Angustus animus est, quem terrena delectant. Ad illa adducendus est, quæ ubique aque parent, ubique aque splendent*. Satis tibi sit, ubique posse ad cælum intuenire viam. Potuerunt quidem homines etiam inuitum natali solo, aut aliqua terræ parte eijcere, sed non patria cælesti. Vnde Basilus, *Hom. 4. de grat. act. Patrione solo exclusus es? ac patriam habes cælestem Ierusalem*.

Diuus Ioannes in exilio in Insula Pathmos, ad quam à Domitiano Imperatore fuerat relegatus, inuinit videre cælestem illam Ierusalem. *Vidi, inquit, sanctam ciuitatem Ierusalem nonnam descendentem de calo, à Deo paratam, &c. Apoc. 21.* Ex loco quadrato vidit ciuitatem quadratam; nam teste Plinio, illa Insula est figuræ quadrangularis; & ciuitas cælestis secundum eundem Ioannem, *in quadroposita est, Ibidem.* firmitatem significante illa figura: firmum in exilio firmam dicimus vidisse ciuitatem. Ad illam Insulam missum fuisse hunc Apostolum ad effodienda metalla tradunt Primasius, Victorinus, *In comment. super Apoc.* & alij: at non tam manibus terram, quam spiritu cælum effodit. Magis intendebat ad haurienda secreta cælestia, quam ad extrahenda metalla. Ex loco angusto amplitudinem cæli contemplantur: nec de exilio dolebat, qui tantum de illa patria cogitabat: à Domitia-

no afflictabatur, & à Christo recreabatur, idèd libenter patiebatur exilium, quia diuinum experiebatur auxilium. Quid de illo dicat Ambrosius Ansbertus, audiamus. *In Insulam Pathmos relegatus, metalloque damnatus, ubi putabatur humana vinciri custodia, ibi metas humanitatis transcendens, libero concuitu meruit videre diuina; & cui tunc certa terrarum spatia verita sunt adire, secreta concessa sunt penetrare; sic sibi bene utens temporalibus malis, bonis perfruitur sempiternis. Bene etiam tu vtere exilio, vt caelestem patriam merearis.*

E Multos alios iuuisse exilium, tertamque alienam, legimus. Dion Syracusanus à Dionysio Tyranno bonis omnibus spoliatus, eiectusque patria, tantam exul pecuniæ vim habuit, vt etiam exercitum conductitium aluerit, quocum in Siciliam rediens à Tyranno ipsam liberauit.

Diogenes cuidam illi probro obiiicienti, quod exularet à patria. *Miser, inquit, istius rei causam philosophatus sum:* siue quod exilium compulisset Diogenem ad philosophandum, siue quod idèd didicisset philosophiam, vt exilium, similesque casus æquo animo perpeti posset.

Vlysses quouis exule miserior, solus, nudus, & naufragus, ubi ad Phæacas homines ignotos peruenit, in terra aliena non modo rebus ad victum necessariis facile abundauit, sed etiam pecunias sibi multas consequutus est. Pallas Stroza Florentia pulsus, Paduæ ita vixit, vt exilium ad otium literarum conuertisse videretur. *Rauis.* Interdum etiam è morbis diuturnis, dum exulant,

lant, soluuntur homines, vt Spartianus ille Lacedæmonius, qui diu latere laborans, exilij beneficium, vbi defuit delicatè viuere defuit etiam valetudinarius esse.

Porro, si tecum virtutem, & probitatem afferas, minimè exulare poteris. Anaxandridas Leon-
tis filius, cuidam acerbè ferenti, quod ab vrbe exulare cogeretur: Ne, inquit, vir optime, exhorrescas à ciuitate exulare; sed à iustitia exulare horrendum est. Sentiebat eos non esse miseros, quibus accidisset calamitas: sed eos verè deplorandos, qui sua sponte discesserunt ab honesto, etiam si nulla sequatur calamitas. Sic reuera illos tantū dicimus exules, qui quamuis sint in patria, tamen suis iniquitatibus longè sunt à diuina gratia, quam si quis habeat, non exulat. Brutus, teste Seneca, hoc satis putabat, quod in exilium euntibus liceret suas secum ferre virtutes: illæ enim sunt, quibus se consolatur exulem. *Absque virtutibus quisque est exul, cum virtutibus nullus.*

Considerandi insuper sunt illi, qui forti animo exilium pertulerunt. Thucydides Atheniensis historicus à suis in exilium missus, fortunam illam æquo animo tulit, neq; vnquam flere, aut queri visus est, *Volat. lib. 2.* neque Brasidam exilij authorem scriptis suis carpere. Quidius non tantum fortiter tulit exilium, sed multa in eo scripsit. Maluit Metellus patienter exilium subire, quam impatienter Saturnini Tribuni plebis iniquissimas leges ferre.

F Refert Seneca, *De exilio suo ad Albinam matrē* Brutum vidisse Mitylenis Marcellum exulantem,

Qq 4 atque

atque adeò eius patientiam, animique constantiam fuisse demiratum, ut diceret, visum sibi se magis in exilium ire, qui sine illo rediturus esset, quàm illum in exilio relinqui: unde sic scribit Seneca. *Quantus vir ille fui, qui effecit, ut aliquis exul sibi videretur, quod ab exule recedebat?* Bene ergo exilium tulit Marcellus, nec quidquam in animo eius mutavit loci commutatio.

Anaxagoras Clazomenius, *Laertius lib. 2. ca. 3.* cum ab Atheniensibus esset exilio damnatus, cuidam dicenti; priuatus es Atheniensibus: imò illi, inquit, me. Sentiens Atheniensibus magis opus esse Anaxagora, quam contra. Rutilius vir summæ innocentiae in exilium mittitur, postea redeundi potestate facta, respondit illud Senecæ: *Malo ut patria meo exilio erubescat, quàm reditu mereat. Volat.*

Oppianus Poeta, *Idem lib. 17.* Seueri Principis iussu in exilium actus in Melitam insulam, ita patienter tulit, ut etiam ibi poema de piscibus scripserit, cuius aliquando meminit Diuus Hieronymus, *In comment. super Ezech.* Illi Ethnica constantia libenter exilium pertulerunt, & tu non poteris Christiana?

Boetius insignis Philosophus à Theoderico Rege in exilium iniuste missus est, ibique librum de consolatione Philosophiæ edidit; quo se, & alios simili casu affectos plurimum consolatur. *Sigebert. in Chron.* Fulgentius Episcopus sanctitate, scientia, & facundia præclarus, multa ab Arrianis pro vera fide perpeßus, diuturno in Sardinia exilio

exilio à Thrasimundo Vvandalorum Rege maceratur . Pontius Diaconus , vt author est Hieronymus , missus vnà cum Cypriano in exilium , egregium volumen de vita & martyrio Cypriani scripsit . Qui omnes patienter suum tulerunt exilium : quare non tu ?

G Denique , vel iure , vel iniuria exulas . Si iure , non debes quod iustum est , vel quod iustè fit , moleste ferre : imò Iudici te expellenti easdem teneris referre gratias , quales ægròtus Medico mutationem aeris ipsi consulenti ; cùm , secundum Senecam , *Lib. de consol. ad Heluiam. cap. 6.* nihil aliud sit exilium , quàm loci commutatio . Sicut enim aliquando necessaria est ægròtanti mutatio loci , ne fiat recidiuus : ita & delinquenti . Sæpe in eadem crimina laberemur , si in eisdem locis moreremur ; sed mutato loco , peccandi euitatur occasio . Si turberis , quòd exul vociteris , scito te habere potiùs nomen calamitosum , quàm turpe . *Quidenim exul ?* ait Cicero , *ipsum per se nomen calamitatis , non turpitudinis . Cic. pro domo sua .* Calamitati autem omnes sunt obnoxij , tam in proprio solo , quàm in alieno .

Noli tua impatientia fieri Pilato similis qui propter iniustam ab eo latam in Christum sententiã , à Caio Imperatore iustè in Galliam relegatus , maluit seipsum interimere , quàm sui exilij incòmoda tolerare . De ipso sic scribit Aduersarius Viennensis , in *Chrò.* *Tantis ibi irrogante Caio languoribus coarctatus est , vt sua se transfuerberans manu , multorum malorum compendium mortis celeritate quæsterit .* Si hoc ita sit , Imperatoris sententia à terrena tantum exulas

labat patria : at sua impatientia exulauit à cœlo. Certum est, quòd si pœnam patienter tulisset, culpamque suam, vt decet, agnouisset, Christus, quem iniuste damnauerat, libenter ignouisset. Caveat vnusquisque, ne sua impatientia ab vno exilio ad aliud transeat, à temporali scilicet ad æternum.

Si autem iniuria exules, exulta, cum non habeas quo erubescas. Ideo Basilus, Chrysostomus, Hilarius, & alij quamplurimi non timuerunt, imò patienter tulerunt exilium, quia nullum viderant se patrasse flagitium. Si cum illis innocens sis, fac vt cum illis patiens sis. Syluerius Papa, iniuste à Theodora Augusta in Insulam Pontiam relegatus, sic ad Amatorem Episcopum scribebat. Sustentor pane tribulationis, & aqua angustiae; non tamen dimisi, aut dimitto officium meum. *Plat. in vit. Pont.* O beatum exilium, propter quod non dimittitur officium, quo acquiritur martyrium, & à quo peruenitur ad præmium! Effice igitur, vt tuo exilio cœlestem patriam promerearis, à qua dumtaxat exulare pertinescas; & à qua forte aliquando exulares, nisi modò exulares.

De patientia habenda in morte filiorum, fratrum, parentum, aut amicorum.

Caput XXIX.

A **N** Vllus immoderate dolebit in morte parentum, aut charorum suorum. si in primis diligenter attendat, quòd, cui nasci contingit,

git, mori restat. *Senec. epist. 100.* Quod ita certum est, ut post esum ligni vetiti, fixo, immobili, ac indispensabili decreto Dei, *statutum sit hominibus semel mori. Hebr. 9.* Idque iustissime: nam qui Adamo, & in eo omnibus & singulis hominibus dixerat; *Nequaquam moriemini; Genes. 3.* debuit omnium & singulorum morte mendax, fallaxque apparere. Itaque videtur unusquisque nostrum hæc moriendo dicere; *Mentiris demon.* Aseue-
tabas me non moriturum, nunc autem constat te mendaciter loquutum. *Tellement qu'en la mort d'un chacun de nous, Satan reçoit un dementy.* Patienter igitur quisque ferat & propriam, & suorum mortem, gaudeatque per illam dæmonem manifestari mendacem: Deum autem veracem, qui hominem post patratum peccatum moriendi necessitate ita adstrinxit, ut peccanti, ait Gregorius, *Lib. 11. mor. cap. 23. in paradiso homini iratus, semel de mortalitate carnis nostræ sententiam fixerit, quæ nunc, & usque ad ultimum mutari nullo modo valebit.* Hinc meritò David: *Quis est homo, inquit, qui viuet, & non videbit mortem? Psal. 88.*

1. Est igitur considerandum, ab hac moriendi necessitate nullum hominem, quantumvis sanctum, pium, perfectum, potentem, fortè, alijsve donis præditum, esse exceptum, imò nihil in rerum natura certius esse morte vniuscuiusque. Audi Senecam: *Epist. 77.* (Eò ibis, quò omnia erunt. Quid tibi nouum est? ad hanc legem natus es: hoc patri tuo accidit, hoc matri, hoc maioribus, hoc omnibus ante te, hoc omnibus post

te.

te. Nemini, cuiuscunque sortis sit, parceret Deus, quominus moriatur. Vnicuique nostrum illud dici potest; *Heri venisti, & hodie compelleris egredi.* 2. Reg. 15. Hodie in vitam intramus, & paulò post compellimur exire. Stultum est timere, quod vitari non potest. Mortem nulla diligentia euirat, nulla felicitas domat, nulla potentia euineit. Mors omnes aequè vocat. Cogitemus nos tamquam ad mortem proditos esse, & sumus. Omnes, inquam, reseruamur ad mortem. *Morieris,* inquit Seneca, *In exer. nec primus, nec ultimus. Multi me antecesserunt, omnes sequentur. Morieris: hic est humani efficij finis. Ad hanc conditionem cuncta gignuntur.* Hoc autem ita certum est, vt, teste Augustino, *In Psal. 38.* nihil in hoc mundo certum sit præter mortem. *Quid,* inquit, *in hac terra certum est, nisi mors? Peccatores? quid sis hodie, scis, quid sis crastino, nescis. Speras pecuniam? incertum est, an proveniat. Speras uxorem? incertum est, an accipias. Speras filios? incertum est, an nascantur. Nati sunt? incertum est, an viuant. Viuunt? incertum est, proficiant, an deficient. Quocumque te verteris, incerta omnia, certa mors. Natus es? certum est, quod morieris: & in hoc ipso, quia mors certa est, dies mortis incertus est.* Hæc cum ita sint, pro mortis hora non laboremus, sed ad certum, nempe ad mortem nos præparemus. Rursus; cum certa sit mors, & hora eius incerta, non doleamus quod certum est, sed ei inuigilemus, quod incertum est.

B. Qui itaque non potest propriam vitare mortem,

tem, quomodo filiorum, parentum, & aliorum? Quid iuuat dolere, si nihil dolendo proficias? Noli de eo conqueri, quod vni accidit, & quod tibi, omnibusque restat. Quando tibi moritur filius, aut amicus, non amittitur, sed præmittitur: illum sequeris, quem præeuntem vidisti. *Quid autem dementius*, ait Seneca, *Epist. 100. quàm cum idem tibi iter emetiendum sit, flere eum, qui antecessit?* Tertullianus, *Lib. de patient. cap. 9.* quoque idipsum sentit, inuehiturque in eum, qui sequens antecedentem luget. *Profectio est*, inquit, *quam putas mortem. Non est lugendus, qui antecedit, sed planè desiderandus: id quoque desiderium patientia temperandum. Cur enim immoderatè feras obysse, quem mox subsequeris?*

2. Nullus præterea mortem propriam, aut suorum extimescet, imò illa adueniente gaudebit, si cogitauerit à quantis malis, quantisque incommodis homines mortis beneficio eripiantur. Scitum est enim illud Ecclesiastici: *Occupatio magna creata est omnibus hominibus, & iugum graue super filios Adam, à die exitus de ventre matris eorum, usque in diem sepultura, in matrem omnium, Eccli. 40.* Quid aliud in mundo, quàm pugna aduersus diabolum quotidie geritur? quàm aduersus iacula eius, & tela conflictationibus assiduè dimicatur? Nam cum auaritia, cum ira, cum ambitione congressio est, cum carnalibus vitijs, cum illecebris sæcularibus assidua & molesta luctatio est. Si auaritia prostrata est, exurgit libido: si libido compressa est, succedit ambitio: si ambitio contempta est, ira exasperat, inflat super-

perbia; vinolentia inuitat, inuidia concordiam rumpit. His consideratis, miratur Cyprianus, *Serm. 4. de mortal.* quòd delectet inter istos diabolicos gladios diu viuere. *Tot persecutiones,* inquit, *animus quotidie patitur, tot periculis pectus urgetur, & delectat hic inter Zabuli gladios distare?*

C Multis repletur homo miserijs, multis & multiplicibus, inquam, miserijs corporis, miserijs cordis, miserijs dum dormit, miserijs dum vigilat, miserijs quocumque se vertit. Quantis morbis affligatur? quantis iniurijs afficitur? quantis persecutionibus, quantisque premitur laboribus? Quàm sæpe siti, fame, frigore, ac inopia vexatur? Exclamet itaque Publius; *Heu, quàm multa incurrunt pœnitēda viuendo diu! Pub. Mim. de bono mortis. cap. 2.* Hac ratione Diuus Ambrosius. *Ad Marciam.* vocat mortem bonum alleuamentum; & Seneca illam commendat tamquam omnium dolorum solutionem, ac optimum naturæ inuentum. Hæc enim seruitutem domino inuito remittit: hæc captiuorum catenas leuat: hæc è carcere educit, quos exire imperium impotens vetuerat. Non sunt igitur lugendi, quibus tam graue excutitur iugum, quibus tanta cessant incommoda, & quibus tam bonum accidit alleuamentum. Omnibus laborantibus dulcis est finis: viatori placet hospitium & mansio: iucundum est agricolæ tempus messis: gaudet mercenarius completo anno: lætantur nauigantes ad opertum portum appellentes. Sic grata sit omnibus mors, cum omnium sit solutio dolorum, ac communis,
ad

ad quem omnes tendimus, portus, qui tantò tibi debet esse gravior, quantò ad ipsum citiùs appuleris. Vnde idem Seneca, *Epist.* 71. *Si quis in mortem ante primos annos delatus est, non magis con- queri debet, quàm qui citò nauiganit.* Quòd autem sit omnibus portus, testatur idem his verbis, *Lib. de consol. cap. 28. In hoc tam procelloso, & in omnes tempestates exposito mari nauigantibus, nullus por- tus nisi mortis est.*

D 3. Cogita insuper tantam esse somni & mor- tis affinitatem, vt tam apud sacros, quàm proph- anos, mors somnus, mortui verò dormientes vo- citentur. Iob dormientem se fateretur cum Re- gibus & consulis terræ, si in vulua, aut statim egressus ex vtero mortuus fuisset, quod libenter optauerat. *Iob. 3. Quare, inquit, non in vulua mortuus sum?* &c. *Nunc enim dormiens silerem, & somno meare quiescerem cum Regibus & consuli- bus terræ.* De mortuo Lazaro sic Christus; *Laza- rus amicus noster dormit. Ioan. 11.* Apostolus eos qui mortem obierunt, dormientes appellat: *No- lumus, inquit, vos ignorare de dormientibus, vt non contristemini,* &c. *1. Thess. 4.* Diuus Hierony- mus ad Theodoram scribens, sic ait: *In Christia- nis non est mors, sed dormitio & somnus appellatur. Epist. ad Theodoram.* Diuus quoque Chrysosto- mus vocat mortem, *dormitionem temporariam. Hom. 21. ad pap.* Quare loca, in quibus Christiani sepeliebantur, religionis nostræ primarij cœne- teria, quasi dormitoria appellarunt: nam κοιμητήριον idem est quod *dormitio*, à quo κοιμητήριον, id est, *dormitoria.* Vnde authore Athenæo, *Lib. 4. cap. 5.*
do-

domus in qua hospites dormire solent, à Creten-
sibus cœmeterium vocatur. Mortem esse veluti
somnum agnouerunt etiam Ethnici. *Morti*, ait
Cicero, *De Senect.* nihil est tam simile, quàm som-
nus. *Seneca*, *Ad Lucil. Epist.* 12. se, & omnes
morituros sic inuitat, & hortatur: *In somnum ite-
ri lari, hilaresque dicamus;*

Vixi, & quem dederat cursum fortuna, peregi.
Est somnus mors quædã breuior; mors verò som-
nus longior. Dicat ergo Poeta, *Ouid. lib. 2. eleg.*

Stulte, quid est somnus, gelida nisi mortis imago?

Longa quiescendi tempora fata dabunt.

H. Itaque, sicut non sunt lugendi, qui somnum,
vel cibum capiunt; ita nec qui mortem obeunt:
& ita ridiculus est, qui luget morientem, ac si de-
ficeret dormientem, aut comedentem, & biben-
tem. Audi *Chrysostomum*, *Hom. 5. ad pop.* *Quid
tandem est mors? Somnus consuetudo longior. Itaque
si mortem times, time & somnum: si propter mo-
rientes angeris, & propter comedentes, & biben-
tes angere: sicut enim hoc naturale est, sic & illud:*

E 4. Considera insuper, quod si plus æquo in-
dulgeas luctui in obitu tuorum, iacturam quo-
dāmodo facis fidei in Christum, & spei; cum
Apostolus dicat non esse contristandum de dor-
mientibus, instar Gentilium, qui spem non ha-
bent: non enim sunt lugendi, qui sunt resurrectu-
ri. Sit consolatio Christianorum, resurrectio
mortuorum. Vnde *Tertullianus*, *Lib. de patient.*
*Ne illa quidem impatientia species excusatur in a-
missione nostrorum, ubi aliqua doloris patrocinator
assertio. Preponendus est enim respectus denuncia-
tio.*

tionis Apostoli, qui ait: *Ne contristemini dormitione cuiusquam, sicut nationes, quæ spe carent. Et merito credentes enim resurrectionem Christi, nostram quoque credimus, propter quos ille, & obiit, & resurrexit. Ergo cum constet de resurrectione mortuorum, vacat dolor mortis, vacat & impatientia doloris. Non docet igitur te lugere mortuum, quem credis resurrecturum, atque ita iterum viturum.*

5. Præterea, nihil penitus, aut saltem moderate dolebis in morte tuorum, si cogitaueris Dei voluntate, & providentia id fieri, quod non solum est iustissimum, sed etiam quod est consultissimū & optimum: licet in iuuenili ætate, imò in finali impœnitentia ex hac vita migrauerint; quia Deus æquus est sapiens, & bonus, & iustus. Conqueritur Seneca, *Epist. 94.* quia, *obiurgamus quotidie fatum; quare ille in medio cursus raptus est?* Ad hoc respondet Sapiens, *Sap. 4.* *Raptus est ne malitia mutaret intellectum eius, aut ne fictio deciperet animam illius, &c. placita enim erat Deo anima illius; propter hoc properavit educere illum de medio iniquitatum.* In quæ verba Beatus Cyprianus, de mortal. sic scribit. *Per Salomonem docet Spiritus Sanctus, qui Deo placeant, maturius hinc eximi, & citius liberari, ne dum in isto mundo diutius immorantur, mundi contractibus polluantur.* Quid igitur quereris, quod filius, frater, cognatus, aut amicus tuus immatura morte raptus fuerit? Placuit Deo hinc illum citius abducere, cuius anima erat ei placita: fortè non

Rr

pla-

placuisse, si diutius vixisset; quoniam, ait Seneca, mora non fit beator vita, sed longior. Quare autem porius in iuuentute, quam in senilitate quis moritur, noli queri, nec quærere, si non vis offendere.

F. Increpat Diuus Hieronymus Paulam plus æquo obitum Blesillæ filiae plangentem, his verbis, *Epist. 25 ad Paulam. Deestanda sunt ista lacryma, quæ non habent modum, quæ usque ad viciniam mortis accedunt. Ululas & exclamitas, & quasi quibusdam facibus accensa, quantum in te est, tui semper homicidæ es. Sed ad calem clementem ingreditur Iesus, & dicit. Quid ploras? non est mortua puella, sed dormit. Te quoque, si ad sepulchrum filie volueris volutari, Angelus increpabit: Quid quæris viventem cum mortuis? Quasi dicat; non debet moritura viventem plangere: nullus namque est, qui sibi, & charis suis æternam non exoptet vitam, sed nullo modo illam quis adipisci poterit, nisi morte interueniente, quæ nihil aliud, quam discessus animæ à corpore. Audi Tullium, de somn. Scip. Nisi Deus istis te corporis custodijs liberauerit, ad calum aditus parere non potest. Ille igitur non est lugendus, qui ideo moritur, ut viuat, quem mori doles.*

6. Itaque qui obiit, vel erat bonus, vel malus. Si bonus, non est lugendus, cum certi finis ad meliorem vitam euolasse. Arguens Diuus Chrysostomus, *Hom. 3.ª in Mat.* quemdam filij mortem deplorantem, sic scribebat. *Ilum ubi fuisse in prælia florentia cum patris, ingentes cur aduersum*

resuscitas fluctus tempestatis? Hic autem fluctus
presentis vitæ pertransiit. Si illi imperandum, re-
gnandumque hoc caduco, mortalique regno filius
tuus abisset, nolles eum inde redire, ut ipsum vide-
res. Nunc vero cum ad meliora, maioraque regna
processerit, parui temporis absentiam ferre non pote-
ris? Noli ergoplorare, reddidisti enim depositum,
quod tibi creditum erat.

Si vero malus erat, non doleas, quia peior eva-
sisset, si citius vixisset, atque ita maiorem pœ-
nam lussisset. Hoc agnovit, qui eum evocavit.
Idem Doctor, *Hom. 69. ad pop.* ad populum An-
tiochenum consolandum dicere non dubitavit,
eos, qui in peccatis forte discedunt, ante pœni-
tentiam a Deo rapiendos non fuisse, si eos pœ-
nitentiam acturos prænovisset. Si, inquit, pecca-
tor abijt, peccata repressa sunt, hoc est, non pote-
rit amplius peccare, ac sic pœnas sibi augere: nec
si Deus pœnitentiam acturum novisset, ante pœni-
tentiam rapuisset. Qui igitur non convertitur,
tanto melius, quanto citius rapitur; quia etiam
misericorditer cum illo agitur: illum ergo deslere,
est Christum ledere. Audi Tertullianum. *Chri-*
stum tradimus, cum evocatos quosque ab illo quasi
miserandos non æquanimiter accipimus. David hac
ratione ductus mortem filij sui Absalon ipsum
persequentis, & in suo peccato necati, patienter
tulit.

G 7 Proponantur etiam exempla tum fide-
lium, tum infidelium, qui siccis oculis, ac forti
animo liberorum, aliorumque funera pertule-
runt. Iob decem suis liberis una clade sublati non

eiulavit, non sibi diuulsit comam, nullam ingenerosam vocem emisit, sed celebrem illam, & omnium ore decantandam gratiarum actionem deprompsit: *Dominus dedit, Dominus abstulit. Sicut Domino placuit, ita factum est. Sit nomen Domini benedictum.* *Iob. 1.* Machabæorum mater cum septem filios morte deletos vidisset, non tamen lacrymis, ac luctui sese tradidit, neque vocem emisit muliebrem; sed singulos eorum fortiter hortabatur voce patria, repleta sapientia, femineæ cogitationi masculinum inserens animum. *2. Mach. 7.* De illa sic Ambrosius, *Lib. 1. offic. ca. 4.* *Quid de matre Machabæorum loquar, quæ spectabat lata filiorum quot funera, tot trophæa, & morientium vocibus, tamquam psallentium cantibus delectabatur.* Idem præstitisse legimus Beatam Felicitatem martyrij septem filiorum spectatricem; idemque Sanctam Symphorosam septem etiam filiorum Martyrum matrem.

Diuus Hieronymus, *Epist. 250. ad Paulam de obitu Blesille.* magnis celebrat laudibus Beatam Melaniam iuniorem, illamque sectandam proponit, quæ adhuc calente mariti corpusculo, & necdum humato, duos simul perdidit filios, quorum mortem ita fortiter pertulit, ut de illa sic scribat ille Doctor. *Rem sum dicturus incredibilem, sed, teste Christo, non falsam. Quis illam tunc non putaret more lymphatico, sparsis crinibus, veste conscissa, lacerum pectus inuadere? Lacryma gutta non fluxit, stetit immobilis, & ad pedes Christi deuoluta, quasi ipsum teneret, arrisit. Expeditius, inquit, tibi seruitura sum, Domine, quia tanto me onere*

re liberaſti. Fortaſſis tibi fuiſſent oneri, & impedimento, quos ſperabas futuros tibi eſſe adiumento.

Gentiles etiam nos pudefaciunt, qui licet ſe reſurrecturos non ſperarent, ab illa tamen immoderata ſuorum deploratione abſtinuerunt. Idem Hieronymus, *Epist. 3. ad Heliod.* plurimum commendat Periclem, & Xenophontem Socraticum, quorum alter amiſſis duobus filiis coronatus in concione diſſeruit; alter cum ſacrificans, filium in bello audiſſet occiſum, depoſuiſſe coronam dicitur, & tandem capiti repoſuiſſe, poſtquam fortiter in acie dimicantem reperit concidiſſe. Laudatur, & Anaxagoras, qui audita morte filij, reſpondit: *Sciebam me genuiſſe mortalem*. Similiter Galienus Imperator, teſte Trebellio, cum patrem Valerianum audiſſet extinctum, vocem laudatiſſimam ſine laude uſurpauit, dicens: *Sciebam patrem meum eſſe mortalem*. Duæ olim ante portas Maſſilienſium iacebant arcæ, ut tradit Valerius Maximus, *Lib. 2. cap. 1.* altera qua liberorum: altera, qua ſeruorum corpora ad ſepultura locum plauſtro deuehebantur, ſine lamentatione, ſine planctu, ſine luctu. *Nam, ait ille, quid attinet humano dolori indulgere, aut diuino numini inuidiam fieri, quod immortalitatem ſuam nobiſcum partiri noluerit.*

H. Seneca *Lib. de conſ. cap. 10.* ad Marciam filij morrem deplorantem ſic ſcribebat. Mortalis nata es, mortales peperiſti, putre ipſa fluidumque corpus, & caſibus morbiſque repetita, ſperaſti ex tam imbecilla materia, ſolida, & æterna ge-

R r 3 ſtaſſe?

stare? Decessit filius tuus, id est, decurrit ad hunc finem, ad quem, quæ feliciora partu tuo putas, properant. Lochadus polixenidæ filius, Sironis pater, nuntiandi, quod e filiis ipsius alter interisset: *Olim sciebam*, inquit, *illi moriendum esse.* *Plutarch. in Lacon.* Nihil illi visum est novæ rei, si mortalis natus moreretur, nec magni referre, paulo ferius, aut citius e vita discederet, cum omnino breui foret decedendum. Valeat, quantum valere poterit, illud Amasis Aegyptiorum Regis ad quendam filio priuatum dicentis: *Si non irascaris es, cum nondum esset, nec nunc quidem dolere debes, cum non amplius est,* *Stob. serm. 121* Si nunquam habuisse pro damno non reputemus, cur aliquando habuisse reputabimus? Dices: libenter ferrem mortem illius mei filij, fratris, cognati, aut amici, si morbo, aut alio casu obiisset: at quia capitali supplicio, maximaque cum infamia vitam finiuit, quomodo potero non dolere? Si cogitaueris in illo tali morte sublati diuinam fortè desinere iram, Deus enim interdū propter peccata nostra ita irascitur in aliquam familiam, ut quiescere, & placari nolit, donec aliquis illius domus, aut familiæ morte afficiatur. Probatum hoc ex sacra Scriptura: saeuiente olim Antiocho in filios Machabæos, adulescentior illorum sic Tyrannum affatus est. *In me, & in fratribus meis desinet Omnipotentis ira, quæ super omne genus nostrum iuste superdacta est,* *2. Mach. 7.*

I Pater ipse cælestis iratus aduersus genus humanum noluit placari, donec proprius Filius in crucem ageretur, non pro suis, sed pro nostris deli-

delictis. Unde ait Pater: *Propter scelus populi meo percussisti eum, Isai. 53. Rom. 2.* Quinque pro proprio Filio innocentissimo non pepercit; sed pro nobis omnibus tradidit eum; cui tibi, aut filio, vel parenti tuo delinquenti parcere debet? Sicut igitur mitius actum est in genus humanum post mortem Christi pro peccatis nostris crucifixi: ita forte mitius agetur in domum tuam post mortem illius tui filij, aut parentis pro suis delictis supplicio affecti: nam, *non consurget duplex tribulatio, Nahum 1.* vel secundum Chaldaum, *non consurget domui Israhel bis angustia.* Similiter nec tibi, aut domui tuæ consurget alia tribulatio, si hanc patienter tuleris. Consolaberis etiam, si cogitaveris, maximam habendam esse fiduciam de salute illius, qui a publica potestate puniatur; quia huiusmodi supplicio poruit satisfacere poenis peccatis suis debitis, ac temporali poena æternam evadere.

Cæterum, noli attendere, quomodo, qualiter, vel qua in aetate quis obierit; sed quia ita Deus voluerit, disposuerit, aut permiserit, qui bene omnia facit, quia bonus, & iustus; quia iustus, ideo omnino confortanda est nostra voluntas voluntati illius. *Bonus est Deus, inquit Hieronymus, Ad Paulam de obitu Blesila, & omnia quæ bonus facit, bona sunt necesse est. Maritus orbis in rogatur, plango quod accidit; sed quia sic placet Domino, a quo animo sustinebo. Vincens rapus est filius; durum quidem, sed tolerabile, quia sustulit ille, qui dederat.* Sic tibi dicendum est in obitu cuiuscunque tibi consanguinita-

te, affinitate, vel amicitia coniuncti. Seneca rerum diuinarum omnino ignarus, amicorum defunctorum recordationem plurimum iuuisse ad consolandum seipsum affirmat, ac qualiter dum uiuerent, & post illorum mortem se habuerit, ostendit: *Mibi*, inquit, *Epist. 63. amicorum defunctorum cogitatio dulcis, ac blanda est; habui enim illos, tamquam amissurus; amisi, tamquam habeam.*

Ad eos, qui Triremibus, aut, ut aiunt, Galera sunt adiudicati. Caput XXX.

A **E** Cce ego ad vos, pedibus ligati, capite tonfi, loris cæsi, ignominiosè induti, & ad remum dati, quos utique scio nostro hoc indigere patientiæ clypeo. Considerate itaque, ideo fortè Deum permisisse eo vos deuenisse, ubi vobis sese præbent occasiones ea cogitandi, de quibus non curabatis, quorum tamen præmeditatio utilissima, & proficua est. Nam certum est vos parum cogitasse de inferno, ac de tormentis damnatorum, quæ ut cunque adumbrare videtur locus ille, cui addicti estis, præcipuè si catenæ spectentur, & verbera, atque inde audiantur suspiria. Sic enim de sempiterno inferno scribit Poeta, *Virg. lib. 6. Aeneid.*

Hinc exaudiri gemitus, & saua sonare

Verbera, tum stridor ferri, tractaque catena.

Satius vobis sit ligari catenis ferreis, quam igneis, de quibus sic Chrysostomus, *Hom. 10. in 2. ad Cor.* *Vincula illa non ex ferro, sed ex igne nunquam extinguibi-*

guibili sunt : & hominum esse captiuos quam dæmonum ; ac super aquam ad tempus vexari, quàm intra ignem in æternum cruciari. Permittitur quidem Comitibus, quos vocant, corpus vestrum, hic aliquando loro, aut baculo percutere, sed nunquam animam attingere : at verò illic dæmones corpus & animam damnatorum sine fine cruciant. Ut igitur vobis sempiternus infernus versaretur in mente, necesse fuit temporalem semper haberetis præ oculis. Nunquam fortè æternum euaderetis, nisi in temporalem incideretis.

B Cauete, ne impatientia vestra transeatis ab vno tormento ad aliud, aut à temporali inferno ad sempiternum. Quod pœna æterna purgari non potest, hac temporali purgetur, ne præsens labor sit subsequæntis initium: nam, teste Gregorio, *quem præsentia mala non corrigunt, ad sequentia perducunt*. Temporalis illa patiendi necessitas, fiat vobis merendi opportunitas: facite, inquam, ex illa necessitate virtutem; & haurite vtilitatem ex illa vestra miseria; è qua licet desideretis exire, ac liberari, tamen, si illam patienter pro peccatis vestris feratis, mercedem, aut saltem satisfactionem comparabitis. Propterea gratias Deo semper agite, ac fateamini vos grauiora meruisse. Dicite quod pius ille latro: *Nos digna factis recipimus*. Luc. 22. Hic tandem digna passis recepit, qui digna factis se recipere cognouit. Eadem verba identidem loquamini: hanc miseriam peccata vestra mereri fateamini, vt eandem mercedem mereamini.

Cogi-

Cogitate insuper, multos in inferno cruciari, qui fortè non tot, quod vos, patrantur delicta; & dum modo ab illis pœnis eriparentur, libenter in terribilibus non solum ad vitam, sed ad finem usque mundi morarentur. Experiuntur modo, quæ leuia sint huius vitæ tormenta, quæ si æternis comparantur, non tormenta, sed blandimenta vocari possunt. Væ impio latroni, quia temporali pœna transiit ad sempiternam: si patienter tulerit, poterat, sicut & socius, a labore ad requiem conuolare. Quid dicat Diuus Gregorius, *Lib. 9. ep. st. 25.* diligenter attendite, ac semper animo voluite. *Cauendum nobis est, & in fletibus tota mentis conuersione vigilandum, ne de tormento ad tormentum transeamus. Considerandum quoque est, quantum erga nos dispensatione pietatis agit Conditor noster, quod morte dignos assidue percutit, & tamen adhuc minime occidit. Nos ergo habemus indicium, quia derelicti non sumus, quia assidue flagellamur, cum teste Scriptura, flageller Dominus omnem filium, quem recipit. Nostra igitur assidua flagellatio, est diuinæ erga nos dilectionis probatio: vestra etiam in illa turba detentio, est diuinæ acceptationis demonstratio.*

C Nam sicut quas diligamus aures, pedibus ligamus, ne auolent, & euadant; ita Deus eos permittit interdum ligari, quos diligit, & sibi seruat, ne ad illicita prolabantur. Quot catenis fuit Paulus confectus? quot ligatus vinculis? Considerata igitur illa, qua ligamini catena, memento vinculorum Pauli, 2. *Timor. 2.* sic enim clama-
bat: Memores estote vinculorum meorum. Ad

hoc

hoc etiam nos hortatur Chrysostomus, *in illam epist.* In afflictione es? memor esto vinculorum Pauli, & vide quemodo in afflictione esse, non sit derelictionis indicium. Dicat unusquisque vestrum. Si Paulus vir iustus, sanctus, & à Deo electus, tot pertulit ærumnas, tot fuit catenis ligatus, quid ego reus? quibus non sum constringendus vinculis, qui tot fui constrictus peccatis? Ligentur ferro pedes illius, cuius anima fuit ligata peccato. Non enim propterea à Deo derelinquantur, qui ab hominibus vinciuntur.

Porro in vinculis Paulus, detinebatur, & mente in cælo versabatur: ligabatur corpus, & liber erat animus: de illo sic idem Chrysostomus, *Ibid.* Inijce radius Solis, aut Soli ipsi vincula, siste cursum eius, si potes: si non potes, nec Paulum, qui quasi Sol in cælo conuersabatur, vincire poteris. Quamuis ergo tui ligentur pedes, non poterit tuus ligari animus, nec impediri, quin Deum suum consideret, & diligat, ac cælestia meditetur. Quia, ut notat Seneca, *Lib. 3. de benef. corpora obnoxia sunt, & adscripta dominis, mens quidem sui iuris est.*

Contendite, ut de illis sitis, quibus quasi congratulando sic loquebatur Divus Cyprianus, *Ad Martyres.* O pedes feliciter vincti! o pedes ad præsens in seculo ligati, ut sint semper in calis cum Domino liberi! Tales certe eritis, si illa vincula patienter toleraueritis. Omnes, secundum Cicero-
nem, *pro Sestio.* sumus in hoc mundo ligati. *Catena,* inquit, *omnes alligati sumus.* Quænam autem sit illa catena, innuit, ni fallor, Seneca, dum
ait.

ait. *Ad Lucil. Vna est catena, qua nos alligatos tenet, amor vite.* Viuendi desiderio tamquam catena ligamur in hoc sæculo: verum quos viuere tædet, eos illa catena non tenet. Pauci ex hac vita exire cuperent, si nullæ calamitates eos premerent. Nolite inuidere his, qui secundum Iob, *cap. 21. ducunt in bonis dies suos, & in puncto in inferna descendunt.* Sed contra gaudete, quod si patienter toleraueritis, de illis eritis, de quibus quidam magnæ authoritatis vir sic loquitur: *Ducunt in malis dies suos, & in puncto ad cælum ascendent.* Ioan. de Tambuco in *conf. Theol.*

D Considerate etiam, vos sæpissimè & diu sceleribus vestris captiuasse animam vestram; nam qui facit peccatum, seruus est peccati: necesse est igitur, ad tempus captiuetur corpus vestrum, ut tandem anima vestra libertate donetur. Liparitæ quidam iuuenis, ut patrem à prædone liberaret, Neapolim profectus voluntaria seruitute remis pro patre sese addixit. Quod ille pro patre liberando voluntariè pertulit; hoc ipsum pro anima vestra à captiuitate peccati liberanda patienter ferre. Si enim patientes extiteritis, libertatè æternam hac vestra seruitute comparabitis. Solos quidam respondit Thebanis, eos ab Alexandro timeri, quod ceteris libertatè donatis, soli detinerentur in seruitute. Fortè non timet vos mundus catenis constrictos; aut ideo ligamini, quia timemini: sed timet vos diabolus, qui solos timere solet aduersa patientes. Estote ergo patientia vestra demoni terribiles, hominibus amabiles, Deo grati.

Legimus apud Marcum, *cap. 6.* quod Christus,

cum

cum esset navis in medio mari, vidit Discipulos laborantes in remigando : erat enim ventus contrarius eis, & circa quartam vigiliam noctis venit ad eos ambulans supra mare . Qui vidit Discipulos suos laborantes in remigando, videt & vos remigantes. O felix labor, quem respicit Dominus ! felix remigium, quod Christi meretur intuitum ? Ille vos respicit, qui neminem despicit: considerat ventum vobis contrarium, id est, fortunam vobis adversam: intuetur squalorem vestrum: videt panem arctum, quo vescimini, qui pro vobis ieiunavit: verbera, quibus afficimini, numerat, qui pro vobis flagellatus est: audit stridorem catenarum, qui pro vobis ligatus est: videt crucem vestram, qui crucifixus est etiam pro vobis: contemplatur tormenta vestra, qui passus est pro vobis: videt interdum sanguinem vestrum effundi, qui pro vobis suum effudit: videt vos quasi continuo mori, qui pro vobis mortuus est.

Spectante igitur tanto Domino, estote bono animo, & scitote, vos per huiusmodi cruciatus patienter perpeffos posse vobis applicare meritum passionis Christi, ac vitam mereri æternam. Propterea abstinete ab omni peccato, & si quod animam inficiat, sacramento Confessionis, ubi primum vobis licuerit, purgate. Satagite, ut quod bene agendo non potuistis, saltem patienter ferendo consequamini; Deumque continuo orate, ut dignetur hanc vestram inediam, ac cætera incommoda acceptare in satisfactionem peccatorum vestrorum. Ne despondeatis animum: nā etiam remi-

remigio peruenitur ad celum. *Aussi bien pouvez-vous aller au Ciel par eau, comme par terre.*

E Dominus quoque adest & remigantibus; adfuit discipulis periclitantibus, aderit & vobis illum inuocantibus. Vt discipulis succurreret, supra mare ambulauit; cetera nullum timebat periculum, qui nulli subiacebat periculo. Quamuis tamen subiaceret, libenter se periculo exponeret, ut sperantes in ipsum a periculo eriperet. Audite; *Propè est Dominus omnibus inuocantibus eum, omnibus innocantibus eum in veritate.* *Psalm. 144* In quem locum explicat Diuus Augustinus, quid sit inuocare Deum in veritate, cum sic scribit. *Conuertere, atconfare, lauda illum: in omnibus malis quæ pateris, Deus tibi non displiceat: & hoc est inuocare Deum in veritate: propè est, ibi est, nondum dedit quod vis, ibi tamen est.* Velles forsitan ab illis malis eripi, sed tibi nondum expedire agnoscit, qui tibi hæc euenire permisit. Hoc tibi sufficiat, quod Deum tecum habeas. Habebis autem, si illum timeas, diligas, & inuoces, atque iuste te illa omnia pati propter tua delicta, agnoscas.

Dicent vestrum aliqui: in tritremi non moramur, sed morimur, tantæ sunt angustiae, ut mora mors sit: quotidie enim morimur. Respondeo, si viris sanctis contigit singulis diebus mori, quid mirum, si idem vobis peccatoribus contingat? De Diuo Paulo sic Chrysostomus, *in epist. 2. ad Timoth.* *Diebus singulis beatus ille moriebatur.* In hoc mundo quotidie debent pati, & mori, qui in alio optant semper gaudere, & viuere. Nolite itaque attendere ciuilem illam mortem, qua torquen-

quentur peccata vestra, sed perennem vitam, quā merebitur patientia vestra. Nec attendatis vbinam sitis, sed quò ituri sitis, non terminum à quo, sed terminum ad quem. Comuni olim ferebatur adagio: *A remo ad tribunal*: quod de his dicebatur, qui ab infima conditione promouebantur ad honesti muneris functionem. Ita vos geratis, ita patienter æruinam vestram feratis, ut à remo ad cæleste regnum perueniatis. Propterea dum corpus vestrum loris cæditur, vel fame, sitique premitur, aut inedia atteritur, hæc, vel similia verba vobis versentur in ore: *Iustus es, Domine, & rectum iudicium tuum*, Psal. 118. vel: *Ego in flagellum paratus sum*, Psal. 37. vel: *Etiamsi occiderint me, in ipso sperabo*. Iob. 13. aut: *Vide, Domine, humilitatem meam, & laborem meum, & dimitte vniuersa delicta mea*, Psal. 24. vel cum Augustino Conf. *Hic ure, hic seca dummodo in æternum parcas*. Et inuocate semper salutiferum illud nomen IESU, Act. 4. cum nullum sit aliud nomen sub cælo datum hominibus, in quo oporteat nos saluos fieri. Et dicite cum eodem Augustino, *De contrit. cord. cap. 8. O bone Iesu, ver si ego admisi unde me damnare posses, tu non amisti, unde saluare soles. Est mihi Iesus, & salua me*. Sæpe etiam deprecemini Beatissimam Virginem Mariam, titularis stellam. Ad hoc hortatur Bernardus, *Ser. 18. de omnibus Sanctis. Si insurgant venti sentiantur, si incurras scopulos tribulationum, respice stellam, inuoca Mariam*.

Ad eum, qui est morte plectendus.

Caput XXXI.

A Statutum est omnibus hominibus semel mori. *Hebr. 9.* Non tantum tibi, charissime frater, statutum est mori, sed & in omnes homines lata est sententia mortis, etiam in ipsum Iudicem, quite condemnauit. Hoc cum ita sit, superest, ut unusquisque studeat, & quærat bene, & in Christo mori. Si hoc genere mortis non mulctareris, fortè in Domino non motereris: atque ita in æternum damnereris: hoc præuidit Deus, qui hæc tibi euenire permisit. Tibi nunc suppetunt vires animæ ad tuam examinandam conscientiam, illamque integra peccatorum tuorum confessione purgandam, quod fortasse non potuisses, si aliter obijsses. Non est igitur, quod doleas, sed quod Deo optimo maximo gratias referas. Nulla alia de re penitus cogites, nisi de mundanda tua conscientia, ut mundus ex eas ex hoc mundo, Nam, secundum Diuum Cyprianum, *Serm. 4. de mortal. qualem te inuenit Deus cum vocat, talem pariter & iudicat.* Iam temporaliter mori ab homine iudicatus es: caue, ne tua impatientia, malitia, aut pertinacia æternaliter mori à Deo iudicaris.

Noli mortem timere, quæ te liberat ab omni timore. *Non est timendum,* inquit Tertullianus, *Lib. de test. animæ. quod nos liberat ab omni timendo.* Ostendit Diuus Cyprianus, quibus timenda est mors, cum sic scribit, *Ibidem. Mori plane timeat,*

meat, sed qui ex aqua, & spiritu non renatus gehenna ignibus m̄cipatur: mori timeat, qui non Christi cruce, & passione censetur: mori timeat, quem de saeculo recedentem perennibus pœnis aeterna flamma torquebit: mori, inquam, timeat, qui Christianus non est, vel qui Christiano more mori non vult: tu verò non timeas, cum, vt bene possis mori, habeas. *Vis scire causam*, inquit Chrysostomus, *Hom. .ad pop. cur mortem timeamus? Non habemus conscientiam puram: quod si hoc esset, nihil nos mors terruisset. At poteris tu puram habere, si, vt decet, peccata tua cōfitearis, antequā moriaris.*

B Dices: Non mori timeo, cum omnibus sit moriendum; sed hoc mortis genus perhorresco. Audi, precor, Diuum Augustinum, *Lib. 80. questionum, quaest. 25. Sunt homines, qui quamuis mortem ipsam non timeant, genus tamen aliquod mortis horrescunt. Nihilominus autem, vt ipsa mors metuenda non est, ita etiam nullum genus mortis metuendum est, quod quoque Christi cruce ostendendum fuit: nihil enim erat inter omnia genera mortis illo genere execrabilius, & formidolosius.* Innuit ille Doctor, nullū genus mortis esse pertimescendum, postquam Christus voluit crucis pro nobis subire tormentū, quod quidē genus mortis fuit omnium horribilissimū, ille enim maledicebatur qui in crucem agebatur; *Maledictus omnis qui pendet in ligno. Gal. 3.* Exaggerat Apostolus qualitatem mortis Christi, cum de eius obedientia vsque ad mortem differens, addit, *mortem autem crucis, Philip. 2.* Erat mors crucis non tantum ignominia, & opprobrio plena; sed, & maximo dolore, ac

S f

prolixo

prolixo cruciatu, qui etiam à cruce cruciatus denominatus est. Hinc à Liuiio vocatur *crux*, *infamis arbor*: à Seneca, *Lib. 4. Epist. 101. infelix lignum*: ab alijs, *terribilissimum supplicium*. Ab ipsis Iudæis apud Sapientem crucis mors vocabatur turpissima; *Morie turpissima condemnemus eum*, *Sap. 2.* Quamuis igitur hoc genus mortis esset turpissimum, grauissimum, ac crudelissimum ob intensos, & prolixos dolores, quos cruci clauis affixi patiebantur: illud tamen elegit Christus, atque sine culpa patienter pertulit.

Quia igitur Christus, secundum Bernardum, *est speculum patiendi*, & *præmiū patientis*, est tibi ille proponendus: nam in suorum consolationem eadem, vel similia eorum, quæ ipsi passuri erant, imò longè grauiora, passus est. Nam, sitibitam à tribus, aut quatuor horis significata est mortis sententia, & Christo etiam fuit significata non aliquibus tantum horis antequam moreretur, sed antequam nasceretur. canat enim Ecclesia: *Se uolente natus ad hoc passioni deditus, Agnus in cruce lenatur immolandus stipue*. Verè propter illam iam diu sibi notam mortis sententiam dicere potuit; *Dolor meus in conspectu meo semper*. *Psal. 37.* Præterea, si funibus ligaris, vel ligandus sis; fuit, & Christus ligatus: nam, teste Euangelista, *ministri Iudaorum comprehenderunt Iesum, & ligauerunt eum*. *Ioan. 18.* Si per vias ciuitatis ducendus sis; & ipse etiam ductus fuit: & *duxerunt eum, ut crucifigerent*. *Matth. 26.* Si patibulo sis suspendendus, aut alio ignominioso supplicio afficiendus, & Christus, *Carnis conditor suspensus*

spensus est patibula, Ecclesia. Si verearis populum te respicientem; & Christo moriente, stabat populus spectans. & deridebant eum Pontifices. Luc. 22. Si in loco publice per manus carnificis mori, tanquam malefactorem haberi perhorrescas, & Christus in simili loco per manus Iudeorum libenter pro te crucifixus est, & cum iniquis repulatus est, Isai. 53. Vide te nihil pro peccatis tuis passurum, quin Christus prius pro te passus sit. Erit igitur tua consolatio, amarissima Christi passio; non tam attendas quid ipse passurus sis, quam quid ille passus sit. Ipse enim, ait Propheta, vulneratus est propter iniquitates nostras, attritus est propter scelera nostra. Quæ verba expendens Bernardus, Serm. 3. de nat. Dom. sic hortatur: Agnosce, o homo, quam gravia sunt vulnera, pro quibus necesse est Dominum Christum vulnerari. Si non esset hac ad mortem, & mortem sempiternam; nunquam pro eorum remedio Dei Filius moreretur.

¶ Sunt tibi adimplenda hoc tuo supplicio ea quæ defunt passionum Christi in carne tua. Adimpleo, ait Paulus, ea quæ defunt passionum Christi in carne mea, Coloss. 1. Sed quid deest passioni Christi? Frater mi, quamvis Christi passio plena, & sufficientissima fuerit ad totum mundum, imò ad mille mundos redimendos, si totidem fuissent; videtur tamen aliquid ei deesse, nimirum communicatio, & participatio passionis ac meritorum Christi, mediantibus illis quæ ex parte nostra debemus agere, vel pati. Christus quidem passus est in sua carne, sed nondum in tua. Cum ipse passus sit patienter pro te; restat, ut & tu liben-

ter patiari pro ipso. Necesse est enim, ut actionibus, aut passionibus bonis meritum passionis Christi nobis communicetur. Quod autem alij sibi bonis operibus applicant, hoc tibi hodie supplicio tuo, & pœnis tuis est applicandum. Non enim tibi proderet Christi passio, si illius tibi deesset communicatio: non potest autem tibi communicari, nisi bene agendo, vel mala æquo animo patiundo. Igitur, quod bene agendo tibi applicare neglexisti, illud mediante huiusmodi supplicio applicabitur: dummodo patienter ad satisfaciendum pro peccatis tuis hanc subeas mortem; & hoc deerat passioni Christi, scilicet modus tibi applicandi, & communicandi. Gaudebat Paulus in suis passionibus, & tormentis propter huiusmodi adimplerionem, & communicationem. *Gaudeo, inquit, in passionibus meis.* Similiter, & tu ob eandem causam magis debes gaudere, quam tristari. Non modicum tibi hodie à Deo confertur beneficium, cum hoc tibi subeundum sit supplicium, quo Filij eius communicatur, & applicatur meritum, & quo tandem æternum consequuturus es præmium.

Noli itaque cogitare, quam passurus es pœnam, sed quam commisisti culpam, quæ damnationem merebatur æternam, quam incurrisses, si hoc supplicium euasisses. Scito nullum peccatum remanere impunitum: pro quocunque delicto sunt pœnæ exoluendæ; vel hic, vel in futuro. Pœna sequitur peccatum, sicut umbra corpus. Vide quid dicat Augustinus, *Lib. de utilitate agend. pœnit. Impunitum non debet esse peccatum;*
punia-

puniatur à te, ne tu pro illo puniaris. Peccatum tuū Iudicem te habeat, non patronum. Quod à te non fuit punitum per poenitentiam, debet modò puniri per hanc latam à Iudice sententiam, ne in æternum puniatur: satius tibi sit hic ad tempus, quàm in alio sæculo in sempiternum cruciari. Effice, ut tua patientia, & contritione poena æterna tibi pro temporali commutetur. Quod si te excrucies, & nolis tuum agnoscere peccatum, & patienter hanc subire penam, reuera erit hoc supplicium initium futuri, & æterni; & sic ab uno tormento ad aliud migrabis, quod maximè est tibi cauendum.

Di Propterea recordare duorum illorum latronum cum Christo crucifixorum, quorum alter Paradisum adeptus est, quia penas peccatis suis debitas patienter subiit; dicebat enim; *Nos iusta factis recipimus, Luc. 22.* Alius verò, quia non dolebat de peccatis suis, sed de tormentis, quæ indignanter, & impatienter ferebat: meruit à Paradiso excludi, & ad flammæ æternas detrudi. Quem istorum vis imitari? Crede mihi, pius imitare latronem, & cum illo peccata tua confitere, ad Christum recurre, patienter hæc tormenta sustine, illaque tibi deberi pro peccatis tuis fate-re: nam, teste Poeta,

Leniter ex merito quidquid patiære ferendum est.

Caue, ne fias impio latroni similis, cui nihil sua impatientia, nec sua iactata conuicia, nec verba blasphemiae profuerunt: non curabat esse cum Christo, sed volebat esse sine cruce;

Sf 3 non

non ferebatur se illa tormenta mereri, à quibus optabat liberari; non suam cogitabat, nec confitebatur culpam, sed poenam: non, inquam, dolebat de peccatis, sed de tormentis. Pius verò libenter patiebatur in cruce, quia optabat regnare cum Christo. Nunquam petiit, ut ab illo supplicio liberaretur, sed tantum ut sui Christus recoreretur; *Memento mei*, inquit. Non fuit quidem in eius potestate euitare crucem, sed fuit in eius voluntate patienter subire crucem. Libenter parivoluit, quod euitare non potuit: fuit ei illa patiendi necessitas, merendi opportunitas; non enim poterat euitare illud, ad quod damnatus erat supplicium, sed ex illo sibi comparauit meritum; nec potuisset impetrare à Iudicibus, ne ad tempus torqueretur, sed à Christo impetrauit, ne in æternum damnaretur. Fac, & tu similiter, ut tibi similiter contingat: itaque dic, *Ego digna factis recipio. &c. Domine, memento mei*. Et sicut crux patienter perpeffa fuit pio latroni vehiculum, quod tenderet ad Christum; ita etiam hoc patibulum erit tibi alterum vehiculum, quo ducaris ad cælum, si illud æquo, & libenti animo patiaris.

Habes nunc maximam populi cateruam te comitantem, & tibi compatiensem: sed breui habebit anima tua Angelos in Paradisum eam comitantes, & deferentes. Cupiunt autem, ut æquanimitè hanc mortem pro peccatis tuis patiaris, ut tandem cum illis æterna beatitudine potiaris. Afferit enim Diuus Thomas, quod si quis tormenta illata, ac mortem patienter, sustineat, quamuis

quāvis pro suis criminibus inferatur, valet tamen ad diminutionem pœnæ, & ad liberationem etiam a tota pœna secundum quantitatem patientiæ & contritionis: ideo debes toto corde dolere de peccatis commissis & Deum optimum deprecari, ut hoc tuo supplicio perfectam conferat tibi patientiam. Illum insuper exora, ut hoc tuum supplicium dignetur acceptare pro pœnis peccatis tuis debitis. Esto bono animo: nōne Deus te non potuisse alio modo satisfacere huiusmodi pœnis, nisi hoc genere mortis. *Grande scelus*, ait Ambrosius, *Ad virg. lapsam, grandem necessariā habet satisfactionem* Illud ergo non recuses pati, quod tibi vides deberi. Crimen commisisti, de quo se te nunquam doluisti, nec doluisses, si hanc pœnam euasisses: hoc Deus præiudicat, qui te saluare quætebat. Nunquam Deus te per hominem castigasset, si te per teipsū castigasses: nam, teste Gregorio, *Lib. 9. mor. cap. 17 Dominus delictum sine ultione non deserit; aut enim ipse hoc homo in se pœnitens ponit; aut hoc Deus cum homine vindictam percurrit.*

Ceterum patienter mori pro delictis, est satisfacere pro delictis: satisfacere autem pro delictis, est vitam æternam acquirere, quā tuis delictis amiseras. Noli igitur tua impatientia perdere, quod patientia tua potes lucrari. Recordare multos in inferno cruciari, qui fortè non tot, quot tu crimina patiarunt, & si ab illis pœnis eriperentur, libentissimè hoc præsens tuum supplicium, imò longè gratius ad finem usque mundi paterentur. Quare tu per aliquas horas illud sustinere reformidas? Non erubescas tolera-

te, qui, non erubuiſti peccare. *Sunt multi*, inquit Auguſtinus, *In Pſal. 5. quos peccare non pudet, o incredibilis inſania! de vulnere ipſo non erubescis, & de ligatura vulneris erubescis. Dic: Iniquitatem meam ego cognosco, & peccatum meum contra me eſt ſemper. Tibi ſoli peccaui, quia tu ſolus ſine peccato.* Chriſtus, qui fuit ſine peccato, non fuit tamen ſine flagello, & ſine paſculo, vt diximus: & tu cum peccato, velles eſſe ſine flagello? Si peccaſſes, & penas in hoc mundo non dediſſes, de illis fuiſſes, quibus Deus iratus dixit: *Dabo vos in opprobrium ſempiternum, & ignominiam eternam, quæ nunquam obliuione delebitur.* *Ierem. 20.* Satiuſ tibi ſit nunc tranſitorio pudore ſuffundi, quam perpetuo confundi. Gaudeas, inquam, hic pro peccatis tuiſ exiguam ſuſtinere confuſionem, vt in futuro æternam euadas damnationem.

F. Dices: falſò accuſatus, & iniuſtè condemnatus ſum, & hoc me angit; quinimò beatus eris, ſi ſine crimine iudiceris. Hoc non erit tibi dedecori, nam culpa, non pena erubescimus. Gaudeas igitur, quod dignus inueniaris qui cum innumera iuſtorum multitudine iniuſtè patiaris. Reuoca in mentem, quanta paſſi ſunt multi iuſti viri, qui aduentū Domini præceſſerunt, de quibus ſic Apoſtolus, *Heb. 11. Alij ludibria, & verbera experti, inſuper, & vincula, & carceres, lapidati ſunt, ſecti ſunt, tentati ſunt, in occiſione gladij mortui ſunt.* Cogita etiam, quam multi ſententia Iudicij poſt Chriſti mortem, nullo patratò crimine, atrociffima perpeſſi ſunt tormenta.

ta.

ta. Itaque, si, verbi gratia, suspendio sis afficiendus, proponet tibi Beatum Gorgonium, & Diuum Dorotheum, qui etiam suspendio necati sunt. Si igni tradendus sis, veniat tibi in mentem Laurentius, qui in ipso iuventutis flore incriticula superpositus vrebatur: item Prisca virgo tredecim annorum, quæ primò affecta verberibus, deinde feruenti adipe delibuta, in equuleo suspenditur, tandem ungulis fetreis excarnificata in rogi conijcitur. Simili tormento sunt affecti Sancti, Polycarpus, Nicetas, Artemon, & alij quamplurimi; sed præcipuè Beatus Agapitus, qui non tantum igne, sed & fumo cruciabatur: nam quindecim annos natus primum nervis diutissime cæsus, postea in terram carcerem coniectus, & ardentibus carbonibus capiti eius impositis, iterum verberibus affectus, nudus ita pedibus suspensus est, ut ingens fumus è subiecto igne os eius obrueret. Tum feruens aqua in eius ventrem effusa est, maxillæque confractæ.

Si membratim secandus sis, recordare Beati Adriani, qui virgis cæsus, deinde præcis manibus, & pedibus, alijsque membris confractis, animam Deo reddidit. Si verò securi percutiendus, & capite plectendus, memor eris eorum, qui hoc genere mortis vitam finierunt; inter quos Ioannes Baptista, Pantaleon, qui eculeo tortus, & admotis ad eius corpus laminis candentibus cruciatus, tandem gladio percussus est. D. Blasius etiam ferreis pectinibus dilaniatus, capite plexus est: Beata Melitina suspensa, ac la-

nia-

niata, demum securi percussa est: virgo quoque Barbara post diram carceris macerationem, lampadatum adustionem, mammillarum præcisione, aliaque tormenta, capite plectitur: Timotheus Antiochenus primo acerbissime cæsus est, dein eius corpus excarnificatum viua calce perfunditur, tum demum capite truncatur: Dicat nunc Gregorius: *in Iob. Electos Dei servimus & plagere, & crudelia tolerare.* Neminem occiderunt, nihil sapuerunt, nullum oppresserunt, nullius torum putarunt esse violandum, & tamen, ait Ambrosius, *Psal. 118. graviora latronum sustinere cogerantur supplicia.* Cui non vis aspera, & ipsam mortem patienter, sicut & illis, subite, qui optas ad illorum societatem pervenire?

Nullum ipsi commiserant delictum, propter quod talia perferre mererentur, & tamen libenti animo propter Christum toleraverunt. Numquid tu illis iustior es? forte non patraſti crimen, de quo accusaris, sed quanta alia commisisti peccata, de quibus nullam egisti pœnitentiam? Adest modo tempus, quando pro illis hoc supplicio satisfaciendum est. Si verè te peccasse pœniteat, penè innocens eris, iuxta illud: *Seneca in Troade.*

Quem pœnitet peccasse, penè est innocens.

Propterea non verearis omnia confiteri peccata tua. Ut propitiuni habeas Deum, fatere te reum, & ab ipso omnium peccatorum tuorum veniam humiliter postula. Doleas, non quòd coram populo ignominiosè moriaris, sed quòd toties coram Deo tam impudenter peccaveris: omnibus, qui te accusarunt, condemnarunt, aut quovis

mo-

modo tibi nocuerunt, ignoscas; & dic cum Christo; *Pater ignosce illis*. Tunc enim libere poteris Deo tuam commendare animam. Interim, semper versetur Iesus in ore, vel corde tuo: Iesum, inquam, inuoca, quem cito visurus es, illum videbis ad dexteram Patris sedentem, quem alij viderunt in patibulo Crucis pendentem, inter quos mater eius Beatissima Virgo Maria, refugium peccatorum, consolatrix afflictorum, auxilium Christianorum: dolebat tunc pia mater videns Filium patientem, sed gaudebit nunc, si videat eum de peccatis dolentem, veniam petentem, illam confitentem, inimicis parcentem, & mortem æquo animo ferentem. Illam igitur inuocans & orans dic: *Subituum præsidium confugimus, Sancta Dei genitrix, nostras deprecationes ne despicias in necessitatibus*, &c. vel: *Maria mater gratia, mater misericordia, tu nos ab hoste protege, & hora mortis suscipe*.

Ad desperantes de sua salute.

Caput XXXII.

Tanto odio Dæmon hominem prosequitur, ut quem spe veniæ ad peccatum impulit, non tantum à poenitentia reuocet, sed proposita peccatorum aut grauitate, aut multitudine, ad desperationem inducat. Propterea, si tibi aliquando ob frequentes, vel graues lapsus tentatio desperationis obrepit; cogita primò, quanto amo-

re

re te licet maximum peccatorem, Deus Pater cōplexus fuerit, cū de eo scriptum sit: *Sic Deus dilexit mundum, ut Filium suum unigenitum daret, ut omnis qui credit in eum non pereat, sed habeat vitam æternam.* Quantumque te dilexerit, Dei Filius, ut ad te à peccatis, & damnatione æterna liberandum de coelis descenderit, *formam serui*, ut loquitur Apostolus, *Philipp. 2.* id est, carnem humanam assumpserit factus homo, cum peccatoribus conuersatus sit, & manducarit. Vnde cum Pharisei mirarentur eum etiam cum publicanis manducasse, respondit: *Non veni vocare iustos, sed peccatores. Matth. 9.* Huiusmodi consideratio incarnationis Verbi, & aduentus Domini in mundum, ita Diuum Augustinum consolabatur, ut sæpe contra omnes animi terrores, ac contra omnem desperationem, & diffidentiam, sic orauerit: *Desperare. Vtique potuissem propter nimia peccata mea, & infinitas negligentias meas, nisi Verbum tuum, Deus, caro fieret, & habitaret in nobis. Aspice in filio, quo propitius seruo: vide carnis sacramentum, & remitte carnis reatum, Lib. medit. cap. 14.*

Deinde veniat in mentem, quid idem Dominus pro te passus sit, qui cū verbo vnico, gemitu, vel guttula vna sanguinis potuerit omnia peccata tua, licet atrocissima, & innumera expiare, totum tamen profudit sanguinem. Hac Christi passionis recordatione roborabatur Diuus Bernardus, *Serm. 6. in Cant. Peccaui*, inquiens, *peccatum grande, turbatur conscientia, sed non perturbabitur, quoniam vulnere Domini recordabor: nempe vul-*
nera-

neratus est propter iniquitates nostras. *Isai. 53.* Quid tam ad mortem, quod non Christi morte saluetur? Si ergo inmentem venerit tam potens, tamque efficax medicamentum, nulla iam possum morbi malignitate terreri: & ideo liquet errasse, qui ait: *Ma-*
ior est iniquitas mea, quam ut veniam merear. Ge-
nes. 4. Audiāmus & Diuini Augustinum, *Lib. me-*
dit. cap. 14. adhuc orantem. *Desperare, Domine,*
iam non audeo, quia cum inimici essemus, reconcilia-
ti sumus per mortem Filij tui: quanto magis recon-
ciliati salui facti sumus per eum? Et paulo post eun-
dem Dominum sic deprecabatur, *Cap. 30. Tu Do-*
mine, non vis mortem peccatorum, nec lataris in
perditione morientium: imo ut mortui uiuerent, tu
mortuus es, & mors tua peccatorum mortem occi-
dit: ipsi te moriente vixerunt: obsecro, ut te morien-
te non moriar.

B Præterea, considera exēpla eorum, qui ex gra-
uissimis sceleribus, ob quæ diffidere de misericor-
dia diuina posse videbantur, tandē per pœnitentiā
emerferunt, & ad salutem æternā peruenerunt; vt
primus parens Adam, qui lapsu suo totum mundū
perdidit, Dauid, Nabuchodonosor, latro in cru-
ce, Matthæus in telonio, Magdalena peccatrix, Pe-
trus Christi abnegator, Paulus Ecclesiæ persecu-
tor, & innumeri alij. Vnde Bernardus, *Ser. 3. in so-*
lemnitate Petri & Pauli sic suos alloquebatur. *Si*
Petrus post tam grauem lapsum ad tantā redijt emi-
nentiam sanctitatis, quis de cætero desperet, si tamen
voluerit egredi à peccato? Et D. Aug. *Lib. med. c. 14.*
se animari dicebat cōsiderādo peccatores cōuerfos.
Animant me publicani, meretrices, & latrones, qui
à fau-

à faucibus hostis eruti , sinibus excipiuntur pastoris . Ille ergo non desperet ad cælum ingredi , cui possibile est à peccato egredi .

Considerandum est etiam , Deum neminem velle perire , ipse enim clamat , *Ezech. 18. Nolo mortem morientis , conuertimini , & uiuite .* Non est igitur desperandum de misericordia illius , qui per eundem Prophetam hoc iureiurando affirmat ; *Viuo ego ; nolo mortem impij , sed ut conuertatur à via sua , & uiuat . Cap 33 .* Non vult mortem peccatoris , qui mori voluit pro peccatoribus . Non vult eos perire , quos venit saluare : ipse est qui , ut ait Petrus , *non vult aliquos perire , sed omnes ad poenitentiam reuerti . 2. Petr. 3 .* Et non solum non vult aliquos perire , sed & secundum Paulum , *1. Timoth. 2. vult omnes homines saluos fieri , & ad agnitionem veritatis venire .* Dicenti Deo , *nolo mortem impij* : assertentibus Apostolis , *non vult Deus aliquos perire , &c. sed vult omnes saluos fieri ,* non credes ? & Diabolum dicentem ; *Vult Deus te perire , &c. non vult te saluari ,* audies ? Scito illum nolle hominibus mortem æternam , qui clamat , *uiuite ; & alibi , uiuat .*

Quæris ; Si Deus vult omnes saluos fieri , ac neminem perire , cur non omnes salui fiunt ? cur Dei voluntas non adimpletur ? Hanc quæstionem proposuit aliquando Diuus Ambrosius , *In 1. Timoth. atque sic respondebat . Vult Deus omnes saluos fieri , sed si accedant ad eum . Non enim sic vult , ut nolentes saluentur , sed vult illos saluari , si & ipsi velint .* Quare desperas de salute , quæ iam Deo volente , à tua dependet voluntate ? Quare tibi non
vis,

vis, quod Deus tibi vult? Audi & Hieronymum, *In 1. cap. ad Ephes. Quia, inquit, nullus absque propria voluntate saluatur, vult Deus nos bonum velle, ut cum voluerimus, velit in nobis & ipse suum implere consilium.* Iunge voluntatem tuam Dei voluntati, ut Deo iungaris, qui cum tibi bonum vult, cur desperando tibi malum vis?

C. Ut autem ad questionem respondeamus, dicendum est, quod *Deus vult*, id est, sincere cupit, & ex animo desiderat omnes homines saluos fieri; ideoque omnibus dedit Christum redemptorem, & per eum gratiam, Sacramenta, & alia omnia media ad salutem necessaria suppeditauit, quantum est ex parte sua, ut si qui pereant, non Dei voluntate & prædestinatione, sed sua culpa & malitia pereant. Hæc ergo Dei voluntas saluandi omnes non tantum est signi, quam scilicet Deus significauit per tot exhortationes, præcepta, poenæ, & præmia hominibus proposita: sed etiam est beneplaciti, non tamen completa, consequens, & totaliter efficax tantum ex parte Dei. Vbi nota ex Diuo Damasceno, quod voluntas Dei, quæ dicitur beneplaciti, est duplex, vna antecedens, quæ scilicet antecedit omnem præuisionem bonorum, vel malorum operum hominis, & quæ tantum emanat ex benevolentia Dei in homines: altera est consequens, qua Deus præuisis bonis, vel malis operibus hominis, vult eum completè, & efficaciter vel saluare, vel damnare.

Dico itaque, Deum velle omnes saluare voluntate non consequente (hac enim impios, præuisa eorum impietate, damnare vult, non saluare:)

sed

sed antecedente, ante scilicet præuisionem finalis impœnitentiæ, siue moris alicuius in peccato, quantum est ex parte sua, sermō, & ex animo cupit & optat Deus omnium salutem omnesque eò vocat, & ad eam dat sufficientia media. Verùm vt hæc voluntas antecedens, at completa & efficax, id est, vt efficaciter sortiatur effectum, salutem scilicet à Deo volitam, debet accedere conditio à Deo requisita ex parte hominis eiusdem scilicet cooperatio, vt nimirum homo medijs à Deo ad salutem præscriptis utatur, eamque per bona opera mereatur. Potest autem vnusquisque nostrum vti illis medijs, & cooperari, potest, quamdiu viuit, pœnitere. Nullus ergo desperet de salute: nam, teste Hieronymo, *Epist. ad Sabinianum. solum desperationis crimen est, quod mederi nequeat.*

D Dices, coniectura te duci, vt credas te non esse in numero prædestinatorum, quod in eadem peccata, & defectus identidem relabaris. Respondeo, hanc coniecturam esse fallacem: si enim millies in lubrico cadas, millies, dum vires suppetunt, resurgis; cur non resurgas & à peccato cum proposito amplius non cadendi in peccatū? Audi, precor, Diuū Chrysostomum. *In præmio in Isai. Peccasti? pœnitere. Millies peccasti? millies pœnitere. Si lapsus es, poteris iurgere. In vitamuis partem habes liberum arbitrium. Si vulneratus es, adhibe tibi curam, dum visis, dum spiras, etiam in ipso lecto positus: etiam, si dici potest, animam efflans, vt iam de hoc mundo exeas. Non impeditur temporis angustia misericordia Dei. Esto,*
in-

inquam, quod in extremam vsque vitæ horam delinquas, in extremo momento resurge. Nam, secundum Hieronymum, *Epist. ad Latam, numquam sera est conuersio*. Ne tardes ergo conuerti ad Dominum, & si tardaueris, caue, ne omnino omittas conuerti; expectat enim tuam conuersionem, qui tibi concessit dilationem; nec vult te perdere, qui tibi concedit viuere.

Caue etiam, ne te terreat innumera peccatorum tuorum multitudo, cum longe maior sit diuina misericordia. Confide in Domino, qui vult tibi misereri, quia bonus; & potest, quia omnipotens. Ne tibi desperando claudas ianuam salutis, quam Deus miserando aperuit. *O homo, inquit Augustinus, Serm. 58. de temp. quicumque illam peccatorum multitudinem attendis, & cur & omnipotentiam cœlestis Medici non attendis? Cum enim Deus velit misereri, quia bonus est, & possit, quia omnipotens est, ipse contra se diuinæ bonitatis ianuam claudit, qui Deum sibi misereri aut non velle, aut non posse credit, eumque aut bonum, aut omnipotentem esse diffidit.*

E. Præterea, postquam cogitaueris grauitatem tuorum scelerum, attende magnitudinem diuinæ miserationis. Spes veniæ tibi non intercludatur, si tibi non potuit intercludi peccatum. Grauiissimum delictum patrauit Dauid, non propterea desperauit, sed ingemuit, pœnituit; ingemisce & tu cum Dauide, vt salueris cum Dauide, peccatis peccata non adicias, & si adieceris, caue ne & illud adicias, quod omnium grauissimum est, nempe desperationem. Quid salubriter

T c

con-

consulat idem Doctor, *In Psal. 50. audiamus. Nemo dicat: si iam aliquid mali feci, iam damnandus sum; Deus talibus malis non ignoscit: cur non addo peccata peccatis? fruatur hoc seculo in voluptate, in lascivia, in cupiditate nefaria. Iam perditam spe reparationis, vel hoc habeam quod video, si non possum habere quod credo. Quisquis peccasti, & dubitas agere pœnitentiam pro peccato tuo, desperando salutem tuam; audi David gementem: ad te Nathan Prophetam non est missus; ipse David ad te missus est; audi eum clamantem, & simul clama; audi gementem & ingemisce: audi flentem, & iunge lacrymas. Sperando, & pœnitendo David veniam consequutus est; quia, teste Chrysostomo, *Hom. 27 in Matth. naufragus, & propemodum submersus non desperavit. Utinam hoc præstitisset proditor ille Iudas, cuius maius fuit peccatum desperationis, quam prodicionis. Magis, inquit Hieronymus, In Psal. 108. ex hoc Iudas offendit Dominum, quia se suspendit, quam quod Dominum prodidit. Sequere igitur Davidem pœnitentem, non Iudam desperantem.**

F Quia autem dum in aliquas animi angustias, vel ingentes corporis dolores quis incidit, aut in aliqua gravissima crimina lapsus est, statim à dæmone impetitur, ac sollicitatur ut desperet, & desperando se ipsum interimat, ideo necesse est, ut hoc utatur antidoto, *Matth. 4. Vade satana;* est enim tentatio plane diabolica. Nam qui ipsi Dei Filio ausus est dicere; *Mitte te deorsum:* quid putas, dicturus, & suasurus est homini peccatori, sceleribus astricto, aut perturbato, & afflictio?

Cur

Cur vis tibi fieri crudelior ipso dæmone ? Vellet ille mittere te deorsum, ac interficere, si ei liceret. Caue, ne illud velis, quod ipse; & ne illud cōtra te exequaris, quod ei propter te denegatur: caue, inquam, ne te occidas illo suadente, qui te occidere non audet: & considera, nihil commodi, nihilque laudis, tam apud Deum, quam apud homines; imò omne dedecus, perpetuamque ignominiam sibi comparasse, qui desperando sibi ipsis mortem consciuere. Qualem sibi inussit infamiam impius ille Iudas, qui desperando, secundum Augustinum, *Lib. hom. 50. hom. 27.* non tantum corpus suum, sed & animam suspendit? *Quod, inquit, Iudas fecit in corpore suo, hoc factum est in anima ipsius. Quomodo qui sibi collum ligant, inde se occidunt, quia non ad eos in-irat spiritus aeris huius: sic illi, qui desperant de indulgentia Dei, ipsa desperatione intus se suffocant, ut eos spiritus sanctus visitare non possit.*

G Denique, si suadeat dæmon de misericordia Dei desperare, obiice, & dic; *Magna est misericordia Dei, & propitiatio eius, Eccl. 10.* aut illud; *Quis adiciet narrare misericordiam eius?* Si dicas, misericordiam, & iustitiam esse diuina attributa æqualia: & sicut Deus nouit bonos remunerare, ita & malos punire. Respondeo, verè illa attributa in se esse æqualia, non autem quantum ad effectus; solet enim Deus frequentius, & copiosius nobiscum vti misericordia, quam iustitia. Nunquam dixit Christus, *Iustitiam volo*: & tamen clamat; *Misericordiam volo, Matth. 9.* non *volui*, sed *volo*: quasi dicat, si modò peccas, &

Tr 2 velis

velis pœnitere, ego quoque volo misereri. Malo enim misereri, quam punire. Ideo de seipso loquens non dixit; *Filius hominis venit perdere, & miserum facere, quod perierat: sed ait: Filius hominis venit querere & saluum facere, quod perierat. Matth. 19.* Vnde Augustinus, *Lib. medii. cap. 2.* istis piis verbis Deum alloquitur. *Tu factor omnium Deus, licet in cunctis operibus tuis sis mirabilis, mirabilior tamen crederis esse in operibus pietatis. Vnde de temetipso per quemdam servum tuum dixisti, miserationes eius super omnia opera eius. Et quasi de singulis loquentem, de universo populo tuo te dixisse confidimus: Misericordiam meam non dispergam ab eo. Nullum enim spernis, neminem abijcis, neminem perhorrescis, nisi forte, qui amens te exhorruerit. Exhorresces autem Deum, si de misericordia eius diffidas, atque ita de tua salute desperes. Precare igitur Dominum cum eodem Doctore, & humiliter dic: Certe non est in toto me, quod posset tolerare te. Miserere ne desperem, sed sperando respirem, Cap. 30.*

Non est desperandum de diuina misericordia, cum de illa sic quærat Psalmista: *Numquid misericordiam suam abscindet?* Psal. 76. quasi dicat, non. Vbi obseruandum est verbum illud, *abscindet*, quod indicat Deum filium misericordiæ, quod ab æterno texuit, nunquam præcidisse, sed continuatam beneficiorum suorum seriem absque vlla intermissione continuasse, & continuaturum in posterum. Quod Deus non vult abscindere, caue ne abscindatur à te; nūquam autem abscinditur, nisi desperatione. Sic illam abscidit Cain, dum

dum dixit : *Maiores est iniquitas mea , quàm ut veniam merear* , Genes. 4. vel , secundum translationem Lxx. Interpretum : *Maius delictum meum , quàm ut remittatur mihi* . Quæ verba omnes Patres interpretantes dicunt fuisse hominis planè desperantis de diuina misericordia . Sic etiam abscidit Iudas , dum laqueo se suspendit , ut iam diximus . Noli illos imitari , ne desperando abscindas , & abscindendo abscindaris à numero saluandorum .

Oppone etiam diabolo desperationem suggerenti , sacratissimum nomen IESV , illud deuotè inuocando : nam eo audito aufugiet . Quod autem plurimum valeat inuocatio illius sanctissimi nominis indicat Bernardus , *Serm. 5. in Cant.* ut alibi diximus . *Labitur* , ait , *quis in crimen ? Currit insuper ad laqueum mortis desperando ? Nonne si inuocet nomen vitæ , confestim respirabit ad vitam ?* Veniat itaque in cortum Iesus , & inde saliat in os . Inuocetur præterea Beatissima Virgo Mater Iesu , quæ est dæmoni terribilis velut castrorum acies ordinata . Vnde idem Bernardus , *Homil. 2. super Missus est* . Si criminum , inquit , immanitate turbatus , conscientie foeditate confusus , indicij horrore perterritus , barathro incipias absorberi tristitia , desperationis abyssu , Mariam cogita , Mariam inuoca : non recedat ab ore , non recedat à corde : ipsam sequens non deuias : ipsam rogans non desperas : ipsam cogitans non erras .

Recordare denique , quid tibi à Diuo Cypriano , *Serm. de cæna Dom.* dicatur , & videbis quid velit diuina benignitas , quidquid dicat humana

aut

aut diabolica malignitas. *In eodem, inquit, articulo temporis, cum iam anima festinat ad exitum, & egrediens ad labia expirantis emerferit, pœnitentiam clementissimi Dei benignitas non aspernatur: nec ferum est, quod verum; nec irreversibile, quod voluntarium, & quacunque necessitas cogat ad pœnitentiam, nec quantitas criminis, nec breuitas temporis, nec hora extremitas, nec vitæ enormitas, si vera contritio, si pura fuerit voluptatum mutatio, excludit à venia: & velit nolit Nouatus hæreticus, omni tempore Dei gratia recipit penitentes. Idem sentit Beatus Augustinus, Ser. 181. de temp. Nunquam, dicens, spernit Deus penitentiam, si ei syncerè & simpliciter offeratur. Noli tamen abuti diuina clementia, sed ad eam recurre cum humili fiducia.*

Cæterum, faxit Deus, vt hæc, quæ hæctenus scripsimus, tantam afferant legentibus consolationem, vt aliquis dicere valeat illud Ouidianum: *Ouid. 1. de Ponto.*

*Sic ego mente iacens, & acerbo saucius ictu,
Admonitus cœpi fortior esse tuo.
Etiam deficiens sic ad tua verba renixi,
Vt solet infuso vena redire mero.*

Laus, honor, & gloria Deo totius consolationis, qui consolatur nos in omni tribulatione nostra: ac B. V. M. consolatrici afflictorum.

F I N I S.

V E N E T I I S, M DC XLIII.

Sub Signo Mineræ.



Y. Proverbia

Psalm: 146. Laude Dominum in la-
nima: v. 3: Er erhebt sich nicht auf
für die, sein sein Mensch, die König zu
nicht, v. 4: Ich der Mensch ist
und das von: alle sein bezeugen
aller sein Anfang: v. 5: alle sein p-
der. totum.

item Psalm: 145: Erhalte mich, O
König, es nimm den Namen deines
in laudem. v. 9: Ich ist allgütig, und
erhöhet, in aller sein und
et per totum. v. 19: Er ist, was die
in Gottes Handlung bringe.

Psalm: 147: v. 1: Du der Herr dein
gibt, den König der Erde an-
in der Hand, in der Hand
item per totum

Psalm 148: v. 5: Die Welt der Herr
in der Hand, den er gebietet, so wird
v. 6: Er erhebt sein in der Hand
in der Hand, die sein nicht anders
in der Hand.

Psalm: 140: 1-4: In der Höhe
siedest du, Seltz in einem Kessel
u. du heuchelst in einem goldenen Gefäß.

Psalm: 36: 1-4: c. H. du heuchelst
u. machst mich und diese u. d. 8. p.

Psalm: 37: 1-4: Laber du in
dem Glauben, du wirst dich freuen
u. was ihm ganz wünschst. V. 5: Lobe
den Herrn in der Menge, und so
u. an, Lobe, er wird dich segnen.

Providentia plenissima, ibi etiam sit
mentis, cui malis accidat bonum p.

Psalm: 94: invitatori quotidiani.
Quoniam n^o repellat Dominus plebem
suam, quia in manibus suis sunt omnes ter-
rae, et altitudines montium
ipsi conspiciunt.

Psalm: Misericordia Domini in aeternum
cantabo, ~~misericordia~~ eius misericordia
enim Domini, plena est terra, et mise-
rationes eius super omnia opera eius.
convenit. cum Psalm: 145. v. 9. item
Sapient: 12. Eccles: 18. Psalm: 32. et 118.

De Proverbia
Pal: 131. Tu formasti me, et prescripsisti
mihi me manus tuas.

Item Psalm: 144. 103.

Psalm: 102. v. 20. 21.

In ff: foli 103. fully an piny vltim.

Psalm: 103: v. 31.

6-2-1



